

孤本元明雜劇

射柳垂丸	劉弘嫁婢	雲窗夢	病劉千	十探子
黃花峪	卓文君	冲漢子	靈芝慶壽	十長生
神仙會	賽嬌容	海棠仙	流星馬	王蘭卿
洞天玄記	太平仙記	獨樂園	僧尼共犯	臨潼關寶
伐晉興齊	孟母三移	吳起敵秦	樂毅圖齊	暗度陳倉
騙英布	衣錦還鄉	聚獸牌	大戰邳彤	定時捉將
捉彭寵	雲裏門	薛苞認母	桃園結義	單刀劈四寇
杏林莊	單戰呂布	三出小沛		

VISIT...

LANZAROTE
Caliente.COM



孤本元明雜劇

二



閼閼舞射柳捶丸記

元闕名

頭折

〔冲末耶律萬戶領小番上〕〔耶律萬戶云〕胡馬咆哮虜地寒。平沙漠漠草斑斑。兒郎驍勇多雄壯。趕趕威風鎮北番。某乃北番耶律萬戶是也。俺這番邦。兵強將勇。海闊山高。四時不辨秋冬。八節豈知歲月。夜觀北斗。便曉東南。每着皮裘。不知冷熱。一陣陣撲面黃沙。寒濛濛侵人冷氣。三春盡無桃杏。百里那得桑麻。四時亦無耕種。全憑搶虜爲家。某麾下番兵浩大。猛將英雄。馬肥人壯。不時在邊搶虜。今屯軍在延州。將各處進貢邀截下。某今下將戰書去。單搦大宋家名將出馬。與某交戰。別辨輸贏。方顯威風北虜強。密排劍戟進寒光。旗開馬到施驍勇。大宋英雄拱手降。〔下〕

〔韓魏公上〕〔云〕聖治無爲四海安。小臣何幸列鸞班。孜孜奉國忠良志。草寇賊兵透膽寒。老夫姓韓名琦字稚圭。乃相州人氏。嘉祐中某年二十進士及第。當時太史官奏曰。日下五色雲現。是以朝廷將老夫重任。累遷授以平章。次後拜相。聲揚貫滿四方。歐陽脩云。老夫臨大節。決大事。垂紳正笏。不動聲色。而措天下如泰山之安。謂之社稷之臣。老夫自笑。正所謂聲聞過實。君子恥之。皆賴聖人在位。天下太平。頗奈北番虜寇無禮。侵犯邊境。某想虜寇乃是蜉蝣撼大樹。可笑不

自量。今奉聖人的命。着老夫傳與八府宰相范仲淹等。舉名將一員。疾去剿除賊寇。若得勝回還。加官賜賞。我想那匈奴鼠竊豈堪論。選將驅兵統大軍。若到邊庭揮劍戟。管教頃刻定煙氛。〔下〕

〔范仲淹領祇從上〕〔云〕博覽羣書貫九經。鳳凰池上敢崢嶸。殿前曾獻昇平策。獨占鰲頭第一名。老夫姓范名仲淹字希文。祖居汾州人氏。後徙蘇州。居住吳縣。幼習儒業。頗通經史。一舉進士及第。隨朝數載。孜孜忠孝。耿耿正直。聖人可憐。官拜兵部尚書。正授天章閣大學士之職。方今四海晏然。黎民樂業。頗奈鴈門關耶律萬戶無禮。此人不遵天命。侵犯邊境。不時出沒。搶虜各處進貢之物。聖人大怒。着老夫在此省堂。聚會八府商議。舉將興師。剿除賊寇。令人門首覷者。衆官人每若來。報復我知道。〔祇從云〕理會的。〔呂夷簡上〕〔云〕調和鼎鼐理陰陽。兩手揩磨日月光。判斷山河揮翰墨。權衡秉政輔朝綱。小官姓呂名夷簡。幼習文墨。博覽羣書。聖經賢傳。無不通曉。一舉成名。官拜大司徒之職。方今聖人在位。四海咸寧。八方無事。真乃太平之世。小官今日正在私宅看書。祇從人來報。范天章大人。在於省堂。會俺衆官議事。須索走一遭去。可早來到也。令人報復去。道有呂夷簡來了也。〔祇從云〕理會的。〔做報科〕〔云〕報的大人得知。有呂夷簡來了也。

〔范仲淹云〕有請。〔祇從云〕理會的。有請。〔見科〕〔呂夷簡云〕大人。今日喚小官來有何事商議。

〔范仲淹云〕大人少待。文彥博來時。報復我知道。〔文彥博上〕〔云〕龍樓鳳閣九重城。新築沙堤。

宰相行。我貴我榮。君莫羨。十年前是一書生。小官姓文名英字彥博。本貫西川人也。自幼以文墨爲事。科場一舉。名中三魁。累蒙遷轉。謝聖人可憐。官拜大司空之職。正在書房中閑坐。祇從人來報。有范天章學士有請。須索走一遭去。可早來到也。令人報復去。道有文彥博來了也。〔祇從云〕理會的。〔做報科〕〔云〕報的大人得知。有文彥博來了也。〔范仲淹云〕有請。〔祇從云〕理會的。有請。〔文彥博做見科〕〔云〕大人。小官來了也。〔范仲淹云〕大人少待片時。衆位官人來全時。有事計議也。〔淨扮葛監軍上〕〔云〕我做將軍出醜。平生則會喫酒。若還上陣廝殺。跳下馬來便走。某姓葛名監軍字監軍。我文講趙錢孫李。一口氣直念到周吳鄭王。演武善能平定天下。直舞到表正萬邦。因我文武雙全。官拜監軍之職。我一生不尙文翰。專則好飲酒耍笑歡樂之事。正在捲棚內鬪鷓鴣。有范天章學士令人來請。不知有甚事。須索走一遭去。來到也。令人報復去。道有葛監軍老大人至此也。〔祇從云〕理會的。〔做報科〕〔云〕報的大人得知。有葛監軍在於門首。〔范仲淹云〕着他過來。〔祇從云〕理會的。着過去。〔葛監軍做見科〕〔云〕老先生恕罪。劍甲在身。不能施禮。若還施禮。我就是蝦蟆養的。〔范仲淹云〕葛監軍且一壁有者。等衆官來全了時。有事商議。令人門首覷者。等衆官來時。報復我知道。〔祇從云〕理會的。〔陳堯佐上〕〔云〕謹侍朝廷爲宰輔。鼎鼐調和理庶民。心無邪僻行直正。封妻蔭子顯家門。小官姓陳名堯佐字希元。西川閬州人氏。

父乃陳省華。嚴法教子。小官攻習孔孟之籍。學成五經之典。到於帝都闕下。一舉狀元及第。隨朝數載。謝聖恩可憐。加小官爲翰林院大學士之職。今有范天章奉聖人的命。在於省堂。會俺八府衆官。不知有甚事商議。小官在此等候。唐御史一同見大人去。這早晚敢待來也。〔正末扮唐介上〕〔云〕小官姓唐名介字子方。祖居江陵人也。幼習經史。自中甲第以來。累蒙擢用。今謝聖恩可憐。官封御史之職。早間奉聖人的命。着俺衆官都到省堂。不知有甚事。須索走一遭去。〔做見陳堯佐科〕〔陳堯佐云〕呀呀呀。唐大人。今有范天章奉聖人的命。在於省堂。會俺八府衆官。不知有甚事商議。小官在此等候。一同見大人去。小官想來。俺爲臣者。要謹侍朝廷。忠於君王。孝於父母。治國齊家。言行忠信。直正公勤。調和鼎鼐。變理陰陽。於民有益。潤國有功。扶持聖主。便是俺爲臣者。補報皇恩也。〔正末云〕陳大人。想爲臣者。方信道掌條法正天心順。治國官清民自安。〔唱〕

堅意保皇朝。〔正末唱〕

〔仙呂點絳脣〕宰臣每變理陰陽。聖朝卿相。一箇箇忠君上。立國安邦。扶持萬載山河壯。〔陳堯佐云〕當今聖人治世。德化千邦。萬國進貢。內外文臣武職。端的是赤心扶聖主。
〔混江龍〕文臣武將。申明教化振綱常。文臣每扶持社稷。武將每肅靖邊疆。常則要守法奉公理庶民。屏邪除佞進忠良。見如今明君治世乾坤旺。〔陳堯佐云〕

當今聖人孝治天下。臣幸良賢。堅剛節操。秉性忠直。端的是秋毫無所犯。直正坐都堂也。〔正末唱〕俺若是一心行正。落一箇萬古名揚。〔陳堯佐云〕說話中間。可早來到也。左右人報復去。道有

唐介陳堯佐在於門首。〔祇從云〕理會的。〔做報科〕〔云〕報的大人得知。有唐介陳堯佐在於門首。〔范仲淹云〕道有請。〔祇從云〕理會的。有請。〔正末陳堯佐同見科〕〔正末云〕老相公衆官人勿罪也。〔陳堯佐云〕老相公會俺八府衆官。有何事商議也。〔范仲淹云〕您衆官人每都來了也。老夫非爲私事。奉聖人的命。爲因直北鴈門關外。有一人。乃是耶律萬戶。見今手下有數十萬雄兵。此人虎視羣雄。侵擾邊境。他不從俺調。今要統兵征伐。爭奈此人英雄難敵。十分利害。奉聖人的命。着老夫會您衆官商議。可保舉那一員上將。收捕虜寇去。您衆官人可以深思也。〔正末唱〕

〔油葫蘆〕則說那虜寇軍兵似虎狼。端的是難堵當。〔范仲淹云〕說此人英雄赳赳。狀貌堂堂。十分驍勇也。〔正末唱〕你道他雄威赳赳。氣昂昂。見如今無名草寇侵邊上。他正是撩蜂剔蝎將殘生喪。〔范仲淹云〕今日會您衆官。可保那一員名將。收捕草寇去也。〔正末唱〕今日箇會衆官。這件事要主張。如今這英雄中選一箇元戎將。則要他擒賊首。伏戎羌。〔范仲淹云〕若保舉那一員名將。擒拏了草寇。自有重賞加官也。〔正末唱〕

〔天下樂〕那其間廕子封妻請重賞。則這元也波戎。他將那金印掌。蕩征塵滿。

野迷日光。擁旌旗。排隊伍。統戈矛。擺戰場。穩情取掃殘胡一陣亡。〔葛監軍云〕衆老大兒。我道是誰。原來是虜寇耶律那箇小畜生。我擒拏他。有如撲蒼蠅一般。量他有何難哉。您衆官人每也不必計較。也不必保舉人。我拏耶律萬戶。走一遭去。〔呂夷簡云〕住住住。葛監軍等。俺衆官人再做商議也。〔正末云〕葛監軍。可不道將在謀而不在勇。自古用將非輕。須用大臣保舉。豈可自薦。〔葛監軍云〕我說虧你還做管事的人哩。且休說我刀馬武藝。我見今爲監軍之職。我倒不合去。倒舉別人去不成。〔正末云〕監軍。豈不聞楚漢爭鋒時。沛公手下名將數十員。皆不得掛印登壇。直待蕭何舉薦韓信。方拜爲帥。遂能破楚興劉。監軍。聽我說與你者。〔唱〕

〔哪吒令〕想當日指鴻溝。沛公和那霸王。運籌策。有范增共子房。驅鐵騎。有周勃項莊。〔云〕想韓信在項羽手下。不得意時。〔唱〕則做的箇執戟郎。他難施展江湖量。他因此上背暗。可便歸降。〔葛監軍云〕昔日韓信三薦登壇。不是我誇口。那箇若薦我一薦。我

連缸都蹬起來。〔正末云〕想韓信在沛公手下。沛公不識韓信。韓信夤夜私奔也。〔唱〕

〔鵲踏枝〕若不是漢蕭相。舉賢良。不是他三薦登壇。怎能穀建節封王。〔云〕到後來韓信成了功呵。〔唱〕逼的一箇楚重瞳。至陰陵路上。他掣龍泉自刎烏江。〔范仲淹云〕葛監軍。便好道欲解倒懸之厄。須仗希世之才。今虜寇侵擾邊境。須憑良將征之。您衆官務

要保舉得力之人。攻拒草寇。平定寰區也。〔葛監軍云〕老大人最是箇聰明尙斯文的人。且休說我的人材貌相。若論我腹中的兵書。委的有神鬼不測之機。有捉鼠拏貓之法。我曾一箭射殺一箇癩蝦蟆。一槍扎死一箇屎蜣螂。憑着我這麼手段。量那虜寇。打甚麼不緊。〔范仲淹云〕唐相公。聖人着您八府宰相。各人保舉破虜之人。您衆官在此。可端的保舉何人去也。〔正末云〕相公。小官舉一人。乃是婁宿太尉之子。完顏女直人氏。小字延壽馬。此人驍勇。膽略過人。善能騎射。先帝手中。待罪在雲中歇馬。他手下有十萬精兵。若得延壽馬來。覷草寇。一鼓而下。有何難哉。〔范仲淹云〕唐相公。你說延壽馬驍勇過人。未知此人那刀馬武藝。相持對壘如何。你說一遍。我試聽者。〔正末云〕此人寸鐵在手。有萬夫不當之勇。〔唱〕

〔寄生草〕他端的能征戰。有膽量。他覷那三層鹿角如平蕩。你看那七重圍子直冲撞。他去那千軍隊裡尋賊將。〔淨云〕雖然他會武藝。他是箇待罪歇馬的人。又無甚麼官職。他怎生掌的兵權。〔正末唱〕你道閑身怎敢掌兵權。可不道皇家選用忠良將。〔淨云〕你無分曉。我爲監軍。你倒不保我。倒保延壽馬。他怎生破的草寇。對着八府在此。那延壽馬破不的耶律萬戶。他去不的。〔呂夷簡云〕住住住。唐侍御。葛監軍道延壽馬去不的。他是監軍。他當去。如今怎生着。侍御保延壽馬爲先鋒。葛監軍爲合後。怎的如何。〔正末云〕既然這般。葛監

軍你爲合後。延壽馬爲先鋒。你兩箇都到鴈門關取齊。則要你得勝而回。〔范仲淹云〕既是這般呵。等取回延壽馬來時。老夫自有主意。〔陳堯佐云〕小官有。〔范仲淹云〕你今爲使命。休避驅馳。直至雲州。宣命延壽馬去。將他在前罪犯。盡皆饒免。復還他舊職。就領他手下十萬雄兵。與參謀使李信便赴京師。破虜之後。再有賜賞加官。則今日便索長行。老夫目今便去奏知聖人也。〔陳堯佐云〕小官理會的。〔正末云〕陳相公。國家用人之際。你不避驅馳。便索登程也。〔陳堯佐云〕相公。小官既爲人臣。當以盡力。豈辭勞倦。〔正末唱〕

〔尾聲〕則今日齋聖勅出皇都。馳驛馬須行上。直至那雲州地方。說與那延壽馬將軍疾便往。〔范仲淹云〕着延壽馬與參謀使李信。便赴京師。〔正末唱〕命參謀轉運軍糧。他若是領兒郎。擺列着闊劍長槍。恁時節得勝也。鞭敲金鐙響。〔范仲淹云〕他若破虜之後。自有重賞封官。〔正末唱〕穩情取封官重賞。不枉了我舉賢才的當。〔云〕若得了勝呵。〔唱〕那其間衣錦却還鄉。〔下〕〔陳堯佐云〕小官則今日辭別了老相公。出的這門來。不敢久停久住。將着宣詔帥印。直至雲州。取延壽馬。走一遭去。奉命承宣離玉塔。雲州去取棟梁材。小官若見延壽馬。不分星夜赴京來。〔下〕〔葛監軍云〕老大兒恕罪。若取回延壽馬來。我和他比試武藝。纔見我老葛手段。我出的這門來。左右將馬來。我往私宅中跑一遭去。我做元戎實

有才堪宜掛面虎頭牌。擒住虜寇不輕放。按着鼻子咬他腿。〔下〕〔范仲淹云〕陳堯佐去了也。若宣回延壽馬來。老夫自有箇主意。回聖人話。走一遭去。昔日常何薦馬周。蕭何施計舉韓侯。勦除胡虜干戈定。朝見天顏拜冕旒。〔同呂夷簡文彥博下〕

第二折

〔李信領卒子上〕〔李信云〕泰山頂上刀磨缺。北海波中馬飲枯。男子三十名不立。枉作堂堂大丈夫。某乃延壽馬將軍手下參謀李信是也。某幼通二典。廣覽三謨。長而號令精嚴。深得行兵之策。佐於元帥手下。俺元帥鋪謀運智。對壘迎敵。千戰千勝。萬夫難當。今元帥手下有十萬雄兵。因得罪在靈州歇馬。俺元帥自從到此。每日則是操兵練士。演習弓馬。今日元帥巡綽邊境。〔趙校補校領二字〕去了。着某看守着營寨。小校轅門首覷者。但有一應軍情事。報復與我知道。〔卒子云〕理會的。〔正末扮延壽馬上〕〔云〕自家完顏女直人氏。小字延壽馬。乃婁宿太尉之子。幼習先王典教。後看韜略遁甲之書。十八般武藝。無有不拈。無有不曾。爲某累建奇功。襲先父之職。因爲有過。在這靈州立功。已經數載。今日領着衆兒郎每巡邊境而回。想俺爲將者。〔唱〕

〔南呂一枝花〕則要他黃公三略習。將呂望六韜記。擺順天八卦蓋。列五運轉光旗。赳赳雄威。齊臻臻東西隊。密匝匝前後圍。錦衣郎槍掛珠璣。繡襖將旛懸。

畫戟

〔梁州〕響璫璫。鑼鳴金鏡。撲瑟瑟。鼓響征鼙。英名久鎮雲州地。端的是人如猛獸。馬似狻猊。弓開玉靶。箭發金鉞。衆兒郎將武藝溫習。怕朝廷重用當爲。一時間虎倦龍疲。憑着我運籌策。領將驅兵。辨風雲。武藝對壘。憑着我入門陣。廝殺相持。端的委的花根本。艷存苗裔。延壽馬有名器。輩輩爲官。享重職。顯耀光輝。

〔云〕可早來到也。左右接了馬者。報復去。道有延壽馬來了也。〔卒子云〕理會的。〔做報科〕〔云〕報的參謀得知。有元帥來了也。〔李信云〕元帥來了也。我索迎接去。〔做迎接正末科〕〔云〕元帥有請。元帥鞍馬上勞神。〔正末云〕參謀守寨不易也。〔李信云〕元帥請坐。小校轅門首覷者。看有甚麼人來。〔陳堯佐冲上〕〔云〕小官陳堯佐。奉聖人的命。前往雲州。宣延壽馬爲破虜寇元戎。小官行了數日。來到雲州。帥府門首。左右接了馬者。令人報復去。道天朝使命至此。〔卒子云〕理會的。〔做報科〕〔云〕報的元帥得知。有天朝使命至此也。〔正末云〕有使命至此。小校裝香來。我索接待去。〔做接科〕〔陳堯佐見正末科〕〔云〕延壽馬望闕跪者。聽聖人的命。將你那在前過犯。盡皆饒免。復還舊職。今有塞外耶律萬戶作叛。邀截貢獻。侵犯邊疆。意欲命將出師。誅勦此賊。趙校趙校似誤似誤。有八府宰相唐介。舉汝爲帥。卽與參謀使李信。星夜赴京。領受敕印。向前征勦。你謝了恩。

者〔正末云〕感謝聖恩。〔見科〕〔陳堯佐云〕據將軍如此雄威。覬草寇何足道哉。〔正末云〕想某到此歇馬。可早數年光景也。今日差小官征勦耶律萬戶。打聽得此人好生英勇。只怕小官近不的他。〔唱〕

〔四塊玉〕則說他有見識。則說他多智謀。〔陳堯佐云〕將軍有伊呂之才。管樂之術。憑着你手下將勇兵強。無人可及。〔正末唱〕你道我將勇兵強有誰及。爭奈待罪犯歇馬在這雲州地。〔陳堯佐云〕據將軍文武高強。智勇並行。手下軍校。人人敢勇。箇箇當先。誰人可敵。〔正末唱〕小官可也武藝低。手下可也軍校微。〔陳堯佐云〕將軍掛了元戎印者。若是遲誤。便抗違宣勅也。〔正末唱〕我怎敢道違宣勅。〔陳堯佐云〕將軍與參謀使李信。領你手下十萬雄兵。休避驅馳。便索長行也。〔正末唱〕

〔哭皇天〕既宣詔誰敢相迴避。今日箇便登程。須索把軍校齊。元帥印忙掛上。傳號令您聽者。指日把胡巢淨洗。說與那參軍副帥。合後先鋒。支撥隊伍。調遣軍卒。對陣處喧天吶喊。鑼鼓聲催。顯的俺這大將軍大將軍有八面威。擺列着戈矛斧鉞。更和這槍刀劍戟。

〔烏夜啼〕俺這裡人強馬壯英雄隊。擺列着雜彩征旗。陣雲高塵土遮天日。頭

戴金盔。身掛唐猊。勦除了殘胡小醜。逆天賊。托賴着聖明君洪福。同天地。直趕到沙陀地。把那廝生擒斬首。穩情取得勝而回。〔陳堯佐云〕將軍。你若到於京師。見了聖人。領兵拒敵。則要你赤心報國。竭力盡忠。若破了虜寇。得勝而回。那其間凌煙閣上。標名。丹鳳樓前。畫影。書入青史。萬代流傳。古今不朽也。〔正末云〕大人。想俺爲臣者。當以盡忠報國也。〔唱〕

〔尾聲〕誰敢望麒麟閣上標名諱。我則待狼虎叢中決勝敵。平定了沙陀將大功立。托當今聖德。把匈奴每淨洗。博一箇萬代名揚。恁時節喜。〔同李信下〕〔陳堯佐云〕延壽馬去了也。此人但若領兵。必然破了虜寇。小官回聖人話。走一遭去。全憑三略運機謀。爲大帥統領戈矛。勦除了匈奴賊寇。受皇恩拜相封侯。〔下〕

楔子

〔范仲淹同文彥博呂夷簡爲監軍領祇從上〕〔范仲淹云〕變理陰陽爲輔弼。調和鼎鼐理鹽梅。忠肝義膽扶王業。立國安邦作柱石。老夫范仲淹是也。今因虜寇作亂。侵擾邊庭。唐介侍御。舉薦延壽馬。已着陳堯佐中書。直至雲州。宣延壽馬回朝。至今尙不見到。令人門首覷者。來時報我知道。〔祇從云〕理會的。〔正末同陳堯佐李信上〕〔正末云〕小官延壽馬是也。蒙聖恩着陳中書取俺爲將。離了雲州。行了旬日。已到了京師。參謀使把軍馬屯紮城外。暗見大人去來。〔陳堯佐云〕

將軍俺離了雲州。來到京師相府門首也。左右接了馬者。令人報復去。道有陳堯佐宣延壽馬回還也。〔祇從云〕理會的。〔做報科〕〔云〕報的大人得知。有陳堯佐宣延壽馬回還也。〔范仲淹云〕語未懸口。果然宣至了也。道有請。〔祇從云〕理會的。有請。〔做見科〕〔陳堯佐云〕大人。小官宣延壽馬回京也。〔范仲淹云〕久聞將軍雄才大略。弓馬熟閑。有萬夫不當之勇。千戰千贏之力。真爲世之虎將。〔正末云〕大人。據小官才輕德薄。智窮量淺。何足掛念。〔范仲淹云〕將軍。宜你來不爲別事。今有虜寇耶律萬戶。侵犯邊庭。無人可敵。延壽馬。你望闕跪者。聽聖人的命。將你在前的過犯。盡皆饒免。復還舊職。着你爲前部先鋒。爲監軍爲合後。統領人馬。在鴈門關取齊。征伐虜寇。着參謀李信。領兵截殺。則要您奮勇當先。得勝而回。另有加官賜賞。望闕謝了恩者。〔正末云〕感謝聖恩。大人。某觀虜寇有如翻掌。量他何足道哉。〔唱〕

〔賞花時〕我這裡深謝皇恩擢用臣。量這箇愚魯村夫有甚能。〔范仲淹云〕將軍有管仲之才。穰苴之略。〔正末唱〕將我似田穰苴的。量看承。謝你箇舉賢才的晏嬰。〔范仲淹云〕將軍。則要你馬到成功也。〔正末云〕大人放心。〔唱〕將醜虜生擒住。獻入這帝都城。〔下〕〔葛監軍云〕延壽馬去了也。衆位大人恕罪。我則今日擒拿虜寇去。我出的這門來。大小三軍。聽吾將令。則要你人人爭戰。箇箇胡纏。刀劍出鞘。弓弩上絃。捨命廝殺。都要當先。憑着相貌。

英雄能戰討。舞劍輪槍世上少。兩陣之間若還輸。夾着綿羊望家跑。〔下〕〔李信云〕葛監軍去了也。某領兵截殺。走一遭去。因虜寇侵擾邊庭。遣英才統領雄兵。施謀略相持對壘。穩情取得勝還京。〔下〕〔范仲淹云〕延壽馬去了也。憑着此人智勇謀略。量虜寇何足道哉。小官不敢久停久住。回聖人話。走一遭去也。調和鼎鼐文官職。統領貔貅武將能。文武齊心盡忠孝。不信江山不太平。
〔同文彥博呂夷簡下〕

第三折

〔耶律萬戶領小番上〕〔萬戶云〕番番番。地惡人毒。〔毒字不叶似當作毒字〕騎劣馬。坐雕鞍。飛鷹走犬。野水青山。俺這裡渴飲羊酥酒。饑餐鹿脯乾。鳳翎箭手中常撚。寶雕弓背上斜彎。林前酒醉胡旋舞。丹青寫入畫圖間。某乃耶律萬戶是也。某手下有雄兵百萬。戰將千員。屯軍在居延川。近聞延壽馬與葛監軍領兵前來。與某交戰。量他到的那裡。小番與我喚將阻李党項二將來者。〔小番云〕理會的。阻李党項安在。〔一淨扮阻李党項上〕〔阻李云〕我做番官實希詔。陣前對手聞吾怕。打圍不會射獐狍。則好水中撈蝦蟆。某乃阻李是也。〔党項云〕我做番將有名聲。六韜三略不曾聞。本待發心吃齋去。則是無處買麵巾。某乃党項是也。俺二人在耶律萬戶手下爲將。騎不的劣馬。不好扯硬弓。聽的厮殺。拽起衣服。往帳房裡則一溜煙。昨日巡邊境去。拏住一箇偷老鼠的。今日耶律

萬戶呼喚。不知有甚事。俺見萬戶。走一遭去。〔党項云〕可早來到也。小番報復去。道有俺二將來了也。〔小番云〕理會的。〔做報科〕〔云〕報的元帥得知。有阻李党項來了也。〔萬戶云〕着過來。〔小番云〕理會的。着過去哩。〔二淨做見科〕〔党項云〕喚俺二將。那廂使用。〔萬戶云〕喚您二將來。別無甚事。今有延壽馬與葛監軍領兵前來。與俺交戰。撥與你二將三千番兵。你爲前哨。與葛監軍相持去。則要你小心在意者。〔阻李云〕得令。俺二將奉元帥將令。領三千番兵。與延壽馬葛監軍迎敵。走一遭去。大小番將。聽我發放。人人戴七頂頭盔。〔党項云〕傻廝也。七頂頭盔。可怎麼戴。〔阻李云〕我兒也。你那裡知道。七頂頭盔戴起來。他那邊看見好長漢。那人人戴七頂頭盔。把那鎖子甲連環甲柳葉甲匙頭甲八九層披在身上。〔党項云〕八九層甲。傻重的。可怎麼披。〔阻李云〕你不知道。好遮箭。我騎一匹撒因的抹鄰。衆小番都騎獼象。把旛杆當做長槍。沒傍牌。就是臉上。也不怕射了鼻子。也不怕射了眼眶。瞎了眼。倒是乾淨省的。也算做一員上將。到來日。領番兵敢戰征夫。〔党項云〕全無那智勇機謀。〔阻李云〕不會騎撒因抹鄰。〔党項云〕也不會弩門速門。〔阻李云〕好米哈喫上幾塊。〔党項云〕打刺孫喝上五壺。〔阻李云〕莎塔八了不去交戰。〔党項云〕殺將來牙不牙不。〔下〕〔萬戶云〕二將去了。某領本部下人馬。直至鴈門關。與延壽馬葛監軍相持。走一遭去。大小番兵。聽某將令。說與那能征好戰的番官。捨死忘生的家將。

一箇箇腕懸着虎爪狼牙棒。沙魚皮鞘插鴈翎刀。明晃晃耀日爭光。背靜處老小安營下寨。野陀赤手牽着駱駝。必赤赤懷揣着文簿赤五色石。手架着蒼鷹。里列馬赤口傳着將令。都是那能征敢戰的北番軍。捨死忘生沙寨子。馬壯人強。隊伍齊猛。風吹颭皂雕旗。驅兵領將侵邊境。不到中原誓不回。〔下〕〔葛監軍上〕〔云〕某乃葛監軍是也。領兵到鴈門關外。會合延壽馬一同征進。那延壽馬的軍馬不見到。俺整頓軍馬先殺他一陣。奪箇頭功。却不好麼。擺開陣勢。塵土起處。早有番兵來也。〔阻李党項驪馬兒領番兵上〕〔阻李云〕某乃阻李是也。這箇是我姪兒党項。俺二人奉耶律萬戶將令。同領三千番兵。與延壽馬葛監軍交戰。走一遭去。把都兒與我擺開陣勢。兀的不是天朝人馬來了也。〔做見科〕〔阻李云〕來者何人。趁早下馬受降。但道箇不字。我都哈刺兒了。〔葛監軍云〕某乃大將葛監軍是也。你來者何人。〔阻李云〕俺二將不是別人。某乃耶律萬戶手下阻李党項是也。你敢與某交戰麼。〔葛監軍云〕這厮說大言。小校操鼓來。〔做戰科〕〔阻李云〕看了這虎剌孩武藝。委實高強。俺兩箇夾着馬跑了罷。〔同党項番兵下〕〔葛監軍云〕這厮近不的某走了也。看北番家有何名將出馬。〔耶律萬戶驪馬兒領番兵上〕〔萬戶云〕某乃耶律萬戶是也。大小番兵。擺開陣勢。來者何人。〔葛監軍云〕某乃行不更名。坐不改姓。則我便是大將葛監軍。你來者何人。〔萬戶云〕我便是耶律萬戶。量你何足道哉。你敢與某交戰麼。〔葛監軍云〕

交戰麼。我來和你耍來了。我和你決戰九千合。小校操鼓來。〔做調陣科〕〔葛監軍云〕我近不的他。走走走。〔下〕〔萬戶云〕這廝走了也。遠遠的一彪軍馬來了。〔正末躍馬兒同李信領卒子上〕

〔正末云〕大小三軍擺開陣勢者。〔唱〕

〔越調鬪鶴鶩〕戰鼓聲催。三軍布擺。發喊連天。遮籠日色。憑着俺將勇兵強。威風氣槩。施戰韜。顯妙策。急颺颺。雜彩旗搖。明晃晃。槍刀器械。〔李信云〕將軍。俺這一

場征伐醜虜。不弱如古之名將。排兵布陣也。〔正末唱〕

〔紫花兒序〕不弱如秦白起。坑卒破趙。不弱如燕樂毅。奮勇收齊。不弱如唐李愬。雪夜平淮。〔李信云〕將軍。俺統大勢雄兵。當與皇家出力也。〔正末唱〕我如今掌兵權掛印。蒙聖主親差。誰敢道是推捱。我若是破不得賊兵和姓改。憑着俺威風勢大。托賴着聖主洪巍。穩情取將虜寇擒獲。〔萬戶云〕來者何人。〔正末云〕我乃大將延壽馬是也。你是何人。〔萬戶云〕我乃耶律萬戶是也。恰纔你那葛監軍。被某殺敗了也。量你何足道哉。

〔正末云〕這廝好無禮也。衆將操鼓來。〔做調陣科〕〔唱〕

〔調笑令〕喝一聲陣開。好着我怒盈腮。好着我怒盈腮。呀。不刺刺一騎征驄走到來。則見他橫槍驟馬將咱搦。你更怕我力盡筋衰。〔萬戶云〕兀那延壽馬。量你那武

藝到的那裡。及早下馬受降。免你一死。〔正末唱〕我將這合扇刀舉起劈他腦蓋。我教你目前見橫禍非災。

〔禿廝兒〕撲瑟瑟征鼙鼓凱。響璫璫助陣鑼篩。見征塵蕩蕩雲霧靄。我看你怎生捱。可便支剗。

〔聖藥王〕我將這猿臂舉。驟征驍。撞滿懷。把鋼刀舉起。覷箇明白。他可便難措手。忙架解。四下廂軍兵滿野暗伏埋。着去則一箭。生射下那廝戰鞍來。〔做射死耶律萬戶科〕〔李信云〕將軍是好武藝也。則一箭射死耶律萬戶。一來托賴聖人洪福。二來是將軍之功能也。〔正末云〕射死了耶律萬戶也。衆軍校跟隨着某。追殺那敗殘軍去來。〔唱〕

〔尾聲〕今日箇感吾皇恩。福齊天大。殺的他遍野屍山血海。今日箇破草寇得功回。聖明主永掌山河萬萬載。〔同李信下〕

第四折

〔外扮范仲淹領祗從人上〕〔范仲淹云〕胸中志氣凌霄漢。腹內詩書貫斗牛。老夫范仲淹是也。今爲唐學士舉薦延壽馬。與耶律萬戶交戰去了。有飛報前來。被延壽馬大破虜寇。得勝回京。奉聖人的命。今日是五端午誕賓節令。御園中一來犒勞三軍。二來設一太平筵會。衆官慶賀。誕

賓節令。都要打毬射柳。安排筵會已完備了。祇從人門首觀者。衆官人每來時。報復我知道。〔祇從云〕理會的。〔呂夷簡文彥博陳堯佐上〕〔呂夷簡云〕萬卷詩書。遵孔孟。一襟清氣溢乾坤。小官呂夷簡是也。因爲延壽馬破了耶律萬戶。得勝回京。奉聖人的命。時遇五月。製賓節令。都要打毬射柳。宴賞太平之世。可早來到也。令人報復去。道俺衆官來了也。〔祇從云〕理會的。〔做報科〕〔云〕報的大人得知。有衆宰相每來了也。〔范仲淹云〕道有請。〔祇從云〕理會的。有請。〔做見科〕〔呂夷簡云〕呀呀呀。大人。俺衆官人每來了也。〔范仲淹云〕衆大人每來了也。老夫奉聖人的命。因爲延壽馬破了耶律萬戶。今設一太平宴。等延壽馬與葛監軍來。論功行賞。令人門首觀者。若來時報復我知道。〔祇從云〕理會的。〔淨葛監軍上〕〔云〕我做將軍。實是能。累經惡戰。建奇功。但若廝殺腰便轉。聽的相持肚裡疼。某葛監軍是也。因爲耶律萬戶作亂。奉聖人的命。差某同延壽馬破耶律萬戶去。南無阿彌陀佛。天尊。不瞞天地說。論我的那武藝。那裡近的耶律萬戶。我和他交戰不過十合。被他殺的我碎屁兒直流。我便走了。後有延壽馬與他交戰。被延壽馬一鎖喉箭。射死了耶律萬戶。我如今到元帥府。則說是我射死了耶律萬戶來。橫豎我的面皮比他大些。這功勞都是我的。可早來到也。令人報復去。道有葛監軍得勝回還也。〔祇從云〕理會的。〔做見科〕〔云〕報的大人得知。有葛監軍得勝回還也。〔范仲淹云〕着他過來。〔祇從云〕理會的。着過去。

〔葛監軍做見科〕〔云〕衆老大兒每。某已來了也。有酒擎來我先打三鍾。然後猜枚行令耍子。
〔范仲淹云〕葛監軍你來了也。某奉聖人的命。今日會您衆官員在此。着老夫論功行賞。葛監軍
你去戰耶律萬戶。有何功勞。〔葛監軍云〕不是我老葛誇大言。到的鴈門關。見了耶律萬戶。我和
他戰二百合。不分勝敗。着我佯輸詐敗。那厮趕將來。被我一鎗喉箭射死了。得勝還營。有好打刺
孫擎兩碗來。與我解困。〔范仲淹云〕住住住。延壽馬將軍安在。〔葛監軍云〕你還問他哩。我則說
怎麼一箇好延壽馬。到的兩陣之間。着我一箭射死了耶律萬戶。不知他跑的那裡去。誰見他影
兒來。〔范仲淹云〕噤聲。你未來時。先有飛報。說你被耶律萬戶殺的大敗虧輸。却是延壽馬一箭
射死了耶律萬戶。你怎生說是你射死了他來。〔葛監軍云〕我若賴他的功勞。我就喫蜜蜂兒的
屎。我就是桃疙疸的兒子小桃疙疸兒。老大兒。本是我射死來。〔范仲淹云〕也憑不的你說。等
延壽馬來時。您二人自己對證明白。我着人請延壽馬去了。這早晚敢待來也。〔正末同李信上〕
〔正末云〕小官延壽馬是也。當日虜寇侵犯邊境。某與葛監軍領兵。到於彼處。將賊兵一鼓平收。
得勝班師。今有聖人的命。着范學士迎接設宴。犒勞衆將。幸遇蕤賓節令。聖人的命。在西御園設
一宴。名曰太平蕤賓宴。會有衆官員。都去射柳擊毬。小官須索走一遭去。〔唱〕

〔雙調新水令〕忻逢佳節滿皇都。賀端陽樂年歡助。則見那錦衣懸綵仗。繡襖

間公服。擺列着玉葉金簇。端的便屯滿御園路。〔李信云〕將軍可早來到帥府也。令人報復去。道某與延壽馬將軍來了。〔祇從云〕理會的。〔做報科〕〔云〕報的大人得知。有延壽馬同李參謀二位將軍來了。〔范仲淹云〕道有請。〔祇從云〕理會的。有請。〔做見科〕〔范仲淹云〕呀呀。二位將軍來了也。途路驅馳。老夫奉聖人命。在此御園中設一宴。與您論功行賞。時遇筵賓節令。着您大小官員。都要射柳打毬。將軍。你看這御園中景致。端的是榴花噴火。綠柳拖煙。紅紫芳菲。堪描堪畫。正好宴賞也。〔正末云〕大人。這御園中是好景致也。〔唱〕

〔喬牌兒〕我則見榴花恰噴吐。翠柳映微露。茸茸芳草生香浦。勝丹青如畫圖。

〔范仲淹云〕令人安排酒餚。與衆大人每。翫賞端陽。開懷暢飲。然後射柳擊毬。塔下有輪槍舞劍。耍棍打拳的人。喚幾箇來。筵前遣興。祇從人與我喚將那部署來者。〔祇從云〕理會的。部署安在。〔外扮部署領打拳打棍四人上〕〔部署云〕輪槍舞劍。顯高強。跌打全憑膂力剛。百藝精通天下少。名播寰區四海揚。自家是本處的部署。時遇五月筵賓節令。大人在西御園安排筵宴。喚俺去那裡跌打耍拳。衆徒弟每。跟着我見大人去來。〔做見科〕〔云〕大人。喚俺有何事分付。〔范仲淹云〕兀那部署。時遇筵賓節令。奉聖人的命。在此園中安排筵宴。與衆宰輔論功行賞。有能打棍打拳的。喚將出來。筵前服侍。〔部署云〕有。兀那幾箇打拳的教手每。上露臺來耍一會拳。服侍衆

位大人每〔衆做耍杆子打拳科〕〔打住〕〔打棍的打住〕〔范仲淹云〕看了這部署每打拳耍棍。真箇高強。您且回去罷。〔部署云〕理會的。衆徒弟每。俺服侍了大人每也。俺且回去來。〔下〕〔范仲淹云〕延壽馬將軍。想當日虜寇作亂。侵犯邊境。你與葛監軍。端的是誰射死耶律萬戶來。沒有憑據。您兩箇射柳打毬。若射着柳打過毬門的。這功勞都是他的。賜與他黃金千兩。香酒百瓶。錦袍一領。玉帶一條。還有加官賜賞。若射不着柳。打不着毬門。便是賴人功次。聖人賜與老夫勢劍金牌。着我先斬後奏。您衆官員都近前射柳。〔衆都射柳科了〕〔正末云〕相公。小官與他射柳。〔范仲淹云〕先着葛監軍射柳。看他武藝如何。〔葛監軍云〕老大人。這功勞本是我的。着我和他射柳。有何罕哉。耶律萬戶被我則一鎗喉箭射死了。量這箇柳枝打甚麼不緊。我覷他如捻爛杏而已。衆大人們。看在下射柳。〔做射箭科〕〔云〕着去。〔淨做射不着科〕〔范仲淹云〕葛監軍射不着柳也。你且在一壁有者。可着延壽馬射柳去。〔正末云〕該小官射也。左右將馬來。〔做上馬科〕

〔唱〕

〔鴈兒落〕錦標就地鋪。翠柳堦傍豎。則聽的簫韶彩仗擺。更和那鼓吹聲喧助。

〔云〕將弓箭來。〔唱〕

〔得勝令〕呀。我在這鞍上整彪軀。手內月彎弧。遠步馬通先路。則他那雙蹄口

內吐俺則辨箇贏輸。取勝如神助。〔做射柳中科〕〔云〕射中了也。〔唱〕柳中這金鏃。〔云〕監軍。〔唱〕我和你敢再賭。〔范仲淹云〕延壽馬射中了柳也。葛監軍你衆官可打毬門去。〔葛監軍云〕這箇可也不打緊。頭裡不干我事。是我這馬眼又把來走過去了。這打毬門。我從小裡可弄的熟。等我先打。〔衆做打毬門科〕〔葛監軍做打科〕〔云〕過去。〔做打不中科〕〔范仲淹云〕葛監軍又不打中也。延壽馬將軍。你打毬門去。〔正末云〕理會的。左右收了弓箭者。〔正末做打毬門科〕〔唱〕

〔川撥棹〕見花柳似錦模糊。賀粧賓如畫圖。彩索靈符。酒泛菖蒲。丹漆盤包金角黍。巧結成香艾虎。〔范仲淹云〕若還打過毬門的。聖人勅賜黃金千兩。香酒百瓶。錦袍玉帶。兀那軍士擺列的嚴整者。〔正末唱〕

〔七弟兄〕明晃晃擺着利物。齊臻臻列着這士卒。武將每一箇箇有機謀。施逞那武藝高強處。我恰纔穿楊射柳定贏輸。上雕鞍驟馬當先去。〔梅花酒〕呀。你可便看我結束頭巾砌珍珠。繡襖子絨鋪。鬧粧帶兔鶻。撲簌簌鼉鼓凱。骨刺刺錦旗舒。您可也衆稱許。款款的驟龍駒。輕輕的探身軀。杓棒起月輪孤。彩毬落曉星疎。彩毬落曉星疎。〔做打過毬門科〕〔唱〕

〔喜江南〕呀。我則見過毬門一點透明珠。見文武將盡歡娛。金銀玉帶共香醕。聖人便賜與。則願的萬年千載永皇圖。〔范仲淹云〕葛監軍射柳打毬。都在完顏將軍之下。那擒那耶律萬戶的功。端的是完顏將軍的了。你便更有何話說。〔葛云〕罷罷罷。我也不與他爭了。作了他的功罷。俺自先回去也。〔范仲淹云〕葛監軍靠後。延壽馬將軍你近前來。爲你射中了賊寇。殺退番兵。今日穿楊射柳。打過毬門。葛監軍爲你遇敵怯戰。賴人功賞。摘了牌印。罷了監軍。今日慶設筵宴。犒勞功臣。一壁廂歌兒舞女。大吹大擂。慶賞太平筵席。一壁廂動樂者。〔外動樂器舞科〕〔行酒科〕〔范仲淹云〕俺慢慢飲酒。看有甚人來。〔外韓魏公上〕〔云〕老夫韓琦是也。奉聖人的命。當日因虜寇侵邊。有八府宰相薦舉延壽馬爲帥。與參謀李信。領十萬大軍。到於彼處。將草寇一鼓平收。今日得勝班師。聖人大喜。命八府宰相設宴慶賞。又遣老夫到於御園中。與衆官加官賜賞。可早來到也。左右接了馬者。令人報復去。道有韓琦奉聖人的命至此也。〔祇從云〕理會的。〔做報科〕〔云〕報的大人得知。有韓琦老相公。奉聖人的命至此也。〔范仲淹云〕衆宰輔每。有韓大人奉聖命。與您加官賜賞。俺迎接大人去來。〔做迎接科〕〔范仲淹云〕呀呀呀。老宰輔。老夫有失迎接。望大人寬恕者。〔韓琦云〕衆大人恕罪。延壽馬望闕跪者。聽聖人的命。爲你統領雄兵。托賴主人洪福。旗開得勝。馬到成功。勦除匈奴。平定了醜虜。累建大功。今日加你爲

兵馬大元帥。俱向闕跪者。聽聖人的命。爲草寇叛背朝廷。遣二將出塞屯兵。延壽馬生擒上文已云射死生擒

二字疑誤耶律萬戶。唱凱歌得勝回營。你本是將門將種。運籌略建立功勳。加你爲兵馬大元帥。封三

代廕襲子孫。受誥命丹書鐵券。監字疑總之音誤忠義永輔當今。葛懷敏心藏奸計。駕虛詞圖賴功勳。臨

戰陣畏刀避箭。罷官職貶爲庶人。陳綱紀賞功罰罪。受黜陟同荷聖恩。（正末唱）

〔折桂令〕今日箇賀豐年錦綉皇都。（正末做拜科）〔韓琦云〕當今聖主。豁達大度。寬仁

厚德。萬民安樂。端的是千邦納貢朝仁主。一統乾坤永聖明。（正末唱）托賴着聖主寬仁。德勝

唐虞。（韓琦云）大將威嚴。平定醜虜。（正末唱）見如今四海安寧。千邦納土。一統車書。

（正末做拜科）〔韓琦云〕爲將者眠霜臥雪。多與皇家戮力。雖受了那百般苦楚。今日箇坐享千鍾。

（正末唱）俺則待盡良忠開疆展土。輔助着萬萬年鞏固皇圖。（正末做拜科）〔韓琦

云〕將軍孝當竭力。於國盡忠。落一箇青史標名。（正末唱）我如今秉笏披服。拜舞三呼。三

舞蹈頓首誠惶。讚明君懾伏的萬國降服。（同下）

題目 顯英才醜虜走邊疆

正名 閱閱舞射柳捶丸記

射柳捶丸穿關

頭折

耶律萬戶

狐帽 膝襴曳撒 毛襖 闊粧茄
袋 帶刀 撒袋弓箭 三髭髯

小番

練垂帽 虎兒班丟袖 貼裏 皮條茄袋 刀 韓魏公范

仲淹

兔兒角幘頭 補子 祇從 贊頂 圓領 呂夷簡 兔兒角幘頭 補子 文彥博 一字
圓領 帶 蒼白髯 項帕 搭膊 圓領 帶 三髭髯 一字

補子圓領

葛監軍 皮多簷帽 膝襴曳撒 掩心 陳堯佐 正末唐介 一字巾 補子圓
帶 三髭髯 甲 項帕 直纏 搭膊 劍 領 帶 三髭髯

第二折

李信

多簷帽 膝襴曳撒 袍 項帕 卒子 紅碗子盔 青布釘 正末延壽馬 四大巾
直纏 搭膊 帶 帶劍 三髭髯 兒甲 搭膊 劍 蟒衣

曳撒 比甲 闊 粧茄袋 鞭子髯 陳堯佐 前

楔子

范仲淹 文彥博 呂夷簡 葛監軍 祇從 前 正末延壽馬 陳堯佐 李信 前

第三折

耶律萬戶小番同前阻李党項練垂帽皮襖葛監軍卒子阻李党項小番又


上同前耶律萬戶小番正末延壽馬李信同前撒袋弓
躍馬兒

第四折

范仲淹祗從呂夷簡文彥博陳堯佐同前葛監軍正末延壽馬李信同前部署小帽

欄貼裏打拳四人小帽藍貼裡韓魏公同前
紫腕閃竿

內本與世本稍稍不同爲歸正之皆萬曆四十三年乙卯仲春念有
一日也清常道人



施仁義劉弘嫁婢

元闕名

楔子

〔冲末扮李遜抱病同旦兒春郎上〕〔李遜云〕腹中曉盡世間事。命裏不如天下人。小生姓李名遜。字克讓。祖居汴梁人氏。嫡親的三口兒家屬。渾家張氏。孩兒春郎。小生幼習儒業。今春應過舉。新除錢塘爲理。至望京店染起疾病。不能動止。我這病。覷天遠。入地近。眼見的無那活的人也。大嫂。你去熬口粥湯我食用。〔旦兒云〕理會的。〔下〕〔李遜云〕春郎將過卓兒來。將紙墨筆硯來。〔春郎云〕父親。卓兒紙墨筆硯俱在此。〔李遜云〕春郎。你看你母親熬粥湯去。〔春郎云〕理會的。〔下〕〔李遜云〕我爲甚支轉他子母二人。小生平日之間。與人水米無交。我倘若有些好歹。爭奈嬌妻幼子。歸於何處。使我切切在心。拳拳在念。我聞知洛陽有一人。姓劉名弘。字元溥。此人有疎財仗義之心。我如今脩一封書。等我身亡之後。着他子母二人。投奔劉弘員外。我寫這書者。李遜也。你怎生做那讀書的人。我與劉弘素不相識。這書上敘甚麼寒溫的事。則除是恁的。我仿春秋一莊故事。宰國臣與乞成子赴壁一事。白者是素也。我與他素不相識。紙者居也。正意的則是托妻寄子。劉弘員外是讀書的人。見其書解其意呵。收留他子母二人。若見其書不解其意呵。李遜也。也。

是我出於無奈。春郎喚你母親來。〔春郎同旦兒上〕春郎云：父親母親來了也。你放精細者。〔旦兒云〕員外。喝口粥湯兒者。〔李逵云〕大嫂。我那裡喫的粥湯。趁我這一回兒精細。分付您者。〔旦兒云〕員外。你有何言語囑付也。〔李逵云〕我若身死之後。您子母二人。將着這封書呈。直至洛陽。投奔劉弘伯父去。他見是我的書呈。必然收留您子母二人也。〔春郎云〕理會的。父親精細者。〔李逵云〕大嫂。春郎。我這病越沉重也。您扶着我者。便好道鳥之將死。其鳴也哀。人之將死。其言也善。一聲長嘆。淚凝眸。堪恨春郎志未酬。幼子嬌妻無所托。一封書信緊相投。孤窮李逵今朝喪。天使文人不到頭。屍骸未入棺函內。一靈先到洛陽遊。大嫂。春郎。我也顧不的你也。〔做死科〕
〔下〕〔旦兒同春郎做哭科〕〔旦兒云〕哎。約。員外也。則被你痛殺我也。春郎。便將你父親焚化了。寄在報國寺裏浮坵着。俺將着書呈。投奔洛陽劉弘員外去來。〔春郎云〕理會的。母親。您孩兒將父親的骨殖。寄在這南薰門外報國寺裏。俺子母二人。則今日直至洛陽投奔劉弘伯父去。哎。約。父親。則被你痛殺我也。〔同旦兒下〕〔太白星上〕云：閬苑仙家白錦袍。海山銀闕宴蟠桃。三峯月下鸞聲遠。萬里風頭鶴背高。貧道乃上界太白金星是也。職掌人間賞善罰惡錄。料長短之事。行善者增添福祿。作惡者減算除年。因赴天齋以回。親見下方洛陽有一人。姓劉名弘。字元溥。此人是箇巨富的財主。爭奈有二事缺欠。一者天壽。二者乏嗣。貧道按落雲頭。化做一雲遊貨卜的。

先生與此人說箇詳細。有何不可。來到這市廛中。遠遠的望着劉弘。這早晚敢待來也。〔正末上〕
〔云〕老夫洛陽人也。姓劉名弘字元溥。年四十五歲也。某家洛陽祖居乃三輩也。我祖父劉從古。
我父劉明叔。某是劉元溥。祖宗以來。所積家財。萬貫有餘。爭奈到我行。乏其後嗣。我平生所望者。
止是此也。我今日上的長街。來探幾箇老士夫。喫幾杯悶茶者。下次小的每。把那馬來牽的靠後。
些兒。休衝撞着相識朋友。我信步閑行者。〔見科〕〔太白云〕兀的不是劉弘。我叫他一聲。劉弘劉
元溥。〔正末云〕誰呼我這名呀呀呀。一箇鬚髮盡白的老先生。好道貌也。我這洛陽城中。未嘗見
這箇老先生。作揖老先生。〔太白云〕稽首。〔正末云〕如何識在下。〔太白云〕我識你是劉弘。你可
不識貧道。我是箇雲遊貨卜的先生。我善能風鑑。〔正末云〕先生既會相呵。何不與在下決疑者。
〔太白云〕我看你是箇巨富的財主。你今年多大年紀也。〔正末云〕在下拙年至四十有五也。
〔太白云〕哦。你四十五歲。劉員外。我這陰陽。不順人情。我說則說。你則休煩惱。你有兩莊兒缺欠。
不全。〔正末云〕敢問老先生。可是那兩莊兒缺欠。〔太白云〕員外。你一者天壽。壽不過五旬而亡。
止有五年的限次也。〔正末做悲科〕〔云〕哎約。劉弘也。恰纔師父道壽不過五旬而亡。止有五年
的限次。劉弘也。你是看書的人。豈不聞子夏云。死生有命。富貴在天。何懼之有。這箇不妨事。敢問
師父那一莊呢。〔太白云〕這一莊最當緊。你當來乏嗣無兒也。〔正末做悲科〕〔云〕師父。你打人

呵休打着那痛處。說人呵休說着那短處。更做道是陰陽不順人情者波呵。〔唱〕

〔賞花時〕我和這貨卜的先生可在這路上逢。他恰纔上下端詳觀了我這面容。〔太白云〕據富貴不在石崇之下也。〔正末唱〕他道我據富貴若石崇。〔太白云〕爭奈你壽夭也。〔正末唱〕爭奈我其壽可也不永。〔太白云〕你多有資財。則是少箇兒童也。〔正末唱〕他又道我多財祿更少箇兒童。〔帶云〕則一句。〔唱〕

〔么篇〕道的我恍惚如同兀那一夢中。〔云〕這陰陽不順人情。不可以不信也呵。〔唱〕我這裡稽首躬身問箇吉凶。〔云〕師父道在下天壽。師父道在下絕嗣。師父如何全美的壽數。如何得有這子嗣。師父一發與迷人指路者。〔太白云〕你問貧道如何得這子嗣。如何得全你這壽數。劉弘。你肯依貧道八箇字。便能殼全美也。〔正末云〕師父是那八箇字。〔太白云〕你自牢記者。是婚姻死葬隣保相助。行好事。積陰功。若依此語。自然增添福壽也。〔正末云〕謝指教。謝指教。好言語也。婚姻死葬隣保相助。這八箇字。俺這秀才每口裡念的則是顛倒爛熟的。未嘗有人行的到也。〔唱〕他道着我行好事積陰功。〔云〕師父再有甚麼指教。〔太白云〕則不貧道一人。兀的不又一人來也。疾。〔下〕〔正末回頭科〕〔云〕在那裡也。吓吓吓。好大風。眯了眼也。眯了眼也。作揖老先生。可那得箇人來。師父也。那壁無人。可怎生連他也不見了也。青天白日。知他是神也。那是鬼也呵。〔唱〕却怎生平

地下起一陣家這迅風。〔云〕我問師父。再有何指教。他道則不我來。兀那後面又有一箇來也。賺的我回頭。連他也不見了。好是奇怪殺人也。〔唱〕怎麼急回頭。索早不見了那皓首的。俌可則敢那一箇家老仙翁。〔下〕

頭折

〔卜兒同淨王秀才上〕〔卜兒云〕花有重開日。人無再少年。休道黃金貴。安樂最直錢。老身姓王。嫁的夫主姓劉。是劉弘員外。這箇是我的姪兒。是王秀才。家私裏外解典庫。都虧了這箇孩兒。〔淨王秀才云〕一八得八。二八一十九。三八二十六。四八一十七。這麼一本帳。若不是我呵。第二箇也算不清。〔卜兒云〕孩兒也。你辛苦俺也知道。〔淨王秀才云〕姑娘。這家私裏外。許來大箇解典庫。我又寫又算。那等費心。姑夫不知人。這兩日見了我。輕便是罵。重便是打。若是姑夫今日來家時。姑娘。你說一聲方便。我也好在家裏存活。〔卜兒云〕少要這等言語。孩兒也。你姑夫探望相識朋友去了。你收拾下茶飯。這早晚敢待來也。〔淨王秀才云〕我安排下茶飯。等姑夫來食用。我且再算帳者。一八得八。〔正末上〕〔云〕下次小的每。把那馬來牽的鹽後院裏去。〔淨王秀才云〕一八得八。〔正末做見王秀才科〕〔正末云〕王秀才。你刻的還算哩那。〔淨王秀才云〕這老兒今日越限了也。〔做作揖科〕〔正末云〕婆婆。我今日上的長街市上。不曾見一箇相識朋友。遇着箇

鬚髮盡白的老先生。他道他是相士。上下觀了我這面目。他道我平生所欠者有兩莊。我便問他道。師父也。是那兩莊。他便道。第一來天壽。壽不過五旬而亡。我止有五年的限也。這箇也不打緊。第二莊當來乏嗣無兒也。〔淨王秀才云〕姑夫家來惱燥。我道爲甚麼來。沒正經。姑夫無了子嗣。各人的造物。你可怎麼埋怨我。干我甚麼事。強盜也生男長女。你兩箇自家無用。倒埋怨我。〔卜兒云〕老的也。這先生也能算也。〔正末云〕婆婆。想嚙兩口兒爲人。可也不曾行那歹來。我說莫不是這錢財上積趲的多了麼。所以上妨害了嚙這子嗣。想嚙這世間人。無錢的可又難過。抵死積趲的多了。却又於身無益。此言信有之也呵。〔唱〕

〔仙呂點絳脣〕我本是箇巨富的明儒。開着座濟貧的典庫。爲財主。貫滿京都。掌着那萬萬貫的這多財物。

〔混江龍〕想嚙這人貧人富。原來這天公暗裏自乘除。〔帶云〕想嚙這世間人。有錢的却無子。有子的却無錢。婆婆。這箇道理。你省的麼。有甚麼難見處。〔唱〕貧的每多生些子嗣。嚙這富的每便廣積些金珠。則爲那貧無這詔以誤。收的些存子的法。嚙則被富之餘也兀的不明放着一箇殺身的術。這世裡甘貧的無慮。越富的貪圖。饑貧的廣有。猛富的多餘。我想那嫌貧的彼富。愛富的愚夫。固窮的不濫。靠富的

空虛。我則待守清貧得樂矣在其中。端的可便不義富。我道來於我也則是如雲霧。嗒這人眼前貧波富。可則也則是兀那枕上的這榮枯。〔云〕王秀才近前來。我

問你。我當初開這解典庫。我正意是怎生來。〔淨王秀才云〕這箇姑夫老人家。一法老的糊突了。爲甚麼開這解典庫。常言道早晨栽下樹。到晚要乘涼。可不道喫酒的望醉。放債的圖利。也則是將本圖利來。〔正末云〕噤聲。我幾曾圖利息。我正意的那我則是賑人之貧。波周人之急。婆婆。誰想這厮。去那解典庫中。治下許多的弊病。顛倒與我身上爲害。我上的長街市上。那一箇相識朋友。每。不看着我下言語。道您這厮忒不中。更慳波客波苛波剋波。俺兩口兒無兒。都是你這厮。在這解典庫中。治下弊病。都折罰了也。兀那厮。你省的那君子愛財。取之有道麼。〔淨王秀才云〕姑夫。爲人憎愛中半。佛也不得人道是哩。君子不差當面。我有甚麼弊病處。對着姑娘。你就說。〔正末唱〕

〔油葫蘆〕則這君子惜財有道上取。誰似你忒無法度。〔淨王秀才云〕怎麼無法度。拏住作踐的。打五棍。吊在樹上。怎麼無法度。〔正末唱〕人道你忒慳忒吝忒心術。〔淨王秀才云〕我有甚麼心術處。〔正末云〕兀那厮。那的是你那心術處。〔唱〕人家道那把時節將爛鈔。你強揣與巴的。到那贖時節要那料鈔。教他贖將去。〔淨王秀才云〕他拏將鈔來討。沒

的不與他去不成。〔正末云〕兀那厮。你聽我說你那弊病。你則休賴。〔淨王秀才云〕我有甚麼弊病。
〔正末唱〕你將焦赤金化做了淡金。〔淨王秀才云〕姑夫也不必鬧。也容易。從今後人拏的高
麗銅來。我也當金子留下。等人來贖。可把金子賠他便了也。〔正末云〕你看波。這高麗銅不別。這金子
不別。這莊也罷。〔唱〕你把好珍珠寫做了他蚌珠。〔淨王秀才云〕也容易。從今後拏將魚眼
睛來。當珍珠留下。等人要。可把珍珠賠他。〔正末云〕你看波。這魚眼睛不別。珍珠不別。這兩莊也不
當緊。〔唱〕人家一領簇新的衣。你去那典場上。你便從頭的覷。〔云〕是人家那簇新做
出來的衣服。帶兒也不曾綴。絳兒也不曾疊的倒哩。人家急着手用那錢使。將來到你這厮行當那錢。
這厮提將起來看了一看。眯着你那一片的黑心。下的筆去那解帖上批上一行。〔唱〕呀。這厮便
寫做甚麼原展污了的舊衣服。〔淨王秀才云〕裁衣不及段子價。這箇也是我向家的心也。

〔正末唱〕

〔天下樂〕噤聲賊也。豈不聞道財上分明大丈夫。〔云〕比喻說到今月初一日。把這號
改到那月初二日來贖。你這厮。〔唱〕但那日數兒過來波餘。你休想道肯放那贖。〔云〕初
二日來贖。道員外不在解典庫裏。明日來。不付能到那初三日來贖。你道員外人情去了。不在家。〔唱〕
這厮兀那愛錢的心。他百般裡推些箇事故。〔卜兒云〕老的他爲甚麼那。〔正末唱〕他

則待日要所增。〔云〕初三日不贖與那人。初四日合當贖與那人。你又不贖與他。婆婆。你知道他那初四日不贖與那人的緣故麼。〔卜兒云〕可更是怎生。〔正末唱〕這廝直熬到箇月不過五。〔云〕過了五箇日頭。索你怎生問他。要一箇月的利錢。賊醜生也。〔唱〕你倚仗着我這幾貫錢。索則麼以擲的些窮人家。每着他無是處。〔卜兒云〕老的。有句話和你說。你潑天也似家私。寸男尺女皆無。你依我安排一杯酒。把俺那爺娘親眷。都請將來。陪一句話。我與你娶一箇年紀小的。生的好的。近身扶持你。若是得一男半女。可不好那。〔正末云〕婆婆。休這般說。〔唱〕

〔那吒令〕你待陪千言萬語。托十親九故。娶三妻兩婦。待望一男半女。〔卜兒云〕老的你娶一箇罷波。〔正末云〕日月逝矣。歲不我延。〔唱〕我青鏡曉來看。則這白髮添無數。〔云〕我如今不小也。〔唱〕我如今暮景桑榆。〔云〕天也。想劉弘兩口兒爲人。也不曾行歹也呵。

〔唱〕

〔鵲踏枝〕我要一箇家廝兒無。我要一箇家女兒無。〔云〕天若可憐見劉弘。或兒或女。降與劉弘一箇。果若劉弘無那兒女的分福。索一頭的生將下來。就在那褥草上便着天厭了者波。〔唱〕天也。我問甚麼那跛臂癆。者麼他那眼瞎頭禿。〔卜兒云〕員外甫能得一箇。又眼瞎頭禿。不如不要也。〔正末云〕婆婆。你道的差了也。〔唱〕則但能穀便替嚙去上墳波。祭

祖大嫂也。也強如瞎眼睜睜寡孤獨。〔卜兒云〕老的也。俺有的是那錢鈔。或是好孩兒。

討一箇好女兒買一箇與俺壓子嗣。可不好那。〔正末云〕你說的差了也。那箇終久則是假的也。
呵。〔唱〕

〔寄生草〕你道要女兒着錢贖箇婢。要廝兒着鈔買一箇軀。待着他抽胎換骨。可便爲兒女。待着他當家主計爲門戶。你又待着他拖麻拽布臨墳墓。豈不聞魚目似珠不成珠。却不道碯石似玉非爲玉。〔云〕王秀才。四隅頭與我出出帖子去。道劉

弘員外放贖不要利。再不開解典庫了也。〔淨王秀才云〕可不好。打甚麼不緊。則用我寫的一寫。

〔做寫科〕〔云〕刷刷刷刷刷來。刷刷刷。寫就了也。我貼去。我出的這門來。四隅頭貼起帖子來。大小人都聽着。劉弘員外家放贖不要利。掣本錢來。則管贖了原物去。姐夫。帖子貼好了。〔正末

云〕王秀才。把那解典庫。與我關閉了者。〔淨王秀才云〕不開解典庫。罷落的我悶着快活哩。

〔正末云〕孩兒也。你近前來。俺兩口兒無了這子嗣。都是你在這解典庫中致下的弊病。因此上折乏了俺子嗣也。你今日便與我離了這門。休在我這家裏住。便與我出去。〔淨王秀才做看卜兒科〕〔云〕着我出去。便出去了。罷。受他這們閑氣做甚麼。〔卜兒云〕孩兒也。着你出去哩。〔淨王秀才云〕姑娘。如今端的着誰出去。〔卜兒云〕着你出去。〔淨王秀才云〕哦。原來着我出去。

吓。可怎麼好。撇撇殺我也。苦阿。是了麼。你家當初有甚麼來。支着箇破蘆席棚。安着箇破沙鍋。常煮着鍋巴喫。你如今富貴了。虧了誰來。好歹虧了王秀才。我替你家開了解典庫。掙下這等前堂後館。走馬門樓。金銀器皿。不知其數。你這等富貴。都是王秀才掙的。今此一日。要把我趕將出去。罷罷罷。好苦惱阿。好苦惱阿。我出去。我出去。我辭別了姑夫姑娘。我就出去了。罷。便好道此處不留人。自有留水處。哦。是留人處。（做拜科）王秀才。我在你家裏。也不會喫了閑茶閑飯。我從那清早晨起來。光梳了臉。洗淨了頭。吓。又顛倒了。屈着脊梁。挺着脖子。把着一管筆。從早晨直寫到晚。怕我說一箇字。今日着我出去。我去了。則便罷。受你的氣。我出去。我出去。罷罷罷。辭別了姑夫姑娘。我說我去阿。我若出了這門。收進多少。放出多少。這一本亂帳。都要你整理哩。（正末云）快與我出去。（淨王秀才云）真箇要我出去。姑夫。我在你家裏。那一般兒不做。掏火棒兒。短強似手。不刺下般的。趕我出去阿。罷罷罷。男子漢家。頂天立地。嚙齒戴髮。帶眼安眉。連皮帶肉。帶肉連皮。休說我是箇人。便是那糞堆。掏開。也有口氣。你今日着我去。苦惱也。我離了你家門。憑着我這一對眼。一雙手。驢市裡替人寫契。一日也討七八兩銀子。也過了日月。我說我去也。你不辭我也不辭你。這一遭。我其實的去也。（又做拜科）（正末云）你看這厮。（淨王秀才云）姑夫。想您兒三四歲兒。姑娘帶將我來到這家裏。虧姑夫擡舉的成人長大。知道的。是你老人家改常。不知道的。則

說我生事要出去哩。各盡其道罷罷罷。我去我去。我如今一脚的出了這門。使不的。你可使人來趕我。我是箇直人。我可可不來了。你可也不要扯扯拽拽的。我也不回來了。可使不的。你擺酒着人與我和勸。我其實不回來了。兩腳車上裝七箇人。也不必再三再四的了。我則這一遭辭了姑夫姑娘。我就出去了罷。〔做拜科〕〔起身往東邊走科〕〔二云〕姑娘姑娘。扯一扯兒來麼。〔卜兒云〕你去便去了罷。〔淨王秀才云〕放了手。扯我怎麼呢。誰又來你家裏來。則你家裏飯好喫。姑娘勸一勸兒麼。〔卜兒云〕我不勸。〔淨王秀才云〕連你也是這等罷罷罷。我和你兩箇。恩斷義絕。血臟牽車兒。扯斷這條腸子罷。我出去。我出去。下次小的每。搬出我那行李來。打過一輛大車來。先把那板箱來放上。擡上那豎櫃。把那鋪蓋來捲了。包一包。把靴襪都放上。菜羹菜罐都放上。那鍋也放上。要做飯喫哩。那破簍子丟了罷。裏腳放在鍋裏。牽過那驢子來套上。打動打動。阿列阿列去了罷。那裡去。我有甚麼呢。那裡有那板箱豎櫃來。沿身打沿身。身上的衣裳。肚裏的乾糧。兩箇肩膀擡着箇口。每日則是喫他家的。便好道這大樹底下好乘涼。一日不識羞。十日不忍餓。把這羞臉揣在懷裏。我還過去。〔做入門科〕〔二云〕哦。我一脚的出了這門。這地就無人掃。〔做打算盤看文書科〕〔二云〕一八得八。〔正末云〕王秀才。你怎的。〔淨王秀才云〕你老人家說了幾句。誰和你一般見識。〔正末云〕你看這廝。門首覷者。看有甚麼人來。〔淨王秀才云〕理會的。〔李春郎

同旦兒上」〔李春郎云〕小生李春郎是也。離了望京店。與母親來到這洛陽。母親。我問人來。則這裡便是劉弘伯父宅上。門首立着箇人。我試問他者。作揖哥哥。〔淨王秀才云〕那裡來的。〔李春郎云〕是親眷。〔淨王秀才云〕這兩日賣五錢銀子一箇。〔李春郎云〕是甚麼。〔淨王秀才云〕你說是青絹。〔李春郎云〕是親戚。〔淨王秀才云〕哦。是親戚。〔李春郎云〕萬望哥哥報復一聲者。〔淨王秀才云〕你且在這裡。等我報復去。〔見正末科〕〔云〕姑夫。門首有親眷來也。〔正末云〕婆婆。你聽波。我恰纔說了他幾句話。他故意的將這等言語來激惱我。我若是有箇親戚。我挑着燈籠兒也取將來也。我肯着你這厮。在我這裡。這般定害我那。〔淨王秀才云〕你看麼。我則但開口錯了牙關。他說是親眷來。〔正末云〕你道是親眷。是男子也是婦人。〔淨王秀才云〕我則不會仔細看。我去看者。〔做出門科〕〔云〕你是男子也是婦人。〔李春郎云〕是子母二人。〔淨王秀才云〕我知道。你則在這裡。〔做見正末科〕〔云〕一子母。〔正末云〕敢是子母二人。〔淨王秀才云〕姑夫說的是。〔正末云〕着他過來。〔淨王秀才云〕理會的。姑夫道。着您過去哩。〔春郎同旦兒做見正末科〕〔正末云〕一箇穿孝的女子。婆婆。你休受他的禮。兀那小大哥。你那裡人氏。姓甚名誰。因甚上來到此處。你慢慢的說一遍我聽者。〔李春郎云〕小生汴梁人氏。〔淨王秀才云〕精脊梁睡石頭。〔正末云〕怎麼說。〔淨王秀才云〕他說是汴梁。〔正末云〕是他那地名。靠後。〔李春

郎云「父親姓李名遜字克讓。應過舉。得了錢塘縣令。到於望京店上。染病不能動止。臨命終時。俺父親脩書一封。若我有些好歹。您子母二人。將着書呈。直至洛陽。投托劉弘伯父去。自父親身亡之後。小生將着書呈。一逕的投奔伯父來。」〔正末云〕有書呈。將來我看。〔李春郎云〕有書呈。母親將書來。〔春郎遞書科〕〔淨王秀才云〕你這廝好無禮。你知道入城問稅。入衙問諱。俺這裡門司有限。你知道我這裡有甚麼體面。拏書來。你靠後。〔做喬軀老遞書科〕〔云〕你那裡有這麼體面。〔李春郎云〕也沒甚好。〔正末拆書科〕〔云〕守魯疑是手書之誤奉呈尊兄。劉弘開下開拆。〔淨王秀才云〕你錯走了。你如今出的順城門。高房子。長檐杆。那裡便是。〔正末云〕那的是那裡。〔淨王秀才云〕吓。那箇是閔中閣了。〔正末云〕辱弟李遜謹封。〔淨王秀才云〕罷了。誤了你老子證候了。着他把頭髮披開。頂門上着碗來大艾焙灸。豁開他兩箇耳朵。他就好了。〔正末云〕他封皮上是這般寫。你看這廝靠後。封皮上有字。就裏不知寫着甚麼哩也呵。〔唱〕

〔醉中天〕我這裡先把封皮來去。展放開他這箇寄來的書。〔云〕大嫂。不曾掉下一張。〔卜兒云〕員外。不曾掉下。〔正末云〕小大哥。你近前來。我問你。則這一封書。索別有書呈。〔李春郎云〕伯父。止則是這一封書。別無書呈。〔正末云〕既是這等呵。你且靠後些。好是奇怪也呵。〔唱〕却怎生徹尾從頭一字無。〔云〕李克讓也。你既是我的兄弟呵。〔唱〕你却怎生不把這寒

溫來敘。你將着這張雪白紙呵。也好也好。咱知他的意趣。你那滿懷的心腹事。這漢向我行十分的訴。〔云〕婆婆。你省的這箇禮麼。則這一張白紙。我便見出那人的心來。白紙二字。白者是素也。紙者是居也。他與我素不相識。着他寫甚麼的是。紙者是居也。正意的那則是托妻寄子與我。婆婆。市廛中那老先生道甚麼來。他道着俺行好事。積陰功。今日這般善事上門也。咱不可以不行也。〔卜兒云〕員外。凡百的事。則隨你主意也。〔正末云〕則除是這般。小大哥。近前來。你休作疑惑。聽我說與你。想你那亡父在時節。曾和我做經商買賣。一席酒之間。我和他言行相投。他曾拜我八拜。我爲兄。他爲弟。不想今日兄弟不幸身亡了也。您子母兒每。來的正好。休別處去。則在家裏住。〔李春郎云〕謝了伯父。〔正末云〕你那亡父的灰櫬兒在那裡。〔李春郎云〕見在南薰門外報恩寺裏寄着哩。〔正末云〕王秀才。你便與我南薰門外將那李克讓的骨櫬兒取將來。高原選地。破木造棺。建起墳塋呵。我自有箇祭祀的禮物。〔淨王秀才云〕下次小的每。便去南薰門外報恩寺裏。取將李克讓那把骨殖來。若取將來。我自有箇埋殮的道理。〔正末云〕小大哥。你那清德喚做甚麼。〔李春郎云〕您孩兒是李春郎。〔正末云〕這箇是你的胎諱。你那清德呢。〔李春郎云〕伯父跟前。怎敢稱呼表德。〔正末云〕怕做甚麼。〔李春郎云〕您孩兒李彥清。〔正末云〕好好好。你那亡父在時節。曾教你學甚麼藝業來。〔李春郎云〕亡父在日。着您孩

兒攻書來。〔正末云〕便好道萬般皆下品。惟有讀書高。〔李春郎云〕不是您孩兒說大言。天下文章一石。您孩兒頗攬九斗九升在懷。〔淨王秀才云〕好哥。你快走。管的他穿。管不的他喫。〔正末云〕怎的。〔淨王秀才云〕你不聽的他說。他那一頓喫九斗九升哩。〔正末云〕他說他那文章哩。〔淨王秀才云〕三箇夏布做一頂。〔正末云〕怎的。〔淨王秀才云〕你說蚊帳。〔正末云〕他說他那文字哩。〔淨王秀才云〕這兩日乾蚤丁出屁來。又蚊子。〔正末云〕小大哥。或詩或詞。做一首來我看。〔李春郎云〕伯父指甚爲題。〔正末云〕單指着您子母二人投奔我。便是題目。〔李春郎云〕理會的。〔做寫科〕〔云〕刷刷刷刷刷刷刷刷來。刷刷刷。〔淨王秀才云〕好也。搥搶肺喫哩。〔李春郎遞詩科〕〔云〕伯父。詩就了也。〔淨王秀才做拏詩科〕〔云〕你又來了。好箇沒記性的。拏來。〔做遞科〕〔正末云〕小大哥。你好能染也。暮史朝經務進脩。〔淨王秀才云〕妙。妙法蓮華經。〔正末云〕你怎的。飄零踪跡寄神州。十年勲業頻看數。千里家山空倚樓。公瑾處貧曾謁魯。仲宣到此錯疑劉。尊賢若肯垂青顧。便是書生得志秋。〔淨王秀才唱科〕喧滿鳳凰樓。一了有這句唱。〔正末云〕你看這廝。婆婆。恰纔嬌子兒拜我時。有些氣喘。我可也難問他。你問嬌子兒。因何這般氣喘。〔卜兒云〕嬌子。你如何這般氣喘。〔旦兒云〕不瞞伯娘說。有亡夫半年身孕也。〔卜兒云〕員外。恰纔我問嬌子來。他說有半年的身孕。在家裏住呵。則怕不方便麼。〔正末云〕婆婆。你與我收

拾了後面那所宅兒者。〔卜兒云〕員外。西頭閑着那所宅兒。着他子母兒每住。却不好那。〔正末云〕婆婆。你也道的是。王秀才。你與我收拾了西頭那所宅子者。〔淨王秀才云〕那房子賃與人了。〔正末云〕你看波。我昨日日西時。打那裡過來。尙兀自貼着帖子。寫着道此房出賃。今日這早晚。可早賃與人也。〔淨王秀才云〕他昨日半夜裏就搬過來了。〔正末云〕不掣住他犯夜。〔淨王秀才云〕他揀的時辰。〔正末云〕快與我收拾了者。〔淨王秀才云〕姐夫。不要鬧。我則趕了他去。則便罷。可怎麼好。我纔喫了他一隻雞。〔做轉身假趕科〕〔二云〕〔七字原本無今校補〕哥哥。你可休怪。如今姑夫家有箇親眷來了。要這房兒與他住哩。你搬了去罷。無奈何搬一搬。怎麼不肯。你有些甚麼家活搬不了。先把那破床擡出去。一張舊桌子。兩張折板凳。再有些甚麼家活。一箇做飯的鍋。就把那尿鑊子放在鍋裏罷。一家兒好乾淨人家。〔轉身向正末云〕〔六字原本無今校補〕姐夫。有了房子也。〔正末云〕收拾了也。那但是人家使用的那喫食物件動用家事。一年四季的柴米。你都休着少了者。〔淨王秀才云〕理會的。柴米油鹽醬醋茶。應用家活都有了。〔卜兒云〕員外。你看他子母兩箇。一身重孝。來俺家來。則怕不利麼。〔正末云〕婆婆。你休那般說。〔唱〕

〔尾聲〕嗔人這生死也在於天。端的這善惡也由人做。我則是可憐見他孤寒的子母。〔云〕洛陽城中許多的財主。他怎生不別人家去。〔唱〕豈不聞投人須投大丈夫。

〔卜兒云〕着他子母二人回去罷。〔正末唱〕不爭啗趕離了門顯的啗也不辨一箇賢愚。〔卜兒云〕員外。齋發他些錢物。着他回去罷。〔正末唱〕我本待與些錢物。也則是濟惠他這窮儒。則這的便是將有餘兒可也補不足。〔卜兒云〕員外。似俺兩口兒這等受用快活。可也強似他子母每也。〔正末云〕婆婆。啗兩口兒爲人。不如他子母兒每。他子母兒每強似啗。〔唱〕我如今空蓋下他這般畫堂錦屋。眼前面折罰的啗來滅門波絕戶。〔云〕古人言。有錢無子非爲貴。他這等有子無錢的。也不是貧。啗人一日死到頭來。休說是這些箇家緣。〔唱〕便設若堆金到那北斗。〔云〕婆婆。啗死時節。將的去麼。〔唱〕可則那的也待何如。〔正末同衆下〕

第二折

〔外扮蘭孫上〕〔云〕悶似湘江水。涓涓不斷流。有如秋夜雨。一點一聲愁。妾身襄陽人氏。裴使君之女。小字蘭孫。父親裴使君。在襄陽爲理。不幸被歹人連累身亡。無錢埋殯。妾身直至洛陽。尋不見一箇親眷。妾身無計所奈。我插一草標。自己賣身。但賣些錢物。埋殯我那父親。也是我孝順之心。來到這長街市上。好是羞慘人也。看有甚麼人來。〔淨扮媒婆上〕〔云〕妾身做事實儂儂。娶女招夫我說合。親筵喜事來尋我。能言快語做媒婆。自家官媒婆的便是。有劉弘員外。數番家分付

我。着我替他尋箇女孩兒。不會有。今日我往長街市上走一遭去。〔做見科〕〔媒婆云〕一箇女孩兒。頭上插着一箇草標兒。不知是真箇賣也。是鬪人耍哩。我試問他者。小姐。你插着這草標兒。你是真箇賣也。那。你是鬪人耍。你要多少錢。〔蘭孫云〕要五百貫長錢。〔媒婆云〕既然是真箇。這裡有箇員外。要你到他家裏。有喫有穿。你跟我去來。〔蘭孫云〕我跟將你去來。〔同媒婆下〕〔正末同卜兒淨王秀才上〕〔正末云〕婆婆。市廛中那老先生。說的那言語。甚是好的當也呵。〔卜兒云〕老的。這陰陽不可信他也。〔正末唱〕

〔中呂粉蝶兒〕那相士觀觀了我這容儀。他道我壽不及那五十餘歲。〔帶云〕天那。想劉弘兩口兒爲人。也不會行那歹也。〔唱〕莫不我與人交有甚麼言行相違。〔帶云〕不是我自詔。〔唱〕俺一家兒夫憐貧。更和這妻敬老。俺又不曾道是欺瞞着天地。天網恢恢。我一會家想穹蒼也。有一箇偏僻。〔卜兒云〕老的。你道的差了。天有萬物於人。人無一物於天。天有甚麼偏僻那。〔正末云〕既無偏僻呵。〔唱〕

〔醉春風〕既不索。可怎生短命死了顏回。却怎生延年老了盜跖。我想那鶴長鳧短不能齊。〔云〕想這世間的人。有錢的却無子。有子的却無錢。婆婆。這箇道理。你省的麼。〔唱〕百般的參不透這箇道理。況這世裡完備有幾。劉弘我道來絕嗣的不似你。當

日那伯道無兒。似這等古人也乏嗣。何況道是小生我這些箇絕繼。〔卜兒云〕老的。我想來。你偌大年紀了也。〔正末云〕婆婆。你休這般說。好事若藏心肺腑。言談語笑不尋常。好着我難道。〔卜兒云〕家中有的是小的。每你收拾一兩箇。近身扶持你。得一男半女。也是俺劉家子孫。可不好那。〔正末唱〕

〔普天樂〕置兩三處家繡羅幃。娶五七箇丫鬟婢。待着他生男長女。又不着他去倒紵翻機。他衙一片家嫉妬心。無半點兒賢達的意。聽的道海棠身邊有些春消息。他背地裡使心機。尋箇打當的牙槌。〔帶云〕婆婆。噯命裏有那兒女分福。〔唱〕問甚麼樊素小桃。都一般開花結子。〔帶云〕噯命裏無的呵。〔唱〕噯正是那止渴思梅。〔云〕門首覷者。看有甚麼人來。〔淨王秀才云〕理會的。看有甚麼人來。〔媒婆引蘭孫上〕〔媒婆云〕來到也。〔做見王秀才科〕〔云〕有一箇好女孩兒。要嫁與人家。你報復去。道有媒婆在門首。〔淨王秀才云〕你是甚麼人。我央及你的事。你到了不完成我。〔媒婆云〕有箇女孩兒在這裡。〔淨王秀才云〕在這裡可好也。〔媒婆云〕見在門前哩。〔淨王秀才云〕你則在這裡。我和姑夫說去。〔做見卜兒打耳暗科〕〔正末云〕王秀才。有甚麼話。不好明白說。〔淨王秀才云〕媒人在門首哩。〔正末云〕甚麼媒人。〔卜兒云〕老的。你不知道。我常時分付媒人。不問婦人女兒。尋一箇來。他

不敢對你說。〔正末云〕既然這等。着他每過來。〔淨王秀才云〕理會的。媒人。着你引他過去哩。
〔媒婆做見科〕〔云〕老員外。員外娘子。我尋將這箇女孩兒來與員外。生的十分顏色。無錢埋殯。
他父親。則要五百貫長錢。〔正末云〕王秀才。打發媒人回去。與他五兩銀子。是五塊兒。〔淨王秀
才與媒婆銀子科〕〔云〕理會的。拏銀子來與媒人來。與你五兩銀子。你去罷。〔媒婆云〕多多的
謝了老員外。〔做出門數科〕〔云〕我出的這門來。且住。員外與我銀子是五塊兒。這王秀才有些
快落鈔。我試數一數。一塊兩塊三塊四塊。則四塊。少一塊。〔媒婆做見正末科〕〔云〕老員外。着王
秀才與五兩銀子。他則與我四兩。是四塊。〔正末云〕王秀才。我着你與他五兩銀子。是五塊。你怎
生與他四兩銀子。是四塊。〔淨王秀才云〕這箇姑夫。五兩銀子。一兩一塊。是五塊兒。你敢花了眼。
拏來我數與你看。一塊兒。兩塊兒。三塊兒。四塊。〔淨王秀才做捧袖科〕〔云〕兀的不是一塊兒。
你掉在這地下了。〔正末云〕你看他波。〔媒婆云〕是你袖子裏丟出來的。〔做拾銀子科〕〔云〕我
落他些銀子兒。買羊肚兒喫去來。〔下〕〔卜兒云〕老員外。着那孩兒參拜你。〔正末云〕着他過來。
〔蘭孫做見拜科〕〔正末云〕兀那女孩兒。你那裡人氏。姓甚名誰。因甚上自己賣身。你慢慢的說
一遍我聽。〔蘭孫云〕妾身襄陽人氏。〔淨王秀才云〕好姐姐。你快走。我家用不着你這等人。〔正
末云〕怎的。〔淨王秀才云〕他快扯袍。〔正末云〕怎的快扯袍。〔淨王秀才云〕是襄陽砲。〔蘭孫

云〕裴使君之女。小字蘭孫。俺父親在襄陽爲理。不幸被歹人連累身亡。停喪在地。無錢埋殯。妾身直至洛陽。尋不着。一箇親眷。因此上自己賣身。但賣的些小錢物。或是與人家廚頭竈底。或人家作婢爲奴。說兀的做甚。一路上千辛萬苦。我行孝道。則因父母。但能覓一席地埋殯了父親。便是裴蘭孫平生願足。〔正末云〕好箇孝順的孩兒也。有女孩兒的。他那亡父的骨殖兒。早則有主。有兒的。更是不消說。〔卜兒云〕一箇好孝順的姐姐也。〔正末唱〕

〔白鶴子〕這孩兒爲無錢缺着葬禮。他賣身體置那墳園。這孩兒他知重情。可便敬那爺娘。這孩兒孝感意。便驚天地。〔云〕我看了這箇女孩兒。那烈女傳上的故事。他一莊莊可也無差處。〔唱〕

〔么篇〕這孩兒賽楊香跨虎心。有賈氏斬龍計。方信道趙貞女羅裙包土。可也築墳臺。我可尋那曹娥女。覓父投江水。〔卜兒云〕老的我看了這箇小姐中珠模樣。可也中擡舉。着他近身扶持。你意下如何。〔正末云〕婆婆。你是甚麼言語。早是那孩兒離的遠。不聽見。倘若聽見呵。把嘴當做甚麼人家看承。他貧賤煞者波。他是那官宦人家小姐。嘴富貴煞者波。則是箇庶民百姓。你省的那履雖新。不可加之於首。冠雖弊。不可棄之於足。這等話。你再也休題。〔唱〕

〔上小樓〕大嫂也。你從來可便三從四德。這孩兒他千嬌百媚。你看那牙似瓠。

犀頸若螭螭。手似柔荑。你看他那紺髮齊。綠鬢堆。高盤雲髻。〔帶云〕一天的那秀氣。都生在這箇姐姐身上。〔唱〕則是一箇玉天仙。可使降臨在凡世。〔卜兒云〕你不用他。我有處用他。〔正末云〕你怎生般用他。〔卜兒云〕我梳洗處着他架手巾。筵席頭上繫護衣。我教他打水運漿。執盞擎盃。掃床疊被。那些兒不用了他。〔正末云〕你敢忒富貴過了麼。〔唱〕

〔么篇〕你那梳洗處着架手巾。筵席上繫護衣。你待着他擔水運漿。搬茶供飯。你又待着他過盞波擎盃。這孩兒則恁的閑立地呵。更那堪他便嬌柔波無力。〔帶云〕你好是眼毒也呵。〔唱〕怎下的着他拈輕掇重。可使掃床也波疊被。〔云〕小姐。你父親的骨殖在那裡。〔蘭孫云〕俺父親的骨殖在南薰門外報恩寺裏寄着哩。〔正末云〕王秀才。便與我去南薰門外報恩寺內。將那裴使君的骨殖取將來。便與我高原選地。破木造棺。建起墳塋了呵。我自有箇祭祀的禮。小姐後堂中換衣服去。〔蘭孫云〕理會的。〔下〕〔正末云〕王秀才。你近前來。我問你。您姑夫平日間主的事如何。〔淨王秀才云〕這箇姑夫。你是甚麼人。你平日間主張一百莊事。九十九莊都是那一莊也將就的過。〔正末云〕孩兒。今日是好日辰麼。〔淨王秀才云〕天黃道。地黃道。日月雙黃道。子丑寅卯。今日正好。過了今日。明日不好。〔正末云〕我今日待與小姐成就些婚配的道理。我心裏則主不定也。我和王秀才兩箇商量者。我問你。與小姐三千

貫窰房斷送。不少麼。〔淨王秀才云〕姑夫。要偌多做甚麼。則一千貫也穀了。〔正末云〕金銀玉頭面三副。不少麼。春夏秋冬衣服四套。不少麼。孩兒也。你道不少麼。〔淨王秀才云〕絹帛布草衣服。儘穀了也。〔正末云〕你道不少麼。我心裏便歡喜也。王秀才。與我西頭請將小秀才娘兒兩箇來者。〔淨王秀才云〕姑夫。這事你主定了。又請他做甚麼。〔正末云〕你則請的他來呵。你身上的事務。便是完備了也。〔淨王秀才云〕理會的。我知道。我出的這門來。則這裡便是。小秀才在家麼。〔旦兒同李春郎上〕〔李春郎云〕母親。門首不知誰喚門哩。我開開這門。〔做見科〕〔云〕王秀才哥哥請坐。〔淨王秀才云〕小秀才。一向管顧不周。便是我在下有些喜事。請你寫箇休書。〔李春郎云〕是婚書。〔淨王秀才云〕吓。吓。是婚書。也不要緊。我教與你寫任從改嫁。並不爭論。吓。可是休書了。來到了。我報復去。嬌子。你加一美言。我重重的相謝你。〔李春郎云〕放心。小生知道。〔淨王秀才云〕姑夫。小秀才來了也。〔正末云〕請的來了。〔李春郎云〕伯伯。伯娘。〔正末云〕嬌子兒。管顧不周。小秀才。你看書也不會。〔旦兒云〕多多稟告伯伯伯娘。春郎每日看書。〔正末云〕後堂中請出小姐來者。〔淨王秀才云〕梅香。轉報窰窩裏。拖出小姐來者。〔蘭孫上〕〔云〕父親。母親。您孩兒來了也。〔淨王秀才做扯衣服科〕〔云〕衣服不整。朋友之過。〔正末云〕小姐。休下拜者。你且一壁有者。嬌子兒。今日請將您來。別無甚事。因爲這一十八歲蘭孫小姐。此女子非常人之家。

他父親是裴使君。曾在襄陽爲理。不幸他被歹人所累。身亡無錢埋殯。止有這一女子。長街市上。自己賣身。賣五百貫長錢。埋殯他父親。不想正遇着老夫。我將裴使君的骨殖。高原選地。破木造棺。建了墳塋了也。我今待與小姐成就些婚禮的道理。嬌子兒。陪與小姐三千貫奩房斷送。金銀玉頭面三付。春夏秋冬四季衣服。我要將這一十八歲蘭孫小姐。配與李春郎爲妻。嬌子兒。你意下如何。(旦兒云)似此呵。怎生報答伯伯伯娘也。春郎。謝了伯伯伯娘者。(李春郎做拜科)「正末云」王秀才。您姑夫主的勾當。可是如何。(淨王秀才云)你到主我那脚後跟。(李春郎云)索是謝了哥哥。(淨王秀才云)謝您老子頭蹄。(卜兒云)老的你差了也。他又來投奔。俺又管顧他。倒賠奩房斷送。又與他箇媳婦兒。你和他是甚麼親眷。(正末唱)

〔快活三〕則這陪緣房是咱的志氣。配良姻是我的陰騭。咱這般疎財仗義禮當宜。(帶云)咱兩口兒做着這般善事。着那外人說出去呵。(唱)顯的我這夫克己你箇妻賢惠。(卜兒云)他掣將一張白紙來。和他有甚麼親也。(正末唱)

〔朝天子〕白紙上雖無甚麼墨跡。既然他每寄子波那托妻。今日箇便伊同咱兩箇便爲了這交契。(帶云)既是和咱做了親眷也。索(唱)俺必索那傾心吐膽將他廝惠濟。(帶云)一箇婚姻。一箇是死葬。咱將着那金子銀子。那裡尋這般好勾當做去來也。(唱)

若是我便順着人的情呵。也是我便合着這天意。〔旦兒做悲科〕云伯伯伯娘。媳婦兒也不敢要。則今日辭別了伯伯伯娘。俺子母二人回去也。〔正末云〕嬌子兒。並不會說甚麼言語。我和您伯娘。商量小姐的奩房斷送。並不會說甚麼言語。嬌子兒省煩惱。〔正末做見卜兒科〕云我問你。這凡百的一家人家。有箇家長麼。莫不俺這男子漢主了的這莊勾當。信着你這等的言語。肯則那等干罷了麼。我做了的那好勾當。着你這幾句話波。兀的不壞盡了也。我問你。那的是你那三從四德。則這的便是你那三從四德。不是爲孩兒每這些喜慶的勾當。你則再言語。我就不信也。〔卜兒云〕俺和他是甚麼親。〔正末云〕嬌子兒。可止不過您伯娘有些閑書刺語道了呵。我肯依的他來。李春郎孩兒也。咱本是一重兒親來。因着小姐面上。嚙越親波越厚了也。〔唱〕從今後你箇嬌子兒。〔帶云〕春郎。〔唱〕和你箇姪兒。嚙可都是一家一計。〔卜兒扳正末科〕云凡百事好歹有箇商量。〔正末唱〕你好不會做那人也。則到如今也索更爭甚麼。我波那共你。〔淨王秀才云〕我本待不說來。氣敝破我這肚皮。他姓甚麼。你姓甚麼。〔正末云〕賊醜生。干你甚事。〔唱〕論甚麼姓劉也。那姓李。〔淨王秀才云〕他在那裡住。你在那裡住。〔正末唱〕不在於你也。者麼他住在江南也。那塞北。〔淨王秀才云〕掣將一張白紙來。知他是甚麼親眷。也不似你忒獨主。〔正末云〕嚙聲賊醜生也。〔唱〕豈不聞道四海內皆是兄弟。〔淨王秀才云〕我兒也。

一塊肉到於我口裏。你奪將去了。更待干罷。我今夜三更三點。跳過牆去。我把你一家兒都殺了。
〔李春郎云〕伯父。他說出來做出來。〔正末云〕孩兒也。他則不說出來。少不的做下來也。則今日好日辰。收拾了琴劍書箱。便索上朝取應去。一來與您餞行。第二來就到墳頭辭了您父親。便索長行。來到也。孩兒拜了你父親者。嬌子兒。你拜了兄弟者。蘭孫小姐。我將你父親骨殖。也取將來了也。你拜了者。拜了者。嬌子兒。你今日臨行也。我有句言語。說的明白了。您便行。想當初。咱本不親。着孩兒言稱道。這的父親不親呵。怎生留俺在家中住許多時來。想當初。你父親捎將來的書。封皮上有字。就裏則是一張白紙。白者是素也。紙者是居也。故言則是托妻寄子在老夫跟前。今日你夫妻子母。上朝取應去也。那的是俺下場頭也。〔唱〕

〔耍孩兒〕既來托我爲交契。我不曾見伊家面皮。你和咱素日不相識。知道也。那臨危向妻子行留遺。〔云〕你和我做兄弟。〔唱〕憑着這半張白紙爲交友。隔着這千里關山廝認義。我明知你是容妻子安身計。他知我恤孤念寡。救困扶危。
〔旦兒云〕當日止不過一封書與伯伯。多承看待如此。〔正末唱〕

〔四煞〕一封書寄與咱。你夫情我盡知。今日紅粧共秀才。您兩箇爲門對。豈不聞書中有女顏如玉。路上行人口勝碑。君子喻於義。也強如巡寺院。布施與錢。

物。遶廟宇禱告神祇。〔蘭孫云〕父親。您孩兒臨行。也有句話。敢說麼。〔正末云〕甚麼話。但說不妨。〔蘭孫云〕有蘭孫的父親。在這裡葬埋着。則怕到多年節下。月一十五。澆不了的漿水。與俺父親灑半碗兒。燒不了的紙錢。與俺父親燒一陌兒。〔蘭孫死生難忘也。〕〔正末云〕孩兒。我知道。春郎孩兒近前來。休說道這伯父。我是國家白衣卿相。可怎生用些小錢物。贖買將箇小的來。可與你爲妻。你休這般道。〔旦兒云〕伯伯。俺怎敢說這等的言語也。〔正末唱〕

〔三煞〕他祖宗是官宦家。他父親爲宰相職。他今日賣身不幸到咱家裏。與你箇賢達的嬌子兒爲兒婦。我配你箇清俊的書生作正妻。你可休觀的微賤看的容易。莫把這堂中珍寶。你可休看承做牆上泥皮。〔李春郎云〕則今日好日辰。上朝求官應舉。走一遭去。〔正末云〕春郎。到的帝都闕下。則要你着志者。〔李春郎云〕放心。你兒這一去。好歹要中科名也。〔正末唱〕

〔二煞〕想着那對寒窗受苦辛。跳龍門奪富貴。九經三史從頭壘。萬言長策朝中獻。一舉成名天下知。有一日身及第。頭直上打一輪皂蓋。馬頭前列兩行朱衣。

〔尾聲〕則要你頻頻的我根前寄一紙書。〔李春郎云〕伯父。孩兒知道。〔正末云〕你若到

的帝都闕下。缺少盤纏。怕你寫不及書信呵。你則道箇口信來。老夫也教人捎些盤纏去。〔唱〕則要你常常的教我這兩口兒知。〔云〕貪煩惱。却忘了安復嬌子。嬌子兒。這些詩衣服茶飯供給不到處。是必休怪也。〔唱〕這些時應不到處可也是俺自家的禮。〔李春郎云〕伯父。此恩異日必當重報也。〔正末云〕孩兒。你休那般說。〔唱〕這恩念報不報知不知。哎。兒也。那的可不在於你。〔下〕〔淨王秀才冲上〕〔云〕好也。你那裡去。我兒也。一塊好肉。到我口邊。你奪了我的去了。有這箇道理。你在這裡許多時節。我也有好處在你身上。來到今日。你敢如此般也呵。過來受死。〔李春郎跪科〕〔云〕哥哥。干小生甚事。我得了官。慢慢的來報答你。〔淨王秀才云〕阿呀。罷罷。你去你去。〔唱尾聲科〕你與我頻頻的寄一紙書。常常的着這王王王秀才知。這恩念你報不報知不知。書哩的打哩打哩哩。〔下〕〔李春郎云〕母親。則今日收拾了行裝。上朝取應。走一遭去。伯父恩臨天地知。上朝取應敢教遲。一舉首登龍虎榜。十年身到鳳凰池。〔同旦兒蘭孫下〕

第三折

〔李遜扮增福神上〕〔云〕中和直正烈英才。玉帝親臨聖勅差。休道空中無神道。霹靂雷聲那裡來。吾神乃上界增福神是也。生前乃是汴梁李遜字克讓是也。在生之日。廣覽詩書。一舉狀元及

第。新除錢塘爲理。至望京店。不幸染其疾病。不能動止。臨命終時。素嬌妻幼子。無處歸着。聞知洛陽劉弘。恤孤念寡。救困扶危。故脩書一封。明則是托妻寄子。小聖辭世。他子母二人。到於洛陽。見了劉弘。此人見其書。解其意。將他子母收留。如親相待。教春郎讀書成人。又配蘭孫女爲妻。春郎一舉登科。皆劉弘員外之大德也。小聖在生之日。與人水米無交。死歸冥路。今以正直爲神。上帝點檢人間善惡文簿。洛陽劉弘。有兩莊缺欠。天壽乏嗣。小聖在玉帝前展脚舒腰。叩頭出血。言劉弘每事皆善。出無倚之喪。嫁貧寒之女。乞告一子。見今十三歲。乃劉奇童是也。恐防員外不知詳細之因。故托夢說知就裏。駕起雲端。直至洛陽劉弘宅上托一夢境。走一遭去。〔裴使君扮城隍上〕〔云〕霹靂響亮震山川。蒼生拱手告青天。有朝雨過雲收斂。兇徒惡黨又依然。小聖乃西川五十四州城隍都土地。生前乃襄陽裴使君是也。吾神在襄陽爲理時。所行事有法。治百姓無虞。不與薄倖之人相跟。不與邪僻之人遊徑。君子行正。不容小人。被羣寇所勒。身亡無錢埋殯。奈陽間別無甚得力兒男。止有一女。小字蘭孫。直至洛陽。尋親不遇。行其孝敬之心。插一草標。自己賣身於市。誰想劉弘員外。聞知官宦之家。不忍以貴爲賤。倒賠奩房斷送。配合與李春郎爲妻。今春郎爲官。我女受五花官誥。駟馬高車。爲夫人縣君之職。光顯裴氏門庭。皆賴恩人劉弘之德也。小聖死歸冥路。皇天不負吾德。正直爲神。因朝玉帝。點檢善惡文簿。觀見洛陽劉弘。有二事缺欠。一

者天壽二者乏嗣。天壽者小聖在玉帝前展腰舒脚。叩頭出血。訴奏劉弘每事皆善。上帝勅賜二紀之壽。一紀十二年。二紀二十四年。員外本合該命不過五旬而亡。着員外直活到七十有四。方盡天年。恐防員外不知詳細。今夜晚間。駕起祥雲。直至劉弘宅上。報恩答義。走一遭去。〔李遜云〕雲頭起處。何方聖者。〔裴使君云〕那壁是甚處靈神。〔李遜云〕吾神乃上界增福神是也。〔裴使君云〕生前何人。〔李遜云〕生前乃汴梁李遜李克讓是也。那壁尊神。何方聖者。甚處靈神。〔裴使君云〕吾神乃西川五十四州城隍是也。〔李遜云〕生前何人。〔裴使君云〕生前襄陽裴使君是也。〔李遜云〕莫不是蘭孫之父麼。〔裴使君云〕然也然也。那壁尊神。莫不是春郎之令尊麼。〔二神同跪科〕〔李遜云〕然也然也。親家請起。生前不能相會。〔裴使君云〕死後彼各爲神。〔李遜云〕尊神何往。〔裴使君云〕吾神乃爲劉弘嫁婢之恩。未能答報。尊神何往。〔李遜云〕小聖爲劉弘員外托妻寄子之恩。未能答報。俺二神駕起祥雲。同到劉弘宅上。報恩答義。那走一遭去。〔同裴使君下〕〔正末同卜兒僚兒上〕〔正末云〕自從他娘兒兩箇去後。我這婆婆。跟前所生一子。喚做奇童。長年十三歲也。天生識字。我着他七歲上攻書。指萬物爲題課賦。一箇好聰明兒也。兒也。我是你誰。〔僚兒云〕你是我爹爹。〔正末云〕兀的不歡喜殺老夫也。〔唱〕

〔越調鬪鶴鶉〕則俺這頑子奇童。學儒人的秀士。他從那乳黷裏胎齠。敢則是

朝經暮史。他可使受辛苦十年。望功名也。則是半紙。這箇小廝。是箇好兒。他可使廣覽羣書。多知故事。

〔紫花兒序〕是他望空裡取句。走筆成章。課賦吟詩。看名人書傳。習禮儀文字。他生而知之。一壁廂誦周易。說着論語。講着孟子。這孩兒聰明天賜。他從那七歲攻書。多不到十載過師。〔云〕婆婆。天色晚了也。引的孩兒後堂中歇息去。老夫閑看幾行書者。〔卜兒云〕理會的孩兒也。俺後堂中歇息去來。〔卜兒同傑兒下〕〔正末唱〕

〔凭欄人〕今夜觀書不待夜。忽的神魂好着我難動止。比及到更深宿睡時。我權且曲肱而枕之。〔做睡科〕〔李遜同裴使君上〕〔李遜云〕按落雲頭。可早來到也。尊神請。〔裴使君云〕尊神請。〔李遜云〕劉弘劉元溥。〔正末唱〕

〔鬼三臺〕咱親自凝眸視。恰纔覺一陣香風過耳。見二神立在堦址。都一般腰金衣紫。〔李遜云〕你休驚莫怕也。〔正末唱〕說的我兢兢戰戰軟了四肢。慌慌亂亂自三思。何方聖者離祠。您是甚處神靈至此。〔云〕那壁是何方聖者。甚處神靈。劉弘一誤。二錯。觸犯着上聖。望上聖寬恕。何不通名顯姓者。〔李遜云〕恩人請起請起。小聖非外道邪魔。吾神乃上界增福神是也。〔正末云〕生前何人。〔李遜云〕生前乃汴梁李遜李克讓是也。〔正末云〕莫

非是春郎之父麼。〔李遜云〕然也然也。春郎子母多蒙恩人垂顧。想員外有山海之恩。小聖無毫毛之報。我與你叮嚀的說破着。員外備細的皆知。小聖在生之日。螢窗雪案。暮史朝經。坐守的棘闌暖。步折的桂枝芳。纔得瓊林酬素志。豈期旅邸染沉疴。病在膏肓。命垂頃刻。怕甚麼祿盡衣絕。赤緊的撇不下妻嬌子幼。我之命以聽於天。他子母安身何處。小聖囊無調藥之資。居無錐扎之地。使小聖展轉徬徨。無計可施。聞足下海量寬洪。素素日不爲交友。欲脩尺素。款拂花箋。濃磨香翰。深蘸紫毫。往常時作詞賦。掃千言。當日箇敍寒溫了無一字。與長者又不曾相會在酒社詩壇。着小聖寫甚麼平安動止。聞長者開東閣好士尊賢。所以將空書托妻寄子。小聖命掩黃泉。他子母便踐程途。到於宅上。長者你那高明遠見。博學廣文。見其書。解其意。施惻隱之心。恤孤念寡。識認下子母。另置宅安居。如骨肉五服之親。待衣食四時足備。更與裴蘭孫萬貫粧奩。成就了李春郎百年繾綣。今春郎奮身辭白屋。平步上青霄。李春郎飛黃騰達。賴長者恩榮德化。小聖死歸冥路。乃至天庭。爲生前秉性忠直。主東嶽增福之案。掌人間生死輪迴。上帝因檢善惡文簿。因見洛陽劉弘。天壽之嗣。上帝問其故。小聖回言。鑒面色本合絕嗣覆宗。論心地理當有兒繼祖。上帝勅賜一子奇童是也。此子生的形容典雅。骨格清奇。久後若遇他冠世文才。覲富貴有如拾芥。待到開春。禹門三級浪。平地一聲雷。恁時節乘肥馬。衣輕裘。居館閣。坐琴堂。長者則爲你施婚姻死葬。

之恩。着你享子女玉帛之美。你去那冥冥中積下陰德。今日箇朗朗的填還你那陽報。說兀的做甚。都則爲李春郎無處安身。謝長者齎發的列鼎重裯。賜一子奇童養老。這的是窮李遜知恩報恩。〔正末云〕這位尊神。何方聖者。甚處靈神。何不通名顯姓者。〔裴使君云〕吾神非外道邪魔。乃西川五十四州城隍是也。〔正末云〕生前何人。〔裴使君云〕生前乃襄陽裴使君是也。〔正末云〕莫非是裴蘭孫之令尊麼。〔裴使君云〕然也然也。恩人請起。蘭孫女子。多蒙垂顧。聽吾神慢慢的說一遍。小聖堅持節操。鎮襄川。專與黎民解倒懸。居官清正空囊客。可憐也死無招魂一陌錢。女子賣身爲葬殮。深蒙長者痛哀憐。衣衾棺槨皆俱備。殘軀以得葬高原。長者道宦門孝女。難爲婢。配合春郎夙世緣。小聖生前正直無私曲。死後復承上帝宣。典祀城隍西蜀郡。血食香火至心虔。長者之德高如華嶽三峯頂。深如滄海萬波淵。英靈每念恩人德。在心不忘意懸懸。一生榮貴多財祿。嗟乎二事不周全。乏嗣者那壁尊神乞賜奇童子。天壽者小聖特拜青詞玉殿前。言長者你不欺暗室遵天律。不由邪徑仿先賢。恤孤念寡由心造。救困扶危出自然。孔子道富而好禮人之本。貧而樂道德之源。俛首俯不作於地。舉頭仰不愧於天。上帝特降丹書字。勅賜二紀壽綿綿。我說兀的做甚。休言秉性皆由命。禍福從心太上傳。婢妾却如親女嫁。今日箇方知元溥得延年。〔正末云〕多謝了二位尊神也。〔唱〕

〔調笑令〕裴使君便是蘭孫是你女孩兒。〔裴使君云〕俺一逕的來報恩答義也。〔正末唱〕您兩箇爲報恩臨來到此。〔李逵云〕則爲你天壽乏嗣也。〔正末唱〕爲咱家天壽乏其嗣。〔裴使君云〕俺天庭上奏准明白了也。〔正末唱〕您去那天宮上保奏青詞。從昨宵親奉玉帝旨。〔云〕一箇是增福神。〔唱〕這箇爲土地判斷陰司。〔李逵做推正末科〕〔云〕休推睡裏夢裏疾。〔李逵同裴使君下〕〔正末云〕尊神尊神勿罪也。原來是南柯一夢。天色明了也。後堂中請將他娘兒兩箇來者。〔卜兒同傑兒上〕〔卜兒做見科〕〔云〕老的也。爲甚麼大驚小怪的。〔正末云〕您娘兒每後堂中歇息去了。我身子有些困倦。略睡些兒。我則見燈燭下披袍秉笏。立在我面前。我道何方聖者。甚處靈神。通名顯姓。一箇是春郎的父。一箇是蘭孫的父。他都爲了神。我本當五十歲上身亡。他去上帝行奏過。賜與我二紀之壽。一紀十二年。二紀二十四年。我直活到七十四歲上死。我本當乏嗣無兒。賜與我一子。乃是奇童。臨去時又說着孩兒上朝求官應舉去。必然爲官。若是孩兒得了官呵。俺家裏妻財子祿。都完完全全的也。王秀才。〔淨王秀才上〕〔云〕來了來了。姑夫。喚我做甚麼。〔正末云〕王秀才。你領着孩兒上朝應舉去。比及你回來時。我好親事踏下一門與你。〔淨王秀才云〕老兒。你哄我好兩遭兒了。姑夫放心。我領將孩兒去。〔正末唱〕

〔尾聲〕若是你爲官稱了平生志。有一日大限臨頭那時。若你箇小解元得爲官。將你這雙老爺娘放心死。〔同衆下〕

第四折

〔李春郎扮官人領祗從上〕〔云〕雷霆驅號令。星斗煥文章。小官李彥清。自離了劉弘伯父。可早十三年光景也。到於帝都闕下。一舉狀元及第。今謝聖人可憐。着小官爲主司考卷。開放嬰童舉場。今場有一嬰童解元。年一十三歲。名曰奇童。小官問其故。原來是劉弘伯父孩兒。小官想伯父山海恩臨。未曾答報。小官聖人跟前訴說。劉弘伯父托妻寄子一事。聖人大喜。着小官加官賜賞。小官就與母親說知。將小官妹子桂花與奇童爲妻。今日領了聖人的命。不敢久停久住。收拾行裝。同母親直至劉弘伯父宅上。一來加官賜賞。二來報恩答義。走一遭去。積功累行濟人貧。多蒙訓教得成人。今日嶧嶧顯耀登八位。去來報答劉弘伯父恩。〔下〕〔正末同卜兒上〕〔正末云〕婆婆。自從王秀才領的孩兒上朝取應去了。未知得官也不會。哎。兒也。兀的不想殺我也。〔卜兒云〕老的也。你省煩惱。孩兒得了官。好歹回來也。〔雜當上〕〔云〕是呵。自家報登科的便是。聞知劉弘老員外家劉奇童。得了嬰童解元。我往他家報喜。討些錢鈔使用。有何不可。可早來到也。不必報復。自己過去。老員外喜也。大舍得了嬰童解元也。〔正末云〕與那報登科記的五兩銀子。〔雜當云〕

多謝了老員外。〔下〕〔正末云〕婆婆。恰纔報登科記的來。說道孩兒得了官也。那邵堯夫戒子伯溫曰。吾欲教汝爲大賢。未知天意肯從否。〔唱〕

〔雙調新水令〕人皆養子。可便望聰明。俺孩兒自從那蒙童兒裏上朝取應。當日那寒窗下熬煎殺俺那小秀才。今日箇貢院裏歡喜殺俺老公卿。聖旨教御筆標名。俺孩兒白身裏受朝命。〔淨王秀才同僚兒引祗從上〕〔僚兒云〕左右接了馬者。我見父親去。〔做見正末科〕〔云〕父親。您孩兒得了嬰童解元也。〔淨王秀才云〕姑夫。賀萬千之喜。奇童做了嬰童解元也。小哥哥好才學。到的貢院中。今場貢官喚他過來。你吟四句詩。小秀才道。指甚爲題。貢官道。指河裏的船。便是題目。不打草便作四句詩。好才也。詩曰。河裏一隻船。岸上八箇拽。若還斷了索。八箇都喫跌。姑夫。你不知大人說。又有加官賜賞。我說姑夫我這親事。這遭可准成着。〔正末云〕謝天地。安排筵會慶喜也呵。〔唱〕

〔水仙子〕龍樓鳳閣九重城。新築沙堤宰相行。白身裏八位中除參政。將皇家俸祿請。十年前誰識你箇書生。掃蕩的蠻夷靜。揩磨的日月明。從今後天下咸寧。〔李春郎引旦兒蘭孫桂花同上〕〔李春郎云〕可早來到也。左右接了馬者。〔做見正末科〕〔云〕劉弘望闕跪者。〔正末云〕裝香來。〔做跪科〕〔春郎云〕聽聖人的命。爲你出無倚之喪。嫁孤寒之

女。因此聖人見喜。你本是龍袖裏嬌民。堪可做朝中宰相。劉弘加你爲本處的縣令。你妻爲賢德夫人。奇童爲嬰童解元。都着您列鼎重祿。聖人喜的是義夫節婦。愛的是孝子順孫。今日箇加官賜賞。一齊的望闕謝恩。〔正末云〕感謝聖恩也。〔李春郎云〕伯父。認的您孩兒李彥清麼。〔正末唱〕

〔沽美酒〕多虧你箇李彥清。〔李春郎云〕我舉保奇童兄弟來。〔正末唱〕你便保舉俺這小匡衡。則俺這張元伯多虧你箇范巨卿。可俺托賴着當今聖明。依隨着漢陳平。〔李春郎云〕據着伯父的德行。不弱如先賢古人也。〔正末唱〕

〔太平令〕將俺似王粲梁鴻比並。把俺似那蘇秦共傳說般看承。可俺又無那閱損顏淵德行。端的更勝似呂望甘羅封贈。〔李春郎云〕加你爲洛陽縣令之職也。〔正末唱〕遙受着洛京縣令職名。聖人道積善之家必有餘慶。〔李春郎云〕伯父有請。母親都在於門首哩。〔正末云〕既然如此。請您母親相見者。〔衆做見科〕〔旦兒上〕〔云〕妾身春郎母親是也。當日無倚之時。投奔於伯伯門下。蒙伯伯收留存濟。又將蘭孫小姐。配與春郎爲妻。及蒙齋發盤費。上朝應舉。誰想孩兒得了頭名狀元。皆賴伯伯之恩也。當日夫亡之時。已有半年身孕。所生一女。小字桂花。如今一十四歲。見將着房奩斷送。伯伯休嫌貌陋。情願配與奇童爲妻。以

報厚恩也。〔正末云〕又蒙嬌子將所生之女桂花。與孩兒爲妻。兀的不歡喜殺老夫也。則今日做一箇慶喜的筵席。〔李逵同裴使君上〕〔李逵云〕吾神乃增福神是也。這位是都城隍。按落雲頭。劉弘宅上報恩答義去來。〔做見科〕〔云〕恩人。你休驚莫怕。吾神乃增福神是也。生前乃是李克讓。想當日他子母孤寒。蒙恩人收留養濟。小聖在玉帝前叩頭乞告。上天所賜一子。奇童是也。恩人你歡喜者。〔正末云〕感謝上聖。原本下缺一行計十七字休驚莫怕。吾神乃都城隍是也。生前乃是裴使君。當日吾女蘭孫。自己賣身。蒙恩人收留。自賠奩房。斷送配與春郎爲妻。此德此恩。何以報答。小聖在玉帝面前。叩頭出血。增汝壽算二紀。以報厚恩也。恩人你歡喜者。〔正末云〕感蒙上聖也。裝香來。

〔唱〕

〔折桂令〕俺一家兒祭賽你箇城隍增福威靈。〔二神云〕奇童皆是俺二神之功也。〔正末唱〕保護的俺十三歲蒙童金榜上標名。〔李逵云〕吾神又將小女桂花。配與奇童爲妻。則爲你恤孤念寡。敬老憐貧。因此感動天地也。〔正末唱〕想當初都只爲這箇劉弘。騰雲駕霧。直至天庭。〔李逵云〕奉上帝勅令。特來增福延壽也。〔正末唱〕您兩箇奏上帝把咱家壽增。保舉的俺輩輩兒崢嶸。〔云〕聖賢那。〔唱〕量這一箇愚魯的鰥生。無德無能。俺一家兒禮拜磕頭。感謝神明。〔李逵裴使君云〕則爲你積功累行。陰功厚。布德施恩。神

天祐。則爲你行盡仁義禮智信。今日箇保全你那妻財子祿壽。

題目

受貧窮李遜托妻

正名

施仁義劉弘嫁婢

劉弘嫁婢穿關

楔子

李遜

一字巾 手帕 直身 三髯髯

補子 拄杖

旦兒

場頭手帕 裙兒 布襪

襪兒 鞋

李春郎

一字巾 領 圓

李春郎 旦

兒又上

同前

太白

散巾 白髮 白髯

邊欄道袍 裙扇

繼兒

正末劉弘

一字巾 子困帶

茶褐直身 蒼白髯 拄杖 鈎

頭折

卜兒

場頭手帕 兒 裙兒

眉額 布襪

襪 鞋

王秀才

儒巾 領

圓 繼兒

正末劉弘 李春郎

同前

第二折

蘭孫

手帕 裙兒

補納襖 布襪 鞋

媒婆

髻髻手帕 裙兒

比甲襖兒 布襪

鞋

正末劉弘 卜兒 王秀才 媒婆 蘭

孫又上 旦兒 李春郎

同前

蘭孫又上

花箍 兒 布襪

襪兒 鞋

王秀才又上 同前

第三折

李遜增福神 裴使君 城隍

展角幞頭 偏帶 三髯髯

紅欄 笏

正末劉弘 卜兒

同前 俵兒

銀錠 衣 項帕 青

襖 李遜裴使君又上前

第四折

李春郎官人一字巾 補子圓領 三髯髯祇從攢頂 圓領 襖膊正末劉弘卜兒同前雜當紗包頭 青衣

襖 王秀才祇從同前僚兒一字巾 補子圓領李春郎又上旦兒同前蘭孫髻髻頭面 襖兒 布襖

鞋 桂花花箍 襖兒 裙 兒 布襖 鞋李遜裴使君同前

校內本過清常道人乙卯季春五之日

鄭月蓮秋夜雲窗夢

元闕名

第一折

〔冲末卜兒上〕〔云〕兩京詩酒客。烟花杖子頭。老身姓鄭。是這汴梁樂籍。止生得一箇女兒。小字月蓮。風流可喜。賣笑求食。郎君每見了。無有不愛的。則是孩兒一件。紙湯餅煨着便熟。如今伴着一箇張均卿秀才。起初時怕不有些錢鈔。如今使的無了。俺這妮子戀着不肯開交。俺這門戶人家。一日無錢。也過不的。如今有箇販茶客人姓李。多有金銀財物。看上俺這孩兒。昨日先送了些錢物與我。要和月蓮住。只是不得摘離張秀才。我定了一計。教李官只請張秀才。教月蓮相陪。酒席間買轉他。必然成事。我今日無事。往鄰家吃茶去。〔下〕〔末扮張均卿上〕〔云〕小生張均卿。學成滿腹文章。未得成名。近日與鄭月蓮相伴。深蒙相愛。誓結生死。奈小生囊篋漸消。老媽有見外之意。今日有箇李茶客請我會酒。不知爲何。須索去者。〔淨扮茶客上〕〔云〕小子姓李。江西人氏。販了幾船茶。來汴梁發賣。此處有箇上廳行首鄭月蓮。大有顏色。我心中十分愛他。爭奈他和張秀才住着。插不的手。昨日我見老媽。教我請秀才飲酒。叫月蓮相陪。酒筵間用言調泛。必然成事。憑着我金銀財物。定然挨了他。早來到他門首。〔做相遇推讓入門科〕

做科原
缺校補張兄有請。〔末云〕

老兄。請小生卻是爲何。〔淨云〕客路相逢。請先生開敘一番。也令人請鄭大姐去。敢待來也。〔正旦上〕〔云〕妾身鄭月蓮是也。自與張均卿相伴。再不與閑人往來。今日賣茶的李官。請均卿飲酒。也來請我。既有均卿。我須索走一遭去。我想這花門柳戶。送舊迎新。幾時是了也呵。〔唱〕

〔仙呂點絳脣〕驕馬吟鞭。舞裙歌扇。遲些兒見。席上尊前。抵多少陽關怨。

〔混江龍〕則爲俺歌喉宛轉。觀着這陷人坑。似悞入武陵源。但和俺恩情一徧。不弱如流遞三年。這不義門。怎栽連理樹。火坑中難長並頭蓮。眉尖傳恨。眼角留情。枕邊盟誓。袖裡香羅。尊前心事。席上恩情。傳書寄簡。剪髮燃香。都是俺鼻凹裡蜜。待嚙如何嚙。郎君每買了些虛脾風月。賣了些實拍莊田。〔旦見科〕〔淨做口眼歪斜科〕〔云〕請大姐陪張秀才。也滿飲一盃。〔旦云〕不會飲酒。〔淨云〕小子這般人物。大姐何如不接酒。〔旦唱〕

〔油葫蘆〕有這等夜月春風美少年。他每惡戀纏。每日價長安市上酒家眠。〔淨云〕大姐。我多有金銀錢鈔哩。〔旦云〕你道你有錢物。〔唱〕有一日業風吹入悲田院。那其間行雲不赴凌波殿。麗春園。十徧耕。曲江池。三墜鞭。恰相逢。初識桃花面。都是些刀劍上惡姻緣。〔淨云〕論小子這等人物衣服。似小子的。也少有也。〔旦云〕我量你這般模樣。

〔唱〕

〔天下樂〕你早賣了城南金谷園。乾也波虔。怎過遣。每日價宴西樓醉歸明月天。這壁廂間綺羅。那壁廂列管絃。我怕你有一日飢寒也守自然。〔淨云〕大姐。似俺這等做子弟的。有村的。有俏的。〔旦唱〕

〔那吒令〕那等村的。肚皮裡無一聯半聯。那等村的。酒席上不言語強言。那等村的。俺跟前無錢說有錢。村的是徹膽村。動不動村舫現。甚的是品竹調絃。〔淨云〕小子也看的過。〔旦云〕噤聲。〔生云〕小生一向深蒙大姐錯愛。〔旦唱〕

〔鵲踏枝〕你覷似這等俏生員。伴着這女婢娟。吟幾首嘲咏情詩。寫數幅錦字花牋。慣播弄香嬌玉軟。溫存出痛惜輕憐。〔淨云〕俏的村的。可怎生說。〔旦唱〕

〔寄生草〕你問我兩件事。聽取俺一句言。俏的教柳腰舞困東風軟。俏的教蛾眉畫出春山淺。俏的教鶯喉歌送行雲遠。俏的教半櫬土築就楚陽臺。村的教一把火燒了韓王殿。〔卜兒上〕〔云〕李官人請張秀才和俺家妮子吃酒。說了這一日。俺那妮子只是不肯。我親自走一遭去。〔生云〕母親來了。我且迴避者。〔下〕〔卜云〕你說甚麼哩。〔旦唱〕

〔村里逐鼓〕恰纔俺二人評論。評論這百年姻眷。則這母親到來。天呵不與人
行方便。〔卜云〕你且請退張秀才。留下李官。覓些錢養家。可不好。〔旦唱〕待敢要蝶避了蜂。
驚離了燕。着鏡破了銅。簪折了玉。餅墜了泉。張郎呵俺直恁的緣薄分淺。〔卜云〕

李官錢多。你只守着他能。〔旦云〕他雖有錢。我不愛。我則守着那秀才。〔唱〕

〔元和令〕洞房春。口內言。陽關路。眼前現。賽潘安容貌可人憐。俺秀才腹中詩
欺謫仙。一春常費買花錢。我怎肯不辨箇愚共賢。〔淨云〕你要多少錢物。我儘有。〔旦
唱〕

〔上馬嬌〕教那厮空拽拳。乾遇仙。休想花壓帽簷偏。推的箇沉沉點點磨桿兒滴
溜溜的轉。暢好是顛。眼暈又頭旋。〔卜云〕你不依。我就把你嫁與他。〔旦唱〕

〔游四門〕待教我片帆雲影挂秋天。兩岸聽啼猿。吳江楓落胭脂淺。看漁火對
愁眠。旋。你與我緊張筵。

〔勝葫蘆〕便有那天子呼來不上船。休把女熬煎。待教我冷氣虛心。將他顧戀。
覷一覷要飯吃。攪一攪要衣穿。我與你積攢下些口含錢。〔卜云〕那裡討一文錢來。

孩兒。則願的你安樂者。〔旦唱〕

〔么〕可知可知你可甚只願兒孫箇箇賢。月缺又重圓。人老何曾再少年。舌尖無甜唾。口內有頑涎。虔婆我委實難使燕鶯憐。〔卜云〕孩兒只留下李官人。丟開張秀才者。

〔旦云〕你道只守茶客。休留秀才。與孩兒心下不同。〔唱〕

〔後庭花〕你愛的是販江淮茶數船。我愛的是撼乾坤詩百聯。你愛的是茶引三千道。我愛的是文章數百篇。這件事便休言。咱心不願請點湯晏叔。原告迴避白樂天。原告迴避白樂天。

〔柳葉兒〕他便窮如范丹原憲。甘心守斷簡殘編。他螢窗雪牖。咱情願隨機變。你使盡那不疼錢。也買不轉我意馬心猿。〔卜云〕孩兒。我趕去那秀才。你嫁了李官罷。

〔旦唱〕

〔賺煞〕贏得腹中愁。不趁心頭願。大剛來時乖命蹇。山海恩情方欲堅。被俺愛錢娘撲地掀天。壞了這好姻緣。我則索禱告青天。若到江心早挂帆。向金山那邊。豫章城前面。一帆風剪碎了販茶船。〔下〕〔卜云〕李官放心。我好歹完備了這場事。

〔同下〕

第二折

〔末上〕〔云〕小生張均卿。一向蒙鄭月蓮相伴。誓托終身。爭奈度婆炎涼。小生不得已。與大姐分別。今欲上朝取應。大姐又使梅香送首飾頭面。與我爲路費。我若得了官時。來取大姐。則今日上朝取應。走一遭去。〔下〕〔卜兒上〕〔云〕張秀才去了也。我使人喚那茶客去了。這早晚敢待來也。〔淨上〕〔云〕鄭老媽使人來叫。說那秀才去了。今番好歹成了事罷。〔做見科〕〔淨云〕今日您兒初進門來。備了一盃酒。請奶奶和大姐喫。休要推阻。〔卜云〕好好。梅香。請你姐姐來。〔梅香云〕姐姐有請。〔正旦家常扮上〕〔云〕妾身月蓮。自從那秀才去後。奶奶趕他上京去求官。我着梅香送頭面首飾爲盤費。上京應試。若得了官。便來取我。我也放心不下。今日那茶客置酒請俺。母親着梅香叫我。須索走一遭去。想俺這不義之門。幾時是了也呵。〔唱〕

〔正宮端正好〕詩酒翠紅鄉。風月鶯花陣。醞釀出無邊岸。斷夢勞魂。近新來添了眉尖恨。閃的我人遠天涯近。〔云〕我見那厮。想我那秀才。〔唱〕

〔滾綉毬〕據着他滿腹文。那堪一品人。酒席上那些談論。怎不教我似倩女離魂。我官身處投至得起使臣。散了客賓。早教我急煎煎心困。我則怕辜負了人黃昏。不爭我半披夜月才歸院。多管是獨立西風正倚門。盼殺郎君。

〔倘秀才〕我爲他心忙意緊。他爲我行眠立盹。一樣相思兩斷魂。問別一二日。

勝似兩三春。各自病損。〔做見科〕〔卜云〕孩兒那秀才去了。你也無指望了。〔旦云〕母親再休題那秀才。〔唱〕

〔呆骨朵〕俺兩箇眉尖眼角傳芳信。等盤兒上暮雨朝雲。你將那鐵磨桿爭推。錦套頭競伸。捨了命。風車轉。咬着牙。皮鞭趁。你有錢雖是有。俺親的則是親。〔卜云〕李官在此。你搽些胭脂。戴些花朵。可不好。〔旦云〕我有甚心情也。〔唱〕

〔脫布衫〕我如今鬢刀騷強整烏雲。年紀大倦點朱唇。面皮黃羞施朱粉。腰肢瘦湘裙不稱。

〔醉太平〕見如今惜花人病損。俺娘和茶客錢親。却教我嫩橙初破酒微溫。那的是眷姻。〔卜云〕孩兒。你命在煙花中。是這樣幹。你守着那秀才。你待要做夫人哩。〔旦唱〕如今春花已落。烟花陣。夫人自有夫人分。百年誰是百年人。難尋這白頭的對門。〔淨云〕大姐。我錢多着哩。茶也有幾缸。你要時都搬來。〔旦唱〕

〔么〕馮魁是村倒有金銀。俏雙生他是讀書人。天教他受窘。書生曾與高人論。錢財也有無時分。書生有一日跳龍門。咱便是夫人縣君。〔卜云〕李官人。咱吃酒來。〔旦唱〕

〔倘秀才〕俺娘有錢的和他伴親作親。無錢的頂了前門後門。張郎也眼睜睜。西出陽關無故人也。待花滿眼。酒盈尊。奈時間受窘。〔淨云〕我的茶值錢多哩。〔旦

唱〕

〔滾綉毬〕倚仗蒙山頂上春。俺只愛菱花鏡裡人。敢教你有錢難奔。覷這販茶。舡似風捲殘雲。留取那買笑的銀。換取些販茶的引。這其間又下江風順。休戀我虛飄飄。皓齒朱唇。如今這麗春園。使不的馮魁俊。赤緊的平康巷時行有鈔的親。斷送了多少郎君。〔云〕我待寄書與俺那秀才。又不知在那裡。〔唱〕

〔叨叨令〕兩行詩寫不盡丹楓恨。一封書空盼殺青鸞信。三停刀砍不斷黃桑棍。九稍砲打不破迷魂陣。則是爲他來也麼哥。爲他來也麼哥。空教我立斜陽盼的雙眸困。〔卜云〕隨你。隨你。我去也。〔下〕〔淨云〕大姐。你吃一盃酒。〔旦云〕你見我親麼。〔淨云〕我可知親哩。〔旦云〕你且吃了酒者。〔唱〕

〔滾綉毬〕你若是見我親。與我飲過這一尊。不要你滴瀝噴嚏。眞喫的玉山頽燕爾新婚。〔淨云〕我吃。我吃。〔連飲數盃科〕〔旦唱〕見他輕仰了身。摘去了巾。黑裏裏有如雷震。〔淨醉科〕〔卜上〕〔云〕孩兒。你替他遞幾盃兒。也多得些東西。〔旦唱〕非是我翠袖

殷勤。我教他九分酒灌十分醉。呆漢。休想一夜夫妻百夜恩。枉費了你精神。〔下〕

〔淨〕〔淨樓旦科〕〔旦放一交科〕〔旦唱〕

〔二煞〕你箇謝安把我攜出東山隱。我怎肯教宋玉空閑了楚岫雲。你則待酒醞花濃。月圓人靜。便休想餅墜簪折。鏡破釵分。玉簫對品。彩鸞同乘。鴛枕相親。一鍋水正滾。怎教竈底去了柴薪。〔淨云〕大姐。我醉了。〔旦唱〕

〔煞尾〕教這厮一席風月無音信。千里關山勞夢魂。那厮使心機賣聰俊。不隄防俺這一棍。教那厮醉裡驚。醒後昏。就裡疼。痞氣忍。咱對梅印窗紗月一痕。風弄銀臺燈半昏。水侵銅壺玉漏頻。香熱金爐篆烟盡。閑語閑言酒半醺。我獨擁鮫綃被正溫。管甚他家醉後嗔。我教那厮一任孤眠睡不穩。〔下〕〔淨做醒科〕〔云〕

大姐不見了。敢跟了小郎去了。我索尋去。〔下〕〔卜云〕這丫頭也不掙錢。不如賣了罷。〔淨上〕

〔云〕我買。我買。〔卜云〕他不肯嫁你。別尋一家子賣與他。〔淨云〕你賣我不管。〔下〕〔外旦上〕

〔云〕妾身是洛陽樂籍張媽媽是也。來到這汴梁。聞知這鄭媽媽女兒月蓮。因不掙錢。賭氣要賣。我已着人與說。做五十兩銀子買做妹子。這早晚鄭媽媽敢待來也。〔卜上〕〔云〕張媽媽。俺這妮子。纏光棍。不掙錢。你將到家中。着意管束。不要慣了他。〔外旦云〕我曉的了。〔同下〕

第三折

〔正旦抱病上〕〔云〕妾身月蓮。自從那秀才去後。那茶客要娶我。我不肯嫁他。將我賣在這洛陽張媽媽家中。依舊求食。又早半年光景。今夜是中秋。想當初共賞中秋。今日月圓人未圓。好傷感人也呵。〔唱〕

〔中呂粉蝶兒〕皓月澄澄。快袁宏泛舟乘興。便宮鴉啼盡殘更。九霄中。千里外。無片雲遮映。是誰家粧罷娉婷。挂長空不收冰鏡。

〔醉春風〕按不住情脈脈。唱然聲。又添箇骨巖巖。清瘦影。〔云〕好月色也。閑庭中步月散心者。〔唱〕步蒼苔。冰透繡羅鞋。暢好是冷。冷。一點離情。半年別恨。滿懷愁病。

〔外旦上〕〔云〕妹子在這裡做甚麼哩。〔旦云〕我閑走來。〔外旦云〕我見你這病體愁悶。拿了些酒食來。與你解悶。〔旦唱〕

〔迎仙客〕我這裡忙接待。緊相迎。量妹妹有甚德能。教姐姐好看承。姐姐索斯敬重。眞然是意重人情。把月蓮眞箇的人欽敬。〔外旦云〕妹子。飲一盃酒者。〔旦云〕姐姐。我那裡吃的下去。〔外旦云〕妹子。你害的是甚麼症候。〔旦云〕姐姐。您妹子害甚。〔唱〕

〔紅繡鞋〕我害的是閑愁閑悶。害的是多緒多情。害的是眉淡遠山青。害的是

傷心症。害的是斷腸聲。害的是繡衾中一半冷。〔云〕姐姐。你試猜我這病者。〔外旦云〕敢是相思病。〔旦唱〕

〔石榴花〕我恨不的把家門改換做短長亭。恨不的拆毀了豫章城。聽的唱陽關歌曲腦門疼。委實的倦聽慘然淒聲。往常時茶裡飯裡相隨定。影兒般隨坐隨行。月窗並枕歌新令。每日價同品玉簫聲。

〔鬪鶻鴉〕則爲我暗約私期。致令得離鄉背井。〔外旦云〕你那秀才那裡去了。〔旦唱〕這其間戴月披星。禁寒受冷。恨則恨馮魁那箇畜生。買轉俺劣柳青。一壁廂穩住雙生。一壁廂流遞了小卿。〔外旦云〕你當初則嫁那箇秀才也罷來。〔旦唱〕

〔普天樂〕不是我酒中言。心頭病。臨風對月。見景生情。想起我舊日情。當時行。誰承望地北天南人孤另。兩下裡冷冷清清。縵山月明。藍橋水浣。楚岫雲平。〔外旦云〕妹子。夜深了。我房中去也。〔下〕〔旦云〕我也房中睡去罷。怎禁那幾件兒助人愁悶。

〔唱〕

〔上小樓〕駕衾半擁。銀屏斜凭。半窗涼月。四壁蛩聲。一點寒燈。布擺下斷人腸。淒涼光景。怎生熬畫堂人靜。

〔么〕想起那心上人。月下情。空教我兜的酸鼻。哄的臉暈。札的心疼。欲解愁。可忘憂。無過酒興。誰承望酒淘真性。〔旦做睡科〕〔生上見科〕〔云〕大姐。我來了也。〔旦云〕秀才則被你想殺我也。〔唱〕

〔快活三〕是誰人喚一聲。覷他時笑相迎。武陵溪畔俏書生。安樂否臨川令。
〔云〕秀才。我見了你就無了病了。〔唱〕

〔鮑老兒〕這搭兒再能見俺可憎。便醫可了天樣般相思病。我則道送人在長沙過了一生。今日箇復對上臨川令。鸞交鳳友。鶯期燕約。海誓山盟。

〔十二月〕金釵倦整。檀口低聲。雲鬟半偏。星眼微睜。可摟抱在懷兒裡。覷定着這短命牢成。

〔堯民歌〕早忘了急煎煎。情脈脈。冷清清。早忘了撲簌簌。泪零零。早忘了意懸懸。愁戚戚。悶騰騰。早忘了骨巖巖。心穰穰。病縈縈。多情。多情。逢志誠。休學李兔。
李兔二字疑誤 王魁幸。〔末云〕大姐。我去也。〔下〕〔旦驚醒科〕〔云〕原來是一場夢。〔唱〕

〔哨遍〕這搭兒纔添歡慶。撲箇空半晌癡呆靜。忽刺入夢斷。碧天涯。空沒亂無緒。無情。夜幾更。畫屏影裡。玉漏聲中。依舊的人孤另。薄設設衾寒枕冷。愁易感。

好夢難成。千愁萬恨斷腸人。怎當那半夜三更莫秋景。比及日出扶桑。月落西廂。敢折倒了人性命。〔旦哭科〕云張秀才也。你好下的也呵。〔唱〕

〔耍孩兒〕愁煩疊萬簇。淒涼有四星。別離人更做到心腸硬。怎禁蒼梧落葉凋金井。銀燭秋光冷畫屏。碧澄澄如懸磬。佳人有意。銀漢無聲。〔云〕我這般煩惱。怎禁

耳邊幾件兒聒噪人也呵。〔唱〕

〔四煞〕孤鴻枕畔哀。亂蛩砌下鳴。西風鶴唳秋天靜。霜寒鴛帳愁無寐。雲冷紗窗月半明。添愁病。驚回一堂春色。萬籟秋聲。

〔三煞〕戰西風竹葉鳴。搗秋霜砧杵清。一弄兒會把愁人併。惱人心半窗嫋嫋疎梅影。聒人耳萬種蕭蕭落葉聲。那堪聽。簷間鐵馬。雨內梧聲。

〔二煞〕這一雙眼纔閉合。爭奈萬般事不暫停。都是謀兒誤倒臨川令。你莫不笙歌謝館來金斗。此句疑有誤字風雪長安訪灞陵。自古多薄命。天涯流落。海角飄零。

〔尾煞〕泪漫漫不暫停。哭啼啼不住聲。不爭這驚回一枕雲窗夢。這煩惱直哭的西樓月兒冷。〔下〕〔淨上〕云小子李多是也。如今鄭月蓮被他母親賣的洛陽張行首家中去了。我如今尋到那裡問親去來。〔卜兒上〕云李官。你須計較停當去。那妮子不肯便嫁你。

〔淨云〕洛陽府判是我叔父。到那裡好歹娶了他。〔卜云〕好計好計。〔同下〕

第四折

〔孤上〕〔云〕某姓李名敬字仲伯。見授洛陽府判。某有一女。年方十八。未曾許聘於人。今有新除洛陽縣尹。是今年新進士。欲招他爲婿。一壁廂安排下筵席者。〔淨上〕〔云〕來到洛陽叔父宅門首。我自過去。〔做見科〕〔云〕叔父。受你孩兒兩拜。〔孤云〕孩兒。你從那裡來。〔淨云〕從汴梁來。因有箇婦人。是鄭月蓮。您孩兒要他爲妻。叔父教人說去。完成這親事。〔孤云〕孩兒。我今日招婿待事畢。明日替你成事。咱且後堂中去來。〔同下〕〔末上〕〔云〕小生張均卿。自到京師。一舉及第。所除洛陽縣宰。走馬赴任。但不知俺那大姐在那裡。風聞的轉賣與人。又無消息。如今府尹相公。招我爲婿。且就這門親事。慢慢再打聽大姐音耗。左右將馬來。我走一遭去。〔下〕〔孤同夫人上〕〔云〕夫人。今日新女婿過門。安排筵席十張。差人喚唱的去。了。如何不見來。〔正旦同外旦上〕〔云〕妾身鄭月蓮。今有府判相公招女婿。喚俺官身。想俺那均卿秀才。知他及第不及第。兀的不煩惱殺人也呵。〔唱〕

〔雙調新水令〕凭欄人空望的碧雲低。隱天涯遠山憔悴。江深魚信杳。天闊鴈書遲。染病耽疾。別離中過一世。

〔駐馬聽〕幽夢初回。待教我一紙音書傳信息。閑愁繫繫。想當初一尊白酒話別離。不爭秦臺弄玉彩雲低。都做了江州司馬青衫濕。兩下裡一般阻隔人千里。〔外旦云〕妹子。你這病害了這一向。還不得好。可是甚麼病。〔旦云〕姐姐。你不知我這病。你聽我說。〔唱〕

〔沉醉東風〕待道是風寒暑濕。其中間廢寢忘食。每日家情不歡。一會家心如織。一會家似醉如癡。沒理會腌臢久病疾。害的來伶仃瘦體。〔云〕早來到也。咱見相公去則。〔做見科〕〔孤云〕我今日招婿。您衆人在意答應者。〔旦云〕理會的。〔末上〕〔云〕小生來到府前。須索過去則。〔做見科〕〔孤云〕狀元來了也。繡房中請出小姐來者。〔梅香捧貼旦上〕〔立定〕〔孤云〕那女樂把盞者。〔旦見末驚科〕〔唱〕

〔夜行船〕我卻待翠袖殷勤捧玉盃。觀他時半晌癡迷。我認的是實。觀得仔細。搯皮肉猶疑是夢裡。〔云〕張秀才。你好下的也。〔末云〕原來是俺大姐。你怎生到的這裡來。教我怎生是好。〔孤怒云〕那妮子教你把盞。因何不把盞。〔夫人云〕這妮子觀看狀元。眼去眉來。不知爲甚。〔旦云〕相公聽妾身說。〔唱〕

〔川撥棹〕俺在那曲江池。墜鞭時。曾認的他帶減腰圍。我玉削香肌。做得來掀

天撲地。寒兒中鼎沸起。

〔七弟兄〕俺娘若聽知。俺恁的他便醫治。眼面前便待把陽關閉。片時間雲暗武陵溪。半霎兒水渰藍橋驛。〔孤云〕這婦人怎敢這般說。〔淨上〕〔云〕叔父。這箇正是我的

媳婦。〔旦云〕呀。他怎生也到這裡。〔唱〕

〔梅花酒〕呀。正撞着販茶客。列舞筵歌席。錦帳羅幃。便待要雨約雲期。當日我酒斟着金罍滿。那厮人倒玉山頽。覺來時後悔。與俺娘共商議。待要我復重席。〔收江南〕趁着這下江風順。片帆歸。俺好姻緣生紐。做惡別離。玉簫閑殺共誰吹。從來到這裡。綠窗前學畫遠山眉。〔孤怒云〕左右公人將大棒來。我問這婦人。〔旦唱〕

〔甜水令〕由你鐵鎖沉枷。一年四季。不離身體。你可甚花壓帽簷低。我則道地北天南。錦營花陣。偎紅倚翠。今日箇水淨鵝飛。〔孤云〕新婿。你認的這婦人麼。〔末云〕

委的是小官舊室。〔淨云〕是我的老婆。〔卜兒上〕〔云〕不要爭。出上錢的就嫁他。〔孤云〕您當初


是怎生來。〔旦云〕相公停噴息怒。聽妾身訴說一遍。妾身姓鄭。小字月蓮。有這張秀才相守。許做夫妻。爭奈無錢。走將這箇茶官。買轉俺娘。逼我嫁他。妾身堅意不肯。俺娘將秀才趕出。妾身將首飾頭面。使梅香送與秀才。言定得官後來娶妾身。秀才得了盤纏。往長安應舉。再無音耗。不想今

日在這裡相見。望相公可憐。怎生方便者。
〔孤問末生云〕新婿。你心中卻是如何。
〔末云〕教小官一言難盡。當初委實是夫妻來。今蒙相公恩顧。小官怎敢別言。
〔孤云〕夫人小姐回後堂中去。人間天上。方便第一。就着這筵席。與狀元兩口兒。今日完成夫婦團圓。您意下如何。
〔末旦謝科〕

〔卜云〕我便是老丈母哩。
〔淨云〕好沒意思。替別人掙了老婆。我也去。
〔下〕
〔旦唱〕

〔折桂令〕再休題孟母三移。你狗肺狼心。短命相識。恨惹情牽。魂勞夢斷。雨約雲期。今日箇成就了鸞歡鳳喜。何消你愛錢娘唱叫揚疾。今日箇共守鴛幃。半掩朱扉。我待學村裡夫妻。步步相隨。
〔孤云〕天下喜事無過夫婦團圓。
〔下闕〕

于小谷本錄校清常



劉千病打獨角牛

閔名

頭折

〔冲末李老兒上〕〔云〕急急光陰似水流。等閑白了少年頭。月過十五光明少。人到終年萬事休。老漢是這深州饒陽縣人氏。姓劉。是劉太公。我有箇兄弟是折拆驢。我那兄弟有些膂力。前年去泰安神州爭交賭籌去了。一向不曾來家。我有箇孩兒。喚做吃劉千。不知怎麼。這孩兒不肯做莊農生活。則待要刺槍弄棒。舉拳擗交。時常裡把人打傷了。我今日着他使牛耕地去。說與沙三伴哥。跟着劉千耕地去。若使牛去便罷。他若和人厮打呵。休着我知道。我不道的饒了他。今日無甚事。老漢我自回家中去也。〔下〕〔淨扮折拆驢領快喫飯世不飽上〕〔折拆驢云〕路岐岐路兩悠悠。不到天涯未肯休。有人學的輕巧藝。敢走南州共北州。自家折拆驢的便是。我是這深州饒陽縣人氏。俺弟兄三箇。子父四人。則俺這老子最大。我爲甚麼喚做折拆驢。我有氣力無氣力。一頭驢往我面前走過去。我一隻手揪住驢。一隻手揪住尾。使氣力則一折。把那驢腰就折拆了。因此上就喚我做折拆驢。三月二十八日。東嶽泰安神州我和獨角牛劈排定對。爭交賭籌。部署扯開藤棒。被那獨角牛則一拳。打了我兩箇牙。二年打了我四箇牙。今年是第三年。說的我就不敢去。

了。〔快喫飯云〕哥。你爲何就不敢去了。〔折拆驢云〕也與我這牙做主是阿。我在這村裏教着幾箇徒弟。就賣些筋骨膏藥兒。這早晚香客未來全哩。等香客來了呵。搯三合。看有甚麼人來。〔正末同禾傑上〕〔禾傑云〕哥哥。你看俺這莊農人家。春種夏鋤。秋收冬藏。春若不種。秋成無望。俺做莊農的。比您這學搯的。可是如何也。〔正末云〕倒不如俺學搯的好也呵。〔唱〕

〔仙呂點絳脣〕你則說春種秋收。使牛耕耨。爲村叟。我和你話不相投。我則待鬪智相搏手。〔禾傑云〕你可受用些甚麼。你喫的是甚麼。〔正末唱〕

〔混江龍〕我喫的是肥羊法酒。〔禾傑云〕不如俺莊農家的茶飯倒好。〔正末唱〕強如您鞭丟酸棗醋溜溜。〔禾傑云〕依着你怎生。〔正末唱〕俺則說劈排定對。〔禾傑云〕俺可是怎生。〔正末唱〕您則待壓靶扶箕。〔禾傑云〕依着你可往那裡要去。〔正末唱〕我去那碾麥場中打套子。煞強如您漚麻坑裏可都摸泥鰍。〔禾傑云〕您怎生不做莊農生活。則好打搯。可是爲何也。〔正末唱〕這的也是我專心好。我相伴的是沙三趙二。更和這伴哥王留。〔禾傑云〕哥哥。你這等刺槍弄棒。爭交賭籌。每日出來。瞞着父親。你可怎生支持也。〔正末云〕起起來也。〔唱〕

〔油葫蘆〕每日介相喚相呼。堆放牛。遶着他這莊背後。〔禾傑云〕俺可往那裡要去。

來。〔正末唱〕我可敢一直兒走到地南頭。您去兀那熟耕地裡可都翻觔斗。〔禾
傑云〕你可做些甚麼那。〔正末唱〕都不如我向花桑他兀那樹下學搏手。〔禾傑云〕依
着哥哥心。可是怎生。〔正末唱〕我有心待燃了香。剃了我這頭。〔禾傑云〕哥也。你這般面黃
肌瘦。怎生贏的人也。〔正末唱〕休笑我渾身上無那四兩山鷄肉。〔禾傑云〕哥也。你憑着些
甚麼武藝敵對人也。〔正末唱〕憑着我這一對瘦拳頭。〔禾傑云〕哥也。你就能跌快打。左手打
三條好漢。右手打三條好漢。你也則好在俺這當村裏施展。你敢往那裡去。〔正末唱〕

〔天下樂〕我可也敢走南州共北州。我可便雲也波遊。遠着那天下走。〔禾傑云〕
哥也。你便走。可也不得馳名也。〔正末唱〕我若是不馳名。我便不姓劉。〔禾傑云〕你父親母
親。則怕你爭交賭籌。打人惹禍。着我跟隨着你哩。〔正末唱〕俺爺將我行也是跟。俺娘將我
坐也是守。則被他每拘束的我來不自由。〔禾傑云〕哥也。父親着你使牛耕地。你便煩惱。
你聽的道廝打呵。你便歡喜。可是爲何。〔正末唱〕

〔那吒令〕說着他這種田呵。我三衙家抹丟。道着他這放牛呵。我十分的便抖
擻。提着道是拽拳呵。美也我精神兒便有。我可便打熬成。我敢則是溫習就。憑
着我這武藝滑熟。

〔鵲踏枝〕有一日賽口願到神州。〔禾條云〕到的那裡。與俺做些甚麼。〔正末唱〕我與你便畫尊神軸。背着案。拜岳朝山。撞府冲州。〔禾條云〕到那裡。憑着你甚麼那。〔正末唱〕憑手眼要衣食便有。〔禾條云〕哥也。到的那裡。你趁些甚麼。〔正末唱〕我趁相搏到處雲遊。

〔禾條云〕哥也。你看兀那裡打擺哩。你領着我看一看去。〔正末云〕那裡這般小打鼓兒響。噲着去來。〔折拆驢云〕徒弟靠前。等香客來全了。擺三合。這一箇有異名。喚做快喫飯。這箇喚做世不飽。世不飽着拳打將去。快喫飯有拳還將來。手停手穩看相搏。〔世不飽打科〕〔快喫飯遮科〕〔快喫飯世不飽做倒科〕〔正末云〕我上的這路臺來。兀那教手。你問我這擺如何。〔折拆驢做笑科〕〔云〕呵呵呵。倒好笑。那裡走將這箇後生來。他無那錢鈔賞俺。他待要鋪獎我。我問你這擺如何。〔正末云〕你這擺直屁。〔折拆驢云〕是有那直屁。我可不放你哩。兀那後生。你既是省的呵。恰纔左軍裏一箇。右軍裏一箇。怎生擊。怎生跌。你敷演一遍。我試看者。〔正末云〕我試敷演這擺者。〔唱〕

〔寄生草〕這一箇吐架子先纏住手。〔帶云〕這一箇展不的也。〔唱〕怕扣落緊刺了頭。這一箇撞入去往上可便鼻凹裏扣。這一箇着昏拳厮打住胡厮紐。你與我中間裏解開分前後。麥場上禾豆您親收。你若到兀那泰安州。銀碗難能勾。〔正

末做脚勾淨科了。〔折拆驢做跌倒科〕〔云〕哎約。哎約。這廝好無禮也。我聽他說話。他把手上頭晃一晃。脚底下則一絆。正跌着我這哈撒兒骨。兀那廝你敢和我廝打麼。〔正末云〕打將來。〔折拆驢做打科〕〔正末做跌倒折拆驢打科〕〔世不飽云〕打將來了。俺兩箇家去了罷。〔同快喫飯下〕〔折拆驢云〕打殺我也。徒弟每都那裡去了。〔正末唱〕

〔單驢兒〕早則倒倒倒了你箇教頭。則我這右拍手。輕盪着你可早難禁受。似倒了一箇糠布袋。摔翻了箇肉春牛。吓。吓。吓。不害您娘羞。你原來是箇蠟槍頭。〔正末做揪折拆驢手跌科〕〔禾傑云〕劉千哥哥又廝打哩。我叫老的來。父親父親。哥哥又廝打

哩。〔李老兒上〕〔云〕在那裡廝打哩。〔禾傑云〕兀的不是。〔李老兒云〕好也好也。〔李老兒做打

正末正末原作折拆驢今改科〕〔云〕着你休廝打。你又惹人。小禽獸。你不聽我的言語。〔折拆驢云〕老的休

打他。打他便是打我一般。恰好都打了我了。〔李老兒云〕兀的不是折拆驢兄弟。〔折拆驢云〕原來是哥哥。〔折拆驢做拜科〕〔云〕哥哥。多時不見。〔李老兒云〕兄弟。你認的這小的麼。〔折拆驢云〕這箇是誰。〔李老兒云〕則他便是你姪兒劉千。〔折拆驢云〕恰纔打我的是姪兒劉千。我去時孩兒則這般大。〔李老兒云〕劉千過來。拜你叔父來。〔正末云〕這箇是誰。〔李老兒云〕是你叔父。〔正末云〕這箇是叔叔。早是您姪兒不會冲撞着叔叔也。〔折拆驢云〕你則這般打出我屁來

哩。哥哥孩兒忙也是閑。〔李老兒云〕孩兒忙哩。〔折拆驢云〕孩兒忙罷。若閑呵。我教他幾箇搏手兒。〔李老兒云〕且顧了你着。〔折拆驢云〕哥哥。你家去安排茶飯。我和姪兒便來。〔李老兒云〕劉千。你和叔父同來。我先回家去也。〔下〕〔折拆驢云〕孩兒也。你這般省的呵。三月二十八日泰安神州。我和你去爭交賭籌。你敢和獨角牛敵對去麼。〔正末云〕叔叔。那裡有這般好搏的。我和他搏去。〔折拆驢云〕孩兒也。除了獨角牛。再無好漢了也。〔正末云〕叔叔。你放心也。〔唱〕

〔尾聲〕賣弄你有楞角。無敵手。哎。你箇折拆驢的叔叔免憂。你則是滿口裏薰豁獨角牛。則今番我直着抹了那厮芒頭。我生性忒搗搜。相搏罷。我着他一筆都勾。我着他但題起這劉千來呵。〔云〕兀的不是劉千來也。〔唱〕我直着他撲碌碌的望風而走。〔折拆驢云〕你可休誇了大口也。〔正末唱〕你穩情取花成蜜就。〔折拆驢云〕你看那獨角牛。身凜凜。貌堂堂。你這等瘦巴巴的。則怕你近不的他也。〔正末唱〕你休笑我黃乾黑瘦。我可敢則今番我直着頂替了那一座泰安州。〔同下〕

第二折

〔旦兒上〕〔云〕只爲兒夫身染病。發願街頭捨義漿。妾身不是別人。乃劉千的渾家是也。爲俺男兒身子不快。我對天許下捨一百日義漿。捨了九十九日。則有今日一日。在此閑坐也。看有甚麼

人來。〔獨角牛同淨快喫飯世不飽上〕〔獨角牛云〕一對拳裏中第一。兩隻脚世上無雙。自家行不更名。坐不改姓。石州馬用的便是。俺家祖傳三輩。是這播家出身。俺祖公公是沒角牛。俺父親是鐵角牛。到我這一輩。喚做獨角牛。每年三月二十八日。上東嶽泰安神州。爭交賭籌。劈排定對。比並高低。頭一年不知那裡走將一箇甚麼折折驢來。與我爭交賭籌。部署扯開藤棒。被我則一拳。打了他兩箇牙。第二年那廝又走將來爭交。又喫我打了他兩箇牙。把那廝打的喪膽亡魂。我耳消耳息。打聽的深州饒陽縣。有箇小廝。喚做甚麼吃劉千。說那小廝一對拳。似剪鞭相似。我這麼箇好漢。天下無對手。我則怕那廝打了我芒頭。兄弟每。您跟着我尋那廝去。若是尋着他呵。衆兄弟每。您着舍利拳打倒那廝。稱了我平生願足。我問人來。兀那捨義漿去處便是。兄弟每飲馬去來。〔快喫飯云〕理會的。牽過馬來飲馬。〔旦兒云〕兀那君子。你好不達時務。不曉事也。人喫的茶飯。可怎麼將來飲馬。〔獨角牛云〕這婦人倒生的好也。喂。兀那婦人。誰不曉事。你家裏有甚麼好男子好漢。叫他出來。〔旦兒云〕這人好無禮也。我喚我父親去。〔做叫科〕〔云〕父親。〔李老兒上〕〔云〕媳婦兒也。做甚麼這般大驚小怪的。喚我做甚麼。〔旦兒云〕您孩兒正捨義漿。一夥男子漢。人喫的茶飯。他要飲馬。我說他。他倒罵我。〔李老兒云〕這廝好無禮也。他在那裡。〔旦兒云〕兀那裡不是。〔李老兒云〕哥哥每。好不曉事也。人喫的茶飯。怎生喂頭口。〔獨角牛云〕兀那老弟

子孩兒。你說誰哩。衆弟兄每。與我打這老弟子孩兒。〔做打倒李老兒科〕〔獨角牛云〕我不打你。家裏有甚麼年紀小的後生。着他出來。我和他略搗三合。〔旦兒云〕好也。你打倒我父親也。我喚我叔叔去。叔叔出來。〔折拆驢在古門道云〕孩兒。喚我做甚麼。〔旦兒云〕你出來。〔折拆驢云〕我忙哩。〔旦兒云〕你做甚麼忙哩。〔折拆驢云〕我捉虱子哩。〔旦兒云〕那裡要緊。有人打倒我父親也。〔折拆驢云〕這厮無禮也。他是盆兒罐兒。〔旦兒云〕怎麼是盆兒罐兒。〔折拆驢云〕他好歹有耳朵也。〔旦兒云〕假似罐兒呢。〔折拆驢云〕也有耳朵兒。〔旦兒云〕一夥人打倒我父親也。〔折拆驢上〕〔云〕這弟子孩兒合死也。過來。我打那弟子孩兒去。〔做見獨角牛科〕〔獨角牛云〕那箇好男子好漢。教他出來。則我便是獨角牛。〔折拆驢做走科〕〔旦兒做攔科〕〔云〕你那裡去。〔折拆驢云〕孩兒也。你不知道。他正是我的牙主兒。〔旦兒云〕他打倒俺老子。可怎生是好也。〔折拆驢云〕打倒你老子。干我腿事。事原作是事故〔旦兒云〕叔叔沒奈何。你救我父親者。〔折拆驢云〕孩兒也。一了說明槍好趨。暗箭難防。我暗算他搬將過來。則一拳打倒那厮。教你父親。打不倒。你趕開條路。我好走。〔旦兒云〕你靠前。〔折拆驢捱打科〕〔云〕唱喏哩。〔獨角牛回身打淨倒科〕〔折拆驢云〕老叔看牙輕着些兒。〔獨角牛云〕兄弟每也。你看打倒的是誰。〔世不飽云〕理會的。我試看者。〔做看科〕〔世不飽云〕哥也。我道是誰。原來是折拆驢。〔獨角牛云〕我若無手眼。不喫

這厮打倒了。衆人向前打那厮。〔衆做打科〕〔折拆驢云〕娘也。打殺我也。法度利害。禍不是好惹的。〔獨角牛云〕喂。那厮。你要我饒你麼。〔折拆驢云〕可知要饒哩。〔獨角牛云〕你要我饒你。叫我十聲老子。〔折拆驢云〕羞人化化的。怎麼叫。〔獨角牛云〕不叫。我就打殺你。〔折拆驢云〕老叔休打。等我叫。〔做叫科〕〔獨角牛應科了〕〔云〕兄弟每。這厮怕俺也。嗜喫酒去也。〔同快喫飯世不飽下〕〔李老兒云〕他去了也。你起來罷。〔折拆驢云〕去了不曾。〔李老兒云〕不妨事。你起來。他去了。〔折拆驢云〕這弟子孩兒好造物。不去了。這厮爛羊頭。喫我打一頓。〔李老兒云〕休對孩兒說。嗜家去來。〔同折拆驢下〕〔旦兒同折拆驢扶正末上〕〔正末云〕大嫂。你熬口粥湯去。哎。嚙娘也。我好頭疼也。〔折拆驢云〕哎。嚙爺也。我好牙疼也。〔正末云〕叔叔。你怎麼來。〔折拆驢云〕不會怎麼。〔正末云〕你看你那頭上土。〔折拆驢云〕我不說。〔正末云〕你不說呵。怎生。〔折拆驢云〕我打滾來。〔正末云〕你那口裏血。〔折拆驢云〕我刷牙來。〔正末云〕你說也不說。〔折拆驢云〕我不說。〔正末云〕你真箇不說。我則一拳。打了你那滿口裏牙。〔折拆驢云〕你則近的我這牙。孩兒也。我說則說。你休要煩惱。〔正末云〕我不煩惱。你說。〔折拆驢云〕孩兒。你那媳婦兒。爲你染病。許下捨義漿。正捨義漿。有那世裏對頭獨角牛。他又調戲你媳婦。又打倒你父親。我勸他來。又着他打了我兩箇牙。孩兒也。你是箇男子漢。頂天立地。噙齒戴髮。帶眼安眉。連皮帶肉。帶骨連皮。你這般

冤讎。怎生不報。〔正末云〕這厮好無禮也。〔唱〕

〔越調梅花引〕將我箇年老的尊堂恁厮拍。年紀小的妻兒迤逗來。好着我忿怒夯胃懷。我今日踐塵埃。這厮好情理切害。不報了冤讎和姓改。

〔紫花兒序〕休道是劉劉劉劉干的這和尚。便是那釋迦如來。被這厮惱下蓮臺。

〔折拆驢云〕孩兒也。你身子不停當哩。將息你那證候者。〔正末唱〕將我這神眉剔豎。把我這病眼來睜開。我好怨恨那箇喬才。一會兒氣的我渾身上津津的汗出來。〔折

拆驢云〕孩兒也。倒是些兒好汗。〔正末唱〕美也。覺我這身子兒輕快。〔折拆驢云〕孩兒也。你這般面黃肌瘦。眼嵌縮腮。兩條腿恰似麻稽。十箇指頭有如燈草。你且將息幾日去。〔正末唱〕你笑

我臉似刀條。腿腿腿似麻稽。〔折拆驢云〕那獨角牛。身凜凜。貌堂堂。身長一丈。膀闊三停。橫

裏五尺。豎裏一丈。剔留禿鬚。恰似箇西瓜模樣。看了你這般一搭兩頭無剩。腰兒小。肚兒細。喫的飽。快放矢。則怕你近不的他麼。〔正末唱〕

〔耍三臺〕常言道我虎瘦呵雄心在。你可便休笑我眼嵌縮腮。你道他偌來肥胖。你道我恁來大小身材。不是我自說口。自莊主自邀買。我是那那吒社裏橫禍來的非災。則今番破題兒和他相搏。他可敢寄着一場天來大利害。〔折拆驢

云〕孩兒也。這搗家漢要眼睛轉。拳頭取勝。筋脈亂。撲手成功。眼睛不轉。打人不着。筋脈不亂。撲人不倒。則怕你近不的他也。〔正末唱〕

〔絡絲娘〕若是獨角牛。今番搬臺。着那厮淺水魚兒摸來。山海也似冤讎。我和他劈甚麼排。不是我舌尖口快。〔折拆驢云〕那獨角牛。你聞名不曾見面。他生的塔也似一條大漢。井椿也似兩條腿。醬鉢也似一對拳頭。栲栳來也似一箇肚子。烏盆也似一雙眼睛。覷了你這般面黃肌瘦。則有老蜻腰兒的氣力。撲螞蚱的威風。聽的打擂。常害頭疼。你敢近不的他麼。

〔正末唱〕

〔紫花兒序〕我怎肯主着面拳厮撲。和他兩箇厮捱。你看我倒蹬兒智。厮嘴由咱擺劃。俺兩箇硬厮併。暗厮算。濃鬧裏休着那布束解。直打的這壁破。那壁傷。礮可可嘴塌鼻歪。〔折拆驢云〕孩兒也。你上的那路臺去。一箇在左邊。一箇在右邊。中間裏部署。扯了那藤棒。搗家漢要智的擒打的擒。肚有智。嘴過人。一狠二毒三短命。便是搗的舊家風。你怎生遮截架解。你試說一遍。我試聽者。〔正末唱〕

〔紫花兒序〕看那厮拽大拳。可這般出出出的趕來。你看我跌過脚輕輕的倒擡。吐架子扒下來。嘴縫上颼颼的着我扣落拍。直打的搖着頭。跌着脚。道好好。

好播。可這般失驚打怪。〔折拆驢云〕孩兒也。你使的是上三路。下三路。中三路。可是那一路拳。你一發對我說一遍者。〔正末唱〕

〔尾聲〕你看我橫裏丟。豎裏砍。往上兜。往下拋。虎口裏截臂骨。扛紐羊頭枷。稍墜馬前劍。撲手有那三十解。着那厮拳起處。我搬趲過可叉。則一拳打下那厮班石露臺。恁時節小颺兒那粧么。〔云〕衆人道。打打打。打打打。打打打。打打打。打打打。我着他渾花兒可兀的大喝聲。咛。〔下〕〔折拆驢云〕一箇好兒也。他的那撲手熟。他的倒是橫裏丟。豎裏砍。往上兜。往下拋。虎口裏截臂骨。扛紐羊頭帶蹄兒。倒賣十伍貫。〔唱〕他道是馬前劍。撲手有三十解。〔外呈答云〕好唱也。好唱也。〔折拆驢云〕隨邪的弟子孩兒。那裡唱的好。此句戢然而止。語氣似未收。然疑調。〔下〕

第三折

〔外扮香官領張千上〕〔香官云〕萬里雷霆驅號令。一天星斗煥文章。小官乃降香大使是也。方今聖人在位。天下太平。八方寧靜。黎庶安康。端的是處處樓臺聞語笑。家家院落聽歡聲。今日是三月二十八日。乃是東嶽天齊大生仁聖帝聖誕之辰。小官奉命降香一遭。端的是人稠物穰。社火喧譁。別的社火都賽過了也。還有這一場社火。乃是那吒社。未曾酌獻。張千。與我喚將部署來者。〔張千云〕理會的。部署。相公喚你哩。〔部署領打搦四人上〕〔部署云〕依古禮。關智相搏。習老

郎捕腿擎腰。賽堯年風調雨順。許人人賭賽爭交。自家部署的便是。今日是三月二十八日。是東嶽聖誕之辰。俺預備社火。賽神酌獻。都停當了也。有香官相公呼喚。須索見相公。走一遭去。〔見科〕〔云〕相公。部署來了也。〔香官云〕那吒社社火。停當了麼。〔部署云〕相公。都停當了也。〔香官云〕今年頭對是誰。〔部署云〕今年頭對是獨角牛。二年無對手了。則有今年一年哩。〔香官云〕若是今年無對手呵。銀碗花紅表裏段匹。都是他的。與我喚過獨角牛來。〔部署云〕理會的。喚將獨角牛來者。〔張千云〕理會的。獨角牛安在。〔獨角牛上〕〔云〕打遍乾坤無對手。獨占那吒第一人。自家獨角牛的便是。我在這泰安州東嶽廟上。每年三月二十八日。東嶽聖誕之辰。我在這露臺上。跌打相搏。爭交賭籌。二年無對手了。今年是第三年也。有香官呼喚。須索走一遭去。〔部署云〕獨角牛。香官相公喚你哩。〔做見科〕〔香官云〕你便是獨角牛。〔獨角牛云〕小人便是。〔香官云〕你二年無對手也。則有今年。若是再無對手呵。這銀碗花紅表裏段匹。就都賞你。香客還未全哩。等香客來全了時。脫剝下來搗三遭。〔獨角牛云〕理會的。那一箇好男子好漢。敢出來搗三合麼。〔正末同折拆驢上〕〔正末云〕叔叔。來到了麼。〔折拆驢云〕孩兒。來到也。那露臺上便是獨角牛。你看那狗骨頭。生的那箇模樣。你近的他。你便過去。你若近不的他。咱家去了罷。〔正末唱〕

〔正宮端正好〕我來到這泰安州。我可便不住您兀那招商店。那厮便緊和我釘釘膠粘。把一池綠水可也渾都占。可怎生不放俺這傍人僭。〔獨角牛云〕那一箇

好漢敢出來。與我獨角牛播三合。〔正末唱〕

〔滾繡毬〕他將那名姓呼志氣來喏。他在那露臺上光閃。果然是名不虛傳。他可也忒自專。說大言自誇輕健。可是他空說在駿馬之前。我打這厮東頭不說。可在這西頭說。我打這厮上口不喏。下口喏。無恥無廉。〔云〕哥哥報復一聲。小人是

深州饒陽縣人氏。姓劉。是吃劉千。特來與獨角牛來厮播。〔部署做報科〕〔云〕喏。外面有箇人。特來與獨角牛來賭播。〔香官云〕着他過來。〔正末做見科〕〔云〕大人。小人是深州饒陽縣人氏。姓

劉。是吃劉千。特來與獨角牛來厮播。〔香官云〕則怕你近不的他麼。你可有甚麼親人。〔正末云〕

見有我叔叔在門首。〔香官云〕叫你那叔叔進來。〔正末云〕叔叔。大人喚你哩。〔折拆驢做見科〕

〔云〕大人。小人是折拆驢。〔香官云〕你是那小的甚麼人。〔折拆驢云〕小人是他叔叔。〔香官云〕

你既是他叔叔。那獨角牛可利害。拳頭上無眼。倘若還有些高低。可如之奈何。他既要搏播呵。你

便親手立張文書。方纔放他厮播去。〔正末云〕叔叔。不妨事。你則管寫與他。〔折拆驢做寫文書

科〕〔云〕大人。小人寫了文書也。〔香官云〕你畫上字。〔折拆驢云〕小人畫了字也。〔香官云〕既

然畫了字也。您過去廝擄去。〔折拆驢云〕噲且在一壁者。〔香官云〕部署。香客來全了麼。〔部署云〕來全了也。〔香官云〕着那獨角牛脫剝下。邊着露臺擄三遭。〔部署云〕理會的。兀那獨角牛。香客全了也。你脫剝下擄三遭。〔獨角牛做脫剝了科〕〔云〕這東壁廂。有甚麼好男子好漢。出來劈排定對。爭交賭籌來。〔獨角牛折拆驢打科〕〔折拆驢趨科〕〔獨角牛云〕東壁廂無有。敢在西壁廂。這西壁廂有好男子好漢。出來與我爭交賭籌來。〔又打折拆驢科〕〔折拆驢又趨科〕〔獨角牛云〕西邊廂沒有。敢在東邊。〔折拆驢云〕呸。你則認的我。〔正末云〕我上的這露臺來。我和他擄去。〔部署搦科〕〔云〕兀那小廝靠後。〔折拆驢吐門戶科〕〔部署云〕你來怎的。〔折拆驢云〕我來噴水來。〔部署云〕兀那小廝。你看那獨角牛。身凍凜。貌堂堂。一箇好漢。恰便似煙薰了的子路。墨灑就的金剛。你這等面黃肌瘦。眼嵌縮腮。一搭兩頭無刺。你可到的那裡。則怕你近不的他也。〔正末唱〕

〔倘秀才〕哎。你夥看的每休將咱來指點。您可休量小人不是箇馳名的這好。打這廝囊裏盛錐自出尖。獨角牛。有雛冤。打這廝說大言。〔獨角牛云〕兀那小的。你這等一箇瘦弱的身軀。要和我兩爭交賭籌廝打呵。你會辭你家中父母不曾。〔正末唱〕

〔白鶴子〕誰不道你威凜凜。誰不道我瘦懨懨。誰不道你有能奇。誰不道我無

扎墊。〔獨角牛云〕兀那折拆驢。這箇是你姪兒。我看這小廝。面黃肌瘦。一搭兩頭無剩。他休說和我
搗着。部署扯開藤棒。我則一拳。我就打做他一箇螃蟹。〔折拆驢云〕你要打譚。我和你打箇譚。休
題那螃蟹。俺孩兒動起手來。打的他七手八脚。一迷裡橫行。則怕打破你那蓋。〔獨角牛云〕我和
你再打箇譚。如今部署扯開藤棒。我一脚踢做你箇煎餅。〔折拆驢云〕休題那煎餅。俺孩兒打起
來。說的你軟癱。〔部署云〕甚麼軟癱。〔折拆驢云〕煎餅可不軟癱。〔正末唱〕

〔白鶴子〕你笑我身子兒尖。可也使不着臉兒甜。本對也可不道三角瓦兒阿
可。亦可兀的絆翻人。則我這一對拳。到收贏了你箇颯。〔部署云〕看頭合搗。左軍
裏一箇。右軍裏一箇。不要揪住棍兒。不要拽起袴兒。手停手穩看相搏。〔正末與獨角牛搗科〕
〔獨角牛倒科〕〔折拆驢云〕倒了也。〔獨角牛云〕不倒不倒。〔折拆驢云〕休題那不倒。背着糙米
還家去。那箇是不搗。〔獨角牛云〕不算交。〔折拆驢云〕可知道不算交。把那鼻涕來沾靴底。那的
是不算膠。〔部署云〕看第二合搗。左軍裏一箇。右軍裏一箇。休要揪住棍兒。不要拽起袴兒。手停
手穩看相搏。〔正末唱〕

〔倘秀才〕我恰纔吐架子。左閃來右閃。我踢了箇提過脚裏。賺也那外賺。嘴縫
上直拳。並場那廝臉。着這廝頭完搗。早着拳打這廝自尊。〔部署云〕獨角牛。你有拳

打將去。劉千。你有腳踢將去。休要揪住棍兒。不要拽起袴兒。手停手穩。看相搏。〔搥科〕〔獨角牛倒科〕〔云〕我輸了也。〔折拆驢擎空桶做傾科〕〔云〕我着你爛羊頭喫一頓。〔正末唱〕

〔伴讀書〕贏了的休談羨。輸了的難遮掩。打這厮自獎自誇。自風鑑。休想道虎嚇的咱家善。併一千合者波。休想劉千喘。啾啾。使不着你那句美也。那唇甜。〔笑歌賞〕看看的每俺俺這完播不甚險。您您您老的每休埋怨。告告告那部署休心倦。哥哥哥你水莫噴。您您您鼓輕擲。來來來。來來來。啗休把這排場占。〔部署云〕相公。劉千贏了獨角牛也。〔香官云〕既然劉千贏了也。將那銀碗花紅表裏段疋。都賞劉千。加他做深州饒陽縣縣令。着他走馬赴任。便索長行。〔折拆驢云〕孩兒也。恰纔還是你善哩。若是我。我腰節骨都拋折他的。啗回家去來。〔正末唱〕

〔尾聲〕打一拳有似着一劍。踢一脚渾如剗一鏃。這厮人也憎。鬼也嫌。無處發付那千層樺皮臉。可又早顏氣了。馳名第一颯。〔同折拆驢下〕〔香官云〕劉千去了也。小官不敢久停久住。左右那裡。將馬來。回大人話。走一遭去。獨角牛施呈威風。欲贏取羊酒花紅。被劉千爭交跌打。方顯是天下英雄。〔同下〕

第四折

〔李老兒上〕〔云〕歡來不似今朝。喜來那逢今日。老漢劉太公的便是。誰想劉千。跟着他叔父去泰安州。與獨角牛劈排定對去了。說道孩兒贏了也。先掣將花紅銀碗錦襖兒來。我不信。使的出山彪打聽去了。這早晚敢待來也。〔正末扮出山彪上〕〔云〕自家出山彪便是。跟着劉千哥哥泰安州去。俺哥哥贏了也。我先將花紅銀碗錦襖。去父親跟前報箇喜信去者。〔唱〕

〔雙調新水令〕獨角牛無對整三年。則今番賽還了他那口願。說劉千一箇展。值看官滿懷錢。端的是名不虛傳。看了那幾合。搗不會見。〔李老兒云〕出山彪孩兒來了也。你哥哥在那泰安州。與那獨角牛。怎生劈排定對。你說一遍。我試聽者。〔正末云〕父親。俺劉千哥哥贏了也。我將着這錦襖子銀碗花紅。父親跟前來報喜信來也。〔李老兒云〕既然你哥哥贏了獨角牛也。怎生兩家相搏。你試說一遍。我試聽者。〔正末唱〕

〔夜行船〕獨角牛肥膜相搏。呵。吁。他則落的一聲喘。可是他空說在駿馬之前。他則待舉意兒贏。他其心兒不善。可是他捉住鼓自開一遍。〔李老兒云〕你那哥哥等開住呵。會那箇在左邊。那箇在右邊。怎生遮截架解。你說一遍。我試聽者。〔正末唱〕

〔川撥棹〕獨角牛氣衝天。他向那露臺上說大言。賣弄他能拽直拳。快使橫拳。他比俺劉千絕後先前去也。鄭州出曹門較遠。都部署將藤棒傳。〔李老兒云〕怎

生播鼓篩籬。吶喊搖旗。你試說一遍者〔正末唱〕

〔七弟兄〕鼓兒着撒邊撒邊。〔云〕手停手穩看相搏。〔唱〕你可便看咱拳合手停。各自尋機變。一箇拳沉脚重謹當先。俺哥哥身體體健能挪展。〔李老兒云〕俺劉千與獨角牛怎生劈排定對。你試再說一遍。我試聽者。〔正末唱〕

〔梅花酒〕呀。獨角牛拽大拳。劉千見拳來到跟前。火似放過條蠶椽。出虛影到他胸前。劉千使脚去手腕上剪。他敢迤逗的到露臺邊。接住脚往上掀。胖身軀怎回轉。膂力的是劉千。

〔收江南〕滴溜撲人叢裏騰的脚稍天。俺哥哥他將那渾錦襖子急忙穿。早笙歌引至廟門前。獨角牛自專。則他那輪了的臉兒可憐見。〔李老兒云〕既然贏了也。俺一家兒都往深州饒陽縣縣令之任去。到大來歡喜殺我也。俺孩兒心懷意滿。且休論他長我短。獨角牛輸與劉千。俺得了花紅銀碗。

題目 般般社火上東嶽

正名 劉千病打獨角牛

病劉千穿關

頭折

孝老兒

一字巾

茶褐直身

折拆驢

雙簷氈帽

快喫飯

氈帽

青

世不飽

氈紅

青衣

正末劉千

襖頂

藍直身

項

禾俵

紗包頭

綿布襖

綿

孝老兒又上前

同

襖頂

藍直身

拄杖

第二折

旦兒

襖頂

藍直身

獨角牛

白氈大帽

銀錠

補納直身

錦襖

快喫飯

世不飽

同

襖頂

藍直身

拄杖

同

襖頂

藍直身

拄杖

孝老兒

折拆驢

旦兒

折拆驢

同

正末劉千

襖頂

藍直身

拄杖

同

襖頂

藍直身

拄杖

同

襖頂

藍直身

拄杖

同

第三折

香官

一字巾

補子圓

張千

項帕

圓領

部署

小帽

膝欄貼裏

打播四人

小帽

藍貼

同

襖頂

藍直身

拄杖

同

襖頂

藍直身

拄杖

同

紫獨角牛

前

正末劉千

銀錠

錦襖

項帕

如意裙

直纏

搭膊

藍絹

折拆驢

同

襖頂

藍直身

拄杖

同

襖頂

藍直身

拄杖

同

襖頂

第四折

李老兒

同前

正末出山彪


攢頂帕

藍直身

三髯

項

萬曆四十三年仲春二十三日校內本清常道人志



十探子大鬧延安府

闕名

頭折

〔冲末李老兒卜兒旦兒同上〕〔李老兒云〕段段田苗接遠村。太公莊上戲兒孫。雖然只得鋤鉤力。答賀天公雨露恩。老漢延安府人氏。姓劉雙名榮祖。嫡親的四口兒家屬。婆婆王氏。這箇是老漢的兒媳婦兒。我有一箇孩兒。喚做劉彥芳。在京師做着箇把筆司吏。時遇着清明一百五。家家上墳祭祖。拜掃墳塋。婆婆俺準備些肥草鷄兒。黃米酒兒。俺去那祖墳裏。燒一陌紙去。若要富。敬上祖。婆婆。你和媳婦兒先去。我封鎖了門戶便來也。〔卜兒云〕老的也。你去前後執料的停當者。我與媳婦兒先去。你隨後便來也。〔同日兒下〕〔李老兒云〕婆婆和媳婦兒先去了也。我收拾了酒食。封鎖了門戶。上墳走一遭去。〔下〕〔卜兒同旦兒上〕〔卜兒云〕老身是劉榮祖的那渾家。今日清明寒食一百五。家家戶戶上墳祭祖。燒錢烈紙。媳婦兒俺先行。你公公隨後便來也。噌慢慢的行。〔淨扮葛彪領張千上〕〔葛彪云〕朝爲田舍郎。暮登張子房。出的齊化門。便是驢鹿房。小官姓葛名彪字蜩醬。我是蛤蜊醬的便是。父親是葛監軍。我是權豪勢要之家。累代簪纓之子。我打死人不償命。常川則是坐牢。時遇春間天道。萬花綻錦。柳綠如煙。我去踏青賞翫。我多領

些伴當。但是人家好女孩兒。我拖着便走。我出的這城來。〔卜兒旦兒行走科〕〔葛彪云〕下次小的每。你見麼。你看那柳陰直下。一箇年老的婆婆。領着一箇年紀小的大姐。你去說一聲。借他那大姐。與俺那壁官人遞三杯酒。綴三根帶兒。叫我三聲義男兒。我就上馬去也。〔張千云〕理會的。〔張千做見卜兒科〕〔云〕支揖媽媽。〔卜兒云〕哥哥萬福。有甚麼話說。〔張千云〕那壁官人的言語。借你那年紀小的大姐。與俺官人遞三杯酒。叫三聲義男兒。俺官人上馬便去也。〔卜兒怒科〕〔云〕這厮好無禮也。他人妻。良人婦。怎生替你把盞。他的娘肯替我男兒把盞麼。〔張千云〕不干小人事。是俺官人說來。我回話去便了也。〔張千見淨科〕〔葛彪云〕他來也不來。〔張千云〕他不肯來。他說道。你的娘肯替他男兒把盞麼。〔葛彪云〕他說甚麼。〔張千云〕他那媽媽子說道。着你的娘。肯替他老公遞三杯酒。叫三聲義男兒。他纔着他媳婦兒來哩。〔葛彪云〕誰這般道。〔張千云〕是那壁老媽媽子說來。〔葛彪云〕打這弟子孩兒。我有娘呵。要他替我把盞。你過來。我自己問他去。媽媽下拜哩。〔卜兒云〕官人。你騎着馬哩。有甚麼話說。〔葛彪云〕我恰纔着伴當來說。借那壁姐姐。替我把一杯酒兒。叫我三聲義男兒。我便去也。〔卜兒云〕甚麼言語。你的娘肯與俺男兒把盞麼。〔葛彪云〕這婆子無禮也。你怎麼敢罵我。你不認的我。我是葛監軍的舍人。是葛蠅醬。下次小的每。衆人打他娘。〔卜兒同日兒做倒科〕〔張千云〕衙內打殺他

兩箇了也。〔葛彪云〕休說打死兩箇。打死二十箇。值甚麼。打死也馬咬馬踢馬蹏。你不揀那裡告去。說是葛蜋醬打死了你也。咱家去來。〔同張千下〕〔李老兒上〕〔云〕老漢收拾了家中。封鎖了門戶。來到這郊野外。兀的不是我家婆婆和媳婦兒。爹爹。可是怎麼來。〔做哭科〕〔街坊上〕〔云〕兀那老的。你不知道。您這娘兒兩箇。是葛監軍的孩兒。着你那大姐替他把蓋。叫他三聲義男兒。爲他不肯。將他娘兒兩箇都打死了來。〔李老兒云〕哥哥。你不說呵。我怎麼知道。他是權豪勢要之家的人。這裡無人近的他。我且將他娘兒兩箇的屍首。淺土兒培埋着。我直到京師。有我的孩兒劉彥芳。見在衙門中辦事哩。我到的京師。尋見孩兒。和他商量了。去那大大的衙門裏告他去。婆婆。則被你痛殺我也。欲賞三春景。翻做滿懷愁。尋我孩兒去。必定報冤讐。〔同街坊下〕〔淨龐衙內領張千上〕〔云〕花花太歲爲第一。浪子喪門世無對。堦下小民聞吾怕。勢力並行龐衙內。小官姓龐名勣。官拜衙內之職。我是那權豪勢要之家。累代簪纓之子。我嫌官小不做。馬瘦不騎。我打死人又不償命。如同那房簷上揭一塊瓦相似。我的岳父是葛監軍。見在西延邊鎮守。小舅子是葛彪。我郎舅兩箇。倚仗着我岳父的勢力。誰人敢近的。我小官見在開封府執掌事務。前日有我小舅子。暗暗的寄一封書來與我。着我拆開看。誰想俺小舅子打死兩箇人的命。那苦主要行詞告狀。有人說道。他是葛監軍的孩兒。無人近的他。則怕他來我這開封府裏告狀來。我自

有箇主意。張千。你衙門首看着。不問大小事務來告。你不要攔當他。張千喝攔箱放告。〔李老兒上〕〔云〕老漢來到這京師。尋找孩兒劉彥芳。與他說知呵。那其間下狀告他。也未是遲哩。我來到這衙門首。怎生得一箇人來。打聽我孩兒信息。可是好也。〔劉彥芳上〕〔云〕人道公門不可入。我道公門好修行。若將曲直無顛倒。腳踏蓮花步步生。小生姓劉雙名彥芳。本貫是延安府人氏。嫡親的四口兒家屬。見今一雙父母。并小生的渾家。在於延安府居住。小生在此開封府。做着箇把筆司吏。跟隨這龐衙內大人辦事。今日相公陞堂。坐起早衙。小生有幾莊文卷。未曾銷繳。去往大人跟前僉押。走一遭去。可早來到這衙門首也。〔做見李老兒科〕〔云〕兀的不是我父親。父親。你爲甚麼來到這裡來。〔李老兒哭科〕〔云〕孩兒。你不知道。當朝一日。是清明一百五。上墳燒紙。你母親和你媳婦兒先行。我在家執料。封鎖了門戶。不想你母親行至半路。撞見一箇葛彪。他調戲你媳婦兒。因不從。就打死你媳婦兒。馬踏殺你母親。本待那裡告狀來。那裡人說。他是權豪勢要之家。這裡也無人近的他。你去京師大衙門裏告他去。我一徑的尋你來商量了呵。去大衙門裏告他去來。〔劉彥芳做哭科〕〔云〕母親也。則被你痛殺我也。父親。你但放心。這箇葛彪。是葛監軍的孩兒。我如今在這開封府。跟着這龐衙內大人跟前辦事哩。大人好生可憐見。我將這一莊事。苦苦的大人跟前哀告。必然與我做主。父親。你則去那裡告去。來到這衙門首。父親。你

且在這裡。我先過去大人跟前告去。〔做見衙內科〕〔龐衙內云〕劉彥芳。你來有何事幹。敢有人欺負你。你說。這箇小的。是我手下一箇典吏。刀筆上十分通曉。他便是劉彥芳。你有甚麼事務來稟。我與你做主。〔劉彥芳跪科〕〔龐衙內云〕孩兒也。誰人敢欺負你。你是我手下的箇人。欺負你。便是欺負我一般哩。張千。你便與我拏去。〔劉彥芳跪科〕〔云〕大人可憐見。與你孩兒每做主者。小生延安府人氏。嫡親的四口兒家屬。小生在衙門中。跟隨着大人辦事。家中見有一雙父母。并小生的渾家。見在延安府居住。時遇清明節令。父母與小生的渾家。同上墳去。行至郊外。撞見一箇倚勢挾權的葛彪。馬踏死小生的母。又打死我的渾家。孩兒每待告天天又高。待告地地又厚。大人可憐見。與孩兒做主者。〔龐衙內云〕這厮可無禮也。你放心。我與你做主。別人也近不的他。〔背云〕這莊事正是我那小舅子的勾當。則除是這等。劉彥芳。你的事我替你整理。我的事你替我辦。你且與我攢造文書去。〔劉彥芳云〕大人。不知有多少文書。〔龐衙內云〕也無多。則有三牛車文書。〔劉彥芳云〕與小人幾日假限。〔龐衙內云〕與你三日假限。我便要完。〔劉彥芳云〕與小生多少典吏攢造。〔龐衙內云〕你則獨自一箇寫。〔劉彥芳云〕大人可憐見。三牛車的文書。與小人三日假限便要完。便有那七手八脚。也攢造不來。〔龐衙內云〕劉彥芳。你罵誰哩。我姓龐。你說道七手八脚。你比並我是螃蟹。張千。拏枷來上了枷。將這厮下在死囚牢裏去。〔劉

彥芳云「小人是原告。」龐衙內云「我則枷的是原告。」劉彥芳云「兀的不冤屈殺我也。」李老兒見劉彥芳云「孩兒你爲甚麼來。」劉彥芳云「父親也。這事不中也。」李老兒云「孩兒你怎麼來。」劉彥芳云「你不知道。他爲頭裡聽的您孩兒說了。便要與我做主。後來着我攢造這三牛車文書。我便說着多少人攢造。他便道則你獨自一箇。我便道與我幾日假限。他便道與你三日假限。我便道我有七手八脚。也寫不出來。他道我罵他是螃蟹。要將您孩兒下在死囚牢裏去。我恰纔問人來。他是葛彪的姐夫。父親也。你不問那裡。大大的衙門裏告他去。父親你救我者。天那可着誰人與我做主也。」下。李老兒云「天那。誰想龐衙內是葛彪的姐夫。俺造了關門狀也。我婆婆和媳婦兒都無了也。孩兒又下在牢中。要我這性命做甚麼。不揀那裡。大大的衙門裏告他去。好冤屈也。着誰人與我做主也。」下。龐衙內云「張千。將那厮下在牢中去了也。早是告着我。告着別人。可怎了也。一壁寫書。着我岳父得知。這事不中。到來日我去相府中。稟過此一件事。我慢慢的掠筭這厮。左右將馬來。我回私宅中去也。定計巧安排。死人則情埋。有人來纏我。一頓大劈柴。」下。李老兒上。云「老漢劉榮祖是也。天那。誰想俺家遭着這場橫事。老漢偌大年紀。可那裡每告去。來到這大街上。我好冤屈也。着誰人與我做主者。」做哭科。正末領張千上。云「小官姓李名圭字均玉。本貫河南府人氏。幼年頗勤於學。自中甲第以來。累蒙遷用。官拜廉使之職。

今奉聖人的命。爲因西延等處。多有官濁吏弊。民間好生冤枉。下情不能上達。上命點差小官。私行體察。我如今更換了衣服。領着張千。長街市上。私行走一遭去。想俺這爲官的。都只要奉公守法也呵。〔唱〕

〔仙呂點絳脣〕見如今四海無虞。八方黎庶皆豐富。樂業安居。普天下都託賴着當今福。

〔混江龍〕爲官的食君之祿。則要盡忠守節。侍鑾輿。授至的封妻廕子。使婢驅奴。若不是雪案螢窗。將黃卷讀。怎能穀鳥靴象簡。紫朝服。我則待要守清廉。播一箇萬古留名譽。嗒人要一生諂佞。枉負了七尺身軀。〔李老兒云〕冤屈也可。誰人與我做主也。
〔正末云〕有那等爲官爲吏的。陷害良民。小官職居清廉。理當正直。除奸革弊也呵。

〔唱〕

〔油葫蘆〕則爲那吏弊官濁。民受苦。差小官親體伏。有一等權豪勢要。狠無徒。他則待要倚強凌弱。胡爲做。全不怕一朝人怨天公怒。若有那啣冤的來告訴。小官可也無面目。施行那徒流笞杖。我可便依着條律。不恁的何以得民服。
〔天下樂〕方信道秉正公直是大丈夫。我可便猶也波豫。自應付。我則待赤心

報國將社稷扶。我則待要將良善舉。我則待把奸惡除。我一心兒敢與民做主。

〔李老兒云〕天那。誰人與我做主。我尋一箇死罷。〔正末云〕兀那裡一簇人鬧。我試看者。一箇老人家。你這般尋死覓活的。有甚麼冤屈的事。你和我說者。〔李老兒云〕你這廝。是那裡來的莊家。後生兀的不屈殺我也。你納你那稅糧絲絹去。你管我怎的也。〔正末云〕你有甚麼冤枉的事。你與我說者。〔李老兒云〕我便和你說。你也管不的。〔正末云〕我雖是管不的你。我試猜者。

〔唱〕

〔寄生草〕莫不是打官司人連累。莫不是告田宅爭地土。莫不是爭差鬪毆人欺負。則管裡搥胸跌脚狠憂慮。則見他尋死覓活因何故。〔李老兒做搶白正末科〕〔云〕不干你事。你休管我。〔正末唱〕哎。你箇無運智的光子忒村沙。有甚麼不明白冤枉咱行訴。〔李老兒云〕冤屈也。〔正末唱〕

〔六么序〕他不住高聲叫。則見他仰面哭。他連聲兒短嘆長吁。這老子有甚冤屈。大叫高呼。他撲簌簌淚點如珠。〔李老兒做罵正末科〕〔云〕不曉事的精驢禽獸畜生。管你的勾當去。悞了你納稅糧。你管我做甚麼。天那。屈殺我也。〔正末唱〕他指鼻凹罵到有三十句。罵的我羞答答倒褪身軀。〔做叫科〕〔云〕張千。〔唱〕你悄聲兒引到無人處。我

可使抬了笠子。脫了衣服。〔做脫衣服科〕〔李老兒云〕爺爺我死也。老漢不認的。大人可憐見。〔正末唱〕我見他慌悚躊躇。左右支吾。緊慢相逐。跪在街衢。哀告賓伏。則見他一來一往。將咱來便當住。〔做冷笑科〕〔云〕你恰纔不道來。〔唱〕悞了我納稅去。〔云〕兀那老子。你說你那詞因。〔李老兒云〕老漢不認的。大人可憐見。老漢是這延安府人氏。姓劉。雙名榮祖。嫡親的四口兒家屬。當朝一日。清明節令。因上墳來到荒郊野外。撞見一箇倚勢挾權的官人。喚做葛彪。他走馬躡死我的婆婆。又打死了我的媳婦兒。老漢來到京師告他。有龐衙內。倒把我的孩兒劉彥芳。下在牢裏去了。今日得見大人。便似撥雲見日。昏鏡重磨。柔軟莫過溪澗水。不平地上也高聲。懷揣萬古軒轅鏡。照察啣冤負屈人。〔正末云〕這厮好無禮也呵。〔唱〕這厮每惡黨兇徒。敗壞風俗。將好人家惡紫奪朱。他那爺不良兒又跋扈。則向那小民行挾細拏籠。我放敵頭委的和他做。豈不聞人心似鐵。官法如爐。〔李老兒云〕大人可憐見。與俺這百姓每做主者。〔正末云〕兀那老子。我是按察司廉使。那葛彪是權豪勢要的人。別處也近不的他。你跟我丞相府裏告去來。〔李老兒云〕大人可憐見。與老漢做主者。〔正末云〕你放心也。〔唱〕〔尾聲〕不索你痛嚎咷。準備着伸冤去。則除是宰相府。與你箇貧民做主。你那人命官司事不虛。便差人提取無徒。我若是責了招狀。敢着他目下身殂。我教

他赴法雲陽上木驢。〔李老兒云〕大人說的話有准麼。〔正末唱〕你休猜做謬語。我敢和他實做。〔云〕小官既爲廉使。豈避權豪。則是與民除害也。〔唱〕將我這正直的名姓播皇都。〔同李老兒下〕

第二折

〔范仲淹領張千上〕〔云〕博覽羣書貫九經。鳳凰池上敢崢嶸。殿前曾獻昇平策。獨占鰲頭第一名。小官姓范名仲淹字希文。生而寒門。長居白屋。曾於僧舍講書。受清貧苦進學業。一舉進士及第。除翰林祕書教授。因母喪去官。復起之後。遷吏部員外郎。權知開封府事。小官輕財好士。養其四方遊士。治義田千畝於吳中。疎遠宗族。皆有贍給。每臨政事。決斷不滯。明其黜陟。如有班部監司。不才官吏。一筆勾消。永不敘用。聖人知小官訪察精審。舉薦無差。官拜天章閣待制之職。今有延安府等處官吏酷虐。枉屈良民。奉聖人的命。差監察廉使李圭。馳驛爲巡按決獄。此人廉潔清幹。則今日便着李圭。直至延安府等處。清理文卷。走一遭去。則爲他志節堅剛。守四方。廉能公正。作賢良。濫官污吏除民害。決斷分明獻表章。〔下〕〔經歷領張千上〕〔云〕博覽詩書立業成。名標金榜受皇恩。爲官正直於家國。永保皇圖享太平。小官乃府經歷是也。幼習儒業。頗看詩書。雖然未到三公位。也是皇家忠孝臣。小官在此相府。爲其首領。府衙宰相。每朝差委。豈敢差錯半毫。

分。當今聖主。皇恩寬厚。雨露增加。爲因八府宰相。辦事辛勤。賜御酒百瓶。湯羊十隻。犒勞八府宰相。遣小官安排筵宴。張千。與我喚箇廚子來。打料帳。〔張千云〕理會的。這裡有箇廚子。最乾淨伶俐。我試叫他者。〔做叫科〕〔云〕廚子在家麼。〔淨廚子上〕〔云〕我做廚子實是標。偏能蒸作快烹煎。諸般品物全不愛。只在人家偷胡椒。自家廚子的便是。那箇叫我哩。我去看者。〔做出門科〕〔云〕阿哥喚我做甚麼。〔張千云〕經歷大人喚你做些兒生活哩。〔廚子云〕小人便去。可早來到衙門首也。〔張千云〕你則在這裡。我報復去。〔見科〕〔云〕相公。廚子來了也。〔經歷云〕着他過來。〔張千云〕廚子。着你過去。〔廚子做見科〕〔云〕相公。喚小人有甚麼生活做。〔經歷云〕兀那廚子。今有八府宰相。在省堂筵宴。喚你來打箇料帳。八府大人的分飯燒割湯品添換不許少了。你怎生擺布。你說。我試聽。先買一隻好羊者。〔廚子云〕相公。如今好肥羊得買。〔張千云〕怎生得買。〔廚子云〕七箇沙板錢買一隻。重一百二十斤。大尾子綿羊至賤。〔經歷云〕張千。就與他七文錢。則問他要一百二十斤的大尾子綿羊。〔廚子云〕相公。這兩日羊貴了。〔張千呈答科〕〔云〕得也麼。〔廚子云〕一應湯水。都是我管。各要古怪。爽口鑽腮。〔經歷云〕安排了筵席也。張千門首覷者。大人每下馬時。報復我知道。〔張千云〕理會的。〔呂夷簡淨回回官人漢兒官人女直官人達達官人衆官同上〕〔呂夷簡云〕幼習詩書道業隆。吾家三輩正儒風。調和鼎鼐

名臣子。累代官居八府中。小官姓呂名夷簡字坦夫。祖乃龜祥。父乃蒙亨。叔乃蒙正。小官幼承父祖遺訓。頗習經典。朝廷任用賢良。官拜中書平章領省之職。小官屢進賢才。任用者乃范仲淹。文彥博。曾公亮。司馬光。富弼。陳堯佐等。皆小官所薦也。今蒙聖人可憐。見小官擢用良才。銓衡人物。褒貶必當。激濁揚清。御書方正忠良四字。勅賜懷忠之碑。方今禮樂興行。肅靖海內。託賴聖人洪福。小官等早朝已退。賜御酒十瓶。就於相府。會衆官員飲宴。可早來到也。經歷安在。〔經歷見科〕

〔云〕大人。小官久候多時也。〔呂夷簡云〕准備的筵會如何。〔經歷云〕大人。筵宴都安排完備了也。令人擡上果卓來者。〔張千云〕理會的。〔呂夷簡云〕衆官人每敢待來也。〔淨龐衙內上〕

〔云〕小官衙內龐勸是也。今有劉彥芳的這一莊事未完。我正要稟知大人去。說在丞相府裏飲酒。不免的走一遭去。說話中間。可早來到門首也。張千報復去。道有龐衙內在於門首。〔張千云〕理會的。〔做報科〕〔云〕報的大人得知。有龐衙內在於門首。〔呂夷簡云〕着他過來。〔張千云〕理會的。着過去。〔龐衙內做見科〕〔云〕大人。龐勸有稟覆的事。〔呂夷簡云〕衙內有甚麼稟覆的事。〔龐衙內云〕大人。小官無事。可也不來。我手下有一箇吏典劉彥芳。我爲公事。教他攢造文書。他毀罵我。他說七手八脚。我也寫不的。他明知我姓龐。是龐衙內。他把我比並做螃蟹。當做品食之類。把我煮在鍋裏通紅了。或是醬烹。或是做鮓。我不害疼。他毀罵大官。小官特來稟知。

〔呂夷簡云〕龐勣。這箇是你衙門裏小的。每打甚麼不緊。你那裡自發落去罷。〔龐衙內云〕謝了大人。小官回去也。〔呂夷簡云〕龐勣。俺八府宰相。今日飲宴。你就在此飲幾杯酒回去。〔龐衙內云〕小官知道。〔回回官人云〕安排酒來。衆宰相飲幾杯者。〔衆做飲酒科〕〔龐衙內施禮科〕〔云〕大人恕罪。〔回回官人云〕與他酒吃者。〔龐衙內做飲酒科〕〔回回官人云〕經歷掣那土木八來。〔經歷云〕有。令人拏過那廚子來。〔廚子跪科〕〔回回官人云〕兀那廚子。聖人言語。着俺這八府宰相在此飲酒。你安排的茶飯。都不好吃。霍食買在必牙。有甚麼好吃的。郭食木兒哈咽雞。郭食呵嘶哈咽馬。郭蘇盤曷嘶哈咽羊。郭食羊哈咽牛。郭食曷嘶哈咽鵝。哈哩凹甜食下。都是三菩薩濟哩必牙。吐吐麻食。偌安卓食所兒叭。霍食買在必牙。燒羊裏無滷汁。軟羊裏少杏泥。圓米飯不中吃。安排的茶飯無滋味。經歷與我拏出去打四十者。〔張千云〕理會的。〔做打廚子科〕〔云〕一十二三十四十。出去。〔廚子做出門科〕〔云〕辛苦了一日。倒打了我一頓。這苦告訴誰的是。〔正末領李老兒上〕〔正末云〕小官李廉使。領着劉榮祖。宰相府裏投文去來。兀那老的。你跟着我去宰相府裏告狀去。我與你申訴情由。大人每好歹與你做主也。我若不領你去。着誰人領你去也呵。〔唱〕

〔正宮端正好〕我若是順人心。便是我虧天理。似這等唧冤負屈誰知。有這等

兇徒惡黨。可便憑權勢。他可便往往的把良民累。〔云〕兀那老的。〔唱〕

〔滾繡毬〕到官中。他共你別辯。箇是與非。豈不聞人性命關天關地。堪恨那不公平奸佞的龐勣。將他箇媳婦兒一命虧。馬踏翻他年老的妻。又將他箇原告人親兒枷起。好將那殺人賊六問三推。可不道明明的王法。可便休輕犯。更和那湛湛青天不可欺。莫得耽遲。〔云〕來到這相府門首也。〔做見廚子科〕〔云〕兀那厮。你爲甚麼事。這等煩惱。〔廚子跪科〕〔云〕大人可憐見。小人是箇廚子。昨日相府裏經歷大人。喚小人做了一日一夜。眼也不會合。今日倒說小人燒羊裏無滷汁。軟羊裏無杏泥。圓米飯不中吃。燒

鵝燒雞說不肥。臨了將我打了四十。似這等苦楚。那裡告去。〔做哭科〕〔正末云〕這的打甚麼不緊。〔唱〕

〔呆骨朵〕則爲他製造的湯水無滋味。你可甚調羹處變理鹽梅。怎能殼做茶飯五味俱全。則您那和鼎鼐四時皆失。您治民無決斷。他可也怎見這庖官罪。〔回回官人云〕俺幾曾吃一口加味湯。〔正末唱〕他道是他幾曾吃一口加味湯。我道來您可便都不是宰相職。〔云〕兀那廚子。一壁有者。我替你大人跟前說去。〔廚子云〕理會的。

〔正末云〕兀那老的。你則在這裡有者。我過去見大人去。令人報復去。道有廉使李圭在於門首。

〔張千云〕理會的。〔做報科〕〔云〕報的大人得知。有李廉使在於門首。〔呂夷簡云〕着他過來。
〔張千云〕理會的。着過去。〔正末做見科〕〔呂夷簡云〕李圭。你那裡來。〔正末云〕大人。小官有稟復的事。〔龐衙內背云〕這莊事不知他知也不知。〔正末云〕可怎生有龐衙內在此。〔龐衙內云〕廉使恕罪也。〔正末唱〕

〔倚秀才〕你見了這李廉使都眉南面北。多管是那相公每饑嗔的這飽喜。則爲我無過犯難投宰相機。您肺腹我須知。都則爲飲食。〔龐衙內云〕大人。龐勸這一會兒。身上不好。肚裏疼。〔呂夷簡云〕李圭。你有甚事。〔正末云〕小官正來衙門中。見一箇老的聲冤叫屈。小官就領他來見大人來。〔呂夷簡云〕在那裡。〔正末云〕見在衙門首。〔呂夷簡云〕拏過來。〔張千云〕理會的。〔拏李老兒見科〕〔呂夷簡云〕兀那老的。你那裡人氏。姓甚名誰。有甚麼啣冤負屈的事。你說。我與你做主。〔李老兒云〕告大人停嗔息怒。老漢細說緣故。西延邊是我祖家。延安府是我住處。時遇着清明節令。家家去上墳祭祖。來到那荒郊野外。撞見一箇倚勢的官人。說葛彪便是他名目。馬蹏死老漢的婆婆。又打殺俺一箇年紀小的媳婦。待告來無處告。待分訴那裡分訴。我一徑的來到京師。去那大衙門裏聲冤負屈。我向那龐衙內跟前告他。好也囉。誰想他是葛彪的姐夫。便着俺孩兒攢造文書。三牛車載的無數。他道與你三日假限。第

四日便要完備。俺孩兒道。則我獨自一人。便是那七手八脚。整治不出。他道我做螃蟹。不由分說。將孩兒下在牢獄。眼前面放着箇繯寡孤獨。送的我一家兒滅門絕戶。龐衙內葛衙內倚勢挾權。龐衙內葛衙內強要人家寶貝珍珠。龐衙內葛衙內強奪人家名人書畫。龐衙內葛衙內強奪人家婦女。龐衙內葛衙內有失人倫禮數。龐衙內葛衙內敗壞風俗。今日老漢見你箇清耿耿忒正直無私曲宰相官人。與俺這離着鄉背着井。忍着寒受着冷。苦慊慊窮滴滴無挨倚的百姓做主。
〔龐衙內云〕廉使。聖人的命。教衆位大人在此飲酒。你領將人來告狀。你好多攬事也。
〔正末唱〕

〔滾繡毬〕非干咱攬是非。聽小官說就裏。豈知道你倚權豪殺人的詳細。你也索問原告人案驗虛實。你不將王法依。平將百姓欺。早難道寸心不昧。
〔龐衙內云〕李廉使。你無箇面皮。好歹也看俺一殿之臣。你也忒多攬事。
〔正末唱〕哎。你箇龐衙內。可是那秉正忠直。
〔龐衙內云〕投到我來。大人每都知道了也。
〔正末唱〕則你那衙門關節。可便靈如卦。豈不聞路上行人。口勝碑。天網恢恢。
〔呂夷簡云〕這莊事。都是龐勳的勾當。你倒在這相府中。巧言令色說過。瞞過這官府。你是何道理也。
〔龐衙內云〕李廉使。我和你往日無冤。近日無讐。你怎生領將人來告狀。你大古來是疊卵諫忠臣荀息也。
〔正末唱〕

〔倚秀才〕我雖不是壘卵諫忠臣。苟息。你叫怎麼問牛喘愛民的丙吉。少罪波。劉文靜魏賢臣徐世勣。俺須是我見官裏。我和你奏知。〔呂夷簡云〕這莊事都是龐勣。故令妻舅打死平人。向親族返枷原告。你的罪非輕。本待拏下你來。不曾得大人的言語。你且一壁有者。李圭。你領將這老子去。你就問這莊事。我奏知聖人。自有箇主意也。〔正末云〕謝了大人。〔唱〕

〔一煞〕你是箇昧血心欺良善圖榮貴。豈不聞陰發遲陽顯疾。作事欺公逃不離。陷害了他人。強姦民嬌婦。胡推打收監。仗岳父門楣。犯不道愆繆。受戚晚行兇吃祿。更無那爲國於家。倚權衡越理徇私。衡一片奸雄巧智。依法律盡凌遲。〔尾聲〕我便死呵。做一箇堅剛節操忠直鬼。不似那壞法欺公諂佞賊。失了人倫。差了道理。倚仗着爲官更有權勢。常把良民又去欺。馬踏死他親娘。強要他妻。倒把平人下在牢內。若到朝中說就裏。那其間赴法遭刑待怨誰。償人命的官司。須要你當罪。〔云〕便好道殺人的償命。〔唱〕你看我納下頭皮去來。我和那廝做到底。〔下〕〔呂夷簡云〕李圭去了也。此人有如此廉能公正。不避權豪。如此輩人鮮矣。龐勣。你知罪麼。你妻弟打死平人。你又將原告下在牢內。敢不中麼。常言道畫地爲牢。誓不可入。獄中苦楚。與

死爲隣。你須是掌刑法的人。豈不知道斷獄不公。聽訟不審。淹禁囚繫。慘酷用刑。此者乃國之典憲。不獲已而用之。爾等倚強凌弱。背公向私。你可甚以禮義而教親。則民不怨矣。孔子曰。舉直錯諸枉。則民服。舉枉錯諸直。則民不服。書曰。欽哉。惟刑之恤哉。聖人以仁政寬恤爲本。可不體乎。龐勸你聽者。不以王條理庶民。平將人命順私情。欺公壞法。奸猾吏。怎做朝中社稷臣。〔下〕漢兒官人云。吓。龐勸你妻舅打死平人。你又反囚了他原告。這箇是你做的勾當。是何理也。聖人說舉直錯諸枉。則民服。舉枉錯諸直。則民不服。三人行必有我師焉。擇其善者而從之。其不善者而改之。聖人云。君子行德以全其名。你這等小人。行貪以忘其身。常言道。營於利者多患。輕於諾者寡信。茂木豐草。有時而落。物有盛衰。安宜自若。龐勸你所爲非理。所行不公。你這等人和你說出甚麼來。則道俺官人不知道。你聽者。龐衙內做事忒歹。欺瞞俺八府臣宰。公廳上則你橫行。教人將你怎生遮蓋。〔下〕女直官人云。龐勸你知罪麼。你妻舅打死平人。又反囚他原告。敢不可麼。你須是掌法的人也。爲臣者要廉能功幹。竭力盡忠。於民有益。於國有功。一無邪僻之心。常存文行忠信。你全不肯秉正直堅心報國。專則待倚權豪仗勢欺人。這等人我和你說出甚麼來。龐勸奸狡昧神祇。所事瞞人分外爲。妻舅倚勢傷人命。倒將原告下風雷。偏心便要平人死。湛湛青天不可欺。良民陷害遭囚困。壞法欺公陋面賊。全無報國忠君意。不把王條秉正直。枯腹豈知經史意。

愚人倚仗勢家威。兩眼望錢貪利賂。一心則待喫堂食。扭曲做直胡弄事。戀酒迷花喬所爲。反因原告非其罪。屈勘平人法度違。逆天行事的無徒子。怎與皇家作柱石。〔下〕〔達達官人云〕龐衙內也。結斯陀羅崑。你恰走將來。把俺筵席都攪了。你的妻舅馬踏死平人。又打殺他媳婦兒。你又來這裡告他。你好生無禮。我是箇達達人。不省的你這中原的勾當。我雖是箇達達人。落在中原地面。我坐着國家琴堂。請着俸祿。一應的文案。我敢差了些兒麼。你休說我是箇達達人。我也曾讀漢兒文書。你可甚詳明吏理。可許從政。你妻弟行兇。順私親反囚原告。仗勢用刑。豈不聞囹圄之苦。度日如歲。無罪之人。死於非命。咎將誰歸。不思刑者國家之典。所以代天糾罪。豈爲官吏逞忿行私者乎。龐勸你聽者。守職居官民父母。徇私用法壞王條。無知猾吏傷人命。你罪犯彌天不可饒。〔下〕〔回回官人云〕吓。兀那龐勸。你恰纔說道他罵你。可原來你舅子馬踏殺他婆婆兒。奪了他媳婦兒。又將他孩兒下在牢裏。這的是你的是他的是。你休說我是箇回回人。不曉的這漢兒的道理。俺爲官的。則要調和鼎鼐。變理陰陽。我和你說出甚麼來。投至俺得坐都堂。皆因是苦盡甘來。俺爲官的。則要報國安民。誰教你害百姓苦要錢財。你教他攢造三牛車的文書。他說道七手八脚。寫不出來。你姓龐本是龐勸。你道他罵你。你聽者。龐勸做事忒歹。欺瞞俺八府臣宰。那的是你變理陰陽。甚的是調和鼎鼐。他則道了七手八脚。你說他罵你做螃蟹。是有那螃蟹麼。你

見人家好翫呵便要胡鉗。他若不與你呵。你可着你那祇從人團臍將上來。你見人家好婦人。便吐涎吐沫。恨不的睜着眼手脚忙抬。訟廳上則你橫行。犯下來怎生遮蓋。我還有幾句兒比並。說與你記在心懷。我恰纔待要煮着你來。你又硬頭硬腦。俺八府宰相正飲酒哩。不知你從那裡扒攪將來。我如今就拿你去着酒釀着。衆大人蘸薑醋喫一頓拼醢。你明日犯了事。着人把你鉗住。直等的去了頭。剝了腿。揪了臍。揭了蓋。纔顯出你那黃來。你這龐勣做事模糊。斷事全不如杜甫。說言語必丟僕答。吓你那口恰似我的屁股。〔下〕〔經歷云〕吓。龐衙內。你羞麼。你妻舅打死平人。你倒反囚了他的原告。你聽者。俺但凡爲官者。請皇家俸祿。坐國家琴堂。與民雪冤辯枉。行政從公。囹圄無久繫之囚。黎庶有歌謠之誦。你全無那玄齡如晦之忠心。腹懷着林甫俊臣之奸佞。你觀軍民如草芥。視百姓如蓬蒿。你這等人。乃沐猴衣冠之輩。馬牛襟裾之材。你聽者。不將仁政化居民。倚強凌弱害平人。反囚原告居繯紲。權豪勢要順私情。爲官的常思治國平天下。每懷忠孝報朝廷。奸貪狡倖龐衙內。吓。萬代流傳做罵名。〔下〕〔龐衙內云〕吓。喫了這場沒滋味。左右將馬來。我去酒舖裏。喝幾甌涼酒去來。本是一衙內。只要把人味。人命不爲輕。且去喫一醉。〔下〕〔衆做打吓科〕〔廚子云〕今朝造化低。四十打了皮。喝上三瓶酒。睡到日頭西。〔下〕

第三折

〔范仲淹領張千上〕〔云〕仁政安天下。忠誠立大邦。老夫天章閣待制范仲淹是也。今爲鎮守西延邊監軍。爲懷愍之子。乃是葛彪。往往欺壓良民。將平人打死。州縣官員。不敢拿問。皆因此人倚仗權勢。今有廉使李圭。奉命去延安府等處巡按。今奉聖人的命。賜與勢劍金牌。將此一莊事。着他決斷明白。先斬後奏。今着老夫齋與他勢劍金牌。着李圭直至延安府。勘問此一莊公事去。若勘問成了。即便申文書老夫知會。勅賜金牌勢劍行。王條專斬不平人。李圭巡按親勘問。決定無徒正典刑。〔淨葛彪領張千上〕〔云〕好耍好耍。房上跑馬。吊將下來。跌了左膀。小官葛彪是也。這兩日有些眼跳。爲此一莊人命事。我寄書與我姐夫去了。不見回信。今日無甚事。私宅中閑坐。看有甚麼人來。〔張千李萬上〕〔張千云〕自家張千的便是。這一箇是李萬。奉着李廉使大人的言語。着我兩箇請葛彪大人去。可早來到門首也。祇候人報復去。道有李廉使大人。差張千李萬來請大人。〔祇候云〕理會的。報的大人得知。有李廉使大人的伴當。來請大人說話。〔葛彪云〕必定是我姐夫龐衙內回信來了。着他過來。〔張千李萬做見科〕〔葛彪云〕你那裡來的祇候人。〔張千云〕小人是延安府來的祇候人。李廉使大人的言語。道有書呈在那裡。着小人每來請大人。親自到延安府李大人家取書呈去。〔葛彪云〕也說的是。左右將馬來。我親自到延安府取書呈去也。目下便登程。二人隨後跟。同去取書信。使得見緣因。〔同下〕〔葛監軍領卒子上〕

〔云〕三尺龍泉萬卷書。皇天生我意何如。山東宰相山西將。彼丈夫兮我丈夫。某乃葛懷愍是也。某文通三略。武諳六韜。望塵知敵數。對壘識兵機。賞罰嚴明。攻戰必勝。多得守邊之策。每回臨陣。無不幹功。聖人可憐。加某爲監軍都統。節制天下兵馬。元帥征西大將軍之職。某今陞帳。威勢偏別。擺白虎得勝於轅門。列黃幡豹尾於帳下。錦衣壯士。肩擔着赤鬚旌幢。清秀兒郎。手持着吳鉤越戟。陣前列五運轉光旗。帳下擲順天八卦蓋。五運轉光旗者。有虎牙旗。日月旗。龍鳳旗。得勝旗。轉光旗。八卦蓋者。是乾坎艮震巽離坤兌。軍不斬不齊。將不嚴不整。令字旗催報先鋒。帥字旗爲軍中眼目。寶纛旗開。犯令者不論親疎。得勝旗搖。收軍罷盡。望封官賜賞。俺這裡軍隨印轉行。直正。罪若當刑。先言定。在朝休誤天子宣。莫違俺這關外將軍令。某鎮守西延邊上。某有一子。乃是葛彪。因踏青在城外走馬。悞傷人命。被巡按廉訪使李圭。將我孩兒捉獲到官。歐打問理。頗奈此人無禮。量你是箇芥子大小官職。到的那裡。某只今便差十箇能行快走的探子。直至延安府。勾將李圭來。傳令親將軍士差。能行探子踐塵埃。若見李圭休縱放。不分星夜緊勾來。〔下〕〔正末領張千排衙上〕〔正末云〕小官監察巡按李廉便是也。因延安府官濁吏弊。酷虐害良民。今奉聖人的命。勅賜勢劍金牌。教小官便宜行事。先斬後聞。兀那大小官員。六房吏典。我非是私來也呵。

〔中呂粉蝶兒〕我可便奉勅承宣。理刑名勘理文卷。察清濁黜陟官員。有那害良民。違公道。我着他身加刑憲。但有那負屈伸冤。訴情由我行分辯。

〔醉春風〕塔直下威凜凜。列公人書案邊。恹恹排着吏典。我則待去奸邪立一統正直碑。把名姓來顯顯。爲政於民。爲臣報國。豈辭勞倦。〔云〕我差人拿那葛彪去了。這早晚敢待來也。〔葛彪領張千李萬上〕〔葛彪云〕某乃葛彪是也。可早來到這門首也。張千。你先報復去。說道某來了也。〔張千報科〕〔云〕報的大人得知。擎將葛彪來了也。〔正末云〕擎將過來。〔張千云〕擎過去。〔葛彪云〕他不出來接我。我自過去。李廉使我來了。有甚麼書呈。將來我看者。〔正末云〕兀那厮。你怎生打死平人。因何不跪着。〔葛彪做不跪科〕這箇廉使。我做甚麼打死人來。我不跪。並然不干我事。〔正末云〕你不招。更待干罷。張千。擎下去打着者。〔張千云〕理會的。〔做打科〕〔葛彪云〕哎約哎約。李廉使。你不要歪纏。我不曾惹下事。打出屁來了。〔正末唱〕

〔迎仙客〕我觀了他目下情。審了他口中言。這官司你可也怎的免。使不着你倚豪強。更那堪仗勢權。又不比攀指干連。你與我便從實說把招伏串。〔葛彪云〕我可做甚麼打死人來。不干我事。〔正末云〕張千。將那厮且擎在一壁有者。〔張千云〕理會

的〔淨探子兩箇上〕〔云〕自家是箇軍。身上穿着青。白日裡鋪裏睡。到晚偷人家惹。我兩箇是西延邊上能行快走的兩箇探子。一箇是李得中。一箇是胡亂歇。俺二人率着元帥的言語。有延安府廉使李圭。着俺兩箇星夜擎將他來。來到這衙門首。你這裡有李圭麼。大人的言語。着俺來拿他。張千報復去。也不必喫酒飯。不必要盤纏。快跟將我去來。〔張千云〕理會的。〔報科〕〔云〕大人。有兩箇小軍來勾大人來。〔正末云〕着過來。〔張千云〕理會的。着你過去。〔做見科〕〔正末云〕你是甚麼人。〔探子云〕俺兩箇是西延邊上葛元帥差來。你跟着我走走。〔正末云〕這厮好無理也。你男子打死平人。怎敢到來勾我。擎下這厮去跪者。〔張千云〕理會的。〔正末唱〕

〔白鶴子〕我親蒙着聖主差。你爲元帥鎮延邊。你孩兒爲人命犯了王條。我可便依國法非私怨。〔云〕擎下去打四十。搶出去。〔張千云〕理會的。二十三十四十。出去。〔探子

哭科〕〔云〕我則道有喫的有錢鈔。倒喫了一頓打。氣出我箇四句來了。我今做事沒來由。因爲勾人惹場愁。把我拖翻則管打。張千是箇狗骨頭。〔下〕〔探子兩箇上〕〔云〕率令莫消停。星火疾便行。擒拿李廉使。來見葛監軍。俺兩箇一箇是飯當災。一箇是世不飽。率着元帥的將令。着俺去延安府擎李圭去。來到這衙門首也。李圭快出來。元帥有勾。〔張千報云〕大人。又有兩箇小軍來勾大人來。〔正末云〕擎過來。〔張千云〕理會的。着你過去。〔做見科〕〔正末云〕你是甚麼人。〔探子云〕

元帥着俺勾你來〔正末云〕拏下去跪者。他鎮邊庭。我辦公事。他怎敢勾我來〔唱〕

〔白鶴子〕他氣吓吓惡勢煞。雄赳赳扣廳前。一箇箇猛虎也似走將來。我直拷的他羊兒般善。〔云〕拏下去打四十〔張千云〕理會的。三十四出去。〔探子云〕氣出我箇四句來了。大人做事忒喬。拏住我則管便敲。俺兩箇自家暖痛。頭燒酒呷上幾瓢。〔下〕〔探子兩箇上〕〔云〕親奉元戎將令差。擒拏廉使到廳塔。若還捉住不輕放。管取同他一路來。俺是元帥府裏勾軍的。我是佯不睬。他是不知道。俺奉着元帥將令。着俺拿李圭去。來到這衙門首也。李圭快出來。元帥有勾。〔張千云〕大人。又有兩箇人來勾也。〔正末云〕拏過來。〔張千云〕理會的。着過去。〔做見科〕〔正末云〕拏下去跪者。〔張千拿跪科〕〔云〕跪者。〔正末唱〕

〔白鶴子〕你兩三番勾喚咱。將言語口中傳。粗棍子拷你皮膚。我便是打你那監軍面。〔云〕拏下去。打四十。搶出去。〔張千云〕理會的。三十四出去。〔探子云〕打殺我也。你不去倒打我。氣出我箇四句來了。也則爲違條犯法。着我來一逕勾拏。他扣廳打我一頓。想起來都是傻瓜。〔下〕〔探子兩箇上〕〔云〕身輕能過嶺。脚疾走如風。俺兩箇是元帥府裏勾軍的。一箇是喬搗碓。一是是任傻瓜。奉着元帥的將令。着俺拿李圭去。來到這衙門首也。李圭快出來。元帥勾你哩。〔張千報科〕〔云〕大人。又有兩箇人勾來了。〔正末云〕拏過來。〔張千云〕理會的。着過去。〔正末

云〕拏下去跪者〔做跪科〕〔正末唱〕

〔白鶴子〕見威風雄赳赳。一箇揀袖并揎拳。俺這裡不弱似嚇魂臺。便壓着閻王殿。〔云〕拏翻打四十。搶出去。〔張千云〕理會的。二十三十四。出去。〔探子哭云〕打殺我也。你不肯去。倒打我。我到元帥府裏。慢慢的和你說話。李圭做事忒不中。差我的他是萬監軍。一些錢鈔。不會有一頓打的我羊兒風。〔下〕〔探子兩箇上〕〔云〕兩腿疾如箭。一心急似風。俺兩箇是萬監軍的小軍兒。一箇是疙疸頭。一箇是壁虱臉。俺奉元帥的將令。着俺勾李廉使去。可早來到這衙門首也。李圭快出來。元帥有勾。〔張千報科〕〔云〕大人。又有兩箇人來了也。〔正末云〕拏過來。那裡跪者。〔張千云〕理會的。過去跪者。〔做拏跪科〕〔正末唱〕

〔白鶴子〕他父爲官如泰山。兒犯法罪彌天。我若是避權豪。順人情。枉耽着箇爲風憲。〔云〕打四十。搶出去。〔張千云〕理會的。二十三十四。出去。〔探子云〕打殺我也。我兒也。你由他。你由他。廉使不識耍。不肯遵王法。勾也勾不去。倒喫了他一頓打。〔下〕〔正末云〕張千。與我拏過萬彪來。〔張千云〕理會的。〔正末云〕萬彪。你招了者。〔萬彪云〕並不干我事。你又不肯打我。〔正末云〕拏下去打着者。〔張千云〕理會的。〔打科〕〔萬彪云〕老兒。你不要惹事。你打了我。看你怎麼見我父親哩。哎。約。打殺我也。〔正末唱〕

〔快活三〕這償人命是你的罪愆。倒將咱死熬煎。不招呵一命喪黃泉。〔葛彪云〕大人看俺父親的面皮。我送對燒鵝兒你吃。饒了我罷。〔正末唱〕我可便管甚麼那監軍的面。〔葛彪云〕你好沒臉。打殺我也。〔正末唱〕

〔朝天子〕也是你那命蹇。你休想我便可憐。篤速速打考的身軀顫。打的他皮開肉綻。跪在堦前。將你那造惡的形骸變。則你那犯法違條。死而無怨。怎禁你那老無知忒自專。勘問的這事完。我可回那帝輦。〔云〕做兒的打死平人。做爺的擅勾臺省官員。〔唱〕俺兩箇便親自到金鑾殿。〔云〕這厮不招。打着者。〔張千云〕理會的。〔做打科〕〔葛彪云〕罷罷罷。是我打死他媳婦。馬踏殺他婆婆來。我都招了也。〔正末云〕招狀是實。畫了字。將長枷來枷了。下在死囚牢中去。〔張千云〕理會的。〔擎葛彪下〕〔正末云〕小官親造文書。回大人的話去也。〔唱〕

〔啄木兒尾聲〕教百姓每曉諭的知。將殺人賊斬在市廛。舉直錯諸枉。民無怨。雖不是包龍圖的機變。將我這秉忠直名姓入凌烟。〔下〕

第四折

〔范仲淹領張千上〕〔云〕老夫范仲淹是也。有監察廉使李圭。在西延邊申將文書來。說葛彪打

死人命一事。勘問已成了也。老夫今奉聖人的命。着老夫疾馳驛馬。親往延安府。結證此事。就陞賞李圭。不敢久停久住。延安府結證。走一遭去。奉命承差不暫停。緊馳驛馬出神京。官封能幹加三品。罪斷權豪按五刑。〔下〕〔葛監軍領卒子上〕〔云〕某乃葛監軍是也。頗奈李圭無禮。將勾去的人都打了。更待干罷。某統領三軍。直至延安府。拏住李圭。報了冤讐。方稱我平生願足。統領雄兵聚戰鞍。匣中輕掣劍光寒。李圭縱有論天表。不報冤讐誓不還。〔下〕〔正末領張千上〕〔云〕小官李圭是也。今奉聖人的命。勘問葛彪打死平人事。招伏已完了。聽知的早晚有天使至此也。今日陞廳。聚大小官員。六房典吏。接應天使去也呵。〔唱〕

〔雙調新水令〕爲臣盡節整綱常。報君恩敬於事上。漢廷汲黯忠。唐室魏徵良。見如今千載名揚。萬古流芳。史記談揚。一箇箇凌煙閣畫圖像。〔云〕左右衙門首覲者。看有甚麼人來。〔張千云〕理會的。〔葛監軍上〕〔云〕某乃葛懷愍是也。統領三軍。到於延安府。不放三軍寸箭不許帶進城去。三軍都在城外紮營。我親自見李圭去來。可早到門首也。張千報復去。道有葛監軍在於門首。〔張千云〕理會的。喏。報的大人得知。有葛監軍來了也。〔正末云〕他不自過來。着我接待他去。〔張千云〕俺大人說來。你不自過去。待教俺大人接待你。〔葛監軍云〕此人這等權重。我試看者。原來有勢劍金牌在此。葛懷愍也。你可不來麼。我自過去有

說話好難請喚也。李圭〔正末云〕好無禮也。葛懷愍〔葛監軍云〕你怎敢屈勘平人。〔正末云〕你怎敢擅離汛地。〔葛監軍跪科〕〔正末云〕我身居臺省。執掌提刑。你不遵號令。私離邊庭。我問你波。〔唱〕

〔沉醉東風〕則你那七禁令何當是你掌。〔云〕我問你來了呵。〔唱〕則你那三軍印寄付與誰行。少罪波。逃軍營的姜太公。離寨柵的諸葛亮。辱沒殺晉尹鐸。保障金湯。你爲兒子行兇。做爹的撇了戰場。〔云〕爲將者一輕二慢三盜四欺五背六亂七悞。〔唱〕請你箇行號令的監軍自想。〔葛監軍云〕這事不中了也。廉使。啗是一殿之臣。看我和你舊時顏面。我一時不是了。怎生饒過俺父子之罪也。〔正末云〕兀那葛懷愍。你的兒子打死平人。你又擅離汛地。平欺俺臺省官員。更待干罷。〔唱〕

〔沽美酒〕我可也敢和你做一場。休想我便肯輕放。倚着你父子每權豪勢力強。你怎敢擅離了邊庭地方。忒欺公。忒無狀。

〔太平令〕也不索用長詞短狀。直和你見鑾輿打一會官房。〔范仲淹冲上〕〔云〕老夫范仲淹是也。可早來到延安府也。〔張千云〕范學士大人下馬也。〔范仲淹云〕甚麼人大驚小怪的。〔正末唱〕正遇着天臣宰相。使不着你狂言抵當。他可使倚仗勢強。將人命事的。

不償。〔云〕做兒的打死平人。做爺的擅離汛地。〔唱〕大人也他罪難容。徒流答杖。〔范仲淹

云〕張千將一行人律疑上廳來。〔張千云〕理會的。〔張千擊劉彥芳李老龐衙內同上〕〔跪科〕

〔范仲淹云〕一行人聽老夫下斷。李圭你行公正輔助朝廷。有決斷不懼權臣。陞你爲尙書之職。理文卷撫恤安民。劉彥芳無辜囚禁。爲人命被害傷親。無點李吏役考滿。祥符縣主簿安身。劉榮祖本鄉養老。賞賜與十兩白銀。葛懷愍擅離汛地。棄牌印私度關津。縱容子致傷人命。削兵權免死充軍。龐衙內扭直爲曲。罷官職貶爲庶人。正犯人行兇葛彪。欺百姓敗壞人倫。市曹中當刑處斬。依律條曉諭分明。有罪的分明決斷。受賞的望金鑾拜謝皇恩。

題目 八府相聚集樞密院

正名 十探子大鬧延安府

十探子穿關

頭折

李老兒

攢頂 茶褐直身 繼兒 蒼白髯 拄杖

卜兒

場頭手帕 兒 裙兒 眉額

布襪 鞋 卜兒 旦兒 又上同 葛彪 雙簪

鋼叉帽 膝欄曳

撒比甲 帶帶

張千

攢頂 圓領 項帕 襖膊

李老兒 又上同

街坊 同前 李老兒

同前 李老兒

龐衙內

紗帽 補子圓領

帶

李老兒 又上同

劉彥芳

一字巾 圓領 繼兒 三髯髯

李老兒 又上同

正末 廉使 李圭

一字巾

笠子 補子圓領 帶 補子直身 繼兒 三髯髯

張千

同前

第二折

范仲淹

兔兒角幘頭 圓領 帶 三髯髯

張千

同前 經歷

一字巾 帶 三髯髯

張千

同前 廚子

方巾 青布直身

繼兒 護衣

呂夷簡

同前 范仲淹

回回官人

回回帽 項帕 錦手巾

白手巾 比里罕 海蛟

漢兒官人

同前 女

直官人

四大巾 膝欄曳 撒比甲 闊粧茄袋 緋子髯

達達官人

狐帽 膝欄曳 撒比甲 闊粧茄袋 三髯髯

毛襖 龐衙內

同前 正末

廉使

一字巾 補子圓領 帶 三髯髯

李老兒

同前

第三折

范仲淹張千葛彪張千張千同前李萬同前葛監軍多簷帽直纏蟒衣曳撒袍項帕

髻卒子紅碗子盔青布釘兒甲搭膊劍正末李廉使張千同前葛彪張千李萬又上同前探子

李得中皮碗子盔青布釘兒甲搭膊手索胡亂歇紅氍帽青戰裙探子飯當災同前世不飽紅氍帽青衣

探子佯不睬同前不知道紅氍帽青戰裙探子喬搗碓同前任傻瓜紅氍帽青衣

戰探子疙疸頭同前壁虱臉紅氍帽青戰裙

第四折

范仲淹張千葛監軍卒子正末李圭張千同前葛監軍又上范仲淹又上俱同前

張千拏劉彥芳李老兒龐衙內同前

萬曆四十三年乙卯七月十九日校內本清常道人

魯智深喜賞黃花峪

闕名

第一折

〔冲末扮宋江同吳學究引小僮僮上〕〔云〕自小爲司吏。結識英雄輩。姓宋本名江。綽名順天呼保義。某姓宋名江字公明。曾爲鄆州鄆城縣把筆司吏。因帶酒殺了閻婆惜。官軍捉拿甚緊。自首到官。脊杖了八十。迭配江州牢城營。因打梁山過。遇着哥哥晁蓋。打開了枷鎖。救某上梁山。就讓某第二把交椅坐。哥哥三打祝家莊身亡。衆兄弟拜某爲頭領。我聚三十六大伙。七十二小伙。威鎮於梁山。俺這梁山。寨名水滸。泊號梁山。縱橫河闊一千條。四下方圓八百里。東連大海。西接咸陽。南通鉅野金鄉。北靠青濟兗鄆。有七十二道深河港屯。數百隻戰艘艫。三十六座宴臺。聚百萬軍糧馬草。聲傳宇宙。五千鐵騎敢爭先。名播華夷。三十六員英雄將。俺這梁山。一年喜的是兩箇節令。清明三月三。重陽九月九。時遇重陽節令。放衆兄弟每下山。去賞紅葉黃花。三日之後。都要來全。若有違禁某的將令的。必當斬首。小僮僮。你去傳了我的將令。學究哥。俺無事。後山中飲酒去也。宋公明武藝堪誇。吳學究又無爭差。衆頭領都離寨棚。下去賞紅葉黃花。〔下〕〔扮店小二上〕〔云〕曲律杆頭懸草稊。綠楊影裏撥琵琶。高陽公子休空過。不比尋常賣酒家。小人是這

草橋店賣酒的便是。今日清晨早間。挑起草稭兒。燒的旋鍋熱。看有甚麼人來。〔劉慶甫同旦上〕

〔云〕黃卷青燈一腐儒。九經三史腹中居。學而第一須當記。養子休教不讀書。小生姓劉名慶甫。濟州人氏。嫡親的兩口兒家屬。渾家李幼奴。小生學成滿腹文章。未曾進取功名。爭奈許了泰安神州燒香三年。今年是第三年也。燒香已回。到這草橋店上。大嫂。俺去那酒務兒裏喫幾杯酒。慢慢的行。兀那賣酒的。有酒末。〔店小二云〕官人請家裏來。這箇閣子乾淨。〔慶甫云〕打二百文長錢酒來。〔店小二云〕有有有。我篩的這熱。官人兀的酒。我再看些甚麼好菜蔬來。〔慶甫云〕賣酒的。休放閑雜人過來。俺慢慢的飲幾杯。〔店小二云〕官人。您則管飲酒。無甚閑雜人來。〔淨扮蔡衙內引張千上〕〔云〕花花太歲爲第一。浪子喪門世無對。塔下小民聞吾怕。則我是勢力併行蔡衙內。自家蔡衙內的便是。表字蔡疙疸。我是那權豪勢要的人。嫌官小做不的。馬瘦騎不的。打死人不償命。長在兵馬司裏坐牢。我打死人如在房上揭一片瓦相似。不到半年。把瓦都揭淨了。一聲下雨。我可在露天地裏住。時遇重陽九月九。張千架着小鷄子。郊外踏青賞翫去。可早來到也。兀的不是箇小酒務兒。賣酒的。你有乾淨閣子兒。〔店小二云〕有有有。這閣子乾淨。大人請坐。〔蔡淨云〕篩酒來我吃。〔店小二云〕不是熱酒來了。大人請自在飲酒。〔蔡淨云〕我且吃一鍾。〔慶甫云〕大嫂。我央及你唱一箇小曲兒。〔旦云〕我不會唱。〔慶甫云〕你好歹唱一箇曲兒。我吃

不的悶酒。(旦做遞酒科)(二云)慶甫。你飲這一杯酒。我唱箇曲兒你聽。(唱)

〔南駐雲飛〕盡落歸臺。不覺的兩朵桃花上臉來。深謝君相待。多謝君相愛。咪。擎尊奉多才。量如滄海。滿飲一杯。暫把愁懷解。正是樂意忘憂須放懷。(慶甫云)好好好。我吃一鍾。大嫂。你也吃一鍾。(蔡淨云)兀那賣酒的。隔壁是甚麼人唱。(店小二云)官人。俺這裡無唱的。(蔡淨云)弟子孩兒。他那裡吃酒唱哩。(店小二云)哦。是箇秀才。引着他渾家。在此飲酒唱哩。(蔡淨云)你道無唱的。你問那秀才。借他渾家來。與我遞三杯酒。叫。我三聲義男兒。我便上馬。啞不啞刺步就走。(店小二云)着誰去。(蔡淨云)着你去。(打科)(店小二云)我去便了。(慶甫云)賣酒的。你來有甚麼話說。(店小二云)不干小人事。那蔡衙的聽的你唱。問秀才借嫂子。與他遞三鍾酒。叫三聲義男兒。便上馬啞不也。(慶甫打店小二科)(二云)他姑娘肯叫我三聲義男兒末。(店小二云)不干我事也。(蔡淨云)他肯借末。(店小二云)不肯。我吃他打了幾下。他說你的姑娘。肯叫他三聲義男兒末。(蔡淨云)我有姑娘。肯受他的氣。(做見科)(二云)你借與我遞三鍾酒。叫我三聲義男兒。又不壞了你的。(慶甫云)他人妻。良人婦。沒這等道理。(蔡淨云)你不認的我。我是蔡疙疸。你怎敢罵我。將繩子來。吊起他來。(旦云)似此怎了。大人饒過他者。(蔡淨做打科)(二云)姐姐休管他。你放心。我直打死他。(慶甫云)天也。着誰人救

我也〔正末扮楊雄上〕〔云〕某宋江手下第十七箇頭領病關索楊雄是也。俺這梁山。一年有兩箇節令。是清明三月三。重陽九月九。宋江哥放俺三日假限。是好秋景也呵。〔唱〕

〔仙呂點絳脣〕九月重陽。暮秋霜降。閑雲往。滿目山光。對景堪遊賞。

〔混江龍〕猛然觀望。見賓鴻擺列兩三行。枯荷減翠。衰柳添黃。我則紅葉滿目。滴溜溜枝上舞。可這黃菊可都噴鼻香。端的是堪寫在圍屏上。看了這秋天景致。怎不教宋玉悲傷。〔云〕那裡這般響。我猜着了也。〔唱〕

〔油葫蘆〕是這澗水潺潺波浪響。我這裡便聽了半晌。元來是這水聲山色趁秋光。則聽啾啾唧唧聒耳山禽唱。說的那呆呆鄧鄧的麋鹿赤留出律的撞。見人呵急張張屈屈的走。更那堪驚驚顛顛的慌。我這裡手分開蘆葦。吸溜踈刺的攆。〔云〕驚起一件好物也。〔唱〕驚起那沙暖宿鴛鴦。〔云〕報報喏。金瓶指路。聖手遮欄。〔唱〕

〔天下樂〕見一座摧塌了山神古廟堂。我這裡思也波量。端的着誰上香。你看那拖拖沓沓喬供養。〔云〕貪看山神廟。悞了我行路也。〔唱〕我這裡登峻嶺。驀淺崗。見一道放牛羊小徑荒。〔云〕遠遠的一箇小酒務兒。好是悽慘人也呵。〔唱〕

〔醉中天〕我見一箇小店兒淒涼像。野犬吠汪汪。破蘆蓆搭在舊水床。將一張

無尾的題頭放。醉仙幾尊。

原改

畫在石灰壁上。草稭兒滴溜溜斜挑在牆頭上。

〔云〕行說着話。可早來到也。〔做入店見科〕

〔云〕小二哥。有乾淨閣子末。〔店小二云〕官人請坐。

〔正末云〕打二百文長錢酒來。我不這般乾吃你的。來來。我與你些碎金銀做本錢。〔店小二做揣入懷裏科〕

〔云〕不要也罷。〔正末云〕這廝口道不要。可揣在懷裏。將酒來。〔店小二與酒科〕

〔正末吃酒科〕

〔云〕小二哥。時遇九月九節令。家家正好歡喜飲酒。那裡這般啼哭。〔店小二云〕

官人。那廂兩口兒吃酒。這廂箇官人。要那秀才的渾家。替他遞三杯酒。因他不肯。將那秀才吊着打。因此上那秀才啼哭。〔正末云〕你不好勸他一勸。〔店小二云〕我勸他來。連我打的不着忙。他

是箇權豪勢要的人。我不敢勸他。〔正末云〕我將這酒寄在這裡。等我勸他去。〔店小二云〕哥你

休去。〔正末做探店小二跌科〕

〔云〕不干你事。我勸去。〔做探蔡淨科〕

〔蔡淨店小二科〕

〔正末做解劉慶甫科〕

〔做扳蔡淨三科了〕

〔云〕喏。客官。〔蔡淨云〕走到土地廟裏來了。怎生喏喏。〔正末云〕

官人。我是箇過路的。這箇人是你的伴當。那侵你使數的。你爲何吊着他打。拐帶了你多

少銀兩。你若說的是呵。我與你行究。〔蔡淨云〕一箇好聰明人也。我說起這廝的罪過來。大似狗

蚤。這廝和他渾家唱着吃酒。我着賣酒的與他說去。着他渾家替我遞三杯酒。叫我三聲義男兒。我便上馬回去。這廝說着我姑娘與他遞三杯酒。叫他三聲義男兒。纔着他渾家來。我若有姑娘

呵。肯着他渾家遞酒。你說可是我的。可是他的。〔正末做指蔡淨科〕〔云〕恁的呵。是你的不是。〔蔡淨做怒科〕誰道我的不是來。這厮無禮。怎生敢道我的不是。〔正末唱〕

〔醉扶歸〕你這厮無道理。荒淫相。你怎生迤逗人家女紅妝。他別人行路夫妻在旅店上。你是箇大膽的行兇黨。〔云〕兀那厮。我和你有些箇比喻。〔蔡淨云〕喻將何比。〔正末唱〕假若是你的媳婦者波。我走將來挨挨搶。〔云〕你若不見呵。萬事都休。你若見了呵。〔唱〕你恨不的一跳三千丈。〔蔡淨做跌科〕〔云〕哎約。哎約。正跌着我這哈噉兒骨頭。我敢打你也。〔正末云〕你這厮打來。〔蔡淨做打正末科〕〔正末做打淨倒科〕〔唱〕

〔金盞兒〕我從來性兒剛。我可也不索商量。那裡去。則我這拳着處撲的塵埃中躺。打這厮鼻凹眼曠。抹着處傷。我見他慘。可唇齒綻。血模糊打塌鼻梁。怎禁我搜搜的拳去打。〔蔡淨云〕不中。我與了你走走。〔下〕〔正末云〕這厮走了也。〔唱〕急走裡摸摸的脚尖仰。〔做解劉慶甫科〕〔慶甫云〕恰纔多虧了哥。救了小生性命。〔正末云〕兀那秀才。你那裡人氏。姓甚名誰。你慢慢的說一遍者。〔慶甫云〕小生濟州人氏。姓劉。雙名慶甫。渾家李幼奴。因泰安神州燒香已回。來到這草橋店上飲酒。撞見這箇權家勢要的蔡衙內。強要我渾家把盞兒。我不肯。他吊起小生來。若不是哥來呵。那得我性命來。敢問哥姓甚名誰。〔正末云〕我不

是歹人。〔慶甫云〕誰敢說哥是歹人。〔三科了。〕〔正末云〕則我是宋江手下第十七箇頭領病關索楊雄的便是。哥俺不是歹人。〔慶甫云〕你是賊的阿公哩。小生則怕到前面又撞見他。怎了。〔正末云〕凡那秀才。你到前面無事便罷。若有事呵。你上梁山來告俺哥。我與你做主。〔慶甫云〕謝了哥哥。小生到梁山上告誰。〔正末唱〕

〔尾聲〕你告俺哥哥宋公明。〔慶甫云〕他是哥哥的誰。〔正末唱〕他是我親兄長。〔慶甫云〕哥哥姓甚名誰。〔正末唱〕則我是病關索一身姓楊。〔慶甫云〕你生牢記者。〔正末唱〕着我心中自暗想。〔慶甫云〕若不是哥哥呵。那的那性命來。〔正末唱〕俺端的志氣昂昂。〔慶甫云〕多謝了哥哥。〔正末唱〕我從來本高强。不是我說短論長。他若欺負你。來梁山告俺宋江。〔慶甫云〕則怕又撞見他。怎了也。〔正末唱〕那厮更十分不良。將平人屈漾。〔慶甫云〕則怕宋江哥哥不肯與我做主末。〔正末云〕投到你去呵。〔唱〕我與你待先說話衷腸。〔慶甫云〕大嫂俺休往大路上去。嚙往小路上去。則怕撞見蔡衙內。怎了。〔旦云〕你也說的是。則怕撞見那賊漢。強奪的我去了。不能與你相見。我這裡有箇棗木梳兒。與你做信物。久以後見了這梳兒。便和見我一般。〔慶甫云〕我收了這梳兒。久以後見了這梳兒。便是信物。俺休離了大嫂。俺走走走。〔下。〕〔店小二云〕走將這幾箇人來。酒也賣不成。整喫了這一日。收了鋪兒。往鐘鼓司

學行金斗去來。〔下〕〔劉慶甫同旦做慌上〕〔云〕走走走。〔蔡做冲上攔住科〕好也。那裡去。打的我好也。我將他渾家駝在馬上。我拐他去十八層水南寨裏去也。走走走。〔下〕〔慶甫云〕天也。誰想正撞着蔡衙內。將我渾家奪在馬上去了。我別處告。近不的他。直往梁山上告宋江哥哥。走一遭去。大嫂則被你疼殺我也。〔下〕

第二折

〔宋江同吳學究引小僮僮上〕〔云〕綠樹重重映碧天。遶溪一派水流寒。觀看此景真堪羨。獨占人間第一山。某乃宋江是也。三日前放衆兄弟每下山去賞紅葉黃花去了。今日是第三日也。小僮僮將鼓響。衆頭領來時。報伏我知道。〔小僮僮云〕得令。〔關勝同李俊燕青花榮雷橫盧俊義武松王矮虎呼延灼張順徐寧上〕〔云〕梁山泊出名顯姓。殺官軍無人敢近。三十六結拜爲兄。祖輩傳大刀關勝。某大刀關勝是也。俺衆頭領下山賞紅葉黃花。今日是第三日。俺上山見哥哥去來。可早來到也。小僮僮報伏去。道俺衆頭領來了也。〔小僮僮云〕喏。報的得知。有衆頭領來了也。〔宋江云〕都着過來。〔小僮僮云〕着過去。〔衆做見科〕〔關勝云〕宋江哥哥。學究哥哥。俺衆頭領都來了也。〔宋江云〕您都來了。小僮僮門首覷着。看有甚麼人來。〔劉慶甫上〕〔云〕小生劉慶甫是也。被蔡衙內將我渾家奪將去了。上梁山告宋江太保去。可早來到也。休放冷箭。〔小僮僮云〕

你是那裡來的〔慶甫云〕小生是簡秀才。敬來告狀。〔小儂僮云〕喏。山下有簡秀才來告狀。〔宋江云〕着他過來。〔小儂僮云〕下了吊橋。兀那秀才。着你過去。〔見科〕〔宋江云〕秀才。你那裡人氏。姓甚名誰。你有甚麼負屈的事。你說一遍。〔慶甫云〕太保。小生濟州人氏。姓劉雙名慶甫。渾家李幼奴。因往泰安神州燒香以回。來到草橋店飲酒。遇着簡權豪勢要的蔡衙內。將我渾家強奪的。十八層水南寨去了。小生一逕的上山來告太保。說兀的做甚。柔軟莫過溪澗水。不平地上也高聲。懷揣萬古千秋鏡。照察啣冤負屈人。〔宋江云〕兀那秀才。你且一壁有者。學究哥。此事也不可點差着。原諷小儂僮問三聲。誰敢去十八層水南寨打探事情去。〔小儂僮云〕兀那三十六人。那箇好男子漢。敢去十八層水南寨打探事情去。〔三科了〕〔正末上〕〔云〕有有有。我敢去。〔唱〕

〔南呂一枝花〕俺哥哥傳將令三四番。可怎生無一箇承頭的。來一箇燕青將面劈。那一箇楊志頭低。那裡也大膽姜維。問着呵。一箇箇緘口無人言對。你可便怕相持對壘。〔云〕似恁的呵。〔唱〕你可便枉住在梁山。兀的不辱沒殺俺哥哥保義。

〔梁州〕聽的道撲水寨多凶少吉。呀。來來來。不是這李山兒囊裏盛錐。〔云〕可早來到也。小儂僮報伏去。道有山兒李來了也。〔小儂僮云〕理會的。報報喏。有山兒李達來了也。〔宋江

云〕學究哥。山兒李達來了也。此人性如烈火。直似弓絃。等他來時。左使機關。看他說甚末。小儂儂着他過來。〔小儂儂云〕着你過去。〔正末做見宋江科〕云。宋江哥。學究哥。喏。衆兄弟每喏。〔宋江云〕兄弟也。喏。弟兄每都不義了也。〔正末云〕哥。怎生不義了也。〔宋江云〕我喚着你。怎生來遲。〔正末唱〕喏。雖然不結義。在桃園內。〔云〕俺哥哥做學幾箇古人。〔宋江云〕你做學那幾箇人。〔正末唱〕俺做學那關張和劉備。〔宋江云〕你可似誰。〔正末唱〕您兄弟一似箇張飛。〔宋江云〕有衣呵呢。〔正末唱〕有衣呵同穿着。〔宋江云〕有飯呵呢。〔正末唱〕有飯呵同喫。〔宋江云〕有馬呵呢。〔正末唱〕有馬呵不刺刺。大家同騎。〔宋江云〕兄弟也。我使喚你可肯去末。〔正末唱〕哥哥你使喚着我。怎敢不依隨。〔宋江云〕你可敢往那裡去。〔正末唱〕者末去那西天西大象口敲牙。者末待人南山寨子路。我與你活拔下虎尾。〔宋江云〕更有呢。〔正末唱〕可者末待遇敵軍。獨自箇相持。〔宋江云〕兄弟。則要你道的應的者。〔正末唱〕我道得應得。〔宋江云〕你會甚麼武藝。〔正末唱〕十八般武藝。咱都會。〔宋江云〕少賣弄精細。〔正末唱〕不是我賣弄精細。〔宋江云〕再有甚麼本事。〔正末唱〕舞劍輪鎗。并騙馬。則消的我步走如飛。〔宋江云〕兄弟也。山下有一箇人。好生英雄。你可敢近他末。〔正末云〕哥也。他比這兩箇古人若何。〔宋江云〕可是那兩箇古人。〔正末唱〕

〔哭皇天〕莫不是再生下張車騎。〔宋江云〕張車騎是張飛。這箇人又利害似他。〔正末唱〕莫不是重生下胡敬德。〔宋江云〕尉遲敬德也不如他。〔正末云〕哥也。張飛比他如何。〔宋江云〕張飛不如他。〔正末云〕敬德比他如何。〔宋江云〕也不如他。〔正末云〕哥。您兄弟比他如何。〔宋江云〕你也不如他。〔正末唱〕阿。惱的我磕叉叉斧坎人。〔宋江云〕俺這裡敲牛宰馬。做箇慶喜的筵席。〔正末唱〕你則待穩拍做筵席。〔宋江云〕山兒。你怎生強嘴也那。〔正末唱〕不是李山兒便強嘴。哥也。您兄弟有功勞來也。〔宋江云〕你有甚麼功勞。〔正末唱〕小可如我鄆州東平府帶着枷披着鎖。我跳三層家那死囚牢。比那時節。更省我些氣力。〔宋江云〕你三日不殺人呵呢。〔正末云〕我三日不殺人呵。〔唱〕我渾身上下拘繫。〔宋江云〕三日不放火呢。〔正末云〕我三日不放火呵。〔唱〕倚着那石牆下呵盹睡。〔宋江云〕我哄他者。山兒。我着你殺人。〔正末唱〕

〔烏夜啼〕算也。聽的道殺人放火偏精細。〔宋江云〕怎生殺人放火。你說一遍者。〔正末唱〕顯出我些英勇神威。輕輕的展放猿猱臂。若是那無知。恰便似小鬼兒見鍾馗。若惱犯放火殺人賊。那去。我可便各支支攤的腰截碎。〔宋江云〕說你強。誇他會。〔正末唱〕說我強。誇他會。男兒志氣。顯盡我雄威。〔宋江云〕小僕僮喚將那秀才來。與他

相見者〔劉慶甫上〕〔做見正末科〕〔云〕哥哥。他是人也是鬼也。〔宋江云〕兀那秀才。你不要怕。他是十三太保山兒李逵。你將那上項事對山兒說。他便與你做主。〔慶甫云〕哥。我濟州人氏。姓劉。雙名慶甫。渾家李幼奴。來到草橋店上飲酒。被箇權豪勢要的蔡衙內。將我渾家奪的十八層水南寨裏去了。哥哥與小生做主者。〔正末云〕兀那秀才。你有甚麼信物。〔慶甫云〕有這張棗木梳兒是信物。我那渾家若見了呵。他便認的也。〔正末云〕你放心。我知道也。〔慶甫云〕謝了太保。〔宋江云〕山兒。我問你這一件事。你若到於山下。你怎生打那廝拿那廝。你說一遍。我試聽者。〔正末云〕哥也。您兄弟怎生拿他。怎生打他。我敷演一遍。哥哥試聽者。〔宋江云〕你試說。我試聽者。〔正末唱〕

〔牧羊關〕則我這拳着處滴溜撲着那廝身占土。〔宋江云〕那廝掙起來呵呢。〔正末唱〕急起來着那廝嘴搥地。〔宋江云〕那廝若走了呵呢。〔正末云〕那廝欲待走。走那去。〔唱〕我這裡破步撩衣。指東畫西。說南也道北。此一隻腳將那廝□□跳。兩隻手將那廝腿脰提。我腕頭齊着力。那去。我可便撓無徒在這兩下裡。〔宋江云〕兄弟。你去不的。〔正末云〕哥。您兄弟怎生去不的。〔宋江云〕看你那茜紅巾紅納襖乾紅搭膊。服細護膝八答鞋。你便似那烟薰的子路。墨洒的金剛。休道是白日裏。夜晚間撲着你。也不是恰好的人。你可

怎生打扮了去。〔正末云〕哥也。休道是白日裏晚夕。揣模着你兄弟也不是箇恰好的人。我更改了這衣服。打扮箇貨郎兒去。〔宋江云〕可那裡得這衣服鼓兒來。〔正末云〕有有。山寨在那官道傍邊。躲在一壁等着。那做買賣的貨郎兒過來。兀那貨郎兒。借與我鼓兒使一使。說箇借時呵。萬事罷論。若說箇不借。一隻手揪住那厮衣領。一隻手摺住腳腕。滴溜撲掉箇一字交。闊脚蹯住那厮胸脯。舉我這夾剛板斧來。覷着那厮嘴縫鼻凹裏磕。我恰待要坎。哥也。休道是鼓兒。他連擔兒也與了您兄弟。〔宋江云〕兄弟也。你好問他要。你下山去。則要你忍事饒人。〔正末云〕哥也。假似別人罵您兄弟呵呢。〔末江云〕忍了。〔正末云〕打您兄弟呵呢。〔宋江云〕忍了。〔正末云〕哥也。他則管裡打呵呢。〔宋江云〕那箇則管裡打。你少還他些兒。〔正末云〕哥也。我還他這些兒。〔宋江云〕忒少。〔正末云〕我還他這些兒。〔宋江云〕也少。〔正末云〕哥也。我還到這裡。怕做甚麼。〔宋江云〕呵。打殺人也。則要你輕着些。兄弟也。你到的水南寨。見了那婦人。怎生說話。你試說一遍我聽者。〔正末云〕哥也。不嫌絮繁。聽我說一遍者。〔唱〕

〔絮蛤蟆〕我打扮做箇貨郎兒。擔着些三零碎。去尋那箇艷質。他來買我些三東西。〔宋江云〕可是甚麼物件那。〔正末唱〕也有挑線領戲。也有釵環頭篦。他若問我是誰。我索將他支對。那厮將我罵毀。我不鄧鄧火起。我見揪住頭梢。挽住衣袂。滴溜

撲捧下那厮塔基。拳捶心窩裏。使靴尖踢。打這厮無道理。無見識。羊披着虎皮。打這厮狐假虎威。〔宋江云〕兄弟。你休避驢馳。則今日便索長行也。〔正末云〕哥哥。你放心也。

〔唱〕

〔尾聲〕我與你沿村轉。曠親尋覓。四大神州捉逆賊。我若還撞着你。揪住頭梢。攔住領戲。我將那厮滴溜撲捧下那厮塔基。我將那厮死羊兒般。到拖將來俺這箇山寨裏。〔下〕〔宋江云〕山兒去了也。我便差魯智深接應將去。學究哥。無甚事。後山中飲酒去來。衆小校聽咱分付。今日箇該您題捕。伏路處悄語底言。不許您結笑喧呼。人人要攢甲披袍。箇箇要開弓蹬弩。若違了某的將令。斬首級決無輕恕。〔衆下〕

第三折

〔淨扮蔡衙內同旦上〕〔云〕自從拐的這婦女人。來到這水南寨裏。誰來的到這裡。今日我吃酒去也。渾家。你則在家裏。你可休出門去。我便來也。我把這地下篩下灰。不許你行動。拿篩過來。着上些灰。我篩下灰者。〔做篩科〕〔做看科〕〔云〕嗨。不會出門。可早篩下脚印。〔外做打科〕〔云〕得也麼。就來。〔蔡淨云〕吓。是我篩的。〔又做篩科〕〔云〕你便走動。我便知道。灰也篩了。我與你一箇馬子。投到我來家。要這一馬子濕濕。你可不要把米湯茶攪在裏頭。我着箇乾淨盞兒舀出來嚐。

我若嚙出來。把你那兩條腿還打做兩條腿。〔下〕〔旦云〕悶似三江水。涓涓不斷流。有如秋夜雨。一點一聲愁。自家李幼奴的便是。自從被這賊漢。將我拐到這水南寨裏來。不知我那丈夫劉慶甫。在於何處。音信皆無。我心中好是煩惱。那賊漢出去了也。我在這閑坐。看有甚麼人來。〔正末上〕〔云〕自家黑旋風是也。奉着俺宋江哥哥將令。去水南寨裏打探事情。尋劉慶甫渾家喚做李幼奴。須索走一遭去。〔唱〕

〔正宮端正好〕遠村坊尋門戶。一徑的打探箇實虛。恰便似竹林寺有影無尋處。我問那蔡衙內在何方住。

〔滾綉毬〕希壤忽濃泥又滑。失流疎刺水渲的渠。赤留出律驚起些野鴨鷗鷺。我這裡急煎煎整頓了衣服。急周各支蕩散了鎗竿簍。急彪各邦踏折了劍莖蒲。見一道小路兒荒疎。

〔倘秀才〕我則見水圍着人家一簇。中間裏疊成一道旱路。則聽則聽的狗兒咬各邦搗碓處。我這裡擔着零碎踐程途。我與你覓去。〔云〕買來買來。賣的是調搽宮粉麝香胭脂柏油燈草。破鐵也換。〔旦上〕〔云〕慚愧也。今日可怎生有箇貨郎兒在於門首。我開開門。我試看。〔旦做見正末科〕〔云〕是箇貨郎兒。哥哥萬福。〔正末云〕不敢不敢也。〔唱〕

〔偷秀才〕我這裡見姐姐忙道好處。〔云〕好人家。好家法。惡人家。惡舉動。他也不荒不忙。〔唱〕他那裡掩着袂。貨郎兒萬福。他那裡荒喚箇萬福。我這裡問姐姐商量你可也買甚麼物。〔旦云〕你賣的是那幾件兒物件。你數與我聽。〔正末唱〕我這裡一一說從頭初。聽貨郎兒細數。〔旦云〕你試數。我試聽者。〔正末唱〕

〔滾綉毬〕銅釵兒是鸚鵡。〔旦云〕再有甚麼。〔正末唱〕鑽鑽兒是金鍍。〔旦云〕可再有呢。縷帶兒是串香新做。〔旦云〕再有甚麼希奇的物件。〔正末唱〕有這箇錦裙欄法墨玢梳。更有這綉領戲絨線鋪。翠絨花是金縷。符牌兒剪成人物。這箇錦鶴袖砌的雙魚。更有那良工打就的純剛剪。〔旦云〕可再有甚麼物件。〔正末唱〕有。有。更有那巧匠做成棗木梳。除此外別無。〔旦云〕將來我試看者。〔做接梳哭科〕〔云〕便好道見鞍思駿馬。視

物想情人。這梳兒是我與劉慶甫的。可怎生到這貨郎手裏來。我試問他者。哥哥。恰才從那裡來。你路上可撞見甚麼人來。這梳兒是甚麼人與你來。哥哥。你試說者。〔正末云〕我見來。我見來。我在那官道傍邊坡子。一壁見一箇秀才。搥胸跌脚。啼天哭地。他問道兀那貨郎兒。你往那裡做買賣去。我便道去水南寨做買賣去。他便道你替我寄箇信。我便道你寫。他寫不得。與了這箇木梳兒。權當一箇信物。教我尋他那渾家。我那裡尋的是。〔旦云〕哥哥。那人姓氏甚名誰。他渾家可姓

甚麼。勸勞哥哥說一遍者〔正末唱〕

〔倘秀才〕那秀才濟州人氏。姓劉名甚麼慶甫。〔旦云〕他媳婦是誰。〔正末唱〕他媳婦姓李。〔旦云〕哥哥是李甚麼。〔正末云〕我把來忘了。我試想者。〔唱〕小名喚做甚麼幼奴。〔旦云〕他正是我的丈夫。〔正末云〕你好愛便宜。趕着貨郎叫丈夫。〔旦云〕那秀才是我的丈夫。〔正末唱〕兀那秀才原來是你的丈夫。〔旦云〕阿。好煩惱人也呵。〔正末唱〕你可道莫煩惱。莫啼哭。我與你做主。〔旦云〕是真箇好慚愧也。謝了哥哥。〔正末云〕姐姐。那賊漢那裡去了。〔旦云〕那賊漢不知那裡吃酒去了。〔正末云〕姐姐。你收拾下。那賊漢這早晚敢待來也。〔蔡衙內冲上〕〔云〕弟兄每少罪也。五瓶酒酸了三瓶。灑了兩瓶。吃了些酒脚兒。醉了也。〔做見正末云〕這廝是甚麼人。在俺家門口。村弟子孩兒。精驢禽獸。〔正末唱〕

〔叨叨令〕他走將來無高低。罵到我三十句。〔蔡淨云〕我打這廝。〔做打正末科〕〔正末唱〕哎約哎約。他颼颼颼颼的。這棍棒如風雨。〔蔡淨云〕這箇是甚麼攪折了。〔正末唱〕急周各支攪折我些紅匙筋。〔蔡淨云〕這鼓子要他怎麼。踹破了。〔正末唱〕壞了買賣也。他則一脚踢破我蛇皮鼓。〔云〕俺哥哥說來。着我忍事饒人。〔唱〕哎。我其實可便忍不的也。波哥。忍不的也。波哥。不鄧鄧按不住心頭怒。〔云〕兀那廝。你敢打末。〔蔡淨云〕我敢

打你這厮〔正末做打淨科〕〔唱〕

〔鮑老兒〕打這厮好模樣歹做處。你是箇強奪人家女嬌娥。一隻手便把領窩
摔。麤指頭掐雙目。是箇越嶺拔山嘯風虎。豈怕你箇趁霜兔。打這厮將無做有。
說長道短。膽大心麤。〔淨云〕打的我好辣也。我近不的他。走走走。〔下〕〔正末云〕這厮走了也。
姐姐。你隨我去來。〔唱〕

〔尾聲〕我今日尋着你箇李幼奴。分付與你劉慶甫。你兩口兒歡喜重圓聚。我
直要拿住無徒。報了您那苦。〔同旦下〕

第四折

〔淨扮小和尚上〕〔云〕老老禪僧不下塔。蛾眉八字似刀裁。有人問我年多少。兩箇耳朵一箇歪。
貧僧是這雲岩寺裏一箇小和尚。這寺是蔡衙內家佛堂。我今日打掃的僧房乾淨。看有甚麼人
來。〔蔡淨走上〕〔云〕白日不做虧心事。半夜敲門不吃驚。自家蔡衙內的便是。我這兩日有些眼
跳。着這梁山泊夥人攪的我不自在。十八層水南寨裏住不的了。我如今往雲岩寺裏躲避他去。
這寺是俺家佛堂。誰敢來打擾。說話中間。可早來到也。小和尚那裡。兀那小和尚。有乾淨僧房末。
你打掃一間。我要住哩。〔和尚云〕大人有。則這頭一間僧房乾淨也。不必打掃。大人就在這裏面

安下。〔蔡淨云〕兀那小和尚。打掃我的僧房乾淨。我如今吃酒去也。我就來也。我若回來。你與我買下些好酒兒。好羊頭。退的乾淨。煮的爛着。鴨蛋買下些。我來便要吃酒。若無呵。我去你禿頭上直打五十箇栗爆。我去了便來也。〔下〕〔和尚云〕理會的。老子也。好性兒。分付不許多。早是我認下些賣肉的主顧。徒弟連忙打掃。鋪下床。安上帳子。擺上卓幾。安排下酒肉。沒奈何。俺正是在他矮簷下。怎敢不低頭。煮肥羊肉。我也要啣他些骨頭哩。衙內去了也。看有甚麼人來。〔正末扮魯智深上〕〔云〕衆兄弟每。得罪得罪。改日還席。〔唱〕

〔黃鍾醉花陰〕酒不醒。貧僧怕見走。雲岩寺權爲宿頭。且時住。暫停留。混踐您些兒。改日爲友。常言道。措大謁儒流。自古道。客僧投寺宿。〔云〕天色昏晚了也。尋一箇宵宿去處。來到這雲岩寺門首。我試喚門者。小和尚開門來。〔和尚做應科〕〔云〕來也來也。我開開這門。〔做見科〕〔正末云〕問訊。天色已晚。特來借一箇宵宿。〔和尚云〕師父。則有頭一間房乾淨。可有蔡大人在裏宵宿。吃酒去了。你快休惹他。他利害。他便來也。則怕不中。〔正末云〕不妨事。我不連累你。自歇息去。〔和尚云〕嗨。可怎了。你仔細着。快休惹他。天色晚了。我跳牆去來。〔下〕〔蔡淨醉科上〕〔云〕好酒也。好酒也。雲岩寺裏歇息去。和尚每睡了也。這的是我的僧房。推開門。裏面黑洞洞的。燈也無有。〔做摸着正末頭科〕〔云〕這和尚無禮也。我分付着。把羊頭退的乾淨。上面

是毛尾。〔正末做打蔡淨科〕〔蔡淨又摸科〕〔正末又打科〕〔三科了〕〔蔡淨云〕這手脚應了。我點起燈來。我看一看。〔做點燈看科〕〔云〕阿狗。頭上紅。面上黑。帶着紅一箇黑紅和尚。蔡衙內咬。〔正末做爭科〕〔云〕是我的僧房。〔蔡淨做又正末科〕〔云〕這箇和尚。釘子定住了。你敢爭我的僧房。〔正末云〕且休說你的僧房。就是你的僧房。嚼兩箇賭厮打。打的過便要僧房。〔蔡淨云〕我這一對拳剪鞭哩。你着我單火輪。〔正末云〕你打多少好漢。〔蔡淨云〕我打五十條好漢。〔做輪臂膊科〕〔云〕右火輪也打五十條好漢。看雙火輪。〔做雙火輪科〕〔正末云〕則不如單火輪倒好。打將來。〔蔡淨做打正末科〕〔正末唱〕

〔喜遷鶯〕這一箇無徒禽獸。〔蔡淨云〕扯了衣服。〔正末唱〕將偏衫袖亂扯胡揪。〔蔡淨云〕我搗搜也不是善的。〔正末唱〕賣弄你搗搜。氣冲牛斗。煩惱似長江不斷流。打這厮出盡醜。〔蔡淨云〕老子也。怎末撞見他。〔正末唱〕不索你恹恹懨懨。不索你悶悶愁愁。〔蔡淨云〕我是玲瓏剔透的人。倒怕你。〔正末唱〕

〔出隊子〕賣弄你玲瓏剔透。美也。撞見愛厮打的都領袖。〔云〕我打三顆頭。〔蔡淨云〕我還你六條臂。那三顆頭。〔正末唱〕打你箇軟的欺硬的怕鐵鎗頭。你是箇無道理無仁義酒魔頭。打你箇強奪人家良人婦。你是箇喫劍頭。〔蔡淨云〕這厮利害。一對拳剪

鞭相似我可怎末了。〔正末唱〕

〔刮地風〕你性命當風秉蠟燭。俺似水上浮漚。病羊兒落在屠家手。啗兩箇怎肯平休。這厮更胡尋歹鬪。故來承頭。〔蔡淨云〕打殺我也。寺裏和尚都來救我。〔正末唱〕怕有那寺院中埋伏着。您都來答救。我着這莽拳頭。向這厮嘴縫上丟。潑水難收。則一拳打你箇翻筋斗。來叫爹爹的呵休。〔蔡淨云〕我着這莽拳頭。往這厮嘴上丟。潑水難收。則一拳打你箇翻筋斗。來叫爹爹有甚麼羞。哎約。這禿弟子孩兒。打殺我也。我拐了他渾家。誰和你說來。〔正末唱〕

〔四門子〕黑旋風與我先說透。〔蔡淨云〕干你甚麼事。〔正末唱〕你是箇強奪人家女。艷羞。不索你憂。不索你愁。潑賤貨性命不過九。不索憂。不索愁。打這厮將沒作有。

〔古水仙子〕那那女艷羞。你拆散了他鸞交和鳳友。待飛來難飛。待走來怎走。身軀似不纜舟。炎騰騰水上澆油。一隻手便把衣領揪。一隻手搭住衣和袖。滴溜撲摔翻一箇肉春牛。〔衆頭領上做拿住蔡淨科〕〔正末云〕拿住了蔡衙內也。拿着見宋江。

哥哥去來。〔唱〕

〔尾聲〕叵柰無徒歹禽獸。摘心肝扭下這驢頭。與俺那梁山泊宋公明爲案酒。
〔宋江冲上〕〔云〕拿住蔡衙內也。與我拿出去。殺壞了者。您一行人聽我下斷。則爲你蔡衙內倚勢挾權。李幼奴守志心堅。強奪了良人婦女。壞風俗不怕青天。雖落草替天行道。明罪犯斬首街前。黑旋風拔刀相助。劉慶甫夫婦團圓。

題目

李山兒打探水南寨

正名

魯智深喜賞黃花峪

校于過

卓文君私奔相如

明甯獻王朱權

第一折

〔冲末領一童子負琴劍同外父老作送行上〕（云）小生覆姓司馬名相如。乃蜀郡成都人也。世業儒學。少有大志。負飄飄凌雲之氣。昂昂濟世之才。讀盡五經三史。學成經濟文章。奈文福不齊。貧居獨處。見今漢武皇帝卽位。訪獵賢士。想小生守着這斷簡殘編。短檠破硯。幾時是了。常言道。男兒不發狠。到老受貧困。今日箇負着琴劍。去尋箇出身去也。（唱）

〔仙呂點絳脣〕靜守芸窗。僻居顏巷。空惆悵。怎做得世乏賢良。兀的不屈沉煞豪氣三千丈。

〔混江龍〕與時俯仰。常則是寂寞水雲鄉。抱材藝若此若字原有確校不可辨今補卞和泣玉。盼功名如呂望求璜。笑甯戚空歌隴畝。使傳說空老岩墻。漫趑趄淹留歲月。空潦倒虛度時光。嗚呼荀卿老矣。哀哉顏子云亡。惜乎斯文道喪。嗟歟學業荒唐。我便似左丘明般立欽欽。卓爾在春秋。到如今屠沽子氣昂昂偉矣。爲卿相。笑煞我也。蘇秦刺股。嘆煞我也。孔子絕糧。〔外云〕飄風雖疾。不能陰雨。揚其塵。蛟龍雖神。不能白日。

離其倫。各有時焉。〔正云〕吾聞淮南子曰。性者所受於天也。命者所遭於時也。有其才。不過其時。命也。太公何功。比干何罪。豈非命乎。只是我自命薄也呵。〔唱〕

〔油葫蘆〕既不能敷曉。謁楓宸入建章。早難道暮登天子堂。倒做了懷其寶而失其邦。恰便似芙蓉生在秋江上。幾時得墜鞭誤入平康巷。怎做得登瀛洲膝蓋兒軟。踏翰林脚步兒長。常言道。時來木鐸也叮嚀響。時不至呵蘭麝也不生香。〔外云〕人生出處有時。功名有時。何忙之有。〔正云〕我如今將及四句。還不遇也呵。〔唱〕

〔天下樂〕我則怕秋到長門青草黃。蜂也忙。蝶又忙。倚危樓使人空斷腸。進不能學子張。退不能學子房。倒不如奔周箕子狂。〔外云〕吾聞之也。古之賢人。賤爲布衣。

貧爲匹夫。食則餽粥不足。衣則短褐不完。然而非禮不進。不義不受。今先生何求進之急也。〔正云〕且孔子微服而過宋。絕糧於陳。擊磬於衛。此聖人之心。未嘗忘天下也。非得已焉。〔唱〕

〔那吒令〕我讀周南召南。要安邦定邦。貶太康仲康。立朝綱紀綱。褒周莊魯莊。教興王霸王。道不行魯聖書。時不合鄒軻強。致令得墨子悲傷。〔外云〕古之達人高士。視世態若傍觀弈棋。先生何區區欲自奔。爲人所觀成敗乎。〔正唱〕

〔鵲踏枝〕你見得差了也呵。一言可以喪其邦。一言可以定其邦。不爭都似我。

袖手傍觀也。無那伊尹扶湯。天且假四時有養。君須憑宰輔爲匡。〔外云〕吾聞君

子之爲學也。期於必達。尙待其時。可以屈則屈。可以伸則伸。屈者所以有待也。伸者所以及時也。雖屈而不毀其節。雖達而不犯其義。可謂能行道矣。〔正云〕衆人以毀形爲恥。我以毀義爲辱。小人重利。廉士重名。吾重其名。非重利也。各有道焉。〔唱〕

〔寄生草〕我則待居朝省。立廟堂。怎做得人心不足蛇吞象。人情不合蟪蛄持蚌。人生不遇金埋壙。幾時得天風吹下御爐香。一輪皂蓋飛頭上。〔外云〕吾聞官尊者憂深。祿重者責大。豈不見鵠夷子之退乎。〔正云〕位愈尊而心愈卑。福愈厚而學愈博。何難之有。

〔唱〕

〔么〕你道是怎不學鵠夷子。我道是豈無箇田子方。想當日公輸子在魯爲良匠。張辟疆在漢爲良將。孫叔敖在楚爲良相。似這般十年窗下絕韋編。有一日九重殿上聯仙仗。〔做行至昇仙橋云〕到此昇仙橋。我今日過此。取功名去也。覷了這水。好似禹門之水也呵。正是魚龍變化之時。我此一行。〔唱〕

〔金盞兒〕憑着我志軒昂。氣飛揚。趁着這禹門三級桃花浪。一天星斗煥文章。夫子四十而不惑。子牙八十遇姬昌。我如今三旬已過。只他何處是行藏。〔做題

橋柱云「男兒當以功名爲重。大丈夫不乘駟馬車。不復過此橋。」（與父老別科）（外下）（正唱）
〔餘音〕收拾廟堂心。吸入江湖量。都做了射斗牛冲霄劍芒。唾手平登翰墨場。
謁鑾輿直叩明光。更有那定綱常治國的良方。萬言策敷陳對聖皇。名標在玉
堂。身居着卿相。我若是風雲不遂不還鄉。（下）

第二折

〔孤上〕〔云〕老夫姓卓名王孫的便是。久聞成都府一人。覆姓司馬名相如。奇才異學。文章博識。
超邁今古。近日有人自成都來。聞說於昇仙橋題其柱曰。大丈夫不乘駟馬車。不復過此橋。此人
負志不小。今來欲往長安求仕。必於老夫門首經過。須延此人於家。館穀數日。資助他些盤費。如
今我富。久後他貴。相見的日子。豈不成舊日之交乎。家童門首看者。來時入報。（外應科）（正上）
〔云〕自彼時題了橋柱。離家旬日。早來到這裡。此是卓王孫之宅。此人乃巨室之公子也。聞知有
一女子名文君。姿色殊絕。善於詩詞。精通音律。目今新寡。我作了一操鳳求凰之曲。欲登其堂。以
琴心挑之。他若有悟於琴。吾當與之俱奔。成其伉儷。豈不美哉。昔雍伯種玉。後來得美妻。小生久
擬此操。用心非一日矣。不然再做箇話說。（唱）

〔越調鬪鶴鶉〕竊玉偷香。裁冰剪雪。搓粉團朱。嘲風詠月。倚翠偎紅。拈花摘葉。

件件宜。事事別。操一曲孤鳳求凰。只向那多情行訴說。

〔紫花兒序〕也不用蜂媒蝶使。更何須燕侶鶯儔。硬撞入鳳窠鸞穴。只消我移宮換羽。便是我捎關打節。不是我自說。遮莫你貞烈心腸硬似鐵。我將那打鳳牢籠的計設。都分付與玉軫金徽。也不索鴈簡魚帖。〔做到門科〕〔云〕但見昏鴉投林。

夕陽銜岫。天色將暮矣。吾將此處告宿。未知果否。〔唱〕

〔金蕉葉〕碧天邊夕陽漸斜。疎林外昏鴉亂。見古道西風暮也。空悵望煞天

涯倦客。〔做見童子科〕〔童問云〕敢問先生仙鄉何處。〔正云〕敝郡成都。〔童云〕先生何往。〔正云〕

欲赴選於長安。過此日暮。願投一宿。〔童云〕敢問先生高姓。〔正云〕小生草茅。覆姓司馬。〔童云〕

敢問盛德。〔正云〕朋友所稱。相如二字。〔童云〕先生少候片時。以待入報。〔做報科〕〔云〕門外有

一秀士。自稱司馬相如。成都人也。欲往長安取應。路經於此。特來投宿。〔孤云〕吾候之久矣。吾當

出迎。〔見揖科〕〔請入科〕〔孤云〕久聞大德。未遂識荆。辱顧寒居。光輝蓬蓽。何其幸也。〔正云〕小

生謫薄之材。豈足以干長者乎。〔孤云〕先生不棄。蝸居蟻垤。暫屈一宿。〔正云〕量小生一介寒儒。

豈足以當華堂廣廈之居乎。〔唱〕

〔么〕我則見綉屏開花枝蹀躞。綺窗閑花影重疊。端的是會受用文章巨客。錦

模糊紅造翠設。〔正旦上〕〔云〕妾乃卓王孫之女文君也。久聞成都司馬相如。天下之奇士也。令

聞籍甚。正所謂德可仰而跡不可親也。今日道經於此。尊君延之於堂。妾身欲竊窺之。以觀儀表。

只在此畫屏之後。試偷視者。〔做瞧科〕〔正唱〕

〔調笑令〕我這裡見耶。他那裡忙把面皮遮。我手抵着牙兒自想者。莫不是夢中走入嫦娥闕。莫不是上天台誤入仙穴。這的是王孫宅內觀了艷奢。可知道看的人醉眼也斜。〔孤云〕久聞先生善琴。願操一曲。以滌塵想。〔正云〕久處客程。指生荆棘。不足以奉高明。但恐汚耳。〔孤云〕先生不必多謙。請發柔指。〔正取琴鼓科〕〔歌曰〕鳳兮鳳兮求其凰。

安得接翼兮從其翔。巢五雲兮鳴朝陽。鳳兮鳳兮。懷予心兮何能忘。〔旦長嘆科〕〔正唱〕

〔聖藥王〕我這裡曲未絕。他那裡心早邪。只將那一聲長嘆向人說。他心又怯。我情又劣。咫尺間千里水雲賒。欲寄字呵。又恐怕風急鴈行斜。

〔麻郎兒〕我這裡偷睛兒望者。他將箇笑臉兒迎者。可喜娘知疼熱的姐姐。又撞着我這軟厮禁不識羞的倖倖。

〔么〕對面兒似隔着蒼梧迥野。〔旦下〕〔正起云〕呀回去了也。轉過那屏風呵。〔唱〕又隔了巫山萬疊。恰便似支楞的把琴上冰絃斷絕。枉把我春心漏泄。〔孤喚院公分付〕

科」〔云〕着先生只在書房裡歇。好生管待伏侍。如有不到處呵。我不饒你。〔下〕〔院公領末安歇科〕〔云〕先生這們好房兒。你且只在這裡歇。〔做端詳科〕〔云〕我看你這模樣。敢有些不老實。你却志誠着。不要胡做。帶累我老屍骨。〔正云〕小生讀書君子。量無他事。〔院公下〕〔正背云〕却不知我這一來。正爲何事。對此月白風清。其如良夜何。我就在此書院。竹間撫一曲琴。借此琴聲。以訴衷悃。〔鼓琴科〕〔歌曰〕鳳兮鳳兮求其凰。翱翔四海歸故鄉。白雉尚有兩雌挾。人生豈得長孤孀。〔旦上〕〔云〕適來那先生撫琴。意在起妾之心。妾深有感於衷焉。時將二鼓。更闌人靜。又聞書院裡琴聲。好是動人之情也呵。我向那花陰下聽一聽。看他意下如何。〔做潛花下科〕〔聞琴聲科〕〔正歌曰〕鳳兮鳳兮求其凰。求之不得心徬徨。秋風暮兮碧梧老。各分飛兮天一方。鳳兮鳳兮。安得比翼翱翔。〔旦長吁科〕〔正驚科〕〔推琴起立出瞧科〕〔唱〕

〔鬼三台〕又不曾夜宿在旗亭舍。却怎麼不由我心驚怯。知他是人耶鬼耶。既不沙。猛聽的花陰下暗咨嗟。可擦擦似有人來也。莫不是忒楞楞宿鳥驚栖。不暫歇。疎刺刺花影搖風吹落葉。是何人嚇鬼瞞神。教小生心勞意拙。〔做見科〕〔唱〕

〔聖藥王〕見一人茶蘼月下潛立者。〔旦做躲科〕〔正唱〕又轉過芭蕉影底躲閃者。

我向前去扯住他綉裙褶。呀。纔聽的長嘆呵。却元來是姐姐暗咨嗟。錯猜做東風花外杜鵑舌。我則索克答撲的跪膝者。〔跪云〕小生何幸。得蒙姐姐眷戀之情。冒茲風露。遠離香閨。枉顧寒微。其幸匪淺。〔旦扯末起〕云。妾聞先生琴聲。知先生不棄鄙陋。值此好天良夜。願薦枕席之歡。以效于飛之樂。〔正云〕小子不敏。何以克當。況嚴君在堂。倘或事泄。反成間隔。如果有眷戀之情。不若私奔歸家。永爲夫婦。以同偕老。不亦美乎。〔旦云〕妾願侍巾櫛。執箕箒。以奉先生。卽當從命。不可久留。妾有香車一乘。先生可乘此車。夜遁而去。〔正唱〕

〔禿厮兒〕則你這後句兒教人怎捨。旣相見爭忍離別。趁着這更闌人靜。月兒斜。悄悄的輛起這七香車。快疾些。也麼行者。〔旦下取車上科〕〔正唱〕

〔小絡絲娘〕我紐回身望着你那尊堂行拜謝。小生將的你可喜娘孩兒去也。
〔餘韻〕却怎麼東君未覺花先謝。我袖得春風去也。恁覺來時月到畫堂中。人在天涯何處也。〔旦請末上車科〕〔云〕請先生乘車。妾爲之御。〔正云〕小生何幸。敢當如此。〔旦云〕男尊女卑。理之常也。夫唱婦隨。人之道也。今先生乘車。妾爲之御。斯乃婦道之宜。雖於倉皇之際。焉敢失其義乎。〔正乘車旦御車下〕

〔孤上〕〔云〕自從昨日聽相如鼓琴之後。一宵寢不安席。得一夢。見屏間雙鳳。忽然冲霄而去。好生奇怪也呵。家童叫院公請那秀才來圓此夢。看是吉凶如何。〔童應下〕〔院公急走上〕〔慌告云〕夜來那秀才不見了。尋不着。〔女童急走上〕〔報云〕小姐不見了。〔孤大驚科〕〔院公云〕是了是了。昨日領那秀才來彈琴。我也不省的。只聽的說鳳兮鳳兮再鳳兮。套引得飛了也。〔孤云〕我夢見屏間雙鳳。忽然冲霄而去。正謂此也。〔卜上〕〔云〕都是你這老燒灰骨。引得人來。拐得我女兒去了。〔孤云〕都是你做娘的沒收管。把女兒與人拐去了。倒說我不是。〔孤卜相打科〕〔院公勸科〕〔孤云〕你漫來勸我。都是你這老蠻子。我分付着你管待他。你管甚麼來。〔院公云〕你女兒走了。也是我。却不干我事。〔孤云〕你快與我趕去。〔院公云〕若趕上時。我把他兩箇都綁將回來。〔孤云〕若是文君在車上。相如駕車。便與我捉將回來。若是相如在車上。文君駕車。由他將去罷。〔院公云〕老相公。怎生又這等說。〔孤云〕你不省得。人於逼迫之際。而不失其儀者。亦可謂賢矣。便趕回來。也玷辱老夫。不若着他去了罷。〔院公應下〕〔孤與卜云〕我着院公趕去了。拿回來再做箇話說。〔孤卜相罵下〕〔旦御車上〕〔做慌走科〕〔院公趕上科〕〔云〕那去那去。秀才家做得好勾當。拐帶良人子女。更待干罷。〔捉住科〕〔院公將繩鎖旦末項〕〔云〕老相公這等管待。我這等伏侍你。你却做出這等勾當來。我一了說你眼惱不好。果然不老實。〔做扯拖科〕〔正

唱

〔賞花時〕只因他紅杏枝頭春未央。怎教我不逐東風上下狂。本待學韓壽去偷香。倒中了黑心腸。司空伎倆。好着我無語自徬徨。〔院公云〕老相公說道。趕上時看文君在車上。相如駕車。着我拿將去。若是相如在車上。文君駕車。從其所往。今日果然文君御車。你雖在逼迫之際。尚不失其大義。可謂賢矣。我放你去了罷。〔下〕〔正唱〕

〔么〕我又不曾爛醉佳人錦瑟傍。只因你流出桃花賺阮郎。致令得鶯換侶燕飛忙。是做得酒闌人往。抵多少攜手上河梁。〔下〕〔孤上云了〕〔院公上回話了〕〔俱下〕

第三折

〔末領旦砌末上〕〔云〕當初指望要求進取功名來。不想行到卓王孫家。聞知有女文君新寡。我作了一操鳳求凰之曲。以琴心挑之。豈期文君有悟於琴心。與我私奔。被王孫遣人趕上。因見文君與小生駕車。謂人於逼迫之際。尚能不失其儀。就將文君與了小生。投至歸於鄉閭。一室蕭然。家徒四壁。故無所歸。不得已夫婦二人。來這臨邛市上。開着一箇小小的酒店。賣酒以贍其生。我想這天理未知何如。偏俺這秀才每。這等窮困也呵。〔唱〕

〔南呂一枝花〕淵沉璧社珠。石韞崑山玉。枳荆栖彩鳳。峻坂困鹽駒。知他是天

道何如。枉把先生誤。屈沉煞大丈夫。草澤中困煞些英雄。穹壤間消磨些人物。
〔梁州第七〕本待學管夷吾扶持小白。倒做了卓文君私奔相如。這的是書中有女顏如玉。盼功名如守株待兔。要求進若緣木求魚。生紐得相如滌器。強教他卓氏當爐。也只是。一時間命矣時乎。少不得久已後俾爾遐福。想酈食其也曾貰酒在高陽。長沮氏也曾耦耕在隴畝。公孫弘也曾牧豕在長途。量小生一介的腐儒。又不是千金的貴族。且向這臨邛市上開張着鋪。插着青帘。寫着名目。上寫着臨邛賣酒徒。抵多少金榜遷除。〔二〕淨扮惡少上。〔云〕我是兩箇成都市上惡少年的便是。聞知此間有箇秀才。引着箇底老。十分放浪。在這臨邛市上賣酒。我兩箇去買些酒吃。就打酸那科子。一打酸。〔做到酒店科〕〔做見末日問云〕大姐。你的酒好也不好。〔正云〕你問酒好不好。怎的。〔淨云〕好酒呵。我兩箇買些吃。就借你那爐子盪一盪。〔正云〕這厮好無道理。怎生來俺跟前行幹賣俏。〔淨云〕你既開着這等門面。怎生認話。你真是不達時務的人。〔正唱〕

〔隔尾〕當年楊虎欺尼父。昔日臧倉毀子輿。一任你橫暴無端將我來厮凌辱。他着我做下愚。怎當這匹夫。有一日我着你認的先生。你却受我的苦。〔惡少開下科〕〔正滌器科〕〔旦當爐科〕〔外負薪上〕〔云〕自家李孝先的便是。學成滿腹文章。空抱經

濟之才。爭奈命運不齊。每日賣柴爲生。今日將這擔柴。去臨邛市上賣。天色稍寒。且去那酒店裡賣些酒盞寒者。〔做到酒店科〕〔問云〕這酒幾文錢一壺。〔旦云〕十文錢一壺。〔外云〕你丈夫在何處。叫來我問他買。〔旦云〕那滌器的便是。你自問他。〔外云〕那賣酒的大公。我問你買酒。〔正回頭驚云〕這聲音好是耳熟也。〔外云〕你不是成都司馬相如。却怎麼在這裡賣酒。做這等營生。〔正唱〕

〔牧羊關〕我這裡猛可的擡頭觀。這音聲耳內熟。却元來是李孝先沽酒相呼。〔外云〕却是苦也。你怎麼做這等買賣。〔正唱〕我比你負薪的不受些辛勤。你比我賣酒的還增些受苦。怎肯教相逢不飲空歸去。俺兩箇都是乾坤一困儒。莫不是讀書的一箇箇該生受。哎。天呵。偏俺這秀才每都遭困途。〔外云〕先生昔日無婚。敢問

幾時娶來。〔正唱〕

〔隔尾〕只爲那朱簾不隔催花雨。因此上燕子銜春入故廬。〔外云〕敢問尊嫂誰家的。〔正唱〕他是那卓王孫文君。小生將他來娶。〔外云〕他是巨富之家。怎麼肯與箇窮秀才。〔正唱〕又不曾倩鱗鴻寄書。又不曾有媒人做主。〔外云〕却怎麼得來。〔正唱〕只虧負煞一操孤鳳求凰弄情曲。〔外云〕先生差了。恐貽笑於鄉黨。〔正唱〕

〔玄鶴鳴〕是做的見落花有意隨風去。怎不教東君廝趁逐。他是箇杜若蘭。我是箇漢相如。却怕甚麼閑言浪語。觀了他這標標致致。可喜喜。風風韻韻。整整齊齊。端的是風流風流美眷屬。怎不教我赤心相待。〔外云〕雖然如是。豈是秀才人家所爲的事。〔正唱〕先生你却也何足云乎。〔云〕先生你且休管我。你擔着這擔柴。幾時是你出身處。〔外云〕古人云。不學無術。大丈夫有其志。必有其用。〔正唱〕

〔烏夜啼〕常言道文章自古無憑據。早難道叨食天祿。想王陵伊尹貧而富。一箇負俎庖廚。一箇販布康衢。負俎的曾扶太甲定皇圖。販布的曾除諸呂將炎劉助。一箇做漢臣。一箇爲湯輔。嘆小生命途多舛。因此上緣飾儒術。〔外正見使

上驚下科〕〔使賣砌末上〕〔云〕吾乃朝使。奉命差我徵聘成都司馬相如。因上覽所作子虛賦。

謂羣臣曰。朕恨不能與此人同時。有狗監楊得意奏曰。此人乃臣郡人也。見在臨邛市上賣酒。故差我來聘他。時陳皇后失寵。別居長門。聞此人能文。就令我賣千金。問他買一篇長門賦。今日到這臨邛市上。望見插着酒旗。敢是他家麼。我試尋他去。〔叫科〕〔正慌科〕〔唱〕

〔罵玉郎〕猛聽的叫相如二字。諕的我心驚懼。好着我心下我心下躊躇。莫不是王孫宅內私情露。這公事難干罷。怎支吾。〔旦云〕都是爲我帶累你。却怎麼好。〔正唱〕

〔感皇恩〕你休那裡號咷痛哭。早難道出嫁從夫。〔旦慌云〕怎麼好。〔正唱〕只願你
傲韓憑學弄玉。險慌煞箇魯秋胡。似這般愁眉淚眼。不覺的鬢驪瓊梳。〔旦做哭
科〕〔正唱〕你那裡搓着雙手。躡着雙足。掩着雙目。〔使僮科〕〔旦驚怕云〕兀的不唬煞
我耶。〔正唱〕

〔採茶歌〕說的你戰篤索。省可裡少啼哭。似這般愁紅慘綠待何如。我只索倒
寫摳衣出門望。呀。元來是一封天子召賢書。〔做跪科〕〔使云〕陛下因見你所作子虛賦。
差我來聘你。〔正云〕小生藹薄之材。豈足以矜萬乘之耳目乎。〔使云〕陳后失寵。別居長門。聞先
生之學。就令我賣千金。求作一賦。〔正受金科〕〔云〕此事不難。小生當展布所蘊。聊爲塞責。〔使
云〕卽今日帶老小就行。〔正云〕候小生與拙婦收拾半日。〔使云〕快收拾了便去。〔正與旦云〕
兀的不唬煞我也。不想却是朝使來聘取我。這時運通達了也。這酒是賣不成也呵。〔唱〕

〔尾聲〕這的是一杯酒盡青山暮。不枉了十載寒窗讀古書。卽日登長途。赴帝
都。拜天顏。隨輦轂。步明堂。只叩鑾輿。我本是臨邛的酒徒。倒做了金鑾的侍讀。
那其間慢慢的寫出我平生受過的苦。〔下〕

第四折

〔外扮卜引小旦上〕〔云〕妾身是茂陵富家老婦。夫主亡過。只守着這箇女兒過活。夜間得一夢。有二鳳並宿在庭前樹上。未知主何事。且看今日有甚麼人來。〔末旦騎竹馬上〕〔云〕小生一介書生。蒙朝廷以文字取進。官拜中郎將。賜以車蓋。奉命開通蜀道。榮歸故里。想在臨邛賣酒時。誰想有今日也呵。〔正唱〕

〔雙調新水令〕布衣奪的錦袍歸。醞釀的滿腔春意。想當日十年勤苦志。今日一舉狀元回。蔭子封妻。誰想道有今日。

〔駐馬聽〕鞍馬驅馳。芳草坡前聽子規。竹籬犬吠。杏花枝上插青旂。春風拂面。柳花飛。青山礙眼無閑地。〔旦云〕鞍馬上好是辛苦也呵。〔正唱〕行色悽。鶯花也笑人憔悴。〔旦云〕誰想有今日。夫榮妻貴。又得榮歸故里。〔正唱〕

〔鴈兒落〕往常時文齊福不齊。今日也夫貴妻榮貴。〔旦云〕你記得這一路上。俺去時都是枯木。今日回來。草木也芳菲了也。〔正唱〕皇都得意回。古道無心記。

〔得勝令〕只他這山色也增輝。景物也堪題。助詩興雲林晚。動羈懷江樹迷。聽古木猿啼。悽悽天無際。看孤岫雲飛。懨懨日又西。〔云〕天色晚了。好尋箇宿處。〔旦指卜家云〕且去兀那人家暫宿一宵。〔末旦做到門下馬科〕〔與卜相見科〕〔正問卜云〕婆婆。

俺經於此。天色已晚。可借一宿。〔卜云〕相公不棄葦門蓬戶。但屈一宵。〔安下科〕〔卜云〕敢問相公高姓。仙鄉何處。有何事過此。〔正云〕我乃成都司馬相如。蒙徵聘到朝。榮拜中郎將。今日開通蜀道。榮歸故里。〔卜云〕此位娘子何人。〔正云〕拙荆。〔卜云〕老身夜得一夢。有二鳳宿在庭前樹上。今日得遇相公與夫人到此。莫非蓬華增輝。老身門庭幸甚。略備蔬酌。與相公接風一杯。〔排酒席科〕〔令小旦把酒科〕〔正問卜云〕此位小姐何人。〔卜云〕是老身小女。拜見相公。〔正云〕好女也呵。〔唱〕

〔掛玉鈎〕莫不是誤入天台仙徑迷。出紅粧人佳麗。我見他玉手高擎鸚鵡杯。半含笑半慚愧。酒半醺人初醉。見了這嬌滴滴的杏臉桃腮。怎不教我呆答答的展眼舒眉。〔云〕有句話敢說麼。〔卜云〕官人說。怕甚麼。〔正云〕小姐有婚無。〔卜云〕官人問他怎麼。〔正云〕女大不婚。如花。在枝頭。能得幾多春色。恐零落芳姿。奈年少何。〔卜云〕非千金則不嫁。〔正與旦云〕昔陳皇后以千金求賦。此金尚在。酬之可乎。〔旦云〕淒淒復淒淒。嫁娶不須提。願得一心人。白頭不相離。〔正云〕適來文君作這首白頭吟。其中有妬忌之意。莫若捨之。不然有負前盟。〔旦云〕天色將曉了。好收拾行也。〔正唱〕

〔殿前歡〕月兒低。淒涼況味有誰知。多情自解傷春意。此恨何依。他拿着那酒

盞呵。盃中弱水瀾。他隔着桌子呵。几外巫山蔽。咫尺間席上空相對。〔旦云〕行了罷。則管戀甚麼。〔正唱〕一霎時雲迷楚岫。水泛藍溪。〔末旦與卜辭科〕〔下〕〔外扮太守縣令負弓弩上〕〔云〕小官是成都太守的便是。這人是本處縣令。今日飛報文書到來。有本郡司馬相如。除授中郎將。奉朝命開通蜀道。榮歸故里。左右快與我收拾車蓋旌旗。出郊外迎接去者。
〔正唱〕

〔水仙子〕淡烟殘月畫橋西。紫陌香塵襯馬蹄。抵多少草芳風煖搖征轡。却怎麼鬧駢闐車馬嘶。擁麾幢道列旌旗。〔接見科〕〔正云〕爾等何人。〔外云〕小官是成都太守。〔正云〕這箇負弩者何人。〔外云〕是本處縣令。聞知大人到來。特來迎接。〔正唱〕却元來是太守相迎迓。縣官負弩隨。郊原車蓋雲集。〔二淨上云了〕〔末云了〕〔二淨下〕〔縣令前驅負弩科〕〔太守後從揚戈科〕〔正問太守云〕到昇仙橋了不曾。〔外云〕至昇仙橋了。〔正云〕此間便是我昔日題柱的去處。不想今日果遂其願也呵。〔唱〕

〔折桂令〕昇仙橋昔日曾題。駟馬無乘不復空回。今日箇樂矣忘憂。也是我發憤忘食。因此上行有餘力。守儒業平登顯職。受齋鹽坐享堂食。往日操持。今日榮歸。門戶增光。山岳生輝。〔做到家下馬科〕〔孤卜領童僕擔砌末上〕〔云〕老夫卓王孫的便

是不想女兒文君私奔相如。駕車走了。早是老夫也有先見。不曾拿將回來。今日做了中郎將。奉命教他開通蜀道。夫婦榮歸故里。只是老夫惶恐。說如今到家了。我每收拾酒果杯盤。去慶賀去者。〔正旦孤卜拜見科〕〔云〕小生不才。負罪不淺。〔孤云〕想老夫以爾爲讀書君子。待以上賓之禮。豈期爾爲不仁之事。〔旦云〕當初若不如此。豈有今日之富貴乎。〔卜云〕你這小養漢精。背了父母。跟着人家漢子走了。剗地不羞。還有嘴說。〔孤云〕事已往矣。不必多言。擡上筵席來。與孩兒慶喜者。〔排筵席科〕〔扮四花旦舞一折了〕〔正把酒科〕〔作雅樂一闕〕〔正唱〕

〔川撥棹〕綺筵開。列尊罍。捧霞觴。斟玉液。〔孤與卜云〕相如文君呵。你如今怕不榮貴了。我想來。書云。媒妁之言。不待父母之命。則國人皆賤之。老夫爲父母的心中。好是惶愧也。〔正唱〕到如今百事休題。雖悔何爲。是做得鸞鳳同栖。魚水相依。誰想這一場風流過失。倒能穀成伉儷。做夫妻。

〔七弟兄〕更有那彈的舞的。奏一派樂聲齊。都做了琴樽風月關生計。激商泛羽約幽期。方信道功名有分非容易。〔孤云〕你已自好了。却着我如何見人。〔正唱〕

〔梅花酒〕似這等富貴呵。却不道你女孩兒也落的馳譽京畿。光噴泉石。榮耀蓬華。〔孤云〕雖然你榮歸故里。俺做丈人的。却有些不氣長。〔正唱〕做女婿的幸得錦衣歸。

故里做丈人的你也合歡喜。吃筵席。却怎麼說道是害恥。一箇羞答答把頭低。一箇悶懨懨把聲噫。你兩箇意懸懸做甚的。


〔收江南〕倒做了別人煩惱。我便宜。却便似新女婿般。忍不住笑微微。則他這畫堂春色也增輝。玉簫慢吹。只吃的梨花月轉。畫樓西。〔孤云〕我如今與你童僕百人。錢帛百萬。以助家資之費。〔正旦謝科〕〔正唱〕

〔離亭宴煞〕不因漢相如一操求鳳計。致令得卓文君推輪負軾。成就了碧桃花下鳳鸞交。〔云〕俺兩箇好似那生鐵毬兒。拋在江心裡。〔唱〕管取團圓只到底。〔旦云〕憶昔相逢那一宵。一操求鳳把妾挑。不是妾身多薄幸。只因司馬太風騷。傲神鳳下丹霄。比翼雙飛上汝寧。鼓翻天山鳴曉日。光騰八表姓名高。

題目 蜀太守揚戈後從 成都令負弩前驅

正名 陳皇后千金買賦 卓文君私奔相如

于小谷本丁巳六月初七日校清常



冲漠子獨步大羅天

明甯獻王朱權

第一折

〔東華帝君上開〕我觀東海一洼水。泰山一捻塵。舞袖乾坤窄。開眼日月昏。天高三二寸。地厚一魚鱗。擡頭天外覷。無我一般人。吾乃東華帝君。掌管玉霄紫府洞天福地。得道真仙。夜來自瑤池宴罷歸來。見匡廬之南。彭蠡之西。有一道紫氣。上冲九霄。直至天門。今知果有一人。道號冲漠子。此人夙有道緣。素慕真風。精思妙道。刻志玄功。每日清晨。必誦道德經一遍。至晚誦黃庭經一卷。一日三遭祝香。至夜又燒夜香。以求度世。此人日後功成行滿。合登仙品。今要差純陽呂真人。紫陽張真人。兩箇下臨凡世。度脫他去。已命青衣往召他兩箇去了。這早晚敢待來也。〔正末同外末打漁鼓上〕〔云〕朝遊北海暮蒼梧。袖裏青蛇膽氣粗。三醉岳陽人不識。朗吟飛過洞庭湖。貧道姓呂名岩字洞賓。道號純陽子。這箇是紫陽張真人的便是。今有青衣到來。傳奉東華帝君勅旨。宣召。須索走一遭去。〔見科〕〔華云〕下界有一人。道號冲漠子。此人隱居於匡阜之南。彭蠡之西。他夙有仙分。你兩箇下臨凡世。去點化他。走一遭去。〔正末云〕理會的。〔華下〕〔正末云〕我想人求仙易。仙求人難。仙之求人。急於人之求仙。今此人昔爲神霄玉府上卿。因凡緣未除。復托形

華屋。不忘夙本。嘗有冲舉厭世之心。每游神太漠。今奉東華帝君勅旨。差我點化他去。冲漠子也。爲你來又着我兩箇走一遭也呵。〔唱〕

〔仙呂點絳脣〕這其間萬籟無聲。九霄風靜。承天命。足躡神靈。別却三清境。〔外末云〕天鷄唱罷了。太陽出扶桑也。〔正末唱〕

〔混江龍〕燭龍駢乘。曦和攬轡上青冥。你看那罡風蕩蕩。灝氣騰騰。凝眸處咫尺六合寰宇小。回頭處須臾三界海山晴。蓬萊日近。閬苑雲生。蒼梧烟靄。百粵猶星。我這裡跨金鰲。恰離了大羅天。他駕黃鶴早來到紅塵徑。跳出那一壺天地。早驀上萬里雲程。〔云〕我恰離了天闕。又早近塵世也。〔外末云〕這裡到我那天闕。好生較離得遠了呵。〔正末唱〕

〔油葫蘆〕覷了這渺渺烟霞有百萬程。望玉京。〔外末云〕離俺那蓬島倒也不遠呵。〔正末唱〕止隔着碧粼粼弱水接滄溟。那裡是另巍巍海上蓬萊境。〔外末云〕這裡比那裡天上較不同呵。〔正末唱〕這裡翻滾滾鼎內乾坤甌。〔外末云〕這六合之間。你道似箇甚麼。〔正末唱〕六合是造化鎔。〔外末云〕這兩輪日月呢。〔正末唱〕兩輪是不滅燈。〔外末云〕這造化怎的這等呵。〔正末唱〕嘆洪濛一炁安排定。因此上大塊破範無形。〔外末云〕看

這宇宙之內。比那壺內乾坤如何。〔正末唱〕

〔天下樂〕比俺那壺內乾坤有甚麼爭。則俺那裡長生世不傾。〔云〕便做到人消物盡也呵。〔唱〕黑濛濛推倒了箇崑崙頂。那其間俺壺中無變更。〔外末云〕這裡呢。〔正末唱〕塵世內皆漠漠。那其間看天荒何日醒。〔外末云〕那其間這世上的生靈。怎的了呵。

〔正末唱〕

〔那吒令〕矧造化既局。而五行寢靈。值陰陽杳冥。乃八極震傾。嘆蠢蠕死生。符一元運徵。〔外末云〕似這般呵。却怎麼好。〔正末唱〕都不如補乾坤不漏庵。者末你劫數盡。罡風勁。一任教換物移星。〔外末云〕常言道百年三萬六千日。光陰止有瞬息之間。萬事猶如一夢。似這等呵。看起塵世間人來。怎不傷感人也呵。〔正末唱〕

〔鵲踏枝〕你道是可傷情。你聽我細推評。〔外末云〕却早怎麼呢。〔正末唱〕他則待競利爭名。狗苟蠅營。盼功名。恰便似投河般奔井。趨富貴。若飲鴆吞藥。〔外末云〕凡夫被名利所誘者。初非本然之心。人心本無好惡。如父母初生。無喜無怒。千日外欲心稍萌。便生好惡。憎惡之心生矣。及其長也。侈心一生。嗜欲交攻。戕伐之機。亟于內。貪愛之心。施諸外。真氣消燦。其身不能自有矣。誠可爲大嘆息。〔正末云〕因此上他貪酒色。如蠅去競血。爲利名。若蛾去撲

那燈也呵。〔唱〕

〔寄生草〕你道是他貪酒色如蠅競血。爲利名若蛾撲燈。人心毒似蛇蝎性。人情狡似豺狼倖。倖疑是行詞他都向那是非場。矛矢相喧競。爭如我片雲孤鶴。九霄間。抵多少閑騎寶馬敲金鐙。〔外末云〕吾聞淮南子曰。天下有至貴。而非勢位也。有至富。而非

金玉也。有至壽。而非千歲也。原心反性則貴矣。適情知足則富矣。明生死之分則壽矣。今人以軒冕爲貴。爵祿爲富。久享爲壽。此士之所謂達。我之所謂窮也。你道還是如何。〔正末唱〕

〔么〕折末你凌駕乎居當世。焜耀乎照汗青。想咸陽往事成盲。聽六朝五代相吞併。禹湯堯舜空仁聖。〔外末云〕雖然是如此。也得留芳青史。〔正末唱〕你道是至今落得箇好虛名。你不見孔丘盜跖皆虛迥。〔外末云〕吾聞原憲曰。無財謂之貧。學而不能行。謂之病。希世而行。比周而交。仁義之慝。與馬之飾。憲不忍爲也。依我看來。蹲獅之門。不以爲貴。屠羊之肆。不以爲賤。此士之所謂窮。我之所謂達也。還是如何。〔正末云〕這箇便高也麼。〔唱〕

〔后庭花〕他視世態火上冰。視浮生如水上萍。視天地猶傳舍。視其身不若如腐草螢。他却便醒醒。他看破那古今衰盛。因此上視詩書如糟粕羹。視榮辱如蟪蛄與蚌。視壽夭如風內燈。視蘧蘧如仁義英。

〔青天歌〕呀。便做到堯帝舜帝文王武王般仁聖。孔子孟子子思子夏般賢明。豈不見皐皞稷契事何成。一自秦坑。事業朦朧。賢聖無憑。歲月遷更。世事消盈。恰便似一場蝴蝶夢莊生。兀的不皆前定。〔外末云〕端的只是一場夢也呵。〔正末云〕如今趁着那南浦雲晴。西山雨過。我每去尋他去來。〔唱〕

〔尾聲〕趁着這一竿紅日斜。幾縷殘霞映。看了這古道西風暮景。忍聽那老樹疎林杜宇聲。抵多少天涯倦客傷情。恰離了那天庭。回首蓬瀛。長嘯一聲山海驚。朗吟過洞庭。早離了玄靜。常言道假若斗牛星畔客。也須回首問前程。〔下〕

第二折

〔冲末上〕〔云〕貧道覆姓皇甫名壽字泰鴻道號冲漠子。濠梁人也。生於帝鄉。長居京輦。爲厭流俗。攜其眷屬。入於此洪崖洞天。抱道養拙。遠離塵跡。埋名於白雲之野。構屋誅茅。棲遲於一岩一壑。近着這一溪流水。靠着這一帶青山。倒大來好快活也呵。豈不聞百年之命。六尺之軀。不能自全者。舉世然也。我想天既生我。必有可延之道。何爲自投死乎。貧道是以究造化於象帝疑有未判之先。窮性命於父母未生之始。出乎世教有爲之外。清淨無爲之內。不與萬法而侶。超天地而長存。盡萬劫而不朽。似這等看起來。不是修真還是好呵。昨夜有紫炁狀若龍蛇。自北而南。綿

亘不絕。直至此山。恐有真人下降也。今日領着道童。抱着翠劍。往天寶洞天。閑行散心。去尋訪一遭。〔下〕〔正末同外末上〕〔云〕貧道自離了塵世。五百餘年矣。俺天上無多幾沙。這人間光景。又早改換的這般的別了也呵。正是長景明□□空際。金銀宮闕高嵯峨。〔唱〕

〔中呂粉蝶兒〕自從那混沌初胚。知他是翻騰了幾多興廢。迅指間兔走烏飛。恰六朝。纔五代。漢周相繼。恰便似轉燈般數着殘棋。論興亡都做了邯鄲道一場春睡。

〔醉春風〕想世態若浮雲。光陰如逝水。一任他桑田滄海自變。變原作遷。更今改。想人生能有幾幾。爭如俺脫履紅塵。注名紫府。這的是出家人久長之計。〔外末云〕想秦宮漢苑。今日都做了衰草牛羊之野矣。〔正末唱〕

〔紅綉鞋〕想鹿走蛇分之日。那其間關中未冷秦灰。炎炎漢室又傾危。馬亡牛已繼。朝晉暮劉基。斬眼間齊梁陳已矣。〔外末云〕興亡成敗。如反掌耳。〔正末云〕俺且在這松陰下歇。遠遠的望見一箇人。領着一箇道童來了。那箇却不是冲漠子。看他認的我每麼。他若認的我每。就這裡點化他。若不認的時。再做箇話說。〔二末坐科〕〔冲漠云〕兀那樹下坐着兩箇人。好非凡俗之人也。昨宵紫氣。非此人而何。〔向前拜〕〔云〕天與神會。非偶然耳。願師憫示。以

教弟子。〔二末不答科〕〔冲漠云〕韶華已半。時不待人。老景將臨。正若失楫於中流之間。望師以一壺而救沉溺。不然。日暮途窮。鍾鳴漏盡。手忙脚亂。何以爲計乎。〔正末云〕子何以識得我耶。〔冲漠云〕愚昔有願。告盟於天地上下神祇。以求早遇聖人。而救生死。又因昨宵紫炁浮空而至。故知眞人之兆也。是以識之。〔外末云〕此子可教矣。〔正末云〕子來。吾語汝。〔外末云〕子坐。〔冲漠坐科〕〔正末云〕生居富貴之鄉。富貴不足喜。貧賤不足憂。大抵窮通榮辱。壽夭得失。往古來今。皆如一夢。富貴則爲好夢。貧賤則爲惡夢。貴卽虛名。富猶孽火。金珠外物。子孫他人。一息不來。四大不顧。把甚作堅固。今世之人。輕喬松之永壽。貴一旦之浮榮。孰不知百年歲月。春到秋能得幾多茂盛。日數將盡。時期將老。若神羊之詣屠所。行一步。至死地。轉近一步。人過一日。至死期。轉近一日。處於功名富貴之鄉。雖榮耀於當途。炫赫乎一世。若河邊之木乎。僕馬折其枝。波濤激其根。不能自全者。所處者然也。子獨不見秦華之松柏乎。崧岱之梓檀乎。葉干青霄。根洞黃泉。千秋萬歲。而無斤斧之患者。所居者然也。此二途之榮辱。子自擇其善者而從之。〔冲漠拜〕〔二云〕愚自幼懼生死之苦。避尊榮之位。以求至道。今三十餘年矣。求師無路。進道無門。今遇至眞。乃夙生之幸。願從其教。請從其學。惟願至眞憐其衰朽。以賜更生。〔正末云〕道竊然難言哉。恐子德淺行薄。何以克當。子今何所欲乎。〔冲漠云〕大道之要。可得聞乎。〔正末云〕昔黃帝問道於廣成子。廣成

子曰。至道之精。窈窈冥冥。至道之極。昏昏默默。無視無聽。抱神以精。形將自清。毋勞爾形。毋搖爾精。乃可長生。此廣成子授黃帝之道也。〔外末云〕玉樞經有曰。欲聞至道。至道深窈。不在其他。爾尙非有。何況於道。不聞而聞。何道可談。只這便是道了。爾其勉之勉之。〔冲漠跪拜〕〔云〕愚曉臆之盲蠅也。蒙師開悟。若破牕而覩天日之光。其幸何大焉。但心猿未縛。意馬難拴。伏望真師。如何制遣。〔正末云〕此事不難。我與你除去了。着他過來。〔皆起坐科〕〔外扮心猿意馬上〕〔做顛劣科〕〔正末唱〕

〔普天樂〕尙兀自逞顛狂。〔冲漠云〕這般利害。怎麼拴鎖得他。〔正末唱〕他甚末難拴繫。何須我揚威耀武。便着你任意牽騎。猿也你則弄精神枉放乖。馬也你全沒些報主垂韁意。你莫惱犯了這青蛇霜鋒利。登時間教你魄散魂飛。〔云〕住。業畜那去。〔做縛科〕〔唱〕猿也你再休向靈臺寄跡。馬也再休向黃庭伏櫪。再休管是是非非。〔猿馬下〕〔冲漠云〕師父。我這猿馬。已自守住了也。則有那酒色財氣這四箇人。好生被他迷惑。怎麼與我去得了他。〔正末云〕也不難。教他過來。〔四人上〕〔云〕告師傅慈悲可憐見。〔正末唱〕

〔石榴花〕我見他向前來聽道乞慈悲。早難道看人面逐高低。誰教他當初不

隱跡。把人迷。〔四云〕師傅再不敢了。〔正末唱〕常言道。人善人欺。酒也。你把一箇晉劉伶。荷鍤的將身棄。把一箇李太白。捫月而歸。把一箇爲糟堤。送上南巢去。把一箇因酒海。又闌毗。

〔鬪鵲鴉〕色也。你把一箇吳夫差。送得來家破身亡。把一箇周幽王。送得他傾圯社稷。財也。則爲你送了那貪璧的虞公。好賄的宰嚭。氣也。你逼得箇共工氏。觸不周山柱石。楚重瞳。自刎刺。您四箇但湯着你的呵。少不的財散人離。挽着你的呵。怎不教殞軀喪德。〔云〕你四箇從今後。撇了是非我。再不要向那金馬玉堂中行。我着你紫府丹臺去住。〔四云〕師傅理會了。〔謝科〕〔下〕〔正末云〕我想來心猿意馬。酒色財氣。都與他除去了。還有三尸之蟲。未曾逐了他。被他魔障。如何得成道。如今我當再與他斬了這三尸。也是他一件伶俐了也。〔扮三尸上。海冲漠科〕〔正末唱〕

〔上小樓〕你剗地敢伶牙利嘴。誇強說會。使不着你說鬼瞞神。恰便似泰山壓卵。我着你粉合麻碎。既不是發艷都。作微塵。未離凡世。方信道氣昂昂後生可畏。〔三尸跪〕〔云〕不敢了。饒性命。咱不曾認得師傅。〔正末云〕你既這等哀告。我權且饒過你。〔唱〕〔么〕你三箇自今日。當遠離。再休要詠月吟風。攝魄拘魂。把人狐魅。你若是再

不去向他行。將他蒙蔽。我教你出輪迴。不遭戩廢。〔三尸謝科〕〔正末取砌末云〕我與你去了這三尸了。你當服了這一丸藥。〔冲漠云〕服了却如何。〔正末云〕服了之後。着你長生不老。延年益壽。洗滌你這軀殼。方可與你指迷歸正。那其間纔點化你也未遲。〔冲漠服丹科了〕

〔正末唱〕

〔滿庭芳〕服了這金丹一粒。便着你超凡入聖。換骨輕肌。〔冲漠云〕這丹喚做甚麼丹。〔正末唱〕這丹名神符。喚真液。非容易。又喚做玉蕊刀圭。〔冲漠云〕怎麼得來。〔正末唱〕崑崙上多曾用力。曲江上親手栽培。〔冲漠云〕幾時成得。〔正末唱〕但教那蘆管灰飛日。不消頃刻。便結就顆交梨。〔云〕你服了這丹。覺身上如何。〔冲漠云〕謝師傅。服了這顆丹。不覺得身輕體健。精神百倍。好生異於常日也呵。〔正末云〕你丹也服了。我教與你養嬰兒姪女的道理。着他兩箇過來。〔扮嬰兒姪女同黃婆上〕〔正末唱〕

〔十二月過堯民歌〕這一箇家住在金精玉液。這一箇家住在玉室丹墀。這一箇家住在中宮正西。您三箇誓不相離。這一箇忒溫柔從來正直。這一箇忒剛強偏好爭持。全憑着黃婆媒合做夫妻。若不是枉耽閣一世阻佳期。〔外末云〕休胡說泄了天機。〔正末唱〕又道我將玄關點破泄天機。自古道一言既出怎收拾。這

話兒誰知。除是傳與伊。休得要輕拋棄。〔冲漠云〕理會得了也。〔嬰兒姪女黃婆同下〕〔外末將砌末云〕我傳與你這一本悟真篇。着你參透玄機。方得跳出迷途。可成大道。〔冲漠接砌末了云〕敢問大藥之源。不知出於何處。〔正末唱〕

〔耍孩兒〕要知川原地。只向那坎位離宮去覓。手提日月安爐裏。奪乾坤造化玄機。若遇那鉛逢發處。須當採。若是那月過中秋。下手遲。我一句話君須記。若到那玉池境上。你自別辨箇真實。〔冲漠云〕願聞下手採取的法度如何。〔正末唱〕

〔七煞〕這工夫造化多。賴神功妙濟理。安爐立鼎當相對。第一要調停火候。陰陽數。第二要溫養靈胎。托聖妃。這兩件非容易。要認得本來面目。方知得烏兔交蝕。〔冲漠云〕怎麼保養。〔正末唱〕

〔六煞〕嬰兒在手內。攜姪女在身畔立。只等那黃婆配合了。東家壻。那時節。水中銀。金鼎交。常在硃汞裏。須教下玉池。誰解得其中意。怎知得坎離顛倒。水火奔馳。〔冲漠云〕火候之說如何。〔正末唱〕

〔五煞〕火記有六百篇。屯蒙在十月裏。烹轟雷電在乾坤內。按先天造化抽添進。□南北宗源卦象隨。休覷得如兒戲。這些關竅。有幾箇人知。〔冲漠云〕說他一如

何〔正末唱〕

〔四煞〕凝神在妙道中。含光在偃月裏。既不是送歸土釜牢封閉。只待那九年德滿功成日。不强如十載名成四海知。成就了太乙含真炁。那其間始知我命。天地難移。〔冲漠云〕出胎造化如何。〔正末唱〕

〔三煞〕玄霜降震位中。絳雪飄兌岸西。看龍虎交媾方纔退。霎時間玄珠產就中宮裏。赤子生成在聖基。霞光閉。遷移了陵谷。改換了華夷。〔冲漠云〕自出胎之後。再有甚麼工夫。〔正末唱〕

〔二煞〕那其間一輪天際高。千潭風浪息。喜今日自飲得薰薰醉。一任他扶桑海底雌龍吼。儘教他華岳山頭雄虎嘶。這的是功成日。那其間駕祥光直超貝闕。拂清風徑赴瑤池。〔冲漠云〕今日幸遇師傅。將金丹祕訣。出世超凡的道理。都備知了也。〔拜謝科〕〔正末唱〕

〔尾聲〕則爲我這談天口。泄漏了機。把這一隻拿雲手。分付與你。從今後穩向那玄關路上。多陪些力。恁時節方勘破玄門這點理。〔疾下〕〔冲漠拜謝起失驚科〕

〔云〕纔這兩箇真人。將這本悟真篇與我。正拜之間。擡起頭來。就不見了他。好是奇怪也呵。我索

將着這本書。向天涯海角。也要尋着他去〔下〕

第三折

〔正外末扮漁樵上〕〔云〕自從將那悟真篇。傳與了冲漠子。又將他意馬心猿。與他拴縛了。除了他酒色財氣四賊。又與他斬了三尸。配合了嬰兒姪女。此人慕道之心不退。如今必來尋我每也。俺索辦做兩箇漁樵。向那水邊等他。先着白雲四布。迷了他路徑。引得他到這裡來。看他認得俺麼。就將他度過弱水去。咫尺便是十州三島。俺兩箇且將這扁舟。撐在蘆花岸邊。等他來也呵。

〔正末唱〕

〔正宮端正好〕我學那張志和在西塞山。將綠簑衣身上披。恰便似陳季卿在竹葉舟。把青簑笠蒙頭罩。對西風釣掣鯨鰲。且將這扁舟撐入蘆花島。趁着這烟水從吾好。〔外末云〕我呢。〔正末唱〕

〔滾綉毬〕你學那王質般將柴兒肩上挑。郭文般持大斧向山間斫。管甚麼猿鶴巢。棟梁材料。兩隻手喂村沙。傲盡些英豪。便是那漢三分鼎峙牢。晉五胡雲混擾。都做了辯舌端一場談笑。常言道是非呵。也出不得俺這漁樵。俺也囉戀甚麼虛名微利居金塢。則理會得白酒黃鷄飲木瓢。休笑俺活計蕭條。〔外末云〕

俺且在這柳陰中吃些酒遣興呵。却不是好也。〔正末唱〕

〔倘秀才〕拚了這瓦盆邊一場家醉倒。一任他醒後也天荒地老。抵多少翠袖殷勤捧玉爵。直吃的朦朧楊柳月。浩蕩海門潮。那其間黑叻叻的睡着。〔外末云〕他這早晚敢待來也。〔正末唱〕

〔叨叨令〕他那裡白雲深迷却了紅塵道。俺這裡綠陰濃誓不許閑人到。〔外末云〕他來時却怎麼好。〔正末唱〕他若來時我手把絲綸釣。〔外末云〕他若問時。〔正末唱〕俺道是俺是箇山野人。其實不知道。我看他認得俺也麼哥。我看他認得俺也麼哥。〔外末云〕他若認得俺時如何。〔正末唱〕俺道是你沒來由。休向俺漁樵根底頻哀告。〔冲漠上〕〔云〕自從天寶洞天出來。尋那兩箇師傅去。誰想白雲四合。迷了山頭。不知去向。又無一箇人來借問。正是。那又不曾洞門深鎖遠山中。白雲滿地無尋處。好是煩惱人也。〔正末起科〕〔冲漠云〕兀那水邊有兩箇漁樵。我試向前去。陪些小意兒。問他則箇。〔打稽首了〕〔冲漠云〕這裡是那裡。〔正末唱〕

〔滾綉毬〕這裡與大羅天隔着碧霄。這的是鳳麟洲兀的是蓬島。〔冲漠云〕這廝好生無禮。怎敢這般捉弄我。〔做怒科〕〔正末云〕你還有這箇在哩。〔冲漠云〕我有甚麼在。〔外末云〕

却不道修行人除了酒色財氣這四件。纔做的修行人。你今日動不動便要打怎麼做得修行人。〔唱〕
俺是箇不識字烟波人。自來有些三米糙。告你且停嗔乞賜耽饒。〔冲漠云〕你可曾見
有兩箇道人。從這裡過去來麼。〔正末云〕有來。〔冲漠云〕他怎生模樣。〔正末唱〕我見一箇衣著
紫綃。一箇穿著黃縞。〔冲漠云〕往那裡去了。〔正末唱〕他兩箇趁滄浪一帆棹。〔冲漠云〕
這其間到那裡也。〔正末唱〕這其間莫不過斗牛宮烏鵲成橋。〔冲漠云〕你怎麼知道來。〔正末唱〕
末唱。他道是俺向洞天福地瀛洲去。〔云〕他道是有人來趕我的問我呵。〔唱〕你道是空
教他走偏天涯覓不着。沒來由枉自劬勞。〔冲漠云〕這裡莫不是三江夏口麼。〔正末唱〕
〔倘秀才〕你猜做蜀諸葛三江呵較錯。〔冲漠云〕這裡莫不是七里灘麼。〔正末唱〕這裡
比着漢嚴陵七里灘頭較峭。〔冲漠云〕既不是呵。怎生有這般大水。〔正末唱〕不比那八
月錢塘湧怒潮。〔冲漠云〕既不是呵。這裡却是那裡。〔正末唱〕這的是玄都仙境上。不比
那坎底井蛙巢。〔冲漠云〕從這裡到俺那裡有多少路程。〔正末唱〕却不是山高水遙。〔冲漠云〕
却怎生好。那兩箇道人。又不曾尋得着他。而今把路都迷了。我問你兩箇漁樵。我如今要
回去。端的要望那一條路兒上回去呵好。〔正末唱〕

〔滾綉毬〕你向那斷橋邊還將野徑抄。亂山頭再聽那鷓鴣鬧。被他絮叨叨。把

行人聒得來焦燥。啼出那斷腸聲不由你淚濕征袍。這壁廂嘯晚風虎正號。那壁廂噪暮天鴉又叫。幾般兒動驕懷的都向耳邊廂聒噪。越教你呆答孩心緒慵勞。你試看白茫茫天涯數點青山小。兀那裡方是您黃滾滾人間近市朝。你則是學遶朱門燕子尋巢。〔冲漢云〕我若回去呵。怎麼過這河去。漁夫。你怎生渡我過去。〔正

末云〕我專一要渡人哩。則怕你不肯着我渡。〔唱〕

〔倘秀才〕這裡早不是烏江上無舡時怎好。則俺這打漁舡渡你呵。只爭些較小。則這水毫髮難容怎地着。〔冲漢云〕這河有多寬。〔正末唱〕到瀛洲經十萬里。〔冲漢云〕這河喚做甚麼河。〔正末唱〕弱水接九天高。你看那波光閃爍。〔冲漢云〕你怎生般渡我過去者。〔外末云〕你上舡來。〔冲漢上舡科了。〕〔正末云〕你休怕。坐地穩者。〔冲漢作怕科云了。〕〔正末唱〕

〔脫布衫〕覷了這黑沉沉蕩漾波濤。說得他戰兢兢肉顫身搖。上得這舡來惡風又作。〔冲漢云〕且住一住。〔正末唱〕百忙裡這般沙怎生停棹。〔外末云〕你在我山中。是非海內。千萬丈風波却不怕。到這裡却怕。〔冲漢云〕似這風又大。舡又小。怎生是好。我且把這碇來拋下。〔做丟墜石科〕〔正末唱〕

〔小梁州〕我見他驚急裡忙將石釘拋。一霎時雨驟風飄。〔冲漠扯住正末怕科〕〔正末唱〕諕得他荒忙揪住俺呂公綽。一謎裡啞啞叫。抵多少人怨語聲高。〔正末云〕你認得俺兩箇麼。〔冲漠云〕不認得。不認得。〔正末唱〕

〔么〕我與你匡廬側畔曾相約。那時節善與人交。你既覺悟了朝聞道。夕死可矣。却怎麼剗地怕風濤。〔冲漠做驚科〕〔云〕咳。肉眼愚眉。有眼不見泰山。不認得師傅。怎生可

憐見者。我特來尋兩箇師傅來。〔冲漠將正末衣扯住云〕可憐見度弟子者。〔正末笑云〕正是武陵溪畔曾相識。今朝佯推不認得人。〔正末唱〕

〔醉太平〕你休扯住我這布袍。想你錯認俺做漁樵。〔冲漠云〕不認得來。〔正末唱〕則被這打漁缸賺得你到漁樵。〔冲漠云〕這裡是那裡。〔正末唱〕又不比你那蛙池魚沼。〔冲漠云〕一霎間天氣。怎生麼變得好了。則那惡風驟雨。也都不見了。波濤也無了。〔正末唱〕恰陰雲又早祥光罩。恰風波早上方壺道。恰扁舟又早跨金鰲。俺三人翱翔於九臯。〔外末云〕穩駕慈航苦海津。特來度你有緣人。直超彼岸登無極。同赴玉京朝紫宸。〔冲漠云〕憶昔人間四十年。滿頭風雨受熬煎。今朝踏轉天心斗。奮臂飛騰上九天。〔正末云〕踏翻斗柄過銀河。明月清風滿大羅。鐵笛一聲黃鶴背。凌風吹出太平歌。〔外末云〕跳出紅塵也不難。回頭咫尺

是三山。玉京有路如絃直。野鶴孤雲任往還。〔冲漠云〕識得浮名已是空。從教烏兔任西東。今朝鑿破乾坤竅。袖拂罡風上九重。〔正末云〕到此如今悟已麼。人生何必逞儂儂。朝朝暮暮風波裏。生死如潮受劫磨。塵世事。枉蹉跎。是非榮辱受奔波。這回踏破虛空碎。獨步飛騰上大羅。〔冲漠云〕師傅。如今往那裡去。〔正末云〕我奉東華帝君勅旨。差俺二人。特來點化你來。今日功成行滿了也。取你上大羅天去。如今不遠了。望見的便是蓬島。〔冲漠謝科云了〕〔正末唱〕

〔尾聲〕你今日尋眞悟入蓬萊島。倒做了舉棹揚鞭厮遇着。渡得過玄洲路不遙。咫尺間玉宇瓊樓近九霄。誰想我走入紅塵這一遭。誰想你摔碎樊籠這一跳。俺今日同赴瑤池醉碧桃。遙望見一點明星兀的便是了。〔下〕

第四折

〔東華帝君領羣仙隊子上〕〔云〕昨日令純陽與紫陽。去點化那冲漠子去了。如今敢待來也。就這大梵彌羅之天。玉清境內。瑤池境上。設一大宴會。諸天仙與他慶賀者。〔正外末領冲漠上〕〔打漁鼓念〕羅浮道士誰同流。草衣木食輕王侯。世間甲子管不得。壺內乾坤得自由。數着殘棋江月曉。一聲長笑海山秋。飲餘回首話歸路。遙指白雲天際頭。〔正末唱〕

〔雙調新水令〕今日箇靈艘鼓浪渡玄洲。挾天風翱翔宇宙。乘龍遊閭苑。跨鳳

上丹丘。回首凝眸。知他是塵世裏幾昏晝。〔冲漠云〕不知我自離了家鄉。到如今有多少

時節了。〔正末唱〕

〔駐馬聽〕觀了這雲影悠悠。過了些物換星移幾度秋。不索將塵緣講究。恰便似槐根夢覺一場休。你待學漢張騫逞大膽碧霄遊。我便似向岳陽點化了一樹城南柳。笑他每纏十萬貫上楊州。如今到這裡呵。不强如爲功名人比黃花瘦。

〔正外末引冲漠見帝科〕〔正末云〕前者遣臣二仙點化冲漠子來了。〔冲漠跪科〕〔華云〕冲漠子。你來了。那正是九年功滿日。獨步大羅天也呵。〔拜見科〕〔奏樂〕〔樂止〕〔正末唱〕

〔平沙奏凱歌〕

〔即應兒落帶得勝令〕

瑤池拜冕旒。一派簫韶奏。抵多少暮登天子堂。今日箇

列在神仙胄。不强如談笑覓封侯。一舉占鰲頭。你往日則怕金榜無名注。到如今青霄有路投。休休。再休待東華漏。〔冲漠云〕從今後一筆都勾了也麼。〔正末唱〕你道是都勾却正是扳回壯士頭。〔冲漠云〕我到這裡却不認得一箇。中間不知是何天真。〔正末

云〕是東華帝君。〔冲漠云〕這兩邊的是甚麼人。〔正末云〕這兩邊都是蓬萊三島神仙。〔冲漠做問科〕〔云〕這一箇是誰。〔外末云〕是岳孔目。〔正末唱〕

〔水仙子〕這一箇曾向鄭州爲吏不貪求。〔冲漠云〕這箇是誰。〔外末云〕是鍾離子。〔正

末唱〕這一箇曾向漢將輸兵罷戰矛。〔冲漠云〕這箇是誰。〔外末云〕是淮南子。〔正末唱〕這一箇遇八公得了千年壽。〔冲漠云〕這箇是誰。〔外末云〕是葛洪。〔正末唱〕這一箇在煉丹砂向句漏修。〔冲漠云〕這箇是誰。〔外末云〕是白玉蟾。〔正末唱〕這一箇曾覩天妃謫下丹丘。〔冲漠云〕這箇是誰。〔外末云〕是陳搏。〔正末唱〕這一箇在華山上展臥袖。〔冲漠云〕這箇是誰。〔外末云〕是費長房。〔正末唱〕這一箇向葛陂中把竹杖投。〔冲漠云〕這箇是誰。〔外末云〕是王真人。〔正末唱〕這一箇度金蓮七朶在登州。〔冲漠云〕這箇是誰。〔外末云〕是周顒。〔正末唱〕

〔折桂令〕這一箇曾隱廬山五老峯頭。也曾金門朝謁。到如今徵聘難求。記得那丹藥神茶。靈文玉石。今古名留。〔冲漠云〕這箇是誰。〔外末云〕是刺闢張。〔正末唱〕這一箇雖刺闢非常的善走。他則是假軀勞幻世愚眸。被褐懷珠。含素藏脩。〔冲漠云〕師傅呢。〔外末云〕是呂純陽。〔正末唱〕我曾向岳陽三度追遊。〔冲漠向外末云〕俺這師傅呢。〔正末唱〕他便是紫陽仙姓號張侯。〔華云〕今日烹龍炮鳳。做箇大筵席。與冲漠子賀喜者。〔鬧筵科〕〔嫦娥領仙女隊子四人上〕〔云〕梓童乃廣寒宮嫦娥的便是。今日聞知大羅天蕊珠宮內瑤池會上。東華帝君會集羣仙。與冲漠子慶賀登真。我須索走一遭去。〔見科〕〔金童

玉女獻果科〔華云〕嫦娥。你舞一曲霓裳。着俺羣仙快樂者。〔嫦娥挾隊子舞〕〔羣仙作雅樂〕〔唱〕

〔沽美酒帶太平令〕舞春風出臂鞦。揚霞珮蹴銀鈎。一曲霓裳錦纏頭。將仙呂慢謳。彩雲墜。韻優游。玉女獻蟠桃祝壽。金童進火棗千秋。寶髻鬆金釵斜溜。粉汗濕羽衣浸透。春葱捧玉甌。勸酬。直喫到廣寒宮月明時候。〔舞畢〕〔樂止〕〔華云〕你再舞那冲漠子的那三換小梁州我看。〔嫦娥再舞科〕〔樂作〕〔唱〕

〔三換小梁州〕琳琅仙籟響天球。玉宇初秋。桂花明月朗朱樓。香風透。簾控紫金鈎。旌旗劍戟遮前後。坐軒車。袞冕珠旒。錦綺裘。金襴袖。玉驄馳驟。門外擁貔貅。龍蟠虎踞江山秀。鎮皇圖。永沐天休。物咸亨。人皆壽。金章紫綬。萬歲樂千秋。滿天星斗明如晝。玳筵前。排列珍羞。絃索搗。笙簫奏。衆音合奏。宜唱三換小梁州。〔舞畢〕〔樂止〕〔毛女隊子打漁鼓唱〕〔唱畢〕〔下〕〔華云〕您衆羣仙每人唱冲漠子做的蟾宮一闋我聽。〔岳孔目唱〕

〔折桂令〕一篇詞上叩穹蒼。一片誠心。一瓣眞香。訴只訴。一世人。一世荒唐。一事無成。一計無將。一心住白雲帝鄉。一心待紫極虛皇。操一曲清商。

飲一酌瑤觴。抱一玄關。守一元陽。（鍾離子唱）

〔么〕兩無成。兩鬢將華。兩字功名。兩度虛花。兩角觸蠻。兩頭追蠡。兩事紛拏。因此上兩條眉鎖。廟堂長。拴着疙疸。兩隻手展經綸。枉自去綰巴。只強如把兩綰頭髮。打兩箇歪髻。唱兩箇雲謠。拂兩袖烟霞。（淮南子唱）

〔么〕想三天金闕峩峩。會三島神仙。三界官僚。入三清三境神霄。宴三省玄真。奏三洞簫韶。履三台虎步趨朝。仰三壇龍陞宸寮。能遣三尸。曾訪三茅。三謁神庭。三叫閭闔。（葛洪唱）

〔么〕四十年學道修真。受用了四季風光。煉元陽四炁歸根。想商山四皓逃秦。只恐怕四大不堅。因此閉四象玄門。我如今四句多了不得此身。赤緊的四肢弱疲倦似別人。但知得四字傷人。便休教四事相親。打疊起展鴻鵠四方胸襟。吸盡了混魚龍四海風雲。（白玉蟾唱）

〔么〕五方旗卸了多年。消磨了五陵英豪。收拾起五炁朝元。會五行造化曾宣。五星列曜。五象昭然。讀五經宗師聖賢。正五常模範義軒。吞五岳雲烟。灑五濁胡禪。破五蘊皆空。向五臘希玄。（陳搏唱）

〔么〕六時中靜坐操玄。怕的是六道輪迴。愛的是六腑安然。調六炁居山自全。羨的是六朝風月。避的是六國烽烟。六丁神砍不開我心中道堅。六那吒刮不出我口內頑涎。鞭六龍上扣玄天。奠六鰲下伏黃泉。整頓起六甲風雲。再收拾六合周旋。〔費長房唱〕

〔么〕便有那七步才。七斗文章。七竅心靈。七尺身長。止不過損七情。七病堪傷。全憑着鬼谷子七術延生。七箇良方。便有那七星劍。成何勾當。且將那七絃琴。聊爾倚佯。讀尙書。七政陶唐。看春秋。七雄爭強。便做到智過如諸葛亮。七縱機謀。也不如竹林中七士名揚。〔王真人唱〕

〔么〕會八仙。醉飲濁醪。駕八隻仙鶴。去八極扶搖。視八紘近在眉梢。八荒之外。八表之高。生八翼。飛騰玉霄。乘八風。穩臥金貂。到如今。八駿無聊。八公不到。便有那八陣圖。阻不住我歸心。入金剛也。扳不掉我心焦。〔周顛唱〕

〔么〕駕九龍。望九州。九點青烟。九偏洪荒。九變桑田。上九重。入九天。九闕曾宣。九度玄關。九謁玄元。九萬里。鵬程播遷。列鼎。烏兔常煎。九還丹。九轉功完。九霞宮。九視延年。九皇開列。選仙名。九霄上做箇神仙。〔刺闌張唱〕

〔么〕秀才家十載寒窗。十哲詩書。□□文章。笑桑門十戒爲匡。要吃十齋。怕見十王。怎如俺在十方輪迴那廂。任十子造化行藏。念的是十大洞寶篆龍章。住的是十神州虎峙金湯。十年來行滿功成。向十天謁徧天皇。〔呂純陽唱〕

〔么〕一生好孔老之學。二聖規模。二聖清高。漢明時三教爭豪。因此上四相曾論說喪門四狄宜桃。論其教把五常人倫貶了。論儒學將六藝禮樂爲條。想老聃七教仁昭。入表功標。位列在九天之上。名垂在十極之遙。〔張紫陽唱〕

〔么〕十篇詞十數相關。致令得九曲柔腸。搜尋的九偏枯乾。也曾賦八韻月殿曾攀。七言詩就。七曲琴彈。論知音六音未諳。論五行五理曾看。四海何艱。三日循環。兩腋天風。一笛天山。〔正末云〕你今日得到這裡。也非是一日之功。常言道塵世無踪跡。丹臺有姓名。正是今日也。〔冲漠云〕若非碧海千尋木。安得乘槎入斗牛。〔正末唱〕

〔川撥棹〕煞強如你五陵游。這相逢除是俺故友。〔云〕若不是我那打魚缸呵。〔唱〕折

末你桂楫蘭舟。空隨着白鷺沙鷗。則向那楚尾吳頭。蓼岸蘋洲。便做到走徧中原四百州。也尋不着披漁簑江上叟。

〔七弟兄〕今日駕舟弱流。醉瓊漿有黃鶴對舞仙音奏。彩鸞和錦箏搗。鐵笛聲吹徹江梅瘦。〔玉女獻花科〕〔冲漠插花科〕〔正末唱〕

〔梅花酒〕呀。花插在鬢頭。飲興方酬。樂以忘憂。酒盡重斟。我則見玉山頽不自由。常言道一醉後解千愁。今日是得志秋。攜仙侶到瀛洲。宴羣仙列珍饈。傲人間貴王侯。

〔收江南〕從今後。儘教他前人田土後人收。一任他一江春水向東流。你得長生穩住在鳳凰樓。拿雲且住手。再不向蒺藜花下度春秋。〔宴罷科〕〔羣仙皆起〕〔冲漠謝宴科〕〔云〕叨陪天宴。感謝玄恩。〔華云〕今特命爾爲丹邱真人。永居天府。不入塵凡。爾當克勤仙秩。永協玄風。〔正末云〕叩頭。〔冲漠謝科〕〔正末唱〕

〔隨煞〕從今日瑤池宴罷歸來後。你去那玄圃仙山左右。伴着您蕊珠宮裏衆神仙。同向那大羅天路兒上一遭走。

題目 天寶洞松壇逢聖友 呂純陽同赴瑤池宴

正名

鳳麟洲弱水遇眞仙

冲漠子獨步大羅天

丁巳正月廿八日校于小谷本清常道人

河嵩神靈芝之慶壽

明周憲王朱有燉

第一折

〔外辦〕老人上〔念云〕中國安和大有年。家家子孝與妻賢。園林賞玩三春景。蠶麥收成九夏天。秋日登場禾黍熟。冬時賽廟鼓笛喧。太平治世常豐稔。願祝名藩福壽延。〔老人云〕俺中原年年好收成。五穀豐登。百姓快樂。風調雨順。千歲太平。今收了秋。百姓喜歡。兀的鼓腹謳歌的來也。〔淨辦鼓腹謳歌的隊子上〕〔淨念云〕

〔鼓腹謳〕日出而作理家緣。快活。〔衆和快活〕日入而息安枕眠。快活。〔衆和快活〕鑿井而飲甘美泉。快活。〔衆和快活〕耕田而食禾黍鮮。快活。〔衆和快活〕〔快活年〕〔衆和〕快活快活。快活年來沙。眞箇是日日快活。也好修來也麼歌。快活快活。〔淨又念〕

〔阿忽令〕春月纔交大年。家家慶會華筵。夫妻父子每團圓。燒香答謝神天。〔衆和〕喇哩哩喇連。喇哩哩喇連。快活。〔又衆和快活年〕〔淨又念〕

〔其二〕夏月蠶忙麥黃。家家摘繭揚湯。有穿有喫的時光。燒香答謝穹蒼。

〔衆和同前快活年〕〔淨又念〕

〔其三〕秋月禾黍在場。家家納了官糧。收成已罷安康。燒香祝壽君王。〔衆和同前快活年〕〔淨又念〕

〔其四〕冬月民閑笑忻。家家臘酒開樽。北村賽罷南村。燒香答謝天神。〔衆和同前快活年〕〔舞唱一折了〕〔衆下〕〔正末正旦上〕〔云〕吾乃中岳嵩山尊神位下神將。〔指旦云〕這是黃河尊神位下仙女。今奉二位尊神仙旨。爲因中國雍和。天下太平。十數年來。甘露降沾於松柏。毫光顯耀於伽藍。騶虞現瑞於鈞州。野蠶成繭於汝蔡。鳳凰翔集於衡鄴。白鵲飛鳴於許潁。海東青遠來於尉氏。白毛鹿近遊於南郊。五穗麥生於內黃。同穎禾出於古鄆。連理木生於後園。合歡花開在內苑。皆因中國雨順風調。民安物阜。臣忠子孝。兄友弟恭。夫義妻賢。中外和樂。以致禎祥屢現。百福咸臻。如今只有靈芝瑞草。未曾呈瑞。以徵壽康。此草乃蓬萊方丈神仙境界中仙物。差俺神將仙女。前至彼處。求賜靈芝。生於中國宮庭之內。以爲長生永壽之徵。今便索往蓬萊仙境走一遭去。〔唱〕

〔仙呂點絳脣〕高入洪濛。電驅雲控。乘鸞鳳。萬里長空。拂兩袖天風送。

〔混江龍〕遙望着蓬萊仙洞。五雲樓閣日華東。晴霞百縷。瑞靄千重。目覩山河。

塵世內。身居霄漢玉壺中。祥光冉冉。香霧濛濛。天河浩浩。化日融融。近瀛洲觀
瑤草瑞麟游。入仙山聽寶樹仙禽哢。遠謁向瑤臺玉館。貝闕珠宮。〔云〕然指間來
到蓬萊仙境也。你看這麟洲鳳渚。琪花瑤草。端的好仙景也。〔旦云〕兀的山前有兩箇仙童。敢是
採藥仙童。俺試向前喚來問他者。〔唱〕

〔油葫蘆〕忽見箇鳳渚山前採藥童。觀了他喜笑容。〔辨二徠向前稽首云〕俺是採藥
仙童。〔末問云〕敢問仙童採甚藥。〔仙童云〕家家都有。只是你不相逢。〔旦唱〕他道是家家都有
只是你不相逢。莫不是丹爐中煅煉的真鉛汞。〔仙童云〕不是。〔旦唱〕莫不是藥籃
裏採取黃精用。〔仙童云〕也不是。〔旦唱〕莫不是收鍾乳在千尺岩。〔仙童云〕也不是。
〔旦唱〕莫不是劓茯苓向五粒松。〔仙童云〕也不是。〔旦唱〕莫不是入深山尋訪丹砂
洞。採參朮助神功。〔仙童云〕都不是。你聽我說與你。〔末旦云〕請仙童明白說與小聖。果採甚藥。
〔仙童念云〕吾採非凡藥。生於太古前。家家都得見。箇箇不曾偏。無內亦無外。只是在中懸。經云
如黍珠。此是合成全。初嘗要採時。必須天上弦。一斤十六兩。總是比喻焉。其色不可名。非青亦非
玄。用於已生後。成於未生前。不可名以狀。不可授以言。都來三十日。便得藥歸元。溫養有火候。行
持有後先。黃婆不允順。莫去強自尊。得來十箇月。嬰兒即現前。遍週沙界中。瞬息往復還。若要尋

此藥。只在西南天。天上尋不見。莫去問神仙。〔末旦拜謝了〕〔云〕多感仙童說此仙藥。俺也頗省悟此意。知得藥苗。自有根源也。〔末唱〕

〔天下樂〕欲覓靈苗頗識踪。原來這仙功自有種。子俺這真鉛真汞。豈待鎔。雖然是陰陽換坎離。必須你乾坤伏虎龍。那其間保長生千歲永。〔末稽首云〕敢問仙童。東華帝君居於何處。〔仙童云〕這大海之中。東北一峯。乃是東方青陽洞天之路。東華帝君常降於此。有仙宮樓閣。金童玉女。東華帝君。即是木公。常乘青龍彩鳳之車。主管天地發生之大德。位居太昊之天。常遊降於青陽之洞。律應夾鍾。日中星鳥。上現七政。乃屬木星。你每要朝謁東華君。當向東北高峯而去。〔末云〕敢問上八位天仙。遊於何所。〔仙童云〕上八位天仙居住不一。或在蓬萊山。或在方丈山。或在崑崙山。或遊戲於人間。你每要尋。先從正東去。過了高峯。便是蓬萊三島。〔末拜謝了〕〔唱〕

〔六么序〕謝仙長相陪奉。指與俺這行踪。想天仙必得相逢。他道是東海之東。又過高峯。得見仙翁。俺這裡急騰雲。便向蓬萊洞。好教咱心緒匆匆。咫尺間得與神仙共。卻共他同參青帝。共謁天宮。〔仙童云〕俺辭了二位仙長探藥去也。〔先下〕〔末云〕行說話早到蓬萊山了。兀的望見的。敢是上八位天仙也。〔旦唱〕

〔么〕俺這裡從容向雲中。穩駕罡風。直上蒼穹。旌節穹窿。足躡長虹。霞彩飛空。日色如烘。遙聽着漁鼓膨膨。千道神光護擁。岩壑畔語笑闐。〔末唱〕你看那翠柏蒼松。綠竹青桐。白鹿相從。有黃鶴對舞仙花供。更有那仙果垂紅。俺這裡步蒼苔滿地白雲重。有丹爐火暖。寶劍光橫。〔下〕〔辦八仙上唱道情打漁鼓了〕〔末旦上稽首了〕〔八仙問了〕〔末云云了〕〔八仙云〕二位尊神。來俺仙境何幹。〔末云〕小聖奉中國大河之神嵩山之神法旨。差小聖來求仙境的靈芝瑞草。向中國宮庭呈祥現瑞去。小聖特來上告天仙。乞求幻化靈芝一本。產於中國。〔八仙云〕你試說中國的風土。積善迎祥之理。與俺聽者。〔末唱〕

〔寄生草〕若說着中原美。汴國風。臣忠子孝聲名重。妻賢夫義和昆仲。榮恩善化揚於衆。年豐歲稔萬民安。太平有象興歌詠。〔八仙云〕你中原有好景致。說與俺聽者。〔旦唱〕

〔么〕若說着梁園景。看了俺河岳雄。有太行北峙峯巒迴。嶺函西踞山川控。淮源南下青波瑩。隋堤東接魯徐遙。艮山中立王城重。〔八仙云〕他仙家也都知道這塵世中作善之家。必有餘慶。今同你二神仙。俺陪伴你去北謁東華君。乞的靈芝。以增延福壽也。

〔末唱〕

〔後庭花〕俺隨着八仙遊閬苑中。望朝陽木德宮。拜絳闕參青帝。謁金階扣玉局。子俺這河嵩。多感謝神仙陪奉。步雲衢上碧空。駕靈鷲御順風。向蓬萊天外逢。荷東君承眷寵。

〔柳葉兒〕撚指到青陽仙洞。翫樓臺殿宇崢嶸。有金鋪翠縷飛丹鳳。雕梁畫棟細蟠龍。捲珠簾十里香風。〔旦云〕兀的這城池樓閣。是東華君之仙府。早來到也。〔唱〕

〔賺尾〕萬里訪仙源。似一枕遊仙夢。求賜得靈苗瑞種。只願得中國禎祥千歲永。保長生福祿重重。顯神通百事相從。成就了河嵩造化功。托賴着羣仙護擁。只願得東華知重。九天德澤降恩榮。〔下〕

第二折

〔外辦東華君隊子上擺定〕〔東華君念云〕東方生氣長天仙。福祿恩榮品物全。神御勾芒初布暖。時臨太昊正當權。青龍馭駕和風細。木德乘時麗日延。觀見塵寰皆化域。祗今五福在中原。〔外云〕吾乃東華帝君。如今歲德正臨中國。天下太平。風調雨順。五星順度。萬物昌榮。皇圖鞏固。民庶安康。即今中原十分豐稔。德化和淳。合有禎祥現於其國。便喚仙子來。鳩集仙境瑞物來看。

〔仙子應下〕〔末旦上〕〔云〕俺是中原大河之神嵩岳山神差來的神將仙女。特來參見上聖。
〔云了〕〔謁見了〕〔外問了〕〔旦末云了〕〔末唱〕

〔中呂粉蝶兒〕只爲俺中國安康。奉河嵩遣差神將。告東君賜福呈祥。產靈芝。生瑞草。百般興旺。德化昭彰。氣雍和福從天降。〔外云〕俺上界天仙也都知道。如今五

福正在中原。我已令衆仙聚會祥瑞之物去了。你再將中國風俗說與我聽。〔旦唱〕

〔醉春風〕子孝父能慈。妻賢夫義廣。爲臣的忠愛奉君王。將深恩來仰。仰。兄弟每和同。朋友每誠信。長幼每謙讓。〔外云〕你中原臣忠子孝。夫義妻賢。兄弟和睦。朋友誠信。

長幼謙讓。我已知了。你再說你民間風土德化是如何。〔末唱〕

〔迎仙客〕若說俺中原風土厚。正直着昭代萬民康。遇明時生育得黎庶穰。樂豐年咸贊仰。聖德煌煌。表裏山河壯。〔外云〕你中原有何出產。有何珍奇靈物。〔旦唱〕

〔紅繡鞋〕若說着出產的珍奇百狀。有金銀珠玉琳琅。有絲紬布絹黍禾香。靈著生汝蔡。菊井在南陽。名花伊洛廣。〔外問云〕你中原官府。怎生爲治。〔旦唱〕

〔喜春來〕官清訟簡無偏向。物阜民安化日長。自耕自食足衣糧。蒙天朝恩有養。城郭固金湯。〔外問云〕你中原城池。怎生脩造。〔旦唱〕

〔么〕臥牛城八十里如牛樣。有艮岳崢嶸踞大梁。東北有黃河襟帶勢威強。宮殿廣。王國奠中央。〔外問云〕你中原人所好尙風俗是怎生。〔末唱〕

〔普天樂〕一家家敬神祇。一戶戶崇天像。常行善道。尊禮三光。一斗米三箇錢。門不閉皆無恙。窄路相逢能謙讓。出行的不裏餓糧。人多壽康。風俗淳厚。品物隆昌。〔衆捧瑞物上〕〔外手持松枝問云〕中國曾有甘露麼。〔末云〕曾有來。洪武年間秋天晴霽。甘

露降於宮城松栢竹林之上。〔唱〕

〔石榴花〕當日箇九秋天氣正清涼。甘露降松篁。色如粉米綴枝傍。甜如蜜釀。味勝沙糖。泛清香滿貯玻璃盞。恰便似玉液瑤漿。曾馳驛騎供天上。遠奉獻到朝堂。

〔鬬鵲鵲〕也曾到玉陛頒嚕。也曾有絲綸勸獎。〔外問云〕你中國曾有毫光顯現麼。〔末云〕洪武年間。相國寺做佛事。其夜三更。毫光萬道。籠罩佛殿鐘樓。〔唱〕若問毫光。當年更廣。佛殿鐘樓共法堂。五色彰。滿寺輕籠。千人共仰。〔外牽過騶虞問云〕你中國曾有騶虞仁獸麼。〔旦云〕永樂二年秋八月。鈞州神后山生騶虞。進貢於朝。曾受重賞來。〔唱〕

〔上小樓〕若說着騶虞現祥。實從天降。白質玄紋。虎首猊軀。性格馴良。神后生

來。中原獲得。順淮南向。進神京萬民瞻望。〔外將過鳳凰問云〕你中國曾有鳳凰來儀麼。

〔末云〕洪武二十年間。深秋九月。衛輝曾有鳳凰下於山崗之上。有千萬飛禽。隨從鳴噪。翱翔二日。南向飛去。〔唱〕

〔么〕來鳳凰鄴衛疆。五色鮮明。百禽隨從。萬里翱翔。覽德輝而下之。遠從天降。表嘉禎飛鳴南向。〔外將過繭問云〕你中國曾有這野蠶成繭麼。〔旦云〕永樂初年。四月五日。

汝寧山中。野蠶成繭。收絲百餘斤。曾進貢於朝。〔唱〕

〔魔合羅〕野蠶成繭。葫蘆樣。色嫩綠。光滑易紡。漫山跨嶺。葉稀疏。婦女每採摘盈筐。救他貧窘。三冬暖。添得莊嚴。四月忙。喜佳兆。昇平象。昔曾貢獻。館閣宣揚。

〔外將過白喜鵲問云〕你中國曾有白喜鵲麼。〔末云〕永樂年間。曾有白喜鵲一雙。生於襄許。進入國中。〔唱〕

〔五轉〕昔於永樂年。許州白鵲翔。雙鳴雙宿。窩巢上。恰便似玉梭拋擲。穿青幃。雪塊高凝。在綠楊。精神王。呈祥色耀。報喜聲長。〔外將過白海青問云〕你中國曾有白海青麼。〔旦云〕宣德八年春正月。河南尉氏縣。得白海青一聯。曾進貢於朝。〔唱〕

〔四轉〕雛花白海青。得於尉氏崗。老拳利爪。真雄壯。星眸鐵膽。純剛氣。劍翻銀

翎耀日光多感戴神祇貺。遠來中國產在東洋。〔外將過白鹿問云〕你中國曾有白鹿

麼。〔末云〕永樂年間尉氏縣北坡有白鹿一對遊於近郊。獲獻於朝。綸音稱美。〔唱〕

〔三轉〕南坡白鹿雙來遊。至北崗霜毛皎潔麒麟樣。性馴良近狎無驚擾。身魁偉高如鳳首昂。已貢去隨仙仗。天生貴種不比尋常。〔外將過連理木合歡花來問云〕

你中國曾有連理木合歡花麼。〔旦云〕宣德年間連理木生於後苑亭。合歡花開於天香圃。

〔唱〕

〔二轉〕連理枝雙樹榮。合歡花並蒂長。牡丹歲歲根株旺。合歡花天香圃內呈佳兆。連理木後苑亭前慶吉祥。都畫在蛟鮪上。連理綻殷紅嫩紫。合歡開國色天香。〔外將過五穗麥同穎禾問云〕你中國曾有瑞麥嘉禾麼。〔末云〕永樂年間鄭州生嘉禾同穎。

陳留秀瑞麥五岐。〔唱〕

〔二轉〕一莖麥五穗生。兩枝禾同穎長。內黃古鄭皆肥壤。同穎禾曾捧朝丹陛。五穗麥曾將獻廟堂。豐年象千秋國泰。萬載民康。〔外云〕既都會有許多祥瑞來。如今合與仙家延壽的靈芝瑞草。你二神將仙女先回。報知嵩山大河之神。我便驅乘和氣。藪鬱中土。宮殿園囿內生長瑞芝。雨順風調。時和歲稔。我當會邀南極真仙下界。增延福壽去也。〔末旦做〕

拜謝辭外了」〔雙唱〕

〔尾聲〕恰離了清虛紫府天。下瞰着寰區塵世穰。青烟九點遙凝望。只俺那一帶河嵩勝地廣。〔末旦下〕〔外云〕金童。我差你去尋紫芝仙子來。這紫芝仙長生不老。常如十歲仙童。愛乘車馬。隨伴羣仙遊戲。遇名山洞府。留連數日。多化生於福地洞天。高山大澗。忠臣孝子之家宅。以表福壽長年。仙境產五色靈芝。惟有紫芝爲上。金芝爲次。太平之世。明聖之時。福壽之家。卽化生於彼。若人得之。壽可千歲。金童去洞天福地中。喚的紫芝仙子來。〔金童云云了下〕

第三折

〔末辦紫芝仙子穿紫上〕〔云〕吾乃紫芝仙子。住在這洞天福地。有芝田一區。乃長生之境。和氣薰陶。嘉慶所感。卽生瑞芝。俺弟兄五人。有金芝。青芝。肉芝。石芝。紫芝。今正是三春天氣。東皇司命。青帝行權。萬物發生之時。我向丹砂洞前閑遊一會者。〔唱〕

〔正宮端正好〕我向那紫芝田。丹砂地。玩仙家日月遲遲。陽和布暖江山麗。瑤草香風細。

〔滾綉毬〕守丹爐玄鶴鳴。駕雲車彩鳳棲。獻岩花野獐遊戲。近溪山有白鹿靈龜。這其間碧蘿藤蔓垂。黃精苗葉肥。茯苓香傍着那老松仙檜。喫的是萬年秋。

火棗交梨。着了那天連綠水源頭遠。雲補青山缺處齊。幾見了滄海塵飛。〔辦四芝仙各穿本色衣。金芝穿金紅青芝穿青肉芝穿淡紅石芝穿淡青同金童上。〕〔做相見了。〕〔末云。〕請問金童來此何幹。〔金童云。〕今蒙東華帝君仙旨。特來召請紫芝仙子。〔末云。〕俺一向便索去也。〔唱。〕

〔倘秀才〕猛見了金童意急。特奉着東華帝勅。召俺芝仙赴玉墀。莫不是宴瑤池王母會。莫不是呈瑞應向南極。仙家的道理。〔四芝仙云。〕俺同跟紫芝仙去參拜東華君去來。〔末唱。〕

〔滾綉毬〕金芝仙映日輝。青芝仙翠蓋巍。石芝仙玉肌堅膩。肉芝仙有車馬跟隨。子俺紫芝仙壽萬春。金芝仙千歲期。青芝仙多長在洞天福地。石芝仙有岩壑相依。見了些兩輪日月催昏晝。萬里乾坤運化機。仙境稀奇。〔皆虛下。〕〔東華君隊子上擺定。〕〔金童引五芝仙上。〕〔云。〕相見了。〔外云。〕即今中國和氣感召。當出瑞應。今差勾芒布暖。義和停曦。太昊行權。青陽臨馭。洪鈞轉化機。后土滋培養。仙芝呈祥瑞之徵。俺東華贈福壽之慶。紫芝仙可化生於中國宮庭內現瑞。更有你這四般靈芝。今皆在此。可皆去中國名山大川。忠臣孝子之家化生。以增福壽。以兆太平也。〔末唱。〕

〔倫秀才〕東皇令現瑞向中原大國。正直着五福遙臨的月日。民物春風化域。熙豐登先庶類。歡樂慶宮闈都來賀喜。〔外云〕金芝仙子。你向何處化生。〔金芝云〕中國有嵩岳之山。名上帝司真洞天。小聖化生此處。以兆君聖臣賢。以祝天朝萬歲萬歲。宗社永安。磐石之固也。〔末唱〕

〔醉太平〕慶千秋萬歲。仰宗社磐石。昇平時世物雍熙。正明良奉職。萬萬年永保中華地。千千歲永固宗支貴。煌煌的威德撫蠻夷。與堯舜同稱共美。〔外云〕青芝仙。你向何處化生。〔青芝云〕中國有天壇峯。名冲虛小有洞天。小聖化生於此處。以兆時和歲稔。萬國朝天。四海安康。黎民樂業。〔末唱〕

〔白鶴子〕兆時和并歲稔。表萬國共來儀。喜民庶樂安康。享盛世千千奕。〔外云〕石芝仙子。你向何處化生。〔石芝云〕中岳有王屋山。名清虛洞天。小聖化生此處。以兆中國藩憲賢能。清廉中正。治理平易。民受其福。〔末唱〕

〔白鶴子〕感藩憲賢能德。行清正合天機。政平易化民安。永鎮守中原地。〔外云〕肉芝仙子。你向何處化生。〔肉芝云〕南陽有桐柏山。名上清洞天。小聖化生此處。以兆中國安寧。時和歲稔。風俗淳和。民庶安康。〔末唱〕

〔白鶴子〕應中國太平年。喜四境豐登日。慶風俗尙阜和。樂民庶皆忠義。〔云〕小聖到中國梁園河南之地。宮城之內化生。以兆增福延壽。宮庭安康。永享清吉也。便都去現祥瑞去來。〔唱〕

〔啄木兒尾聲〕向宮城瑞草生。表禎祥福壽期。若見了仙芝一遍千千歲。子那家門榮貴。壽星光現福星齊。〔下〕

第四折

〔辨南極壽星隊子上〕〔南極云〕吾乃南極壽星。今有東華君。爲因靈芝生於中國宮庭之內。邀吾同赴靈芝慶壽之會。須索走一遭去也。〔下〕〔辨東華君隊子上〕〔就引大河嵩岳神上〕〔金童玉女捧福壽二字紫芝仙捧靈芝皆上〕〔東華念云〕方丈巍峨別是天。中原宮府會神仙。樓臺光照三清路。花木香浮五色烟。金鳳自多盤蕊樹。玉膏誰逗灌芝田。碧桃紫李新成熟。添與人間一萬年。〔外云〕吾乃東華帝君。爲三島十洲羣仙之主。〔大河嵩岳神問云〕敢問上聖。三島是何名目。〔外云〕東海之中。地方一萬里。名曰方丈山。東海之東。地方五千里。名曰蓬萊。西海之西。弱水縈紉。地方一萬里。名曰崑崙山。此名三島河嵩。〔又問云〕十洲是何名目。〔外云〕十洲者。瀛洲玄洲長洲元洲生洲祖洲炎洲鳳麟洲志洲聚窟洲。謂之十洲。皆是神仙所居仙境。與西王母

所居相接。亦屬蓬萊仙境。有詩爲證云。大帝仙鄉列聖曹。蓬山分命鎮波濤。瑤池影蘸天心闊。貝闕光浮海面高。五彩雪霜鳴玉籟。九天星月射金鰲。東方曼倩曾來此。偷取林間數顆桃。〔河嵩云〕俺奠守中州。不知仙境如此。感謝上聖仙旨開諭。〔壽星隊上〕〔仙童捧壽字上〕〔稽首了〕〔紫芝仙捧芝〕〔唱〕

〔雙調新水令〕老人星添壽到中州。紫靈芝萬年長壽。扇開丹鳳尾。簾捲紫金鈎。瑞靄香浮。聽仙音樂聲奏。

〔喬牌兒〕芝仙將千歲祝。東華將福祿授。向宮庭種得靈芝秀。慶長生齊叩首。
〔紫芝仙捧芝前進〕〔仙童金童捧福祿壽字〕〔仙女捧蟠桃前進安放卓上〕〔紫芝仙唱〕

〔鴈兒落〕福呵安榮萬載秋。祿呵重爵千鍾厚。壽呵康強百歲身。芝呵總兆禎祥候。

〔得勝令〕只爲那忠孝頗能修。宮闈總和柔。這的是社稷延長應。家門吉慶酬。四境聽歌謳。民物皆安阜。百姓每悠游。田蠶萬倍收。〔壽星云〕今日俺天仙增福延壽。向宮府內庭又慶靈芝生於佛殿之東。按瑞命禮云。王者仁慈。則靈芝生於宮庭。以表高壽也。
〔四芝仙上〕〔云〕小聖向中原名山洞府都種了芝草也。特來東華君前復命。〔東華云〕你這五

位芝仙。可唱一曲探芝吟以慶壽。〔五芝仙舞着〕（唱）

〔沽美酒〕種仙芝百萬丘。似蓬島鳳麟洲。忙喚仙童遠去求。採將來釀酒。味甘甜嫩香透。

〔太平令〕張紫蓋亭亭獨秀。列金莖裊裊盈疇。曉露潤芳芝長就。似玄圃閬風左右。瓊田地那頭採收。滿貯在錦甕。看紫霧紅光凝岫。〔壽星念云〕天地有大德。其

名曰生生。神仙有陽報。只在陰騭成。人心但存善。百福降家庭。父慈并子孝。臣道體忠誠。守分心常樂。知是保安寧。但看積善家。代代現嘉禎。我來因中國。百事總堪稱。特令瑞芝慶。出產在官庭。以兆千歲壽。以保千歲名。更賜蟠桃果。以之祚遐齡。遙獻福福壽。允爲作善徵。億萬於斯年。永樂享昇平。〔河嵩神拜謝了〕（玉芝仙唱）

〔川撥棹〕感谢你河嵩德大恩酬。告東華增壽久。吉慶源流。賜福中州。內外懽謳。瑞色盈眸。祥光現宮城裏頭。添喜氣遍高樓。

〔七弟兄〕這的是德修道修意相投。把人生功行都參透。常行善道得悠悠。廣施陰騭的須延壽。

〔梅花酒〕因此上瑞應稠。芝草仙留出產因由。總是嘉猷。衆仙真臨大國。恰便

似乘彩鳳降瀛洲。與仙家是故友。吹玉管步丹丘。嵩陽山底洪庥。黃河水清流。
〔喜江南〕看仙芝年年祝壽。慶千秋。八仙相伴恣嬉遊。尊崇社稷奉春秋。慶禎
祥賸有守藩忠孝翼皇猷。〔東華云〕俺衆仙特來增添福壽。慶了靈芝。便當各回仙境也。〔河
嵩神捧香三炷云〕願奉心香三炷。少答上聖洪恩。〔進香皆接受了。〕〔五芝仙唱〕

〔鴛鴦尾聲〕從今得見仙芝後。從今安享千年壽。每日家百味珍羞。玉罍金甌。
唱道天賜禎祥。人皆讚祝。每日家筵宴懽娛。永聽這笙歌奏。寶殿珠樓。共飲長
生慶喜酒。


題目

中國安子孝妻賢 梁園景山明水秀

正名

福祿會仙果延年 河嵩神靈芝慶壽

于小谷本錄



東華仙三度十長生

明周憲王朱有燉

第一折

〔衆扮十長生隊子上攏定〕〔松仙捧松作大夫扮〕〔柏仙捧柏作將軍扮〕〔竹仙捧竹作儒人扮〕〔山仙捧山作僧扮〕〔鶴仙引鶴作道士扮〕〔鵲仙捧鵲作男扮〕〔水仙捧水作女扮〕〔雲仙捧雲作女扮〕〔鹿仙引鹿作女扮〕〔龜仙捧龜作女扮〕〔松仙開云〕吾等乃十長生之物。在世千有餘年。爲因昔日曾到蓬萊仙境。潛聽天仙相論金丹。講演妙道。所以長生不老。雖然如此。吾等爲土木形骸。飛走性質。不能成仙證道。今日聚會在嵩高山中。少室洞天。正遇五帝臘日。聞知嵩岳神祇。邀請上界羣仙。來慶太平瑞雪之會。俺衆人試去羣仙會中。參禮一遭。尋箇師傅。點化度俺成仙證道。豈不好耶。〔衆云〕俺如今便去來。〔衆下〕〔末扮東華仙上〕〔云〕吾乃東華木公。卽今下方天下太平。風調雨順。正遇深冬五帝臘日之辰。天降瑞雪。呈祥獻壽。有中岳嵩高之神。設下慶賀太平瑞雪之會。請了南極壽星。瑤池金母。又來請吾同赴此會。在於少室洞天之中。今日便索赴會。走一遭去也。〔唱〕

〔仙呂點絳脣〕玉笈靈符。寶函仙籙。清虛府。方丈蓬壺。這便是不老長生處。〔云〕

想俺天仙功行。非同小可也呵。〔唱〕

〔混江龍〕香風時度。駕祥雲瑞靄出仙都。笑俯着天邊玉兔。靜觀着海上金烏。配合了姪女嬰兒臨玉闕。調和的紅鉛白汞入丹爐。能將這坎離抽換。會把那龍虎降伏。正三才乾坤定位。順八卦震兌相孚。握剛拳安魂定魄。調龜息重吸輕嘘。煉玉液無中之有。養金丹有內之無。用功向前弦之後。留意在後弦之初。分二八一斤加減。得一二八乘除。向九州順安九鼎。御三辰逆運三車。咀咽的華池水溢。包涵着絳闕光舒。採藥是西南之域。尋根到玄牝之區。對真境無心去住。任黃婆得意歡娛。煅煉出袖中神劍。追求得海底明珠。頻頻地抽添火候。默默地保養靈軀。放之行彌乎宇宙。斂之來隱入纖須。那其間脫神胎功行有天知。幹玄機聖果惟仙助。修積的千年壽永。只消得片晌工夫。〔云〕按落祥雲。早到這少室山中。兀的遠遠地見幾箇人來也。〔十長生上相見問候科〕

〔松云〕師傅今往何處去也。〔末云〕今往少室山中。羣仙同赴太平瑞雪之會去也。〔松衆稽首云〕

〔松云〕師傅就帶俺會上走一遭去。肯麼。〔末唱〕

〔油葫蘆〕想您在人海場中纔跳出。便要與造化俱。子你那形骸土木尙頑愚。〔松云〕

〔松云〕師傅怎生伶俐。點化俺成仙證道。師傅常作箇嵩高山中煙霞之主。〔末唱〕您要我占嵩高

常做箇烟霞主。我子待向蓬萊度。您做神仙侶。〔松云〕如此呵多感謝師傅厚恩也。〔末唱〕服黃芽九轉丹。授黃庭一卷書。常教您樂清閑。圍繞在蓬瀛處。都一般壽永八千餘。〔松云〕俺都是土木形骸。飛走氣質。師傅未曾點化。貪嗔癡妄想不除。怎生得成仙道。〔末云〕我自有慧劍。能斷您那妄想。〔唱〕

〔天下樂〕憑着我袖裏青蛇胆氣粗。降伏將您業障除。您到壽山福泉功行足。〔松云〕俺不知壽山福泉。在于何處。〔末唱〕壽山連大海東。福泉在三島隅。〔松云〕那裡別有甚仙境。〔末唱〕那里有麟洲和鳳渚。〔云〕你這十位之仙。皆是在世長生物。若入了神仙之境。越好了。試听我說者。〔唱〕

〔醉中天〕山呵你青嶂擎天柱。水呵你碧海遶仙都。雲呵你五色呈祥自卷舒。〔松云〕你千丈盤根固。柏呵你擁翠似丹青畫圖。竹呵你鳴金戛玉。鶴呵你報平安喜信無虛。

〔金盞兒〕鹿呵你向仙衢駕雲車。鶴呵你宴蟠桃常共仙童舞。龜呵你瑤池中千歲保靈軀。十般兒洞天長壽物。福地永安居。常子向烟霞同笑傲。伴着那風雪樂清癯。〔松云〕師傅。這山前面便是少室洞天仙境也。〔末云〕是好山也。〔唱〕

〔賺尾〕我子見紫氣結晴嵐。翠色濛香霧。封丹竈白雲滿谷。玉潤丹崖畫不如。染清霜楓葉模糊。勢繁紆雪積璠璣。自與人間景物殊。〔松云〕師傅。這山中多有靈芝瑞草也。〔末唱〕採得那芝田一區。玩了那瓊華幾樹。趁着這香風瑤草入仙都。〔下〕

第二折

〔扮南極壽星西池金母隊子衆仙引山神上〕〔云〕吾乃南極壽星。同西池金母八位天仙。今知下方太平之世。德化雍熙。卽今五帝臘天降瑞雪於中原。有嵩高之神。慶賞瑞雪。邀請吾等南極壽星東華木公西池金母衆天仙。來赴此會。只有東華木公未到。山神可卽前去迎接東華木公來也。〔山神下〕〔末引十長生上〕〔云〕來到這少室洞天。是好瑞雪也。〔唱〕

〔南呂一枝花〕乾坤膩粉粧。林木香綿套。峯巒白玉砌。溪澗素瓊琢。萬里雲霄。似穰穰梨花落。若紛紛柳絮飄。凍千尋銀海無波。映一片冰壺未曉。

〔梁州〕這雪聲恰便似紫蟹隊橫行沙際。這雪勢不弱如鬧蛾兒亂撲梅梢。又似那豆楷灰風捲蘆羊角。這雪。秀士每詩懷難就。豪客每酒力輕消。漁翁每江頭罷釣。獵騎每野外聯鑣。似這雪。農夫每喜年豐樂樂陶陶。爭如俺神仙每玩瑤華散袒逍遙。這其間韓湘子幻名花尙在遠郊。趙師雄倚清香纔聞翠鳥。呂回仙夢黃梁引定白。

鶴望着近了。洞天中一雲兒行來到。我子見寶光分瑞雲罩。羽蓋高張翠節搖。擺列着仙酒仙桃。〔山神做參見科請云云了〕〔末唱〕

〔隔尾〕我子見南極星象舒光耀。中岳尊神遠見邀。動一派雲和九天樂。西金母獻桃。衆仙眞列着。玩萬頃玻璃玉華皎。〔末與壽星金母相見科〕〔壽云〕這十位仙人。是何名號。〔末云〕此乃中州十長生仙子。因居人世。所守清高。得人間永壽。亦嘗竊聞妙道。特來赴此仙會。〔壽云〕願聞各位有何功行。〔末指松唱〕

〔牧羊關〕這一箇曾受秦皇號。〔指柏〕這一箇曾經彩鳳巢。〔指竹〕這一箇化蒼龍一杖飄飄。〔指山〕這一箇永鎮着大地無窮。〔指鶴〕這一箇常伴着仙家不老。〔指鵲〕這一箇報喜信成佳慶。〔指水〕這一箇入大海作波濤。〔指雲〕這一箇商岩中曾作霖。〔指龜鹿〕這兩箇壽星前常伴鶴。〔壽云〕即今衆仙皆到也。俺仙家快樂。同賞瑞雪。共飲香醪。可令十長生各獻壽歌舞一回。又令仙童毛女祝壽慶會也。〔壽星隊唱舞一折了〕〔末唱〕

〔罵玉郎〕我子見天花糝糝空中落。香霧濕。碧霞飄。須臾紅日舒光耀。雉扇開。彩仗迎。鸞旌導。

〔感皇恩〕擺列着仙酒仙餚。仙鹿仙鶴。有金童和玉女獻蟠桃。仙花色艷。仙樂

音標叩金鐘。鳴玉珮。振琅璈。

〔採茶歌〕八仙邀九真。朝洞天。福地布瓊瑤。臘雪光中人不老。壽星會日朔風高。〔壽云〕多謝中岳之神。會俺天仙慶壽。從此壽山高聳。福海源深。永享太平。民安物阜也。〔末唱〕

〔餘音〕長生會裡羣仙到。千歲時中五福高。共祝遐齡似嵩岳。十長生列着衆神仙品藻。千里河山萬年保。〔下〕

第三折

〔扮二仙童上〕〔云〕小聖乃蓬萊三山的仙子。今有東華木公。下方賞玩中州瑞雪。見了十長生仙子。要授與他妙道。使令小聖在三山仙洞之前。等待十長生。這早晚不見來也。〔扮十長生上〕

〔末唱〕

〔正宮端正好〕我恰纔出塵寰。遊仙逕。馭鸞鶴飛入蓬瀛。拂烟霞兩袖天風勁。乘萬里青雲興。

〔滾綉毬〕時遇着天地靈。德合着日月明。點化的十長生出凡入聖。這便是俺仙家百世功能。換了他土木形飛走情。直教他八千秋壽延永定。助蓬瀛山水高清。萬年瑞雪三冬賞。一粒金丹半夜成。因此上福祿常增。〔末與十長生相見科〕〔松云〕小仙

十人在此等候上聖多時了。願上聖慈悲。授與妙道。〔末云〕十仙子試聽我說您舊日功行。方授你妙道。松仙試聽我說者。〔松向前跪〕〔末唱〕

〔白鶴子〕松呵你千年枝葉盛。萬載永長青。曾授大夫封。賦得參天性。〔松起身依班立〕〔末又喚云〕柏仙試聽我說者。〔柏跪〕〔末唱〕

〔其二〕柏呵你蒼枝烏府臺。老樹祖師庭。堪作棟梁材。宜着鸞鳳並。〔柏起身依班立〕〔末又喚云〕竹仙試聽我說者。〔竹跪〕〔末唱〕

〔其三〕竹呵你清風六逸杯。明月七賢亭。渭畝綠陰稠。淇水蒼枝勁。〔竹起身依班立〕〔末又喚云〕山仙試聽我說者。〔山跪〕〔末唱〕

〔其四〕山呵你厚重鎮中州。高遠列連城。祝壽效三呼。萬載千秋應。〔山起身依班立〕〔末又喚云〕鶴仙試聽我說者。〔鶴跪〕〔末唱〕

〔其五〕鶴呵你仙禽千歲壽。水鳥萬年青。入帳作還丹。警露知秋令。〔鶴起身依班立〕〔末又喚云〕鵲仙試聽我說者。〔鵲跪〕〔末唱〕

〔其六〕鵲呵你知風靈巧性。報喜聽佳聲。瑞應化圓石。貴見安梁慶。〔鵲起身依班立〕〔末又喚云〕水仙試聽我說者。〔水跪〕〔末唱〕

〔其七〕水呵你懷珠媚遠川。清潔濯長纓。自是上源客。大海朝宗盛。〔水起身依班

立〕〔末又喚云〕雲仙試聽我說者。〔雲跪〕〔末唱〕

〔其八〕雲呵你樓閣重疊起。車蓋色蒼青。大旱作商霖。翼鳳成佳慶。〔雲起身依班

立〕〔末又喚云〕鹿仙試聽我說者。〔鹿跪〕〔末唱〕

〔其九〕鹿呵你千年看雪色。佳宴詠呦鳴。靈園昔曾遊。仙苑增高興。〔鹿起身依班

立〕〔末又喚云〕龜仙試聽我說者。〔龜跪〕〔末唱〕

〔其十〕龜呵你靈機多有壽。神物永長生。洛浦負書名。千載蓮池淨。〔十長生齊跪〕

〔云〕請上聖略談妙道。〔末唱〕

〔叨叨令〕靈臺中只。要您修真性。〔十長生拜科〕〔云〕願得再聞妙道。〔末唱〕淵默中只。

要您神安定。〔十長生又拜〕〔云〕願得再聞妙道。〔末唱〕虛無中只。要您持幽靜。〔十長生

又拜〕〔云〕願得再聞妙道。〔末唱〕玄玄中只。要您存高興。〔十長生拜〕〔云〕謝了上聖。〔末

唱〕您早子省得也麼歌。您早子省得也麼歌。我着你列仙班上界去同朝聖。〔十

長生拜謝科〕〔末唱〕

〔餘音〕東華福祿同歡慶。南極光中禮壽星。千歲筵前聽樂聲。九轉丹臺瑞靄

凝。玉液金波激灩明。瑤草琪花馥郁馨。自是俺仙家樂清興。成就了百世芳名萬年景。〔下〕

第四折

〔扮壽星福祿星隊子上〕〔壽云〕吾等乃福祿壽三星。今有東華木公。度了十長生仙子。共來仙會。兀的祥光顯處。東華木公來也。〔末引十長生上〕〔末唱〕

〔雙調新水令〕壽星福祿一齊來。慶千秋樂聲一派。彩霞凝金戶牖。香霧滿玉樓臺。玳瑁筵排。十長生入仙界。〔末同十長生參謁三星科〕〔壽云〕今日十長生仙子。皆至仙境。永保長生。多謝東華木公。授與仙子長生妙道。永與仙家助成仙景也。〔末唱〕

〔鴈兒落〕我這裡撫蒼松玉潤側。倚翠柏青霄外。挹高風綠竹長。樂澄水滄波大。

〔得勝令〕山呵你收曉霧現丹崖。雲呵你出深谷自悠哉。鶴呵你透碧漢鳴秋遠。鵲呵你噪新晴報喜來。看擁翠峯排。瑞鹿遊天界。有千葉蓮開。靈龜戲寶臺。〔壽云〕今日十長生。皆入仙境。宴賞歡樂。可令仙子來舞仙裳。〔扮四人舞鵲鵲科〕〔末云〕感謝上仙勳仙家音樂。〔唱〕

〔沽美酒〕聽仙音律呂諧。玩仙舞翠裳開。滿飲流霞捧玉臺。衆高眞到來。列仙果玳筵排。

〔太平令〕看縹緲雲霞天外。守丹爐虛室生白。有不謝仙花堪戴。有不老仙娥堪愛。好懷放開。實是樂哉。慶福祿如天廣大。〔松云〕俺十長生既入仙境。合於何處居止。

〔末唱〕

〔水仙子〕蒼松原在嶺頭栽。翠柏還居苑內排。慶雲須擁黃金界。列青山濛瑞靄。竹生孫玉砌瑤階。水勢向東洋大。鵲鹿遊靈囿來。囑龜鶴遠定仙臺。〔十長生拜謝科〕〔壽云〕今日正當祝壽之辰。須邀金母捧獻蟠桃。以慶千秋之壽也。〔末唱〕

〔餘音〕中州喜氣增高。大似仙境芳容不改。享福祿八百春。保安寧一千載。

題目 中岳神祝延千歲壽

正名 東華仙三度十長生

呂洞賓花月神仙會

明周憲王朱有燬

楔子

〔扮金母隊子引旦上〕〔金母云〕梓童乃瑤池西金母。今有蟠桃仙子。雖在仙家長生永久。然他尙是土木形骸。未得金丹成神仙體。今令他去下方人世中。酒色財氣內。經歷一遍。卻請上界天仙點化他。得了金丹。煉得形神俱妙。方可得成仙道。〔金母喚云〕蟠桃仙子。你可去人間走一遭。去將酒色財氣都參透了。方可成仙也。〔旦應科〕〔云〕妾乃蟠桃仙子。今蒙金母娘娘差往下方。便索人間走一遭也。〔唱〕

〔賞花時〕特奉仙音降世間。顯化神通遍八寰。不是我迷世事。要思凡。見放着金符玉簡。乘瑞靄下天關。〔下〕〔末扮呂洞賓引道童上〕〔云〕貧道姓呂名岩字洞賓。道號純陽子。今奉西金母仙旨。教貧道下方去。點化蟠桃仙子。成仙證道。貧道觀見。如今蟠桃仙子。生在吳興地面湖州城內。落於風塵之中。然此女子。還是有仙風道骨。不肯隨俗同塵。每夜焚香告天。不願居於柳戶花門。但不得箇神仙點化他省悟。因此世緣未盡。貧道不免扮做箇秀士。邀我八位天仙。與之相會。遊戲於花月場中。提撕於清虛境內。方顯貧道之功行也。〔唱〕

〔么〕他本是風月人間小洞天。怎肯向花柳叢中結世緣。因此上焚寶篆。告青天。感應得神仙化顯。特地教花月會度嬋娟。〔下〕

第一折

〔卜引旦上〕〔云〕老身姓王。夫主姓張。住在這鳴珂巷內。老身有箇女兒。小名喚做珍奴。年長一十八歲。未曾婚嫁。生的十分清秀。常好修真奉道。每夜焚香拜天。只求得遇神仙。點化他修真證道。全不肯幹覓俺樂人衣飯。昨日有人來說。今日有七八箇儒流秀士。要來俺家閑遊飲酒。〔卜喚旦云〕女兒。你打扮了。等那秀士每來呵。用心彈唱。相待他者。〔旦云〕梅香。安排下妝盒。奴家依妳妳說。去後房添些妝飾。打扮了管待秀士每也。〔下〕〔末打漁鼓簡版引八仙上〕〔云〕羅浮道士誰同流。草衣木食輕諸侯。世間甲子管不得。壺裏乾坤只自由。數着殘碁江月曉。一聲長嘯海天秋。飲餘回首話仙路。遙指白雲天際頭。小生乃呂岩一化。今日邀了七位神仙。鍾離。李岳。韓湘。張果。采和。守一。曹國舅。皆化作秀士。來這鳴珂巷。訪問蟠桃仙女。那孩兒在仙家歲久。必然容易點化他成仙也。〔唱〕

〔仙呂點絳脣〕兩袖風輕。一天雲淨。乘清興。遙降蓬瀛。向人世遊芳徑。〔與衆仙作揖云〕小生好飲的是一杯酒。〔唱〕

〔混江龍〕只爲這酒淘真性。因此上醉高樓三入岳陽城。本是箇鸞臺仙侶。權做箇蠅舍書生。打疊起貝闕珠宮。閑笑傲。又來這錦營花陣。轉輸贏。這裡是紅鄉翠館。不比俺紫府黃庭。恰出了蓬萊方丈。暫來遊月戶雲屏。且不煉金丹玉液。聽一回象板銀箏。收拾了朝天拜斗。準備下待月披星。撇罷了霞餐霧宿。安排着雨約雲情。空閑了白鶴彩鳳。新兒上乳燕嬌鶯。趨離了七真壇院。撞入這百媚門程。火冷了藥爐茶竈。音調着曲譜歌聲。壇遠了踏罡步斗。樂演着鼓瑟吹笙。憑着我神變化。性聰明。心放浪。體伶仃。自嘆咱半生花酒假相親。人都道一襟風月偏相稱。做幾箇儒流秀士。說一回海誓山盟。〔末同衆仙當場扮秀士穿砌科〕〔末云〕來到這鳴珂巷。至張珍奴家吃杯茶。〔做喚科〕

〔旦引梅香上〕〔旦唱〕

〔南越調引子〕〔金蕉葉〕羅幃綉屏。曉鶯啼綠窗睡醒。調合鸞簫鳳笙。出香閨乍晴。〔旦做與末見科〕〔旦云〕敢問八位秀士高姓。〔末云〕小生姓雙。這生姓張。這生姓李。這生姓藍。這生姓徐。這生姓曹。這生姓鍾。這生姓韓。〔旦云〕八位秀士家住何方。因何到此。〔末唱〕

〔油葫蘆〕家住在瑤臺十二層。白玉京。〔旦云〕秀士每是京都人也。〔末唱〕常子是觀清光。朝上國。住天城。俺從來萬言策氣吐虹霓盛。一生心勢與南山並。〔旦云〕秀士每既

有文章呵。因何不進身爲官宦。〔末唱〕我爲甚飄蓬到錦綉鄉。浪遊來花柳營。識得這功名世事皆前定。恰便似黃粱夢。霎然醒。

〔天下樂〕因此上落魄江湖載酒行。來到吳興。看了這山水清。又遇着楚腰纖裊。娜在掌上擎。覷嬌娥比蘇州窈窕娘。念小生比楊州放浪生。贏得箇占青樓薄倖名。〔云〕多聞

大姐清譽。今日相見。果是名不虛傳也。未知大姐曾結婚姻否。〔旦唱〕

〔南越調過曲〕〔山麻客〕聽奴告稟。迎新送舊。居花柳蹊逕。自落風塵。真箇無緒無情。〔末云〕大姐住在鳴珂巷中。所願配偶何人。〔旦唱〕願得似小卿。雙漸百年。一處歡慶。〔梅旦合唱〕只願得好花不謝。好月常圓。好事同成。〔末云〕小生願與大姐相陪數月。未審大姐意下如何。〔旦唱〕

〔前腔換頭〕心肯結此生歡娛境。倚玉偎香。柳媚花明。美景良辰。行樂意同情。今生似鶯鶯。君瑞百年。一處歡慶。〔梅旦合唱〕只願得好花不謝。好月常圓。好事同成。〔衆云〕觀此女子。真是顏色可人。況尊兄又姿質聰俊。正當淑女可配君子也。〔末唱〕〔金盞兒〕你教我結深盟。效真誠。我教他穩乘萬里青霄興。引的他出迷途再不入托空城。成就了百年佳會景。打疊了一世潑風聲。管教似雲中秦弄玉。天上許飛瓊。

〔旦云〕賤妾平生。不喜居在鳴珂巷內。從小時每夜焚香告天。願得仙道。脫離鳴珂巷陌。妾嫌的是迎新送舊。怕的是待客陪賓。〔末唱〕

〔么〕你待要禮三清。謁神明。你待要騎鸞跨鳳同朝聖。怎撇得美紺紺風月所。花撲撲錦前程。〔旦云〕妾若得箇真神仙見面。情愿不覓衣飯也。〔末唱〕我是箇調猿新子弟。統鐃誑書生。你已自入鴉羣休笑黑。你正是吃魚膾却嫌腥。〔旦云〕將酒來。管待秀士每。〔飲酒科〕〔末云〕酒已罄了。小生告回也。〔旦云〕秀士不以敝舍冗雜。願再來一相會。少接高談。〔末唱〕

〔餘音〕假香倚玉心。握雨攜雲興。都引到長生勝境。欲待似阮肇劉晨入武陵。赤緊的泛桃花春水方生。兩留情各敘真誠。共一箇乾風月佳人爲伴等。乍聽了高樓按箏。小窗歌令。休猜做九天風吹下步虛聲。〔末衆下〕〔旦云〕梅香。恰纔這八位秀士。我看他生得不是箇凡人。又且言詞談論中。皆有仙風道韻。飄飄然有出塵之想。俺再等他來時。看他每箇動靜。試將情意相戀。看是如何。〔梅應了〕〔下〕

第二折

〔扮藍采和上〕〔云〕貧道乃仙人藍采和。有洞賓邀貧道來扮作樂官。與同韓湘張果李岳四人。

去湖州張行首家飲酒。要度脫那女子。今日便索去也。〔下〕〔卜旦梅上〕〔云〕老身是張珍奴的親母。自從一月前。我女兒與雙秀士相見之後。每日秀士來俺家飲酒。好生與珍奴相敬相愛。只不肯入馬使錢。今日是雙秀士的生辰貴降。家中安排下酒。等待雙秀士來也。〔末上〕〔唱〕

〔大石調六國朝〕粧奩凝粉。煖帳分春。倚翠袖酒中眠。入紅鄉花下睡。獨占錦排場。媚景良辰。舊約佳期准。芳心猶自忖。不爭我寄傲在春花曉月。相攜着暮雨朝雲。似這般艷色假相合。那裡也清閑真道本。〔做與卜旦見科〕〔說生辰了置酒科〕〔末

云〕小生昨日街上閑行。見了四箇樂工。自山東瀛洲。來到此處打趲覓錢。小生邀他今日到大姐家。慶會小生之生辰。偌早晚尙不見來。〔唱〕

〔歸塞北〕念小生心誠懇。也待學鶯燕強爭春。我若得八位裏安身三品職。管教你五花的官誥七香輪。穩拍拍做夫人。〔旦云〕如此呵。感謝秀士。不忘於貧賤也。〔扮淨同捷譏付末末泥上〕〔相見科〕〔做院本長壽仙獻香添壽〕〔院本上〕〔捷云〕歌聲纔住。〔末泥云〕絲竹暫停。〔淨云〕俺四人佳戲向前。〔付末云〕道甚清才仙樂。〔捷云〕今日雙秀士的生日。您一人要一句添壽的詩。〔捷云〕檜柏青松常四時。〔付末云〕仙鶴仙鹿獻靈芝。〔末泥云〕瑤池金母蟠桃宴。〔付淨云〕都活一千八百歲。〔付末打科〕〔云〕這言語不成文章。再說。〔淨云〕都活二千九百

歲〔付末云〕也不成文章。〔淨云〕有了有了。都活三萬三千三百歲。白了鬚鬚白了眉。〔付末云〕好好。倒是箇壽星。〔捷云〕我問您一人要一件祝壽的物。我有一幅畫兒。上面三箇人兒。兩箇是福祿星君。一箇是南極老兒。〔付末云〕我有一幅畫兒。上面四棵樹兒。兩棵是青松翠柏。兩棵是紫竹靈芝。〔末泥云〕我有一幅畫兒。上面兩般物兒。一箇是送酒黃鶴。一箇是啣花鹿兒。〔淨趨搶云〕我也有有。我有一幅畫兒。上面一箇靶兒。我也不識是甚物。人都道是春畫兒。〔付末打云〕這箇怎的將來獻壽。〔淨云〕我子願得歡會長生。〔淨趨搶云〕俺一人要兩般樂器。一般是絲。一般是竹。與雙秀才添壽者。〔捷云〕我有一管玉笙。有一架銀箏。就有一箇小曲兒添壽。名是醉太平。〔唱〕

〔醉太平〕有一排玉笙。有一架銀箏。將來獻壽鳳鸞鳴。感天仙降庭。玉笙吹出悠然興。銀箏搗得新詞令。都來添壽樂官星。祝千年壽寧。〔末泥云〕我也有。一管龍笛。一張錦瑟。就有一箇曲兒添壽。〔唱〕

〔么〕品龍笛鳳聲。彈錦瑟泉鳴。供筵前添壽老人星。慶千春百齡。瑟呵冰蠶吐出絲明淨。笛呵紫筠調得音相應。我將這龍笛錦瑟賀昇平。飲香醪玉瓶。〔付末云〕我也有一面琵琶。一管紫簫。就有一箇曲兒添壽。〔唱〕

〔么〕撥琵琶韻美。吹簫管音齊。琵琶簫管慶樽席。向筵前奏只。琵琶彈出長生意。紫簫吹得天仙會。都來添壽笑嘻嘻。老人星賀喜。〔淨趨搶云〕小子也有一條絃兒的一箇眼兒的絲竹。就有一箇曲兒添壽。〔唱〕

〔么〕彈綿花的木弓。吹柴草的火筒。這兩般絲竹不相同。是俺付淨色的受用。這木弓彈了綿花呵。一生溫暖衣衾重。這火筒吹着柴草呵。一生飽食憑他用。這兩般不受飢。不受冷。過三冬。比您樂器的有功。〔付末打云〕付淨的巧語能言。〔淨云〕說遍這絲竹管絃。〔付末云〕藍采和手執檀板。〔淨云〕漢鍾離書捧真筌。〔付末云〕鐵拐李忙吹玉管。〔淨云〕白玉蟾舞袖翩翩。〔付末云〕韓湘子生花藏葉。〔淨云〕張果老擊鼓喧闐。〔付末云〕曹國舅高歌大曲。〔淨云〕徐神翁慢撫琴絃。〔付末云〕東方朔學踏焰爨。〔淨云〕呂洞賓掌記詞篇。〔付末云〕總都是神仙作戲。〔淨云〕慶千秋福壽雙全。〔付末云〕問你付淨的扮箇甚色。〔淨云〕哎。哎。哎。我扮箇富樂院裏樂探官員。〔付末收住云〕勢財紅粉高樓酒。都是人間喜樂時。〔末云〕深謝四位伶官。逢場作戲。果然是錦心繡口。弄月嘲風。〔旦云〕奴家卻不愛觀此。但每日焚香告天。願學得長生不老的仙道。所以一年四季。未曾演習。只是家常過遣。奉母安居。〔末云〕大姐家常安居。若到春來。怎生過遣。〔旦云〕請秀士暫聽奴家一言拜稟。〔唱〕

〔南中呂過曲〕〔駐雲飛〕自惜青春。悞落花衢作妓人。絃管相隨趁。花月今生分。喋。無語自凝神。每夜焚香。願脫風塵運。〔末云〕你如何得脫風塵。〔旦梅同和〕因此上雨打梨花深閉門。因此上雨打梨花深閉門。〔末云〕到夏來大姐怎生過遣。〔旦唱〕

〔前腔〕紫陌初晴。濕透鞋兒怎去行。喚唱的相兼併。待客的無寧靜。喋。炎暑午風清。獨宿紗廚。懶把闌干並。〔末云〕你如何不並闌干。〔旦梅同和〕羞見那一樹榴花照眼明。羞見那一樹榴花照眼明。〔末云〕到秋來大姐怎生過遣。〔旦唱〕

〔前腔〕迅指秋深。真箇人生惜寸陰。紅葉霜華沁。碧沼枯荷浸。喋。一曲感奴心。唱得清商。陡覺情懷甚。〔末云〕你的情懷是如何。〔旦梅同和〕一任他飄落黃花滿地金。一任他飄落黃花滿地金。〔末云〕到冬來大姐怎生過遣。〔旦唱〕

〔前腔〕瑞雪輕盈。又是嚴天結厚冰。酒價人多競。絃索寒難定。喋。歲序兩相并。高臥牙床。掩却窗兒靜。〔末云〕你如何掩卻窗兒。〔旦梅同和〕常子是月照梅花夢未成。常子是月照梅花夢未成。〔旦云〕自秀士來到奴家飲酒。一月有餘。恩情眷戀。感惠良多。每日因何朝來暮去。不留一宿。以薦枕席之歡。莫是奴家醜陋。不堪陪奉秀士之貴體也。〔末云〕不是如此說。但凡人的心意相知。何必直待同衾共枕。想你每夜焚香告天。實是要求

甚事〔旦云〕奴家落於此地。實要脫了烟花名字。得遇神仙。學得長生永久。〔末云〕這事也不難。你既有此心。何不去學仙道。〔旦云〕奴家住在這鳴珂巷中。那得神仙到此。來度奴家。〔末云〕小生就與你爲師。教你成仙悟道。你肯麼。〔旦拜謝云〕秀士若知仙道。願教與奴家。〔末唱〕

〔歸塞北〕我見你言詞准。堅意脫凡塵。我欲待受與你九還金鼎論。略談些火候玉樞文。又子怕輕易泄天真。〔旦跪云〕秀士若知仙道。願教與奴家。〔末唱〕

〔卜金錢〕想你在錦陣紅鄉。每日價花嬌春嫩。常子是秦笙歌。攛斷得東君困。憑着你酒解愁。花消悶。常言道佳人有意郎君俊。〔旦云〕奴家怎肯迷戀於花酒之中。伴那郎君子弟。正似嬌鸞。怎肯飛入鴉羣之內。〔末唱〕

〔怨別離〕你道是嬌鸞難入老鴉羣。你也細尋思。索自忖。每日價賣俏求食施胭粉。將那錢是本。怎去駕一片祥雲鶴背穩。〔旦云〕奴家在這風月場中。一世不相留戀。〔末云〕你試聽我說。〔唱〕

〔催花樂〕我將你爲獠妝旦的說原因。但得箇子弟風流。卻又早女娘心順。〔旦云〕奴家不比別人。常笑那子弟勤兒眠花臥柳。不顧身體。〔末唱〕你道是臥柳眠花不顧身。都是您惜玉憐香須證本。〔云〕您這旦色每闌那子弟每呵。〔唱〕

〔淨瓶兒〕珠翠結鋪雲鬢。蘭麝膏點朱唇。千嬌閉月。百媚生春。鴛痕剛四寸。生得來。髻綰巫山一段雲。如月殿嫦娥俊。你怎肯洗鉛華學道。學道入玄門。〔旦云〕奴家情願學仙。似這妓女求食之事。奴家生來不好。今遇秀士。情願學仙。指授妙道。〔末云〕今日小生多飲了幾盃酒了。有的話明日再來說與你知。〔唱〕

〔餘音〕剛道了箇安置施謙遜。意遲遲握手難分。早準備仙術明朝女真問。〔下〕

第三折

〔扮鍾離等七箇仙酸扮上〕〔云〕吾等乃上八位天仙。扮作儒生秀士。又來湖州張行首家。度他同會瑤池也。只有洞賓未到。這裡便是張行首之家。俺且去茶房中坐。等的洞賓來。同到他家去。〔下〕〔卜引旦梅上〕〔旦云〕自從那日聽了雙秀士說他知神仙之道。一去今有一月不來。我想他必是箇神仙顯化。梅香。你將過香卓來。我拜天願見神仙。禱祝延年益壽。〔旦拜焚香科〕

〔唱〕

〔南仙呂入雙調集曲〕〔風雲會四朝元〕〔五馬江兒水〕神仙何處。料得瑤臺天上居。念奴家心懇。思陪仙侶。熱沉檀一縷。〔桂枝香〕誠心告取。〔疊〕〔柳搖金〕只願早遇名師。得步雲衢。鶴馭鸞驂。瓊樓玉宇。〔駐雲飛〕引證得長生處。嘆。憶秀士。

漫嗟吁。〔一江風〕正是一望青雲。想在蓬壺住。〔拜合唱〕誠心仰太虛。焚香悄
聲語。〔朝元令〕仙還念予。長生永壽也須相許。〔疊〕〔卜云〕今日秋氣清高。西風涼
冷。且同繡房去來。〔旦云〕姊妹奴家。再要焚香求仙。也不覺羅衣單薄。〔旦又拜〕〔唱〕

〔前腔〕羅幃秋暮。正值金風到翠梧。望神仙何處。雲隔江浦。把瑤琴倦撫。知
音間阻。〔疊〕無奈胭脂粉慵施。好夢如初。鴈帖魚緘。情懷難訴。寫不盡思仙句。
嗟憶秀士漫嗟咨。正是渭北江東。雲暮春天樹。〔拜合唱〕誠心仰太虛。焚香悄
聲語。仙還念予。長生永壽也須相許。〔疊〕〔梅云〕姐姐。你想那秀士。要他教你神仙。只
恐他不曾去了。不見來。〔旦云〕你不知那秀士。不似常人。生得出塵之姿。你聽我說。〔唱〕

〔前腔〕乾坤清氣。丰標出世姿。念奴家情意。相知深契。早得與同會。須參
至理。〔疊〕只願南極光中。賜福天齊。不老容顏。堅如松檜。永證天仙位。嗟憶
秀士盼佳期。正是方丈蓬萊。怎得音書寄。〔拜合唱〕誠心仰太虛。焚香悄聲語。
仙還念予。長生永壽也須相許。〔疊〕〔旦云〕年光似水。不覺深秋。想着天仙降臨。拈此
名香。〔拜科〕〔唱〕

〔前腔〕長生仙會。丹爐日月遲。正秋空雨霽。山光如翠。望瑤池天際。知音

有幾〔疊〕無奈塵世光陰兔走烏飛。傀儡棚中白駒過隙。已解其中意味。憶秀士盼佳期。正是方丈蓬萊。怎得音書寄〔拜合唱〕誠心仰太虛。焚香悄聲語。仙還念予。長生永壽。也須相許。〔疊〕〔卜云〕女兒前日那秀士也只是來飲酒的。那裡便見他是神仙。他若是神仙呵。你這等思想他。他也來了。〔旦云〕自從奴家見了那秀士。一心要學仙道。他又說省得神仙之道。梅香。你將紙墨筆硯來。我做箇詞兒解悶者。〔梅將硯末了。旦做寫詞科〕〔念云〕逢師許多時。不說些兒箇。安得仍前相對坐。仙景韶光空自過。直到如今相戀我。〔末引七箇秀士上〕〔云〕張行首在家麼。〔卜云〕兀的有人喚門。〔做見科〕〔末云〕你寫甚詞。〔末念了云〕我也做幾句與你。續成一篇全詞。〔念科〕〔云〕道無巧妙。與你方兒一箇。子後午前定息坐。夾脊雙關崑崙過。恁時得氣力思量我。〔旦歡喜拜謝科〕〔末唱〕

〔越調梅花引〕我教你伏白虎青龍無間隔。把姪女嬰兒迤逗來。揮寶劍淨氛埃。立寶鼎要明白。望着西南境界。休誤了這前弦新月色。〔旦跪云〕師傅。再將修行煉丹的道理。教與奴家。〔末唱〕

〔耍三臺〕子要你採得靈苗在。便與他溫存火來。調合了紅鉛白汞。鋪砌了寶鼎丹臺。少不得招木母。喚金公。爲伴客。我教你陰陽順理。八卦安排。先採了一粒兒

黃芽。次賺得明珠離海。〔云〕這金丹消息之功。萬年之壽。〔旦云〕師傅再教與奴家成妙道。〔末唱〕
〔絡絲娘〕若等的春潮到來。把船頭輕輕撥開。你這片時雲工夫。索自裁。配與你箇人兒可愛。〔旦云〕師傅說了這些煉金丹之道。奴家凡胎濁骨。尙不深曉。〔末唱〕

〔么〕紅蓮內是傳真寶臺。乳房裏是修行世界。你想那竹子兒。還將來補竹篩。這是俺煉丹人一家不外。〔云〕我要將玄妙捷徑處教你。有你母親梅香在此。不敢泄漏天機。〔旦云〕妳姊梅香且歸後堂。待妾從容得聞仙方。〔卜梅下〕〔旦云〕有七位秀士在此。〔末云〕無妨。〔旦拜〕

〔唱〕

〔南仙呂入雙調過曲〕〔柳搖金〕金丹玄妙。吾師早教學道不辭勞。聞法似聞天語。聽音似聽海潮。但得箇開迷悟性。金闕任逍遙。愛仙家歲月。長生壽高。香燒寶篆。寶篆香燒。寶篆香燒。稽首願聞仙道。〔末唱〕

〔前腔〕聽吾所告。仙丹匪遙。八卦布週遭。保守的嬰兒壯。相憐的姖女嬌。請得箇黃婆媒合。離坎換中爻。向西南採取。初生藥苗。須調火候。火候須調。火候須調。溫養汞鉛丹竈。〔旦拜唱〕

〔前腔〕汞鉛丹竈。能飛善消。火候最難調。便誘得心猿順。常防他意馬驕。奴

不知金丹修煉。差誤在分毫。把離爻換坎。乾坤怎交。須教採煉。採煉須教。採煉須教。說與洞房玄奧。〔末唱〕

〔前腔〕玄關一竅。先天與交。金木兩相邀。陰汞能飛走。陽鉛會伏調。收拾住頑猿劣馬。不放半分毫。將心如止水。情同九霄。堅牢溫養。溫養堅牢。溫養堅牢。看取寶珠光耀。〔旦拜云〕謝的吾師指示。〔末云〕七位秀士也。當略談仙道。與大姐得聞。〔旦拜云〕七位秀士。怎生也知仙道。〔衆云〕俺應舉不中。相從雙秀士。也曾得聞仙道。〔旦云〕願教奴家。〔衆合唱〕

〔前腔〕仙家同道。修真至高。千歲宴蟠桃。金漏須金補。泥神用土包。參得透這些消息。總是話虛囂。便存神運氣。身心枉勞。金銷石爛。石爛金銷。石爛金銷。空被衆仙譏笑。〔旦拜謝〕〔末云〕我今教你一發吐露玄機。你將紙筆來。我做一詞。名步蟾宮曲。教你早省悟也。〔寫科〕坎離坤兌分子午。須認取自家宗祖。地雷復得山頭雨。要洗濯黃芽出土。捉得金精閉堅固。煉庚申要生龍虎。待他問汝甚人傳。但說道先生姓呂。〔旦拜云〕原來師傅是洞賓呂先生。有眼何曾識好人。今朝得見真仙降。情愿相從學道真。〔末云〕你試聽吾說俺修行的快樂。〔唱〕

〔絡絲娘〕到春來。山花兒簌簌的鬪開。撇黃精採白合。入深雲。登古澗。將擔兒與山童共擡。聽了些囀新鶯。穿嫩柳。暖融融風習習的遲日色。每日價醒時歌。醉後舞。千自由。百自在。倒大來散澹寬懷。

〔么〕到夏來。松陰下枕石眠。坐清泉悠哉樂哉。玩山光。觀水色。喚山童把清茶熱釀。閑來時引會鶴。看會猿。步林壑覓參苓。閑自採。管甚麼今日春。明日秋。龍厮爭虎厮鬪的誰勝誰衰。

〔么〕到秋冬。看丹楓。觀白雪。坐蒲團。將洞門莫開。一任他金風冷。玉露涼。朔風寒。同雲密。瓊瑤細篩。保養的丹爐火暖烘烘地。一陽春似海。愛的是月照那一枝兒梅花影。橫斜的印上窗來。〔旦云〕師傳略坐。待奴家喚母親出來。安排香菓。相待師傅也。〔旦虛下〕〔末云〕此女子已知仙道。待吾回報瑤池。邀請天樂來迎。永成仙道也。〔唱〕

〔餘音〕等的他一年功行將凡心改。吞吐的丹光散彩。那其間引仙樂。降人間。壽如山。福如海。〔末衆皆下〕〔旦上驚科〕〔云〕咳。呂先生要引我成仙。卻怎生都回仙境也。金丹妙法。我已知了。用功一年。必成仙也。〔下〕

第四折

〔扮金母隊子上〕〔云〕梓童是西金母。二十年前差蟠桃仙女。下降人間。去酒色財氣中走一遭。差了仙人呂岩去度脫他。皈依正道。今日是梓童的生辰貴降。邀會衆仙。宴賞蟠桃。兀的紅光紫霧。遠遠而來。必是蟠桃仙女。得成仙道來也。〔末引衆同旦皆仙扮上〕〔唱〕

〔雙調新水令〕瑤池金母宴蟠桃。慶生辰洞天歡樂。笙歌雲外響。仙侶殿前朝。福祿崇高。祝千歲似嵩岳。

〔喬牌兒〕五更明月皎。八仙恰來到。度仙娥服了金丹藥。壽相同天地老。〔做見金母拜科〕〔衆打稽首〕〔旦拜云〕感謝娘娘厚恩。得了金丹。長生不老。永守仙宮也。〔末唱〕

〔月上海棠〕黃芽一粒丹服却。永壽芳容百歲遙。有意望神仙。使得俺神仙指教。成仙了。萬億年常不老。

〔么〕一盃仙酒筵前到。拜首瑤池自歡好。今日宴蟠桃。滿捧着玻璃盞笑。天初曉。聚會羣仙共遠。〔衆進酒做飲酒科〕〔末唱〕

〔十捧鼓〕高擎玉爵。滿斟香醪。雙吹洞簫。一同歡樂。子見那衆星官。星官都到了。祝壽聲高。鑿鑿地鼓兒攪斷好。白鹿黃鶴。獻靈龜道童。高捧着千歲蟠桃。只愿

得良辰美景。美景休閒却。共喜樂。同歡笑。〔旦唱〕

〔么〕金丹服却。永壽逍遙。仙恩難報。地厚天高。有玉女共金童。金童擺列着。綉帶飄飄。把瑤漿玉液安排了。寶盞松醪。直等的壽星和福祿都來到。長生不老。降天真彩輿。彩輿青鸞遶。九天上。聽仙樂。〔末云〕俺八仙皆來到。與金母娘娘祝壽。〔鍾離出本

隊正立唱〕

〔清江引〕南極壽星福祿好。千歲增光耀。瓶斟玉液漿。手捧靈丹藥。漢鍾離獻香祝壽高。〔張果老出唱〕

〔么〕蒼顏雪鬢千歲老。金殿上呈祥兆。爲添永壽來。跨着白驢到。張果老獻香祝壽高。〔藍采和出唱〕

〔么〕筵前踏歌聲韻巧。角帶烏紗帽。袖舞綠羅袍。板撒中天樂。藍采和獻香祝壽高。〔曹國舅出唱〕

〔么〕椒房瑞雲香霧遶。足履長生道。親連萬壽宮。常舉千年罩。曹國舅獻香祝壽高。〔韓湘子出唱〕

〔么〕幻名花一枝常不老。百歲紅香萼。祝延福壽長。顯化神通妙。韓湘子獻香

祝壽高。〔徐神翁出唱〕

〔么〕油葫蘆妙藏千歲寶。有一粒金丹造。啣花白鹿遊。獻果玄猿嘯。徐神翁獻香祝壽高。〔鐵拐李出唱〕

〔么〕長生洞天明月曉。福祿同歡樂。鶴馭凌雲來。飛出蓬萊島。鐵拐李獻香祝壽高。〔末云〕今日瑤池慶會。賞宴蟠桃。又度了仙女至此。參拜了西金母娘娘。萬年歡樂。千秋永壽也。〔金母云〕多謝八位天仙。度得蟠桃仙女。成了仙道。今喚金童玉女。將千歲蟠桃。賜與八位天仙。可令仙樂歌舞一回。〔扮壽星隊毛女上〕〔唱舞〕〔末唱〕

〔沽美酒〕駐芳容千歲保。增喜氣萬年高。玉罄金鐘奏鳳韶。送香風縹緲。半空裏彩霞飄。

〔太平令〕曹國舅高擎竹罩。漢鍾離鬚髻環條。鐵拐李羅衣染皂。韓湘子牡丹鮮耀。藍采和綠袍。徐神翁背背瓢。張園子那老。共呂岩八仙同到。〔金母云〕今日度了蟠桃仙女。又與梓童慶壽了。多謝衆位天仙也。〔末唱〕

〔餘音〕南極星宿生光耀。祝永壽河清岳高。從今後萬萬載永歡娛。千千年共相保。

題目

蟠桃女詩酒得金丹

正名

呂洞賓花月神仙會

四時花月賽嬌容

明周憲王朱有燬

第一折

〔辦司花女上〕〔云〕妾乃掌管四季名花之仙女。在這南園中。如今正三春和煖天氣。園中花木。都待開也。有牡丹仙子邀請了四季名花。來此賞春。兀的牡丹花仙來也。我接牡丹仙去來。〔辦牡丹旦引梅香淨上〕〔牡丹旦云〕妾乃牡丹仙子。即今中原豐稔。天下太平。春和景明。花木榮盛。妾今在南園海棠亭上。安排酒果。聚會衆花仙子。賞春玩景。端的是好韶光也。〔唱〕

〔仙呂點絳脣〕日暖風輕。雨收雲淨。韶光盛。曉露輕盈。迤逗起尋芳興。

〔混江龍〕花枝掩映。綠楊深處。轉流鶯。蜂黃乍褪。蝶粉初凝。看了我綠瘦紅愁。嬌體態。天香國色。俏魂靈。姚家黃。甘草黃。天然美麗。魏家紫。平頭紫。最喜鮮明。玉天仙。海雲紅。名魁內苑。醉春容。檀心鳳。色炫中庭。寶樓臺。粉娥嬌。十分嬌態。賽鞦紅。檀心白。萬斛香英。燦朝霞。早春紅。偏宜曉日。紫金盤。銀稜紫。獨占春晴。素鸞嬌。錦團絲。風前婀娜。玉碗白。霓裳素。月下娉婷。順聖紫。雲葉紅。百般嫵媚。滿園春。丹砂漬。一撮風情。包金紫。錦袍紅。芳容兩好。冠羣芳。紫樓子。密瓣千層。

淺紅嬌。紫雲芳。年年先綻。舞青猊。瑪瑙盞。最後馳名。玉仙粧。玉樓臺。色如溫玉。鶴翎紅。鶴翎白。抖擻疎翎。慶雲紅。九蕊紅。胭脂染就。戎葵紫。多葉紫。霞彩粧成。臨玉砌。靠銀屏。芳翠館。小紅亭。感東皇雨露四時均。在名園游賞多承幸。子俺這妃名古號。王位尊稱。〔做與司花女相見了〕〔司花女云〕牡丹姐姐。邀請花仙。都未到哩。妹子先到此處等。姐姐看春光好是帶人天氣也。〔旦云〕這時分江梅飄落。海棠開謝。正是俺牡丹時景。特地請衆姊妹賞玩春光者。〔唱〕

〔油葫蘆〕只爲這惟有春光不世情。沒揣的寒暑更。如今正園林穀雨弄新晴。將我那擁羅衾曉夢誰驚醒。因此上對粧奩雲鬢纔梳整。閑看那錦鴛向暖水遊。紫燕將舊壘營。我這裡喚梅香斜把雕闌凭。尙兀自睡未足困騰騰。

〔天下樂〕看了這九十日的韶華一半經。這歲序流行不暫停。惜芳容開殘了落絳英。我爲甚向名園會衆仙。列華筵在小亭。我子怕辜負了艷陽三月景。

〔那吒令〕花枝插古瓶。曲闌前露澄。竹梢侵翠屏。綉簾篩日影。香烟裊鳳鼎。綠窗外鳥鳴。賞心正及時。樂事相兼並。正直着養花天雲淡風輕。

〔鵲踏枝〕護花鈴響東丁。芳樹上驚起啼鵲。小池中聒醒鷓鴣。子見他撲刺刺

飛過暖汀。恰便似畫圖兒費盡丹青。〔扮松竹末上〕〔云〕俺便是松大夫竹君子。聞知牡丹

仙聚會衆花仙子。特來此間赴會。〔牡丹旦相見了〕〔旦云〕妹子邀請衆位名花。怎生不見來赴

會呵。〔松竹云〕你請那幾位花仙。〔旦云〕芍藥仙。梅花仙。海棠仙。玉堂春〔春字原無今補〕仙。蓮花仙。桂花

仙。菊花仙。水仙仙。〔仙字原無今補〕〔松竹云〕可知他都肯來赴會哩。如今這時光。江梅成子。海棠落瓣。蓮

花未萌。菊花未秀。玉堂春尙包青蕊。水仙花枝葉枯乾。不是他時候。因此上請不來。〔旦云〕雖不

是他時候。謝的根株都在。到他芳菲的時候若來請。妹子必然也去也。怎生這等也不違時移不

肯來。〔拜科〕〔云〕相煩二位兄長。都去請一請。豈不好。〔松竹云〕妹子少待片時。我都請來。〔松竹

下〕〔司花女云〕姐姐。怎生這好花。都只開的一景兒。〔旦云〕你不知道這天地的造化。榮枯開謝。

更迭有時。你聽我說者。〔唱〕

〔寄生草〕春發的春光盛。秋榮的秋氣清。一番節令榮枯應。四時代謝年華定。

陰陽消長隨天性。只願得園林歲歲雨澤饒。因此上亭臺日日歡遊勝。〔松竹引

八花仙各帶梅香上〕

〔做與牡丹仙相見了〕

〔松竹在中坐〕

〔牡丹旦云〕請各位花仙。依時景

先後次第就坐。第一牡丹仙。第二芍藥仙。第三梅花仙。第四海棠仙。第五玉堂春仙。第六蓮花仙。

第七桂花仙。第八菊花仙。第九水仙仙。〔水仙仙云〕偏我怎生在衆仙的下面坐。似別的花仙。自

孤本元明雜劇

賽嬌容

一一

涵芬樓藏版

古也會聞名。我也讓的他。只那玉堂春。從來無此名。怎敢與我上首坐。〔玉堂春仙云〕俺這裡論一年的時景。開的有先後。列此坐位。你水仙姪妮子。是冬間開的花。誰教你不早開來。〔水仙仙云〕你只好嘴。到冬裏大霜大雪中。那裡顯得你。我又有香。我又不怕冷。那些不如你。〔玉堂春仙云〕你有香。偏我無香。我的香又強如你。〔水仙仙玉堂春仙做爭座相推五六次了〕〔松竹云〕着你兩箇梅香厮打。打的贏了的。他姐姐在上首坐。〔二梅香打科〕〔水仙仙的梅香輸了〕〔就坐了〕〔牡丹旦唱〕

〔六么序〕寒共暖。依時令。榮與悴。各生成。也不索誇俊爭能。便休言雨露恩榮。霜雪侵凌。今古馳名。語話相評。想春蘭秋菊。隨時應。且莫將座位相爭。都一般稟受蒼天命。都一般清香馥馥。都一般素色盈盈。〔海棠仙云〕這姪妮子你笑我無香哩。我雖無香。却有好顏色哩。〔牡丹旦唱〕

〔么〕你如今休矜。莫得相輕。你道是艷色鮮明。體態娉婷。性格胡伶。各賽嬌形。金蕊香馨。玉潔冰清。但到那一景。過開殘落英。那其間悄悄冥冥。那裡也燕燕鶯鶯。柳聖花星。若東皇駕轉芳菲逕。不覺地滿地飄零。子被那金烏玉兔相催併。行見那風和日煖。沒揣地雪壓霜凝。〔松竹云〕今日春光和暖。請衆妹子歡笑飲酒。老

夫行一酒令。要令各仙一人唱一箇清江引。帶曲中唱意。用軀老見意。方免一巡酒。不能者罰酒三杯。〔牡丹云〕我先唱。

〔清江引〕香醪滿斟花在手。手撚花枝嗅。花插鬢邊垂。醉舞羅衫袖。常言道有花方飲酒。〔芍藥唱〕

〔么〕賞花鼓聲笛韻美。飲酒醺醺醉。筵前舞鷓鴣。雲鬢偏珠翠。撲蝴蝶下堦蓮步急。〔梅花唱〕

〔么〕銀箏乍調移玉馬。醉擁香羅帕。琵琶款款彈。象板輕輕撒。折一枝蠟梅顛倒插。〔海棠唱〕

〔么〕簌珠簾玉欄斜自倚。蹴罷鞦韆戲。纖手捧盃深。彩扇揚風細。縷金越羅香汗濕。〔玉堂春唱〕

〔么〕淋漓酒淹衫袖濕。報道金釵墜。玉指掠雲鬟。整頓羅衣袂。看着那五花鬘弄斟數盃。〔蓮花唱〕

〔么〕採蓮舟中齊蕩槳。滿飲瓊花釀。翠鈿貼鬢邊。舞袖春風颺。撥琵琶月明清韻響。〔桂花唱〕

〔么〕咬扇圈半遮羅帕羞。提衣領舒裙皺。擎壺勸一巡。拜舞垂雙袖。醉也斜九分常帶酒。〔菊花唱〕

〔么〕重陽酒斟酬令節。滿把黃花折。舞袖拂西風。箏韻彈秋月。醉歸來小丫鬟扶定者。〔水仙唱〕

〔么〕衆花仙笑談同飲酒。採嫩蕊清香嗅。滿斟待客情。淺跪勞台候。喚梅香唱來齊拍手。〔牡丹旦云〕松哥竹哥。你二人既同此會。敢請也唱一曲。歡笑佐樽。〔松唱〕

〔么〕長松萬年鬚鬢白。老榦蒼龍態。有酒滿斟來。醉倒妨何礙。老人家量如東大海。〔竹唱〕

〔么〕醒時恰如君子形。醉後如癡掙。忙把鳳簫吹。吹出叨叨令。舞婆娑小亭風月清。〔牡丹旦云〕今日筵會衆仙。要笑一回。以慶賞春光。到夏來蓮花仙必爲東道主。索邀請衆仙。〔衆仙起身謝酒科〕〔旦唱〕

〔賺煞尾〕聚會海棠亭。玩賞繁華盛。風日美三春麗景。萬紫千紅百媚生。鬧園林蝶板鶯笙。我將這玉欄凭。聽樓臺象管鸞箏。到處歡娛喜笑聲。盡日價遊人不停。醉倒在花陰柳徑。任揭天般簫鼓樂昇平。〔下〕

第二折

〔旦〕辦蓮花仙引梅香上。〔云〕公子搖執扇。佳人衣絳紗。名園宜夏景。開遍滿池花。妾乃蓮花仙子。今正夏月。是俺蓮花榮茂之時。暑雨初晴。纖塵不動。涼亭水閣。賞玩芳菲。梅香。你去請衆位花仙。一同在此清香閣上納涼宴會。玩賞夏景。便去請來。〔梅下〕〔司花女上〕〔云〕聞知蓮花仙去。請衆花仙去了。妾是司花仙女。只得來此照管。〔做與蓮花旦相見了〕〔司花女云〕天時節令。炎涼易改。又早夏景了也。〔蓮旦云〕不知春色可人。俺夏景亦有堪賞處。〔唱〕

〔中呂粉蝶兒〕藕花風爽透紗窗。梅子雨濕侵羅幌。柳陰籠嫩綠池塘。翠禽飛金魚躍蕩。開波浪十里馨香。子聽得畫船中採蓮人唱。

〔醉春風〕紅象板輕拈。紫檀箏韻響。列金釵十二行。玳筵前將夏景來賞。賞玉杵敲冰。金盤貯果。碧筒斟釀。

〔迎仙客〕看榴花噴火色。折萱草帶金鑲。向名園曉來風日朗。步蒼苔離綉幌。環珮玎璫。開畫閣銀屏晃。〔司花女云〕你請的衆花仙。如何尙不見來。〔蓮旦云〕梅香請去了。敢待來也。〔唱〕

〔紅綉鞋〕蒲泛玉瓊盃滉漾。黍包金綺席芬芳。揀一答綠陰深處有新涼。蛙鳴

如鼓吹。鶯語作笙簧。菱菱供宴饗。〔梅引八花仙上〕〔做相見了〕〔蓮旦云〕梅香安排酒來。

〔梅與司花女擡酒食上〕〔列坐了〕〔蓮旦把盞科〕〔唱〕

〔黃梅雨〕碧霞觴。玻璃盞。輕歌慢調。妙舞霓裳。休辭激灑斟。莫阻慇懃讓。直喫到斗轉星移銀蟾上。潤紗衣。夜露瀼瀼。趁着這風涼氣爽。一任他霞開霧斂。直喫到曙色辰光。〔衆仙旦云〕酒已釀了。俺在園中玩景者。〔蓮旦云〕請衆仙再飲一巡。〔唱〕

〔喜春來〕衆仙皆有江湖量。時節欣逢夏日長。開懷鯨飲待何妨。佳致賞。歡會樂洋洋。〔云〕請衆仙園中玩景者。〔衆起身同行〕〔蓮旦唱〕

〔石榴花〕來到這松陰滿逕遶回廊。堦下長新篁。見龍鱗鳳尾覆宮牆。將迎風的戶敞。寶鼎消香。衆花仙特地來相訪。輕輕的扣着明窗。小山前別是種清高。況喚一聲松竹老在何方。

〔鬪鶴鵲〕子見他勁節風敲。霜枝露養。〔松竹上相見了〕〔松云〕今日衆花仙相會。老夫失約。不曾赴的會。〔蓮旦唱〕他那裡說了多時。着我聽沉了半晌。見了他雪鬢霜髯。一貌蒼。子見那壽祿長。不枉了四季常青。着俺羣花共仰。〔松云〕衆花仙今日暑雨

初乾。南薰送爽。正包金泛玉。蒲黍傳香之會。是繫綵懸菴。艾絲辟毒之時。老夫敢請諸位花仙。若

能音樂。試奏一曲宮商。以解長天之慍。〔蓮旦云〕老兄要聞清樂。俺也各有所能。請一試之。〔喚梅將琵琶箏篋笛上〕〔各旦吹彈一折了〕〔松云〕這樂器中。箏是何人造。起於何代。〔蓮旦云〕這箏有五絃七絃十二絃十三絃的。古人云秦箏。是秦時蒙恬造的。箏的背高象天。底方象地。中間空象六合。絃柱象十二月。多一絃象閏月。今世人用十四絃。不似古人的。聽妾試說者。〔唱〕

〔耍孩兒〕這箏宋承天彈的實高強。曾受銀箏重賞。十三絃內取新腔。韻清和。節按宮商。子將那雲和奏罷。思唐樂。鹿爪彈來憶陸郎。這箏如瑟的規模樣。自秦時製造。至漢魏名揚。〔松云〕這箏是何人造。起於何代。〔蓮旦云〕這箏是秦時人造。古有擊筑之樂。筑似秦古用竹枝。到後世有箏之名。制度又精妙。〔唱〕

〔四煞〕這箏起於秦始皇。傳於唐宋廣。古時有擊筑之樂。聲悲壯。高漸離能擊於燕地。漢高祖能鳴於沛邦。戚夫人皆崇尚。九條絃裏。品定宮商。〔松云〕這琵琶是何人造。起於何代。〔蓮旦云〕這琵琶是胡人馬上之樂。起於漢時。流傳至唐。始皆造妙。有雙鳳金縷大忽雷雲和等樣琵琶。古人鵲絃鐵撥。唐人晉人。皆能琵琶。晉仁祖。唐岐王。曹綱。裴興奴。賀懷智。皆快彈。試聽妾說者。〔唱〕

〔三煞〕這琵琶四絃應四時。匙頭如鳳掌。中空外實乾坤象。雲和鼓罷精神健。

金縷彈來逸興揚。到妙處收心放。他比那箏箏韻急。與琴瑟相彷彿。〔松云〕這笛是何人造。起於何代。〔蓮旦云〕這笛起於上古。伶倫斷嶰谷之竹爲之。後來有五孔六孔雅笛。又有長笛。短笛。七孔笛。雙笛。胡人鸞栗笛。胡笳。今時有頭管笛。龍笛。鳳笛。這笛的名品最多。聽妾說者。

〔唱〕

〔二煞〕這笛伶倫有嶰谷音。師經將律呂講。漢蔡邕五音六律還相倣。胡人有雙吹鸞栗鳴沙漠。教坊有獨善龍笛引鳳凰。玉笛是寧邸的風流況。與笙簧共品。共簫管悠揚。〔松云〕這拍板是何人造。起於何代。〔蓮旦云〕這板是五音之節要。上古周時。板用九板。又有鐵拍板。自唐明皇時。遣黃旛綽造拍板譜。乃於紙上畫兩耳進上。曰但用耳審音調。以節其局。古有九板。今只用六枚板。此音樂中板與鼓是緊要的。〔唱〕

〔一煞〕這板五音樂句中。六枚清韻響。俳優得板能歌唱。九枚的拍鐵傳來古。六扇的紅牙盛自唐。不知音的空悵悵。似筠篁擊節。有金玉鏗鏘。〔云〕今日松哥竹哥。聽了俺衆花仙清新妙樂。有甚相酬。〔松云〕我有凌霜傲雪之姿。萬年長生之資。用分一半。以報慇懃。〔竹云〕我有清風勁節之標。夏玉鳴金之韻。用分一半。少答慇懃。〔牡丹云〕俺衆花仙就辭了松哥竹哥蓮花妹子。回各國中去也。〔蓮旦云〕至深秋九月。重陽之日。必有待於菊花仙。

子也〔唱〕

〔尾聲〕趁着這槐陰午正濃。榴花日正長。托賴着九天雨露根芽旺。願歲歲同來會宴賞〔下〕

第三折

〔菊花仙的梅香先上〕〔云〕我是菊花仙的梅香。今遇深秋之時。各位花仙姐姐。陡覺羅衣單薄。不出深閨。我今喚俺梅香姊妹幾人。耍笑飲酒一回。豈不好〔做喚衆梅上〕〔做飲酒科〕〔一梅云〕請各自說您姐姐的開的時月。生的嬌態是如何。〔一梅云〕我姐姐牡丹仙。開的大如盤。年年三月景。賞玩列華筵。〔一梅云〕我姐姐是芍藥。花頭也不小。誰道春光老。開的花越好。〔一梅云〕我姐姐是江梅。年年雪裏開。萬花先放蕊。賞玩最奪魁。〔一梅云〕我姐姐是海棠。胭脂淺淡粧。清明三月景。歡賞慶春陽。〔一梅云〕我姐姐玉堂春。開時白似銀。香風吹瑞雪。初夏笑忻忻。〔一梅云〕我姐姐蓮花仙。初開夏月天。紅粧臨水面。喜樂醉芳筵。〔一梅云〕我姐姐菊花仙。蕊綻大金錢。香英宜泛酒。益壽更延年。〔一梅云〕我姐姐桂花仙。天香滿內園。紛紛金粟蕊。宴賞九秋天。〔一梅云〕我姐姐是水仙仙。銀臺金盞圓。粧點三冬景。歡賞一千年。〔一梅云〕俺耍笑。唱一箇採茶歌來。〔衆唱帶舞〕

〔采茶歌〕正月裏。賞花賀新年。家家戶戶列華筵。到得春來誇美景。梅花兒滿樹暗香傳。

〔么〕二月裏。賞花天氣和。海棠花下唱新歌。唱得人心歡喜煞。安排酒飲醉顏酡。

〔么〕三月裏。賞花牡丹開。牡丹花有好顏色。蹴罷鞦韆閑戲耍。金盃勸酒樂開懷。

〔么〕四月裏。賞花芍藥紅。鬧花深處飲金鍾。飲得金鍾沉醉了。玉堂春飄過好香風。

〔么〕五月裏。賞花萱草黃。菖蒲角黍泛霞觴。堦下海榴紅似火。輕羅小扇送清涼。

〔么〕六月裏。賞花蓮正開。蓮花蕩裏棹船來。採得蓮花香滿把。紅裙女子笑盈腮。

〔么〕七月裏。賞花梔子香。梔子樹下有陰涼。金鳳戎葵側金盞。鬪開爭放鬧穠穠。

〔么〕八月裏。賞花天氣清。木犀花下酒初醒。萬斛天香金蕊細。西風吹滿鳳凰城。

〔么〕九月裏。賞花寒露天。菊花園裏列華筵。飲得香醪沉醉了。笙歌引至畫堂前。

〔么〕十月裏。賞花賞山茶。寶珠如火耀晴霞。共喜初冬天未冷。紫金盤捧進名花。

〔么〕十一月中水仙開。水邊林下素皚皚。金盞銀臺霜雪裏。朔風時送好香來。

〔么〕十二月間蠟梅芳。山南暖處有清香。踏雪來尋同慶會。一年四季飲瑤觴。〔辦司花女上〕〔云〕你這些潑妮子。都在這裡喫酒。如今花仙每要出來賞秋景。他都不去跟隨。在這裡唱採茶歌。正好打。〔司花亂打散下〕〔菊旦同司花女上〕〔菊旦云〕妾乃菊花仙。今正深秋時景。重陽佳節。喚梅香去請衆位花仙來。賞玩重陽者。〔喚梅上〕〔分付了〕〔梅下〕〔菊旦唱〕

〔正宮端正好〕霜重綠楊凋。雨冷蒼荷脆。喜黃花綻滿東籬。恰便似金錢買得

園林貴粧點的秋容媚。

〔滾綉毬〕滴溜溜紅葉飛。濕津津玉露晞。涼淅淅翠屏風細。碧天邊斜月輝輝。聽啼螿砌下聲。看征鴻雲外歸。恰開了鳳樓前幾枝丹桂。散天香吹入羅幃。我這裡收拾涼枕閑歌扇。裁剪新羅換舞衣。迅指間佳節臨期。〔衆花仙引梅上〕〔衆

云〕如今是暮秋天氣。麝收用權。無射應律。正是菊花仙妹的時景。〔做相見了〕〔菊旦云〕妹子安排筵宴。請衆位姐姐同會名園。只有松竹二老。尚未曾來。再令梅香請去也。〔唱〕

〔倘秀才〕金釵插茱萸露濕。玉盃泛芳英嫩蕊。佳節登高賞玩宜。笙歌聞上界。笑語躡雲梯。恰便似天仙聚會。〔松竹上〕〔相見了〕〔菊旦唱〕

〔滾綉毬〕松呵你龍幹欹。竹呵你鳳尾齊。你都來賞秋光滿懷清致。牡丹根正宜着接換栽培。芍藥叢枝梗摧。水仙芳莖葉肥。海棠花發秋嬌媚。嫩紅苞顆類江梅。如今正遶籬玉露滋黃菊。滿圃金風散木犀。景物稀奇。〔衆花仙坐定飲酒〕〔菊

旦把盞梅唱科了〕〔菊旦唱〕

〔倘秀才〕我這裡高捧着瓊漿玉液。他那裡低唱着梁州第七。儘今日休辭潑盞盃。直喫到明月上方纔教醉扶歸。睡到那日三竿未起。〔松竹云〕衆花仙頗習歌

舞請一試之。〔菊旦云〕俺這舞乃是上界天仙音樂。若歌舞一回。必然驚得西王母降臨也。豈敢輕易便舞。〔松竹云〕未必便有所感。試請歌舞一回。以賞秋光。〔菊旦云〕衆妹妹。您去打扮了來。舞一曲十七喚頭。〔八花仙下〕〔菊旦唱〕

〔脫布衫〕理芳容整頓威儀。束腰肢改換霞衣。百寶粧瓔珞帶起。眞珠砌頭巾款繫。

〔小梁州〕我這裡鼓板忙將曲調催。箏韻相隨。輕敲羯鼓趁低迴。丫鬟輩齊品。鷓鴣笛。

〔么〕合清商入慢含秋意。幾聲歌高遏雲飛。玉體柔。春葱膩。施展那柳腰纖細。必感得王母下瑤池。〔衆花仙上歌舞十七喚頭一折了〕〔松竹云〕多謝厚意。勩勞衆仙清歌妙舞。果是人間罕有也。〔牡丹仙云〕俺辭了菊花妹子。各歸本園去也。撚指又是三冬。松竹凌寒之時。水仙傲雪之候。必無失約。俺衆花仙當來同賞玩也。〔菊旦唱〕

〔尾聲〕陶淵明滿把多風味。南陽水延年養壽宜。松竹下凌寒雪月棲。花本迎春日月遲。荷芰薰風暑雨催。梅萼逢冬始占魁。都一般芽茁根盤在膏地。各等得四季時來恰榮美。〔下〕〔扮西王母隊子上〕〔王母云〕昨來忽聞中州苑囿有仙隊歌聲。梓

童差人喚司花女問他。今尙未來哩。〔司花女上〕〔王母云〕夜來深秋景物。園苑霜寒。西風萬里。天氣澄清。我聞下界中州之苑。忽有仙音直上。遏住行雲。不知是何方遊戲於園中。〔司花女云〕上告娘娘。昨日是重陽之節。有菊花仙請衆位花仙。賞重陽之景。清歌妙舞。以樂芳時。〔王母云〕梓童常聞中州花木。四時景盛。榮茂芳菲。甚有可觀。等待深冬。梅花綻蕊。水仙成花之時。必索到下方各園賞玩一遭去也。〔下〕

第四折

〔梅花旦水仙旦皆引梅上〕〔雙唱〕

〔雙調新水令〕看花須賞種花人。幻春光暮冬時分。梅苞丹萼小。金炫玉臺新。每歲慇懃。澆灌得不辭困。〔水仙云〕俺雖能凌霜傲雪。冬日芳菲。却也虧了種花的人。此原不比南方天時和暖。古人云。江南三尺雪。人道十年無。這中原天氣十分冷。冰厚三尺。非一日之寒也。〔梅旦云〕妹子說的正是。多虧了種花人。〔雙唱〕

〔駐馬聽〕想着那臘雪紛紛。布幙簾幃防護緊。嚴風陣陣。雕闌步障擁遮頻。中原風土異南閩。一番寒重冰千仞。雖是俺開在暮冬晨。必資人力把天工盡。〔梅旦云〕何處一派天樂之聲。〔水仙旦聽科〕〔云〕這天樂自西而來。俺秋間歌舞時曾說。恐怕西

金母娘娘聞知。必來問候。梅香快去請司花女。松竹二老。衆花仙。來此伺候。〔梅下〕〔王母隊子上〕〔擺定〕〔王母云〕前者秋間。我聞下方天仙之樂。今遇冬時。知你早梅破臘。水仙含香。特來賞玩冬景。我已令仙旨。說與滕六降瑞。巽二驅風。看你二仙。風雪之中。各呈芳態。〔衆花仙司花女松竹同上〕〔參拜了〕〔梅旦云〕今冬天色晴明。二麥地乾。百花根早乾謝。孃孃到此。便降國家祥瑞。這般大雪。豈不賞玩。便令梅香置酒張筵。以奉娘娘歡樂。〔玉堂春旦云〕上告孃孃。不要下雪罷。妾怕冷。〔水仙旦云〕你春間好嘴。這早晚却怕了。〔玉堂春云〕我到這時節。讓你上首坐罷。〔松竹云〕也還喚梅香來厮打。打的贏的。他姐姐上首坐。就與娘娘歡笑看。〔玉堂春云〕不厮打罷。我願情下首坐。〔二梅香上〕〔做打科〕〔玉堂春的梅香云〕甚麼光景。凍出額來。厮打不成。我走了罷。〔下〕〔梅旦水仙旦雙唱〕

〔喬牌兒〕一年寒暑。榮悴有時分。勸君莫嘆興衰運。到時來百事欣。〔梅捧酒食上〕〔擺定了〕〔梅旦水仙旦把盞〕〔唱〕

〔鴈兒落〕盃傾臘酒醇。果擘香橙嫩。華筵玳瑁排。寶鼎沉檀韻。〔動樂科〕〔唱〕

〔得勝令〕仙樂響青雲。仙苑會佳賓。瑞雪明如月。天花白似銀。翠竹裏紛紛亂。繡珠璣饌。鴛瓦上鱗鱗。高堆玉屑塵。〔王母云〕今日梓童來賞梅花水仙。衆位仙子。可歌舞

一曲天魔音樂。以佐芳樽。〔梅花仙水仙仙云〕衆位仙子便舞着。服侍娘娘。〔衆花仙下〕〔舞科〕

〔梅花仙水仙仙唱〕

〔沽美酒〕早梅呈百和薰。水仙發麝檀噴。香滿園林奉上眞。與凡花不羣。傲霜雪先陽春。

〔太平令〕有仙府淩波風韻。有孤山弄玉精神。也曾有林逋親近。也曾有浩然尋問。黃山谷詠文細陳。與江梅作仲昆。這的是自古高人評論。〔七花仙上〕〔唱舞天魔隊曲一折了〕〔王母云〕看了衆仙這舞。十分清致。梓童將着數顆蟠桃。就分與松竹二老。

衆位花仙喫用。〔衆拜謝〕〔衆唱〕

〔川撥棹〕俺這裡笑顏忻。謝孃孃眷愛恩。鸞鸞祥雲。瑞氣氤氳。鳳輦香輪。綵扇繽紛。有仙童捧着綉綉。仙鶴舞。仙鹿馴。〔梅花仙水仙仙云〕正下着大雪。一時間雲開雪霽。日色和暖了。〔衆唱〕

〔七弟兄〕忽見那雪晴雲斂。暖如春。一時間更變陰陽順。日光和氣遍乾坤。神明造化眞堪信。〔王母云〕松竹二老。同衆花仙女。聽我賜與芳名福壽。〔衆花仙松竹跪〕〔王母念云〕青松千古健。綠竹萬年長。牡丹天下貴。封號作花王。芍藥爲卿相。四月殿羣芳。梅花高尚

士冬景散清香。海棠神仙種。艷麗出紅粧。玉堂春似玉。香色總高強。瑞蓮君子操。清潔守池塘。菊花真隱逸。榮盛向重陽。丹桂天仙侶。植向月中央。水仙真烈女。冬月傲風霜。名園爲主者。陰陽百年長。長養有生意。栽種得名方。四時常玩賞。千載永安康。〔衆仙唱〕

〔梅花酒〕俺這裡謝尊仙福壽長允。賜號諄諄。品藻停勻。誇美真純。花艷冶。增萬分。稱譽美。有精神。有精神。四時春。四時春。雨澤均。雨澤均。潤芳根。潤芳根。茁芽伸。茁芽伸。作花新。作花新。賞筵頻。賞筵頻。鼓笛聞。鼓笛聞。間箏簫。間箏簫。舞紅裙。舞紅裙。樂忻忻。

〔收江南〕喜四時花下列芳樽。看年年賞玩鬪奇珍。主人家歡樂壽千春。飲壽酒幾巡。長生福祿慶金門。〔王母云〕俺賞罷花也。但年年花木榮盛之時。梓童必來賞花。你衆花仙喫了蟠桃仙果。從今長生不老。年年顏色增添旺盛。與松竹共同悠久也。〔衆仙拜謝了〕

〔唱〕

〔鴛鴦尾聲〕感孃孃賜與天仙分。宴蟠桃永得容顏嫩。笑臉生春。百福來臻。唱道這仙分仙緣。成全是准。普天下昇平。受快樂。逢時運。風俗和淳。富貴千秋萬年穩。

題目

牡丹艷色賞春工
松竹高標傲朔風

正名

千秋太平誇美景
四時花月賽嬌容

南極星度脫海棠仙

明周憲王朱有燉

第一折

〔辨四淨調軀老同上〕〔各題名字〕〔淨云〕我是李李丁花。〔淨云〕我是股子花。〔淨云〕我是禿妮子花。〔淨云〕我是蓼子花。俺四箇是這太行山海棠嶺上野花精怪。如今春暖。花兒待開也。這嶺上有海棠花精。生得大有顏色。又嬌媚。名是海棠仙。他雖是有顏色。生在這荒山野嶺。有誰來賞玩他。每日多受些風吹日曬。想俺四箇姊妹。生的這般醜陋。又無顏色。又禿又不嬌媚。等見海棠仙時。問他討些顏色。粧辦的風流嬌嬌媚媚的。却不好。〔衆淨云〕你也說的是。俺便尋他去來。

〔下〕〔正旦艷粧上〕〔念詞云〕〔西江月〕日暖風和天氣。晨光曙色輝輝。滿林聽得曉鶯啼。喚醒一場春睡。正值嬌羞無力。那堪花露輕微。慳慳慵困起來遲。爲問海棠開未。〔云〕妾乃海棠花精。今值東皇臨馭。青帝司辰。日暖風和。山林春透。賤妾所居荒嶺之上。伴着的是野草閑花。玩着的是清宵明月。被山禽啼樹。與宿鳥翻枝。有樵夫砍折枝梢。無達士賞吟嬌艷。端的是荒靜也呵。

〔唱〕

〔仙呂點絳脣〕生在這峻嶺高崖。枉被那樵夫攀採。又無箇高人愛。花落花開。

憔悴了胭脂色。

〔混江龍〕看了我嬌羞體態。這的是海棠魂托化把俏形骸。那裡也綠窗睡起。宿酒醒來。看了這高祖祠前千樹發。抵多少沉香亭北數枝開。見如今霜欺雪壓。霧鎖雲埋。野禽作伴。荒草同儕。那裡有鳳樓前遮護的玉闌干。玳筵中賞玩的金釵客。空生得千嬌百媚。到不得內苑花臺。〔四淨上〕〔做相見了〕〔發譚了〕〔旦問

云〕您這些野草閑花來此何幹。〔淨云〕姐姐試猜者。〔旦唱〕

〔油葫蘆〕甚風兒吹你箇閑花到此來。我試猜。莫不是放牛的作踐了舊根荑。

〔淨云〕不是。姐姐猜不着。〔旦唱〕莫不是被春光迤逗的您心情害。因此上爲尋春。將俺山溪幕。〔四淨跪下告云〕上告姐姐得知。俺四箇生的醜。怎生與些顏色。粧辦的可喜着。只與俺

半面容也罷了。〔旦唱〕乞求俺半面容。添與您傾國色。〔將脂粉都抹搽四淨半面了〕〔唱〕

我子將胭脂膩粉粧他嬌態。子怕他骨格裏有塵埃。〔四淨調軀老了〕〔旦云〕好醜也。

〔唱〕

〔天下樂〕恰便似木伴哥姨姨抹着頰腮。被我裁劃笑滿懷。您只合依本分。畫葫蘆。不要改。這的是天生的材貌美。強施爲越看的歹。勸你箇四姐姐休分外。

〔淨云〕俺特地來求你些顏色。你抹俺半臉紅粉。又笑話俺。更待干罷。〔做揪扯旦科〕〔旦唱〕

〔那吒令〕你看他十分地不材。將我來前推後採。你看他四箇人莽來。將我來胡揪亂摔。他那裡諸般的擘劃。謊的我無言落色。也是我晦氣多。撞着這強妖怪。子是我命拙時乖。〔辦北山神上〕〔云〕小聖來此遊春玩景。正見這嶺上海棠花精。被這四箇野花妖怪。揪擣扯拽。小鬼將這四箇野花妖怪。推下澗去。〔四淨云〕你是山神。誰怕你。〔淨齊上放倒山神科〕〔做四箇小鬼上〕〔將四淨打倒拖下〕〔山神云〕善哉善哉。此山有這等嬌艷名花。生於荒野之處。乃是小聖失於點檢。娘子。你且回家去。小聖上稟西池金母。必然不着沉埋了你箇名花絕色也。〔旦拜謝了〕〔唱〕

〔寄生草〕謝上聖將妾來離了山谷。拔出草萊。似這等提撕委實恩波大。我這裡嬌羞斂衽深深拜。子我這芳容喜得遭通泰。若得在瑤池金母面前栽。煞強如荒村野婦頭中戴。

〔賺尾〕從今後嬌艷不沉埋。美貌知無賽。更沒箇醜婦狂夫妬色。子向那內苑仙班隊裏排。嬌滴滴越顯的紅白。樂心懷。也不愁雨打風篩。慶賞在瑤池百事諧。倒得箇悠哉樂哉。住在那長生境界。遙望着五雲深處是蓬萊。〔下〕

第二折

〔辨南極星上〕〔云〕吾乃南極老人之星。今有西池金母。來說下方中原。太行山陽。漢高廟海棠嶺上。有海棠萬樹。化成精靈。紫氣冲霄。合有仙分。請吾下界。化成老人。度脫海棠精。成仙證道。須索下方走一遭。〔下〕〔辨西池金母上〕〔云〕梓童乃瑤池金母。掌管天下女仙。昨來下方中原太行山北山神來說。海棠嶺漢高廟。有萬樹海棠。每遇春時。滿山如錦。因此結成精靈。十分標致。嬌艷盈目。不比尋常花美女。合得仙道。但恨野草閑花。山禽雜鳥。冷霧寒煙。牧童樵子。伴蟠作踐。汙穢嬌姿。埋沒了芳容。蕭疎了賞玩。求告梓童。度脫海棠花精。成仙證道。來赴瑤池。求成仙眷。梓童請了南極老人星。來與他假作配偶。東華木公。來與他駐顏添福。梓童乃化一神媒。與他說合。必然度脫了海棠精。得成仙道也。〔下〕〔正旦上〕〔云〕妾乃海棠仙。如今正遇三春清明時節。天氣融和。喚出梅香笑靨兒來。我同他前村裏遊春玩景。走一遭。〔做喚科〕〔小旦上〕〔唱云〕笑靨兒生得可喜。見了奴呵。衆人都喜。伏侍的海棠姐姐。心中喜。管教他滿面兒都歡喜。〔做相見科〕〔旦云〕我同你去前村遊春玩景者。〔小旦云〕出的這山來。是好春景呵。〔旦唱〕

〔越調鬪鶴鶩〕我子見麗日遲遲。香風習習。蝶翅翩翩。鶯聲嚶嚶。車馬如雲。遊人似蟻。花徑中柳影裏。高聳聳院後青山。響潺潺門前綠水。〔喚梅香科〕〔唱〕

〔紫花兒序〕你看那花塢內銜泥紫燕。碧波中戲水鴛鴦。晴沙上向暖鷗鷺。更有那雙雙玉鷺。對對金鷄。我這裡徘徊。想這箇禽鳥兒。春心也不自持。他都待成雙作配。何況名花。寂寞了芳菲。〔金母辦神媒上〕〔云〕老身乃是神媒。專一匹配夫妻。今日出來遊春。撞見的成就了于飛。〔做與旦相見了〕〔旦云〕妳妳。你是甚麼人。〔金母云〕老身是箇神媒。〔金母背身云〕早尋見這精怪了。〔旦云〕妳妳。怎地喚做神媒。〔金母云〕老身說媒呵。說的南山嫁與北山。東溪嫁與西溪。只爲我說的如神。人喚我做神媒。〔旦云〕妳妳。你試與我說箇媒。看說的成麼。〔金母云〕老身正要與人說頭親事。如今西村有箇彭員外。他一心待尋箇花姐姐。你肯時。我引你去來。〔旦云〕那彭員外多少年紀。〔金母云〕年紀正青春哩。恰纔八百歲了。〔旦云〕年紀老了。我不嫁他。〔金母云〕大姐。你好不精細。他是箇員外。家中大財主。你嫁了他。便似上天堂。快樂不盡。〔旦笑云〕你教我嫁了他。做壽星供養。〔金母云〕你休要笑。跟我去走一遭。〔同虛下〕〔南極老人星辦員外上〕〔云〕老夫姓彭名錢鏗。前日央及神媒金媽媽。與我尋箇花姐姐。到今還不見來呵。〔金母同旦小旦上〕〔小旦云〕姐姐。前面有條大河。如何過得去。〔金母云〕有船渡你。〔旦云〕妳妳。這河是甚麼河。〔金母云〕是弱水。〔做喚船及上船科〕〔旦唱〕

〔金蕉葉〕我到這弱水上。波翻浪急。渡我到西村那壁。〔辦四花淨上〕〔云〕俺直趕

到這裡。纔趕上他。〔旦唱〕猛回頭觀瞻了岸北。却還是野花妖尋來到這裡。〔云〕妳妳。

兀的四箇醜婦。在岸東北哩。〔金母云〕不妨。這河是弱水。放一根翎毛也沉下去了。他每過不來。〔旦云〕有這船。只恐渡過他來。〔金母云〕這船是我家的。我有法。因此船也不沉。我這船名法船。你放心。只顧走。〔四淨做將水軀老被水沉下上岸科〕〔淨云〕說這水無氣力過不去。俺回去也。

〔下〕〔旦唱〕

〔小桃紅〕神清氣爽到河西。春暖香風細。不似俺山中冷田地。百花奇。靈芝瑞。諸般異。見雲霞影飛。鸞鶴舞戲。盡都是金色映玻璃。〔金母云〕兀的到彭員外宅了。

〔旦云〕前面又一箇大池塘。怎生這三月裏。又早蓮花開了。〔金母云〕這蓮花名是春蓮。春月早開了。〔旦唱〕

〔調笑令〕我恰纔聽。只好教我笑微微。這員外莫不是仙翁。住在這裡。我欲待明白審問。知箇端的。又子怕泄漏了天機。我子粧癡似啞。來到宅內。不辯虛實。

〔旦與南極相見了〕〔南極云〕是好箇女子也。〔念詞云〕〔鷓鴣天〕霧鬢雪鬢玉雪肌。眼波眉黛六銖衣。海棠顏色江梅韻。花裏神仙品藻宜。春筍嫩。玉鞭齊。金蓮三寸步輕移。若教去作陽臺夢。逗引襄王不肯歸。〔旦拜謝云〕謝的員外過於稱獎。〔南極云〕敢問小娘子家住何處。有婚無婚。

〔旦唱〕

〔禿厮兒〕念妾身在荒山風吹日炙。每日價伴殘星曉月孤棲。幾曾有連枝比翼成配匹。因此上空蹙損遠山眉。誰知。

〔聖藥王〕常子是耽病疾。長嘆息。爲傷春寬掩過越羅衣。怕見他鶯亂啼。燕銜泥。一雙蝴蝶兒。鬪高飛。那一夜不感嘆。不傷悲。〔金母云〕大姐家內無人呵。何不與老

員外成親。〔旦云〕妾身年紀方纔二十歲。員外年過八百歲。怎成配對。〔金母云〕不妨。這彭員外年紀雖多。他心力尙未衰老。見在家中。取了八十二箇婆婆。老員外名是鑊鏗。他是箇錢的坑兒哩。〔旦云〕妾身索他些聘禮。若都有時。便嫁他。〔南極云〕小娘子但說的。老夫都辦來。〔旦唱〕

〔黃薔薇〕我要的龍鬚布完全百疋。蝦鬚簾高捲十圍。夜明珠鸞膠鳳髓。溫涼盞瓊漿玉液。

〔慶元貞〕我要那珊瑚瑪瑙碧玻璃。象牙琥珀玉門扉。鮫綃寶帳翠屏幃。稀奇百件齊。我再要西金母說良媒。〔南極云〕小娘子要的都有。選箇良辰吉日。老夫請我東鄰

長兄木太公來取也。神媒金媽媽。還送小娘子回去着。〔旦云〕好奇怪也。〔唱〕

〔尾聲〕我索的千般寶物皆容易。莫不是慣虛詐。言詞不實。且向那海棠嶺等

十朝。漢高祠待幾日。〔下〕

第三折

〔辦東華木公上〕〔云〕吾乃東華木公。今有南極老人星。要度脫海棠花精。成仙證道。來請吾爲東道主。今吾勅令風伯收風。雨師斂雨。羲和布暖。勾芒逐寒。作成養花天氣。吾乃命駕青陽之車。廣載龍宮之寶。直至瑤池去也。〔做喚四神上〕〔木公分付科〕〔皆下〕〔正旦同小旦上〕〔旦云〕前日遊春去。撞見箇說媒的媽媽。引我到箇老員外家。胡說亂道。要取我。我索他財禮。諸般世無的寶物。料着他那裡有偌多。必然取不成。今日却怎生一雙喜鵲。在這海棠枝上噪。〔梅云〕姐姐頭上又一箇喜蛛兒。〔旦云〕敢是那下財禮的來也。若寶物不全。我一世不嫁他。〔唱〕

〔正宮端正好〕猛聽的靈鵲兒噪芳枝。又見箇喜蛛兒垂雲鬢。我尙兀自困朦騰。睡損羅裙。喚梅香倚定粧臺問。這早晚春日高時分。〔梅云〕姐姐怎生不打扮者。

〔旦唱〕

〔滾綉毬〕子我這粉腮黃懶去勻。將胭脂懶駐唇。怎發付俺滿懷愁悶。在荒村埋沒了幾度芳春。每日價奏笙歌不得聞。賞音人不得親。見了些野猿啼落紅成陣。甚的是比楊妃睡足精神。我這裡看殘暮雨荒山景。只落得飲盡田家老

瓦盆。每日價麋鹿同羣。

〔倘秀才〕前日箇那老兒說俺做親。〔云〕他年八百歲。我年二十歲。〔唱〕思量來敢不是箇對門。我欲待把他做狂言不認真。他却又許財禮說的話驚人。倒有些箇喬議論。〔木公辦長者金母辦神媒領寶物車財禮同鼓樂上一折了〕〔旦唱〕

〔醉太平〕子聽的鼓笛聲滿村。財禮物盈門。車裝寶物賸金銀。我子道作耍來當真。龍鬚織布多風韻。鸞膠鳳髓偏滋潤。蝦鬚簾隔世間塵。我也索自忖。〔木公云〕將財禮交了。一一地數與你。不會少一件。〔做與金母數科〕〔旦唱〕

〔脫布衫〕夜明珠百顆停勻。溫涼盞白玉璘珣。鮫綃帳輕籠素粉。琥珀枕照人光暈。

〔小梁州〕更有這寶鴨金爐百和焚。翡翠紛。更有這玻璃瑪瑙鬪奇珍。天香噴。桃核大如盆。

〔么〕醍醐沆瀣清光嫩。列珍羞按酒是麒麟。暖日明。和風順。我向那尊前跪拜。稽首謝東君。〔木公金母云〕財禮交了也。請娘子上車去來。〔旦云〕我當初說金母做媒人。如何無金母。〔金母忙改辦了〕〔云〕你看金媽媽是誰。〔旦拜云〕賤妾省悟了也。原來都是上界天仙。

呵。這做神媒的是金母娘娘。〔唱〕

〔尾聲〕步香塵。款把鞋兒印。上車輦。輕將綉幙分。趁着這萬里天風。駕綵輪。遠望瑤池在碧雲。都是我肉眼愚眉不識人。險些兒打脫了姻緣。誤却身。今日箇度脫得嬌容萬載春。得共神仙笑語欣。稱意歡心那時分。將我這受過的淒涼。都證了本。〔下〕

第四折

〔辦南極星隊子上〕〔南極云〕如今度脫海棠花精。來成仙道。須喚六丁神將。前去海棠嶺上。移得那海棠花。瑤池仙苑栽。六丁何在。〔辦六丁神將上〕〔云云〕就下。〔南極云〕偌早晚尙不見木公金母引海棠仙來呵。〔木公金母引旦上〕〔唱〕

〔雙調新水令〕若不是南極星。度脫海棠嬌。怎顯的嬌滴滴玉容花貌。晴霞飛五彩。天樂振琅璈。萬里青霄。望瑤池恰來到。

〔喬牌兒〕九重龍鳳閣。紫霧紅光罩。向南極拜罷恩難報。今日箇赴仙宮實是好。〔南極云〕今日木公金母與海棠仙同至瑤池。當初吾化作彭員外。度了他。今就領在瑤池。同受快樂也。吾令六丁神將。去下方海棠嶺。移的海棠花來瑤池上栽。今尙未來也。〔六丁神將移海

棠樹一了放定了。〔金母云〕將的六箇蟠桃來。賞了六丁神將。教他先回去。〔仙女捧蟠桃上〕
〔與神將了〕〔下〕〔旦唱〕

〔鴈兒落〕當日箇東華公財禮交。西金母爲媒妁。北山神擁護勤。南極老舒光耀。

〔得勝令〕當日箇匹配做鳳鸞巢。今日箇侍奉着宴蟠桃。相伴的天仙侶。閑吹着碧玉簫。逍遙穩受用天宮樂。清高聽仙音奏鳳韶。〔辦北山神上〕〔云〕小聖是北山神。聞知上界天仙。差六丁神將到山中移取海棠。今就跟來。參見三位天仙。就與海棠仙相慶賀。
〔做相見了〕〔旦拜〕〔唱〕

〔水仙子〕想當時逢着野花妖。揪摔的芳容憔悴倒。多謝你北山神。救護恩難報。又來告娘娘度脫了。到如今內園中移種根苗。居住在蘭堂畫閣。戴的是珠冠翠翹。端的是無福也難消。〔金母云〕安排筵宴。來賞海棠花。〔做擡卓酒果上〕〔擺定〕〔旦捧盞〕〔唱〕

〔川撥棹〕我這裡捧香醪。玉盃盤光皎皎。酒進蒲萄。色映宮袍。檀板輕敲。看舞纖腰。有仙童引着瑞鶴。長鳴罷。徹雲霄。

〔七弟兄〕賞着玩着。海棠嬌。春光開遍紅香萼。胭脂點染紫霞綃。錦屏遮護傾城貌。〔金母云〕仙童將蟠桃來。將紅錦蛟鮪來。賞海棠。〔仙童捧蟠桃并紅錦蛟鮪上〕〔遞與金母〕

〔先賞海棠花揷定了〕〔又將大錦一段賞海棠仙科〕〔旦拜謝〕〔唱〕

〔梅花酒〕我這裡斂花容拜謝了。端的是無福難消。施逞着百媚千嬌。賞與了紅錦蛟鮪。粧點の色艷濃。打扮的越妖嬈。實是好。實是好。逞清標。逞清標。向春朝。向春朝。雨澤饒。雨澤饒。地肥膏。地肥膏。長新條。長新條。接雲霄。

〔收江南〕呀。安排與彩鳳做窩巢。賞芳容每歲宴蟠桃。將俺海棠顏色不輕拋。擡舉的似寶。只願的年年雨順又風調。〔南極念云〕世有名花萬種。海棠顏色新鮮。可惜深山埋沒。多經冷霧寒煙。野鳥野禽伴宿。山花蔓草榮牽。我今移來仙地。嬌姿百媚芳妍。度得成

仙證道。賜伊福壽千年。〔旦拜謝了〕〔唱〕

〔鴛鴦尾聲〕賜長生永遠同歡笑。施呈我傾城傾國如花貌。根地堅牢。心下量度。唱道這一段姻緣。非同是小。仙眷內題名。儘受用仙家樂。萬古名高。賞玩在瑤池世不老。


題目

西金母匹配好姻緣

北山神驅逐野妖纏

正名 東木公幻成希世寶 南極星度脫海棠仙

于小谷本丁巳壬正月二十二日校清常道人



黃廷道夜走流星馬

明黃元吉

第一折

〔冲末房玄齡上〕「云」一片忠心貫日月。兩條眉鎖廟堂臣。虔心至意施公正。報答皇王爵祿恩。小官房玄齡是也。今太宗卽位。四海晏然。八方寧息。千邦納進。萬國來朝。端的是一人有慶。兆民賴之。方今寰區一統。都來進貢。惟有沙漠野驢萬戶。不來進貢。他倚仗着人強馬壯。他有一匹馬。背駝三將。入水如踏平地。日行千里。流星馬。此乃是無敵之騎。聖人着小官傳與李道宗。便着差能言舌辯。通曉沙漠人言說語。你可去說將這疋馬來。若來時。重重加官賜賞。若無人去呵。便着李道宗自去。若有人去。便來回話。忙傳勅旨。叩金塔。索喚差撥梁棟材。用言說話流星馬。你與我便催進貢。赴京來。〔下〕〔外扮李道宗正旦扮卜兒領小末尼祇候上開〕王法條條誅濫官。刑名款款理無端。爲官清正天心喜。作宰爲臣民意歡。老夫姓李名喚是道宗。父承閥閱。祖受簪纓。今謝聖恩可憐。封幽州都總管之職。嫡親的四口兒家屬。老夫人楊氏。孩兒喚做昇平。幸得武舉狀元及第。有一女子。喚做滿堂嬌。招一婿姓黃。雙名廷道。此人有經綸濟世之才。補完天地之手。深通六國之語。能寫他邦番字。此人不在蘇張之下。老夫早間有房玄齡傳勅旨。與老夫說。有沙漠

野驢萬戶。他有一疋日行千里流星馬。聖人的命。着老夫差一員足智多謀。深通六國語的人。說這疋馬去。有那馬呵。封官賜賞。若無這馬呵。着落老夫身上。要成這樁大事。夫人。想老夫幼年。間苦征惡戰。相持廝殺。那等英雄。如今老夫年邁。將往日英雄。一筆都勾。今日成何濟。〔正旦云〕老相公雖幼年。間苦征惡戰。若非往日成功效力。赤心報國。豈有今日榮顯也呵。〔唱〕

〔仙呂點絳脣〕憑着你智運機籌。氣冲牛斗。將那邊關守。端的是鎮壓諸侯。受了些惡戰討。雄爭鬪。

〔混江龍〕今日箇掃清宇宙。戰場中征塵土雨一時休。端的是濃噴熱血建功時。亂摔人頭。你將那三略六韜憑戰策。端的是千軍萬馬逞驍驍。今日箇八方四海可也賀昇平。纔能穀乾坤一統江山秀。今日箇有榮有貴。端的可也無慮無憂。〔道宗云〕夫人。想老夫幼年。間常施英雄之心。苦戰惡敵之意。我旗開得勝。馬到功成。如今老夫蒼顏皓首。鬢髮斑白。今日成何用也呵。〔正旦云〕老相公。端的是韶光似箭。催人老。日月如梭。趨少年。信有之也呵。〔唱〕

〔油葫蘆〕端的是人到中年萬事休。想幼年。間武藝熟。見如今。眼昏猶識陣雲愁。則他這人。年過半百精神驟。常言道。月過十五還依舊。憑着你經綸般濟世。

才補完的天地手。你可便逞英雄施勇猛。將敵軍鬪博一箇青史把名留。

〔天下樂〕則他這萬古清風播九秋。想肥馬輕裘。享富貴天祿修。則要那盡忠心報國志堅意久。向麒麟圖畫中。入凌烟閣上有。這的是男兒漢得志秋。〔道宗云〕夫人。聖人的命。着我舉保箇能言舌辯。足智多謀的人。去沙漠取索這千里流星馬。可着誰去的是。〔小末尼云〕父親在上。想用人之際。正好赤心報國。方顯忠良。要一箇能言舌辯。足智多謀的人。我想來別人也去不的。則除是姐夫黃廷道。他有神鬼不測之機。辨風知勝敗謀略之意。通沙漠之言。寫六國之字。他可以去沙漠。取這流星馬去。〔道宗云〕孩兒。你也說的是。你與我喚將黃廷道來。我與他商量。他本意如何。〔做喚科〕〔末扮黃廷道同上。兒上開〕黃卷青燈一腐儒。九經三史腹中居。學而第一須當記。養子休教不讀書。小官姓黃名勝字廷道。幼習儒業。頗習道甲之書。小官通六國之言。能寫他邦番字。前春應過舉。在此李總管大人家作贅。正在房中看些兵書。說父親呼喚小姐。俺見父母。走一遭去。〔見科〕〔道宗云〕黃廷道。奉聖人的命。因沙漠野驢萬戶。有一疋馬。是日行千里流星馬。聖人的命。着老夫差一箇語言便利。通曉沙漠的人。語說這馬去。你兒子舉保你去。說你文通三略。武解六韜。你休避驅馳。你直至沙漠。取索這疋馬來。若回來成功者。自有加官賜賞。〔黃末云〕父親。您孩兒想來。養軍千日。用在一朝。您孩兒深通番字。

頗曉沙漠之言。父親母親休憂慮。憑着您孩兒三寸之舌。穩情取流星馬到。您孩兒手裏輕輕垂一釣。我着他款款上鉤來。您孩兒願往。走一遭去。〔旦兒云〕黃廷道。您軟弱。多着些人幫扶您去。〔黃末云〕小姐放心。不必用人。出的鴈門關。到沙漠。我自有箇見覷。〔正旦云〕黃廷道。則要您堅心用意。智謀雙全。一壁廂安排酒餚。與黃廷道送路。明日是箇好日辰。你便索長行。將酒來。則要你鞭敲金鐙。得馬還鄉。則要你有志者。〔唱〕

〔村里逐鼓〕則要你腹中才智。更和你那滿懷錦繡。那馬若是你乘騎的到來。你可便取箇功名成就。據着你那武藝通文風盛。機謀廣有。施謀撥天手策。凌雲志氣。劍揮星斗。你不在了。做此句疑有誤字喚做那文章魁首。

〔元和令〕你休着俺父母憂。我則怕你落人機彀。則你那別離行色。泪凝眸。聽耳邊風亂吼。不刺刺馬蹄踏破塞天秋。則要你披星和月走。

〔上馬嬌〕則要你心兜。兜疑是機字將你那巧計搜。你不可沿路上飲金甌。我則怕醉時節復還醒。醒還又緊守。怕追逐。我這裡憂意不相投。

〔遊四門〕我則怕一事無成兩鬢秋。你得意莫追求。聽胡歌。鞭曲無昏晝。勃海樂聲幽。你且便休貪着錦纏頭。

〔勝葫蘆〕我可便囑付你的衷言你自收。得便時便回頭。有如那大海波中下釣鉤。那其間鞭敲金鐙。滿斟玉斚。得勝便慶喜在鳳凰樓。〔道宗云〕孩兒去滿飲數盃。明早行。准備樂器。衆人與我動樂者。〔細樂了〕〔正旦云〕黃廷道。則要你用心者。着意苦志用功。〔黃末云〕母親放心。您孩兒用些小機謀。必要和流星馬來進奉。〔正旦云〕則要你應的口者。你用心者。〔唱〕

〔寄生草〕你道文共武曾經練。弓馬上忒慣熟。則他那沙陀塞地難奔走。更和那胡兒馬劣能馳驟。他可使人人勝似巴山獸。若見了黑河青塚怨雲愁。你休做了江州司馬青衫袖。〔黃末云〕則今日辭別了父母。便索長行。〔道宗云〕孩兒也。你忠心效力。苦用功勞。〔正旦云〕孩兒也。你前程吉利者。〔旦兒云〕丈夫也。我專尋回音。〔黃末云〕小姐省煩惱。我便來也。〔正旦唱〕

〔賺尾〕今日箇女孩兒守閨房。每日家習挑繡。兒也。你可便學禮義。擇朋揀友。苦志勤讀。將學業修。博的箇冠世儒流。你此一去。莫懷憂。則要你早早的回頭。這的是官差不自由。到那裡馬得能在手。則要你不分箇星晝。若來了呵。我着。你便坐中談笑覓封侯。〔下〕〔道宗云〕黃廷道收拾行程。着人防護。送出鴈門關外。全憑智量。

機謀。專等流星馬到。你小心在意。我專等回音。孩兒也。則要你全憑舌劍與唇鎗。用計鋪謀巧隄防。老夫今朝敬奉一盃酒。我親身送過到沙場。〔黃末云〕父親放心。先去鴈門關。等您孩兒。憑着您孩兒舌劍唇鎗。施謀用計。我穩情取進貢到來。不必父母動勞心意。可用着我呂望六韜書。施展我那黃公三略法。你看我架彩雲飛出鴈門關。我手裏還你那日行千里流星馬。〔同下〕

第二折

〔把鴈門關千戶上開〕馬喫和沙草。人磨帶血刀。地寒氈帳冷。殺氣陣雲高。某乃是沙陀野驢萬戶手下千戶是也。我奉萬戶的言語。管領着鴈門關的口子。恐防有天朝使臣往來。又怕各處巡哨軍馬。但是一應人。拿捉住獻與俺萬戶。今日天空雲淨。無甚事。俺演些武藝者。〔黃末上〕〔云〕小生黃廷道。自離了京師。改變了衣服。隨身帶些乾糧。出的鴈門關。可早來到口子上。那裡有人演習武藝里。我向前。我自箇主意。官人每休放冷箭。小生有說的話。〔千戶云〕是箇粘漢。休放箭。拿近前來。搜他那身上。若有甚麼呵。你那裡人氏。姓甚名誰。你爲甚麼侵犯邊境。你說的是。萬事全休。若不是。一刀揮之兩段。〔黃末云〕官人每可憐見。小生洛陽人氏。姓黃名勝字廷道。幼習儒業。頗習韜略之書。應舉去來。不得及第。我羞歸故里。懶親鄉閭。別無以次親人。我多聽的您這野驢萬戶賞罰明白。招賢納士。不虐害軍卒。任用賢良。我一徑的來投降於麾下。望那官人可憐

見小生。〔千戶云〕兀那秀才。你說的怕不甚好。不知那萬戶心裏如何。小番與我拿住着。俺見萬戶。走一遭去來。〔下〕〔扮野驢萬戶上開〕番番番。地惡人絳。騎寶馬。跨雕鞍。渴飲羊酥酒。飢食鹿脯肝。鳳翎箭手中施展。寶雕弓臂上斜彎。筵前酒闌胡旋舞。丹青寫入畫圖間。某野驢萬戶是也。我幼習番字。頗看兵書。操番兵每日射弓。練軍士馬上磨箭。俺行兵處盡按管樂用計鋪謀。相持時盡按孫吳安營下寨。天晴雲淨。都來那李陵臺上射雙雕。日暖風和。去那蘇武坡前射塞鴈。都是些能征沙塞子。敢戰的北番官。某手下番兵百萬。猛將千員。某寸鐵在手。萬夫不當之勇。我威鎮沙漠。我喝上將。不敢正眼視之。某能射三隻連珠箭。透中穿楊。某跨下有一疋流星馬。日行千里。他背駝三將。入水如踏平地。乃世之寶騎也。某每日操練軍士。比試番官。將各處口子。着人掌把。恐防透漏軍情。防備仔細。今日打圍罷。無甚事。番官怕有甚軍情信息。便報某知道。〔千戶引黃廷道上〕〔千戶云〕小番拿住這厮者。休着走了。我見萬戶去。來到也。報伏去。道有把鴈門關千戶。見萬戶有話說。〔番官云〕你則在這裡。我報伏去。〔報科〕〔云〕有把鴈門關的千戶。有話說。〔萬戶云〕把鴈門關的千戶呵。見我有甚麼話說。着他過來。〔做見科〕〔萬戶云〕千戶。你把口子呵。你見我有甚麼話說。〔千戶云〕無事也不敢來見。正演習武藝。拿住箇粘漢犯界。問其故。他要投降與萬戶。我不曾殺壞他。一徑的拿將來見萬戶來。〔萬戶云〕那人在那裡。〔千戶云〕見在這

裡。〔萬戶云〕拿過來。〔黃末做見科〕〔萬戶云〕兀那厮。那裡人氏。姓甚名誰。爲甚麼侵犯我這邊境。說的是。自有箇商量。說的不是呵。番官那裡。就拿去殺壞者。〔黃末云〕小生洛陽人氏。姓黃名勝。字廷道。幼習儒業。頗諳韜略之書。應舉去來。不得及第。我羞歸故里。懶觀鄉閭。我無以次親人。我多打聽的萬戶賞罰明白。招賢納士。不虐害軍卒。任用賢良。我一徑來投降於麾下。大度豁達。義氣深。決勝千里。辨輸贏。納諫如流。招賢士。不弱田文慷慨心。〔萬戶云〕君子千言有一失。小兒千言有一當。此人儒生的舌劍唇鎗。能言快語。俺這沙漠。再得這等一箇識字的人。俺這一枝軍馬。便是全美了。我問你。你家鄉中有甚麼人。〔黃末云〕小生幼小。父母雙亡。以次親眷皆無。小生漂零海角。流落天涯。若得萬戶肯任用呵。小生願情捨死報恩也。〔萬戶云〕這箇是天指引將這箇賢士來與我。他也不是受貧的。番官。你問他有婚也無婚。無婚呵。將我小姐茶茶。與他爲妻。我招他做女婿。他意下如何。〔番官云〕黃廷道。俺萬戶要招你做女婿。你心意下如何。〔黃末云〕萬戶免我死。又任用我。又要招攬我爲婿。小生啣環結草。難報此恩。小生願隨鞭鐙。〔萬戶云〕既然你無妻室。將我小姐茶茶。與你爲妻。小番領到後帳裏。見小姐去。〔黃末云〕理會的。〔下〕〔萬戶云〕歡來不似今朝。喜來那逢今日。天對付與我箇女婿。必然敲牛宰馬。做箇慶喜的筵席。番官。一壁廂喚將保兒赤來。整治筵席。這的是天成匹配好姻緣。幸助吾家吐氣全。敲牛宰馬。番官賀。準備

開懷慶喜筵。〔下〕〔李道宗同小末尼旦兒上〕〔云〕桃謝柳密纔夏至。菊凋梅褪又春來。黃廷道好不幹事也。去了三年。馬也不見來。人也不見來。他領着聖人的命。莫非廷道陷番在沙陀。使老夫切切於心。惓惓掛念。我多曾着人鴈門關打聽。有人言說。黃廷道在那萬戶家爲婿。他也是不得已而爲之。不得空。便盜不得他這馬來。早間聖人又問。責他有外心。老夫回言並無此事。若有一此事。將我這一家老小承當。聖人的命。着我再差人接應他去。可着誰走一遭。〔旦兒云〕父親。別人去也不中。則除是您孩兒去親救黃廷道去也。〔道宗云〕孩兒也。則怕你去不中麼。〔旦兒云〕父親放心。我幼小曾習雙刀劣馬。着兄弟送到我鴈門關。我到口子上。我自有箇主意。好歹要見黃廷道。〔道宗云〕孩兒也。你小心。〔旦兒云〕父親。我盡忠不能盡孝。我一則爲這流星馬。二來救黃廷道。我是箇施朱傳粉女裙釵。我今日盡忠孝力踐塵埃。沙陀若見黃廷道。我和你不分星夜走京來。〔下〕〔小末尼云〕父親放心。我領着三千人馬。送到鴈門關。着小姐去。我將這軍士在那裡操練。我專等回信。你是箇施朱傳粉女裙釵。則要用智鋪謀巧計生。你若是得馬人回相接應。那其間鞭敲金鐙凱歌聲。〔道宗云〕孩兒也。你用心着志者。孩兒也。你打聽消耗。你早早回還。則爲那黃廷道歲久年深。使謀計苦用功心。接夫主不分星夜。鴈門關專等回音。〔下〕〔黃廷道同正旦扮番女通事番官等上〕〔黃末云〕兩行翠袖風流體。數管羌笛品鸛鵲。

帶酒歸來人簇擁。絳紗影裏美人扶。小官黃廷道。自離京師。來到沙陀。可早三年光景也。多謝岳父將小姐與我爲妻。將我做上賓看待。用意賓服小官。這三年這流星馬。並不會能見。不會飛放打圍。每日家則是殺羊宰馬飲酒。醉而復醒。醒而復醉。終非是我本愿。這三年違了宣勅。不見進貢回京。知他我那岳父心中。怎生煩惱。小姐每日家這等飲酒快樂。將何答報你的恩也。〔正旦云〕小千戶。你每日家飲酒。則想你那家鄉不歡喜。你可是爲何。〔黃末云〕小姐不問我。我也不說。小姐你生居沙漠。長在幽燕。坐的是樺皮車輛。臥的是氈毛帳房。你渴飲羊酥酒。飢食鹿脯肝。獐鸞麋鹿朝朝食。野馬牛羊日日飡。四時刮地狂風下。土雨黃塵亂刮寒。俺京師四時有不謝之花。八節有長春風景。出則大纛高牙。入則奢華受用。要衣有四時羅錦千箱。要食有水陸珍羞百味。又有那佳人捧臂。壯士擎鞭。呼奴喝婢。那等受用。怎能得見。收拾天下風光景。除了京師到處無。〔正旦唱〕

〔中呂粉蝶兒〕想你那錦繡中原。覷了這酷寒天。怎不心倦。他和咱一一難言。何不便往沙陀居塞北。端的是春秋不辨。你看那雪滿長天。端的是舞鵝毛朔風如箭。

〔醉春風〕俺父親鎮守着鴈門關。每日家馬和人常教演。終朝殺馬做筵席。將

愁懷來遣。遣虎兒赤吹彈。保兒赤割肉。畢徹赤把體面。〔云〕莽古歹打刺酥次來比。
〔通事云〕保兒赤次拾列盃者。迷失迷哈比賽良打刺酥次來兀無來。〔做遞酒科〕〔黃末云〕我
不省的你每說話。你則依着俺漢兒每說話。〔正旦云〕官人。你差了也。俺生於塞北。長在沙陀。俺
怎生說的過來。莽古歹將酒來。〔唱〕

〔乾荷葉〕雖不動俺樂聲喧。怎比您那列華筵。撒銀盃打刺酥從頭兒勸。冷共
熱俺當先。好共歹你親傳。則他酒溫時。鑪鍋熱。味難全。你可便則去俺那裡銀
瓶裏鏹。〔正旦云〕莽古歹哈答刺五者。〔通事云〕者者帖兒各。〔千戶引旦兒上〕〔云〕我是這
鴈門關千戶。拿住這婦人。他說和這裡官人關親。不曾殺壞他。到帳房裏。見通事官人去。來到也。
〔做見科〕〔通事云〕那顏哈刺咬兒赤刺。〔千戶云〕小官把鴈門關。拿住這箇婦人。他說道和官人
關親。我不曾殺壞他。一逕的拿來見官人來。〔通事云〕也麥哈刺咬兒赤刺。〔旦兒云〕官人不省
的達達官人番語。我則說的漢兒話。〔通事云〕你是漢兒人。你不省的俺達達番語。我問你是甚
麼人。〔旦兒云〕我是官人親眷。〔通事云〕呀呀呀。娘子休怪。通事不知。你則在這裡。我報伏與俺
官人娘子知道去了。〔通事見科〕〔正旦云〕莽古歹赤年空俺。〔通事云〕也隱迷都也麥哈盃。
〔正旦云〕赤哈敦哈刺咬兒赤刺。〔通事出問旦兒云〕你從那裡來。〔旦兒云〕俺從長安城中來。

〔通事云〕你可走了多少路程。〔旦兒云〕我行了一千里田地。〔通事見正旦云〕倚看民火牙兒哈茶兒也也來。〔正旦云〕民安倚看大牙兒哈茶兒鐵兒高赤呵媽薩赤來者備。〔通事問旦兒云〕你從那箇口子裏過來。〔通事見正旦云〕也七阿媽薩一來四。〔正旦云〕鴈門關赤哩赤哈仙亦來者備。〔通事見旦兒云〕俺把口子的官人。不曾問你甚麼人。怎生放過你來。〔旦兒云〕我說是官人的妹子。不曾擋我。着我過來了。〔通事見正旦云〕托勤那顏阿斤堆兒來。〔正旦云〕也麥那顏阿斤堆引度赤來者備撒因撒因亦來來來。〔通事見旦兒云〕俺官人娘子。兒是親眷。十分歡喜。娘子有請。〔旦兒見正末下拜科〕〔黃末云〕我道是誰也。原來是我的妹子。你不在家中侍奉父母。二千里田地。來到這沙陀地面。有甚勾當。通事。你便與我趕將他回去。休着他在這裡。〔正旦云〕小千戶。你差了也。想俺姑姑遙遠田地。尋着你。正可殺羊宰馬做筵席纔是。你怎生着他回去。你心兒好生歹人。〔唱〕

〔上小樓〕他去了呵。則道是咱家不賢。則將你箇哥哥埋怨。他行了那千里程途。涉水登山。到俺跟前。你着他便動轉回帝輦。我將俺那姑姑留戀。他須是那俺公婆家的當房親眷。〔黃末云〕既然小姐賢惠呵。看着小姐的面。着他住幾時。便着他回去。

〔正旦云〕奉古歹者古歹撒答哩備哈敦掃者。十列赤來或林備哈孩米蝦大輪米般拾哈來哈

者孩塞因者米食塞良打刺酥打刺酥備亦來五耶塞良塞因。哈敦鎖胡場八盃。〔通事云〕那顏哈敦阿斤堆虎林備打刺酥亦迷虎而赤納都知虎兒撈兒牙禿罕琶巴氣茶塞銀例刺塞因字着刺塞因字亦那顏亦來字者塞因字者赤那顏鎖忽場把塞因塞因。〔衆動樂聲〕〔達達舞住了〕〔正旦云〕莽古歹喚的金牙說哈敦盃着都戀賽塞。〔淨上〕〔云〕我是金牙實啐嚙。好喫饅頭和餅者。每日則在帳房裏睡。老鼠拖了我一隻靴。我是野驢萬戶的舍人是驢駒子。爲我悅厮殺人。喚我做鐵脇金牙。我十八般武藝。無一般兒我會。每日帳房裏拿虱子。輪着晚夕入屁眼。俺姐姐說道。有一箇漢兒婦人來。要與我做老婆。我酸一酸。〔做見旦兒撲科〕〔云〕鐵別里州何媽何者也撒郎麻里畔呵是回回也。〔黃末云〕熬糟禽獸無理。這箇是我的妹子。甚麼道理。走將來把他樓抱住。甚麼道理。那箇得這體面。〔正旦云〕小千戶你省煩惱。〔唱〕

〔上小樓〕他待爭來怎地爭。待言來不敢言。我見他似拆對的鸞鳳。失配的鴛鴦。似熱地上蚰蜒。你道他便厮樓着厮抱着。這是俺這達達人厮見。俺這裡比不的你漢兒人家體面。〔黃末云〕小姐。着人笑話。外觀不雅。教他回去。〔通事云〕那顏那顏。亞卜亞卜。〔淨云〕我又不曾要他來。你說道有箇婦人。我則道與我做老婆。我則樓了他一樓。你便煩惱。可不取些兒和氣。我是金牙實不中。正望婦女雙結親。不想可是他老婆。通事也。入你哈敦

五都魂〔下〕〔黃末云〕這的不中了。夫人。我和你跪着小姐。小姐可憐見。這箇那裡是我妹子。他是我的幼小兒女夫妻。他因我離家應舉。三年不回去。他一逕辭別了父母。來尋認我來。小姐怎生可憐見。留下他一處住坐。不忘俺夫婦之情。想小姐三從四德皆全。仁義忠直盡曉。不爭你不成全他這夫妻。枉惹後人罵我。爲父母年邁雙全。我到沙陀整整三年。不想道今日相逢。小姐你可憐見。教我夫妻團圓。〔正旦唱〕

〔十二月〕這的是天合的這繾綣。眼見的離了的那多年。他兩箇厮見厮當。那些兒相愛相憐。他我跟前雖不敢道弄權。終則是那壁兒教心偏。

〔堯民歌〕天也我本是好因緣。翻做了惡因緣。呀。是今日箇您團圓勝似俺團圓。你被翻紅浪宿雙鴛。我獨對青燈伴獨眠。各要箇心也波堅。心堅石也穿。

〔云〕莽古歹隱都也買。五苦八住者兵非後罷。〔唱〕且看這受苦的男兒面。〔黃末云〕小姐可憐見。容留我這夫人一答裡住。你這賢惠心。萬載名揚。〔正旦云〕莽古歹。你對俺爺爺說。上手下再搭一箇帳房。與小千戶漢兒娘子住。應用的茶飯。休着少了。殺羊宰馬做筵席。與漢兒娘子慶喜。明日便布起圍場。打圍飛放。就背着流星馬全副披掛。與漢兒娘子看。與我準備的嚴整者。〔黃末云〕多謝小姐。〔正旦唱〕

〔耍孩兒〕打圍獵射隨吾便。寶袋內雕弓緊懸。塞天鴻鴈一聲齊。平踏開萬里莎烟。這馬遙觀西北天邊。近款放輕都去八千。龍骨高風蹄健。這馬穿山過嶺。不索你縱馬加鞭。〔黃末云〕小姐則說道。有一疋日行千里流星馬。三年我不曾見。明日我看這

疋馬者。〔正旦唱〕

〔二煞〕有這馬不索愁鹿共獐。常籠着鷹與犬。演圍場。學飛放。習弓箭。辜負了淒迷芳草連天外。不托着腳花落馬前。雖不是春繫在垂楊院。縱然是爛醉在銷金帳底。那裡也簪花在沽酒堤邊。〔黃末云〕這流星馬。直這般有本事。我可是敢騎麼。

〔正旦唱〕

〔尾聲〕長樂坡如脚底行。終南山似眼面前。這馬他日行千里如奔電。〔云〕你若得這馬騎呵。〔唱〕那裡怕一去長安路兒遠。〔下〕

第三折

〔野驢萬戶上〕〔云〕野管羌笛韻。悲風戰馬嘶。縷金畫面鼓。打着面雲月皂鵬旗。某乃野驢萬戶。頗奈黃廷道無禮也。他投降我。我見他出語非俗。能文解武。我招他做女婿。三年並無外心。不想他漢兒娘子來到。說那家鄉透漏軍情。盜流星馬私奔便走。恨小非君子。無毒不丈夫。你偷的是

假流星馬。真流星馬。怎生着你看見。你兩口兒走的到那裡。便着茶茶小姐結束威嚴。領五百番將。趕上黃廷道拿捉住。我自有箇號令。我然後點就二十萬番兵。我便來接應你。大小三軍。聽吾將令。青氍笠子。似千千層荷葉初開。雲色皮裘。似萬萬朵梨花乍放。馬上鑾鈴。嘶琅琅。腰間寶帶。簌碌碌。鼙鼓打撲。琴瑟。葫蘆琴彈支楞爭。風動皂鵬旗。似空中鴉舞。列軍卒。排劍戟。弓弩層層。七層軍排成陣勢。青霽海黑胡突。蘆語話相同。纒頭髮。大歇項。契丹達子。眼歐樞。眉倒籠。達達番軍。黃牙黑臉。偏坐傷。撒髮黃鬚。實是恨。瞞天放起鵬翎箭。衆軍則聽鼙鼓聲。頭頂金盔。腕懸鞭。番兵猛將數千員。拿住逆賊必殺壞。血踐東南半壁天。〔下〕〔衆番官戴臉兒。裝扮跚竹馬。噴吶喇。吶。吶。調箇大打圍。〕〔下〕〔黃廷道旦兒跚馬兒上。〕〔黃末云〕自家黃廷道的便是。白來到沙陀三年光景。流星馬我正兒眼也不會見。多虧了茶茶小姐看覷我。不想我妻來到。說我誤了宣限。我止望偷盜了流星馬。俺兩口私奔逃走。不想偷的是假流星馬。三日光景。這馬困乏。不能前進。俺兩口兒三日不曾吃飲食。人困馬乏。這野驢萬戶。必着人來追趕俺。若趕上呵。俺兩口兒性命。如之奈何也。兀那塵土起處。必有番官來也。〔番官通事正旦騎馬上。〕〔正旦云〕莽古歹將母驕催動。〔通事云〕衆那顏阿不阿刺赤哈敦也。年觀兒兀者備。〔正旦云〕黃廷道你好歹也。

〔唱〕

〔越調鬬鵲〕則俺這達達人誠實。並不道心生狡猾。你可爲夫主來尋。可怎生卻將咱調發。您美甘甘的成雙。爭忍我冷清清守寡。他可使前面行。我則去後面踏。恰盼出曉日淹淹。正直着寒風颯颯。

〔紫花兒序〕馬踏開一川莎草。風篩破雙臉芙蓉。鞭摔碎兩岸蘆花。將一箇天仙般神女。我不合配與俺兄弟金牙。這的是俺便眼差。他一點真心痛捧掛。他怎肯一離兩罷。走不到蘇武堤邊。是則是則到的李陵臺直下。〔通事云〕他騎的是假流星馬。量他走的到那裡。〔正旦云〕我好歹趕上他。看他兩口兒說甚麼。〔唱〕

〔雪裏梅〕歹婆娘甚交加。又不道有爭差。他可使主意兒非輕。我端的放心不下。趕上時將他休殺。

〔古竹馬〕試看咱不索用披掛黃廷道。狡佞奸猾。背義走路遠波喳。趕上時命掩黃沙。是咱趕他乘騎駿馬。雕鞍斜跨。怕踏碎莎草黃華。過漢軀。漢軀疑是旱渠之語淺水凹。答行過時馬踏乏。是他膽大漫黃沙。一縷青牙似箭發。遮莫是黃天晚景。半竿紅日。趕海角天涯。〔云〕兀的不是黃廷道。與我拿下馬來。休殺壞他。我問你。爲甚麼背了我走了。你說。〔黃末云〕小姐可憐見。自來到沙陀。音信不通。三年光景。俺渾家到來。說俺父母年紀

高大。每日思念。我不能還家。則因此瞞着小姐。私奔到於家鄉。探望父母。小姐。你想着俺夫婦之情。饒過我這性命。放我回去。我血又不中吃。肉又不中吃。你若殺壞我呵。枉惹萬代罵名。小姐怎生可憐見。〔通事云〕強盜忽刺海。走到那裡去。將皮纏縛了。見俺萬戶去。忽刺海。忽刺海。〔做

鞭打科〕〔正旦唱〕

〔拙魯速〕你將那鐵兒古來手中拿。怎不教人怒容加。攔頭着鞭打。不登登怒發。你休將他那娘噙着罵。小官人你聽者。你可便因甚麼甚麼使狡猾。歹渾家問你者。負心賊再敢麼。你可便本意是真假。不索你虛花。我見他手慌脚亂。揎拳擺袖。急慌的。慌的便要殺。〔黃末云〕小姐可憐見。饒過俺性命者。〔通事云〕忘恩背義的人。要他做甚麼。哈刺兒殺壞了他罷。〔正旦云〕那得箇媳婦殺丈夫的理來。既然爲你父母。孝順的心腸。我不殺你。我放你回去。〔黃末云〕小姐。想我在此三年光景。小姐看覷。不曾有半霎相離。我有千般不是。不曾與小姐商量。我私奔還鄉。背恩回去。小姐。你在沙陀。獨自箇幾時是了。道不的一馬不肯兩鞍。雙輪豈碾四轍。烈女怎嫁二夫。小姐。你若肯背暗投明。棄了沙陀。到於天朝。看了中原之景。端的是錦繡之鄉。見了大人。着你受其封贈。五花官誥。四馬香車。入則榮貴。出則奢華。爲夫人縣君。不強如你在這塞北。幾時是你顯耀時節。小官不敢自專。小姐心下不錯。〔正旦

云〕小千戶。你起來。我也有心跟將你去天朝見聖人。則怕我這通事不肯。我和他商量。通事黃廷道說來。他回天朝去。撒不的我。獨自箇在此沙陀。幾時是了。一馬不背兩鞍。雙輪豈碾四轍。烈女豈嫁二夫。你領着番官回去。和我父親說。我不回來了。跟着黃廷道。直至天朝。背暗投明。我拜降去也。〔通事云〕他是箇忘恩背義的人。你倒不殺壞他。倒跟着他去了。他是漢兒人。你是達達人。你假使有不是。罵你呵哩。〔正旦云〕罵我來。不會罵你。〔通事云〕他假使打你呵哩。〔正旦云〕打我來。不會打你。〔通事云〕你去你去。這等不干我事。〔正旦云〕通事說與俺父親。便來投降納漢。年年進奉。便將流星馬進貢到天朝。也顯的俺忠孝兩全。俺投京去也。〔唱〕

〔尾聲〕一席閒話都言罷。到京師滿斟着金波玉斝。每日家魚龍烹鳳吃羊羔。到大來無事無非快活殺。〔黃末旦兒下〕〔通事云〕小姐堅意不肯回沙陀。他往天朝投降去了。我如今回了萬戶的言語。便着流星馬進奉。走一遭去。〔下〕

第四折

〔萬戶上〕〔云〕某乃野驢萬戶是也。頗奈黃廷道無禮。他背着我私奔逃走。又將我茶茶小姐拐將去了。老夫舉眼無親。女孩兒也去了。我在這沙陀地面做甚麼。我將着萬物羊牛駝馬。就將我這十萬番兵。便將千里流星馬。都獻與天朝。我就投降居住。一來進貢。二來看我那孩兒茶茶。

則今日收拾了行程。便索長行。我今日背暗投明。離塞沙。多將着牛羊駝馬進京華。便好道饒你深山共深處。到頭都屬帝王家。〔下〕〔李道宗上〕〔云〕歡來不似今朝。喜來那逢今日。誰想我女孩兒滿堂嬌。直至沙陀。救將黃廷道回來了。他又帶他箇小姐。喚做茶茶。見了聖人大喜。賞金千兩。一百瓶黃封頭御酒。着老夫與黃廷道拂塵慶喜。然後自有加官賜賞。今日早間。有野驢萬戶。領十萬番兵。更有流星馬。又有三千駝馬牛羊。投降進貢。就在京師住坐。見了聖人。今日就着他在我家中拂塵飲宴。左右那裡。一壁兩準備茶飯。吹彈歌舞。就着人喚出黃廷道。并兩箇小姐來。〔黃廷道旦兒正旦同上〕〔正旦云〕自來到京師。比俺塞北全別了呵。今日慶喜歡宴。是好受用也呵。〔唱〕

〔雙調新水令〕則聽的管絃絲竹樂聲齊。滿筵間都是些綺羅珠翠。今日箇鞭敲金鐙響。人唱凱歌回。我可便出入人隨。誰承望有今日。〔正旦見道宗科云〕〔道宗云〕黃廷道你忠孝兩全。小姐你救夫主還鄉全美。茶茶小姐你背暗投明。在京師榮華富貴。這裡比沙陀塞北地面如何。〔正旦云〕這京師比俺塞北全別了。〔唱〕

〔鴈兒落〕我今日食珍羞穿錦繡衣。我可便列鼎重裯睡。再不去苦寒天毡帳裏眠。再不去見那漠漠沙陀地。

〔得勝令〕到京師。我食天祿喫堂食。我今日便封贈做品官妻。想着俺那老母歸何處。則俺那弟兄每在那裡。想起俺那親戚。端的便幾時能覷重相會。今日箇做慶喜的筵席。俺可便謝天恩享富貴。〔官人云〕茶茶小姐。我着你大歡喜。你的父親野驢萬戶。將着駝馬牛羊十萬番兵。更有流星馬。一徑來投降住坐。見了聖人。就着他在宅中歡宴拂塵。着人請去了。可怎生不見來。〔萬戶上〕〔云〕自家野驢萬戶是也。將着萬物駝馬牛羊十萬番兵。再將着流星馬來。投降進貢。就在京住坐。見了聖人。聖人見喜。就着我在驛亭中安下。隨後自有加官賜賞。在李道宗宅中安排慶喜筵席。與我拂塵。就望我那女孩兒茶茶和黃廷道來到也。左右接了馬者。報伏去。道有親家在門首。〔李末接科〕〔道宗云〕親家鞍馬上勞神。〔萬戶云〕老相公治民用意。〔道宗云〕請坐。黃廷道并兩箇小姐。來拜親家來。〔萬戶云〕茶茶小姐。你好狠也。你怎麼不對我說。你來了。黃廷道。你也辭我辭。閑話休說。我今日來進貢。就在此住坐。孩兒也。則被你思量殺老夫也。〔正旦唱〕

〔沽美酒〕則俺這達達人忒老實。並不會使虛意。俺父親千里關山。來到這裡。進奉的是牛羊馬匹。又無那直錢的甚麼東西。

〔太平令〕又無那金銀珠翠。又無那瑪瑙玻璃。俺覷了中華富貴。不比你那沙

陀田地。俺父親進禮拜起。天顏便生喜。托賴着萬萬歲。當今聖帝。〔房玄齡上云〕
小官房玄齡。奉聖人的命。爲李道宗舉人的當。黃廷道取馬有功。野驢萬戶投降納款。都在李道
宗家飲宴。聖人的命。就着我去加官賜賞。可早來到也。左右那裡接馬者。一行人聽聖人的命。聖
人主太平時世。普天下軍民歡會。四邊靜干戈寧息。野驢進駝馬牛羊。獻十萬兵流星駿騎。爲你
有忠孝之心。帶家小投降京內。加你爲番漢總管。都點檢殿前太尉。你女兒封賢德夫人。賜與他
金冠霞帔。李道宗舉人的當。賜萬兩金一千段疋。黃廷道效功勤勞。加兵部尙書之職。你渾家捨
性命救回兒夫。封勇烈孝廉仁義。聖明朝人用賢良。盡忠心孝當竭力。文官每按四時調和鼎鼐。
武將每定八方威鎮華夷。則願的千千年社稷安寧。托賴着萬萬歲。當今聖帝。〔正旦唱〕
〔尾聲〕賽堯年。欺舜日。昇平世。四時序。五穀收。田蠶倍。則願的永固華夷。都慶
賀一統江山大明國。〔云〕二人有慶安天下。萬國來朝賀聖君。

題目

房玄齡謀略施兵法

李道宗智退金戈甲

正名

賢達婦捨命救兒夫

黃廷道夜走流星馬

王蘭卿貞烈傳

明康海

楔子

〔卜兒上〕〔云〕自家晁陽春的是也。是這盤匡縣樂戶王錦的渾家。止生一箇女兒。喚做蘭卿。委的有些姿色。吹彈歌舞。所事都通。年長一十八歲。舉人張于鵬。愛他聰明典雅。近日與孩兒入馬婚配了。這些時再不會出去趕唱。梅香。如今後園內牡丹開了。你和姐姐遊耍去者。〔梅云了〕

〔旦上〕〔云〕呀。牡丹可早開了。想這節物相催。光陰迅速。那裡是俺那下場呵。〔唱〕

〔正宮端正好〕則爲這鳳凰釵。芙蓉額。上場兒在柳陌花街。量着這尤雲殢雨。腌臢態。歌麗曲。引多才。誇豔冶。趁和諧。急回頭可又早日落西山外。〔旦乘下〕

第一折

〔外上〕〔云〕自家張于鵬是也。自與蘭卿行走。不覺一載有餘。誰想這妮子情性貞良。全無花門柳戶之氣。卽今老親在堂。我想古人一日之養。不以三公換。若會試得遇。這是祖宗陰騭。不必說了。倘又下第。不如選得一官半職。覓些俸錢。事奉二親。吾志畢矣。昨日與二親并妻兒說過。如今行李已備。索和蘭卿相別者。〔旦上云了〕〔卜兒云了〕〔外與衆相別了〕〔衆下〕

〔正旦上〕〔喚梅香〕〔云〕梅香自從于鵬去了。不覺又早到了中秋天氣。幸得母親賢惠。依隨于鵬分付。不曾教我趕唱留人。以此心下較安。打聽得于鵬不曾中過會試。此時不回。想是做了官也呵。〔唱〕

〔仙呂點絳脣〕忽地中秋。感時懷舊。從別後。夢斷魂遊。逐日價相僝僽。

〔混江龍〕想着俺去年時候。燕雛鶯乳甚風流。常則是紅偎翠倚。雨渥雲稠。相親相傍。同賞同遊。今日箇驀然間阻。也不知何日綢繆。情淒切。意遲留。魂沉沉。夢悠悠。病淹漸折倒的龐兒瘦。但得箇夫妻美滿。便是我葉落歸秋。〔梅云〕姐姐這等青春年幼。姐夫去了。你衣服舊了。別尋箇姐夫來喚些新的。卻不好看。嗔這唱的人家。只是著錦穿羅。受用一世。是了。這等苦苦的待要怎的。〔旦云〕你那裡知道做婦人的道理。

〔唱〕

〔油葫蘆〕你則怕著錦穿羅不到頭。這門庭到大來羞。你看那南來北往鬼胡纏。等个的移宮換徵三杯後。却又早顛鸞倒鳳先尋湊。今日張。明日王。驀地劉。剗地侯。如今這楚陽臺。衡一味人腥臭。那些箇是弄漆不沾油。〔梅云〕素咱這門戶從來如此。也由不得人呵。〔旦唱〕

〔天下樂〕你道是門戶從來不自由。根由曾細求。都一般穿衣喫飯應追遊。比似他立兢兢人面前。總不如氣昂昂腦背後。偏怎生麗春園堪趁口。〔梅云〕別人把咱這門戶。叫做桃源洞。仙音院。喫的是葡萄釀。用的是紫金甌。相逢的都是高人貴客。有何不好。〔旦云〕你不知道。聽我說與你者。〔唱〕

〔那吒令〕紫金甌勸酬。桃源洞路陡。翠銀屏趁逐。仙音院例醜。白玉堂宴遊。象牙牌生傷。止不過胡逞些礮念作。歪道些閑聲嗽。趨趨的弄破了咽喉。

〔鵲踏枝〕者莫你送行在蓼花洲。遊賞在翠微樓。但喚取便索隨行。那裡敢半霎遲留。〔云〕好旦色。不過十年五載。人都說要這老旦何用。〔唱〕恰便似舞西風殘荷敗柳。早靠後了也粉面油頭。〔梅云〕恰才張老奶奶使人來說。俺姐夫得了官了。〔旦云〕託謝天公。于鵬得了青州府推官了。〔卜兒上〕〔云〕如今張老奶奶着人下財禮。要取你過門去哩。說俺這家裏不是你的住處。最好最好。我也得省心了。〔旦云〕于鵬果是不負我呵。〔唱〕

〔寄生草〕我便不得夫人位。且權收入燕子樓。我把這荆釵布襖甘心受。再不許遊蜂戲蝶閑迤逗。到底來紅愁綠慘都成就。做一箇三從四德好人妻。不强如朝雲暮雨花門婦。〔梅云〕如今將姐姐娶在空房。直待姐夫回家。纔得完聚。若非三年五載。

怎生得回。可不誤了你的光陰了也。〔旦云〕于鵬便是十年不來。怕怎的。〔唱〕

〔醉中天〕想着他十載囊螢苦。也合有九載抱官囚。〔云〕既是取我到他家裏。一心兒伏侍着奶奶。行些孝順。〔唱〕更怕甚郎上孤舟。妾倚樓。情愿把難打捱的淒涼受。止不過一夜一箇三伏九秋。一日一箇風狂雨驟。索一做一箇萬了千休。〔梅云〕姐姐說的最好。這箇日子煞難對付。往時古人都過去了。不知姐姐也學的他麼。〔旦云〕你道我學不得古人。〔唱〕

〔後庭花〕雖是這潑生涯習慣的熟。也曾將烈心腸盤算的久。我比那婦人家少甚麼膩粉搽胭項。我比那男子漢只爭箇巾幘不裹頭。得跳出是非藪。打疊起從來卑陋。好花枝不過眸。繡簾幃不上鉤。力烹調把飲饌修。務蠶桑將女教求。

〔醉扶歸〕往常時不能做耕牧漁樵婦。則今日趁意了鴛鴦鳳鸞儔。萬種閑愁一筆勾。敢是我福分至。神天祐。纔把那不出閨門志酬。重做箇良人冑。〔梅云〕如今母親整治筵席。管待媒人。說道是明日下財禮。後日就取過去哩。姐姐。你索收拾者。〔旦唱〕

〔賺煞〕也不索做筵席。也不要通媒媾。俺是他縮角兒知心故友。怕的是美滿。

夫妻不到頭于鵬呵你休要沉埋了錦帶吳鉤。我和你意相投便住在草團中也勝似畫閣朱樓。更有甚一曲闌干一曲愁。雖是箇空房兒暗宿。且將這小夫人遙受。于鵬呵則要你前程萬里者。是必教一心兒分破了帝王憂。〔下〕

第二折

〔張老夫人上〕〔云〕老身辛氏。夫主張相公。累任儒職。所生三子。大的箇治家務農。第二的與第三的都習俺相公儒業。後來他兩人前後裏都中了鄉舉。第二的不幸。因會試喪在京師。第三的爲老身二人年邁。選了青州府推官。使人來取老身任所裏去。我怎生去的。有此間樂戶王錦的女兒。喚做蘭卿。這孩兒煞是箇貞良的。自從與俺第三的相交。便守貞節。再也不去趕唱。昨日第三的取來家裏。伏事老身。甚是孝順勤謹。俺想古來賢孝的人。果是不係世類呵。〔旦上〕〔云〕自從取我過門。奉侍着奶奶。半年期上。甚蒙奶奶擡舉。連日奶奶只是作念我年紀幼小。娶空房。捱長夜。俺也曾想來。〔唱〕

〔正宮端正好〕雖是我娶空房捱長夜。却是我稱心懷休歇的時節。將奶奶行伏事慇懃者。不枉了是你那小孩兒着肉的橫枝葉。〔老夫人云〕不想老相公近日得了病症。身上好生不快。喫了無數的藥。全不濟事。蘭卿呵。怎生是好。〔旦唱〕

〔滾繡毬〕道爺爺骨岩岩力轉怯。氣絲絲語不接。則這老人家怎禁持許多週折。逐日家世不曾半霎兒寧貼。赤緊的妳乾兒也不在眼睫。草澤醫也辨不得冷熱。又遇着不對當這般時月。望青州眼睜睜信斷音絕。〔老夫人云〕如今老相公一發重了。想做官的孩兒。不知怎生這般薄福。〔旦唱〕可不道兒孫自有兒孫福。後浪還催前浪疊。休恁的意苦心呆。〔云〕便是爺爺有些不好。奶奶索自保重着者。〔唱〕

〔倘秀才〕只愿得老尊堂身分上增些氣血。也是你衆媳婦扶持間無些玷缺。〔云〕不知爺爺喫甚粥湯。〔唱〕索將那淡醎鹹酸辦備者。常言道三關度一米。一正敵千邪。休只管教藥淘的他形羸氣怯。〔老夫人云〕老相公只因想第三的。成了這等病

證。〔旦唱〕

〔滾繡毬〕惡思量且斷絕。好粥湯勉進些。〔云〕你孩兒雖在青州。〔唱〕他那裡眼巴巴盼不見暮雲親舍。想人生最苦離別。他可也官差不自由。你可也恩深怎遽捨。教讀那詩云子曰。他如今坐黃堂擺列着鼓吹旌節。等三年好博取龍紋鳳纓。形花誥。不幾日便待有彩耀金纓翠幘車。又何必苦苦的傷嗟。

〔倘秀才〕太醫們都說道從來這老病治劣。卜筮家又寫道見行的流年較拙。

忍見你戰篤速心疼淚流血。〔云〕不知俺夫君在青州怎生得知爺爺這等。〔唱〕他指望養兒防老病栽樹取涼遮。恰如今椿椿兒錯也。〔老夫人下〕〔復上〕〔云〕老相公已亡化了。孩兒在青州怎生便知道老身偌大年紀又遭此苦如之奈何。〔悲科〕〔旦云〕奶奶省可裡傷悲。這是爺爺的命限。據着你孩兒呵。〔唱〕

〔呆骨朵〕指望待晨昏甘旨把親幃悅。不承望倒做了哭踊衰經。他那裡肉跳心驚。你這裡情悽意切。則他那嗷嗷家口難捱拽。迢迢遠道難跋涉。比及待披麻奔見了喪。又只怕叫着天哭壞他也。〔外扮于鵬衰經上〕〔云〕自家是大不孝張附。便是不想父親亡化了。奔喪回家。父親那裡去了。〔悲科〕〔云〕父親亡化了。母親在堂。〔相見科〕多虧蘭卿看覷。我爲人子。困於官守。不能問安侍膳。倒帶累你。要俺何用。〔旦唱〕

〔叨叨令〕既做了良人妻。事舅姑當須這。則你這做兒的想父母何時卸。他望君來口兒裏絮叨叨無休歇。我見他呵胸脯裏波滾滾翻紅血。想起來痛煞人也麼哥。痛煞人也麼哥。也只落臥泉沙萬古如長夜。〔悲科〕〔衆下〕〔外與旦上〕〔外云〕與大哥將父親安葬已了。將近除服也。想當初去做官呵。要與父母討箇封贈。不枉了教子一場。今日父親下世。生不能養。死不能知。做官何用。不如將煖泉精舍。修理收拾。栽花種竹。養些

鷄豚侍奉着母親。隨時過遣了罷。〔旦云〕丈夫不可這等。〔唱〕

〔脫布衫〕讀書人所志何耶。〔外云〕你怎知道做官的有許多波瀾。〔旦唱〕大丈夫百煉難折。見如今請受了他三年俸牒。也合索做作成一場勲業。

〔小梁州〕動不動種竹栽花了歲月。輕將那帝王家作養恩絕。又不曾停銜罷職。拽官牒。你休要胡廝借。我猜着了。你心下再無別。

〔么篇〕您只怕芙蓉露冷胭脂謝。雲雨情又有枝節。若是將恩愛擔。定索把彝倫滅。本是箇題橋的佳客。你如今迴避了茂陵車。〔外云〕不是這等。我在青州時。專一奉公守法。不敢半星兒負了朝廷委任。爭奈與人上氣。便是於世難合。與其被人中傷。不如早早隱居求志。卻不氣長。所以動這念頭。君臣之義。平生點檢最熟。怎肯差了。恰纔聞得人說。果被青州太守中傷。放我致仕。若得如此。感謝天地。便遂我平生之志也。〔旦唱〕

〔醉太平〕你心兒要恁迭。這道兒更合轍。既然撇罷再休說。把農桑務些。雖不止丹書鐵券黃金闕。也輪着黃鷄濁酒白蓮社。又索甚蒼崖翠壁紫雲穴。是非場漸漸的遠也。〔外云〕只是無多俸錢。不敷過遣。少不的披星戴月。力農務本。便是養身之道。蘭卿呵。若你與夫人每安心紡績。以治其內。量這過活。有甚難處。如今世上貪饕之徒。剝削民膏民

脂回得家來。蓋偌大宅院。養偌衆家口。重裊而臥。列鼎而食。見嚙這等做作。怕不笑嚙每呵。
唱

〔煞尾〕嚙人呵。若行藏不媿了男兒節。冷暖何憂世路斜。既不曾貪叨忝竊。侈肆驕奢。放浪歪邪。有這等清風高節。
〔云〕止不過一箇緊貼身的窮字。
唱 又怕甚不覩事長安少年說。
〔下〕

第三折

〔旦上〕〔云〕自從夫君下鵬守制回家。將近服滿。就有致仕的消息。把家兒移居在這煖泉精舍。無是無非。住了六年期上。不想夫君怎地害了這場拙病。三日好。兩日歹。摩挲半年有餘。還不見此兒平復處。似此纏綿。好生煩惱人呵。
唱

〔越調鬬鶴鶉〕他如今病在膏肓。又不是時行嗽唧。怎能殼似舊如初。空教我心忙意急。一會價寒熱頭眩。一會價昏沉眼黑。請良醫。憑脈息。都說是少日勞神。又搭上新來欠理。
〔云〕俺夫君每日是怎地模樣。今日直這等的。
悲科 唱

〔紫花兒序〕困騰騰鬚髻拘蹇。苦懨懨晒眩乜斜。慘可可憔悴尪羸。甚的是精神丰采。相貌威儀。堪悲。往日的笑語歡娛在那裡。折倒的一絲兩氣。看了這反

復纏綿也。則是早晚遲疾。〔云〕昨日請了許多太醫。丸藥散子。喫了許多。恰似丟在井裏一般。全不會進些茶飯。今日又針灸了。也不濟事。一發尪羸短氣了。〔唱〕

〔金蕉葉〕枉喫了無折算丸兒散兒。添不上一星星茶兒飯兒。捱不得法灸神針苦勸逼。越越的神思起矣。〔外發昏科〕〔醒科〕〔云〕我的神思亂了。不濟事。快與我收拾

下裝裹者。〔衆悲科了〕〔旦唱〕

〔調笑令〕怎的便收拾。不由人膽戰心驚。軟了四肢。眼睜睜盼不得天醫使。〔外云〕渾家好生看取孩兒們。把蘭卿尋穿衣喫飯的主兒嫁了。不要教失所了。〔旦唱〕百忙裏且道甚喫飯穿衣。則看那墜樓的便是傍州例。你休小覷了有氣分的虞姬。

〔云〕夫君我怎肯再嫁人。只是相陪夫人過日子罷了。世上人那箇似得你。〔唱〕

〔小桃紅〕想着你聰明文雅有誰及。美麗無倫輩。今日箇說出這等言語。却怎的一病淹漸。便如是。〔外旦發悲昏科〕〔旦唱〕迎頭兒先誆殺大賢妻。量俺這梅英柳葉成何濟。好時節止不過供湯問食。病時節常則是磨腰擦背。〔云〕今日這等病重呵。〔唱〕却怎生替得你半星兒。〔外做死科〕〔下〕〔旦等衆悲科住〕〔衆徠云〕與老爹請高僧高道追薦者。〔旦云〕不可。他是讀書人。生前最不待見此事。如何追薦。如今瞿家也無得力

人幹辦。便是墓志正經的事。也幹不得。只準備棺槨完備埋葬了罷。〔唱〕

〔禿廝兒〕也無甚修齋累七。也無甚誅行鑄石。揀一箇吉日良辰埋葬畢。還收拾入城池安棲。〔云〕這等孤兒寡婦。城外也不是住處。〔外旦云〕說的最是。爭奈孩兒小哩。〔旦

云〕奶奶這事不妨。〔唱〕

〔聖藥王〕將家法齊。門戶密。小倌兒指教苦攻習。書與詩。典與籍。比量着孟母訓三移。怕甚的棠樹下不接梨。〔云〕我想這小哥們。終有箇好處哩。〔唱〕

〔麻郎兒〕須有日學成身立。須有日志顯名題。那時節荒冢上三公撰碑。朽骨上一靈增氣。〔外旦云〕只怕勸不起他志氣。〔旦唱〕

〔么篇〕他小哩怎的便知。根科兒是月窟仙枝。胎胞兒是瓊林玉質。胚團兒是俊才英氣。〔外旦云〕如今夫主已亡化去了。只俺這幾口兒相守着。好生傷感人也。〔旦與衆同

下〕〔淨上〕〔云〕念某富家郎的是也。昨日張大人故了。丟了歌兒王蘭卿。有沉魚落鴈之容。閉月羞花之貌。我一心要娶他。喚箇媒婆。將一付好頭面。好鐲好釧好珠翠。包一大盒子。與他看。再將許多東西與張夫人。教人與他說。留在家裏何用。金籠鸚鵡。終是野心常在。怕他不肯。再將東西與王錦的渾家。教他子母從長計較。不信不成也。〔女淨扮媒婆發科了〕〔淨下〕〔媒婆與卜

兒等云了」〔與外旦云了〕〔見旦云了〕〔取砌末看了科〕〔旦云〕不承望今日又生出這等枝節來也〔悲科〕〔唱〕

〔絡絲娘〕實指望侍的老夫人眉龐齒米。誰承望逼迫的小妮子天南地北。便活到百歲千秋索一死。則不如另尋箇身計。

〔東原樂〕心猶豫。志慘淒。自抵着牙兒從頭記。蜜就花成恰幾日。我這等耽岑寂。他還來把人調戲。

〔拙魯速〕雖不是石季倫的正頭妻。也曾做張千鵬的側房室。名兒是細微。性兒敢鯁直。肯分得重嫁與腌臢厮養市曹兒。他倚着廣有家貲。命福齊。賣弄他寶貝珍奇。屋舍床席。做不過夫君行使數的。〔云〕罷罷。伏侍着夫人。看覷着兒女。雖是

正理。似此蜂喧蝶攘。不免玷辱俺夫君的志氣。不如尋箇自盡。只怕倒與亡化的做好觀呵。〔唱〕

〔綿搭絮〕折些頭面。饌些殺食。沽些好酒。宰箇肥鷄。就裏消息只自知。〔云〕那媒婆賣婆每呵。〔唱〕便有那巧語花言待怎的。埋伏下鐵桶似兵機。投至他再來時。咱去矣。〔云〕如今夫君棄世。又將一年之上。夫人晝夜啼哭。幾時是了。將俺這簪兒。環折買些東西。

安排些酒食。權當與夫人收淚者。〔旦把酒勸科〕奶奶滿飲數盃。我想兩箇哥哥。都聰明了。得想

是不肯墮落了他父親志氣。有奶奶在。還與兩箇哥哥并蘭卿做主。省可裡這等煩惱了。〔與外旦坐定了〕〔旦入房取砌末將信石喫了〕〔仍把酒勸外旦科〕〔外旦回酒科〕〔旦飲酒昏沉了科〕〔外旦問梅香科〕〔梅香云了科〕〔外旦等悲救了科〕〔旦云〕不要救我了。再將酒來我喫。〔唱〕

〔拙魯速〕我如今活不成。掙不的。望天遲。入地疾。怎受的小兒曹出乖弄醜。苦眼鋪眉。迎姦賣俏。點醋嘗醢。想着他風流文采。器宇襟期。人品才識。怎肯教癩蛤蟆將龍肉喫。〔云〕奶奶與哥哥們將息保重者。蘭卿受了無限恩愛。不能伏事到頭也。今日由不得我了。〔唱〕

〔尾聲〕則您這小官人休墮了弓裘志。老夫人好做前賢事體。〔云〕我如今死了。我夫君在陰司地府裏呵。〔唱〕喜孜孜且並肩兒行。笑吟吟無半星兒悔。〔下〕〔衆悲科〕〔下〕

第四折

〔正旦唐巾長衫改扮細酸上〕〔云〕自家是這太白山真德洞天主人是也。有盤屋縣樂戶王錦女兒蘭卿。與亡過的推官張子鵬做側室。因是子鵬故了。有箇富家男子。千方百計。要娶蘭卿爲

妻。蘭卿不從。服毒身亡。只見一片聲鬧起關西都。誇蘭卿貞烈。俺想蘭卿是一女流之輩。又生在柳陌花街。怎生便有這等好處呵。〔唱〕

〔雙調新水令〕恰纔箇宴蟠桃。獨步下瑤階。則見這滿關西都大驚小怪。爲一箇三貞九烈女。酬志了七步五言才。出身在柳陌花街。做的來個儻胎孩。〔云〕老仙雖居洞天之上。〔唱〕見這等罕曾事。煞心愛。〔云〕不免按落雲頭。化作儒流秀士。弔問他一遭。看人怎地說他道他。〔唱〕

〔駐馬聽〕雖是我帶酒歸來。尙兀自滿袖天風飄瑞靄。不付能乘鸞行在。我只見三川花柳暗春臺。你道白雲深處是蓬萊。我怕蒼烟望裏迷瓊海。雙屣躑躑。踐紅塵自笑乾坤窄。〔云〕這盤屋縣是好一箇去處也呵。〔唱〕

〔沉醉東風〕背枕着南山翠色。面迎着渭水層臺。鬧垓垓市井稠。寬敞敞幅員大。控褒斜一脈縈迴。氣運推移豈細哉。怪不的產這等英才俊客。〔做與衆酸相

見科〕〔云〕這子鵬節推。舊日與俺交遊最厚。偶來此間。聞他下世已久。他這細君。便是如此死節。真箇難得也呵。〔衆酸云了〕〔酸云〕想這風塵妓女們呵。〔唱〕

〔鴈兒落〕慣帶的是鴛鴦翡翠釵。會揀的是金粉芙蓉額。喜過的是琉璃琥珀

鐘。怕見的是淡飯黃齏菜。

〔得勝令〕蘭卿也甘分在寂寞小書齋。無心向雲雨楚陽臺。你死呵身葬入孝友張公闕。名播入王侯宰相宅。清白增氣槩。鶯花賽光澤。助威風烟月牌。

〔滴滴金〕想着他視死如歸。含情不語。中心能耐。說甚的會觀是祝英臺。觀的那寶釧金釵。珠纓繡襦。香毬羅帶。不直那一星兒腐黍烟柴。

〔折桂令〕他本是蕊珠宮謫降的仙胎。因此上一寸靈心。萬劫難壞。看了他壁立千尋。光微五典。眞箇是名稱三才。既要上青史貞姬義客。又甚麼撞黃幡月值年災。保護根芽。不受浮埃。他如今神返丹霄。光燭三台。〔衆酸謝科〕〔酸云〕這

等好事。想是已申奏旌表呵。〔衆酸云〕奈是張門過遭蕭疎。不曾有人申奏。〔酸云〕可惜可恨。唱。

〔水仙子〕九天仙客正疑猜。三舍書生莫打乖。這人兒迥出風塵外。奈您這做州司心量歹。有甚的隱約難裁。也不索駁查體勘。也不用金珠玉帛。只一封書早上金階。〔衆酸云〕問道上司有文書來。先掛節婦牌。隨後便有旌表來也。〔酸作大笑科〕〔云〕

似這等節義大事。動天地。感鬼神。便旌表不旌表。有甚要緊。〔唱〕

〔步步嬌〕止不過一道文書把坊牌蓋。算甚的萬古精靈在。空教我意遲遲乾

喝采。不知我稅駕徒行爲誰來。若問取稱心懷。他如今一靈兒已是超三界。

〔喬牌兒〕怪不的九州人常告災。則他這一件事有何礙。赤緊的勘磨司都被錢籬兒饒。慘可何日改。〔酸喚侍者低頭云科〕快去說與當坊城隍土地。看他兩箇真魂安

在。教他帶來伺候見我。〔侍者與城隍云了〕〔衆神云〕侍者。你只管向真人回話。俺帶他夫婦

二人伺候來也。〔酸顧衆酸云〕您衆位只知人間事體。這忠臣孝子。義夫節婦。都行天曹糾察。

上等的名列仙班。萬劫不改。中等的令他託生王侯宰相。扶持世界。您衆位莫把蘭卿看的小了。

俺想人生天地之間。富貴貧賤。只是瞬息間事。不如積些陰功。行些好事。到了有受用呵。〔唱〕

〔錦上花〕地獄天堂。轉關兒常在。暑往寒來。托版兒相挨。今日衰翁。昨日小孩。潑眼朱顏。回頭變色。休誇金谷園。且看雲陽陌。富貴豪華。命福所該。榮辱升沉。誰能預猜。〔云〕便是天地這等大呵。也有難曉的事哩。〔唱〕恰纔見雪霽西山。却又早雲生北海。

〔清江引〕人生百年如過客。難把流光捱。〔云〕這蘭卿幹下這等好事。不知俺心裏是怎生的。則要說他道他。您衆位不嫌俺口碎麼。〔衆云了〕〔酸唱〕誰似王蘭卿奮志成高界。好名兒鎮留千萬載。〔云〕我聞道有箇王學士。曾做了一套樂府弔蘭卿。敢煩衆位喚幾箇會彈唱

的來將這樂府唱一遍。俺試聽者。〔衆喚妓女抱樂器上〕〔彈唱〕

〔南呂一枝花〕飛騰鸞鳳林。脫離烟花巷。玉琢成清氣質。鐵打就烈心腸。貞女無雙。堪寫在青編上。我這裡閣着筆細忖量。他有那燕子樓關盼盼的聲名。他不比普救寺崔鶯鶯的勾當。

〔梁州〕他曾學孟光女齊眉舉案。他勝似劉盼春守志香囊。誰言紅粉多虛誑。也不用山盟海誓。又何須剪髮熬香。幾分毒藥。三寸靈咽。美甘甘滿口沙糖。纔落了駒驪一枕黃梁。做一對鬼魂兒夜月下攜手同行。變一箇連理樹暮雨中盤根並長。化一雙玉蝴蝶春風前接翅飛揚。比量細想。風流自古多魔障。不是咱虛褒獎。恰便似忠臣與良將。節凜冰霜。

〔罵玉郎〕蕙蘭心性花模樣。當日箇正嬌小與才郎。紅顏實有白頭望。誰想道老景難。緣分短。斯文喪。

〔感皇恩〕呀。也待要獨守孤孀。又則怕蝶惡蜂狂。倒不如棄青春。歸綠野。葬黃壤。相伴着風清月朗。倒有箇地久天長。爲則爲我逢郎。想則想郎愛我。願則願死隨郎。

〔採茶歌〕釵斷了金鳳凰。被散了錦鴛鴦。吉叮當帶脫了玉螳螂。流水煖泉圍故里。寒鴉衰柳噪斜陽。

〔尾聲〕想着他情如鳳友。心中想。命比鴻毛藥裏亡。稱兩意須教共穴葬。這一箇貞的女娘。不負了畫眉的張敞。留與那萬古千秋教人做話兒講。
〔酸云〕委的是好詞也。道盡蘭卿心事。您衆位知道這王學士麼。
〔衆酸云了〕
〔酸云〕這王學士本是紫閣仙翁一化。想他這夫婦二人。不知怎生感動俺這兩位仙翁。直恁的爲他費心。您衆位要見他夫婦二人麼。侍者那裡。
〔侍者云了〕
〔城隍等同于鵬蘭卿同上〕
〔于鵬蘭卿改作仙扮同衆神向酸次第參見科〕
〔衆酸驚科〕
〔酸云〕侍者。您趁着這彩霞光裏。教羣仙動着仙樂。把他夫婦二人。送往金母娘娘位下。列在仙班去者。
〔動樂科〕
〔二人謝科〕
〔下〕
〔諸神辭謝科〕
〔下〕
〔酸跨鶴上昇科〕
〔唱〕

〔絡絲娘煞〕題的他守節捐生事徹。俺如今穩跨着黃鶴去了。
〔下〕

題目

張于鵬爲養仕青州 晁陽眷嫁女辭烟花

正名

富家郎設計探姻緣 王蘭卿服信明貞烈

洞天玄記前序

三百篇之作。有益於風教。尙矣。世降俗末。今不古若。冬葛夏裘。不無恐泥。是以古詩之體。一變而爲歌吟律曲。再變而爲詩餘樂府。體雖不同。其感人則一也。世之好事者。因樂府之感。又捃摭故事。若忠臣烈士。義夫節婦。孝子順孫。編作戲文。被之聲容。悅其耳目。雖曰俳優末技。而亦有感人之道焉。波及瞿曇氏。亦有西遊記之作。其言荒誕。智者斥其非。愚者信其真。予常審思其說。其曰唐三藏者。謂己眞性是也。其曰豬八戒者。玄珠謂目也。其曰孫行者。猿精謂心也。其曰白馬者。謂意。白則言其清靜也。其曰九度至流沙河。七度被沙和尚吞噉。沙和尚者。嗔怒之氣也。其曰常得觀世音救護。觀世音者。智慧是也。其曰一陣香風還歸本國者。言成道之易也。人能先以眼力。看破世事。繼能鎖心猿。拴意馬。又以智慧而制嗔怒。伏羣魔。則成道有何難哉。吁。什氏之用意密矣。惟夫道家者流。雖有韓湘子。藍關記。呂洞賓。修仙等記。雖足以化愚起懦。然於闡道則未也。吾


師伯兄太史升菴居滇一十七載。游神物外。遂做道書。作洞天主記。與所謂西遊記者同一意。其曰形山者身也。崑崙者頭也。六賊者心意眼耳口鼻也。降龍伏虎者。降伏身心也。人能如此。則仙道可冀矣。此書當與西遊記並傳可也。愚也不揣凡骨。孜孜於神仙之學。其於明道立功。亦分內事也。偶覩斯文。有益吾教。敢不爲吹棘蕪檀之助耶。因祝羽士玄流。撿筠戛簡之下。因言會意。得意忘言。庶乎不負所作。若曰恣取諧謔。貪婪哺啜。則吾何取於爾哉。何取於爾哉。

嘉靖壬寅冬十月吉日門下弟飛雲山人紫庭眞逸楊悌用安序

洞天玄記序

劉子曰。洞天玄記。洞天貞逸閉關草玄。休暇而戲爲之者也。夫貞逸以玉堂仙史。遠遊荒徼。浮雲富貴。葆蓄性靈。此其有感而云云也。或曰。貞逸酒邊寄興。則有陶情之作。養生寓言。則有玄中之記。養生則守中而貞。陶情則和平而逸。是故非放言。非自苦也。或曰。今之傳者。直指爲陳自得。眎此蓋差異云。予曰。世之贗書無限。如雲仙散錄。周秦行紀。碧雲騖者。假托名流。幻惑時輩。甚則公取人長。而據爲己有。極可惡已。昔東陽柴廓作行路難。乃僧寶月竊而有之。遂使後世流傳。不知有廓。若自得者。其諸寶月之徒與。此雖一事之微。而人之無良。風之媮薄。孰甚焉。君子是以重爲之感也。

嘉靖丁酉春日玄都浪仙漫題



洞天玄記

明楊慎

開場

〔末上開〕〔蘇武慢〕堪嘆浮生。年來歲去。偏有許多忙事。蝸角勞勞。蠅頭攘攘。只爲虛名微利。白髮難饒。朱顏易老。日月長繩怎繫。細思之何苦奔馳。陽燄空花身世。好回首放浪山林。逍遙雲水。火宅風塵都棄。紫府丹丘。藍岑翠嶽。別是一壺天地。青鳥喉歌。紅鸞掌舞。金醴朝朝長醉。宴清都拍手羣仙。且聽洞天玄記。〔問云〕可惜良辰美景。休要亂道胡支。請問後房子弟。搬演何代傳奇。〔內應云〕宴清都洞天玄記。〔末云〕好好。這故事容成公傳與彭祖。廣成子授與軒轅。迷方者執文泥象。知音者得意忘言。來者形山道人。好做好看。〔下〕

第一折

〔道人上〕〔手執漁鼓簡板〕〔云〕家住形山東復東。此中何別蕊珠宮。五雲仙客形皆異。八洞烟花景不同。煉藥爐香金石氣。醮星壇冷薜蘿風。因聞大道修真訣。咫尺三清有路通。貧道不是別人。胡突齋的是也。道號無名子。俗呼爲偃偃先生。乃始清之下。太浮黎土人也。自從無始以來。得悟仙術。歸隱形山五氣洞中。辦道貧道每在靜中。觀見本境崑崙山下有六賊。乃袁忠。馬志。聞聰。

靚亮。孔道常滋。此賊專在其中。奸盜詐僞。嫉妬貪嗔。勾引三尸。教唆五鬼。展轉不常。隱顯莫測。成羣結黨。是非萬端。貧道本欲下山降之。奈緣衆賊各逞英雄。一時不服。無法可治。貧道不免前去。但以善道化之。未知若何。倘若化的他皈向吾門。則吾道之事畢矣。須索走一遭去來。〔唱〕

〔正宮端正好〕今日箇下形山。不由我忪惓惓把雙眉皺。打點下軟絲觔巧言詞。去惹魔頭。憑着俺轉關兒談天論地藏機口。去化山中寇。

〔滾綉毬〕那厮每不肯修。決將咱不採揪。自是他不識此香臭。料應他這其間都笑呵呵定賞中秋。他沉呵我便浮。他剛呵我便柔。不分離死生撩鬪。他若不皈依怎肯干休。假饒他昇天攝地三千界。亦任他涉水登山二百州。趕將去活喇喇捧轉白牛。〔云〕行行去去。去去行行。呀。卻早來到崑崙山寨也。只見天朗氣清。蟾光如畫。其寨內語笑喧嘩。賊是好快樂也呵。貧道立於此處。暫且聽者。〔六賊上〕〔云〕吾等不是別人。袁忠馬志。聞聰靚亮孔道常滋的便是。生長在崑崙山下爲家。俱是聰明特達之流。因貪酒色財氣。合做一夥。俺弟兄六人。在此山中。縱橫自在。出入無拘。今遇中秋佳節。且喜碧天如洗。月朗星稀。小僕僮與我安排酒穀菜品。盃盤席面。等我衆弟兄賞月者。〔作衆賊推不知科〕〔道人云〕壁間還有耳。窗外豈無人。看這厮也知賞月中秋。你玩賞止以醉爲樂。忘生捨死。儘貪酒肉爲甘。豈知樂極生悲。榮枯

有數。吓。等閑使盡囊中寶。難買無常路一條。〔笑科〕呵呵。這等高聲長笑。他自不知。不免尋一高阜之處。順風之所。將鼓簡頻敲。吟小詩一首。借一陣風。吹入其耳。使他知之。豈不美哉。〔吟云〕千崖爽氣已平分。半夜青天輾玉輪。皆向碧峯高處望。相逢都是廣寒人。〔袁云〕怪哉怪哉。這等夜深。何處歌吟之聲。小僕僮與我去寮門首看者。〔僕僮開門看見道人科〕〔云〕你是誰人。到我此處。大呼小叫。有甚事幹。〔道人云〕呵呵。你不識的我。我是形山道人。今夜特來望你太保。〔衆人起身接科〕〔袁作揖〕〔道人云〕稽首稽首。〔分坐畢勸酒科〕〔道人云〕貧道不飲。〔袁云〕此酒天之美祿。可以合歡。何故不飲。〔道人云〕此酒你不知。乃五百大戒之首。禍亂之根。故鴆酒盈盃。好飲人不顧其毒。虎前美女。戀色者豈怕其傷。鎔金紅爐。貪財輩怎知其焰。制人王法。鬪勇徒安懼其身。慎之慎之。不飲不飲。〔袁云〕先生既然不飲。來此爲何。〔道人云〕特來陪太保玩月。〔袁云〕既然不棄荒寨下顧。且喜今宵雨霽。美景良宵。月圓懸似鏡。星擺列如棋。何不高吟好詩一首。以暢雅懷。〔道人云〕既蒙示下。不敢有辭。胡吟污耳。幸勿哂之。〔敲鼓簡吟科〕〔云〕閑眺冰輪上太清。家山萬籟寂無聲。愛他午夜無私照。對我中秋分外明。庾亮賞吟難比興。謫仙邀飲豈同情。若還知的生身處。消息原來只在庚。〔袁云〕師傅適間詩。我前六句曉一二。後二句不明其理。望師傅解之。〔道人云〕要明此句。乃是大道之根苗。非敢洩漏。〔袁云〕師傅傳授孩兒也不妨。

〔道人云〕欲聞其道。必須沐手焚香。對天發願。皈依與我爲徒弟。方可傳授。〔袁云〕師傅若是說得理明。我弟兄六人。都與師傅爲徒。〔道人云〕既有此語。汝當信受。〔袁云〕師傅請教。弟子願聞。〔道人笑云〕閑眺冰輪上太清者。體鍊已待時。喻其旺氣滿盈。浮而當天。如冰輪皎潔。鉛華獨見。正宜下手工夫。家山者。不出於此山。萬籟無聲者。合乎寂然不動。感而遂通之理。午夜者。時到子也。無私照者。實爲家家有之也。故我紫陽老師云。此般至寶。家家有此。其證也。中秋分外明者。八月十五夜。正是水清金旺。天上蟾朗星稀。此其候也。愛他對我。同類有情之語也。庚辛者。乃金旺之地。以應三日月出之旨也。況此物能生天生地生人。何況我之一身而然哉。矧謫仙者是唐朝之學士。庾亮者乃晉室之參軍。似這等詩朋酒友。惟溺於醉生夢死之場。終日憺懣時光。撈漉驅馳。依稀過活了。焉知我有回陽換骨。返本還元。白日而昇天哉。〔袁云〕小僂儷每酒無盡飲。與我把這盃盤卓器收去。點炷香來。拜俺師傅者。〔衆拜科〕〔袁云〕師傅。願聞大道根苗。逐一開教弟子。〔道人云〕六子也。汝既皈依。須當諦聽。〔袁云〕師父。弟子願聞。〔道人唱〕

〔仙呂點絳脣〕道本清高。有誰參透其中妙。虎戰龍鏖。說破了。教人笑。〔云〕弟子也。欲明大道。須用先天。〔袁云〕師傅。此先天之道。弟子愚迷不省。〔道人唱〕

〔混江龍〕若說道先天之道。參同契裏盡含包。〔袁云〕此周易卦中爻象雖知。未明玄妙。

望師傅指點。〔道人唱〕因乾坤闢闔。感二氣相交。生震龍兌虎。分老少之爻。指巽辛艮丙。續男女之苗。產坎離日月。使匡廓周遭。乾爲天衝虛陽老。坤爲地交動陰嬌。〔云〕徒弟也。汝知真鉛真汞。真龍真虎麼。〔袁云〕弟子不知道。〔道人唱〕陰有真鉛陽有汞。龍無鱗甲虎無毛。屯蒙爲候。洞曉昏朝。終於既未。陽長陰消。〔袁云〕師傅。此卦是那發課的先生。將錢卜的那課麼。〔道人云〕不是了也。〔唱〕叮嚀說與道門人。休只看做銅錢兆。〔云〕你知道麼。〔唱〕兩弦會花開上苑。一陽動漏永中宵。〔袁云〕師傅。先言爻象。陰陽消長。次說花開上苑。漏永中宵。是有何玄妙。〔道人云〕徒弟也。漏永中宵。是無弦琴。撫花開上苑。是無孔簫吹。善能吹無孔之簫。入衆妙之門。善能撫無絃之琴。得無爲之道。〔袁云〕師傅。琴簫二物。似何形狀。〔道人將鼓簡放下。執簫在手。〕〔云〕徒弟也。其簫貧道都有。其琴山中罕見。須向市廛中求之。乃太古琴也。五尺焦桐。止二徽。無弦有竅。任施爲。梅花三弄。知音少。琴易彈。分簫罕吹。〔袁云〕師傅的簫如何動用。〔道人唱〕

〔油葫蘆〕只要你夜半能吹無孔簫。〔袁云〕師傅。你說這無孔簫。如何吹得響。〔道人唱〕蹊也麼蹊。〔袁云〕師傅。有甚麼蹊蹊處。〔道人唱〕者麼是拿雲手段也難調。〔袁云〕師傅。只像吹簫的那等吹。〔道人唱〕我只怕你指不明。摸不着通天竅。氣不和。演不出宮商調。〔袁

云〕師傅。氣如何調。〔道人唱〕專氣致柔。非用巧。知嫩老。似這等玄玄口訣。人希好。只待臥吹明月上花梢。〔袁云〕師傅有許多說話。不知何物做得成。〔道人唱〕

〔天下樂〕他會弄月篩金在鵲橋。引鸞栖鳳巢。感娥皇斑染淚痕嬌。近葛陂能化龍。入蓬萊成仙樂。這簫呵等閑無福也難學。〔袁云〕師傅似恁孤隱山林。荒涼寂寞。無客相邀。亦無受用。猶吹此簫。有何好處。〔道人唱〕

〔那吒令〕你道我寂寥。愛清林靜悄。你道我少殺。啖交梨火棗。你道我無客邀。有雲朋月老。吃了些那玉液瓊漿。沉醉倒。看白雲閑往還。任紅塵飛不到。不比你害生靈的茶酒會兒曹。〔云〕梁園雖好。不是久戀之鄉。臭肉膿胎。不免將來敗壞。〔袁云〕師傅徒弟肯去。若戒了豬羊葷酒。無的吃用。弟子怕去不的。〔道人云〕徒弟也。我那裡有仙酒仙桃。比你塵俗氣味不同。〔袁云〕師傅。酒桃不知在於何處。〔道人唱〕

〔鵲踏枝〕桃園內摘仙桃。瑤池宴飲香醪。霎時間虎伏龍降。鬼哭神嚎。把那紅塵盡掃。任蓬萊三島。醉醺醺跨一隻仙鶴。〔袁云〕師傅。仙桃生於桃園洞口。仙酒憑何製造。〔道人唱〕

〔寄生草〕這酒呵。把乾坤爲缸瓮。搏日月釀作糟。陰陽榨滴流酥酪。玄關竅裏

珍珠冒。崑崙頂上安爐竈。香醪入口便生春。只教你蒼顏改變如年少。〔閏云〕師傅。全不曉的是甚麼道。〔馬云〕哥哥。我曉的了。〔袁云〕你說是甚麼道。〔馬云〕不是竊盜是強盜。犯了時送在京畿道。〔道人唱〕

〔么〕我道非常道。何須遠市朝。和光混俗塵中鬧。麻袍草履都丟掉。簪花攜酒東園樂。飲罷了乘鸞跨鳳白雲鄉。強如你騎驢壓馬紅塵道。〔馬云〕哥哥也。這箇道人。這一夜全無正理。他簫又無孔。又那般模樣造酒度俺出家。又丟掉了麻袍草履。不遠市朝。一片胡說。跟他怎的。〔道人唱〕

〔六么序〕嘆你如今不從道。老來無下梢。撚指綠髻又霜毫。這其間齒落筋焦。髮白顏凋。喘吁吁曲脊彎腰。年將四十休言小。想人生七十難逃。則你這百歲幾多身先老。富貴如風中秉燭。利名似水上浮瓢。〔馬云〕這等言詞。都是欺負我每的話。料想不空教老了我們。我便肯回首呵。攻書演武。定爲將相之材。跟他孤窮道士怎的。〔道人云〕六賊呵。〔唱〕

〔么〕一任你穿硯椿毫。舞劍輪刀。鵠立鵬翺。武略文韜。冠世才學。破敵英豪。志氣冲霄。義勇扶朝。者麼你作養文武兼濟居廊廟。怎如我鶴背高。你看我有一日降

龍在東海。伏虎在西嶢。〔袁云〕兄弟也。不知師傅所言。句句斬釘截鐵。言言擊玉敲金。苦苦叮嚀。真告顯露其中最玄妙之理。〔馬云〕吓。哥也。有甚麼玄妙處。易卦我也知道。鉛汞我也知道。龍也曾降。虎也曾伏。跟他怎的。〔袁云〕來來。鉛汞是何物。易卦如何是卜。龍虎如何伏降。〔馬云〕昔日菑丘。忤誅龍是舉手。李存孝打虎是擎拳。水銀是汞。黑錫是鉛。若說易卦。三箇銅錢。周易文王。孔子聖人。麻衣道者。鬼谷玉蟾。一卦算着。有福有緣。一卦不着。拽肩拽肩。〔袁云〕拽着甚麼。〔馬云〕拽着肩兒。且過一邊。〔袁云〕兄弟。料想咱今年去不成。我與你計較兩三句話說。支吾他去罷。〔道人云〕你衆人不必商量。跟我去來。〔袁云〕師傅。弟子有句話兒告稟。今者欲跟師傅去。索緣三件事未完。〔道人云〕那三件未完。〔袁云〕一者男女婚嫁。宿債未了。二者齋戒未定。三者私取他人財物。未曾給送還主。到來年俺們自來。拜禮師傅。〔道人云〕你倒也說得是。罷罷。貧道暫且回去。留詩一首。特來此處化迷徒。明月娟娟照太虛。可惜這般伶俐子。仙機說盡不從吾。〔下〕〔聞云〕哥也。鷄唱三次也。〔觀云〕呵。又早天明也。〔袁云〕滿飲香醪說甚仙。眠花臥柳勝參玄。金齊北斗方爲寶。力拔南山不怕天。〔六賊並下〕

第二折

〔末隨道人上〕〔道人云〕夫天地之始。道本無名。於吾道則曰。杳杳冥冥。寂然不動。感而遂通。修

儒道則曰。仰之彌高。鑽之彌堅。瞻之在前。忽焉在後。釋門則曰。一切有爲法。如夢幻泡影。如露亦如電。應作如是觀。豈有名乎。所言雖異。其旨若合符節。後學不知其始。互相是非。深可嘆哉。且如釋氏以明心見性。儒則窮理盡性。我道以修真養性。意頗云同。爲教雖三。其道則一。聖人之道大矣。人不能遍觀而盡識也。(唱)

〔商調集賢賓〕想當初。什迦尊。文宣王。太上老。教雖三。共一苗。一聖作春秋。刪詩書。文興萬古。一聖悟圓通。現金身。夢感漢明朝。一聖著道德。駕青牛。出函關去了。本來是一派根源。柰後來人互論低高。專業擅弄風騷。儒門子藍衫烏帽。什迦兒圓頂方袍。(末云)我道如何。(道人唱)

〔逍遙樂〕身穿着粗粗的布袍。蓬頭垢腦。草履麻絛。化一鉢千家飯。自飽滿葫蘆。任醉醺醺。向安樂窩和衣兒睡倒。端的是無榮無辱。無諂無驕。(末云)想那爲官的。位高一品。食祿萬鍾。名傳四海。威鎮諸邦。豈不貴哉。(道人唱)

〔金菊香〕堪稱他爵祿高。止不過重裯酣睡。列鼎味佳殺。魚鳳烹龍一樣飽。他只是利鎖名牽。不如我黃昏一覺。直睡到太陽高。(末云)且如我起來時。(道人唱)

〔醋葫蘆〕起來時縱步遊。悶中呵冷眼瞧。賣弄得他輕裘肥馬氣英豪。全不想獲

罪於天無所禱。惟有張良參道。解金魚。怕死未央刀。

〔么〕想浮生事業輕。嘆虛名聲勢薄。常只是韜光隱跡樂陶陶。葫蘆提省教精細。擾山中靜悄。只怕你麒麟閣。爭似草團瓢。〔末云〕暗想儒門有四配傳統。釋教有六祖。

傳燈。如我教先有何人教道相傳。〔道人云〕想我道不亞於此。吾道本末。〔唱〕

〔梧葉兒〕前五祖開仙派。後七真道德高。〔末云〕五祖七真。姓甚名誰。〔道人云〕五祖是李張許鍾呂。七真是丘劉譚馬郝王孫。〔末云〕在後更有何仙。〔道人唱〕難逐一把名標。飛昇的二萬數。拔宅的八百巢。自是咱參禪悟道。參禪悟道。因此上把利名棄了。〔末云〕

這成仙作祖的。拔宅的八百巢。飛昇的三萬數。咱後來弟子可學的麼。〔道人云〕呸。世上無難事。都來自不專。古仙有云。雖愚昧小人。得之立躋聖域。且夫逐末忘本。賤命輕身。英雄豪傑者。爲功名所役。聰明特達者。爲進取所羈。衣食富足者。爲營利所廢。貧窮困乏者。爲口腹所累。雖有出塵之志。只樂逸豫。以爲清淨無爲。是修行悞矣。豈奈無常迅速。光陰易過。何能得陰陽交會於神室哉。〔唱〕

〔村里迓鼓〕都只爲死生難了。因此上把利名利名丟掉。又只怕這幾箇明靈賊散了。〔末云〕端的此賊無禮。不可縱放。〔道人唱〕我只怕喚醒聞聰。磨明靚亮。遠市朝。將孔

道擊着。又怕走了袁忠。驚了馬志。常滋脫逃。似這等不隨呵。怎生是好。〔末云〕此賊可以定計降之。不如舉念可以安閑。何必掛懷。〔道人唱〕

〔元和令〕縱有些神通廣大也徒勞。洞門深無鎖鑰。只聽得野猿啼鳥鬧炒炒。閑來時漁鼓敲。吹紫簫。春花秋月自朝朝。時光迅速不相饒。嘆世事在眼前消。〔末云〕天無負道。時至方成。〔道人唱〕

〔上馬嬌〕幾時能設爐鼎燒鉛汞。二氣釜中炮。丹桂飄香星月皎。這其間握地見青霄。

〔勝葫蘆〕有一日握雨攜雲鎖住蛟。咱伏虎似擒貓。獲泥丸天上寶。霞光萬道。塵埃一跳。闔苑任遊遨。

〔么〕自是時人無福消。我道樂陶陶。休笑吾林下老。但能穀六根清淨。一身安樂。得同類便逍遙。〔云〕時光似箭。日月如梭。卻又早一年也呵。不覺的中秋到也。想去年此夜。山中度那六賊。六賊不肯回頭。料想今夜。他每又賞中秋也呵。須索再去走一遭去來。〔六賊上〕〔云〕想去年被那風道士打攪的一夜不得歡樂。小僕僮每趁早安排佳釵羹醢。咱衆兄弟每。今宵賞月。歡笑一場也呵。〔做飲酒科〕〔馬云〕想舊年那風道士打攪的一夜。又吟詩一首。俺弟兄

每。頗曉人事香臭。好景難遇。對此良宵。取樂追歡。盡醉何如。〔做揖讓科〕〔袁云〕將俺平昔英雄本事。吟詩一首。〔吟科〕〔云〕與人爲主氣中和。觸景生懷變態多。喜遇文王施禮樂。怒逢桀紂起干戈。悲時靚亮垂珠淚。歡處常滋發笑歌。孔道聞聰兼馬志。英雄任我逞僂僂。〔聞云〕此詩正合着俺的性兒。咱小弟兄每。學疎才淺。也各湊一句。共成一絕。〔各遞讓科〕〔聞云〕專聽人間是與非。〔觀云〕春花秋月見施爲。〔孔云〕西風昨夜吹香過。〔常云〕莫是廚下煮豬頭。〔馬做打常笑科〕〔云〕吓。不是了也。你道吃豬頭。正是嘴上種芝蕨。想出你油來。〔孔云〕不要打。等常滋再續一句。押的韻脚再做過。〔常云〕押韻的麼。有了。味着膏腴我獨知。〔馬云〕我也依韻胡賡一絕。四季埋名躲是非。人無爲處我先爲。往還千里人間事。試問東君知不知。〔道人撞入科〕〔云〕你每吟的好詩也呵。〔衆作揖笑科〕〔袁云〕師傅。弟子多失禮。有勞仙長重降荒寨。想師傅不飲此酒。與我收去。請坐遞茶。師傅何不離了那形山。來我這荒寨辦道。豈不爲妙。〔道人云〕徒弟也。此山是酆都作業之所。吾山與此山雖不出境。景致不同。我那山。上去上去復上去。上到巔峯回首處。我山清淨好修行。有誰識破其中趣。怎見得我山中趣。真箇是山簪碧玉。水帶青蘿。峯巒疊疊重。溪澗彎彎曲曲。天開圖畫。仙人琢就玉芙蓉。雲捧樓臺。天女粧成金世界。藉萋萋之纖草。步步有鋪設的繡榻。蔭落落之長松。處處有遮陰的傘蓋。有千年椿。萬年桂。茅菴草舍共清幽。有一聲

鶴一聲猿。牧唱樵歌相應答。春服正陽。夏食朝霞。秋飲淪陰。冬餐沆瀣。一年四季儘安康。東看扶桑。西攀苦木。南遊蒼梧。北泛溟渤。三界十方皆宅舍。公侯雖富貴。素他終日苦驅馳。我道雖貧窮。由我閑時常散澹。豈不聞漢朝韓信。十大功勞。興利劍齊休。晉代石崇。萬兩黃金。與綠珠共碎。到頭結果。畢竟何如。功名都是眼前花。富貴猶如草頭露。汝宜收心。隨吾學道。俺雖是草衣木食。竹杖麻袍。不飢不寒。一飽一睡。閑來唱會。醉后高眠。林泉下隨處栖身。塵世中和光混俗。無榮無辱。自在自由。友麋鹿而傲烟霞。浪乾坤而消日月。性靜情逸。煮白石以飲清泉。行滿功成。駕祥雲而超紫霧。徒弟。如你紅塵鬧炒。白日奔波。雖是朝管暮絃。冬裘夏葛。食前方丈。侍妾百人。但知碌碌眼前。豈知茫茫身后。無常忽到。金銀妻子總成空。大限到來。父母弟兄替不得。莫怪吾拳拳苦口。爲勸汝早早回頭。(袁云)師傅苦勸弟子回頭。弟子半信半疑。若是形山好景。惟恐不實。(道人唱)

〔後庭花〕愛的是臥白雲身世好。因此趁西風鶴背高。俺那裡綠水迢迢秀。青山疊疊巧。(袁云)你那山料比吾山不同。(道人唱)不比你燕鶯巢。俺那裡天然之妙。樹婆娑。鸞鳳巢。石崢嶸。龍虎包。春花香。秋月皎。夏風涼。冬雪飄。

〔青哥兒〕呀。爭如你山間作耗。恁如早回頭仙籍名標。肯辦一念虔誠將你業消。

報答你父母劬勞。保佑你四大堅牢。跳出塵囂。丟了鎗刀。你與我穿着麻袍。腰繫着環縑。身掛着柳瓢。吃的是美甘甘仙酒仙桃。聽的是韻悠悠鳳管鸞簫。玩的是舞翩翩朱頂仙鶴。拔宅冲霄。自在逍遙。更將那清風明月。一擔兒在杖頭挑。去來麼。俺和你再不走邯鄲道。〔袁云〕似師傅那裡山路崎嶇。竹籬茅舍。草衣木食。淡飯黃齏。有何好處。我這裡受用殺牛宰馬。更有野鹿山獐。篩鑼播鼓。歌韻悠揚。歡笑飲酒。豈不樂哉。〔道人云〕俺那裡雖草衣木食。一飽一煖。無有盡期。你這裡雖肥羊細酒。暫時口腹豐富。你怕說有一日惡貫已滿。天降災殃。無常到來。不能動止。豈能食乎。又不如我樂之久遠也。〔袁作驚大笑云〕兄弟。你可曉得師傅所言不曉得。〔馬云〕哥哥也。曾聞先聖有云。三人同行。必有我師焉。擇其善者而從之。其不善者而改之。凡有事務。隨哥主張。兄弟依的。〔袁云〕也罷。將俺山寨一火焚之。都跟師傅去來。〔隨收拾行李燒寨跟去科〕〔道人唱〕

〔尾聲〕回首月輪高。兀的咫尺蓬萊島。從今後跳出樊籠長不老。月友雲朋取次邀。趁着晚風飄。雲路迢迢。有一日降龍伏虎。我和你得昇超。〔云〕去來去來。正是那去來。莫道尋真不遇真。腰間有貨不愁貧。度人須是真入度。不遇真人不度人。〔下〕

第三折

〔道人上〕〔云〕貧道因將六賊化醒爲徒弟。不免喚他每出來。同玩山景水色。走一遭。〔衆出作揖科〕〔道人云〕你衆徒弟每。既到吾山。做箇修行辦道的模樣。不許顛狂馳驟。妄想貪求。但逢險路步宜遲。倘遇危橋身莫趨。你每今日。跟我遊山玩水。走一遭去來。〔衆云〕是好山也呵。〔道人唱〕

〔中呂粉蝶兒〕雲濕仙衣。聳晴空峯巒疊翠。隱藏着龍虎丹。金鳳龜。迎風聽鼓琴松。傍溪觀瀆玉水。偃蒼龍鵲橋波沸。穿九洞上接天梯。撞三關五明宮內。

〔醉春風〕其樂有誰知。飛仙能至此。重樓十二下瑤池。兀的不美美。到這裡五岳生春。三田聚寶。端的是一壺天地。〔云〕徒弟也。只管貪玩山水。不覺天色晚上來也。回洞

天去來。〔將劍橫膝坐〕〔戒云〕徒弟每。衆人依我。今夜打坐行功。不得散亂。〔衆人坐〕〔道人靜坐〕〔袁馬云〕等他四箇癡坐去。咱兩箇出去打劫一遭。〔馬云〕我也是這等說。只是無器械在手。〔袁云〕咱兩箇偷師傳劍來。〔馬云〕也是。〔做偷科〕〔道人驚云〕吓。這厮到這裡。還想那等境界。只因椿斷鎖頭鬆。跳出猿猴千萬隊。就用繩索鎖二人。〔袁云〕不要鎖了。弟子初犯。饒這一遭。再不敢了。〔道人云〕今後再犯。不守戒行。一劍誅之。各人收拾睡去罷。〔並下〕〔東蛟老龍上〕〔云〕吾乃不是別人。乃是木德王之孫。火德王之子。始生東海爲龍。名曰東蛟。幼於海中顛狂無

恥飛隱自由。任已雲雨。不從一切指揮。以此上天譴責。降吾形山之下。白雲潭內。歲久不能出世。又被此山之上。五氣洞中。有一道人。近將六賊化去。又來拘禁。吾不許出入。暗想起來。正是那龍居淺水遭蝦笑。誠哉是言也。量那道人。有甚麼神通。不如展吾與雲作霧之機。湧浪翻波之智。待春雷始震。正值風雲慶會之時。就將形山洗去。叫他一般皆休。除吾肉中刺。拔出眼中釘。不是一場伶俐也呵。變化一聲雷霹靂。昇騰萬丈水蒼茫。須臾洗卻形山去。假儂先生自此亡。〔道人云〕貧道正於靜中觀之。忽見妖雲變。怪雨滂。莫不是老龍要走了也。不免喚出六子來審問來歷。〔六賊上〕〔云〕師傅。喚俺每有何法旨。〔道人唱〕

〔普天樂〕鎖心空迷性地。他只待翻波湧浪。不能殼掣電轟雷。賣弄起興雲作雨機。怎隄防捉虎牢龍計。〔云〕弟子若是形山走了此龍。難以修道。〔袁云〕似此如之奈何。〔道人唱〕打聽的禹門有些春消息。在這裡布天兵六甲興師。〔袁云〕師傅不妨。有俺衆弟子在。何用天兵。〔道人云〕你六人我自分派處。〔唱〕用機變袁忠馬志。專視聽聞聰觀亮。候風息的孔道常滋。〔云〕徒弟每不知道。此龍能通變化。是箇難擒難捉之物。不可久停。都跟我潭邊看去。〔袁云〕師傅。這會風恬浪靜。雨散雲收。〔道人唱〕

〔紅綉鞋〕猶兀自雲收雨霽。映晴空波漾琉璃。這一派源流澄徹透曹溪。〔袁云〕師

傳只怕順此曹溪一派走了。〔道人唱〕入地呵搜元海。昇天呵攪華池。怎跳出禹門三級水。

〔滿庭芳〕你莫要潛形詐死。你出來當場有理。對景無私。物來不應誰不是。猶兀自隱顯無時。料想你雜念付千紅萬紫。豈怕你節外更生枝。〔袁云〕師傅在此。寂然不動。斂雨收雲。師傅但離此處。仍舊非爲。如何定計降之。〔道人唱〕

〔快活三〕驅壬癸緊緊提。拘戊己閉曹溪。丙丁甲乙就中煨。我只教他遇元尊無位。

〔朝天子〕細微再推。想這廝犯無禱於天罪。妄行無恥不知非。至此也還不愧。只待逐浪隨波。成精作魅。他提防腦背後鑼鼓喧天搖。只戰到玉山倒頽。都其間纔把干戈退。〔袁云〕師傅不須和他善講。憑着衆弟子遵師傅法旨。勇猛當先。入此潭去。鏖戰一場。捉住那廝。爲例以警將來。〔道人云〕你這言語也當。且夫將在謀而不在勇。須是智勇並行。方能取勝。矧此龍廣有神通。善能變化。或在天。或在淵。或時飛。或時潛。大則冲天塞地。小則芥子藏身。他若出離此潭。便難降伏。昔聞龍樹老降龍之法。先前自不知禁。被龍飛走。遂謂龍曰。汝能大乎。龍曰。吾亦能大。又曰。汝能小乎。龍曰。吾亦能小。師曰。汝既能小。可入吾之鉢乎。此龍不知其計。隨

卽化小入鉢。彼時封鉢。以寶珠配之。始得龍降。則道自此而成矣。〔袁云〕師傅何不效此。〔道人云〕未得其鉢。安能此。〔袁云〕既然如此。如何可降。〔道人云〕吾有法可取。〔做書符法科〕袁忠馬志。你二人領着我符牌一面。沉於潭內。他若是早早投降。便罷。若還現形發惡。擁霧翻波。就承此計擒捉未遲。〔袁接符沉潭驚走叫云〕師傅師傅。罷了罷了。〔道人云〕吓。甚麼模樣大驚小怪的。〔袁云〕唬得我癡魴了。〔道人打科〕〔云〕甚麼癡魴。〔袁云〕莫打莫打。且等我說。戰戰兢兢。如臨深淵。如履薄冰。〔道人又打〕〔云〕元來是一章詩經。〔唱〕

〔上小樓〕始初間清清到底。霎時間撐天握地。我只見黑霧騰空。黃風捲浪。咤怪希奇。我將你七星劍手內提。六丁訣口中持。卒律律天兵整隊。我和你只戰到五更不睡。

〔么〕我罵你東蛟老賊。不比你誇強逞會。饒你能顯能藏。能短能長。能走能飛。緊隄防腦背后追。趕將去打一槌。將你天靈粉碎。看你這其間死無葬身之地。

〔十二月〕他那裡興妖弄水。我這裡耀武揚威。他那裡翻波湧浪。我這裡掣電轟雷。他那裡張牙舞爪。我這裡努目睜眉。

〔堯民歌〕呀。我這裡步罡訣。喝一聲六丁六甲。輪鎗舞劍似風疾。我只見他霧昏

昏雲黯黯。指一指天神地將。披袍擐甲。鬪相持。我只見一箇水中精。一來一往。一上一下。急急攘攘。走東西。只我這八方四下。鑼鳴鼓響。喊殺連天。密密匝匝。將他緊撐支。嗟也波咨。英雄有盡時。東蛟呵。你若不投降。枉費了千斤力。〔龍云〕罷了罷了。使得我力盡筋弛。不能動止。又被你每團的鐵桶相似。走路無門。只索投降了罷。〔跪云〕師傅收將回兵。等我情愿投降。專聽師傅使喚。再后不敢抗拒。師傅法旨。〔道人云〕若是果真投降。可以對天盟誓。〔龍云〕既然弟子若還不順指揮。上天撞破頭。下地觸破腦。〔道人云〕既然歸降於吾。不可生事。若還再犯。必然不恕。〔龍云〕但饒重罪。弟子不敢有忘。日后當啣環負舟之報。〔道人云〕聽吾兩句分付。爲霖當捲滄浪水。濟物須興碧漢雲。只恐怪奴關不住。還當殺伏覓山君。〔下〕

第四折

〔道人上〕云。且夫光陰者百代之過客。天地者萬物之逆旅。人生一世。猶如石火電光。壽算百年。恍若風燭草露。巴巴劫劫。都只爲愛子憐妻。碌碌波波。常只是爭人競我。夙興夜寐。如搬傀儡一場。北往南來。似作邯鄲大夢。是好傷哉也呵。〔唱〕

〔雙調新水令〕青春撚指實堪哀。利名場有成有敗。雪霜侵素髮。桃杏減紅腮。

不由我對景傷懷。生有限。無常大。〔云〕貧道年將邁矣。惜乎功未能成。如何是好。近時馴伏六賊。降了蒼龍。且喜民安國富。兩順風調。奈因西林之下。有一怪虎。吃得路絕人稀。但得降伏此虎。則吾道可成矣。不如趕早修書一封。喚出馬志來。着他齎書前往西林。與虎講和。如若順伏。配我蒼龍。則萬事皆休。倘若不伏。驅兵誅之未遲。〔喚科〕〔馬應云〕師傅喚我。有何法旨。〔道人唱〕
〔駐馬聽〕那虎飾斑斕。日電春雷。他那裡擺尾搖頭真果歹。亦任他成精作怪。將我這仙機一展便擒來。〔云〕你將這書與他。〔唱〕他若憑黃婆馬志兩和諧。還娶姪姻緣債。慶龍虎風雲會。把冤仇善解。這其間穩取劉阮赴天台。〔遞書科〕〔馬接書科〕〔下〕
〔轉西林洞主上〕〔云〕吾黨不是別人。西林洞主。姓金名華。字桂香。攔山母大蟲便是。更有二妹。一曰於菟。二曰文豹。俺姊妹三人。怒震千山外。雄居百獸先。行時須駭獸。嘯處自風生。被人稱爲山君。況且吾山稍與形山不遠。還咫尺間之程途。若天地之懸隔。始初間有一條大路。可通上下。久被雲封草塞。迷不知由。惟有馬志與本寨家奴黃婆。諳曉路徑。黃婆門首看着。有甚麼人來。〔馬志上〕〔云〕八字青蛾利劍眸。分明暗裡斬人頭。羽苞蓄火烟隨起。冰碗盛漿水便流。吾黨馬志是也。先儒云。受人之托。必當忠人之事。今日領着師傅法旨。將書一封。前往西林。走一遭去來。行行去去。去去行行。早來到金華門首。〔叫云〕把門的黃婆開門者。〔黃婆內應云〕我做黃婆真

箇好。西王母媳婦是我嫂。慣將日月高奔。會使乾坤顛倒。收了些兔髓烏肝。藏了些交梨火棗。陪着老彭祖。偃月爐裡煉丹。引着小龍女。什迦佛殿前獻寶。閑來時領東方朔小兒。三花樹上偷桃。悶來時隨董雙成姑娘。七寶臺前翻草。去年時打合的白牡丹。姻拉上呂洞賓。今年時念翻了藍采和。撒花下張古老。說利市也不要羊酒花紅。做紅葉也不要口靈舌巧。娶過來也不管你琴瑟和諧。嫁過去也不管你夫妻鬧炒。和諧時生下了姪女嬰兒。也不將人來謝。鬧炒時失落了命寶心珠。也難將我來惱。是誰人在金華門首相呼。又是要來鶴翎劍下喫拷。(唱)

〔包子令〕人人叫我做黃婆。做黃婆。世間似我有幾多。有幾多。順我意的叫他人人圓成果。圓成果。惱了我的叫他箇箇不想活。不想活。(馬云)休說休說。形山道人。有書在此。(山君云)叫他進來。(馬進遞上書科)(山君接書閱讀科)(云)寓形山道人。無名子端肅。書奉西林洞主。金華判闕。久聞大德。精隱西林。經已看五千四十八卷。月下工夫。卦未卜三百八十四爻。身中門路。奪造化之全機。證神通之妙用。顯靈莫測。納福勝常。忻羨忻羨。區區雖與切隣。一境相疎。如隔千里。知汝好嚙生靈。不自持盈固本。原名野獸。僭曰山君。朱唇皓齒。攝人魂。杏臉桃腮。迷客眼。有時漏洩。無計還元。蓋天地未判之先。西林安否。日月既明之後。形番存焉。乾坤闔闢。一中混沌。產陰陽。坎離相交。二氣氤氲。分水火。本來一體。攸分兩端。何如暗裏

機關。不顧冥中報應。人誰捨命。蟻尚貪生。隱洞常欲啗人。罪如山重。合林不容過客。業似海深。及早謝過首愆。庶免招殃惹禍。自古超凡入聖。利物濟人。慕道求仙。當斬無端之怪。作仙作佛。先除不正之妖。闡玄機則握轉乾坤。憑道法而掀翻宇宙。雄吞八極。驅雷掣電。撼千山。怒捲千江。叱雨呼風。揚巨海。只教你碎尸萬段。解骨一堆。碎尸萬段。豈刀鎗。解骨一堆。非劍戟。成吾手策。全汝身軀。此自真言。他時休悔。無得拴同馬志。還可消息黃婆。虎配蒼龍。嬰交姘女。須當設誓訂盟。焚香沐手。低頭合掌。速卽皈依。當期魔道俱分。必竟陰陽已奠。並得長生永世。再無闊論高談。冗拙無文。伏希高照不宣。八月上旬。形山道人再拜。洞主看畢。言曰。頗奈道人無禮。雖隣一境。爾我何干。緣何下書。出此大言。施強道會。贊與嬰兒。這等言語。哄他娘也不信。那馬志回去。本欲害你。自古兩國相爭。不斬來使。〔馬志辭歸下〕〔洞主云〕那黃婆將紙筆來。吾也修書一封。差你前去。會那道人。索他送姘女來。配我嬰兒。如若識機不拒。則萬事皆休。倘若不從。量必驅兵求戰。常言道。上門買賣好做。臨陣交戰之時。賣箇伴輸詐敗。那厮決定來趕。賺入洞中。張開大口。教他刮盡脂油。昧了心。休言賺朕。朕疑是諛之譏揶揄空腦髓。強着口只說頭輕。俾黃婆則去下書去。〔黃婆接書云〕蓮步輕移。風掃地。花言哄入月明天。又早來到也。〔道人云〕今早馬志不見回來。那聞聰觀亮門首看着。〔馬志見科〕〔道人云〕此去如何。〔馬云〕此事不諧矣。叱出弟子先行。后差人賣書來也。〔黃

婆云「那把門的。報與仙長得知。西林洞主差人在此。」（聞觀報云）師傅得知。西林洞主差人在此。（道人云）着他進來。（黃婆遞書道人接書開拆讀科）（云）西林洞主金華頓首。書奉形山仙長無名子法席。近聞化六賊於山中。降蒼龍於潭內。仙期有望。道證無爲。可賀可賀。妾爲百獸之尊。忝作一山之主。你住形山。吾守西林。各人辦道修行。何我違條犯法。且同太極。各有兩儀。爾我無干。人誰與識。賈文遣使。儘言大話過頭。用計騙兵。未見馳名出手。一團驢精臭文。數字鷄八口嘴。足見浮槎沒水來天漢。怎度牛橋。丹桂無香飄月宮。難臨蟾窟。孤窮道士。無錢怎養嬰兒。短見佳人。有策能追姹女。須知門戶。未曉機關。落花洞口。苔深流水。溪邊路滑。神通廣大。西林之下。戰三場。造化低微。形岳菴中。存一念。陣號迷魂。迷卻三魂。霧鎖雲封。歸少路。營呼七魄。攝其七魄。天羅地網。走無門。陷人坑。深深似海。枉死城。簷簷如山。錦繡窩中。入手不如撒手過。紅羅帳裡。縮頭容易出頭難。只教四肢着地。兩脚朝天。大戰一場。少停片晌。袁忠馬志。忘家失業。走東西。孔道常滋。怕死貪生。弄上下。聞聰懂。觀亮昏迷。攝姹女於片晌之間。斬蒼龍於霎時之內。不如及早收心。免得臨期折手。金半斤來贖命。銀八兩與爲紅。早令蒼龍獻摩尼。暗使黃婆鋪錦繡。洞房花燭。相迎姹女配嬰兒。掌握風雷。準備金烏擒玉兔。天關在手。地軸由心。斯時道合先天。他日光生后土。名垂人世。位列仙班。死生道路從渠。進退機關在我。理窮則一。言不再三。伏乞台照。不宣。八月

上旬。西林洞主金華再拜。道人看罷。喚黃婆去。與你洞主說知。八月十五日。吾當至也。戊午兵臨孟水。甲子血染朝歌。〔黃婆拜別〕〔袁云〕師傅。如何降之。〔道人云〕吾有妙計可取。聽吾細說一遍。〔唱〕

〔雁兒落〕未攻開捨命崖。先打破迷魂寨。運河車夾道中。擺陣勢虛空外。

〔得勝令〕將五色令旗排。把六路伏兵埋。鬧炒炒軍卒喊。撲簌簌鑼鼓篩。和諧。休把人來害。擒來。再不教虎放乖。〔云〕鵲啼殘月落。鷄唱曉星高。卻又早天明也。馬志。你與

我喚起潭底老龍來。隨後供辦河車。搬運糧草。密從夾道。運上崑崙等我。先去西林討勝。疾去早來。各人與我仗劍持符前導。卻早到也。要取三軍勝。先積十年糧。〔執劍持符科〕〔唱〕

〔沽美酒〕展經天緯地才。驅兌陰震陽擺。地軸天關足下躡。四壁廂雲靉靄。統神兵擐甲而來。

〔太平令〕一箇箇神通廣大。一箇箇機謀奇哉。論文呵氣昂昂胸捲江淮。論武呵雄赳赳威風氣槩。我呵將陣勢排開。伏埋。恰便似九里山大會垓。不移時翻倒西林寨。

〔川撥棹〕只聽的鬧垓垓似風濤揚巨海。遍長空霧鎖雲埋。只見豁刺刺山頭門

開。〔云〕呀。虎變了也。〔唱〕撲碌碌擁出一夥金釵。杏臉桃腮。玉體冰骸。恰便似嫦娥離月殿。仙子下瑤塔。他那裡把迷魂陣擺。

〔七弟兄〕我這裡自揣。剖劃移步訣。換靈胎。儘平生手段。神靈大。奪了你香肌玉體。却歸來。出落的錦營花寨。登時敗。

〔梅花酒〕聽號令。莫遲捱。違吾召。受殃災。風力捲。遍天涯。助吾神。任徘徊。二十八宿離雲臺。一十二曜下天堦。怪隱妖埋。鬼哭神哀。水火逼。怎生捱。妖氣散。陣門開。陣門開。旋安排。旋安排。計奇哉。計奇哉。搶嬰孩。搶嬰孩。赴吾齋。赴吾齋。便開懷。

〔收江南〕霎時間火坑中奪得錦標來。妖窩裡搶我貼身財。鏖戰山君不管玉山頽。凱歌便裁。只今日滔滔撲撲。跳出這翻天倒地是非垓。〔云〕多感天地神將鬪戰。晌時之間。奪的嬰兒。不可久停。回山去來。正是那地藏泄時金玉露。飛空奪得錦標來。〔喚云〕袁忠馬志同東蛟領着嬰兒下去。〔復帶姪女同上〕〔作揖科〕〔道人云〕既來到。就於此間。與吾調養十月。助吾成道也。〔姪女云〕願供水火之役。〔並下〕〔復引姪女嬰兒同上勸酒〕〔嬰兒云〕雲氣不知滄海。春光欲上翠微。人間一墮千劫。猶戀梅花不歸。〔姪女云〕金醴清如竹葉。玉娥白似蓮。

花收拾先天至寶。一時鎖向黃家。〔嬰姪同勸酒〕〔唱〕

〔望江南〕

〔即大石調
屬塞北〕

闌干曲曲。紅颺繡簾旌。花嫩不禁纖手捻。被風吹去意還

驚。敲鐵板。閑引步虛聲。塵世無人知此曲。却騎黃鶴上瑤京。露冷月華清。

〔袁云〕師傅。先前在寨不飲那酒。今日如何破戒。〔道人云〕你不知。不是人間麴蘖方。箇中滋味豈尋常。正是壺中釀就乾坤酒。一日掀開醉一場。〔唱〕

〔落梅風〕咱父子親。夫婦諧。得乾坤地天交泰。倒金罇香醪儘口噴。〔云〕貧道醉也。袁忠馬志。你們都在那裡。不應卻早先醉了。〔唱〕不知那一夥念頭禍根何在。〔云〕西山

白虎放顛狂。東海蒼龍不可當。坤母若來相制伏。一時捉入洞中藏。〔袁云〕馬志衆弟兄每都來。我與你說。想咱衆弟兄六人。歸向師傅。建立大功。降龍收姪女。伏虎奪嬰兒。虧的是咱六人。今後再不管些閑事。盡從師傅自己主張。〔聞云〕我耳不聽。忽閃閃聽老四門排。齊擡。〔袁云〕我心不煩。戰兢兢方寸活靈臺。灰埋。〔觀云〕我眼不觀。花麗麗艷色滿前排。難開。〔馬云〕我意不動。雄赳赳氣性如風快。裝胎。〔孔云〕我鼻不聞。香馥馥百種喚人懷。不採。〔常云〕我舌不話。美甘甘一點入唇來。休噴。〔袁云〕住了。神仙都是洞天客。我比洞天超一格。行滿三千我四千。功成八百我九百。〔道人云〕撚指十載之間。九轉數足。忽聞山頂雷鳴。足下雲捧。天書下召。仙侶來迎。此是吾

道火周丹熟之時。乃大丈夫功成行滿之日也。〔唱〕

〔水仙子〕洞房忽地起聲雷。萬戶千門半夜開。誰知箇裡乾坤大。方信道色外非空。空外非色。我如今跳出塵埃。掣斷了纏身帶。蹬脫了絆腳鞋。駕白雲咫尺仙階。

〔折桂令〕駕白雲咫尺仙階。飛過弱水三千界。到壺天壽域齊開。綉幕簾櫳。黃金宮殿。碧玉樓臺。有七眞宮內坐側。見八仙海上飛來。玉輿徘徊。仙樂和諧。拜受了寶誥丹書。得長生方丈蓬萊。


〔清江引〕上大羅回頭看世界。九點蓬科大。不爲上昇忙。提向瀛洲賣。願世間有情的。都證逍遙千萬載。

題目

無名子收崑崙六賊 降東蛟奪先天一氣

正名


戰山君配姪女嬰兒 宴清都作洞天玄記



洞天玄記後序

屈原被謫。作遠遊篇。曰。毋滑爾魂兮。彼將自然。一氣孔神兮。於中夜存。虛以待之兮。無爲之先。朱晦翁什之曰。雖廣成子之告黃帝。不過如此。實修仙之要訣也。夫當屈子之時。參同契諸書俱未作。彼何以知其然。良由其天資英邁。智識超人。灼見道妙故也。予友仁菴子。一日將伯兄太史升菴公所作洞天玄記示予。予讀而嘆曰。升菴公以儁才甲科。危言被謫。信不凡矣。然於修煉家風未留心。今此作。何其與靈均異世而同符耶。諺云。英雄回首卽神仙。彼有取爾也。嗚呼。太史公其人傑也哉。謹用識於篇末。

嘉靖壬寅冬十月吉日龜山居士七十二翁邑人楊際時景明頓首拜識



洞天玄記跋

嘉靖甲寅冬。古上元甲子日。愚自京師之任折瀘。再見洞天眞逸仙翁。喜出洞。天玄記示曰。此刻稍嘉。奉霞川仙友一覽。愚拜受之。珍韞笥篋。至任剪燭。朗誦之餘。一心湛若。百體豁然。志意軒明。精神清粹。不翅翱翔於三山五嶽之巔也。於戲。記義之陳。微辭奧旨。意在言外。雖伯陽紫陽之復授。不是過也。參同契。悟眞篇。玄關祕。諸篇。皆奧衍閎深。難以揣測。此記如日星燦然。江山流峙。春花秋月之鋪張。露洩大道之始終。演出先天之祕旨。足拭千載之盲焉。曰形山道人者。吾之主人翁也。曰崑崙六賊者。吾人物交之蠹性也。先欲寂然不動。克去視聽言動之非。然後感而自通。以復吾天然自有之眞也。曰中秋賞月者。喻金精之旺盛也。曰三日月出庚者。指大藥之時至也。曰沒絃琴無孔簫者。喻二氣絪縕造化爭馳之機也。曰降蒼龍捉金虎者。取坎內之陽精。伏離宮之陰氣也。曰收嬰兒奪姪女者。取先天之未判。奪後天之初弦也。又曰兩弦會花開上苑。一陽動漏永中宵。是蓋探地癸之初生。用天壬之始判也。曰虎變金釵者。見九鼎

火符抽添之用也。曰六賊馴伏者。顯抱元守一無爲之旨也。曰山頂鳴雷者。示九載羽化妙隱顯之神也。噫。此傳於玉液金液之機。全形延命之術。無不具載。洞洩玄機。闡古先不闡之祕。神化性命。通一無二者矣。得意忘言。循而行之。何憂乎弗回陽換骨也哉。噫嘻。真逸仙翁。蓋欲洩造化之祕藏。引後人以同登道岸。其至人之心也。吁。用心何其仁哉。然至道玄微。非凡庸可測。愚雖無知。蓋亦欲推真逸道翁之仁。而進人於仁壽之域也。

嘉靖戊午孟夏門生威楚作類子張天粹謹跋

太平仙記

明陳自得

第一折

〔正末扮道人上〕〔云〕道本無名強立名。箇中悟者可修行。若還迷卻來時路。莫怪區區指不明。貧道不是別人。胡突齋的是也。道號無名子。俗呼爲佞儂先生。乃始清之下。大浮黎土人也。自從無始以來得悟。歸隱形山五氣洞中。辦道貧道每於靜中觀見本境崑崙之下有六賊。乃袁忠馬志。聞聰觀亮。孔道常滋。此六賊專在其中。奸盜詐僞。嫉妬貪曠。恣其喜怒哀樂。專其見聞好惡。輾轉不常。隱形莫測。成羣結黨。是非萬端。貧道因此嘆之曰。善哉善哉。本欲下山降之。奈緣衆賊各逞英雄。一時不伏。無法可治。貧道不免前去。但以善道化之。未知若何。倘若化的。他歸向於吾門。則吾道之事畢矣。須索走一遭去來。〔唱〕

〔正宮端正好〕今日箇下形山。不由我忙答撲把雙眉皺。打點下軟絲筋巧言詞去惹魔頭。憑着俺轉關兒談天論地藏機口。去化山中寇。

〔滾繡毬〕那厮每不肯修。決將啗不睬瞅。自是他不識些香臭。料應他這其間定賞中秋。他沉呵我便浮。他剛呵我便柔。不分離死生撩鬪。他若不歸依怎肯

于休。假饒他昇天躡地三千界。一任他涉水登山二百州。趕將去活刺刺牽轉白牛。〔云〕行行去去。去去行行。呀。卻早來到崑崙山寨也。只見天朗氣清。蟾光如畫。其寨內語笑喧譁。好快樂也呵。貧道暫且立於此處聽者。〔六賊上〕〔云〕吾等不是別人。袁忠馬志。聞聰觀亮。孔道常滋的便是。生長在崑崙山下爲家。俱是聰明特達之流。因貪酒色財氣。合做一夥。俺兄弟六人。在此山中。縱橫自在。出入無拘。今遇中秋佳節。且喜碧天如水。月朗星稀。小僮僮與我安排酒。殺果品杯盤席面。等我衆兄弟同來賞月者。〔衆賊作飲酒科〕〔正末做望科〕〔云〕賊呵。你知有己。不知有人。怎想壁間還有耳。窗外豈無人。看這厮們也知賞月中秋。你賞中秋。止知談笑爲榮。醉飽爲樂。忘生捨死。儘貪酒肉爲甘。豈知樂極生悲。榮枯有數。吓。等閑使盡囊中寶。難買無常路一條。〔做大笑科〕〔云〕這等高聲長笑。他自不知。不免尋一高阜之處。順風之所。將鼓簡頻敲。吟小詩一首。借一陣風。吹入其耳。使他知之。豈不美哉。詩曰。也知玩月笑欣欣。不悟仙機枉費心。肯拜癡呆風道士。形山共汝樂天真。〔衆云〕怪哉怪哉。這等夜深。何處歌吟之聲。小僮僮。與我去寨門首看者。〔僮僮做出見科〕〔問云〕你是甚人。來俺這裡。大呼小叫。有甚事。〔正末呵呵大笑云〕你不認的我。我是形山道士。今夜特來望你太保。〔僮僮做報科〕〔云〕上報太保得知。今有形山道士。特來相望太保。〔衆起身科〕〔見科〕〔云〕先生祇揖。〔正末云〕稽首稽首。〔坐科〕〔衆

云〕先生不棄同飲三盃。〔正末云〕貧道不飲。〔衆云〕酒是天之美祿。何故不飲。〔正末云〕你不知此酒乃五百大戒之首。禍亂之根。惟好嗜者愛飲之。故鴆酒盈盃。好飲人不顧其毒。虎前美女。戀色者豈怕其傷。鎔金紅爐。貪財輩怎知其焰。觀人犯法。鬪勇徒安惜其身。慎之慎之。不飲不飲。〔袁云〕先生既然不飲。來此爲何。〔正末云〕特來陪侍太保玩月。〔袁云〕既然不棄荒寨下廂。且喜今宵雲收雨霽。美景良宵。月圓懸似鏡。星擺列如碁。何不高吟好詩一首。以暢雅懷。〔正末云〕既蒙命下。不敢有辭。胡吟污耳。幸勿哂之。〔做敲鼓板吟詩云〕閑眺冰輪上太清。家山萬籟寂無聲。愛他午夜無私照。對我中秋分外明。庾亮賞吟難比興。謫仙邀飲豈同情。若還知得生身處。消息原來只在庚。〔袁云〕師父適間詩義。前二句頗曉一二。後六句不明其理。望師父解之。〔正末云〕要明此句。是大道之根苗。非敢泄漏。〔袁云〕師父但說些兒也不妨。〔正末云〕要聞其道。必須沐手焚香。對天發願。皈依與我爲徒弟。方可傳授。〔袁云〕師父若是說的理明。俺弟兄六人都與師父爲徒。〔正末笑云〕既有此語。汝當信受。〔袁云〕師父請教。弟子願聞。〔正末云〕閑眺冰輪上太清者。是煉己事。喻其旺氣滿盈。浮而當天。如冰輪皎潔。鉛華觸目。正宜下手工夫。家山者。不出彼此。萬籟無聲者。合乎寂然不動。感而遂通之理。午夜者。時之子也。無私照者。實爲家家有也。故我紫陽老師云。此般至寶家家有者。此其證也。中秋分外明者。八月十五夜。正是水清金旺。

天上蟾朗星輝。此其候也。愛他對我。同類有情之語也。庚辛者。乃金旺之地。以應三日乃月初之時也。況此物能生天生地生人。何況我之一身而然哉。矧謫仙者是唐朝之學士。庾亮乃晉室之參軍。似這等詩朋酒友。惟溺於醉生夢死之場。但得其適意放懷之地。片時賞玩景物。終日蹉跎時光。勞碌驅馳。依稀過了。焉知我道有回陽換骨。返本還元。白日而昇天哉。〔袁云〕小僕儼每酒無盡飲。話有始終。你與我把這杯盤卓器收去。點炷香來。我拜師父者。〔衆拜科〕〔袁云〕願聞大道根苗。逐一開發弟子。〔正末云〕六子也。汝既皈依。須當諦聽。〔袁云〕弟子願聞。〔正末唱〕

〔仙呂點絳脣〕道本清高。有誰參到。其中妙。虎戰龍蟠。說破了。教人笑。〔云〕弟子也。欲明大道。須用先天。〔袁云〕此先天之道。弟子愚迷不醒。〔正末唱〕

〔混江龍〕若說着先天之道。參同契裏盡含包。〔袁云〕此周易卦中爻象誰知。未明玄妙。望師父指點。〔正末唱〕因乾坤闢闔。感二氣相交。生震龍兌虎。分老少之爻。位巽辛艮丙。續男女之苗。產坎離日月。使匡廓周遭。乾爲天衝虛陽老。坤爲地交動陰嬌。〔云〕徒弟也。汝知眞鉛眞汞。眞龍眞虎麼。〔袁云〕弟子不知道。〔正末唱〕陰有眞鉛陽有汞。龍無鱗甲虎無毛。屯蒙爲始。洞曉昏朝。終于既未。陽長陰消。〔袁云〕師父。此卦可是那發課的先生。將銅錢卜的那卦麼。〔正末云〕不是了也。〔唱〕丁寧說與道門人。休教看

做銅錢兆。〔云〕你知道麼。〔唱〕兩弦會花開上苑。一陽動漏永中宵。〔袁云〕師父先言乾坤交象。陰陽消長。次說花開上苑。漏永中宵。有何玄妙。〔正末云〕徒弟。這漏永中宵。是無弦琴。撫花開上苑。是無孔簫吹。善能吹無孔之簫。入衆妙之門。善能撫無弦之琴。得無爲之道。〔袁云〕琴簫二物。似何形狀。〔正末放下鼓簡執簫在手〕〔云〕徒弟。其簫貧道見有。其琴山中罕見。須向塵中求之。乃太古琴也。有詩一首。五尺焦桐止二徽。無絃有竅在施爲。梅花三弄知音少。琴易絃兮簫罕吹。〔袁云〕師父的簫。如何動用。〔正末唱〕

〔油葫蘆〕只要你半夜能吹無孔簫。〔袁云〕師父。無孔如何吹的。〔正末唱〕蹊也麼蹊。〔袁云〕有甚麼蹊蹊處。〔正末唱〕遮莫是拿雲手段也難調。〔袁云〕只像吹簫的那等吹。〔正末唱〕我只怕你指不明。摸不着通天竅。氣不和。演不出宮商調。〔袁云〕氣如何調。〔正末唱〕轉氣至柔非用巧。知嫩老。似這等玄玄口訣人稀好。我只待臥吹明月上花梢。〔袁云〕師父有多少說話。不知是何物做得成。〔正末唱〕

〔天下樂〕他也曾弄月篩金在鵲橋。引鸞棲鳳巢。感娥皇斑泪染痕嬌。近葛陂能化龍。入蓬島成仙樂。這簫呵等閑間無福也難學。〔袁云〕師父。似你孤隱山林。荒涼寂寞。無客合歡。又無受用。吹此簫有何好處。〔正末唱〕

〔那吒令〕你道我寂寥。愛清林靜悄。你道我少殺。啖交梨火棗。你道我無客邀。有雲朋月老。看白雲閑往還。任紅塵飛不到。不比你害生靈業酒會兒曹。〔云〕梁園雖好。不是久戀之鄉。臭肉膿胎。不免將人敗壞。〔袁云〕師父。徒弟肯去。若戒了豬羊葷酒。無的喫用。弟子怕去不成。〔正末云〕徒弟也。我那裡有仙酒仙桃。比你塵俗氣味不同。〔袁云〕師父。酒桃不知在於何處。〔正末唱〕

〔鵲踏枝〕桃園內摘仙桃。瑤池宴飲香醪。霎時間虎伏龍降。鬼哭神嚎。把邪魔盡掃。任蓬萊三島。醉醺醺跨一隻黃鶴。〔袁云〕師父。仙桃生於桃源洞口。仙酒憑何製造。

〔正末唱〕

〔寄生草〕這酒呵把乾坤爲缸瓮。搏日月釀作糟。陰陽榨滴流酥酪。玄關竅裏珍珠冒。崑崙頂上安爐竈。香醪入口便生春。只教你蒼顏改變如年少。〔聞云〕師父。全不曉的是甚麼道。〔馬云〕哥哥。我曉得了。〔袁云〕你說是甚麼道。〔馬云〕不是竊盜是強盜。是黃土道黑土道。西華山下石沙道。〔正末唱〕

〔么〕我道非常道。何須遠市朝。和光混俗塵中鬧。麻袍草履胡丟掉。簪花攜酒東園樂。飲罷了乘鸞跨鳳白雲鄉。強如你騎驃打馬紅塵道。〔馬云〕哥也。我與你說。

這箇道士說這一夜。全無正理。他說簫又無孔。又那般造酒。度俺出家。又丟了麻袍草履。又不遠市朝。一片胡說。跟他去有甚麼好處。〔正末唱〕

〔六么序〕哎。你如今不從道。老來無下梢。撚指綠鬢又霜毫。這其間齒落筋焦。髮白顏凋。喘吁吁曲脊彎腰。年將四十休言小。想人生七十難逃。則這百年機未老身先老。富貴如風中秉燭。利名似水上浮漂。〔馬云〕這等言詞。都是欺負我每的話。料想不教空老了我們。我便肯回頭呵。攻書演武。定爲將相之才。跟他孤窮道士。有何好處。

〔正末唱〕

〔么〕賊呵。一任你穿硯揮毫。舞劍輪刀。鵠志鵬翺。武略文韜。冠世才學。破滅英豪。志氣冲霄。義勇扶朝。者麼你文武兼濟。居廊廟。爭如我鶴背高。你看我有一日降龍在東海。伏虎在西嶢。〔袁云〕兄弟也。不知師父所言。字字斬釘截鐵。句句敲金擊玉。苦口丁寧直告。顯露其中最有玄妙之理。〔馬云〕呸。哥也。有甚麼玄妙處。易卦我也知道。鉛汞我也知道。龍也會降。虎也會伏。跟他怎的。〔袁云〕來來。你說鉛汞是何物。易卦如何是卜。龍虎如何降伏。〔馬云〕昔日焦休誅黿是舉手。李存孝打虎是擎拳。水銀爲汞。黑錫爲鉛。若說易卦。三箇銅錢。周易文王。孔子聖人。麻衣道者鬼谷。一卦算着。有福有緣。一卦算不着。拽着拽着。〔袁云〕拽

着甚麼。〔馬云〕拽着話兒。且過一邊。〔袁云〕兄弟。料來咱每今年且去不成。我與你計較三兩句謊話。支吾他去罷。〔正末云〕你衆人不必商量。跟我去來。〔袁云〕弟子一句話告稟師父。今者欲跟師父去。奈緣三件事未完。〔正末云〕那三件事未完。〔袁云〕一者男女婚嫁。宿債未了。二者齋戒未定。恐無吃用。三者負欠人錢。未曾償還債主。待處置此三件事了畢。等到來年。俺們自來拜禮師父。情願跟去。〔正末笑云〕你們也說的是。罷罷。貧道暫且回去。留詩一首。特來此處化迷徒。明月娟娟照太虛。可惜這般伶俐子。仙機說盡不從吾。〔下〕〔馬云〕哥。鷄唱三次也。〔觀云〕呀。早是天明也。〔袁云〕辭了形山那道入。旦求富貴莫教貧。各人打點營生計。緝訪何方有寶珍。〔同衆下〕

第二折

〔正末扮道人上〕〔云〕夫天地之始。道本無名。於吾道。則曰杳杳冥冥。昏昏暗暗。寂然不動。感而遂通。修儒道。則曰仰之彌高。鑽之彌堅。瞻之在前。忽焉在後。釋門則曰。一切有爲法。如夢幻泡影。如露亦如電。應作如是觀。豈有名乎。所言雖異。其旨實同。後學不知其旨。互相是非。深可嘆哉。且如釋氏以明心見性。儒門以窮理盡性。吾道以修真養性。意頗云同。爲教雖三。其道則一。聖人之道大矣。人不能徧觀而盡識也。〔唱〕

〔商調集賢賓〕想當初文宣王。釋迦尊。太上老。教雖三。共一苗。一聖作春秋。刪詩書。文典萬古。一聖悟圓通。現金身。夢漢明朝。一聖著道德。駕青牛。遠出函關。大都來分三教。一樣科條。後來人妄爭低與高。專門的擅弄風騷。儒門子襴衫。隨烏帽。釋迦兒圓領。趁方袍。〔二徒弟扮守能覺慧上〕〔云〕小道守能。這箇覺慧。俺跟着形

山道人爲徒弟。須索見咱師父。稽首。師父。吾道如何。試說一徧俺聽。〔正末唱〕

〔逍遙樂〕身穿着粗衣布襖。草履麻條。蓬頭垢腦。千家飯一鉢難消。滿葫蘆清香注酒膠。和衣眠不辨低高。端的是無慮無憂。無辱無榮。無諂無驕。〔能云〕師父。想那爲官的。官高一品。祿食千鍾。名揚四海。威鎮諸邦。豈不高貴哉。〔正末唱〕

〔金菊香〕你說道威名爵祿稱官高。止不過列鼎重裯宴美肴。烹龍炮鳳多醉飽。都是些名利虛薄。不如我黃昏一枕夢逍遙。〔能云〕是是是。〔正末云〕朝中宰相五

更寒。鐵甲將軍夜過關。隱士日高眠不起。算來名利不如閑。〔能云〕師父。你起來如何。〔正末唱〕

〔醋葫蘆〕起來時縱步游。閑中冷眼瞧。賣弄他輕裘肥馬氣英豪。全不想獲罪於天無所禱。惟有張良參道。解金魚。怕死未央刀。

〔么〕想浮生事業輕。嘆浮名聲勢薄。常則道韜光晦跡樂陶陶。葫蘆提省教精

細擾。山中淨樂。只怕麒麟閣。爭似草園瓢。〔能云〕俺想儒門有四配傳統。釋教有六祖傳

燈。且如我教。先有何人傳道。〔正末云〕想我道不亞於此。試聽我道其本末。〔唱〕

〔梧葉兒〕前五祖開仙派。後七真道德高。〔能云〕這五祖七真。姓甚名誰。〔正末云〕五祖

是東華正陽純陽海蟾重陽。七真乃丘劉譚馬郝王孫。〔能云〕在後更有何仙。〔正末唱〕難逐一

把名標。飛昇的三萬數。拔宅的八百曹。自是怕死難逃。因此上把利名拚了。〔能

云〕這成仙作祖的。拔宅飛昇的。後來弟子可學的麼。〔正末云〕呸。世上無難事。都來心不堅。

古仙有云。雖愚凡小人。得之立躋聖位。但世人逐末忘本。賤命輕身。英雄豪傑者。俱爲功名所役。

聰明特達者。盡爲進取所羈。衣食富足者。爲營計所縻。貧窮困乏者。爲口體所累。雖有出塵之士。

只樂逸豫。以爲清靜無爲。是修行事。誤矣。豈奈無常迅速。光陰易過。何能得陰陽交會於神室哉。

〔唱〕

〔村里迓鼓〕都只爲死生難療。因此上把利名丟掉。我只怕六神賊子。成羣引

黨。驚慌散了。〔能云〕端的此賊無禮。不可縱放。〔正末唱〕我只待喚醒聞聰。磨明覩亮。遠

離市朝。將孔道繫着。怕走了袁忠。驚了馬志。常滋脫逃。似這等不隨和。怎如是

好。〔能云〕此六賊本當定計降之。不如舉念可以安閑。何必掛懷。〔正末唱〕

〔元和令〕神通廣。枉徒勞。洞門深。無鎖鑰。只聽的野猿啼鳥喧鬧。唱山歌。敲漁鼓。漫吹簫。任春花秋月老。光陰迅速不相饒。嘆世事眼前消。〔能云〕師父。天無負道。時至方成。〔正末唱〕

〔上馬嬌〕鉛汞交。鼎爐燒。二氣釜中包。香飄桂子新蟾皎。秋氣高。這其間掘地見青霄。

〔勝葫蘆〕有一日握雨攜雲鎖住蛟。咱伏虎似擒貓。守護泥丸天上寶。霞光萬道。塵勞一跳。閬苑任游遨。

〔么〕自是人間無福消。吾道樂陶陶。休道吾當林下老。但能穀六根清淨。一身安樂。得同類便逍遙。〔云〕時光似箭。日月如梭。卻早又是一年也呵。不覺的中秋到也。想去年

此夜。我去寨中度那六賊。六賊不肯回頭。料想他每今夕。又賞中秋月也。我須索再去走一遭去。

〔下〕〔扮六賊上〕〔云〕想去年此夕。被那風道士打攪的一夜不曾的歡樂。小僕僮每。趁早安排果肴美醞。俺弟兄每。今宵賞月。歡笑一場也好。〔飲酒科〕〔馬云〕想舊年那風道人吟詩一首。俺弟兄每。頗曉人事香臭。素好景難遇。對此良宵。也吟詩一首。取樂作歡。盡醉何妨。〔衆遜讓科〕〔袁云〕將俺平昔英雄本事。盡發見於詩中。消遣情懷。卻不是好。我先吟一首。與人爲主氣中和。

觸景生懷變化多。喜遇文王施禮樂。怒逢桀紂動干戈。悲時觀亮垂珠淚。歡處常滋發浩歌。孔道
聞聰兼馬志。英雄爾我逞儂儂。〔開云〕此詩正合着俺哥哥的性。咱小弟兄每才疎學淺也。各道
一句。共成一絕。卻不是好。〔開先吟云〕專聽人間是與非。〔觀云〕春花秋月見施爲。〔孔云〕西風
昨夜吹香過。〔常云〕莫是廚下煮豬蹄。〔馬打常云〕呸。不是了也。你只想要吃。正是嘴上種芝麻。
想出你油來。〔孔云〕不要打。等常滋再續一句押韻者。〔常云〕味着膏腴我獨知。〔袁云〕但凡吃
了東西。休在人前坎嘴。〔馬云〕我也依韻胡廐一首。四季埋名躲是非。人無爲處我先爲。往還千
里時間事。試問東君知不知。〔正末撞上科〕〔云〕你每吟的好詩也呵。〔衆笑作揖科〕〔袁云〕師
父。弟子每多失信矣。又勞仙長重降荒寨。恕罪恕罪。小儂儂想師父不飲此酒。你與我收去。看茶
來。師父請坐。〔遞茶科〕〔袁云〕師父何不離了形山。來我這荒寨中。修行辦道。豈不爲妙。〔正末
云〕徒弟也。你此山是鄴都作業之所。吾山與此山。雖不出境。景致不同。我那山上。上去去復上
去。上到巔峯回首處。我山清淨好修行。有誰識我其中趣。嵯嵯義義嶺。嶮嶮峻峻厓。斑斑點點石。
疎疎密密林。崎崎嶇嶇。路曲羊腸。蕩蕩漾漾。溪分燕尾。舉頭紅日近。回首白雲低。常見風雲足下
生。縱觀宇宙胸中闊。青山綠水。恣賞玩以自游。明月清風。任徘徊而共樂。更有樵歌牧唱。時時雅
韻堪聞。鳥噪猿啼。日日清幽可賞。春天艷冶。山林花草馨香。夏日炎蒸。沼沚菱荷旖旎。秋風瀟灑。

籬邊菊綻金錢。冬景嚴凝。嶺外梅開玉蕊。四時花不謝。萬古景常幽。或時絕頂放懷。或乃臨流遣興。公侯雖富貴。看他終日苦驅馳。吾道縱貧窮。由我常時閑散澹。豈不聞漢朝韓信。其貴無倫。晉世石崇。其富莫敵。到頭結果。殞身亡家。昔日范丹。灰塵釜甑。古聞原憲。瓮牖桑樞。至賤至微。苦中至苦。名標萬古。德著千秋。功名都是眼前花。富貴猶如草頭露。幸際雍熙之世。喜逢隆盛之時。勸汝收心。隨吾學道。俺雖是草衣木食。竹杖麻袍。不飢不寒。一飽一煖。閑來歌唱。醉後安眠。林泉下。隨分棲身。塵世中和光混俗。無榮無辱。自在自由。友麋鹿而傲烟霞。浪乾坤而消日月。性靜情逸。養白石以飲清泉。行滿功成。駕白雲而升紫府。徒弟也。如你每在紅塵鬧炒。白日奔波。雖是朝餐。莫絃。冬裘夏葛。食前方丈。侍妾百人。只知碌碌眼前。豈識茫茫身後。無常一到。金銀妻子總成空。大限若來。父子兄弟替不得。莫怪吾惓惓苦口。爲勸你早早回頭。〔袁云〕師父苦勸弟子回頭。多謝盛意。但弟子半信半疑。聽說形山好景。惟恐不實。〔正末唱〕

〔後庭花〕愛的是臥白雲山勢好。因此上趁西風鶴背高。俺那裡綠水迢迢秀。青山疊疊巧。〔袁云〕那山料比吾山不同。〔正末唱〕不比你這燕鶯巢。俺那裡有天然之樂。樹婆娑。鸞鳳巢。石峻嶒。龍虎跑。春花香。秋月皎。夏風涼。冬雪飄。

〔青哥兒〕爭如你山間作耗。若早回頭仙籍名標。肯分一念虔誠將你業盡消。

報答你父母劬勞。謹守你四大堅牢。跳出塵囂。丟了鎗刀。你與我穿上麻袍。腰繫環縹。身掛榔瓢。吃的是美甘甘仙酒。仙桃。聽的是韻悠悠鳳管鸞簫。引的是舞翩翩朱頂仙鶴。拔宅冲霄。自在逍遙。更將他清風明月。一擔兒在杖頭挑。去來俺和你再不走邯鄲道。〔袁云〕師父那裡山路崎嶇。竹籬茅舍。草衣木食。淡飯黃蘗。有

何好處。我這裡受用終日。殺牛宰馬。更有那野鹿山獐。篩羅擂鼓。歌唱悠揚。歡笑飲酒。豈不樂哉。

〔正末云〕徒弟也。俺那裡雖是草衣木食。淡飯黃蘗。一飽一煖。無有盡期。你這裡雖是肥羊美酒。暫時口腹豐肥。有一日惡貫滿盈。天降災殃。無常到來。不能動止。豈能食乎。反不如我樂之久遠也。〔袁驚笑科〕〔靚亮開聰見袁作笑科〕〔云〕哥。我見哥笑。想是要跟師父去修行辦道。我也曾聞先聖有云。三人同行。必有我師焉。擇其善者而從之。其不善者而改之。既是哥一心要去。凡事隨哥主張。〔袁云〕衆兄弟每。你等若是不去。我也難去。既是你衆兄弟也要跟去。罷罷。將山寨一火焚之。咱們都跟師父去來。〔做焚寨科〕〔行科〕〔正末唱〕

〔浪裏來煞〕望長空秋月高。近蓬萊雲霧繞。從今跳出是非巢。月友雲朋取次邀。有一日功成名到。飛昇雲漢路迢迢。〔云〕徒弟們跟我來。正是那度人度我須人度。我度無人識此機。雪隱鷺鷥飛始見。柳藏鸚鵡語方知。〔同下〕

第三折

〔正末道扮上〕〔云〕貧道因將六賊化醒爲徒弟。不免喚他出來。同玩山水。走一遭去。〔衆出作揖科〕〔正末云〕你衆徒弟每。既到吾山。須像箇修行辦道模樣。不許顛狂馳驟。妄想貪求。但逢險路步宜遲。倘遇危橋身莫趨。你每今日跟我游山水走一遭去。〔衆隨行嘆云〕是好山水也呵。〔正末唱〕

〔中呂粉蝶兒〕雲去無衣。聳晴空峯巒疊翠。隱藏着龍虎丹鳳金龜。迎風聽松。鼓琴傍溪。觀泉噴玉。偃蒼龍鵲橋波沸。穿九洞上接天梯。撞三關直走到五明宮內。

〔醉春風〕兀的不奇樂有誰知。非仙能至此。重樓十二下瑤池。流霞滴滴美。美俺這裡四野生春。三田聚寶。端的是一壺天地。〔云〕徒弟也。只管貪玩山水景致。不覺天色晚也。咱回洞去來。〔正末將劍橫膝上坐科〕〔云〕徒弟。你每衆人依我。今夜打坐行動。不得隨情散亂。〔衆依坐科〕〔正末入靜科〕〔袁忠驚起謂馬志云〕等他四箇癡子坐去。咱兩箇出去打劫一遭。〔馬云〕我也是這等說。只是無器械在手。〔袁云〕咱兩箇去偷師父的劍來。〔馬云〕也是。〔做偷劍科〕〔正末喝云〕咄。這厮。到這裡還思那等境界。只因椿斷鎖頭鬆。跳出猿猴千萬隊。

〔正末用繩鎖二人科〕〔袁云〕弟子初犯。饒這一遭。再不敢了。〔正末云〕今後再犯。不守戒行。一劍誅之。各人收拾睡去。〔做睡科〕〔并下〕〔外扮東海老龍上〕〔云〕吾黨不是別人。乃是木德王之孫。火德王之子。始生東海爲龍。名曰東蛟。幼於海中頗狂無恥。飛騰自由。任己雲雨。不從一切指揮。以此上天譴責。降吾形山之下。白雲潭內。歲久不能出頭。又被此山之上。五氣洞中。有一道人。近將六賊化去。又來拘禁吾黨。不容出入。俺想起來。正是那龍居淺水遭蝦戲。誠哉是言也。量那道人。有甚麼神通。不若展吾興雲作霧之機。湧浪翻波之智。竟待春雷始震。正值風雲慶會之時。就將形山洗去。教他一股皆休。除吾肉中刺。拔去眼中釘。卻不是一場伶俐也。變化一聲雷霹靂。翻騰萬丈水瀾茫。須臾洗卻形山去。佞儂先生自此亡。〔下〕〔正末道人上〕〔云〕貧道正於靜中觀之。忽見妖雲變。怪雨滂沱。莫不是老龍走了也。不免叫出六子來。審問箇端的。六子何在。〔六子上〕〔云〕師父叫俺。有何法旨。〔正末唱〕

〔普天樂〕鎖心空迷性地。他只待翻波湧浪。不能穀擊電轟雷。賣弄起興雲作雨機。怎隄防桺虎牢龍計。〔云〕衆徒弟。若是形山走了此老龍。難以修道。〔袁云〕似此如之奈何。〔正末唱〕打聽的禹門通有些春消息。我這裡布天兵六甲興師。〔袁云〕師父不妨。有俺衆兄弟。何用天兵。〔正末云〕您六人我自分派處。〔唱〕用機變袁忠馬志。專聽視

聞聰觀亮。候風息。孔道常滋。〔云〕徒弟。你每不知。此龍能通變化。是箇難擒難捉之物。不可

久停。都跟我去潭邊看者。〔衆隨看科〕〔袁云〕師父。這會風恬浪靜。雨散雲收了。〔正末唱〕

〔紅綉鞋〕猶兀自雲收雨霽。映晴空波漾琉璃。這一派淵流澄徹透曹溪。〔袁云〕只怕他順此曹溪一派走了。〔正末唱〕入地呵搜元海。昇天呵攬華池。怎跳出禹門三級水。

〔滿庭芳〕東蛟呵你莫要潛形作死。你出來當場有理。對景無私。物來不應誰不是。猶兀自隱顯無時。料想你雜念付千紅萬紫。狂情逐五鬼三尸。勾引起無端事。我親行到此。豈怕你節外更生枝。〔衆云〕師父在此。寂然不動。斂雨收雲。師父但雌此處。仍舊非爲。師父卻如何定計降之。〔正末唱〕

〔快活三〕將王癸緊緊提。拘戊己閉曹溪。丙丁甲乙就中煨。我直教他遇元尊無位。

〔朝天子〕細微。再推。想這厮犯無禱於天罪。妄行無恥。不知非。至此也還應愧。他直待逐浪隨波。成精作魅。不隄防腦背後災禍起。直戰得玉山倒頽。那其間纔把干戈退。〔衆云〕不須和他善講。憑着俺衆弟子。遵着師父法旨。勇猛當先。入此潭去。鏖戰一

場。捉住那厮。爲例以警將來。〔正末云〕汝這言語也當。且將在謀而不在勇。若是智勇並行。方能取勝。矧此龍廣有神通。善能變化。或在天。或在淵。或時飛。或時潛。大則充天塞地。小則芥子藏身。非池中之物。他若出離此潭。便難降伏。昔聞龍樹老師降龍之法。先前自不知禁。被龍飛走。遂謂龍曰。汝能大乎。龍曰。吾能大。又曰。汝能小乎。龍曰。吾亦能小。復曰。汝既能小。可入吾之鉢乎。此龍不識其計。隨即化小入鉢。被師封鉢。以寶珠配之。始得龍降。則道自此而成矣。〔袁云〕師父何不效此。〔正末云〕未得其鉢。安能效之。〔袁云〕既然如此。作何可降。〔正末云〕吾有小法。可取此龍。〔作書符科〕〔云〕袁忠馬志。你二人領着我符牌一面。沈於潭內。他若是蠕蠕不動。投降便能。若還現形發惡。擁霧翻波。就承此計。擒捉未遲。〔袁云〕得令。〔做將符沉潭科〕〔龍驚走科〕〔袁叫云〕師父師父。罷了罷了。〔正末云〕咄。甚麼模樣大驚小怪的。〔袁云〕說的我一杖癱魴了。〔正末云〕甚麼癱魴。〔袁云〕莫打莫打。且等我說。戰戰兢兢。如臨深淵。如履薄冰。〔正末云〕原來是一章詩經。〔唱〕

〔上小樓〕始初間清清到底。霎時間撐天拄地。我只見黑霧騰空。黃風捲浪。咤怪希奇。我將這七星劍手內提。六丁訣口內持。卒律律天兵整隊。我和你直戰到五更不睡。

〔么〕我罵你東蛟老賊。不必你誇強逞會。假饒你能現能藏。能短能長。能走能飛。緊隄防腦後追。趕將去打一槌。將你那天靈粉碎。我着你這其間死無箇葬身之地。

〔十二月〕他那裡興妖弄水。我這裡耀武揚威。他那裡翻波湧浪。我這裡掣電轟雷。他那裡張牙舞爪。我這裡努目睜眉。

〔堯民歌〕我這裡步着罡。掐着訣。喝一聲六丁六甲。輪鎗舞劍似風疾。我只見霧昏昏雲暗暗。指一指天神地將。披袍擐甲緊相持。我只見一箇水中精。一來一往。一上一下走東西。則我這八萬四千。鑼鳴鼓響。喊殺連天。密密匝匝將他緊撐支。嗟也麼咨。英雄有盡時。東蛟你若不降呵。枉費了你千斤力。〔龍云〕罷了。罷了。使的力盡筋衰。不能動止。又被他每圍的鐵桶相似。走路無門。只索投降了他罷。〔做跪科〕

〔云〕師父師父。收將回兵。等我情愿投降。專聽師父使喚。再不敢抗拒師父法旨。〔正末云〕你若
是實降。可以對天盟誓。〔龍云〕弟子若是不服師父指揮。上天觸破頭。下地撞碎腦。〔正末云〕既
然降吾。不可再犯。若還再犯。決然不恕。〔龍云〕但饒重罪。不敢有忘。弟子自有厚報。〔正末云〕既
然如此。聽我兩句分付。爲霖當捲滄溟水。濟物須興碧漢雲。只恐姪奴關不住。還當制伏覓山君。

〔同下〕

第四折

〔正末道人上〕〔云〕且夫光陰者百代之過客。天地者萬物之逆旅。人生世上。猶如石火電光。壽算百年。恍若風燈草露。巴巴急急。都只爲愛子憐妻。碌碌波波。當只是爭人競我。夙興夜寐。如扮傀儡一場。北往南來。似作邯鄲大夢。好是傷哉也呵。〔唱〕

〔雙調新水令〕嘆青春撚指實堪哀。利名場有成有敗。雪霜侵綠鬢。桃杏減紅腮。不由我對景傷懷。生有限。無常大。〔云〕貧道年將邁矣。惜乎功未能成。如何是好。近來馴伏六賊。降了蒼龍。且喜民安國富。雨順風調。奈因西林之下。有一虎怪。喫的路絕人稀。但得降伏此虎。則吾道可望成也。不如趁早修書一封。喚出馬志來。着他賣書前去西林。與虎講和。他若順伏。配我蒼龍。則萬事皆休。倘若不伏。驅兵誅之未遲也。〔做喚科〕〔馬上〕〔云〕師父喚我。有何法旨。〔正末唱〕

〔駐馬聽〕那虎錦斑爛目。電春雷。他那裡擺尾搖頭真箇歹。一任他成精作怪。將我這仙機一展便擒來。〔云〕馬志。你將這書與他說。〔唱〕他若憑黃婆馬志兩和諧。還嬰兒姘女姻緣債。慶龍虎把冤業解。穩情取劉阮會天台。〔付書與馬志科〕〔同

下〔旦扮西林洞主上〕〔云〕吾黨不是別人。西林洞主是也。姓金名舉字桂香。攔山母大蟲便是。更有二妹。一曰於菟。一曰文豹。俺姊妹三人。怒震千山外。名居百獸先。行時須駭獸。嘯處自風生。人稱爲山君。吾山稍與形山相去不遠。寶咫尺之程途。象天地之懸隔。始初間有一條大路。可通上下。久被雲封草塞。迷不知由。惟有形山馬志。與本寨家奴黃婆。曉此路徑。黃婆你去門首。看有甚麼人來。一笑風生神莫測。幾回月暗客難防。饒他徹地通天眼。入口教君命卽亡。〔馬志上〕〔云〕吾乃馬志是也。受人之託。必當忠人之事。今日領着師父法旨。將書一封。前往西林。走一遭去。行行去去。去去行行。呀。可早來到也。只見黃婆在門首。不免叫他一聲。〔叫科〕〔云〕把門的黃婆。報與你山君得知。我今贖形山道人書。到此來下。〔黃婆云〕你等着。我報去。〔做報科〕〔云〕上告山君得知。今有形山道人。令馬志來下書。在門外等候。〔山君云〕教他進來。〔馬進見科〕〔山君接書讀云〕寓形山道人無名子。端肅書奉西林洞主金舉判闔。久聞大德。精隱西林。經已看五千四十八卷月下工夫。卦未卜三百八十四爻身中門路。奪造化之全機。證神通之妙道。顯靈莫測。納福勝常。欣羨欣羨。區區雖與切鄰。一境相疎。如隔千山。知汝好嗜生靈。不自持盈固本。原名野獸。僭曰山君。朱唇皓齒。攝人魂。杏臉桃腮。迷客眼。有時泄漏。無計還元。蓋天地未判之先。西林有矣。日月既明之後。形山存焉。乾坤闔闢。一中混沌。產陰陽。離坎相交。二氣氤氲。分水火。本來

一體。派分兩端。如何暗裏機關。不顧冥中報應。麒麟之趾。不踐生草諸蟲。怪獸之心。忍食生靈之類。人難捨命。蟻尚貪生。隱洞常欲啗人。罪如山重。合林不容客過。業似海深。及早謝過首愆。庶免招殃取禍。自古超凡入聖。不忘利物濟人。慕道希仙。當斬無端之怪。修行作佛。先除不正之妖。展仙機則斡轉乾坤。憑道法而掀翻宇宙。雄吞八極。驅雷掣電。撼千山。怒捲千江。叱雨呼風。揚巨海。只教你碎屍萬段。解骨一堆。碎尸萬段。豈刀鎗。解骨一堆。非劍戟。知予手策。全汝身軀。此日真言。他時休悔。理當拴同馬志。還可消息黃婆。虎配蒼龍。嬰媒姪女。須當設誓丁寧。時月焚香。沐手信心。須授看經禮斗。低頭合掌。速卽皈依。當期魔道俱分。畢竟陰陽已奠。並得長生永世。再無闊論高談。冗拙無文。伏希高照不宣。八月上旬。彤山道人再拜。〔洞主看畢。怒云〕頗奈道人無禮。雖隣一境。爾我何干。緣何下書。出此大言。誇強賣會。贅與嬰兒。這等言語。哄他娘也不信。那馬志你回去。本欲害你。自古兩國相爭。不斬來使。你快去。〔馬志下〕〔洞主云〕黃婆將紙筆來。我修書一封。差你前去。會那道人。索他來送姪女。配我嬰兒。他若識機不舉。萬事皆休。倘若不從。我必領兵前去索戰。常言道。上門買賣好做。臨陣交戰之時。我賣箇伴輸。那厮必定來趕。賺入洞中。張開大口。教他一股而休。修書已完。黃婆。你將此書去彤山。下與那道人去。〔黃婆接書科〕〔云〕蓮步頻移。風掃地。花言哄入月明天。〔下〕〔正末上〕〔云〕今早令馬志下書。不見回來。聞聽觀亮。你二人門

首看馬志來否。〔馬上〕〔云〕早回來了也。我見師父去。〔見科〕〔正末云〕你去下書如何。〔馬云〕此事不諧矣。那洞主拆書看畢。將弟子叱令先回。隨後差人賣書來也。〔黃婆上〕〔云〕早來到形山前也。兀那把門的。你去報與你師父得知。西林洞主差人來下書。〔聞聰觀亮報科〕〔黃婆見科〕〔正末接書看科〕〔念云〕西林洞主金舉頓首。書奉形山仙長無名子法席。近聞化六賊於山中。降蒼龍於潭內。仙期有望。道證無爲。可賀可賀。妾爲百獸之尊。忝作一山之主。爾居形岳。吾守西林。各人辦道修行。我何違條犯法。且同太極。各肖兩儀。爾我無干。人誰與識。齋書遣使。儘言大話過頭。用計騙兵。未見馳名出手。一團驢精。數字鷄扒。口嘴支吾。心胸足見。浮槎沒水。來天漢。怎度牛橋。丹桂無香。下月宮。難臨蟾窟。孤窮道士。無錢怎養嬰兒。短見佳人。有策難追姪女。雖知門戶。未曉機關。落花洞口。苔深流水。溪邊路滑。神通廣大。西林之下。戰三合。造化低微。形岳菴中。存一念。營呼攝魄。陣號迷魂。迷卻三魂。霧鎖雲封。歸少路。攝其七魄。天羅地網。走無門。陷人坑。深似海。枉死城。聳聳如山。錦繡窠中。入手不如撒手。美紅綿套裏。鑽頭容易出頭難。只教你四體着地。兩脚朝天。大戰一時。少停半晌。袁忠馬志。亡家失業。走東西。孔道常滋。避死貪生。奔上下。聞聰懂。觀亮昏迷。攝姪女於片晌之間。斬蒼龍於霎時之內。若人彈指。悔自搥胸。不如趁早收心。免得臨時折手。金半斤來贖命。銀八兩與爲紅。早令蒼龍獻摩尼。暗使黃婆鋪錦繡。洞房花燭。安。

排姪女配嬰兒。掌握風雷。準備金烏擒玉兔。天關在手。地軸由心。斯時道合先天。他日光生后土。名垂人世。位列仙班。死生道路從渠。進退機關在我。理窮則一。言不再三。伏維台照不宣。八月。上旬。西林洞主金舉再拜。〔正末念畢云〕黃婆你回去。與你洞主說知。八月十五日。吾當至也。戊午日兵臨孟水。甲子日血浸朝歌。〔黃婆下〕〔袁云〕師父如何降之。〔正末云〕吾有妙計可取。聽吾細說一遍。〔唱〕

〔鴈兒落〕未攻開捨命厓。先打破迷魂寨。運河車夾道中。擺陣勢虛空外。

〔得勝令〕將五色令旗排。把六路伏兵埋。鬧炒炒軍卒喊。撲簌簌鑼鼓篩。和諧。休把俺人來害。擒來使不的虎放乖。〔云〕鵲啼殘月落。鷄唱曉星高。卻又早天明了也。馬志。

你與我喚起潭底老龍來。隨後措辦河車。搬運糧草。密從夾道。運上崑崙。等我先去西林討戰。疾去早來。各人與我仗劍執符前導。呀。卻早來到也。且安排下寨着。〔報住〕〔馬志同老龍上〕〔云〕我等運糧到也。〔正末云〕要取三軍勝。先積十年糧。〔正末執劍持符作法科〕〔唱〕

〔沽美酒〕展經天緯地才。驅兌陰震陽開。地軸天關足下躡。四壁廂雲靉靄。統神兵攢甲來。

〔太平令〕一箇箇神通廣大。一箇箇胸捲江淮。論文呵機謀奇怪。論武呵威風。

氣概。我呵將陣勢擺開。伏埋。恰便似九里山會垓。不一時掀翻倒西林一寨。

〔川撥棹〕鬧垓垓似風濤揚巨海。霧鎖雲埋。山頂門開。〔云〕呀。虎變了形也。〔唱〕擁

出夥金釵。杏臉桃腮。玉骨冰骸。恰便嫦娥女把迷魂陣擺。離月殿下瑤堦。

〔七弟兄〕我這裡自揣。剖劃。移濁骨。換靈胎。儘平生手段神通大。奪了你粉香肌。至寶卻歸來。出的錦營花寨。登時敗。

〔梅花酒〕聽號令。莫遲捱。違吾召。受殃災。風力捲。徧天涯。助吾神。任徘徊。二十八宿離雲臺。十一曜下天堦。怪隱妖埋。鬼哭神哀。水火逼。怎生捱。妖氣散。陣雲開。陣雲開。旋安排。旋安排。計奇哉。計奇哉。搶嬰孩。搶嬰孩。赴吾齋。赴吾齋。便放懷。

〔收江南〕霎時間火坑中奪得錦標來。妖窩內搶出貼身材。鏖戰山君不管玉山頽。凱歌快哉。只今日跳出這翻天倒地是非垓。〔云〕多感天神地將。鬪戰片時之間。

奪得嬰兒。不可久停。遂回山寨回來。正是那地藏泄時金玉露。飛空奪得錦標來。袁忠馬志。同東坡領着嬰兒。口宮。與姪女成親畢。然後卻往形山五雲洞中。見我巨人。〔袁馬領嬰兒下〕〔復帶姪女同上〕〔作揖科〕〔正末云〕既來到。就於此間。與吾調饌十月。助吾成道可也。〔姪女應云〕

願供水火之役。〔並下〕〔復引姹女嬰兒同上〕〔勸酒科〕〔袁云〕師父。先前在寨內不飲此酒。今日如何卻飲。〔正末云〕你不知道。濁醪損氣又損神。說與人間不可親。此酒豈同凡俗酒。一盃飲罷壽千春。〔唱〕

〔落梅風〕咱父子親。你夫婦諧。布陰陽地天交泰。倒金尊香醪嫌量窄。〔云〕貧道醉也。袁忠馬志。你每都在那裡。〔做不應科〕〔正末云〕卻早先醉了。〔唱〕不知那起念頭禍根何在。〔云〕老陰戰龍少陽明。姹女嬰兒匹配成。六賊從今皆攝伏。一壺春意樂長生。〔下〕〔袁云〕馬

志。您衆弟兄每都來。我與你說。想咱弟兄六人。自歸降師父。建立大功。降龍收姹女。伏虎奪嬰兒。嫌的是咱六人。今後再莫管一些閑事。盡從師父自己主張。〔袁云〕我心不繁。〔觀云〕我眼不觀。〔馬云〕我意不動。〔孔云〕我鼻不聞。〔常云〕我舌不饒。〔聞云〕我耳不聽。〔袁云〕住了住了。坐中亦有江南客。莫向尊前唱鷓鴣。〔並下〕〔正末上〕〔云〕撚指十載之間。九陽數足。忽聞山頂雷鳴。足下雲捧。天書下召。仙侶來迎。此是吾道火周丹熱之時。乃大丈夫功成名遂之日也。〔唱〕

〔水仙子〕洞房忽的起聲雷。萬戶千門一震開。誰知箇裏乾坤大。方知道色是空。空是色。我於今跳出塵埃。掣斷了黃金帶。蹬脫了絆腳鞋。駕白雲咫尺蓬萊。〔折桂令〕駕白雲咫尺蓬萊。飛過了弱水三千。別壺天壽域宏開。綉幙簾櫳。黃

金宮殿。碧玉樓臺。有三星宮中坐側。見八仙海上飛來。捧玉卮金盃。奏仙樂和諧。拜受了紫誥丹書。得長生亦有梯階。〔衆念云〕形山仙長號無名。姪女嬰兒配作親。降伏六賊歸順日。太平仙記萬年春。

題目


無名子收崑崙六賊

降東蛟奪先天一氣

正名

戰山君配姪女嬰兒

證無爲作太平仙記



獨樂園司馬入相

明桑紹良

獨樂園學士著書

耆英會司徒結社

宋天子擢用忠良

溫國公超遷僕射

楔子

〔正末扮司馬溫公上開〕五規三劄格君心。諫院詞垣恩寵深。自愧年來臣力竭。投閒惟願解朝簪。下官覆姓司馬名光字君實。河東夏縣人也。舉進士歷官翰林學士。當今大宋神宗皇帝熙寧三年。主上天資英邁。勵精圖治。只因誤用了王安石。創立新法。招呼黨類。病國殃民。天下騷然。俺曾盡言諫諍。主上不聽。曾聞古人云。諫不行。言不聽。則當納履而去。我累次辭官。未蒙俞允。昨日面見主上。苦苦懇求散地。蒙恩授我端明殿學士大中大夫知永興軍改判西京御史留臺。今早辭了朝。收拾行李。向洛中去也。〔唱〕

〔仙呂端正好〕非是俺愛青山。耽連社。只因那黷朝綱滿目姦邪。上方懸劍無人借。避封豕。趨長蛇。掛宮帽。脫朝靴。辭鳳闕。駕牛車。茆屋矮。竹籬斜。這其間也得睡箇箇圖圖夜。〔下〕

第一折

〔衆扮邵康節張橫渠程明道程伊川上開〕道在吾心莫妄求。分殊理一可潛修。欲知孔孟傳來脈。伊洛淵源活水流。〔邵云〕自家姓邵名雍字堯夫。這位是張子厚。這位是程伯淳。這位是程正叔。我四人講道洛中。不求聞達。前翰林學士司馬君實。辭官來判留臺。此人德行文章。當今無比。他在此築了箇獨樂園。每日修資治通鑑。聞知書已修成。我四人同去訪他一遭去來。〔下〕〔孤扮富司徒上開〕當年拜相協人情。今日投閒鬢已星。幸得洛陽詩酒伴。追陪花月會耆英。老夫姓富名弼字彥國。昔拜平章。今爲使相。致仕居洛。年已七十九矣。雖有報國之心。無復立朝之望。與文太尉十二人。結耆英之會。年皆七旬有餘。惟端明學士司馬君實。年未七十。我們重他人品。以狄兼善故事。請他入會。明朝三月十五日。小園花卉盛開。又當老夫作會。已寫就請書。差人遍請。不知還是幾位肯來也。〔下〕〔正末扮司馬溫公上開〕僻地新開十畝園。小亭結構總荂椽。雖無冠蓋來門下。儘有春光在眼前。老夫司馬君實是也。自從辭官歸洛。築了這所園亭。儘可讀書。近與富司徒文太尉等十三人。結耆英之會。想我蚤歲讀書。壯年登第。秉性忠誠。歷官清要。只要與朝廷建功立事。誰想奸臣進用。苦不相合。如今退閑在此。將我初志負却。兀的不虛度了此生也呵。〔唱〕

〔仙呂點絳脣〕本待要際會風雲。贊襄堯舜。乘時運。大展經綸。整頓的大宋江山穩。

〔混江龍〕誰承望金陵啓露。用奸言撥轉了聖明君。引的些狼貪當道。狐媚成羣。商管術硬充爲元聖法。申韓言生紐做素王云。惠卿當軸。韓絳操鈞。舒亶鼓舌。李定搖唇。急攘攘。亂紛紛。花世界。錦乾坤。百忙裡改換做迷魂陣。變亂了些舊章成憲。貶竄了些義士忠臣。

〔油葫蘆〕因此上草疏陳情出帝閭。甘心兒賤與貧。便將這翰林風月付閑身。永興軍再佩專城印。端明殿尙帶詞臣分。憂時的病未除。愛君的心轉勤。我待將新條絕口休評論。又只怕負三朝眷注老臣恩。

〔天下樂〕見如今環慶延綏起戰氛。愁也麼人。羽檄頻。更有那伺釁隙的契丹在境上屯。使韓縝割了幾州。用徐禧喪了六軍。把一箇賈長沙哭泣損。〔云〕我想國家之事。一至於此。將來不知究竟何如。我自英宗時曾獻周秦通志。今上登基。命我續成此書。賜名資治通鑑。著我隨處開局。紙墨筆硯。盡是上方給賜。御府祕書。特許借觀。至今恰好十九年了。此書方纔修成。我不免將來打點一番。不日差人進上去也。〔晉書科〕〔唱〕

〔那吒令〕嘆周朝不辰。被七雄裂分。恨秦王不仁。把六邦併吞。笑高皇不文。按三尺怒噴。三分呵獨讓曹。六代也皆宗晉。五胡歷漢趙燕秦。

〔鵲踏枝〕魏與齊惹些烟塵。周與隋有甚功勛。創立下仁義的唐朝。斷送與殘暴的朱溫。〔云〕自此以後。天下大亂。梁唐晉漢周。五代之君。有如傳舍。〔唱〕喫緊朝興暮隕。那裡得久住常存。〔云〕我修成這部通鑑。起周威烈王二十三年戊寅。終周世宗顯德六年己未。首尾共

一千三百六十二年。其中褒善貶惡。尊君抑臣。內夏外夷。正名謹分。也不是等閒的文字也。〔唱〕

〔寄生草〕順天地明三極。本綱常正五倫。褒忠良一字如華袞。誅奸邪千載難逃遁。定眞僞半點無淆混。傳心呵敢望與仲尼同。專門呵端不把丘明遜。〔衆扮邵張二程

上〕〔邵云〕此間是司馬君實園子了。我們進去來。〔相見科〕〔正末云〕四位老先生。今日光顧小園。老夫有何德能。〔邵云〕常欲奉訪。恐取攪擾。今日特來相望。你這獨樂園。端的清致也。〔正末唱〕

〔醉中天〕菜圃一方窄。茅屋數椽新。怕惹紅塵上角巾。不許俗人訊。幸得您斯文上賓。清光時近。不枉了獨樂園十畝常春。〔云〕四位老先生少坐。待老夫烹一碗茶。醒一壺酒。略敘片時。〔張云〕特來請教。反致攪擾。却是不當。〔正末唱〕

〔金盞兒〕不由我笑欣欣。話諄諄。止不過烹茶煮酒消愁悶。那裡也邀歡開宴出釵裙。〔云〕四位老先生。非是老夫過譽。似您們講性理之學。著道德之言。顏會之後。幾曾多見。〔唱〕子厚呵。正蒙堪住世。堯夫呵。皇極已通神。伯淳呵。聖門得正脈。正叔呵。盛世有逸民。〔大程云〕端明大人過譽。我們雖有些小的著述。總不如大人修的資治通鑑。敢請賜覽一遍。〔正末云〕正欲請教。家僮可便搬出書來。與四位老先生看者。〔衆看書科〕〔二程云〕你看此書紀載詳明。議論醇正。超班馬之雄才。續典墳之遺響。繼獲麟而作。真萬世不磨之事業也。〔正末云〕多蒙過獎。老夫豈敢當也。〔唱〕

〔後庭花〕說甚麼載皇王事蹟實。斷興衰議論醇。道不的文學超班馬。功勞續典墳。多大小見和聞。止不過尋常的詰訓。養殺波續貂才繼獲麟。〔邵云〕此書功勞浩大。不知纂修了多少年也。〔正末唱〕

〔柳葉兒〕自英廟當年經進。迄神祖此志纔伸。十九年費的我精力。骨如削。髮如銀。眼見的逐西風葉落歸根。〔大程云〕天色晚了。我們告退罷。〔正末云〕老先生再坐片時何妨。〔唱〕

〔青哥兒〕斜日啣山。啣山將盡。歸鳥投林。投林爭奮。我則待雨打梨花深閉門。酒

罄芳樽。人臥莎茵。只到那夜色將闌。燭影昏。纔許您各自尋投奔。〔張云〕夜已半了。我們只此告別。〔二程云〕多有攪擾。容日再來請教。〔俠扮家僮上云〕小人是富丞相一個家僮。丞相差俺送請書。請十二位相公明日赴會。已送了十一位。還有司馬相公未送到。此間便是。恰好相公送客在此。〔傑云〕小人是富老爹差來。請老爹明早赴會。有請書在此呈上。〔正末接書科〕〔唱〕
〔賺煞〕八摺彩雲箋。幾字青鸞信。請俺這十二位留都的大隱。俺也曾鵲鷺聯班侍紫宸。今日箇廝追陪鷗鳥爲隣。樂天真。柳塢花村。羞向桃源更問津。只消的香醪幾巡。新詩百韻。醉春風擬弔牡丹魂。〔下〕

第二折

〔孤扮富司徒上開〕華堂今日綺筵開。爲請留都耆俊才。已仗東風傳信息。不知吹得幾人來。老夫富彥國是也。今日三月十五。輪着俺作者英會。已遣人徧請十二位去。不知幾位閑忙來否。我索鋪設齊整。這早晚敢待來也。〔外孤扮文太尉上開〕一代元勛七十餘。掛冠歸老賦閑居。柴桑自許饒松菊。五柳先生總不如。老夫文彥博字寬夫。三朝宰相。近因朝廷多事。乞閑得判河南府。與富司徒十二人。結耆英之會。今日司徒宅上設席。不免走一遭去也。呀。那壁廂不是王宣徽來了。〔外孤扮王宣徽上開〕當年執法立清朝。繡斧烏臺擢豸袍。近日北門權鎖鑰。却教踪跡混漁

樵。老夫王拱辰字君貺。狀元及第。昔爲御史中丞。因忤奸邪。改宣徽南院使。出判大名府。近與洛陽諸老結耆英會。今日富司徒開宴相請。須索去也。呀。兀的不是文太尉來了。〔相見科〕〔文云〕此處是司徒宅子。我們進去者。〔與孤相見科〕〔富云〕今日老夫沒興。十二位到有九位不來。止請得三位。二位已降。還有司馬君實未到。左右你去門前看着。來時便通報也。〔正末扮司馬溫公上開〕盛世逢春樂事多。疎狂況是酒中魔。鳥啼花放清明後。如此風光能幾何。老夫司馬君實是也。昨晚富司徒來請。今日宴會。我須索走一遭去也。〔唱〕

〔中呂粉蝶兒〕攜的些家釀園蔬。杖青藜逍遙散步。赴花期爲訪司徒。我則見螭瑤堦。覆碧瓦。綠簷朱戶。蔭門闌槐影扶疎。正是那會耆英家常的主顧。

〔醉春風〕那裡有珠履列三千。我只見蒼頭排四五。〔傑云〕司馬老爹來了。待小人通報。〔正末云〕你是富老爹家人麼。我且問你。〔唱〕酒筵中貴客幾人來。你與我數數。〔傑云〕止是文太尉老爹。王宣徽老爹。共老爹只有三位。〔正末唱〕元來是太尉軒車。又打上宣徽的儀從。和俺這翰林的風度。〔相見科〕〔富云〕小筵久設。端明大人請坐。〔正末云〕我們斯文雅會。司徒大人何爲如此盛設。〔唱〕

〔迎仙客〕華筵開玳瑁。朱箔捲珊瑚。象板銀箏簫間楚。玉斝酒霞流。寶鼎香雲吐。眞

箇是相府的規模。老先生可有平泉富。〔云〕司徒大人七十九。太尉大人七十七。宣徽大人七十一。俱是高壽。你看鶴髮童顏。眼明手快。恰似五六旬的一般。眞箇頤養天和。陸地神仙也。〔唱〕
〔紅繡鞋〕紅灼灼童顏酒助。白皚皚鶴髮霜塗。強健筋骸嫩肌膚。多因你丹田如鐵壘。因此上銀海賽冰壺。你敢則會降龍。能伏虎。〔富與衆行酒科〕〔云〕草堂薄設。請三位大人滿飲幾盃者。〔文云〕暮春時節。萬卉爭妍。是好景致也。〔王云〕對此好景。頓增豪興。須是盡量飲幾盃也。〔正末唱〕

〔普天樂〕竹影散涼陰。花氣凝香霧。燕尋舊壘。鶯喚新雛。春來愛日長。老去傷年暮。美景良辰休擔誤。對東風一任盧胡。碧甃底刮乾賸觚。畫闌邊敲殘羯鼓。翠盤中舞困花奴。〔富云〕唐時白樂天有箇香山會。我朝杜丞相有箇睢陽會。皆是斯文儒雅。今日我們這耆英會。敢也與他相似麼。〔正末唱〕

〔快活三〕攬風流氣不粗。結金蘭德不孤。則俺這耆英名今日重留都。怎肯把好事讓前人做。〔文云〕這洛城中有座妙覺寺。十分雄麗。寺內牡丹盛開。我們留些餘興。看上一遭去者。〔王云〕這箇最好。便請移步。〔衆行科〕〔正末唱〕

〔朝天子〕步平莎。坦途訪靈山佛屠。這便是西來路。〔衆父老兒童上云〕呀。這是耆英會衆

老爹。我們正要看一看呀。你看他衣冠俊偉。舉止安閒。真箇快靚也。真箇快靚也。〔俟喝云〕你們是甚麼人。退後些。〔正末唱〕馬前頭踏慢傳呼。休惹的街坊怒。一任教父老追隨。兒童擁護。密匝匝人似堵。這箇說快靚。那箇說快靚。擅當時齒德俱無負。〔衆跪云〕小百姓知道衆老爹結着英會。但不認的。四位老爹是誰。願老爹指示與小人知道。〔正末云〕你們起來。聽我說與你者。〔指富文唱〕

〔四邊靜〕他也會封韓封潞。出擁旌旄。入登公輔。〔衆云〕這二位年高的。元來是韓國公

富老爹。潞國公文老爹。〔正末指王唱〕他也會玉殿傳臚。長楊獻賦。〔衆云〕這

長楊獻賦原作獨
獻長楊賦茲校改

一位年紀差高的。元來是宣徽王狀元老爹。只有老爹年紀。未甚高大。你端的是誰。〔正末唱〕則俺是大中大夫。狄兼善權補足香山數。〔衆云〕元來是端明司馬老爹。你看他四位呵。果然不枉了

着英會也。〔下〕〔富云〕却早來到妙覺寺中。你看宮殿高聳。廊廡寬宏。是好景致也。〔正末唱〕

〔耍孩兒〕嵯峨宮殿把金仙塑。不讓諸天洞府。飛雲棟宇瑞烟浮。焰輝煌金碧模糊。闌干宛轉沉香刻。階砌玲瓏玉石鋪。簷鐸黃金鍍。繞庭院蒼松翠竹。徧池塘細柳新蒲。〔文云〕此寺中有許多牡丹。我們看上一看。〔王云〕是好牡丹。你看紅紫爛熳。黃白芬芳。真箇天香國色也。〔正末唱〕

〔四煞〕魏家紫洛下傳。姚家黃別處無。天香國色真堪慕。栽培常引清泉灌。愛護須將蔓草鋤。蜂蝶休相妒。避風臺築成疊石。藏春帳結就流蘇。

〔三煞〕紅的呵似抹硃。白的呵如膩酥。幾株妖豔攬清素。柔風慢擺能旋舞。膏雨輕霑慣洗梳。〔云〕古人云。善識牡丹者。見根莖而知高下。其次識萌芽。若夫見花而後識者。風斯下矣。〔唱〕猛可裡心頭悟。若能般識根莖。於秋後。煞強如誇富貴在春初。〔富云〕天色晚了。我們回去罷。〔正末唱〕

〔二煞〕尋春興未闌。看花日已晡。破輕雲露出蟾宮兔。比及的歸家錦帳迷蝴蝶。先且則回首黃陵聽鷓鴣。這其間分散了歡娛部。只今宵權將手撒。到明朝再把頭扶。〔文云〕昔日香山九老。皆畫其像於普明寺廊廡壁上。我見這妙覺寺廡壁潔淨。堪以畫圖。此間有箇畫士。叫做鄭奩。畫的最好。可請他來圖畫我十三人於上。以紀一時盛事如何。〔富云〕說的最當。明日就請他來圖畫便了。〔正末唱〕

〔煞尾〕將咱的老貌容。寫入箇小畫圖。等閑將妙覺寺東西廡。真箇倒勝似雲臺壁上的土。〔下〕

〔淨扮家僮上開〕日日園中奉相公。殷勤苦楚有誰同。灌澆花木惟憑雨。洒掃庭堦全仗風。〔內云〕雨澆花。風掃地。怎說你殷勤苦楚。〔淨云〕你不曉的。自從王安石作相。致的風不調。雨不順。澆花掃地。不知費了我多少氣力也。小人是司馬相公家僮。今日俺相公的生辰。獨樂園中置酒邀賓。我不免安排齊整。兀的不俺相公來也。〔正末扮司馬溫公上開〕西風一葉井梧飛。清晝無人靜掩扉。屈指今朝是初度。桑蓬却與素心違。老夫司馬君實是也。今日是俺生辰。昨日富司徒文太尉王宣徽。要來與老夫添壽。邵康節張橫渠程家昆仲。亦說要來。已分付蒼頭。洒掃園亭。安排酒饌。等候他列位。如今新秋時序。我這獨樂園中。又是一段風光也呵。〔唱〕

〔越調鬪鶴鶉〕乍起涼飈。纔收溽暑。節按金神。寒生青女。薜荔驚風。梧桐滴雨。心不拘。樂有餘。正值着肥壯的鷄豚。收成的禾黍。

〔紫花兒序〕則今日園亭開宴。看這番賓客稱觴。想當年弧矢懸閭。衰殘筋骨。迅速居諸。欷歔。白髮垂肩老更癯。空有些浮名虛譽。不能般補袞朝班。則落的抱甕村居。〔云〕蒼頭。你與我掃淨地。焚上香。烹下茶。煮着酒。肴饌之類。都要停當。休教衆位老爹笑話。〔淨云〕小人都理會的。〔正末唱〕

〔小桃紅〕奚奴擁篲掃庭除。添上爐中炷。汲井烹茶竹深處。有行廚。不妨村釀

連糟濾。菜羹一盂。山肴幾箸。想佳賓不厭食無魚。〔衆扮富司徒文太尉王宣徽邵康節

張橫渠程明道程伊川上開〕奎壁年來照洛陽。壽星今夕倍生光。欲知玄造昭昭意。獨樂園中

歲未央。〔富云〕我七人約下與司馬端明祝壽。却早來到獨樂園。不免進去。〔相見科〕〔正末云〕

老夫賤日。何勞七位老先生賜顧。〔邵云〕我們忝在大人素愛。如何不來奉祝。〔正末唱〕

〔天淨紗〕白雲擁出旌旗。清風吹下襟裾。明月邀來伴侶。文星朗聚。增重咱沒伎

倆的朽腐酸儒。〔大程云〕敢問端明大人。今年高壽幾何。〔正末云〕犬馬之齒。六十七矣。〔唱〕

〔調笑令〕周年光似隙駒。早已逼桑榆。〔文云〕你看南極呈祥。西池獻瑞。端的天開壽域也。

〔正末唱〕那裡也南極光生映草廬。西池宴罷留鸞馭。但只願保餘生暮年的景趣。

〔張云〕端明大人。不日被徵召。贊皇獻居廊廟之上。豈得終老林泉。〔正末云〕子厚你說那裡話。〔唱〕

我則願社鼓村醪歲不虛。煞強如贊皇猷在天祿石渠。〔二程云〕端明大人才名蓋世。朝

野屬望。如今朝政漸漸更新。在位諸公。必有推轂者。〔正末云〕正叔差矣。量老夫有甚才學。自致

敗以來。無復用世之志了也。〔唱〕

〔禿厮兒〕昇仙橋不堪駕車。灞陵岸煞慣騎驢。老不隨時性更迂。不耐馳驅。誰

望吹噓。〔富云〕且莫閑論。我們都來與君實把一盞者。承應的歌舞侑觴。〔正末唱〕

〔聖藥王〕則見他喚小霄。傾綠醕。畫屏香護綉芙蓉。呼豔妹。舞絳襦。錦裯花襯翠氍毹。樂事有誰如。〔文云〕今日端明壽筵。在坐八人。俱非白丁。可聯詩一首。以表賀敬。〔衆云〕最好請司徒先發。我們依次續成者。〔富云〕名重耆英會。秋清獨樂園。〔文云〕樽疊陳此日。弧矢憶當年。〔邵云〕桃熟知千歲。丹成定九還。〔王云〕鶴飛爭奏曲。鵲放喜開筵。〔張云〕白髮山中相。青袍陸地仙。〔大程云〕朝廷久屬望。夷貊盡知賢。〔二程云〕麻詔來天上。蒲輪下日邊。〔正末云〕正當慚菲薄。何以答瑤篇。〔衆云〕詩成八韻。司馬君實早則恭喜也。〔正末云〕多謝列位老先生。〔唱〕

〔麻郎兒〕一箇家知音諳呂。一箇家唾玉噴珠。十丈鵝牋遞書。八管兔毫聯句。〔邵云〕我們祝壽已畢。可歸去也。〔正末云〕恰好飲酒。如何便歸去的。〔唱〕

〔么篇〕拚取歡娛笑語。小杯盤再坐須臾。喜門外天光滿衢。更樹杪月明如炬。〔文云〕聞知通鑑已修成了。可進呈也未。〔正末唱〕

〔絡絲娘〕修書才非干是微臣自許。賜書名都只爲吾皇親與。因此上雪案螢牕苦心著。昨日箇脫稿去。纔呈聖主。〔王云〕書既進呈。早晚必有玉音到來拱賀。〔副末扮使臣上開〕泥封詔旨下遙天。十載孤臣特賜環。一代明皇崇製作。相如未許臥文園。下官使臣是也。奉詔取司馬君實還朝。此間是他獨樂園。不免進去者。〔相見科〕〔副末云〕朝廷有旨。可排香案開讀。

〔正末跪科〕〔副末讀詔云〕皇帝詔諭端明殿學士大中大夫判西京御史臺司馬光。昨進所著資治通鑑。有關治道。啓沃良深。朕心嘉悅。可授爾資政殿大學士。知陳州事。仍差人賫勅。行取過闕。別有訪問。爾其勉副朕意。欽哉。毋替。〔衆云〕司馬大人早則喜也。〔正末云〕著述微勞。敢膺朝廷重賞。兀的不驚殺人也。〔唱〕

〔東原樂〕君恩重。臣性愚。丹鳳啣書來宣諭。駟馬安車敢覬覦。加資敘。資政殿官銜新注。〔副末云〕王安石已退。呂惠卿已逐。天子虛席以待大人。〔正末云〕我此去呵。定然要做一番事業也。〔唱〕

〔綿搭絮〕管取那奸邪屏跡。忠鯁當樞。朝綱再整。民困重紓。呀。自信今番不守株。却笑從前錯向隅。將咱的手段鋪舒。不枉了攀龍鱗。附鳳羽。〔云〕君命召。不俟駕而行。今晚與列位老先生敘別。明早便起身前去。我到朝中。將您衆位保舉。同立朝班。共扶聖主也。〔衆云〕我們成年齒衰殘。或資性村野。不可爲官。大人。你不要舉俺了。〔正末唱〕

〔尾聲〕壽筵權當離筵敘。管情取堯日下八元並舉。您只待守白屋伴松筠。我教您佐彤庭寄心膂。〔下〕

第四折

〔副末扮黃門官上開〕螭頭鵲立著朝衫。傳達絲綸捧玉函。昨日宣麻拜新相。歡聲如沸徹堂廉。自家宋朝一箇黃門給事。昨日行取司馬君實回朝。拜門下侍郎。在朝在野。無不欣悅鼓舞。天下至治。不日可望。今日侍郎面君謝恩。下官只得在此候傳旨。〔正末扮司馬溫公上開〕逐臣十載隔天涯。湖海飄零感歲華。此日鈞衡還掌握。誓將丹悃答皇家。下官司馬光是也。自從進了通鑑。蒙恩加授資政殿大學士。起知陳州事。過闕留拜門下侍郎。乃參知政事之職也。今日面君謝恩。正是早朝時分。不免進見去也。〔唱〕

〔雙調新水令〕帝城宮闕九重開。送爐香曉風一派。卿雲扶夏鼎。瑞日照堯堦。禁柳宮槐。掩映在御溝外。〔拜舞科〕〔唱〕

〔步步嬌〕象簡緋袍黃金帶。蹈舞向金鑾拜。朝班久不擺。幾度鵲鸞夢中來。雖則是隔天涯。這一片犬馬心常在。〔副末云〕皇上傳旨。門下侍郎司馬光。離朝十有餘年。忠君愛國之心。日遠日篤。特召卿回朝。任以政事。卿可仰副朕意。〔正末云〕臣自離了闕呵。〔唱〕

〔落梅風〕知陝右軍州事。判洛中御史臺。鬢霜寒年華已邁。君恩果然深似海。把俺這老朽羸後車重載。〔副末云〕聖旨道來。卿所進資治通鑑。旁搜廣采。博古通今。班固范曄輩。不足道也。〔正末唱〕

〔攪箏琶〕從受了修書的誠。誰知道機線欠長才。那裡也博古通今。旁搜廣采。比班固欠兼該。較范曄少綜核。堪哀。消磨歲月精力衰。險些兒累殺驚駘。〔副末云〕聖旨道來。卿既參大政。當今弊政。所宜革改者。可從頭奏來。〔正末云〕當今弊政。何止一端。容臣一一敷陳。

〔唱〕

〔錦上花〕保甲無端。方田爲害。保馬殃民。免役傷財。市易均輸。速當革裁。首實青苗。急須更改。〔云〕還有幾件。關係最大者。西夏的冤讐。不可結。契丹的和好。不可絕。取人材不可不周。開言路不可不廣。〔唱〕

〔么篇〕西戎讐莫挑。北虜使還差。保境息民。安緝招徠。剏立十科。取士掄材。鑢削六條。防疎禁解。〔副末云〕聖旨道來。所奏弊政。便著三省行移。盡行革去。西夏許他自新。北遼與他通好。所立取士十科。即便舉行。原設拒諫六語。即時鑢削。皆依擬行。當今在位諸臣。誰是好邪。當罷黜者。卿可指實說來。〔正末云〕王安石雖然罷政。其黨類立朝執政者尙多。望陛下乾斷無疑。〔唱〕

〔清江引〕奸邪誤君心最歹。罪惡滔天大。〔云〕若論今日的元惡呵。〔唱〕人心蔡確搖。國事章惇壞。〔云〕呂惠卿韓絳舒亶李定之輩。雖已放逐。還當遷徙遠地。以防將來覬覦之患。

〔唱〕金門再來不用躡。〔副末云〕聖旨道來。所論奸邪。情罪允當。左僕射兼門下侍郎蔡確。出知陳州。樞密使章惇。出知汝州。呂惠卿韓絳。各遠方安置。舒亶李定。各禁錮田里。如今朝內乏材。不知何人堪用。卿有藻鑑。可歷歷舉來。朕將不次擢用。與治天職也。〔正末云〕臣久居洛陽。伏見司徒致仕韓國公富弼。太尉判河南府潞國公文彥博。二人皆累朝元老。宿德重望。可居端揆之位。又有原任監察御史裏行程顥。原任崇文院校書張載。處士邵雍程頤。四人究性命之奧旨。續聖賢之絕學。可居論思之職。又有原任宣徽南院使王拱辰。原任樞密副使呂公著。原任知諫院蘇軾。原任判國子監范純仁。皆累朝作養。老成人材。俱當起用。以翊太平之治。〔唱〕

〔喬牌兒〕富弼當進階。彥博可調鼎。皇家多士如蘭茝。羨古人真藹藹。〔副末云〕聖旨道來。卿所舉賢臣。皆一時之選。富弼懇辭老疾。可授太尉加封鄭國公。文彥博著行取來京。平章軍國重事。邵雍抗志不屈。賜號康節先生。張載授同知太常禮院。程頤授宗正司卿。程顥授崇政殿說書。王拱辰復宣徽南院使。呂公著拜尙書左丞。蘇軾授中書舍人。范純仁同知樞密院事。各速供職。〔正末云〕你看賢人類進。君子道長。另是一番世界了。兀的不歡喜殺老臣也。〔唱〕

〔甜水令〕眞箇是道邁三皇。德超五帝。功高三代。羨一行紅杏倚雲栽。世際雍熙。道合明良。時逢清泰。怎教他棟梁材終混蒿萊。〔副末云〕聖旨道來。司馬光方參大政。便

與國家除害興利。進賢退不肖。厥功懋哉。可進位尚書左僕射兼門下侍郎。封溫國公。統攝羣寮。佐朕不逮。勉哉勿替。〔正末云〕僕射乃朝廷元宰。三省長官。老臣有何德能。敢當此任。〔拜唱〕

〔折桂令〕着微臣正位三台。龍虎遭逢。魚水和諧。則被這宮帽朝靴。生換了竹笠芒鞋。負乘慚心。胸自惴。覆餗憂夢寐常懷。拚着這七尺形骸。罄丹心愛國忠君。替蒼生造福消災。〔副末云〕聖旨道來。僕射所陳政事。一一施行。卿可協和寮案。寅亮天工。務臻唐

虞之治。〔正末拜唱〕


〔鴈兒落〕我只願皇靈震九垓。我只願聖治超三界。我只願仁文敷八紘。我只願義武威諸塞。

〔得勝令〕當道絕狼豺。四野淨風霾。擊壤歡聲沸。康衢歌韻諧。及早的安排。頌德封東岱。休得要疑猜。勒功磨斷崖。〔副末云〕聖旨道來。文武百官退朝。都着擺班。送丞相歸省。〔正末拜云〕萬歲萬歲萬萬歲。〔唱〕

〔鴛鴦煞〕從今後長安藥市無人賣。商山芝草憑誰採。統攝着濟濟臣工。紛紛寮案。暢道座掌絲綸。門迎冠蓋。恐愚蠢癡騃。不了事有負官家待。你着我何以答涓埃。我則是仰祝皇圖萬萬載。

獨樂園頤養天真
皇明繼大宋一統

燕詒堂眉壽千旬
司馬公異世同神



僧尼共犯

明馮惟敏

第一折

〔淨扮僧上開〕少年難戒色。君子不出家。聖人有倫理。佛祖行的差。小僧法名明進。自幼投禮龍興寺長老披剃出家。每日起五更。睡半夜。看經念佛。磕頭禮拜。不知圖些甚的。想起古先聖賢有云。有天地。然後有夫婦。有夫婦。然後有父子。男女居室。人之大倫。古先聖人。制爲婚姻之禮。傳流後代。繁衍至今。自有佛法以來。把俺無知衆生。度脫出家。削髮爲僧。永不婚配。絕其後嗣。想俺佛祖脩行住世。身體髮膚。不敢毀傷。留頭垂髻。並不落髮。哄俺弟子。剃做光頭。不好看相。佛公佛母。輩輩相傳。生長佛子。哄俺弟子。都做光棍。一世沒箇老婆。怎生度日。尋思起來。是好不平的事也。呵。〔唱〕

〔仙呂點絳脣〕苦海無涯。業根難化。空悲咤。無室無家。一點心牽掛。〔云〕俺莫非不是人也。尋思起來。俺也是人生父母養下來的。〔唱〕

〔混江龍〕都一般成人長大。俺也是爺生娘養好根芽。又不是不通人性。止不過自幼出家。一會價把不住春心垂玉筍。一會價盼不成配偶咬銀牙。正諷經

數聲嘆息。剛頂禮幾度嗟呀。〔云〕俺和尚家要向俗家抄化布施呵。遇着不老實的婦人。和他擠眉溜眼。調順私情。俺也會跳牆。他也会串寺。這箇也是常事。則怕一時間被人拏犯了。布瓦擦頭。卻難禁受哩。〔唱〕要求箇善男信女擔驚怕。總不如空門淨土。當夥兒戀酒貪花。〔云〕往古來今。天下庵觀。有僧人便有尼姑。有道士便有道姑。這都是先代祖師遺留下的。俺想起來。這便是爲俺出家人放一條生路。若無這條路兒。那一箇獸狗骨頭肯出家也。〔唱〕

〔油葫蘆〕自古道僧尼是一家。暢好是低答。每日價撞頭磕額有根查。一箇遞陽局斜倚回廊下。一箇挑春情偷將禪杖打。一箇手兒招。一箇眼兒瞰。背地裏聽不上腌臢話。誰道俺兄弟每不光滑。〔云〕俺這一座禪寺古蹟。建在城外。並無尼姑庵兒。城裏碧雲庵。有一女僧。法名惠朗。頗有姿色。小僧與他相識。他也有願戀小僧之意。以此認親爲由。往還甚密。人都不知。俺今晚無事。正好到他庵內走一遭者。行行去去。轉彎抹角。早來庵兒門下。俺索低聲叫他。開門。開門。〔旦扮尼僧上〕〔云〕福地閑無事。空門亦有春。此心元不死。飛逐落花塵。自家尼僧惠朗的是也。自幼捨身在庵內修行。俺心中正迷留沒亂的。恰纔天色已晚。是誰在外叫門。〔淨云〕是我來也。〔唱〕

〔天下樂〕口念着救苦救難善菩薩。冤家可喜殺。發慈悲單等您和咱。開禪堂

燒一炷香。入禪房換一盞茶。上禪床結一段好緣法。〔云〕和尚到了庵裏。也不認的誰是和尙。誰是尼姑。則俺自家認的真實。他見了我。便道明禪師兄問訊了。我見了他。便道惠禪師弟問訊了。〔唱〕

〔那吒令〕俺到了您家。人則說是他。您到了俺家。人則說是咱。混做了一家。半星兒不差。頂老兒一樣光。刀麻兒一般大。胡厮混一迷裡虛花。

〔鵲踏枝〕認不的我和他。辨不出真共假。恰便似兩箇尿胞。一對西瓜。磨菇頭一弄兒齊磕打。精禿驢越顯的圓滑。〔云〕到這其間。俺出家人。也只是口兒念佛。手裏敲着木魚兒也。〔唱〕

〔寄生草〕呀。一箇念波羅密。一箇念摩訶薩。鼓槌兒敲打的鑿鑿乍。鐃鈸兒拍的打的光光乍。木魚兒瓜打的膨膨乍。昏沉了半晌出陽神。這其間色膽天來大。〔旦云〕明禪明禪。罷了我也。〔淨云〕惠禪惠禪。死了我也。〔唱〕

〔么〕他他他纏着俺。俺俺俺纏着他。瓢頭兒比着葫蘆畫。光頭兒帶着箇葫蘆擺。枕頭兒做了箇葫蘆架。拜佛席權當了象牙床。偏衫袖也做的絞綃帕。〔云〕諸佛菩薩。大小神將。看見俺這般喬樣呵。〔唱〕

〔六么序〕呀。釋迦佛鋪苫着眼。當陽佛手指着咱。把一尊彌勒佛笑倒在他家。四天王火性齊發。入金剛怒髮渣沙。搗起金甲。按住琵琶。捻轉鋼叉。切齒磨牙。挪着柄降魔杵神通大。則待把禿驢頭攤了還攤。羞的箇達磨面壁東廊下。惱犯了伽藍護法。赤煦煦紅了腮頰。〔云〕誆殺我也。那裡發付小僧者。〔旦云〕怕他怎的。〔淨云〕

云〕那釋迦爺把眼兒鋪苫着。是見不上俺也。〔旦云〕不是。他是那垂簾打坐的象兒。〔淨云〕那當陽爺把手兒指着俺這等胡行哩。〔旦云〕不是。他那裡捏看訣哩。不曾指着甚麼。〔淨云〕那彌勒佛爺嘻嘻大笑。欹倒在地。卻是笑咱們這般樣兒。〔旦云〕也不是。他笑那釋迦爺出世衆生不肯學好。沒有好世界也。〔淨云〕兀那神將們。睜眉瞪眼。惡惡扎扎的都發作了。敢待下手俺也。〔旦云〕他是風調雨順的法象。降伏邪魔的意思而已。〔淨云〕那扭回頭的羅漢。甚是害羞。〔旦云〕這便是達磨爺東來九年面壁。〔淨云〕那紅了臉的伽藍十分發急。〔旦云〕這便是赤面關王。自來如此。〔淨云〕南無菩薩。人說除了當行都是難。你我真是一對行家。若是俗人。那裡知道其中這些道理。〔唱〕

〔么〕哎。你箇行家。不要瞋他。銅鑄的菩薩。泥塑的那吒。鬼話的僧迦。瞎帳的佛法。並無爭差。儘着撐達。也當了春風一刮。兀的不受用殺。〔云〕這是洞天福地。十分

幽靜是好自在也。〔唱〕月浸曇花燈照禪榻。不近諠譁。不受波查。儘通宵喜笑歡洽。不枉了閑過竹院逢僧話。索強如路柳牆花。〔云〕俺僧家勸世之法。都說墮業受罪之人。入地獄墮輪迴。確搗磨研。俺這其間顧不得了也。〔唱〕說來的磨研確搗都不怕。見放着輪迴千轉。也則索捨死捱他。

〔賺尾〕想人生夢一場。且不上西天罷。鎖不住心猿意馬。便做到見性成佛待怎麼。念甚的妙法蓮華。〔旦云〕不上西天不成佛。也非小可。咱們焉敢指望。若是不念經。不應付。那裡有盤纏來也。〔淨唱〕當袈裟告了消乏。到頭來踢弄的風聲大。〔外丑扮街坊人叫門科〕〔淨云〕甚麼人叫門。俺這裡做好事未畢。正忙着哩。〔又打門不開跳牆打諢科〕〔淨云〕俺行常想着跳人家牆頭。您這起光棍。倒來跳俺的牆。拏住拏住。〔旦云〕這都是俺街坊家。俺平日與他相處。也好來。也歹來。他每又是官差。不要和他歹鬪。量俺們也不是強奸。又不該死。和他見官去罷。〔淨云〕卻纔是了手也。〔唱〕衆街坊識瞰。扣膊兒一掐。呀。法門中拏出一對耍娃娃。〔淨吊場云〕街坊隣里得知聞。權在當官不在君。四隻扁腳踏地穩。三箇光頭那怕人。〔衆云〕還有一箇和尚在那裡。〔淨摸腹云〕在這裡藏着哩。惹事的全然是他。一向被他連累了我。他倒是正犯。你們兩手緊緊拏住拴了去。〔下〕

第二折

〔冲末扮巡捕官上〕〔云〕晝夜入人家。非奸做賊拏。鈍刀磨的快。雙手砍西瓜。下官姓吳。雙名守常。本貫耀州人也。見任鈐轄司之職。今有夜巡的捉送一起犯人。原來是僧尼犯奸的。真是一場醜事。喚張千李萬。帶他上來審問者。〔淨上〕〔合掌云〕老爹。小僧問訊了。〔末云〕我是甚麼衙門。你還打問訊哩。喚張千。與他一把拶指帶着。〔旦上〕〔合掌云〕老爹。僧尼問訊了。〔末云〕李萬也與他一把拶指帶着。着他常常的心問口。口問心。你這等衆生。怎麼長着心哩。好幹這等歪事。我看你這夥禿賊呵。〔唱〕

〔南呂一枝花〕雖分男女身。不上姻緣簿。只宜山寺隱。難並市廛居。全不想寂滅空虛。折挫了菩提樹。拋撒了舍利珠。再休提度迷途。身上天堂。免不得墮阿鼻魂遊地府。

〔梁州〕看了您男不男女。女不女。真乃是僧不僧。俗不俗。這的是西方留下淫邪路。並不曾憑媒作伐。則待要相女配夫。又何曾行財下禮。也不索寄柬傳書。覷不的溺窩裏並蒂葫蘆。糞堆上連理蘑菇。喜的他兩意兒奚丟胡突。慌的他兩頭兒低羞篤速。說的他兩眼兒提溜禿盧。每日價指佛賴佛。只要你穿衣喫飯。

隨緣度。千自由。百不做。看了你細眼單眉肚兒粗。也不是清淨的姑姑。〔云〕那尼姑不做良人。卻怎生出家。又要出醜。不如明白爲娼。也強似這等做作。〔唱〕

〔罵玉郎〕把似恁肯留頭嫁做箇良人婦。不枉了髮似漆。體如酥。更不然。早上妝臺路。妝一幅美人圖。蓋一所藏春塢。開一座招商鋪。〔云〕仔細看了你這模樣兒。倒也去得。〔唱〕

〔感皇恩〕呀。見放着俊生生美豔嬌姝。你則待冷清清鰥寡孤獨。〔云〕你那出家人的勾當。我也知道了。也會敲鼓兒。也會撞鐘兒。也會擦土塊。〔唱〕止不過法眷每蜜調油。師傅每貓瞧鼠。徒弟每柳穿魚。當家兒一族。勝強如五奴。犯清規。傷王化。壞風俗。〔云〕那禿厮們。既不肯守戒。也會喫酒麼。〔淨云〕小僧一點酒珠兒也不喫。〔末云〕也慣喫肉麼。〔淨云〕小僧一點肉星兒也不喫。〔旦云〕俺自幼天戒。從做女孩兒。葷酒不曾嘗着。但聞着葷酒氣兒。就頭疼惡心。恰似害孩子的一般。成月家不好。〔末云〕你們說來的都是老實話。只是俺這樣胡突官兒。不十二分信你。〔唱〕

〔採茶歌〕透瓶香滿街沽。爛猪頭滿鍋煑。山門外索帳的老王屠。他則道酒肉齊行曾得道。烟花大鬧好成佛。

〔煞尾〕則爲你半輩不素低答物。勾引的惹草沾風。潑賴徒。辱沒殺受戒傳燈。好宗祖。〔云〕喚張千李萬取刑具來。拷打這禿囚。〔衆應下〕〔末唱〕生銅的手梏。熟鐵的腦箍。準備着官法如爐。齊受苦。〔云〕喚供狀的上來。我與你商議停當。也不要虧了法。也不要枉了人。至公至明。方可服其心也。這僧尼所犯。該問甚罪。〔應云〕僧道犯奸。律有明條。〔末云〕他供稱是一家兒。該准自首。〔應云〕地方拏獲。又係奸情。難准自首。若作一家處斷。當依親屬相奸律。〔末云〕太重了。〔應云〕若從輕減。只擬家人共犯。免科罷。〔末云〕正是正是。輕輕的問他罪名。他好重重承謝我。咱再與你商議的明白。他的謝禮。咱兩人如何分收。〔應云〕以三分爲率。老爹收一分。小的收二分。〔末云〕如何俺倒少。你倒多。〔應云〕一官二吏。舊規如此。〔末云〕我待多要些。爭奈舊規已定。也罷也罷。喚張千李萬上來。你兩人押這起奸情。拏有錢鈔。都將來孝順我。〔丑云〕不瞞老爹說。俺若拏出錢來呵。也有常例。以十分爲率。三分孝順老爹。七分俺買酒喫。〔末怒云〕如何你又多要。〔丑云〕官三民七。天下常例。都是一般。〔末嘆息云〕天。天。那書手既有舊規。這軍伴又有常例。自古道三不拗六。他每都是城狐社鼠。俺也革不了他的積弊。早是俺君子不差當面。一一的與他每講箇明白。永爲遵守。若是多收了分文禮物。卻不壞了我清名。玷了我官箴也。看來俺做官的。只是便宜下人而已。〔末吊場云〕一日爲官一日憂。幾番折獄幾番愁。

奉公守法當如此。爭奈清官不到頭。〔同下〕

第三折

〔末上〕〔張千李萬帶淨旦聽審恐懼科〕〔末云〕且開了他的刑具。我審問他。誰着你犯奸來。你今到此。悔之晚矣。〔唱〕

〔越調鬬鶴鶉〕把似你戰戰兢兢。早當初思思省省。每日價躲躲藏藏。到晚來潛潛等等。〔云〕你那其間。大家喫了兩壺。憑着酒蓋着臉兒。好行事也。〔唱〕一箇價樂樂醕醕。一箇價醕醕酇酇。一箇價躡足行。一箇價側耳聽。要成就對對雙雙。生怕了淒淒冷冷。

〔紫花兒序〕則見他窗兒外超超影影。簾兒前杳杳冥冥。門兒傍老老成成。誰想他磨磨擦擦。掐掐擰擰。隘隘亨亨。猛聽的隣舍家咳嗽了一聲。說的我真魂不定。但能穀安安穩穩。又何必款款輕輕。〔云〕那禿厮實說。你怎麼到尼姑庵內。〔淨云〕小僧進城應付回來。天色已晚。閉了城門。恐怕犯夜。不得已探親尋宿。並不會敢有分外閑事。〔唱〕

〔調笑令〕施主家虔請。念一卷受生經。及至歸來已二更。怕的是嚴城夜禁天

街淨響噹噹。喝號提鈴。說的我褪前擦後不敢行。因此上探望俺骨肉親情。〔云〕

那尼姑實招承了罷。那和尚與你有甚親故。你半夜留他。所幹何事。〔旦唱〕

〔小桃紅〕他是俺一林宗祖小師兄。怎敢胡行逕。若向俗門問名姓。自古有家聲。他是俺兩姨姑表同修行。又不是張王李趙。止不過一時半刻。隔牆兒打坐到天明。〔末云〕這禿囚們都是遮飾之辭。你敢道俺是胡突官兒麼。俺自家說是清如水。明如鏡的。

天下第一員好官。俺自小在寺院讀書之時。不知見了多多少少的事。怎生瞞的我。況有神明照鑒於上。自是難隱真情也。〔唱〕

〔耍厮兒〕佛前燈明如懸鏡。一樁樁照出真形。假若是瞞神說鬼鬼靈精。跳不出審刑廳。死也相應。

〔聖藥王〕把似他有情。你有情。眼睜睜闖入陷人坑。神有靈。佛有靈。活刺刺齊下滾油鐺。也省了出乖弄醜受官刑。〔云〕罷罷。看來他這樣事。也不該死。你兩人湊些錢。

鈔。打點了事。我做官的。也不希罕禮物。只是該房先生。捨命要錢。就是他親爺親娘。也饒不的。何況僧尼乎。若是打點停當呵。便依律杖斷。着你兩人明白成就了罷。杖斷還俗。是法當如此。成就兩人。是情有可矜。情法兩盡。便是俺爲官的大陰陽也。〔唱〕

〔煞尾〕不爭俺敲斷您下截關人命。說的他尋墳跳井。且放你還俗潑衆生。則索把老官人頭兒上頂。〔淨旦謝云〕老爹小的二人叩頭。拜謝成全之恩。惟願老爹輩輩做官者。〔淨云〕先生作揖了。〔旦云〕先生拜了。惟願先生輩輩作吏者。〔吏云〕老爹在上。休要拜我。〔淨云〕你要東西還多似老爹的哩。〔末笑云〕他兩人再不打問訊了也。〔末吊場云〕從來食色性皆同。到底難明色是空。念佛偏能行鬼路。爲官何不積陰功。〔下〕

第四折

〔淨旦上〕〔大笑科〕〔云〕昨日這場出碁的事。只怕送了殘生。誰想巡捕老爹大開方便之門。放俺還俗。便成配偶。是好快樂也呵。〔淨唱〕

〔雙調新水令〕從今日一齊蓄髮脫禪衣。兩團圓歡天喜地。再不上講堂中擔寂寞。也不向法座上受驅馳。這的是超度羣迷。俺則待舞一會歌一會。〔云〕往常時和你喫鍾酒兒。也是儷嘴。配箇對兒。也是儷情。今日要辦大筵席。明白成親。請媒證人。叫吹鼓手。準備着行禮者。〔旦云〕咱們也會吹打一弄兒。〔淨唱〕

〔駐馬聽〕早辦筵席。擔酒牽羊行聘禮。眞成匹配。三媒六證說因依。自家打鼓自吹笛。料應俺勝似華嚴會。〔云〕若不是做出這場慘事。怎得成就這段姻緣也呵。〔唱〕這

姻緣真箇美。方顯俺調虎離山計。〔云〕俺們道佛像法器都無用了。留與徒弟們罷。〔旦云〕

說那裡話。留與你那禿神賽。他也不幹好事。留與俺那禿媚妓。也只會貼和尚。咱們自有變轉處。

〔淨云〕我心裏也是如此。〔唱〕

〔沉醉東風〕新偏衫。瞞成鞋底。舊袈裟。改做中衣。鐵香爐。鑄了鍋。銅法磬。傾成器。破鐃鈸。換了糖喫。塑像和成一塊泥。哄殺俺全然是你。〔云〕俺看那不還俗的僧

尼們。幾時能覓出水呵。〔唱〕

〔鴈兒落〕則俺這急回頭的早見機。覷了他不出水的難存濟。一答兒熱突突。煖被窩。兩口兒喜孜孜成家計。〔云〕你怎麼打扮出來。我試看者。〔旦云〕此時正是暮春天

道。我做了一套羅裙衫兒穿着。你看如何。〔淨云〕正好可體。又合時樣。不強似白布直裰。老鼠皮中袖也。再看你那頭腦如何梳妝。〔旦云〕我買了三件兒。一頂醬蓋似大髻髻戴着。一絡黑鬘髻長珊珊的頭髮。挽着一方金花大手帕。連耳帶腮。緊緊的勒着。你與我剃兩道曲彎彎柳葉眉兒。方纔相稱者。〔淨云〕又好又好。再看你那刀麻兒如何扎作。〔旦伸足云〕你看。〔淨云〕滿面繡花鞋。比常時添上了箇蹣生尖頭兒。若不是這花樣呵。還像僧鞋差不多兒。〔旦云〕要也不難。只是還欠工夫。〔淨云〕天下無難事。只怕慢慢來。人都道蘇州頭。杭州脚。似這等人物。蘇杭也去得

了〔唱〕

〔得勝令〕呀。穿一套彩羅衣。畫兩道遠山眉。打疊起降龍法。丟剝了遮虎皮。再不受孤懷。一弄兒油調蜜。也不怕別離。一團兒膠共漆。〔淨云〕擡下香案。拜謝了天

地者〔合唱〕

〔折桂令〕俺這裡向中宮香爇金猊。拜謝了神祇。辭別了沙彌。從今後夜夜元宵。朝朝十五。日日寒食。歎浮世人生有幾。到頭來悔後無及。怎如俺對對相依。步步相隨。再不去賣狗懸羊。情受着舉案齊眉。〔淨云〕拜謝了天地。再拜謝恩府老爹

者〔合唱〕

〔沽美酒〕俺如今拆不散。捨不的。打不開。斷不離。不强如一不成。兩不就。三不歸。我這裡謝恩官周全美意。勝強似結良媒。

〔太平令〕但能穀婚姻匹配。不枉了苦拷臨逼。成就了家緣家計。也是俺前生前世。〔淨云〕再過幾年。不出寺門。俺做了老法師。你做了老姑子。再有甚麼出產也。〔唱〕俺呵。險做了法師老尼。跳不出火池呀。怎能穀繡幃中偎紅倚翠。〔云〕起初時節。俺也拚着街坊拏奸。出一場醜。今反成就了好事也呵。〔唱〕

〔川撥棹〕早是我會尋思。若不是倩人拏。難到此。雖不是結髮夫妻。也是我自小兒相識。挽上綰頭髮。戴上頂髻髻。好一箇東西。改樣的標致。落的俺如魚似水。長相守。緊相偎。〔云〕那禿厮每不曾犯奸的。卻怎有這等好處。〔唱〕

〔七弟兄〕猛想起彼時。那厮不三思。單打單一世無婚配。精打精到老受孤悽。光打光長夜難支對。〔云〕俺如今一百樣兒不怕人了。又喫酒。又喫肉。再不喫齋了。〔唱〕

〔梅花酒〕俺如今改換了不似昔。百無箇差池。也不索央及。也不做張致。不隄防人笑嗤。大打弄飲巨盃。對人前喫狗脂。早離了素茶飯淡黃齏。再休提。再休提。並不喫。並不喫。冷鹹食。〔云〕嚙兩箇頭髮查兒齊長起來。安排着生男長女。真是一對好夫妻也。〔合唱〕

〔收江南〕呀。一天好事忒希奇。子孫後代有根基。這的是頭髮查兒裏好夫妻。惟願取普天下庵裏寺裏。都似俺成雙作對是便宜。〔淨吊場云〕平生不悔住空門。只悔從前錯認真。若是早年拏犯了。我今生子子生孫。

題目

潑僧尼知而故犯

正名

喬打斷情法昭然

十八國臨潼鬪寶

闕名

頭折

〔冲末扮秦穆公領卒子上〕（云）地廣兵嚴號令明。舜封嬴姓占西秦。祖爲柏翳顓頊後。獨坐咸陽二百春。某乃秦穆公是也。其先乃顓頊之苗裔。祖大業生柏翳。舜賜姓嬴氏。後因造父仕周孝王。使主馬於汧渭之間。馬大蕃息。孝王分土爲附庸。邑在秦。後祖襄公七年。犬戎作亂。襄公將兵救周。戰勝有功。封祖爲諸侯。賜之以岐西之地。今周景王卽位。天下分爲一十八國。是秦魏韓趙楚燕齊魯鄭宋陳吳越蔡曹梁杞晉。此乃是十八國諸侯。某今據咸陽。八水三川。四關險阻。兵有百萬。將有千員。論文有百里奚。論武有秦姬螯。某有心併吞十七國諸侯。爭奈無有妙計。某手下有上大夫百里奚。請他來商議。小校與我喚將百里奚來者。（卒子云）理會的。百里奚安在。（百里奚上）（云）虞不臘兮又適齊。東奔西走受驅馳。只因蹇叔行高見。則我是五羖大夫百里奚。老夫覆姓百里名奚。近年七旬有餘。生而好學。樂於經史。習周召之道。講孔聖之書。懷深謀遠慮之策。有治國安民之法。先輔佐虞國。昔日晉靈公遣荀息爲將。兵伐虢國。以垂棘之璧玉。與屈產之乘馬爲餌。將二物獻虞公。問俺借道。有宮之奇諫曰。不可借道。他若伐虢之後。必有滅虞。

之意。虞公不聽諫。其後果被晉國滅。僂虞國。老夫隱於販牛之家。秦以五羖羊皮贖之。今輔佐秦國。穆公麾下爲上大夫之職。正在書房中看書。左右來報。大王呼喚。不知有甚事。須索走一遭去。可早來到也。小校報復去。道有百里奚來了也。〔卒子云〕理會的。喏。報的大王得知。有百里奚來了也。〔秦穆公云〕着他過來。〔卒子云〕理會的。過去。〔百里奚做見科〕〔云〕大王。呼喚小官。有何事也。〔秦穆公云〕大夫。喚你來有大事商議。〔百里奚云〕大王。有何大事商議。〔秦穆公云〕大夫。想俺秦國。軍有百萬。將有千員。四關險阻。真乃用武之地。某有心併吞十七國諸侯。爭奈無有妙計。特喚你來商議。大夫意下如何。〔百里奚云〕大王。想俺秦國。封疆又廣。兵校又多。八水三川。四關險阻。南有巴蜀。西有金城。北有扶風。東有武威。一年粟可支十年。一軍勇可敵三將。刀劍鋒利。戰馬咆哮。但若興兵。覷十七國一鼓而下也。〔秦穆公云〕大夫。你心與我心皆同。並無奇計。大夫可以深思。〔百里奚云〕大王。想這咸陽。自古興隆之地。霸業之鄉。若併吞十七國諸侯。易如翻掌。〔秦穆公云〕大夫。有何妙計。〔百里奚云〕大王。如今啓過周景王。俺這咸陽有一縣。是臨潼縣。可設一會。名曰是關寶會。每一國要寶物一件。文武二人都赴秦國臨潼縣關寶。如有不赴會者。十七國起兵征伐。如諸侯至會。教秦姬螯領百萬大軍。把住關口。那十七國諸侯。便插翅也飛不出這咸陽去。不須興兵。就行捉拏。十七國都歸於大王。此計如何。〔秦穆公云〕此爲上計。大夫可

就到景王前啓過。就要白金劍一口。權爲盟。

盟趙校政明以下同疑誤

府。庭前若有爭差。此劍誅之。〔百里奚云〕

大王。小臣願往。則今日辭別了大王。直至京師。啓過周景王。走一遭去。疾馳驛馬離秦邦。豈辭水

遠共山長。有心併吞十七國。我教那天下諸侯拱手降。〔下〕〔秦穆公云〕百里奚去了也。十七

國諸侯。這一來我教他。如魚爲食吞鈎死。似鳥投籠災患催。秦兵百萬如猛虎。不放諸侯一箇回。

〔領卒子下〕〔楚平公領卒子上〕〔云〕吾之先祖號祝融。熊渠江漢立其功。江南地廣民豐厚。則

我是楚國平公居漢中。某乃楚平公是也。吾之先祖。出自顓頊。顓頊子高辛。時爲火正有功。號曰

祝融。有弟吳回。亦爲此職。後二世有季連得芈姓。楚其後也。文王之時。季連之苗裔曰鬻熊。事文

王。其子曰熊繹。文王封爲楚國。世居丹陽。後成公卽位。布德施惠。結舊好於諸侯。使人獻天子。天

子賜胙。曰鎮爾南方。夷越之亂。無侵中國。賜地南郡江夏零陵桂陽武陵長沙漢中汝南。於是地

方千里。今日大周景王。差一使命。齎持命令。教天下十八國諸侯。於三月十五日。都赴秦國臨潼

縣鬪寶。某暗思此事。必是穆公設計。有心併吞各國諸侯。每一國要寶物一件。文武二人。如不赴

會者。起大軍征伐。其中必有奸詐。某手下有太傅伍奢。此人足智多謀。喚他來商議。小校與我喚

將太傅伍奢來者。〔卒子云〕理會的。太傅安在。〔正末上〕〔云〕老夫楚國太傅伍奢是也。目今楚

國平公卽位。天下十八國諸侯。各相吞併。內有強秦壯楚。老夫正在私宅。主公呼喚。不知有甚事。

須索走一遭去。〔唱〕

〔仙呂點絳脣〕他本是一統中華。見如今各邦獨霸。興戈甲。利欲紛拏。相吞併。行奸詐。

〔混江龍〕他正是蠻夷華夏。縱橫說客恣喧譁。甚的是遵道德。意誠心正。那箇肯守綱常。治國齊家。並起異端淪道德。不崇禮樂。可都擅征伐。三公卿分割。他這晉山河。五諸侯。僭亂周天下。欲要見兩輪日月。則除去萬里雲霞。〔云〕說話中間。可早來到也。小校報復去。道伍奢來了也。〔卒子云〕理會的。喏。報的大王得知。有伍奢來了也。

〔楚平公云〕着他過來。〔卒子云〕理會的。過去。〔正末做見楚平公拜科。〕〔云〕大王。召臣伍奢。有何國事。〔楚平公云〕太傅。吾今有一大事。喚你來商議。你可也阻當不住也。〔正末唱〕

〔油葫蘆〕我這裡秉笏當胥叩御榻。〔楚平公云〕可怎了也。〔正末唱〕見主公他那裡悶轉加。〔楚平公云〕太傅。你豈知此一件大事。〔正末唱〕有甚麼朝綱機事。我便試猜者。〔楚平公云〕太傅。你若猜着。便是你高強也。〔正末云〕大王。小臣試猜者。〔唱〕莫不是百司官奏對言虛詐。〔楚平公云〕百司奏事。言辯分明。豈敢差錯也。不是。〔正末唱〕莫不是千官禮儀無高下。〔楚平公云〕千官拜表。皆憑贊禮之官。焉敢失其班次。也不是。〔正末唱〕莫不是府

庫空。〔楚平公云〕我國奇珍異寶。盈滿宮庭。你猜的也不是。〔正末唱〕莫不是倉廩乏。〔楚平公云〕倉廩米麥。一年有百倍之贍。幸際豐稔之年。也不是。〔正末唱〕莫不是偏邦鄰國相欺壓。〔楚平公云〕俺楚國兵驍將勇。馬壯人強。隣邦畏懼。並無欺侮。也不是。〔正末唱〕莫不是邊塞上索征伐。〔楚平公云〕目今征煙寧息。兵馬潛消。誰敢加兵於俺。也不是。〔正末云〕都不是。我猜着也。〔唱〕

〔天下樂〕莫不是宰相調和四序差。〔楚平公云〕見如今中原清晏。四序咸亨。士庶安康。風雨調順。豈有差失。太傅猜的都不是。〔正末唱〕除此外無也波他。〔楚平公云〕太傅。今有大周景王。差一使命。着天下十八國諸侯。都赴秦國臨潼鬪寶。每一國要寶物一件。文武二人。如不赴會者。十七國起大兵征伐。某只因此一件事。心上懷悶也。〔正末唱〕周天子降御劄。〔楚平公云〕每一國要寶物一件也。〔正末唱〕十八國赴臨潼。各將寶器擎。〔楚平公云〕太傅。某想來。必是秦穆公設此一宴。會合俺諸侯麼。〔正末云〕大王。秦穆公他那裡是會諸侯。〔楚平公云〕可是爲何。〔正末唱〕他則待尋鬪爭興土馬。多管是秦穆公將盟會霸。〔楚平公云〕太傅。想秦穆公設此一宴。會合天下諸侯。自大周開基以來。分茅列土。此會合之宴。未嘗有也。某不解穆公之意。太傅可以詳察者。〔正末云〕大王。想秦穆公倚他那秦邦八水三川。四關險阻。東有馮翊。南有

廣漠。北有燉煌。西有上郡。兵有百萬。將有千員。論文有百里奚。論武有秦姬輦。見今稱伯。今設關
寶之會。一有傾伏衆國之心。二有吞併之意。十七國諸侯。若到咸陽。暗伏軍將。倘有爭差。十七國
諸侯。不能還國。久困秦邦。盡皆降於穆公也。〔楚平公云〕秦穆公西據咸陽。不知治國如何也。

〔正末唱〕

〔那吒令〕見如今秦穆公要稱孤也。那道寡。〔楚平公云〕他有何驍勇之將也。〔正末唱〕

秦姬輦披袍也。那攬甲。〔楚平公云〕更有何才智之臣也。〔正末唱〕更有那百里奚舞

文弄法。〔楚平公云〕雖有良材。未知謀略如何。〔正末唱〕鋪謀的智量高。決斷的機關大。

〔楚平公云〕未知他那裡有何銀箏象板。急管繁絃。〔正末唱〕休指望玳筵前醉翫嬌娃。

〔鵲踏枝〕他則待要逞驕加。弄奸猾。興心兒剔蝎撩蜂。使不着摘葉拈花。〔楚平

公云〕未知他那筵會上。怎生羅列佳釵。鋪陳美饌也。〔正末唱〕並無那美孜孜歌姬玉翠。

盡都是惡眼。惡眼武士金瓜。〔楚平公云〕太傅。想俺衆諸侯領着周景王命令。教俺赴宴。他怎敢

就筵上興兵。倘若景王見怒。可怎了也。〔正末云〕主公。想穆公非是宴諸侯。正是要興心吞併也。

〔唱〕

〔寄生草〕他未曾道排筵宴。可又早定賞罰。〔楚平公云〕秦穆公倚着他那秦邦盛勢。

將士英雄。虎視諸侯。此一去則怕不可麼。〔正末唱〕倚着他龍蟠虎踞江山霸。人強馬壯諸侯怕。鵬心鴈爪窺天下。〔楚平公云〕若無事還國。量寶物有何當緊。〔正末唱〕但能穀收兵罷戰早還家。問甚麼奇珍異寶連城價。〔楚平公云〕太傅。某今赴會。我國雖有賢臣良將。可着誰人保某赴咸陽去。〔正末云〕大王放心。臣有一男。乃是伍員。此子文武全才。可着此子保大王去。〔楚平公云〕太傅。某想臨潼會上。多有懷才抱德。能文善武之人。兵校威嚴。封疆堅固。山川險阻。將士英雄。則怕伍員敢保不的某麼。〔正末云〕大王。若論伍子胥。端的是心懷妙略。腹隱神機。論文呵。壓盡百里奚。論武呵。勇勝秦姬。能安天下。善定乾坤。若保大王。他敢教大王穩拍拍的無事還國也。〔楚平公云〕太傅。你孩兒伍員英雄。比子產如何。〔正末唱〕

〔六么序〕非微臣自稱許。主公便宜鑑察。〔楚平公云〕太傅。莫不自誇其德也。〔正末唱〕雖然是父不將親子矜誇。〔楚平公云〕不知小將軍幼年。曾習文演武來麼。〔正末唱〕他端的文典通達。武藝熟滑。貌堂堂美玉無瑕。〔楚平公云〕未知那小將軍。怎生排兵布陣。運智鋪謀。有何計策。保某赴會去也。〔正末唱〕排兵布陣皆如法。虛名播海角天涯。願爲保障隨鑾駕。〔楚平公云〕他若保某到咸陽。倘有些好歹。不知有何智量救我也。〔正末唱〕若到那臨潼會上。秦穆公言語爭差。

〔么篇〕他若是怒氣相加。咬碎鑿牙。惱犯着惡叉神煞。沒揣的寶劍離匣。虎步寬踏。猿臂輕拏。血濺紅霞。命掩黃沙。霎時間天摧地塌。敢無人便近的他。恁時節各國交雜。軍士喧譁。〔楚平公云〕他若保某無事還國。我自有加官賜賞。〔正末唱〕但能穀保大王赴國還家。誰承望論功行賞封官大。也不圖富貴榮華。恐威名頓錯。聞華夏。端的便堪爲梁棟。常言道吾豈匏瓜。〔楚平公云〕太傅既有小將軍保某赴會去。便與我宣召伍員。到演武場中整擲軍馬。收拾行裝。便索赴會去也。〔正末云〕大王這命令上說道。三月十五日。各國諸侯。都到潼關相等。到明日整擲軍馬。便索長行也。〔楚平公云〕太傅言者當也。〔正末唱〕

〔尾聲〕疾便離南邦。須索臨西夏。選吉日奇門遁甲。〔楚平公云〕俺楚國寶物定顏珠。收拾的好者。〔正末唱〕定顏珠牢收用意拏。〔楚平公云〕秦邦山川險阻。則怕軍馬難行麼。〔正末唱〕莫辭勞途路兜搭受波查。也則是爲國於家。〔楚平公云〕準備三月十五日。赴臨潼關寶也。〔正末唱〕趁着這麗日春風柳吐芽。〔楚平公云〕太傅準備着鹵簿鑾輿。彩旗儀仗。選萬騎雄兵。埋伏在潼關左右也。〔正末唱〕牽攏着金鞍御馬。擺列着鳳車鸞駕。專等着旌旗招颺日邊霞。〔下〕〔楚平公云〕某則今日收拾寶物定顏珠。全憑着小將軍伍子胥統

領楚國雄兵赴會。走一遭去。莫誇姬輦千般勇。休說秦邦列大軍。俺將軍保的這天下諸侯還故國。那其間方顯英雄楚伍員〔下〕

楔子

〔展雄領小僮僮上〕〔云〕天下英雄爲第一。各邦久久把名馳。則我是自在大王無敵將。姓展名雄。柳盜跖。某大將展雄。柳盜跖是也。祖居齊邦。爲某文通三略。武解六韜。某不得已。落草爲寇。見今十八國。各相吞併。某不立於一國。聚集了一千精兵。橫行十八國。各國諸侯。年年與我供糧送草。但有不順者。某統兵征伐。今有秦國穆公。啓過周景王。會天下十八國諸侯。都要在臨潼縣赴筵。各國要寶物一件。文武二人。名曰鬪寶會。某今聞知。領一千大軍。在於潼關等候。倘若各國諸侯。到於關上。某索要寶物。如不與者。某將十八國諸侯。殺的他身死他鄉。不能回國。是某之願也。某手下有一大將。乃是來皮豹。教他先領兵截路。走一遭去。有何不可。小僮僮與我喚將來皮豹來者。〔僮僮云〕理會的。來皮豹安在。〔淨扮來皮豹上〕〔云〕我是首將來皮豹。善曉六韜。知三略。明火持杖打劫人。隨着展雄做強盜。某乃大將來皮豹是也。佐於展雄手下爲將。論我的武藝。騎不的劣馬。拽不的硬弓。聽的着陣。便害頭疼。兵書不曉。戰策不通。靠我不濟。則虧展雄。正在帳房裏閑坐。元帥呼喚。不知有甚事。須索走一遭去。可早來到也。我自過去。〔做見科〕〔云〕元帥

呼喚老豹。有何將令。〔展雄云〕來皮豹。喚你來不爲別。今有秦穆公。啓過周景王。着天下十八國諸侯。都來臨潼縣赴鬪寶之會。你可領五百人馬。去那深山峪裏巡哨。若有各國諸侯來時。先奪了他的寶物。可來見我。小心在意者。〔來皮豹云〕得令。元帥放心。某領五百人馬。到於前面。若見了各國諸侯。不管他擎着甚麼。搶着就走。大小三軍。聽我潑說。人人披五副鎧甲。箇箇戴七頂頭盔。手裏擎着丈二長槍。一人賞他一頓棒槌。靠我也是沒用。全憑你衆人虎威。若還搶了寶物。一條路直跑到陝西。論我老來名聲不小。展將軍差我奪寶。若還撞見各國諸侯。搶了寶貝往家就跑。〔下〕〔展雄云〕來皮豹去了也。某領大軍。鎮着這潼關。若十八國諸侯來時。某豈肯放他過去。只因這秦穆公心生奸狡。故意起交爭戰討。我這裡領大軍當住潼關。我看衆諸侯怎生臨潼鬪寶。〔同僂僂下〕〔吳公子姬光躍馬兒領卒子上〕〔云〕父祖行仁霸業成。仲雍泰伯乃奔荆。文身斷髮皆逃命。季札知義讓吳封。某乃吳國公子姬光是也。自祖父泰伯至壽夢十九世。祖考有子四人。長曰諸樊。次曰餘祭。餘昧。季札。季札大賢。祖考欲立之。札讓其兄。乃立諸樊。諸樊讓季札。季札棄其室而耕。乃舍之。弟餘昧立。餘昧亡。乃立僚爲吳王。今天下十八國諸侯。有秦穆公奉周景王命令。着天下十八國諸侯。都赴秦國臨潼鬪寶。今奉吳王命。吳國寶物。乃是夜明簾。教某領去咸陽赴會。某今領本部人馬。來到塗山驛前面。鑼鳴鼓響。必有賊寇來也。可如之奈何。〔淨來皮

豹驪竹馬兒領卒子上。〔云〕某乃來皮豹是也。奉俺展將軍將令。着某在此奪取各國諸侯寶物。前面不有一簇人馬。兀那來的老官兒。留下買路錢。放您過去。但說無有二字。你知道我老來的手段麼。〔姬光云〕兀那將軍。某非奉私來。奉周景王命令。召天下十八國諸侯。都赴秦國臨潼關寶。某奉俺吳王之命。我國寶物。乃是夜明簾。俺非是經商。告將軍放俺入關關寶去也。〔淨來皮豹云〕兀那將軍。你聽者。我乃展雄手下大將來皮豹。奉俺將軍將令。着我老來在此。故截您這衆諸侯的寶物。若與我萬事罷論。但道箇不字。我教你目下身死也。〔姬光云〕將軍。此寶我便死也不與你。〔淨來皮豹云〕你真箇不與我。你說你去臨潼關寶。你的寶物在那裡。我則看一看就放你過去。〔姬光云〕將軍。你要看寶物。某非詐言。兀的不是寶物在此。〔淨來皮豹見寶做搶科〕〔云〕和他說甚麼。搶着走走。〔下〕〔姬光云〕嗨。誰想來到這山中。被強人搶了俺寶物去了。我怎敢赴會去。不如在此尋箇自盡。可着誰人救我也。〔正末同楚平公驪馬兒領卒子上〕〔楚平公云〕某乃楚國平公是也。奉周景王命令。赴臨潼關寶去。領着先鋒伍子胥。并大小衆將。來到這深山。不知是那裡地方。〔正末云〕主公。這山是塗山驛也。〔楚平公云〕子胥。前面軍兵鬧炒。不知爲何。〔正末云〕主公。則怕是賊兵攔路。小臣看去。〔正末做見科〕〔云〕您是那裡軍兵。在此炒鬧。〔姬光云〕將軍。某乃吳國公子姬光。奉俺吳王之命。着某領本部人馬。將着寶物夜明簾。前

往臨潼關寶。行至此塗山驛。被賊將來皮豹。將寶物夜明簾奪的去了。因此不敢赴會。不如在此尋箇自盡也。〔正末云〕公子差矣。豈不聞螻蟻尚自貪生。爲人何不惜命。公子請上馬。隨小臣見我主人楚平公去來。〔做見科〕〔楚平公云〕伍員。此是那一路軍馬。〔正末云〕主公。是吳國公子姬光。〔楚平公云〕公子爲何至此。〔姬光云〕大王不知。某奉俺吳王主人之命。着某領百十騎人馬。帶寶物一件。前往臨潼赴會。行至塗山驛。不期被賊將來皮豹。將某寶物奪的去了。因此不敢赴會。不如在此尋箇自盡也。〔正末云〕主公。想這賊將好生無禮。小臣不才。願與公子復奪寶物。來救公子之難。主公意下如何。〔楚平公云〕伍員。你奪夜明簾去。我與公子且回館驛中去來。〔同吳公子下〕〔淨來皮豹躍馬兒領卒子上〕〔云〕恰纔奪了夜明簾。又來此處截寶貝。某大將來皮豹是也。奪了寶物夜明簾。前面又有一簇人馬。敢還是赴會去的。我還演習着那一奪。倒不費氣力。塵土起處。是那裡的人馬。留下買路錢。來者何人。〔正末云〕某乃楚國先鋒伍子胥。你乃何人。〔淨來皮豹云〕某乃塗山太保來皮豹是也。〔正末云〕奪了夜明簾的。敢是你麼。〔淨來皮豹云〕正是我在下。〔正末云〕將夜明簾趁早獻將出來。饒你一命。但道箇不字。我教你目下見血。〔淨來皮豹云〕你要夜明簾。你倒好自在性兒。我見你甚麼武藝來。我和你略闖三合耍子。〔正末云〕這厮說大言。小校操鼓來。〔唱〕

〔賞花時〕我則見霧罩煙籠百尺山。勒馬橫槍兩陣間。將去路緊遮攔。也不用前追也。那後趕。〔正末做挾過來皮豹科〕〔云〕兀那賊將。夜明簾在於何處。〔淨來皮豹云〕老叔饒性命。還你夜明簾罷。放了手。〔正末做收簾科〕〔淨來皮豹云〕留命留命。〔正末云〕我不殺你。饒你一命。〔唱〕我可敢活挾過他這箇寶雕鞍。〔下〕〔淨來皮豹云〕敗軍扶將我起來。我娘也。我曾見將軍英勇。不似這箇將軍利害。交馬處無三合無兩合。則一合將我活挾下馬來。若不是我苦苦的哀告呵。險些兒丟了我老來的性命。我如今燒了山寨。散了賊兵。我也不做賊了。我去羊市角頭學剪荷包去也。今日有些造化低。險不着他挾做泥。燒了山寨去逃命。這一去不偷貓狗。便偷雞。〔下〕

第二折

〔展雄驪馬兒領僂僂上〕〔云〕英雄久鎮西秦地。善使銅刀猛展雄。某乃大將柳盜跖是也。今因秦穆公臨潼縣設一會。名曰鬪寶會。各國要寶物一件。文武二人。某今聞知天下諸侯。盡至潼關。某領手下軍兵。當住關口。強奪天下諸侯寶物。遠遠的塵土起處。敢是天下諸侯來了也。〔十五國公子鄭成公齊釐公宋桓公晉襄公蔡莊公曹簡公陳共公杞武公韓康公魏獻公趙景公魯懿公燕莊公越允公梁孝公驪馬兒上〕〔鄭成公云〕姬姓宗親居鄭邦。地靈人傑最剛強。三皇

地占古字當是爲宣武五帝之中號洛陽某鄭國成公是也。今奉周景王之命。着天下十八國諸侯。

各國要寶物一件。文武二人都赴臨潼關。今日天下諸侯都在關上取齊。則等楚吳二國公子來到關前。有一賊將。乃是柳盜跖。攔路要奪取寶物。不能前進。誰人敢與此人交鋒去。〔宋桓公云〕大王。某手下有一將軍。乃是華茂。此人有萬夫不當之勇。可以教他拒敵展雄去。〔鄭成公云〕大王。可教華茂出馬去。〔宋桓公云〕華茂安在。〔華茂驢馬兒上〕〔云〕某乃華茂是也。大王呼喚。不知有甚事。〔做見科〕〔云〕大王。呼喚華茂有何事。〔宋桓公云〕華茂。喚你來不爲別。今有強寇柳盜跖把關奪寶物。無人敢與他拒敵。你可出馬迎敵他去。〔華茂云〕小臣願往。〔展雄云〕可教名將出馬。〔華茂云〕將軍爲何領兵把住潼關。當住天下諸侯。〔展雄云〕某不當您諸侯。只要關寶之物。便就放您衆諸侯入關。〔華茂云〕這匹夫說大言。少走。喫吾一槍。〔戰科〕〔展雄云〕匹夫少走。喫吾一刀。〔做斬華茂科〕〔華茂下〕〔展雄云〕斬了華茂。天下諸侯誰有好漢出馬。〔陳共公云〕大王。論展雄英雄。不可力關。只可哀求。某手下有一人。乃是上大夫魯秋胡。此人憑舌劍唇槍。可教他說說展雄。放俺入關去也。〔鄭成公云〕可教秋胡出馬。〔陳共公云〕秋胡安在。〔秋胡驢馬兒上〕〔云〕吾乃陳國上大夫魯秋胡是也。主公呼喚。不知有甚事。〔做見科〕〔云〕主公。呼喚小臣有何事。〔陳共公云〕秋胡。今有展雄領大兵把住潼關。索要寶物。無人敢與。

他迎敵。你可說說此人。放天下諸侯入關。也是爾之功也。〔秋胡云〕小臣願往。〔做見展雄施禮科〕〔展雄云〕來者何人。〔秋胡云〕某乃陳國上大夫魯秋胡是也。〔展雄云〕你敢出馬。與吾拒敵麼。〔秋胡云〕小人豈敢拒敵。大王雖爲強寇。不比其餘。今秦邦威勝。召天下諸侯。都赴臨潼關。寶不爭大。王要其寶物。我等入關。無寶相獻。盡皆俱亡於秦國。枉惹天下刀兵。生民塗炭。大王何不明矣。〔展雄云〕兀那秋胡。你聽者。豈不聞仁者不盜。盜者不仁。既天使我爲寇。某面生硃砂。見一日食人心肝一副。肯從於汝。言者不當。爾退。〔秋胡云〕今大王率衆千人。橫行天下。侵暴諸侯。所過之邑。大國守城。小國入堡。萬民苦之。聞知大王。順其心則喜。逆其心則怒。凡天下有三德。生而長大。美好無雙。少長貴賤。衆皆悅之。此上德也。知周天下。能辨諸物。此中德也。勇悍果敢。聚衆率兵。此下德也。凡人有此一德者。足以南面稱孤矣。今大王身長九尺二寸。面目有光。唇如齊巨。齊巨二字疑誤。音似洪鍾。名曰盜跖。竊爲將軍恥不取焉。將軍有意聽臣。臣請南使吳越。北使齊魯。東使宋魏。西使晉楚。與將軍造大城數百里。立數十萬戶之邑。尊將軍爲諸侯。興天下更始。罷兵休卒。而如天下之願也。〔展雄云〕秋胡。你聽者。某今在此爲寇。聚百成衆。橫行於天下。故邀截你十八國諸侯寶物。豈聽汝言。秋胡莫得調喉舌。幾番則把說詞說。饒君縱有談天口。我亦銅刀活剝。做兩三截。某不聽汝。爾退。〔秋胡云〕既然大王不允。小官回避。〔做見鄭成公云〕大王。展雄斷然不

允也〔鄭成公云〕既然不肯。怎生得入潼關。悞了限次也。不免各國將寶物攢在一處。獻與展雄。
〔陳共公云〕遠遠的塵土起處。敢是那國諸侯來也。〔正末同楚平公姬光躍馬兒領卒子上〕
〔楚平公云〕公子。俺離了塗山驛。可早來到潼關也。若不是伍子胥復奪寶物。公子。你可怎生回國也。〔姬光云〕大王。據伍將軍救我之恩。重如山海。異日必當重報。不是伍將軍英雄。姬光死於非命也。〔正末云〕主公。可早來到潼關也。天下諸侯。都在此處會合。前軍行動些。〔唱〕

〔越調鬪鶴鶉〕我則見映日戈矛。恰便似星光燭燦。你看那風颭旗旛。却渾如雲遮霧遠。軍行時摘盡嬌花。馬過處踏翻芳草。靜巉巉山路遠。鬧垓垓人語炒。我則見轟走豺狼。驚飛鴉鵲。〔楚平公云〕公子。你看那槍刀燦爛。劍戟光鮮。旌旗映日。金鼓

振天。是好威風也。〔正末唱〕

〔紫花兒序〕我則見土雨蕩煙籠翠柳。陣雲飄霧鎖蒼松。戰鼓催雷震花梢。轉過這山坡隘角。遠望見旗號槍刀。舉目量度。〔楚平公云〕伍員。你看那關前軍馬。敢是賊兵攔路麼。〔正末唱〕多應是赴會諸侯。恰來到。疾差飛報。〔卒子云〕報的大王得知。有賊寇當住潼關也。〔正末唱〕他將那各國攔截。又是那賊盜相邀。〔楚平公做見衆諸侯科〕〔云〕呀呀呀。衆諸侯都在此。爲何前軍不行。〔鄭成公云〕大王。俺衆諸侯都至潼關。今有一賊寇展

雄柳盜跖。奸生英雄。把住潼關。不放諸侯入關。奪索寶物。因此上不敢入關。〔楚平公云〕可怎生不與他對敵。〔鄭成公云〕大王。日不移影。殺敗各國諸侯數十員大將也。〔正末云〕大王。小臣願與展雄拒敵去也。〔楚平公云〕伍員。此賊寇天下馳名。則怕你敵不的此人麼。〔正末云〕主公不妨事。小臣願往。〔楚平公云〕伍員。則要你小心在意者。〔正末做見科〕〔展雄云〕來者何人。〔正末云〕某乃楚國先鋒伍員是也。〔展雄云〕你敢來與某拒敵麼。〔正末云〕將軍。伍員非敢拒敵。特來哀告將軍也。〔展雄云〕兀那伍員。你有甚麼話說。〔正末云〕大王雖爲強寇。名揚天下。衆諸侯各攢寶物。亦屬大王。權借與諸侯入關。若關寶散回。來時將各國寶物。都歸與大王。小臣不才。望大王思之。〔展雄云〕這伍員說的話。可也有些道理。〔正末云〕大王。你休看十八國諸侯之面。可看小人伍員面皮。放諸侯入關者。〔展雄云〕這匹夫無禮。天下諸侯都不敢言。爾敢僭越。左右操鼓來。〔正末做戰科〕〔唱〕

〔鬼三台〕你不肯存忠孝。則待要行無道。你心中暗約。〔展雄云〕我和你聊關三合。比試高低也。〔正末唱〕你和我武藝辨箇低高。也有一箇品藻。〔展雄云〕某與你交戰。比試箇誰強誰弱也。〔正末唱〕你似那樹頭鴉。怎生敵鳳鳥。我是那天邊鶴。怎生拏燕雀。〔展雄云〕某領軍當住去路。看您諸侯每。怎生得過潼關也。〔正末唱〕你道是當住潼關。悞

了俺臨潼鬪寶。〔正末做敗走科〕〔展雄云〕這厮來時勇猛。去時慌張。原來敗走了也。我欲要趕上。一刀劈於馬下。看他是三代將門之家。吾不追你。我則要諸侯寶物。獻出寶物來者。〔正末云〕這厮不來趕我。我再與他對敵。將軍可放諸侯入關。免生靈塗炭。豈不聞君子不敵人之危也。〔展雄云〕久敗之將。又來交鋒。左右操鼓來。〔正末云〕操鼓來。〔唱〕

〔調笑令〕撲瑟瑟戰鼓敲。骨刺刺繡旗搖。骨刺刺繡旗搖。昏鄧鄧黑霧黃雲籠罩着。骨碌碌放幾箇連珠砲。足律律點鋼槍手內輕標。明晃晃閃過了合扇刀。不刺刺我伴輸戰馬咆哮。〔正末虛下〕〔展雄不趕科〕〔正末上〕〔云〕我如今將展雄迤逗到這深山峪中也未爲晚矣。〔展雄云〕久敗之將。我不趕你。則要您寶物。放你入關。〔正末做見科〕〔云〕將軍統仁義之兵。可將諸侯權放入關。望將軍寬恕。看伍員之面也。〔展雄云〕這厮兩次三回。敗走迤逗。左右操鼓來。〔正末唱〕

〔禿厮兒〕你道我兩三番望風敗逃。更怕我避箭畏刀。你道我棋逢對手難定交。要決勝負顯英豪。不肯耽饒。

〔聖藥王〕逼綽的刀法狂。怎遮槍法高。〔正末做往山裏走科〕〔展雄云〕這厮數番大敗。決無干休。這厮不往本陣裏走。可往山峪裏逃命。我今番務要追殺這厮。〔做趕科〕〔正末云〕這厮果

然追趕。必中吾計。勒馬在此等待。〔展雄云〕久敗之將少走。喫吾一刀。〔正末云〕將軍不放諸侯入關。我將你目下斬首。〔展雄云〕我和你箇久敗之將。決戰九千合。〔二人做戰科〕〔正末唱〕交馬處。摺住錦征袍。他不將暗器防。撲的脊背上着。水磨鞭打斷了甲皮條。着去。恰便似橫躺着箇退鱗蛟。〔正末做打展雄落馬科〕〔展雄云〕將軍。展雄情願受死。〔正末云〕將軍。請起。不殺你。雖爲強寇。古今絕矣。〔展雄云〕將軍。恰纔陣前三敗。却是爲何。〔正末云〕將軍。你名傳周世。聲振諸邦。欲待陣前一槍。刺下馬來。恐污將軍清名。某佯輸詐敗。故賺於此。四顧無人。使鐵鞭墜騎。不墮將軍之志也。〔展雄云〕論將軍英雄。赴赴。狀貌堂堂。仁義全施。乃人上之人。想展雄虛得其名。枉立天下。要我何用。不如自刎而亡。〔正末做下馬奪劍科〕〔云〕住住住。將軍惜命。何故如此。俺兩箇結爲昆仲之禮。你意下如何。〔展雄云〕將軍不棄。願爲兄弟。受展雄八拜者。〔正末云〕將軍何故如此。請起請起。將軍上馬。同到本陣。見俺主公去來。〔展雄云〕某願隨將軍驅使也。〔正末云〕將軍。你可與俺主公參見者。〔展雄拜科〕〔楚平公云〕子胥。此事如何。〔正末云〕主公。小臣與展將軍。拜爲昆仲弟兄也。〔楚平公云〕卿乃世之傑士也。左右安排酒殺。管待展雄也。〔展雄云〕哥哥保主公衆諸侯入關。展雄領手下軍兵。則在潼關外接應。哥哥倘或筵上爭競。惹起刀兵。展雄領兵接應來也。〔楚平公云〕既是這等多謝了將軍。若無事還國。某自有封

官賜賞也。〔正末云〕教天下諸侯入關。兄弟領兵關外接應。真乃勞神也。〔唱〕

〔尾聲〕從今後永遠相結好。我和你扶立家邦到老。〔楚平公云〕那其間着你名標青史。圖像麒麟。〔正末唱〕標名姓史書中。畫形容上麒麟閣。〔同下〕〔展雄云〕哥哥去了也。某暗想伍員。真乃是心懷妙策。腹隱神機。世間少有。天下無雙。統仁義之兵。施謙讓之義。將某迤逗於山前。鞭伏墜馬。不肯在陣前施威。實乃人上之人。天下傑士。某拜爲昆仲之禮。某領手下雄兵。接應哥哥。願爲執鞭隨鐙之士。擎鞭捧帽之人。並無羞恥之心。可是爲何。俺正是壯士結交多有恩。端懷志烈斷紅塵。春秋伍相誰人賽。智勇雙全無比倫。鞭伏深山懷大德。陣前不肯污清名。英雄塲上凌煙閣。天下馳名楚伍員。〔下〕

第三折

〔秦穆公同百里奚秦姬轝領卒子上〕〔秦穆公云〕安排捉將挾人計。準備興邦立國機。武將英雄秦姬轝。文臣鋪謀百里奚。某乃秦穆公是也。今奉周景王之命。聚天下十八國諸侯。都到臨潼縣關寶。每國要寶物一件。帶文武二人。如有不赴會者。起大軍征伐。景王又賜金劍一口。着人懸掛此劍。但有筵間喧譁者。此劍誅之勿論。某聞知今日衆諸侯入關。令人準備下筵宴。百里奚秦姬轝。倘若天下諸侯來時。俺怎生設計擒拏。〔秦姬轝云〕大王。臣有一計。若天下諸侯到於

筵上飲酒。可將景王所賜白金劍。小臣懸掛。以爲盟府。筵前倘有喧譁者。此劍誅之。就於筵上。劍
懾天下諸侯。盡歸於大王麾下。此計如何。〔秦穆公云〕此計大妙。倘若有別國將軍。出來爭掛盟
府劍者。可怎生計較。〔秦姬輦云〕若有爭掛盟府劍者。階下有一銅鼎。約重千斤。某與他戲鼎。若
有能戲鼎者。可爲盟府。論臣力有千斤。戲此鼎如同兒戲。必然某掛盟府劍。威懾天下諸侯。此爲
上計也。〔秦穆公云〕此計大妙。百里奚。你有何計策。〔百里奚云〕大王。臣有一小計。足以與邦
若諸侯至於筵上。臣與他論文。姬輦戲鼎。力伏諸侯。小臣論文。才欺各國。第三計。壁衣後暗藏着
甲士。若有筵間喧譁者。盟府爲首。甲士相攻。就於筵上。擒拏了十七國諸侯。囚於秦邦。不放還國。
天下諸侯。必然歸於大王。此爲上計。望大王思之。〔秦穆公云〕此計大妙。若依此計。必然成功。
令人門首覷者。天下諸侯來時。報復某知道。〔卒子云〕理會的。〔魯懿公鄭成公齊釐公宋桓公
晉襄公蔡莊公曹簡公陳共公杞武公韓康公魏獻公趙景公燕莊公越允公梁孝公吳姬光同
上〕〔魯懿公云〕祖父與周帝業成。白旄黃鉞統雄兵。伐紂之時爲輔弼。至今功業著金縢。某乃
魯懿公是也。祖父周公旦。乃周武王之弟也。有立國之功。封於曲阜。祖父不就。乃封留侯。武王薨。
攝行政事。方今大周天下。分爲一十八國。今有秦國穆公。會合俺天下諸侯。都到臨潼關。每國
要寶物一件。帶文武二人。如有不赴會者。起大軍征伐。天下諸侯。至於潼關。被強寇展雄。將俺天

下諸侯攔住。要奪取寶物。多虧伍子胥救俺。天下諸侯。方得入關闕寶。天下諸侯。可等楚國平公入關。同赴臨潼會去。〔衆應科〕「云」魯公言者當也。〔正末同楚平公上〕「楚平公云」伍員。若不是你力伏了柳盜跖呵。俺天下諸侯。怎得入關也。〔正末云〕主公行動些。天下諸侯已入關。則等大王同赴會去。大小三軍行動些。〔楚平公云〕時遇春天。你看那和風淡蕩。化日舒長。天桃噴火。嫩柳含煙。是好景致也。〔正末云〕是好景致也呵。〔唱〕

「中呂粉蝶兒」正值着麗日春天。映朝霞甲光如練。金鼓振百鳥聲喧。劍迎花。旗穿柳。馬過處將莎茵踏殘。遙望見八水三川。勝金湯建都畿甸。〔楚平公云〕秦

川之地。端的是錦重重萬花綻拆。翠疊疊滿眼青山。是好景致也。〔正末唱〕

「醉春風」你看那綠水浪濤翻。青山雲外捲。自離了楚國。到的秦邦。暢好是遠。遠。周景王脩德存仁。秦穆公倚強凌弱。俺楚公子隨機達變。〔楚平公見衆科〕「云」

呀呀呀。衆諸侯都在此。俺見穆公去來。可早來到也。令人報復去。道某楚平公等天下諸侯來了也。〔卒子云〕理會的。喏。報的大王得知。有楚平公等天下諸侯來了也。〔秦穆公云〕道有請。〔卒子云〕理會的。大王有請。〔楚平公正末同十六國公子見秦穆公科〕「楚平公云」呀呀呀。大王。量某楚平公等天下諸侯。有何德能。敢蒙大王置酒張筵。邀請赴會。何以克當。實乃俺衆諸侯之

萬幸也。〔秦穆公云〕非某秦穆公敢會合您天下諸侯。乃奉周景王的命令。將酒來。某與衆諸侯遞一杯。〔遞酒科〕〔百里奚云〕大王。且休行酒。今有景王賜白金劍一口。如有筵前炒鬧者。斬之勿論。可着一人懸掛此劍。以爲盟府主宴。方可行蓋。〔秦穆公云〕大夫言者當也。衆諸侯近前來。您聽者。今奉周景王的命令。着您天下諸侯。都赴臨潼鬪寶。每國要寶物一件。帶文武二人。如有不赴會者。起大軍征伐。無寶者加其刑戮。景王又賜白金劍一口。着一人懸掛此劍。以爲盟府。如有筵前炒鬧者。斬之勿論。此劍無人可掛。某手下有一大將。乃是秦姬輦。〔秦姬輦云〕有。〔秦穆公云〕你就掛了盟府劍者。〔秦姬輦云〕臣掛盟府劍。衆諸侯敢有筵間炒鬧者。此劍誅之勿論。敢有爭盟府劍者。出來。〔卜莊上〕〔云〕將軍住者。盟府劍你不當掛。我當掛盟府劍。〔秦穆公云〕爾乃那國將帥。〔卜莊云〕某乃鄭國大將卜莊是也。〔秦穆公云〕爾有何能。〔卜莊云〕我曾入山刺其二虎。〔秦穆公云〕卜莊住者。盟府劍你不當掛。我當掛盟府劍。〔秦穆公云〕爾乃那國將帥。〔秦穆公云〕我乃衛國秦穆公云。爾有何能。〔秦穆公云〕我曾入水斬其二蛟。〔卜莊云〕大王。此人有誑言之罪。蛟非人之所傷。〔秦穆公云〕虎非人之所傷。〔秦姬輦云〕住者。刺虎斬蛟。非爲勇也。豈掌盟府之職。又是小國之臣。焉扶大國之君。秦穆公云。卜莊莫說刺虎能。斬蛟刺虎都無用。除是安邦立大功。塔前有一銅鼎。可重千斤。二將可以戲之。能戲鼎者可。

爲盟府。〔卞莊云〕小臣願戲此鼎。〔卞莊做推倒科〕〔云〕推倒。〔做扶不起科〕〔云〕扶不起。〔蒯瞶云〕卞莊不能戲鼎。某戲此鼎。〔做扶起科〕〔云〕扶起。〔做推不倒科〕〔云〕推不倒。〔秦姬輦云〕你兩箇虛名而已。此銅鼎不能戲之。非爲英雄。看某戲鼎。〔做推倒科〕〔云〕推倒。〔做扶起科〕〔云〕扶起。〔做推倒科〕〔云〕扶起。〔做推倒科〕〔云〕推倒。〔做扶起科〕〔云〕扶起。天下諸侯。吾戲此鼎如何。〔衆云〕堪爲盟府。〔秦姬輦云〕天下諸侯。某掛了盟府劍也。敢有戲鼎者。請出來。〔正末云〕將軍住者。盟府劍不當爾掛。〔秦姬輦云〕怎生不當我掛。〔正末云〕休笑蒯瞶。枉滅卞莊。斬蛟刺虎者能也。戲鼎者壯也。留下牌劍。嚙兩箇比試者。〔秦穆公云〕卿乃那國之臣。〔正末云〕大王。臣乃楚國太傅伍奢之子伍員是也。夫虎者。乃獸中之王。有十石之力。百步之威。人見虎骨肉皆酥。卞莊刺其二虎。眞乃壯士也。蒯瞶入水斬蛟。眞乃傑士也。將軍戲鼎。亦無牙爪。是努力壯士。却將斬蛟刺虎者不用。努力壯士爲盟府。況兼兄爲筵主。弟爲盟府。枉惹天下諸侯恥笑。深爲不利也。〔唱〕

〔醉高歌〕這一箇斬蛟的馳騁英賢。這一箇刺虎的休誇大言。你一箇能扶銅鼎自稱羨。我觀你這三箇人渾如芥蘚。〔秦姬輦云〕伍將軍。你敢與某戲鼎麼。〔正末云〕將軍先戲。〔秦姬輦云〕推倒。扶起。推倒。扶起。推倒。扶起。〔三科了〕伍將軍。你戲鼎者。〔正末云〕天

下諸侯。看某戲鼎也。〔唱〕

〔紅綉鞋〕你看我破步撩衣勇健。揎拳捩袖輕便。〔正末做舉鼎科〕〔唱〕我這裡舉千斤鼎向這大筵前。〔秦穆公做驚科〕〔正末唱〕秦穆公心恐懼。〔楚平公笑科〕〔云〕俺楚國不枉了一箇好將軍也。〔正末唱〕楚公子笑欣然。〔衆云〕楚國有這等一箇英雄好漢也。〔正末唱〕說的些箇衆諸侯身倒偃。〔正末做撒在地科〕〔衆云〕伍將軍堪可爲盟府。〔正末做懸牌劍云〕衆大王聽令。聖人云。不在其位。不謀其政。既在其位。必謀其政。既爲盟府。休言喜而贈賞。莫爲怒而加刑。敢有筵前喧譁者。此劍斬之勿論。〔唱〕

〔滿庭芳〕則我這雄威抖展。霎時間牌懸虎符。劍掛龍泉。既爲盟府。將香醪勸。不許駢闐。〔秦穆公云〕則要你號令行於威權。賞罰明其功罪者。〔正末唱〕則我這號令明不貳不遷。賞罰權無黨無偏。犯了令的難分辯。您若是違了我的將權。我着您屍首不完全。〔秦穆公云〕盟府此一會乃是關寶會。可將各國諸侯寶物觀看者。〔正末云〕天下諸侯。可先觀秦邦寶物。〔秦穆公云〕令人取四季溫涼玉盞來者。〔卒子做盤子托盞上科〕〔秦穆公云〕俺秦國寶物。乃是四季溫涼玉盞。隨人所願。要溫者自溫。要涼者自涼。真乃天下之絕寶也。〔正末云〕大王。此盞溫涼隨人之意。未辨真假。每人可飲一杯。驗其虛實也。〔秦穆公云〕

令人斟酒。各國諸侯都飲一杯。以驗虛實。〔做遞酒科〕〔正末唱〕

〔普天樂〕今日箇會諸侯排筵宴。機謀暗昧。奸詐昭然。你既掌着聖主權。將寶物當先獻。〔秦穆公云〕俺秦國寶物。乃是四季溫涼玉盞。要溫者自溫。要涼者自涼也。〔正末唱〕你道是四季溫涼隨人願。〔秦穆公云〕此寶價值十座連城。〔正末唱〕使不着你巧語花言。〔秦穆公云〕此盞天下一絕耳。〔正末唱〕你道是過如羽觴。強如玉斝。勝似金船。

〔秦穆公云〕百里奚行盞。從吳公子姬光前行酒。〔百里奚遞酒科〕〔云〕理會的。〔姬光接酒科〕

〔云〕此溫涼玉盞。真乃世之絕寶也。〔做跌破科〕〔云〕呀呀呀。擊破溫涼玉盞也。〔秦穆公云〕是

那國公子。〔百里奚云〕是吳國公子姬光。〔秦穆公怒科〕〔云〕刀斧手。拏下吳國公子姬光者。

〔衆拏姬光科〕〔正末云〕大王。不可誅公子姬光。枉惹天下刀兵。〔秦穆公云〕怎生不可誅姬光。

〔正末云〕大王。豈不聞昔日秦武公令蔡元澤爲使。進雀於徐神公。沿途走失其雀。進空籠於帝。

神公曰。何進空籠。元澤曰。武公使臣進雀於大王。沿途走失其雀。進空籠於帝。微臣不敢私歸。恐

絕兩國之命。寧辱自身。不絕主公之信也。神公言曰。此言勝如得雀。遂賞進雀之人。却還本國。武

公知之。物輕人意重。千里進鵝毛。姬光之罪。不在元澤之下。大王之能。可在神公之上。大王不可

重物輕人。萬物皆有無常之時。願大王思之。〔秦穆公云〕看卿之面。權且饒免姬光之罪。可還本

位〔正末云〕天下諸侯。各請寶物出獻。〔衆應科〕〔云〕有。〔衆獻寶物於卓子上科〕〔秦穆公云〕天下諸侯寶物都在此。不知齊國何寶。〔正末唱〕

〔上小樓〕這聚寶器珍奇怎言。〔秦穆公云〕燕國何寶。〔正末唱〕飲馬珠光瑩罕見。〔秦穆公云〕宋國趙國韓國何寶。〔正末唱〕更有這美玉無瑕。寶劍雌雄。古鏡軒轅。〔秦穆公云〕吳國魏國何寶。〔正末唱〕看了這夜明簾如意珠端的稀聞罕見。〔秦穆公云〕越國何寶。〔正末唱〕則他這步光劍有如掣電。〔秦穆公云〕曹國何寶。〔正末唱〕

〔么篇〕這溫涼鞭催駿腕。〔秦穆公云〕陳國何寶。〔正末唱〕夜明珠射碧天。〔秦穆公云〕蔡國晉國魯國何寶。〔正末唱〕更有那照星玉斗。摩挲堅石。九曲珠蟻。〔秦穆公云〕俺秦國寶物。乃是四季溫涼玉盞。不知鄭國何寶。〔正末唱〕溫涼盞水晶簾人皆稱羨。〔秦穆公云〕不知您楚國何寶。〔正末唱〕都不如俺定顏珠不衰人面。〔秦穆公云〕住住住。我試點檢這

寶物者。齊國聚寶器。韓國軒轅鏡。燕國飲馬珠。宋國無瑕璧。趙國雌雄劍。魏國如意珠。吳國夜明簾。越國步光劍。陳國夜明珠。魯國九曲珠。蔡國照星玉斗。晉國摩挲堅石。鄭國水晶簾。曹國溫涼鞭。秦國溫涼盞。楚國定顏珠。住住住。天下十八國諸侯。緣何則十六件寶物。那兩國無寶。〔百里奚云〕梁杞二國無寶。〔秦穆公云〕擎下梁杞二國公子者。〔做擎梁杞二國公子跪科〕〔秦

穆公云「你二國因何無寶。」梁孝公云「大王小臣邦微境小土薄民稀。因此上無有寶物。既有命令不敢有違。故此赴會也。」秦穆公云「今奉周景王命令。着您天下諸侯都赴臨潼關寶。每國要寶物一件。帶文武二人。如有不赴會者。起大軍征伐。無寶者加其刑戮。刀斧手。擎下梁杞二公去。斬訖報來。」正末云「大王可免梁杞二公之罪。臣有寶物。借與他二人。」秦穆公云「盟府。你有何寶物。」正末云「大王。臣有擎天柱。約高一丈。借與他二人。以爲寶物。」秦穆公云「此寶安在。」正末云「大王國之大寶者有六。乃文。武。醫。卜。孝子。順孫。此爲大寶。其餘非寶。此六者。乃擎天玉柱也。」秦穆公云「爾有何能。敢說大言。」正末云「大王本國有論文者請出。」百里奚云「兀那伍將軍。爾爲盟府。敢誇大言。小臣不才。願與將軍論文。盟府你聽者。我唇槍誅伍相。舌劍斬諸侯。令人取紙墨筆硯來。」卒子云「理會的。紙墨筆硯在此。」百里奚做寫科。「寫就了也。」做遞與正末科。「云」伍將軍你看。「正末接看科」。「云」東海魚。無頭尾。又無脊骨。是何意。大夫。是日字。「百里奚云」怎見的是箇日字。「正末云」聽我說與你。東海魚。無頭尾。魚字去了頭尾。可不是箇田字。又無脊骨。是何意。田字中間。再去了一豎。可不是箇日字。「百里奚云」是你猜着了也。你可寫一箇我猜。「正末做寫科」。「云」我寫就了也。「做遞與百里奚科」。「云」大夫。你試看者。「百里奚做看科」。「云」出兔口。入鷄腸。畫時圓。寫時方。將軍。我不解其意。「正末云」我道你不識

麼。我說與你。也是箇日字。〔百里奚云〕怎生是箇日字。〔正末云〕出兔口。入雞腸。兔屬卯。卯在東方。日出在卯。雞屬酉。酉在西方。日落於酉。可不是出兔口。入雞腸。畫時可不圓。寫時可不方。〔百里奚云〕世間最大者何也。〔正末云〕最大者莫過於天。〔百里奚云〕天象類於何物。〔正末云〕天象類於人。〔百里奚云〕如何類於人。〔正末云〕天有五星。金木水火土。人有五臟。心肝脾肺腎。天有氣而化行萬物。流則成河。聚則成湖。人有氣而成血。上下轉流。四肢八脈。十二經絡。流則通和。止則成癰。又曰水主西北。水到辰宮。復化爲氣。復朝西北。乃乾天之首也。上下循環。能方能圓。曲直隨形。老子曰。君子如水。壅之則止。失之則流。夏散冬凝。應時而動。不失其時。在天爲雲霧。在地爲煙波。聖人君子之道。在家則孝。在國則忠。居上憂民。爲下敬順。雖柔而不弱。雖剛而不強。故如水也。爾退。敗國之臣。學問淺薄。限日秦邦有失也。〔百里奚退科〕〔正末唱〕

〔十二月〕論文呵。皇墳帝典。論武呵。執銳披堅。論醫呵。聆音察理。論卜呵。緯地經天。吐壯氣。星移斗轉。揮翰墨。筆掃雲煙。〔云〕有論武者請出。〔甘蠅上〕〔云〕伍將軍。噲兩箇聊鬪三合。〔正末云〕莫非神射乎。〔甘蠅云〕然也。〔正末云〕比試何藝。〔甘蠅云〕噲兩箇筵前舞劍。〔做舞劍科〕〔正末唱〕

〔堯民歌〕呀。則你那鋪謀定計枉徒然。我救的這十七國諸侯得安全。您從今

休要弄威權。方知天下不絕賢。〔云〕着去。〔甘蠅做倒科〕〔正末唱〕他低首無言箭將
鴈口穿。恰便似神羊般善。〔秦穆公做怒科〕〔背云〕這匹夫好無禮也。他文過俺百里奚。武勝
俺秦姬釐。又殺敗了俺太尉甘蠅。這厮欺吾太甚。更待干罷。令人着甲士向前。刀劍出鞘。就在筵
前。生擒十七國諸侯。某則推遞酒。您便下手。衆諸侯。某行一盃酒。不得推故。〔秦穆公做與正末
遞酒科〕〔楚平公做目視正末科〕〔秦穆公云〕卿有如此之能。真乃世之傑士也。某親捧其盃。
〔楚平公云〕伍員久勞大王居高就下。〔正末做一手杖劍一手揪住穆公帶科〕〔秦穆公云〕這
厮敢放無徒也。甲士刀劍向前。〔正末云〕大王教甲士退後。但有一箇向前。我教大王目下便死
也。〔秦穆公做怕科〕〔云〕誰和你是兩事家那。〔正末唱〕

〔耍孩兒〕我見他列軍卒排劍戟開弓箭。他可早惡眼睜齊臨向前。不由我怒
衝冠刷的掣龍泉。我將這藍田帶揪扯的斜偏。則這劍揮人腦霞光赤。可又早
血染征袍絳色鮮。〔秦穆公云〕將軍息怒。有的事慢慢的商量。〔正末云〕大王。〔唱〕我可也
別無願。將無祥共聿建。成合了兩國姻緣。〔秦穆公云〕願結兩國之婚。〔正末云〕既然
大王許了婚姻。則今日截襟換帶。立天下諸侯爲媒證。若有退親者。各國助兵三萬。伐悔親之人。
〔秦穆公云〕情願成婚。盟府你放了我者。〔正末云〕大王休得驚怕。送俺天下諸侯出關。便放你。

倘有追兵襲俺天下諸侯。某先殺大王。後誅軍將。〔秦穆公云〕某願送天下諸侯出關。刀斧手。離的遠者。不爭您向前。殺了您不當緊。連我的性命也不保也。〔衆諸侯圍穆公在中心。做送出關科〕〔正末云〕着十七國公子上馬。各國軍兵保者。〔展雄領卒子驢馬兒上〕〔云〕哥哥。您兄弟領兵。在此潼關外等候哥哥多時也。〔正末云〕既然兄弟來了。衆諸侯無事回國也。〔唱〕

〔尾聲〕衆諸侯莫見責。秦穆公休記冤。送的俺出潼關。折柳將程途踐。〔做放手科〕〔云〕大王勿罪也。〔秦穆公云〕你去了。也是一場伶俐。〔正末唱〕遙望見楚國雲山路兒遠。〔下〕〔魯懿公云〕這一場赴會。若不是伍子胥呵。俺天下十七國諸侯。怎能殼還國。天下諸侯。不

要回國。俺都同到楚國。與盟府掛了十七國元戎印。封官已畢。各還本國去。也未是遲哩。見如今諸國相吞顯棟梁。誰知伍相最高強。不將穆公衣袍扯。豈得無祥嫁楚王。〔同下〕〔秦穆公云〕百里奚。秦姬輦。甘蠅。三條好妙計也。一條計也不曾得中。枉惹天下諸侯恥笑。又賠了軍馬糧草酒食茶飯。又將親女無祥。許與楚國公子聿建。看了那伍子胥。真箇是論文欺天下羣儒。論武有萬夫之勇。論英雄名鎮諸邦。賭神射寰中第一。我正是使碎自己心。笑破他人口。我當日命衆歸秦。會有因。欲令拱手作秦臣。本將藩鎮諸侯鎖。反受生擒倒出秦。論文難倒俺秦邦相。論武甘蠅不比論。秦邦空有千員將。怎出英雄楚伍員。〔同下〕

第四折

〔十七國公子領卒子上〕〔楚平公云〕歡來不似今朝。喜來那逢今日。某乃楚平公是也。前者臨潼會上。多虧伍子胥。文過百里奚。武勝秦姬鰲。拳打荆賁。脚踢卞莊。劍嚇無祥。保天下十七國諸侯。無事還國。今日十七國諸侯。都到俺楚國。與伍子胥加官賜賞。衆諸侯想臨潼會上。若不是子胥威勇呵。咱都不得還國也。〔魯懿公云〕公子想這一場臨潼會上。若不是盟府呵。俺怎能穀出得潼關。今日十七國公子。都來楚國。與盟府慶功。封官以畢。然後各還本國去也。〔楚平公云〕既是這等。左右那裡。與我請將伍子胥來者。〔卒子云〕理會的。子胥將軍安在。〔正末上〕〔云〕某乃伍員是也。爲某臨潼會上。保的十七國諸侯無事回國。今日十六國諸侯。都來楚國慶賀。今有主公呼喚。須索見衆公子走一遭去。是好威儀也呵。〔唱〕

〔雙調新水令〕遙望見兩班文武肅朝儀。鞠躬躬步金階玉砌。瑞雲籠殿闕。曉日映旌旗。鍾鼓聲齊。簾捲篆煙細。〔云〕不索報復。我自過去。〔見科〕〔云〕主公召臣有何事。〔楚平公云〕伍員。爲你在臨潼會上。文武兼濟。智勇雙全。保十七國諸侯無事還國。今日天下諸侯。都到俺楚國。安排筵宴。與你慶功犒勞。加官賜賞。令人擡上果卓來者。〔卒子云〕理會的。〔擡果卓上〕〔云〕果卓在此。〔楚平公云〕將酒來。〔楚平公做把盞科〕〔云〕某先與伍員遞一盃。

〔正末云〕非伍員之能。皆托主公洪福。衆公子虎威也。〔魯懿公云〕若不是盟府。俺天下諸侯。皆被秦邦併吞一統。拱手伏降。俺怎能殺還國也。〔正末云〕我想穆公。這一場鋪謀定計。興心不善也。〔唱〕

〔鴈兒落〕赴臨潼將各國欺。鬪寶器將諸侯會。削羣臣除輔弼。排筵宴強威勢。

〔楚平公云〕秦穆公真箇是空懷奸詐。枉用心機。事又不成。枉惹天下英雄恥笑也。〔正末唱〕

〔得勝令〕今日箇得便宜翻做落便宜。再不敢逞雄威。〔楚平公云〕若不是你文過

百里奚。武勝秦姬輦。拳打荆曠。脚踢卞莊。劍嚇無祥。俺衆諸侯怎能殺回國也。〔正末唱〕武併了秦

姬輦。文論翻百里奚。劍割了襟衣。嚇的那兩國成婚配。滿口兒依。隨着您這衆

諸侯作證媒。〔魯懿公云〕平公據盟府之功。當以掛十七國元戎印。敢有一國不順者。俺十六國

統大軍征伐也。〔楚平公云〕伍員爲你在臨潼會上。建立大功。衆諸侯加你爲天下十七國元戎

之職。某楚國封你父伍奢食邑五千戶。官封定楚君。封你母護國太夫人。封你兄伍尚爲定國大

將軍。封你爲立楚大將軍。安國君樊城太守。食邑三千戶。賜金千兩。楚國兵馬大元帥。十七國元

戎都統軍。你意下如何。〔正末云〕大王量伍員有何德能。敢受如此重恩也。〔衆云〕論將軍之功。

堪封爲一國諸侯也。〔正末唱〕

〔折桂令〕今日箇懾伏的四海無敵。〔楚平公云〕這一場多虧了你。保俺天下諸侯無事還國也。〔正末云〕非某之能。〔唱〕托賴着國祚綿綿。聖德巍巍。〔楚平公云〕今日箇着你官封三代。祿享千鍾也。〔正末唱〕臣今日賜賞加官。封妻廕子。顯耀光輝。〔楚平公云〕則爲你建立功勳。十七國諸侯都來與你封官賜賞也。〔正末唱〕行慶賀千邦盡禮。播歡聲萬國來儀。〔衆云〕盟府之恩。異日必當重報也。〔正末唱〕聖主軒義。臣宰阜夔。一統乾坤。洪福天齊。〔楚平公云〕伍員望闕跪者。聽某加官賜賞。則爲這秦穆公心生奸計。要獨霸秦川之地。倚咸陽八水三川。仗潼關四邊雄勢。會合俺天下諸侯。赴筵宴。鬪誇寶器。秦姬輦倚力欺人。百里奚白誇學識。待要俺衆諸侯竭力歸降。待要俺曲躬躬臨朝侍立。多虧俺伍子胥足智多謀。就筵前施逞武藝。論英雄舉鼎千斤。難文學天下無對。劍嚇了公主無祥。與俺楚公子成其婚配。保的俺衆諸侯無事還朝。皆倚仗伍員之力。官封爲安國之君。三千戶爲其食邑。又賜與千兩黃金。作元戎各邦帥位。衆諸侯喜孜孜無事回朝。你也索笑吟吟封官賜職。托賴着眞天子百福成臻。齊祝讚萬萬歲聖明皇帝。

題目

伍子胥鞭伏盜跖

正名

十八國臨潼鬪寶

臨潼鬪寶穿關

頭折

秦穆公

簪纓公子冠

上衫袍

方心曲領

火裙

錦

卒子

紅碗子盔

青布釘

百里

奚

展角幘頭紅欄

楚平公

同前秦

卒子

同前

正末伍奢

同前百

楔子

展雄

四繞笠子盔

蟒衣曳撒

袍

項帕

僕儼

萬字巾

錦襖

項帕

法

來皮豹

皮盔

帕

直纏

項

吳公子姬光

同前楚

卒子來皮豹

卒子又上

同前正末伍子

胥

三山帽

玉色蟒衣曳撒

玉色袍

項

楚平公卒子來皮豹

卒子又上

同前

第二折

展雄僕儼

同前

鄭成公

齊釐公

宋桓公

晉襄公

蔡莊公

曹簡公

陳共公

杞

武公韓康公魏獻公趙景公魯懿公燕莊公越允公梁孝公

簪纓公子冠上衫袍方心曲領

火裙錦綬牌子 帶三髭髯 執圭 華茂同前來 秋胡同前百 正末伍子胥 楚平公 姬光 卒
玳瑁帶 子正末伍子胥又上同前

第三折

秦穆公 百里奚 卒子同前 秦姬輦鳳翅盔 蟒衣曳撒 袍 項帕 直 魯懿公 鄭成公

齊釐公 宋桓公 晉襄公 蔡莊公 曹簡公 陳共公 杞武公 韓康公 魏獻公 趙景

公 燕莊公 越允公 梁孝公 吳姬光 正末伍子胥 楚平公同前 卞莊 蒯瞶 甘蠅同前

來皮 展雄 卒子同前 驪馬兒

第四折

十七國公子 卒子 正末伍子胥同前

萬曆四十三年五月初八日校抄內本清常道人

田穰苴伐晉興齊

闕名

頭折

〔外扮晉平公引卒子上〕〔云〕先祖與周立紀綱。弔民伐罪定殷商。成王削葉爲圭後。從此叔虞始號唐。某乃晉國平公是也。先祖叔虞姬姓。乃周武王子成王弟是也。因成王立位。與其弟叔虞削桐葉爲圭。戲曰。吾以此封汝。史佚請擇日立叔虞。王曰。吾與之戲爾。史佚曰。天子無戲言。言則史書之。禮成之。樂歌之。於是遂封叔虞於堯之故墟。號曰唐侯。自周平王以後。爲春秋之世。分其列國。與周同姓者。乃魯衛鄭曹蔡燕吳俺晉國是也。其與周異姓者。乃齊宋陳楚秦國是也。俺國本號唐。後至子燮。乃更號曰晉侯。自文公霸諸侯之後。襄公靈公成公景公厲公。至悼公霸業強盛。某乃平公是也。見今春秋之世。有齊楚秦晉。此四國每相征伐。以致周朝天子不能制之。可是爲何。憑某手下將帥英傑。兵甲衆大。威鎮各國。數敗齊邦。不能拒敵。某特請燕國公子會於夷儀。意欲伐齊。某晉國侵於阿甄之地。令燕侵於河上。某料齊邦無人可敵。指日而破。有何難哉。晉國英雄膽氣剛。威伏四海定家邦。出師選將能攻戰。殺敗齊兵拱手降。〔下〕〔外扮晏嬰引卒子上〕〔云〕強霸春秋起戰爭。英雄各據顯威能。紛紛四海分疆土。戰國多聞說晏嬰。小官姓晏名

嬰字平仲。祖乃齊之公族晏弱。桓子之後。小官輔佐齊國。景公以爲丞相之職。小官平生節儉。力行好事。食不用肉。裳不衣帛。一狐裘三十餘年。是以齊人頗稱之賢相。今以春秋戰國人物豪傑。倚強凌弱。霸業爭雄。各相吞併。止有齊楚秦晉四國。每相征伐。今有晉國。倚仗兵甲衆大。將帥雄威。嘗加兵於我國。況齊之微弱。不能拒敵。聽知晉國平公。會合燕國之兵。與俺爭戰。晉兵侵於阿甄之地。燕兵侵於河上。主公甚是懷悶。便好道主憂臣辱。教某展轉疑慮。無計可施。聽知的俺齊國有一人。乃是田穰苴。此人文能伏衆。武能威敵。多懷妙策。廣覽兵書。令之以文。齊之以武。多有膽略。爭奈未遇。仍在布衣。某今朝見景公以回。在於私宅。某令人尋訪穰苴去了。不見回還。某且回後堂中去。若田穰苴來時。小官自有箇主意。薦賢舉善是吾心。安邦治國訪知音。全行仁義施忠正。留得清名冠古今。〔下〕〔正末扮田穰苴上〕〔云〕小生姓田名穰苴。齊國人也。乃田完之苗裔。幼習兵法。長而頗知韜略。奈時運不遂。未曾進取功名。猶在布衣之中。嘆小生空學的滿腹兵書。何日得逢風雷也呵。〔唱〕

〔仙呂點絳脣〕諳曉兵書。練習軍旅。成人物。猶困窮途。何日上青霄路。

〔混江龍〕見如今豪傑各據。紛紛強霸競爭圖。劃的我不着不落。無處安居。想着那渭水磻溪垂釣叟。也曾受一封天子召賢書。輪到我半世也埋名目。我便

似淤泥中騏驎。爭如似滄海內鯨魚。〔云〕想小生空學的雄才大略。將帥之資。豈知今日不遂也呵。〔唱〕

〔油葫蘆〕兀的不埋沒殺英才田穰苴。直恁般無分福。空學的奇謀韜略待何如。似這般春秋戰國相敵拒。圖王霸業爭疆土。人都道好立身。怎生來無薦舉。直恁般志難酬。命運拙。凶星聚。幾時得催官曜吉星扶。

〔天下樂〕兀的不久困殺男兒大丈夫。想着我當初學論武。指望待退羣雄四海扶聖主。生疎了掌上機。耽閣了腹內謀。怎知道學將來無用處。〔云〕小生今日

無甚事。在此市廛中閑行。看有甚麼人來。〔外扮御者上〕〔云〕氣勢洋洋力有餘。擎鞭狀貌敢聲呼。銀盆水罐排衛仗。守定金花皂蓋車。自家御者是也。今奉丞相晏公之命。叫我尋問田穰苴。不知在於何處。來到這市廛中。兀的不是田穰苴先生。小人奉丞相之命。特請賢士。〔正末云〕小生平昔未曾與丞相晏嬰相會。莫非御者錯認了小生麼。〔御者云〕賢士乃是田穰苴。〔正末云〕則小生便是。〔御者云〕小人奉晏相之命。特請賢士。有話商議。〔正末云〕此一喚小生爲何也。〔唱〕
〔醉扶歸〕今日箇約請因何故。舉意不爲虛。久聞這齊相英賢德不疎。端的是寰海馳名譽。〔御者云〕賢士不必久停。便索見齊相去。〔正末唱〕量着這窮身貧寒白屋。

怎消的晏子相垂顧。〔御者云〕賢士。嚙同見丞相去。〔正末云〕小生不敢久停。便索見齊相去。

〔同下〕〔晏嬰同卒子上〕〔云〕小生晏嬰是也。今早間使御者尋問田穰苴去了。不見回報。令人看着。若來時。報復小官知道。〔卒子云〕理會的。〔正末同御者上〕〔御者云〕賢士。可早來到也。且在於門首。小人使人通報一聲。〔正末云〕小生理會的。〔御者云〕門使報復一聲。道有御者來了也。〔卒子云〕且在門首。〔見晏嬰科〕〔云〕報的丞相得知。有御者來了也。〔晏嬰云〕着他過來。〔卒子云〕理會的。着你過去。〔御者見晏嬰科〕〔云〕報的丞相知道。有田穰苴在於門首。〔晏嬰云〕來了也。你不早說。道有請。〔御者云〕理會的。〔見正末科〕〔云〕賢士。丞相有請。〔正末云〕理會的。〔見晏嬰拜科〕〔云〕丞相。量小生白衣庶人。感蒙丞相下顧。以致小生穰苴。增長光輝也。〔晏嬰云〕免禮免禮。久聞賢士才超四海。名重當時。某因公事煩冗。猶恨與賢士相會談論遲矣。請坐。〔正末云〕小生不敢。〔晏嬰云〕可是爲何。〔正末云〕小生白屋寒儒。布衣草芥。雖齊相見愛。賜坐。小生焉敢受之。〔晏嬰云〕賢士有文武英才。某豈敢輕慢。不必過謙。請坐。〔正末云〕既丞相堅意賜坐。小生不敢有違丞相之命也。〔坐科〕〔晏嬰云〕御者。一壁廂看酒果來。〔御者云〕理會的。〔晏嬰云〕聞知賢士有文武英才。安邦之策。見今春秋各相吞併。爲何不展經濟求進用。猶在布衣。可是爲何。〔正末云〕小生怕不要求進用。赤緊的仕路非錢不起。因此懶惰功名也。

〔唱〕

〔金盞兒〕我怕不待望遷除。步雲衢。赤緊的六梢遲。飛不上青雲去。我待要求人引進爭奈缺青蚨。因此上功名心懶惰。活計盡消疎。誰人似舉薦的鮑叔牙。匡國政的管夷吾。〔晏嬰云〕賢士休如此般說。知賢士胸懷妙策。腹隱經綸。善曉兵甲之書。山澤水陸之軍。戰守攻圍之法。無不盡知。賢士說一遍者。〔正末云〕丞相。非穰苴說大言。〔唱〕

〔醉中天〕若論着兵法多曾遇。韜略每頻讀。制勝攻圍敢戰取。辨氣色識雲霧。決勝負。雲龍風虎。真乃是智通萬物。我端的有發縱指示權謀。〔晏嬰云〕論賢士文能伏衆。武能威敵。深得戰守之策。御者將酒果來。〔御者云〕理會的。〔擡酒果上〕〔住〕〔晏嬰云〕將酒來。賢士滿飲此杯。〔正末云〕丞相先飲。〔晏嬰云〕賢士先飲。〔正末云〕小生理會的。〔飲科〕〔云〕再將酒來。丞相飲一盃。〔晏嬰云〕小官也飲一盃。〔飲科〕〔云〕再將酒來。賢士再飲一盃。〔正末飲科〕〔晏嬰云〕賢士不知。今因燕晉二國。發兵侵伐我國。齊師累戰不捷。景公患之。固知賢士善曉兵法戰守之策。小官欲啓之景公。退燕晉之大將者。委命於汝。賢士意下如何。〔正末云〕量小生有何德能也。〔唱〕

〔金盞兒〕小生便守田廬。一村夫。怎消的大賢臣厚德相推舉。〔晏嬰云〕因賢士文

武兼濟。善習軍旅之事。有大帥之才。堪可爲將也。〔正末唱〕你道我深謀遠略統軍卒。〔晏嬰云〕賢士果有大才。可以安定邊境也。〔正末唱〕怎做的安邊敵國將。則是箇陋巷小人儒。〔云〕我若爲將呵。〔唱〕我直着三軍提膽怕。將士戰心伏。〔晏嬰云〕論賢士威武才能。小官若見了景公。邊境之患。必託於賢士也。〔正末云〕感蒙丞相之恩。小生告回也。〔晏嬰云〕賢士且回去。小官到來日。見了景公。必然重用賢士也。〔正末云〕謝了丞相也。〔晏嬰云〕賢士不知。小官非求利祿。則是保全家國也。〔正末唱〕

〔尾聲〕丞相這志節定江山。德政興邦土。端的是名貫滿春秋四字。交會忠良德不孤。敬賢心如掌上明珠。志清虛不染塵俗。愁甚麼百二山河壯帝居。〔晏嬰云〕賢士。量小官有何才德。論賢士文能伏衆。武能威敵。世上鮮有也。〔正末唱〕設若是才高智足。赤緊的時乖不遇。我則怕等閑間屈負了五車書。〔下〕〔晏嬰云〕田穰苴去了也。聽了此人語言談論。果有文武全才。小官豈肯辜負了賢良。必索重薦於景公。爲何如此。看了此人文武兼濟。單注我國必有興復。小官到來日。親見景公。走一遭去。若論田穰苴兵法才能呵。文能欺管仲。武略勝姜公。休說燕晉勇。一戰定成功。〔同御者下〕

第二折

〔外扮齊景公引卒子上〕〔云〕祖事周朝大有功。文王卜得應非熊。自逢渭水磻溪上。扶立江山一統中。某乃齊國景公是也。某先祖太公望呂尚。東海人也。乃炎帝之苗裔。本姓姜氏。從其封姓。故曰呂尚。窮困年老。在於磻溪釣魚。至周西伯將獵。卜之曰。以應非熊之兆。所獲霸王之輔。果遇先祖呂尚於渭水之陽。共語大悅。尊爲太公。載輿俱歸。立爲師。謂之師尚父。西伯卒。子發立。是爲武王。克商之後。封先祖尚父。在於營丘。是爲齊國太公。傳至十二世。至於春秋。自齊桓公立。鮑叔牙薦管仲爲政。管仲輔相桓公。九合諸侯。一匡天下。成其霸業。皆是管仲之功。桓公信任管仲。稱爲仲父。教國人煮海水爲鹽。齊國大富。又至八世。是某景公是也。某用晏子爲相。此人身相齊國。名顯諸侯。國人所稱。前有管仲。後有晏子。號稱管晏是也。今因燕晉二國。侵伐俺齊邦。俺累戰未克。某深以爲患。某今日必索呼喚晏嬰商議。有何不可。左右人與某喚將晏嬰來者。〔卒子云〕理會的。丞相。主公有請。〔晏嬰上〕〔云〕胸懷立國安邦志。腹隱育民養士心。小官晏嬰是也。自昨朝請田穰苴一會。酒中談論。果有大才。似此賢良。某必當重薦於景公。可任將帥。今日欲見景公。不想令人來喚。須索走一遭去。可早來到也。左右人報復去。道有晏嬰在於門首。〔卒子云〕理會的。報的主公得知。有晏嬰丞相在於門首。〔景公云〕道有請。〔卒子云〕理會的。有請。〔晏嬰見景公科〕〔景公云〕丞相來了也。〔晏嬰云〕小官晏嬰來了也。今日主公呼喚晏嬰。有何事也。〔景公

云〕丞相。喚你來不爲別。今因燕晉之兵。侵伐阿甄河上二處。我兵數次爭戰不克。某甚是爲憂。喚你來商議。便好道家貧無過於孝子。國難全賴於忠臣。丞相主意如何。〔晏嬰云〕主公。晏嬰爲此。晝夜無寐。常思報國。無計可施。晏嬰有一語。啓知主公。未知主公尊意若何。〔景公云〕丞相有何事商議。〔晏嬰云〕晏嬰曾聞俺齊國有一人。乃是田穰苴。田完之苗裔。此人雖田氏庶孽。然其人文能伏衆。武能威敵。晏嬰昨朝請會於私宅。酒中談論兵法。無不通曉。晏嬰因薦於主公。願主公試之。〔景公云〕自古用賢。不擇於白屋貧賤之門。丞相所薦之人。必是出類拔萃。超卓於人。田穰苴在於何處。〔晏嬰云〕田穰苴見在府第。主公少坐。令人喚將田穰苴來者。〔卒子云〕理會的。田穰苴先生。丞相有請。〔正末上〕云〕小生田穰苴是也。感蒙齊丞相晏嬰垂顧。小生欲薦於朝。不想今日見了景公。果中其言。令人呼喚。須索走一遭去。〔唱〕

〔正宮端正好〕我如今有意立家邦。得志興王道。憑忠義才智英豪。感謝這晏公厚德相看好。我便似美玉逢雕琢。

〔滾繡毬〕想着我兵書苦志學。才術經練高。今日我到頭來運逢吉曜。不承望末尾三梢。者莫是居位小。列品爵。但得半星兒雨露恩暫時。間灑到。你看我破題兒建立功勞。我直着八方英俊朝齊國。四海諸侯拱聖朝。民樂歌謠。〔云〕可早

來到也。令人報復去。道有田穰苴。在於門首。〔卒子云〕喏。報的主公得知。有田穰苴來了也。〔景公云〕田穰苴來了也。〔晏嬰云〕主公。小官晏嬰看去。〔見正末科〕〔云〕賢士來了也。〔正末云〕小生來了也。〔晏嬰云〕小官啓過主公。必然重用。賢士見主公去。〔正末云〕多謝了丞相。小生須索見主公去。〔晏嬰云〕主公。田穰苴來了也。〔正末做拜見科〕〔云〕主公。小生田穰苴來了也。〔景公云〕免禮免禮。賢士。今日有晏嬰丞相所言。賢士善曉兵甲之事。文武兼濟。攻圍戰守之法。見今春秋倚強凌弱。遞相征伐。爲何不求進身。仍在布衣。可是爲何。〔正末云〕主公。量田穰苴寒儒草芥。何足道哉也。〔唱〕

〔倘秀才〕小生我居下類。守清貧。一生澹泊。怕不待望上達得崢嶸。十分溫飽。我正是貧不憂愁。富不驕。〔景公云〕賢士學成韜略。爲何隱居下類也。〔正末唱〕小生也能甘分不虛囂。因此上把功名悞却。〔景公云〕知賢士善曉風雲。文武韜略。排兵布陣。賢士說一遍者。〔正末云〕小生幼習詩書。頗習兵法。主公不問小生。焉敢獨顯威能也。〔景公云〕賢士說一遍者。論行兵呵。可是如何。〔正末唱〕

〔滾繡毬〕論行兵呵。有馳騁顯威能。敢戰討。〔景公云〕論成敗呵。怎生。〔正末唱〕論成敗呵。識氣色。辨風雲。善謀略。〔景公云〕論下寨呵。如何。〔正末唱〕論下寨呵。取旺氣。看

生門密藏深奧。〔景公云〕論爲將呵。怎生。〔正末唱〕論爲將呵。惜軍卒問甘苦憂恤勤勞。〔景公云〕論權謀指示。若何。〔正末唱〕論權謀呵。有經綸濟世功。〔景公云〕論強弱呵。如何。〔正末唱〕論強弱呵。看虛實兩陣交。〔景公云〕論戰守呵。怎生。〔正末唱〕論戰守呵。有千變萬化奇妙。〔景公云〕論攻圍呵。怎生用度。〔正末唱〕論攻圍呵。有克敵制勝堅牢。〔景公云〕論智量呵。如何。〔正末唱〕論智量呵。統三軍料敵霸國興王業。〔景公云〕論安邊呵。有何奇策。〔正末唱〕論安邊呵。靖四海遠定遐荒賊寇消。這的是兵法根苗。〔景公云〕論賢士用兵之法。治兵方略。無不盡也。今因燕晉侵伐我國。晉伐阿甄。燕侵河上。某遣將出師。累戰不克。某甚爲患。今因晏嬰丞相舉薦賢士有文武全才。某坐間與共論談兵事。果然奇妙。則今日加爾爲將。統兵征伐二國。若退的二國之兵。再有封賞。賢士意下如何。〔正末云〕量田穰苴有何德能也。〔唱〕

〔呆骨朵〕小生我貧居白屋。學淺才疎。艱辛陋巷。未遇皇宣。又不曾於民潤國。施功効。善機謀。虎略龍韜。又不曾道筆掃狼煙。又不曾威伏戰討。又不曾隱居空桑內。又不曾版築巖牆道。待教我坐帷幄決戰策。掌兵權能智巧。〔晏嬰云〕主公既然加封賢士爲將。必索選日興師。以徇國家之急。有何不可。〔景公云〕將軍。某今欲選兵出

師合用多少軍馬。〔正末云〕主公穰苴既受君命。必以奮身不顧以報國家。軍士但得五千。足可也。〔景公云〕將軍擇幾日興師。〔正末云〕主公臣素微賤。主公不棄。擢之閭伍之中。加之大夫之上。惟恐士卒未附。百姓不信。人微權輕。願得主君之寵臣。國之所尊者。以爲監軍。方可。〔景公云〕將軍所言甚當。某有一人。乃是莊賈。此人可以爲監軍。左右人與某喚將莊賈來者。〔卒子云〕理會的。莊賈主公呼喚。〔淨扮莊賈上〕〔云〕我做將軍好武藝。臨軍上陣全不濟。泥頭好酒大碗墩。醉了則在帳房睡。自家不是別人。乃齊國莊賈是也。官拜右丞相之職。我平生好頑狡猾。諂媚於齊公。所以位居人上。官員士庶。誰敢不敬。我今日正在家中與伴當下盤碁。賭東道喫酒耍子。齊公一片聲來喚。不知有甚麼勾當。來到也。左右人報復去。道有莊賈來了也。〔卒子報云〕喏。有莊賈來了也。〔景公云〕叫他過來。〔卒子云〕叫你過去哩。〔莊賈見科〕〔云〕主公今日呼喚莊賈。有甚麼事。〔景公云〕莊賈喚你來不爲別。今因燕晉二國侵伐俺齊邦。某今遣將興師。少一監軍。你可同田穰苴統兵征討。走一遭去。〔莊賈云〕我倒笑了。我則道有甚麼要緊的事。主公不妨事。則有我着。主公此是何人。〔景公云〕此人乃田穰苴。文武兼備。某今拜他爲將也。〔莊賈云〕主公行軍處要那醬做甚麼。則帶些鹽兒儘穀了也。〔晏嬰云〕丞相。今日主公遣將興師。欲退二國之師。小官今舉田穰苴爲將。此人文武全備。善曉軍旅之事。擇日興兵。田穰苴所言。請國之所尊者爲

監軍穰苴惟恐士卒未附。因此用你。主公令你。去。你小心在意者。〔莊賈云〕丞相。他可知用我去。這齊國誰不知我名兒。得之本有。失之本無。田穰苴乃白屋庶民。乍做箇人。誰箇怕他。〔景公云〕將軍。整搦軍士。擇日便可出師。〔正末云〕穰苴既受命。拜辭主公。便可興師。監軍某先離城五里。整搦軍士。旦日日中會於軍門。勿得怠慢。〔莊賈云〕我知道。我好歹比你曉的。我喫鹽多似你喫米。你先去。〔正末唱〕

〔伴讀書〕則要啗除危亂。安宗廟。興戈甲。排軍校。見如今齊國紛紛民無靠。你須索坐籌帷幄。將三軍調。使不着輕敵驕傲無忠孝。慢軍情恣意貪饕。〔莊賈云〕田穰苴。你說的差了。我雖無用。想我老子在齊國。多曾効力。他曾在大通橋拏了五箇螃蟹。張家灣捉住八箇田鷄。爲甚麼我家功勞較大。因此上子孫承襲。我也曾開疆展土。我也曾搥鼓奪旗。輪到我官職不小。人口順。則叫我做賴皮。這行兵事我還比你曉的。〔景公云〕莊賈靠後。將軍。我國騷動。賴將軍雄才大略。克伏偏邦。委命於汝也。〔正末云〕主公放心也。〔唱〕

〔笑歌賞〕我我我。觀敵邦如芥草。是是是。觀自己如山嶽。俺俺俺。定邊境皆談笑。氣昂昂兩陣交。惡狠狠怎耽饒。來來來。保齊國憑忠勇擒賊盜。〔莊賈云〕田穰苴。不是騙我老子驢嘴。想齊家治國之禮。未有不學而能者。我不知。是我不曾學也。你則道我真。

箇不曉的將有六德。你豈知也。〔晏嬰云〕莊賈將者惟其五德。乃智信仁勇嚴。何爲六德。〔莊賈云〕六德。智信仁勇嚴。〔晏嬰云〕那一德呢。〔莊賈云〕輸了我跑德。〔晏嬰云〕將軍。此一行兵。論將軍才能。安治齊國也。〔正末云〕主公。便好道主帥威立而令行。士卒心一而力齊。何愁難也。
〔唱〕

〔貨郎兒〕若說着行威令。中軍發號。能驍勇三軍奮惡。神謀英武氣衝霄。憑戰策寧疆土。仗雄勢掌旌旄。我決退了一國雄師。邊靜悄。〔云〕監軍某以先行。軍情事重。不可遲悞。〔莊賈云〕你先行。我便來的遲了。你敢怎的。〔景公云〕將軍。小心在意者。〔正末云〕主公放心也。〔唱〕

〔尾聲〕則願的興復社稷除殘虐。仁厚齊公勝帝堯。馬到威伏那一朝。指示敵兵克日消。戈甲珊珊劍珮搖。日色騰騰殺氣飄。汗溼透征夫褐衲襖。血濺滿將軍錦戰袍。恁時節平定取偏邦太平了。〔下〕〔景公云〕晏嬰丞相。田穰苴去了也。某料此人兵法。必然成功也。〔晏嬰云〕主公。論此人兵法。鮮有才藝無雙。運籌帷幄。神出鬼沒。人莫能窺。此一去必然成功也。〔景公云〕丞相。你且回私宅。若田穰苴成功。再有加官賜賞也。田穰苴才藝多端。晏平仲治國心寬。平定了邊庭士馬。恁時節賜賞加官。〔同下〕〔莊賈云〕景公都去了也。我

無甚事。這一去親戚隣舍朋友里。長老人總甲。必與我送行。慢慢的喫半日酒。行也未遲哩。他敢怎的。我出的門來。左右將馬來。騎上驢子家去來。〔下〕

第三折

〔晉平公上〕〔云〕戰國英雄分疆土。春秋烈士顯威名。某乃晉平公是也。自從遣將蘇子皮率領五萬軍馬。侵於阿甄之地。某料齊國克日而破。率土咸歸於俺晉國。不期齊國晏嬰。舉一賢人爲將。乃是田穰苴。說此人威武兵法機謀。世所鮮有。某差蘇子皮緊守阿甄。猶恐未能成功。我國再加兵法於此人。一者助己威武之權。二者以成戰守之機。說與主將。小心在意。成功之後。必有重賞封官。主將威權膽氣剛。三軍踴躍顯高強。休言穰苴機謀大。全憑威武破齊邦。〔下〕〔淨扮蘇子皮引喬卒子上〕〔云〕鐵甲將軍到五更。箇箇則喫大生葱。投到天明則一看。撲着肚子害心疼。自家不是別人。乃晉國大將蘇子皮是也。我英才韜略。文武兼備。上的馬去。番番不濟。晉國平公。見我威武。統五萬軍馬。侵伐齊國。久困於阿甄之地。聽知齊國拜一將。乃是田穰苴。說此人有文武之才。與我交鋒。量他到的那裡。晉公不識我。見齊國拜那田穰苴爲將。則怕我不能成功。又添些軍校與我。一總十萬軍馬。教我倒笑了。古人言。一人捨命。萬夫難敵。但有我一人。甚麼事不弄壞了。我如今先下戰書去。單奈田穰苴與我交戰。大小三軍。聽我發放。到來日行兵佈陣。到那

裡對壘迎敵。我行軍處公然不會。厮殺處全不省的。不要你鳴鑼擊鼓。也不要呐喊搖旗。得手處。偷人家肥狗。看空便搶人家公雞。菜園裏奪幾筐大蒜。帳房裏就帶着搗搥。馬妳子堪宜解渴。爛羊頭足可充饑。喫的飽帳房裏打盹。臨上陣可害傷食。有氣力顯威風。望前趕殺。沒用呵。膿厮擠。壓做一堆。〔下〕〔晏嬰上〕〔云〕小官晏嬰是也。自薦田穰苴於主公。命以爲將。發兵五千。欲與晉國交兵。田穰苴猶恐士卒未附。人微權輕。請以國之所尊者爲監軍。主君委莊賈爲監軍。令慶封子慶舍爲軍正。次日行兵。齊公命說與莊賈。軍伍之中。必以廉謹整肅士卒爲重。成功之後。必有封賞。小官既傳齊公之命以畢。不敢久停。便索回主公話。走一遭去。〔下〕〔正末同軍正慶舍卒子上〕〔正末云〕某田穰苴是也。感賢相晏嬰舉薦。蒙齊公厚德。加某爲大將。領兵五千。與晉國交鋒。某言於齊公。人微權輕。猶恐士卒未附。可令國之所尊者爲監軍。主公許諾。令丞相莊賈爲監軍。慶舍爲軍正。某與莊賈會約。旦日中會於軍門。某今離城五里。先馳至軍門。三軍擺布的嚴整者。〔唱〕

〔雙調新水令〕綵霞飄霧映旌旗。蕩寒風滿天殺氣。銅鑼鳴秋水。畫鼓動春雷。劍戟光輝。赳赳雄威。氣衝散九霄內。〔慶舍云〕論將軍才能威武。掌握軍權。兵法顯耀。號令嚴明。你看這三軍威勇。士卒豪強。論將軍行兵。古今絕矣。〔正末唱〕

〔駐馬聽〕畫角聲淒。颯颯悲風從地起。堂堂陣勢。騰騰殺氣。遶天池。虎狼般軍校。鴈行齊。冰霜般劍戟。魚鱗砌。更有這七重圍。簇擁着金頂蓮花內。〔云〕某與監軍莊賈約。至今朝日午。會於軍門。這早晚怎生不見來。軍正。這早晚甚麼時候也。〔軍正云〕日午也。〔正末云〕可怎生不見來。〔唱〕

〔喬牌兒〕見如今邊庭軍事急。帝輦世不利。你是箇監軍。猶且如兒戲。怎肯將軍情事託付你。〔云〕軍正。這早晚甚麼時候也。〔軍正云〕未時也。〔正末云〕軍正近前來。着三軍各守方面。列成陣勢。擺布的嚴整者。但以士卒行居次舍井竈飲食。某之資糧與士卒皆平。如軍士疾病。某必親身循問以醫藥。但違軍令。必當斬首。〔軍正云〕得令。〔正末云〕軍正。這早晚甚麼時候也。〔軍正云〕申時了也。〔正末云〕小校。軍門外看着。若莊賈來時。報復某知道。〔卒子云〕得令。〔淨莊賈裝醉同鄒大夫扶上〕〔鄒大夫云〕監軍行動些。我也醉了。〔莊賈云〕小官莊賈。我平日間倚賴官職大。富貴驕奢。誰敢不怕我。今日齊公伐晉。以我爲監軍。田穰苴爲將。今日行也。衆親戚左右大夫人等。與我送行。多飲了幾杯酒。醉了。〔鄒大夫云〕監軍醉了。則怕田穰苴軍門久等。我則推肚裏疼。〔莊賈云〕怕他怎的。軍校是我齊國的。我爲監軍。便遲了些。誰敢怎的我。〔鄒大夫云〕監軍說的是。來到軍門也。〔莊賈云〕教小校說與田穰苴。我來了。〔卒子云〕理會的。喏。

報的將軍得知有監軍來了也。〔正末云〕叫他過來。〔卒子云〕理會的。着過去。〔莊賈云〕他不來接我。〔見科〕〔正末云〕監軍爲何後期而至。〔莊賈云〕今日知我爲監軍。大夫親戚朋友。安排酒果。與我送行。再三留飲。不覺醉了。便過了日中也無妨。誰敢怎的我。〔正末云〕豈不聞將受命之日。則忘其家。臨軍約束。則忘其親。聽枹鼓之急。則忘其身。今敵國深侵。邦內騷動。士卒暴露於境。君寢不安。食不味。百姓之命。皆垂於君。何爲送行嗜酒自樂。軍正那裡。軍法期而後至者如何。〔軍正云〕軍法期而後至者當斬。〔莊賈云〕你敢怎的我。〔正末云〕既犯軍令。小校推轉莊賈者。〔卒子云〕得令。〔做掣淨科〕〔莊賈慌云〕不中。他是殺了我。鄒大夫。你快報與主公着救我。〔鄒大夫云〕這事不好了。我索報與主公去。〔下〕〔正末唱〕

〔攪箏琶〕喝一聲驅兵尉。撲碌碌刀斧手向前推。你如今犯法欺公。死而勿悔。見如今事急已艱危。你量事輕微。酒醉淋漓。這是你掌監軍輔安天地理。於國何益。〔云〕掣出去。斬訖報來。〔卒子云〕理會的。掣出莊賈去。〔做掣科〕〔莊賈云〕你敢怎的我。〔卒子殺科〕〔云〕死去。〔莊賈云〕吓。晦氣。〔下〕〔正末云〕三軍聽令。但犯令者。以此爲法。〔卒子云〕得令。〔外扮使命持節騎馬兒上〕〔云〕雷霆驅號令。星斗煥文章。小官乃齊國使命。今有莊賈故犯軍令。先期而後至。田穰苴要斬莊賈。齊公之命。着小官星火赴營。免莊賈之罪。來到也。三

軍不可當。某奉齊公之命。田穰苴。小官奉主公之命。持節赦莊賈之罪。〔正末唱〕

〔川撥棹〕我則見馬如飛。電光般走更疾。節鉞忙持顯耀威儀。豈知俺闔外將軍志氣多奸詐。少見識。〔使命云〕田穰苴。小官奉齊公之命。赦莊賈之罪。不可斬之。〔正末云〕

軍正那裡。〔軍正云〕有。〔正末云〕軍中不宜馳驟。今使者如何。〔軍正云〕當斬。〔正末云〕小校擊下者。〔卒子云〕得令。〔做擊使命科〕〔使命慌科〕〔云〕將軍。小官奉齊公之命。〔正末唱〕

〔七弟兄〕說的他面皮半日似呆癡。七重圍不是您那閑遊地。五方軍須不似好相識。八卦陣不比您排筵會。〔使命云〕將軍。非干小官之事。皆是齊公之命。指望赦莊賈之罪也。〔正末唱〕

〔梅花酒〕論那厮甚所爲不辨高低。弄盡傳杯。爛醉如泥。覷顛危耳目間。看艱險暫時知。猶兀自逞氣勢。無忠信有奸僻。心驕傲意兒欺。多豪濫少誠實。〔使命云〕知將軍軍法嚴整。小官不可輕犯也。〔正末唱〕

〔收江南〕呀。豈知俺大將軍八面虎狼威。你正是坐而不覺立而饑。若不看齊君之面怎支持。權時間放你快疾忙回奏聖人知。〔使命云〕將軍可憐。免小官罪犯。〔正末云〕既然如此。君之使不可殺之。小校放了者。可以速回報知主公。然後行。〔使命云〕理會。

的謝了將軍。來到這軍門外。早知這等利害。不來也罷。不敢久停。回主公話。走一遭去。〔下〕〔正末云〕軍正。令大小三軍。整肅行伍。便索前行。〔軍正云〕得令。〔正末唱〕

〔尾聲〕發蹤指示臨邊地。驅卒躍馬排軍隊。胸捲江淮。氣吐虹霓。暢道展土開疆。安邦定國。掃蕩妖氛。仗英勇。全忠義。則我這兵法爲魁。馬到處清寧萬萬里。〔下〕〔軍正云〕將軍去了也。看了田穰苴兵法威武。觀敵國有何難哉。小官不敢久停。久住。跟隨大將。征伐晉國。走一遭去。殺氣騰騰映九霄。威風赳赳顯英豪。三軍奮勇能征戰。敵兵卸甲望風逃。〔下〕

楔子

〔淨扮蘇子皮引喬卒子上〕〔云〕則我喚做蘇子皮。一生好喫香水梨。若還齊將來索戰。管情說做一團泥。某乃大將蘇子皮是也。統領十萬軍馬。久困阿甄之地。不期齊國拜一將。乃是田穰苴。說此人好生英勇。兵法過人。我聽的一聲。肚裏頭疼了一箇月。又帶水瀉。至今不曾痊可。沒奈何。既然來了。必索與他戰一合。大小軍卒圍着我。不要離了。留下一條走路。輸了我好跑之。三軍擺開陣勢。這早晚田穰苴敢待來也。〔正末同軍正引卒子騎馬兒上〕〔云〕某乃大將田穰苴是也。今日統五千精兵。與晉國交鋒。大小三軍。各將刀劍出鞘。弓弩上絃。奮勇當先。勦殺晉將。敢有退

後必當斬首。〔衆云〕得令。〔軍正云〕將軍兀的不是晉國人馬來了也。〔正末云〕三軍擺開陣勢者。〔蘇子皮云〕衆軍校圍着我。休離了我。齊國人馬擺布的鐵桶相似。這一會兒我怕將起來了。〔見科〕〔正末云〕來者何人。〔蘇子皮云〕我是晉國大將蘇子皮。你來者何人。〔正末云〕某乃齊國大將田穰苴是也。〔蘇子皮云〕量你齊國一庶民。到的那裡。你敢與我交鋒麼。〔正末云〕這厮好無禮也。三軍操鼓來。某與你聊戰數合。〔軍正云〕得令。三軍呐喊搖旗。擂鼓篩鑼。用心攻取。〔放砲科〕〔做呐喊科〕〔蘇子皮做戰科〕〔云〕殺死我也。則說狗與子好打發。不想他殺的我碎屁兒直流。我死也。早知道我輸了。不來也罷。〔做調陣子科〕〔正末云〕三軍奮武攻圍。不要走了。晉將也呵。〔唱〕

〔賞花時〕則看着殺氣陰雲罩太空。俺這裡人勝奔彪馬似龍。一箇箇氣昂昂慣衝鋒。顯耀出威而不猛。能戰策大元戎。〔蘇子皮云〕我娘嘯。我娘嘯。田穰苴智勇雙全。十分威勇。我近不的他。我索逃命。走走走。〔同下〕〔軍正云〕晉將大敗虧輸。逃命走了也。〔正末云〕小校鳴金。不許追趕。收兵還營。〔軍正云〕得令。〔鳴金科〕〔正末唱〕

〔么篇〕安排下地網天羅捉晉公。則我這號令嚴明信有終。殺的那地塌與山崩。也是俺兵驍也那將勇。今日箇奮志可兀的建頭功。〔同下〕

第四折

〔齊景公引卒子上〕〔云〕赳赳英雄併霸強。紛紛四海動刀鎗。命將出師伐晉國。收回故境屬齊邦。某乃齊景公是也。今有田穰苴。發兵與晉國交戰。不期馬到成功。晉兵大敗虧輸。燕師聞之。渡水而去。如今追擊殘兵敗將。遂收故境。引兵而回。某感田穰苴忠義。此人兵法爲魁。今日在此禁苑。封官賜賞。犒勞三軍。就安排筵席。慶功宴享。令人望着。若晏嬰來。報復我知道。〔卒子云〕理會的。〔晏嬰引卒子上〕〔云〕廣覽羣書爲輔相。多識國政做朝臣。小官乃晏平仲是也。因燕晉之兵。侵伐阿甄河上二處。小官常思報國之心。奈無計可施。所以小官舉薦田穰苴爲大將。領兵伐晉。此人文武兼備。統兵前去。一戰成功。今日班師奏凱。小官見主公。走一遭去。可早來到也。令人報復去。道有晏嬰來了也。〔卒子云〕理會的。喏。報的主公得知。有晏嬰來了也。〔齊景公云〕道有請。〔卒子云〕有請。〔見科〕〔晏嬰云〕主公。小官晏嬰來了也。〔齊景公云〕晏嬰你來了。所有田穰苴領兵伐晉。一戰成功。收回故境。今日奏凱班師。某在此安排筵宴。一來慶功。二來加官賜賞。田穰苴敢待來也。小校看着。若來時。報復某知道。〔卒子云〕理會的。〔正末同軍正引卒子上〕〔云〕某乃田穰苴是也。奉命領兵伐晉。托賴主公洪威。馬到晉兵大敗。全功得勝。今日班師凱旋。早至齊都。想俺這爲將者。好英武也呵。〔唱〕

〔中呂粉蝶兒〕憑着俺將勇兵強。今日箇把妖氛片時掃蕩。整乾坤展土開疆。若論着做元戎居宰相。須要箇文雄武壯。變理陰陽。這一場展經綸奮施心量。
〔軍正云〕將軍這龍韜虎略。神鬼難測。今日見了主公。定然封官賜賞也。〔正末唱〕

〔醉春風〕三略法智謀多。六韜書計量廣。今日箇全功奏凱赴京師。把兵機講。講號令嚴明。賞罰必信。威伏的晉公歸向。〔云〕可早來到也。令人報復去。道有田穰苴得勝回還也。〔卒子云〕理會的。喏。報的主公得知。有田穰苴得勝回還也。〔齊景公云〕道有請。〔卒子云〕有請。〔見科〕〔正末云〕主公。某自領兵伐晉。托主公洪威。得勝回還也。〔齊景公云〕田將軍。鞍馬上索是勞神也。〔軍正云〕將軍。你把那軍中威嚴擺布。廝殺相持。將帥驍勇。軍卒出力。略說一遍者。〔景公云〕田將軍。那蘇子皮怎生布陣排兵。衝鋒破敵。武藝高低。你說一遍。某試聽者。

〔正末唱〕

〔石榴花〕當日箇兩人交馬併興亡。將士鬪爭強。我則見蘇子皮急忙緊隄防。他假虛脾遮當。賣弄輕狂。〔晏嬰云〕那晉兵見了我軍。怎生拒敵來。〔正末唱〕殺的他軍兵膽碎魂先喪。一箇箇哭啼啼東躲西藏。鎗刀劍戟都撇漾。〔景公云〕那晉將蘇子皮如何。〔正末唱〕他急流中逃命奔家邦。〔景公云〕如今士馬寧息。征旗不動。民安國泰。海外

稱臣。理當宴享也。〔晏嬰云〕田將軍。主公爲你全功得勝。安排筵宴。一來賀功。二來與你加官賜賞也。〔正末云〕量田穰直有何汗馬功勞。着主公如此用心也。〔景公云〕豈不聞兵法有云。有功者則勞。小校擡上果卓來者。〔卒子云〕理會的。〔做擡果卓科〕〔正末唱〕

〔上小樓〕今日箇開筵宴享。君臣歡暢。排列着異品奇珍。簫韶一派。樂韻悠揚。〔景公云〕小校將酒來。〔卒子云〕理會的。〔正末唱〕我則見舉霞觴。倒金壺頻斟佳釀。今日箇慶功勳。犒勞軍將。〔景公云〕晏丞相。這一盃從何人起。〔晏嬰云〕此一盃酒。該田將軍先

飲。〔景公遞酒科〕〔云〕田穰直滿飲此盃。〔正末云〕主公。田穰直有何功勞。敢飲此一盃酒。〔景公云〕田穰直爲你征伐晉兵大敗。燕師聞之。渡水而去。皆是你之功勞。不索謙遜也。〔正末做接酒科〕〔云〕感蒙主公厚恩也。〔景公云〕衆文武皆飲一盃。〔正末同衆飲酒科〕〔正末唱〕

〔十二月〕齊臻臻羣臣稽顙。鞠躬躬頓首誠惶。永綿綿皇圖鞏固。錦重重帝業隆昌。飄紫霧紅光景像。錦模糊萬里封疆。〔景公云〕因晉國不脩德政。諸侯失望。如今我國社稷安寧。皆將軍之功也。〔正末唱〕

〔堯民歌〕呀。見如今衣冠萬國盡來降。車書混一會朝綱。千邦稱頌賀仁王。萬民道泰樂寧康。吾皇過堯勝禹湯。大一統山河壯。〔景公云〕田穰直。晏嬰。您聽者。近因

晉平公不脩政德。貪冒諸侯。會夷儀之兵伐俺齊國。深侵吾境。民無所歸。賢相晏嬰。舉薦穰苴。親居行伍。與士卒同受甘苦。軍中病者。爭奮赴敵。馬到一戰成功。晉兵大敗。燕師渡水而去。解兵釋甲。社稷寧謐。黎民樂業。皆晏嬰推賢遜能之功。同寅協恭之行。惟夫抱忠守節。見義必爲。身徇國家之急。功立而名從之。所以爲烈士也。田穰苴親身赴戰。不懼顛危。果然文能伏衆。武能威敵。使好道主將威立。立原本誤力趙改靈非而令行。士卒一心而奮戰。清平邊界。將軍乃英傑也。則因那晉平公貪冒無仁。會諸侯僭起煙塵。晏賢相一心忠孝。賜田疇千鎰金銀。田穰苴清平邊境。退奸邪掃蕩妖氛。居朝省身爲將相。大司馬執掌三軍。封慶舍大夫之職。食天祿列鼎重裯。手下將論功行賞。都教他榮顯家門。喜孜孜推賢舉善。永綿綿龍虎風雲。今日箇加官賜賞。一齊的拜謝皇恩。

題目 莊監軍行兵背約

正名 田穰苴伐晉興齊

伐晉興齊穿關

頭折

晉平公

簪纓公子冠

上衫袍

方心曲領

火裙

錦

卒子

紅碗子盔

青布釘

晏嬰

兔兒角幘頭

補子

卒子

同正末田穰苴

散巾

補納直身

御者

項帕

圓領

晏嬰

卒

子又上正末田穰苴御者又上前

第二折

齊景公

簪纓公子冠

上衫袍

方心曲領

火裙

錦

卒子

晏嬰

正末田穰苴

同莊

賈

皮簪帽

膝襴曳撒

掩心

劍

項帕

直纏

裙腰

帶劍

三髯

慶舍

第三折

晉平公

同蘇子皮

皮盔

膝襴曳撒

掩心甲

喬卒子

紅氍帽

青布釘

晏嬰

同正末

前

田穰苴

皮簪帽

膝襴曳撒

掩心甲

喬卒子

紅氍帽

青布釘

晏嬰

同正末

前

慶舍

鳳翅盔 膝襴曳撒 袍 項帕 卒子 莊賈 同 鄒大夫 紗帽 補子 使命 一字巾 帶補

直纏 裙腰 帶劍 三髯髯 持節騎馬兒

楔子

蘇子皮喬卒子 同 正末田穰其軍正卒子 同 騎馬兒

第四折

齊景公卒子 同 晏嬰卒子 同 正末田穰其軍正卒子 同

內本校抄皆乙卯二月廿二日清常記

守貞節孟母三移

闕名

頭折

〔沖末齊檀子領祇從上〕〔云〕四塞平寧用寶賢。強兵富國盛淄川。文韜凜冽山河壯。武略英雄社稷堅。能耘禾稻分隴畝。善種桑麻布界田。時豐歲稔黎民樂。祝讚天朝億萬年。老夫乃齊國上大夫檀子是也。俺這本國封疆。在於臨淄渤海。乃四塞之國土。積粟如丘山。地方二千餘里。帶甲數十餘萬。今時春秋之間。丙寅十四年。齊威王會田於郊。魏惠王問齊威王曰。齊國有寶乎。威王曰。無有。惠王曰。魏國雖小。尚有徑寸之珠。照車前後各十二乘者十枚。豈以齊大國而無寶乎。威王曰。本國無寶。有四賢人。上大夫檀子。使守南城。則楚人不敢爲寇。又一大夫盼子。使守高唐。則趙人不敢東漁於河。又一大夫黔夫。使守徐州。則燕趙之人從而徙者七千餘家。又一大夫種首。使備盜賊。則路不拾遺。此四臣者。將照千里。豈特十二乘哉。惠王慚色而回也。當時風調雨順。國泰民安。河清海晏。偃武脩文。學記曰。古之教者。家有塾。黨有庠。術有序。國有學。今奉主上之命。差老夫於州縣鄉村。建立學校。但有民家子弟。不分富貴貧窮。入學讀書。向後必出賢人也。令人可請孔氏子思來者。〔祇從云〕理會的。孔子思安在。〔外扮子思上〕〔云〕道統相承演正宗。流傳萬

古幸

疑是守字

儒風春秋戰國崇尊教。顯耀滔滔天地中。老夫姓孔名伋字子思。乃魯國孔門之後也。

相傳立教於本國。自我祖孔子亦得其傳。惟曾顏明其宗旨之理。後來曾氏再傳先王之教。今則後聖逾遠。異端並起。吾今年老。無傳授之門徒。恐失其孔氏之宗。今齊大夫有請。須索走一遭去。可早來到也。令人報復去。道有孔子思來見大人。〔報科〕〔云〕理會的。報的大夫得知。有孔子思來了也。〔檀子云〕道有請。〔祇從云〕理會的。有請。〔做見科〕〔云〕大夫呼喚小生。有何事商議也。〔檀子云〕老夫今奉主上之命。要建立學校於州縣鄉村。但有入學讀書者。向後必出賢人。特請先生開設儒學。以爲便也。〔子思云〕小生憂道不行。既然奉命開設儒學。天下之子弟。入學讀書。謹依齊公之命。大夫。小生則今日開設儒學去也。世代相傳習孔文。綱常禮義正君臣。詩書不絕留千古。大開學校顯儒門。〔下〕〔檀子云〕孔子思去了也。老夫乘着車馬。前去州縣等處。建立學校。就去省諭有司勸農。走一遭去。上古紛紛有異端。從周禮樂以完全。天道若不生孔子。猶如長夜黑漫漫。〔同下〕〔淨扮社長上〕〔云〕納稅徵糧郊外民。甘心隴畝樂耕耘。今年喜得宜時雨。段段田苗接遠村。老漢姓聶。無德而可表。人喚做聶三耳。又呼我做呆老漢。鄒縣人也。當村做着箇社長。但有的事。都着老漢管理。夏稅秋糧。丁絲絹疋等項。盡是老漢催納。若有驢喫田。馬喫豆。相爭鬪打的。都着老夫決斷。近日本縣行下文書。來立學堂。不分富貴貧窮。都着入學讀書。老漢想

來。若富家送箇兒男讀書呵。也有些錢鈔。供備學課紙筆。若貧家送箇兒男讀書呵。有甚麼供送。又有幾箇牛羊孳畜。無人牧放。今年雨水調均。田苗茂盛。老漢前去地裡看田禾。走一遭去。則怕那牧牛的小廝每。頑耍着牛羊。作踐了我那禾稼。春雲冉冉雨如膏。禾黍堆堆嫌草蒿。村裡老人無別事。倒拖藜杖看田苗。〔下〕〔淨扮四牧童同孟少哥上〕〔大牧童云〕草鋪橫野六七里。笛吹晚風三四聲。歸來飯飽黃昏後。不脫蓑衣臥月明。俺是這本村裡的牧童。每日在這官道傍邊。候子一壁牧牛耍子。衆弟兄每。嚼每人要四句牧牛歌。大家頑耍一會。先從我來。牧牛牧牛。田角溪頭。閑時上樹。閑後垂釣。〔二牧童云〕該我哩。牛飽牛飽。不肯喫草。閑時捕蟬。閑後捉鳥。〔三牧童云〕該我哩。牛乖牛乖。反鬪不開。沙汀困歇。疊土壘臺。〔四牧童云〕牛老牛老。不走不跑。閑時尋芳。閑來鬪草。〔孟少哥云〕我也有牧牛歌一首。〔大牧童云〕你不放牛。敢不會牧牛歌麼。〔二牧童云〕着他念。俺試聽者。〔孟少哥云〕我待要上樹垂釣。捕蟬捉鳥。疊土壘臺。尋芳鬪草。〔大牧童云〕俺四人嬉戲之語。虧你快轉也。〔孟少哥云〕我再和一韻四句。田畔閑遊結綠莎。水邊翫景戲清波。誰知野外荒郊子。應聲齊唱牧牛歌。〔大牧童云〕俺二人做一對。打一路拳。〔孟少哥云〕你試打一路。我試看者。〔二人做打拳科〕〔孟少哥云〕這拳的路數。打不過人。不稀罕也。〔大牧童云〕你敢打一路麼。〔孟少哥云〕您四箇人齊上來。〔孟少哥做打倒四人科〕〔云〕將四

子都打的着傷了也。〔大牧童云〕好也。孟家這廝打殺俺也。俺告社長去來。〔衆扯孟少哥走科〕

〔淨社長上〕〔云〕老漢聶社長的便是。地裡看田禾去。來到這官道傍邊。則見一簇小廝每在這

裡炒鬧。我去看者。我道是誰。原來都是俺當村裡放牛的小廝每。您怎生這般廝打。啼天哭地的。

〔大牧童云〕社長。俺衆人作牧牛歌耍子。一人四句。俺又打拳耍子。被孟家這廝把俺四箇都打

傷了。社長來的正好。與俺做主者。〔社長云〕您說誰的是。誰的不是。我與你做主。〔大牧童云〕俺

四箇打他一箇。他把俺四箇都打倒了。社長與俺做主。〔社長云〕恁的呵。您四箇的不是。他的是。

〔大牧童云〕您正是箇呆老漢。俺四箇都被他打傷了。倒說俺的不是。〔社長云〕常言道能狠怎

敵衆犬。好漢怎打人多。趁早兒都趕的牛回家去。若不聽我呵。二十大棒。〔衆牧童云〕你正是箇

葫蘆提。老弟子孩兒。噤不要告他。俺告孟母去來。〔衆扯孟少哥同下〕〔社長云〕那廝每都去了

也。爲甚麼我向孟少哥。他是我姑表姐姐家的孩兒。他乃是孟孫之後也。不是小可的人家。所以

上我則說他的是。這小廝每。准定要告孟母去了。俺姐姐稟性嚴切。則怕打他那孩兒。我索行動

些兒。勸解去來。〔下〕〔正旦扮卜兒領淨侍女上〕〔云〕老身姓仇。夫主姓孟。世居鄆縣人也。夫主

早逝。老身織紡成家。所生下一箇孩兒。幼小稱爲少哥。此子性好貪頑。欲待着他讀書來。學堂又

遠。無人迎送。欲待不着他讀書來。想我夫主。乃是魯國孟孫之後也。自從三皇開闢。五帝禪宗。堯

舜禹三王讓位。成湯繼承之後。有古公生三子。長子太伯。次子仲雍。三子季歷。然後生一子。以號文王。養賢納士。脩德治民。此乃大周之祖也。〔唱〕

〔仙呂點絳脣〕想當日西伯姬昌。曾遇着太公呂望。本是那天將傍。合該這周室興王。因此上聖德從天降。〔侍女云〕妳妳年紀高大。多知古往之事也。〔正旦唱〕

〔混江龍〕那其間萬民仰望。自從那武王伐紂衆歸降。周公攝政。管蔡譏邦。〔邦疑〕却正是八百餘年朝帝闕。七十二國立封疆。衣冠禮樂。人物綱常。敦行孝悌。公正忠良。因此上用賢能輔佐得這國家寧。端的是任英才保佑得山河壯。後來有七雄鬪勇。五霸爭強。〔云〕侍女門首覷者。看有甚麼人來。〔侍女云〕理會的。〔外扮卜兒上〕

〔云〕青春今已過。白髮更難饒。老身乃是聶社長的渾家。人都喚我做聶媽媽。本鄉裡有箇孟母。他是社長的姑表姐姐。我今日特請孟母喫茶。消悶一會。早至門首也。侍女報復去。道有聶媽媽來了也。〔侍女云〕理會的。報的妳妳得知。門首有聶媽媽來了也。〔正旦云〕道有請。〔侍女云〕理會的。有請。〔做見科〕〔卜兒云〕老姑娘。想你比先公子之家。居蘭堂畫閣。今日親自織紡爲生。這等威嚴節操。誰似你也。〔正旦唱〕

〔油葫蘆〕往常我富貴奢華居畫堂。今日我受貧寒親自紡。端的我威嚴節操

若冰霜。〔卜兒云〕想老姑娘九流三教。那一件兒不曉的也。〔正旦唱〕且休題九流三教能論講。我待學三從四德多名望。我平生稟性貞。更那堪志氣昂。我則待把清名標寫在經書上。何敢望立旌表顯輝光。〔卜兒云〕姑娘。你那守節名兒。誰不知道也。〔正旦唱〕

〔天下樂〕大古裡是自有傍人話短長。則這賢良名姓揚。傳流古今播四方。〔卜兒云〕隣里親族。誰不敬你也。〔正旦唱〕治隣居正一門。睦親族儆五常。用工勤將家道掌。〔衆牧童拖孟少哥上〕〔云〕孟姊妹。俺在地裡放牛作耍。着您家孩兒。打的俺都有傷損了。告與

老母知道。〔正旦云〕喚過孟少哥來跪着。〔孟少哥做跪科〕〔正旦云〕我着你休惹事。你怎生又惹人家也。〔唱〕

〔那吒令〕這厮敢尋人鬧嚷。你怎生欺人要強。却原來打人見傷。在家時性不寧。出門去心狂蕩。何須你作耍難當。〔卜兒云〕這小厮每。又不是南來北往。都是俺一鄉土上的孩子每。都在荒野作耍。直來告着老母受氣也。〔正旦唱〕

〔鵲踏枝〕又不曾住在番邦。長在空桑。學不的他治國興秦。放桀扶湯。你則待無廉恥。愚頑性莽。你那裡取有拘鈐。恭儉溫良。〔云〕將棒子來。定打不饒。〔社長上〕

〔云〕方纔田裡回來。則怕那些小厮每來告着俺那姐姐受氣。又則怕打那孟少哥。我索行動些兒。却早來到也。果然是這小厮每來告。我則索過去勸解者。〔做見科〕〔正旦云〕舅舅請坐。〔社長云〕方纔我看田苗去來。見他每在田禾地裡耍來。這小厮每不是他一箇人怎敵的您四箇。勸解他不住。又來激惱姐姐來也。〔正旦云〕他怎的作耍來。〔社長云〕我聽的他每起初時念牧牛歌起。然後打拳來。便打了您也不妨事。他乃是公子人家子孫。強似您這等村生泊長。無指教的小厮每。快都與我去。若不去呵。每人一頓黃桑棒。〔正旦唱〕

〔寄生草〕你則伴鄉村子。你則學田舍郎。却原來捕蟬捉鳥無謙讓。疊臺壘土閑情況。更那堪垂釣上樹相冲撞。〔社長云〕孩兒在綠莎茵上作耍。都是這厮每偏爭好鬪。看我面饒了罷。〔正旦唱〕他則待耍心腸。翫一會綠莎茵。我教你精皮膚喫一頓黃桑棒。〔衆童跪〕〔云〕老母罷罷罷。俺本作耍來。打傷了俺也罷。休打孟少哥。俺回家去來。〔衆下〕

〔社長云〕姐姐。看我的面上。且饒過孩兒這一遭罷。休打他。〔正旦云〕饒過這一遭。再要惹人。決然不恕也。〔社長云〕姐姐。我觀孟少哥三停平滿。五岳豐隆。耳鼻異相。眉清目秀。年壽法令。真乃孟孫之後也。〔正旦唱〕

〔金盞兒〕你莫不會陰陽。識行藏。能觀面上儀容相。你道他三停五岳貌堂堂。

一衝鼻準正。兩墜耳輪長。明朗朗眉分清目秀。齊整整地庫對天倉。〔社長云〕您原是公子之家。久後還爲卿相。既明道理。他雖然隱居。此子氣概。與相過人也。〔卜兒云〕且休題未來之事。姑娘悶倦。被小的每激惱。敢請到俺那敝處待茶。如何也。〔社長云〕婆婆說的是。姐姐請俺家裏喫茶去也。〔正旦云〕何勞用意如此也。〔唱〕

〔尾聲〕惱的我身體不安閑。心意何舒暢。有勞您貴眷賢親社長。爲愚子癡頑來勸解。不枉了善相知隣里街坊。意慌忙。更看承俺母子孤孀。〔卜兒云〕異日當爲太宰。俺每與你做親眷。則是山鷄比鳳凰也。〔正旦唱〕非是山鷄比鳳凰。便做到宰輔呵。怎敢忘親族鄉黨。則索拜年高尊上。他怎敢擺頭荅磨。蓋顯英昂。〔下〕〔社長云〕俺婆婆請的姐姐。家中喫茶解悶去了也。老漢前去兀那道店上。會幾箇同輩的。老者飲酒去來。社長終日會老人。常臨道店邊鄉村。逢時沽酒同歡會。飲盡田家老瓦盆。〔下〕

第二折

〔淨扮大屠二屠上〕〔大屠云〕屠家買賣委實熟。遍體渾身都是油。終朝每日醺醺醉。酸醋爛蒜喫羊頭。小人姓賊。兄弟姓余。乃坊市屠戶。兄弟是箇熟皮匠。別人的鋪店。每日清閑冷坐。小人這行買賣。最見錢疾。早晨宰一箇肥羊。滿屋裏富貴未曾賣呵。先沽的一瓶酒來。將那血灌的羊腸

兒做案酒。喝上幾鍾酒。挑着那肉擔兒。在於前街後巷。叫一聲肥羊肉。誰不呼喚買肉。當日見本見利。到家換了油污衣服。却去茶坊酒店。相伴朋友。直喫的醉醺醺。帶酒歸家。妻子又不敢說。若惱了我呵。便着挺杖下手。兄弟也。這買賣見錢疾麼。（二屠云）哥。這些時見錢疾不疾呵。昨日買了箇羝羊殺翻了。挑着賣了三日。還剩下多半邊。可知見錢疾哩。把本錢都折了。近來一箇孟婆。搬的來。在於隣居住坐。他有箇兒子。喚做孟少哥。那兄弟雖然年小。智慧聰明。俺與他爲友。饗養他些錢物。着人請去了。這早晚敢待來也。（孟少哥上）（云）移居於市井。商賈做知交。小人乃孟少哥是也。老母爲我與兒曹簪埋作戲。移居在市。有幾箇屠戶。常與他爲友。多定害他。今日又着人來喚。我須索走一遭去。不覺早至門首。哥哥。小弟來了也。（大屠云）兄弟請坐。俺雖是屠戶。都是有行止的人。街市上誰不敬咱。（孟少哥云）哥哥言者當也。（二屠云）不瞞兄弟說。俺則是少些本錢。沒奈何央浼兄弟。借與俺些本錢做買賣。本利相還。（孟少哥云）哥哥既然少些本錢。但放心。您兄弟相助二位老兄長錢二百貫。與兄長爲本。意下如何。（大屠云）多謝了兄弟。十分好仁義。俺同去街市上店中飲酒去來。（同下）（正旦領淨侍女上）（云）老身孟母。自因吾兒孟少哥。與隣童作戲。惟恐性格狂蕩。今日老身移居於市。孩兒看商賈去了。我想原祖非小可人家。實乃魯國公子之後也。（唱）

〔正宮端正好〕承宣化。正彝倫。遵道德。行忠恕。立綱常。禮樂規模。我則待養蠶絲績紡居農務。又則待教子安身處。〔侍女云〕妳妳。嚙又不曾做買賣活計。移居近市。可是爲何也。〔正旦唱〕

〔滾繡毬〕雖然是家道疎。活計無。不貪圖。不求物。因子呵性癡頑。兩次移居。則今日近市塵離鄉土。大綱來也是我用心遠慮。則着他學成人別辨箇賢愚。因此上交情結義無狂蕩。端的是見廣多聞有智謀。我如今思算躊躇。〔大屠二屠同孟少哥帶酒扶上〕〔大屠云〕兄弟。酒食不堪休怪。俺送到宅上。就拜見老母去。可早來到門首也。兄弟。你先過去報老母知道。俺特來拜望。〔孟少哥云〕哥哥。你則在門首。我報知母親去。〔孟少哥見正旦科〕〔正旦云〕孟少哥。你那裡去來。〔孟少哥云〕您兒在街市上。相交的幾箇朋友。請您兒飲了幾杯酒。都是些士大夫之人。送我到門首。特來拜望母親來。〔正旦云〕着他過來。我看是何等之人。〔孟少哥云〕二位老兄。母親有請。〔大屠二屠同見正旦科〕〔云〕老母請坐。俺是孟少哥的朋友。一箇箇有德有行。無義無仁。老母請坐。受俺幾拜者。〔正旦云〕這箇是你那結交的朋友那。〔唱〕

〔倘秀才〕那裡取志昂昂談今論古。則聽的鬧吵吵狂言詐語。〔大屠云〕老母。俺

家祖父都是賢良方正。俺也是士大夫之子孫也。〔正旦唱〕甚的是方正賢良士大夫。這一箇喬勢樣。那一箇性麓疎。是你那同行的伴侶。〔二屠云〕老母親。俺不是小可的經商。說起來俺這同行的買賣。驚天動地。聲播名揚。誰能似俺也。〔正旦唱〕

〔滾繡毬〕你道是同行近市途。合本做商賈。莫不是賣綾羅彩帛解庫。〔大屠云〕不是。〔正旦唱〕莫不是辦金銀磨玉鑽珠。〔二屠云〕不是。〔正旦唱〕你莫不是分絲綿染綿絨。〔大屠云〕不是。〔正旦唱〕糴米豆糴粟穀。〔二屠云〕不是。〔正旦唱〕你莫不置油坊酒務。〔大屠云〕不是。〔正旦唱〕莫不做象牙簪玳瑁犀梳。〔大屠云〕母親。任他走遍海角天涯。不似俺這買賣快樂也。〔正旦唱〕莫不是種鹽商蕩蕩遊三島。〔二屠云〕不是。〔正旦唱〕莫不是販茶客悠悠翫五湖。似這般光顯門閭。〔二屠云〕老母親。似這等買賣都不做。〔正旦云〕你做甚麼別樣的營生也。〔大屠云〕俺這買賣。最見錢疾。殺羊賣肉。早晨間宰箇羊。挑到街上。便見本利。那裡問親的疎的。一斤則是十四兩。〔正旦唱〕

〔脫布衫〕哦。你是箇有本利躁暴兇徒。無仁義不敬親疎。見其生何遭痛苦。聞其聲不堪觀觀。〔二云〕原來做這般買賣。有甚光彩處也。〔二屠云〕俺這屠家有三光。〔正旦云〕那三光。〔大屠云〕羊兒退的白光。終日抹的嘴光。一世喫的精光。〔正旦云〕孟少哥。你近前來。吓你。

不差麼。好箇公子人家的孩兒。結交的幾箇好朋友也。〔唱〕

〔小梁州〕我則道你頭角崢嶸志不俗。你却原來腹內空虛。這廝每殺羊宰狗。做屠戶。爲活路終日緊迫逐。〔二屠云〕俺是知契之交。若逢着便請喫酒。怎肯着空過了也。

〔正旦唱〕

〔么篇〕你道是相逢不飲空歸去。引逗的性格頑愚。〔大屠云〕老母。俺與孟少哥爲朋友。也不辱沒了他。〔正旦唱〕你道是知契交相垂顧。都是些腥羶人物。惹的些油膩滿身軀。〔大屠云〕老母。俺有酒了。不須喫茶。再待說一會話。天道有些炎熱。還有半邊羊肉不曾賣哩。則怕臭了。辭別了老母。俺串衙衙去來。〔二淨下〕〔孟少哥云〕母親。今日好朋友送您兒至家。拜母親。不曾待的一杯兒茶。倒花白將去了。〔正旦云〕噤聲。你刻的戲說哩那。〔唱〕

〔呆骨朵〕不由我氣撲撲按不住心頭怒。打這廝不成才不識賢愚。那廝每走遍了後巷前街。幾曾衝州撞府。〔孟少哥云〕他每都本分志誠也。〔正旦唱〕你道他志誠。疎錢物。我道來你與他難相處。〔孟少哥云〕商賈也不做。朋友也不交。母親待着您兒做甚麼那。〔正旦唱〕想當初生於鄒。時遇齊。待教你就於學。相近魯。〔孟少哥去〕母親。您孩兒結交幾箇朋友。做起買賣來。成箇大商賈。可不好那。〔正旦唱〕

〔尾聲〕你伴着狂朋怪友同相聚。趁浪逐波情意舒。兇暴營生不可趨。薄幸情懷不似初。他正是惡者人多善者無。甚的是彼丈夫兮我丈夫。則要你五教能通德不孤。六藝深精行有餘。休把你青春少年悞。學取箇正大衣冠播今古。

〔同下〕

楔子

〔子思領學生六人家童上〕〔子思云〕繼統相承數百年。齊家治國總無偏。先王之道明其性。禮樂詩書萬載傳。老夫孔子思是也。今奉齊大夫之命。相傳立教於本國。開設儒學。老夫憂道不行。作中庸之書。首章云。天命之謂性。率性之謂道。脩道之謂教。道也者。不可須臾離也。可離非道也。蓋自上古聖神。繼天立極。道統相傳。有自來矣。夫堯舜禹三王。乃天下之大聖也。明天下之正理。行天下之大事。自是以來。聖聖相承。至於成湯文武之爲君。皋陶伊傅周召之爲臣。而接續道統之傳也。後來我祖孔氏。亦得其傳。惟曾顏明其宗旨之理。後來曾氏再傳與老夫先王之教。今去聖逾遠。異端並起。吾今年老。無傳授之門徒。恐失其宗。今奉主君之命。故立學校。聚天下之子弟。入學讀書。察其心源。審其性理。若有相傳之子。可擇其善者而用之。衆學生各人試書來。〔大學生云〕師父。論語曰。學而時習之。不亦說乎。敢望開蒙此語也。〔子思云〕此爲書之首篇。多務本

之意。乃入道之門。積德之基。學者之先務也。〔一學生云〕師父。大學之道。在明明德。在親民。在止於至善。弟子不解。尊師教乎。〔子思云〕大學者。大人之學也。明者。乃天性。虛靈不昧。以具衆理。而應萬事者也。〔二學生云〕師父。尙書曰。三墳五典者。可得聞乎。〔子思云〕三墳者。乃三皇氏也。伏羲神農軒轅五典者。堯舜夏商周之書。此訓誥誓命之文也。〔四學生云〕師父。毛詩三百十一篇。關雎爲首。其中與典之語。可得聞乎。〔子思云〕毛詩之書。鳥獸草木之名。國風雅頌之篇。其旨深遠。古云。詩三百。一言以蔽之曰思無邪。此之謂也。〔五學生云〕師父。周禮有六典六官之意。敢望開陳。可得聞乎。〔子思云〕六官者。天官冢宰掌邦治。地官司徒掌邦教。春官宗伯掌邦禮。夏官司馬掌邦政。秋官司寇掌邦禁。冬官司空掌邦土。共三百六十之屬官。是爲周禮也。〔六學生云〕師父。春秋紀周之際。十二諸侯。賞罰之權。可得聞乎。〔子思云〕吾祖孔氏仲尼。以作春秋二百四十二年之行事。褒善貶惡之大理。時有獲麟之異。其傷絕筆。故謂之麟經也。學生每都試罷書也。今日放學回家。明日早來授書。〔大學生云〕理會的。學生每入班作揖。俺回家去來。〔衆學生下〕

〔子思云〕家童門首覷者。若有客來時。報復我知道。〔家童云〕理會的。〔正旦領孟少哥上〕〔云〕老身孟母是也。先居於鄉村之間。其子隨頑童壘土而戲。再移居於市。其子與商賈相交。乃隨機而變化。見景而生情。今日移居學堂之傍。則今日好日辰。將此子送入學堂攻書。老身用工織紡。

供給。不覺早至學堂也。家童報復去。道有鄒縣孟氏。送子入學。〔家童做報科〕〔云〕報的師父得知。有鄒縣孟氏。送子入學。〔子思云〕道有請。〔家童云〕理會的。有請。〔做見科〕〔子思云〕老母高姓。何方人氏。〔正旦云〕老身乃鄒縣人氏。姓孟。乃魯國孟孫之後也。夫主早逝。遺下此子。老身移居三次。至此。久聞先生傳孔聖之道。習先王之禮。教四海之英才。集天下之傑士。故送此子與先生爲徒。萬望先生垂訓是幸也。〔子思云〕焚起香來。先拜聖人遺像。今拜吾爲師。再拜你親者。〔孟少哥拜住科〕〔正旦云〕望先生則今日與孩兒起箇諱字者。〔子思云〕今老夫與你起學名諱字。且問老母數百里之地。如何三移到此也。〔正旦云〕老身數百里之地。乘其車輛而來。〔子思云〕車輛而來。就依車字邊傍。着箇可字。姓孟名軻字子輿。就今日攻書受業。節節發憤。孟軻爾願學乎。〔孟軻云〕軻雖不敏。請事斯語矣。願學脩身之教也。〔子思云〕蓋自天降生民。皆有仁義禮智之性。爾若讀聖經賢傳。辨精韞奧之意。燦耀明德至善。涵養浩然之氣。出乎天地之間。虛靈不昧。而學窮理正心脩身之道。齊家治國平天下之策。忠信孝弟全備。物有本末。事有終始。以溫良恭儉讓之德。五者乃聖德光輝。是以君子有絜矩之道也。〔孟軻云〕夫子千蹊萬徑。理有未窮。弟子存誠勸勉而學之。節節發憤。願爲學焉。〔子思云〕老母請回。〔正旦云〕多謝先生也。孟軻。你近前來。我分付你者。〔孟軻云〕母親有甚分付的言語。試說與你兒者。〔正旦唱〕

〔賞花時〕則要你用志潛心可敬思。誠意修身不退辭。今日箇專意拜明師。則爲我三移教子。你可便學禮更學詩。〔孟軻云〕您兒發憤讀書。母親但放心也。〔正旦唱〕

〔么篇〕你如今發憤忘食記在茲。精進功勤皆在爾。雖然是居蓬華苦茅茨。你若是朝經暮史。那其間須有箇稱心時。〔下〕〔子思云〕老母去了也。怎想本國孟孫之後。其母大賢。移居三處。將子送來入學。吾觀此子。心性明敏。語句安詳。真奇童也。孟軻今日將次天晚。放學回家。夜間讀誦。明日早晨攻書。謹依學中規矩。務要聽我教訓。先王道統之傳也。昔日周公生伯禽。賜封魯國。已年深。天將孔子成儒教。道統相傳到至今。〔同下〕

第三折

〔正旦領淨侍女上〕〔云〕老身孟母是也。初居田野。吾子隨隣童築埋而戲。次居市廛。學兒暴之。徒。今居學堂之傍。吾子學詩禮俎豆之事。此處真可以居吾子也。學經數載餘矣。未知學成人乎。老身攻紡織績。又娶良家之女與孟軻爲妻。今日老身正在織機之際。若孟軻來時。自有箇主意也。〔侍女云〕妳妳爲小哥哥日夜費心。攻紡織績。似此教子。天下少有也。〔正旦唱〕

〔中呂粉蝶兒〕往常我家道衰微。數十年不能存濟。我實不甘受驅馳。養桑蠶。繅絲繭。絡成經緯。投至到績紵安機。晝無閑夜間無寐。〔侍女云〕妳妳年紀高大。

將這亂絲絡得如何整齊也。〔正旦唱〕

〔醉春風〕這蠶絲穿五做綾紋。則他這經雙成絹正。擲梭來往手難停。我親自索織。織多効工夫。不辭勞苦。因此上立成家計。〔孟軻上〕〔云〕小生孟軻是也。今日下

學回家見母親行去。說着話。可早來到也。不必報。我自過去。〔見科〕〔云〕母親。您孩兒來了也。

〔正旦云〕孟軻。學所至何如矣。〔孟軻云〕母親。您孩兒學而未至。仍自若也。〔正旦云〕噤聲。學之數年。未能成人。夫君子學以立名。問則廣知。是以居則安寧。動則遠害。今日而學未成人。是不免於下流厮役。示當於禍患。乃中道而廢。男子隳於脩讀。不與竊盜。則與魯夫也。〔以上五句文意不貫。當有脫誤。〕如刀

斷織。已成廢物也。〔正旦將刀斷機科〕〔孟軻做懼怕跪科〕〔云〕母親息怒。因您兒不勤廢學。着母親用心遠慮也。〔正旦唱〕

〔迎仙客〕你如今不攻勤。不念習。少才思。少精微。則你那進道不成。可也如斷織。〔孟軻云〕母親。您孩兒學在己。是君子當爲也。〔正旦唱〕那裡有志於心學在己。甚的是君子當爲。端的是有損而無益。〔孟軻云〕你兒在學數年。未明性理。若文章顯耀。一旦豁然貫通。你兒自此之後。朝夕勤學。母親且恕其過也。〔正旦唱〕

〔紅繡鞋〕誰想你墮四體。無學空廢。我指望你學十年有志奪魁。却原來先聖

經綸可也未曾知。高才的天下少。獨秀的世間稀。〔孟軻云〕母親。您孩兒未能穎悟也。

〔正旦做怒科〕〔唱〕敢甚的是廣文章可無賽比。〔云〕好教我兩難也。且起來。你自三思者。

〔孟軻云〕謝母親不責之恩。你兒再學數載。必然成就也。〔正旦云〕孟軻孩兒。你近前來。豈不聞君子以文會友。以友輔仁。講學會友。則道益明。取善以輔。則德日進。則要你苦志攻書。下學上達之源也。〔孟軻云〕母親。你孩兒聽從教命。〔旦兒上〕〔云〕妾身乃孟軻之妻。因孟軻不肯專心苦志讀書。怠慢廢學。老母教訓。妾身可去哀告。來至堂前。見婆婆去者。〔做見科〕〔云〕母親萬福。〔正旦云〕媳婦兒。不會喚你。你來做甚麼。〔旦兒云〕母親。您媳婦兒見孟軻不肯專心苦志於詩書。恐怠慢於學問。故來見母親。發一狂言。以警孟軻也。〔正旦云〕賢哉哲婦。有何警語。〔旦兒云〕豈不聞孔子云。吾嘗終日不食。終夜不寢。以思無益不如學也。此爲思而不學者言之。蓋勞心以必求。不如遜志而自得。凡古人所爲。便是今人樣子。所謂惟學遜志。孔子且好古敏而求之。自家聰明有限。若不學只去思。縱然思得。也只是杜撰。未必合宜中節。你若肯苦志攻書。休愁聖賢之位也。〔正旦云〕有斯人哉。必有斯婦也。君子謀道不謀食。憂道不憂貧。信有之也。〔唱〕

〔十二月〕則要你留心在典籍。則要你苦志溫習。則要你爲仁克己。則要你見賢思齊。這的是先賢道理。你可便須索依隨。

〔堯民歌〕敢想先賢憂道不憂戚。呀。敢這的是君子謀道不謀食。你若是螢窗雪案在朝夕。有一日黃卷青燈把名馳。誰也波及。重裊列鼎食。這的是祿在其中矣。〔孟軻云〕您孩兒務要學脩身正心齊家治國平天下之策也。〔正旦唱〕

〔尾聲〕未脩身先正心。先齊家乃治國。將聖門大德行於世。率性脩仁正天理。〔同旦兒侍女下〕〔孟軻云〕母親爲我廢學。好生憂心。我豈不恥哉。老母生嗔以斷機。學而未就不能及。一朝篤志通儒道。秉正人倫天下知。〔下〕

第四折

〔外扮魯公子領卒子上〕〔云〕戰國春秋各霸雄。分茅列土展疆封。文能武盛安天下。治國興邦定太平。某乃魯平公是也。俺本國會出賢人孔子。教三千徒衆。出七十二賢。四科十哲。顏回有亞聖之學。曾參有傳道之德。然後有孔門之孫子思。已得曾子之傳。子思已老。今有鄰人孟子。得其傳授。近聞此人明其道理。未曾得遇。今欲乘車而見訪賢人。請上大夫臧倉同往。有何不可。令人與我請將臧倉來者。〔卒子云〕理會的。臧倉安在。〔外扮臧倉上〕〔云〕報國虔誠定八荒。紛紛戰國各封疆。華夷萬載豐穰盛。輔弼忠心佐魯邦。小官乃臧倉是也。佐於魯公麾下。爲上大夫之職。公子呼喚。不知有甚事。須索走一遭去。可早來到也。令人報復去。道有臧倉來了也。〔卒子報科〕

〔云〕理會的。喏。報的公子得知。有臧倉來了也。〔魯公子云〕着他過來。〔卒子云〕理會的。過去。〔做見科〕〔臧倉云〕公子。呼喚小官來有何事也。〔魯公子云〕聞知孟子大賢。今日乘其車馬。我同大夫相訪一遭。你意下如何也。〔臧倉云〕公子。孟子非賢乎。何哉。公子所爲輕身以先於匹夫者。以爲賢乎。禮義由賢者出。而孟子之後喪踰前喪。公子無見焉。〔魯公子云〕原來此人非賢。不可去之。有中大夫樂正子。原是鄒人。請來問其故。令人與我請將樂正子來者。〔卒子云〕理會的。樂正子安在。〔臧倉云〕既然如此。小官告回。移居三次受窮途。何勞公子訪匹夫。輕車特往親身見。他有何名目播江湖。〔下〕〔外扮樂正子上〕〔云〕東魯封疆樂有餘。山明水秀出皇都。人靈多俊民豐厚。彝倫禮樂正車書。小官樂正子是也。官拜魯國中大夫之職。今日公子呼喚。不知有甚事。須索走一遭去。可早來到也。令人報復去。道有樂正子來見。〔卒子報科〕〔云〕理會的。喏。報的公子得知。有樂正子來見。〔魯公子云〕道有請。〔卒子云〕理會的。有請。〔樂正子見科〕〔云〕公子。喚小官有何事也。〔魯公子云〕大夫。孟子可賢乎。〔樂正子云〕孟子大賢。乃孔門之徒。亞聖之才也。〔魯公子云〕吾欲乘車相訪。臧倉所言。孟子非賢。後喪踰前喪。乃有過之匹夫。吾所以不往也。〔樂正子云〕何哉。公子所謂踰者。前以士。後以大夫。非踰也。人之貧富不同。豈爲匹夫之人也。公子敢不可乎。〔魯公子云〕樂正子所言。孟子大賢。臧倉所言。孟子非賢。疑惑不定。不可乘車馬前。

去。樂正子。你可請孟子前來。談論先王之道。今日衆官各回私宅去。樂正子。你去相請。不可遲延。綱常之禮。正人倫。善與交。情秉性淳。則爲他治國齊家存妙策。誠心正意。請賢臣。〔同下〕〔孟軻領家童上〕〔二云〕戰國春秋分異邦。尊崇孔氏道傳揚。遠聞魏國招賢士。千里區區訪大梁。小生孟子是也。想我幼年。與兒童築堦而戲。我母移居在市。嬉戲爲商賈。後移居近於學堂之傍。皆是我母三移之德也。若不勤學。我之過也。大丈夫不憤不啓。不悱不發。朝夕苦志。方成大儒。今時乙酉三十三年。小生遊於魏國。初見梁惠王。所言利國之事。小生對曰。王何必曰利。亦有仁義而已矣。惠王卑禮厚幣相待。留戀小生。小生堅意不肯。爲有老母在於本國。路途遙遠。難可遷移。還歸故里。若魯國納賢。就此附近爲仕奉母。不亦可乎。家童門首覷者。若有客至。報復我知道。〔家童云〕理會的。〔樂正子上〕〔二云〕駿馬親馳離本國。敬訪賢人到此間。小官奉魯公子之命。來請孟子。不覺早至也。家童報復去。道有樂正子。特來相見也。〔家童云〕理會的。報的師父得知。有中大夫樂正子。特來相見。〔孟軻云〕道有請。〔家童云〕理會的。有請。〔做見科〕〔孟軻云〕樂大夫。你來爲何也。〔樂正子云〕小官奉魯平公之命。請夫子前去相見談話也。〔孟軻云〕我欲前往。則恐本國輕賢否。〔樂正子云〕魯平公欲乘車馬來見。被嬖人臧倉沮君相阻。言公非賢乎。乃踰夷有過之匹夫。何輕身以見之也。〔孟軻云〕行或使之。止或尼之。行止非人所能也。吾不遇魯侯。皆天命

也。臧氏之子。焉能沮君相阻。使我不遇哉。皆我時運衰也。夫臧倉者。乃嬖愛之人也。去則不悅。樂正子。你可回報魯公。說孟子不來。我且待時守分。隱跡韜光。學在己。知不知在人。豈有愠怒之哉。
〔樂正子云〕夫子既然不往。小官回報魯公話。走一遭去。奉命親差聘股肱。豈期孟子不相從。方知聖道如天遠。星夜還朝見魯公。
〔下〕〔外扮齊使陳賈上〕〔云〕臨淄渤海錦華夷。高捲征旗掛酒旗。遠退兵戈無戰鬪。臣賢竭力仕於齊。小官乃齊國大夫陳賈是也。奉公子田忌之命。來請孟子。可早來到也。令人報復去。道有齊國大夫陳賈來見。
〔家童云〕理會的。報的師父得知。有齊大夫陳賈來見。
〔孟軻云〕道有請。
〔家童云〕理會的。有請。
〔做見科〕
〔孟軻云〕小子有何德能。教大人勞意至此也。
〔陳賈云〕今奉齊公子田忌之命。特請夫子談話也。
〔孟軻云〕大夫先行。吾辭別老母。然後便來也。
〔陳賈云〕夫子准來。小官先去。報復公子去也。則爲他推明禮樂正綱常。治國安民一棟梁。驛馬奔馳還故國。不分星夜到齊邦。
〔下〕
〔孟軻云〕大夫去了也。吾待遊於遠方。爭奈老母年高。不能遷移。今齊國附近之邦。可以去之。若本國納賢。就此附近爲仕。奉母報恩。以成忠孝。豈不美乎。小生去後堂中辭別老母。引着家童。便索前去。此一去濟濟英才天下奇。誰知孔氏道玄微。古來至德先王理。今日傳流與天齊。
〔同下〕
〔齊公子領卒子上〕〔云〕東海臨淄擁四關。年來積穀若丘山。屯軍帶甲皆能守。總教諸國不相干。某乃齊公子田忌是也。國都臨淄渤海。

本國有一軍師。乃是孫子。燕國人也。與龐涓於雲夢山學藝。前後下山。至於魏國。龐涓得志。不念同堂學藝之情。將孫子刖其雙足。某使上大夫卜商請至本國。用爲軍師。不想龐涓領魏兵伐韓國。其國使人求救。某統齊兵拜孫子爲軍師。將領田嬰田勝同去救韓伐魏。孫子用減竈之法。將龐涓困於馬陵。智窮斬於樹下。大破魏兵。稱齊邦爲大國。今孫子年老。本國少賢。近聞鄰人孟軻。乃孔氏之門徒。得傳聖道。令人邀請去了。這早晚敢待來也。〔陳賈上〕云。小官乃齊大夫陳賈是也。奉公子的命。請的孟軻來於本國。先報公子去。可早來到也。小校報復去。道有陳賈來了也。〔卒子云〕理會的。喏。報的公子得知。有陳賈來了也。〔齊公子云〕着他過來。〔卒子云〕理會的。過去。〔做見科〕〔陳賈云〕公子使令小官請的孟子至也。〔齊公子云〕在於遠近。可去迎接。〔陳賈云〕不遠。便至也。〔孟軻上〕云。自從離本地。不覺至齊邦。小生孟軻是也。拜辭老母。離了本國。不分星夜。至於齊國。遠遠望見車馬。莫非是齊公子否麼。〔做見科〕〔齊公子云〕有請有請。敢請夫子至於本國。談論興邦之事。可得聞乎。〔孟軻云〕聞知公子納賢。小子願與之言也。〔齊公子云〕今時戰國之間。秦楚燕齊韓趙魏也。惟秦國都於咸陽。承大國之業。地方寬闊。尙有不足之心。以攻伐隣國。今有蘇秦張儀。合從連橫。着六國合兵征秦。今請夫子來。求計如何。〔孟軻云〕三代之際。發政施仁。唐堯有德。其仁如天。其智如神。就之如日。望之如雲。富而不驕。貴而不奢。讓位

與舜。以盡孝悌。用八元八凱。去其四凶。以治天下。讓位與禹。左準繩。右規矩。作大夏。鑄九鼎。殷湯繼之。聘伊尹。放桀於南巢。六事自責。作大漢典。後來古公積德。生聖孫文王。尊呂望爲太公。武王伐紂之時。封天下七十二國。今併吞爲七國。各霸其一方。詩云。天生蒸民。有物有則。民之秉彝。好是懿德。治民之法。五畝之宅。樹之以桑。鷄豚狗彘之畜。無失其時。百畝之田。勿奪其時。八口之家。可以無餓矣。謹庠序之教。申之以孝悌之義。斑白者不負戴於道路矣。老者衣帛食肉。黎民不饑不寒。然而不王者。未之有也。今本國地方二千餘里。帶甲數十餘萬。四塞之地。土積穀如丘山。公子若任賢使能。守四境邊界。以仁義教化其民。實乃萬乘之國也。〔齊公子云〕夫子乃孔氏之教。亞聖之賢。立儒學於齊國。可封爲上卿。俺同見齊宣王去來。當初孔子生於魯。今日賢人長在鄭。大國立學尊儒教。重將經典廣傳流。〔同下〕〔孟軻云〕誰想齊國果然重賢。建立儒學。書云。漸民以仁。摩民以義。何愁賢士不生。人才不產。小生這一見宣王。所言治國安民之事。齊國必然大治也。七篇書要正人心。二百餘章得意深。大統相傳明聖理。春秋禮樂重儒林。〔下〕〔臧倉上〕〔云〕事要前思。免勞後悔。小官臧倉是也。當日魯平公欲乘車訪孟子。因小官不識其賢。毀傷孟子。今齊國請孟子。封爲上卿之職。俺魯公恐齊國領兵征伐。那其間怎了。可不責罪於小官。乘此事未決。小官不避其恥。則今日背一束的荆杖。肉袒而見。直至孟子宅內請罪。走一遭去。若孟子

寬洪海量。不記前恥。恕某無事。實乃萬幸。若得苟免其罪。死亦無恨。大丈夫睜着眼做。合着眼受。齊國招賢封上卿。豁達大度任賢臣。小官悔罪宅門外。今日臧倉親負荊。〔下〕〔正旦領淨侍女上〕〔二云〕老身孟母是也。則爲吾兒性好貪頑。老身移居三次。近於學堂。使孟軻受業於子思之門。學成儒業。今齊國令人請的去了。老身想來。若不讀書呵。焉能與諸侯談論也呵。〔唱〕

〔雙調新水令〕想當日道傳孔氏與顏曾。謹脩身正心養性。建學集諸子。立教聚羣英。今日箇義理分明。因此上萬代敬宣聖。〔云〕孩兒每也。若有客至。報復我知道。

〔侍女云〕理會的。〔家童上〕〔云〕自家家童的便是。跟隨孟夫子至齊國。封爲上卿。前來報與老母知道。可早來到也。報復去。道家童來了也。〔侍女報科〕〔云〕妳妳。家童來了也。〔正旦云〕着他過來。〔侍女云〕過去。〔家童做見科〕〔二云〕老母。幸喜今夫子至齊國封上卿。今日齊公同來。拜見老母也。〔正旦云〕在於何處。〔家童云〕便至也。〔孟軻上〕〔云〕齊君大喜蒙遷用。錦衣歸故拜尊堂。小官孟軻是也。昨日至齊國言談。齊公大喜。封小官爲上卿之職。今日回家拜母去。可早來到也。不必報復。我自己過去。〔做見科〕〔二云〕母親。不想您兒至齊國。因談話之間。齊宣王大喜。封爲上卿之職。今日回家。拜答母親三移之教也。〔正旦云〕孟軻。誰想有今日也。兀的不歡喜殺老身也。〔唱〕

〔鴈兒落〕你如今封官至九卿。受爵曾三聘。齊家秉五常。治國尊千乘。〔孟軻云〕
不想你兒五經通曉。蓋世功名也。〔正旦唱〕

〔得勝令〕你今日箇便天下顯奇能。更那堪蓋世有功名。講的是春秋義。誦的是毛詩周易經。澄清。明皎皎蟾影一輪淨。你今日可便飛騰。志昂昂鵬搏九萬程。〔齊公子田忌上大夫檀子陳賈同上〕〔齊公子云〕親身至魯地。求賢離大齊。小官齊公子是也。

與孟母加封。走一遭去。可早來到也。老母裝香來。望闕跪者。聽聖人的命。爲你守節孤孀。三移教子。以成大儒。今與老母門立旌表。祿贈千鍾。封爲鄒國太夫人。望闕謝了恩者。〔正旦拜科〕〔云〕
感謝聖恩也。〔唱〕

〔沽美酒〕則爲我耐孤寒守志誠。持節操稟清貞。今日箇旌表門閭喜氣生。又將那皇家祿請。我這裡曲躬躬拜龍庭。

〔太平令〕願大國文脩武勝。願天朝海晏河清。觀玉闕輕煙籠定。望金鑾祥雲掩映。我則願的聖明守成。萬年壽增。則願的社稷山河寧靜。〔臧倉負荆上〕〔云〕小官臧倉是也。當日魯平公欲乘車訪孟子。被小官着言語。將孟子阻當。公子不來見訪。聞知齊國任用孟子爲上卿。俺魯公恐齊國領兵征伐。那其間可不責小官之罪。趁此事未決。小官今日不

避其恥。背一束荆杖。肉袒而見請罪。走一遭去。可早來到也。〔臧倉做跪科〕云死罪死罪。倉不義。倉有湯鑊之罪。請置於狐狐疑變貉之地。惟君死生之。臧倉特來請罪。公子寬恕寬恕。〔齊公子云〕老母。我心中欲將此人見罪。老母意下如何。〔正旦云〕公子不必將此人見罪。大人請起。〔臧倉云〕多謝了老母也。〔正旦唱〕

〔折桂令〕當日箇魯臧倉。遠播清名。你則待損害忠良。嫉妬賢能。甚的是舉善扶危。治民脩德。用法公平。何須你袒衣袂。一身負荆。則不如正衣冠。兩國無征。閑事休爭。樂意平生。今日箇齊魯相和。勝如那管鮑交情。〔齊公子云〕老母。一家兒望闕跪者。聽聖人命。與您加封賜賞。孟夫子生長於鄒。授藝業相承於魯。聲喧滿燕趙西秦。名揚播魏韓南楚。今時在齊國立學。聞儒教流傳萬古。這的是通儒宗一子明賢。虧了這治家道三移孟母。

題目 崇道統宣王設教
正名 守貞節孟母三移

孟母三移穿關

頭折

齊檀子

披廈冠領帶

補子圍蒼白髯

祇從

攢頂項帕

圓領襖

子思

散巾

茶褐直身

社長

雙簷氈

綿

布直身
兒拄杖

四牧童

紗包頭布惹

綿布襖花手巾

繡鞋

孟少哥

銀錠項帕

青衣襖

社長又上

同前

正

旦孟母仇氏

場頭手帕兒裙兒

布襖

鞋

侍女

髮髻縮兒

比甲襖兒

卜兒

同前孟

衆牧

童拖孟少哥又上

同前社長又上

同前

第二折

大屠戶

雙簷氈帽布直身

襖

二屠戶

氈帽衣

青襖

孟少哥

攢頂項帕

青衣

正旦孟母

侍女

同前

二屠戶孟少哥又上

同前

楔子

子思

同前

學生六人

銀錠項帕

青衣襖

家童

攢頂項帕

青衣

正旦孟母

孟少哥

同前

第三折

正旦孟母侍女同前孟軻一字巾旦兒場頭手帕襖兒

第四折

魯公子簪纓公子冠上衫袍方心曲領火裙錦卒子紅碗子盞青布釘臧倉


披廈冠補子圓樂正子一字巾補子圓孟軻家童同前樂正子又上同前齊使陳

賈同前樂正子裝扮齊公子同前魯公子式卒子同前陳賈又上同前孟軻又上同前臧倉又上同前

正旦孟母侍女同前家童同前孟軻披廈冠補子圓齊公子田忌齊檀子陳賈又

上同前臧倉又上同前背荆杖

萬曆四十三年七月初三日校內本皆自四十二年甲寅雨至是日
始得雨寸許晚禾稍甦矣清常道人記
崇禎紀元二月之望偕友南下舟次無眠讀此消夜頗得卷中之味



吳起敵秦掛帥印

闕名

楔子

〔外扮秦昭公領卒子上〕〔云〕地遠山長號令明。三川八水占西秦。兵屯百萬分強弱。赴赴英雄居大城。某秦昭公是也。方今大周天下景王之世。遠祖乃五帝后稷之裔。自隨武王伐紂成功。牧馬於華山之陽。放牛於桃林之野。天下寧息。干戈寧靜。分諸侯七十二國。後來以強凌弱。遞相征伐。併吞爲十八國。自因伍員鬧了俺臨潼之後。并爲七國。是那七國。秦齊燕趙韓楚魏。惟俺秦國最強。有四關之險。八水三川。兵有百萬。將有千員。欲要併吞天下。都歸伏俺秦邦。今傳令與衆將。整點人馬。先取西河魏國。然後再取別邦。務要都歸於某麾下。則今日整點人馬。走一遭去。雄赴赴領將排軍。明晃晃鎧甲盔纓。先取了西河魏地。則一陣定見輸贏。〔下〕〔外扮卜兒領家童上〕〔云〕髮髻蒼蒼度歲華。老來憂慮亂如麻。兒孫未見蟬噪顯。獨步寒窗針倦拿。老身姓李。夫主姓吳。不幸早年辭世。所生一子。乃是吳起。方今春秋之世。未曾進取功名。孩兒今要辭別老身。投奔魯國去。家童你門首望者。若哥哥來時。報老身知道。〔家童云〕理會的。他終日在家。則念百家姓。看他幾時做官。這早晚敢待來也。〔正末扮吳起上〕〔云〕小生吳起是也。祖居臨淮下湘人氏。父

親早亡。見有老母在堂。小生學成滿腹兵書戰策。方今七國。小生聞知魯懿公招賢納士。今日辭別了母親。進取功名。走一遭去。可早來到草堂上。家童報復去。道有小生來了。〔家童云〕哥哥來了。我報復去。〔家童云〕母親。哥哥來了也。〔卜兒云〕着他過來。〔家童云〕理會的。着過去。〔正末見科〕〔云〕母親。您孩兒來了也。今日是吉日良辰。辭別了母親。進取功名去也。〔卜兒云〕孩兒你放心。我往你舅舅家住去。你若得了官呵。着人來取我。着家童跟了你去扶持你。可是如何。〔正末云〕既然這等。小生領家童去也。〔家童云〕也罷也罷。我跟了哥哥去。你做了官。擡舉我做箇總甲。抽分螃蟹耍子。〔卜兒云〕孩兒你着志者。〔正末云〕母親放心也。〔唱〕

〔賞花時〕我如今辭了萱堂至魯邦。展我胸中有氣象。〔卜兒云〕孩兒你可憑着些甚麼。奪取皇家富貴也。〔正末云〕母親。您孩兒憑着胸中豪氣。〔唱〕我從來能手策。性溫良。非咱說謊。〔云〕就此拜別母親。便索長行。家童俺去來。〔拜科〕〔唱〕指望待着衣錦却還鄉。〔同家童下〕〔卜兒云〕孩兒去了也。他這一去。投於魯國。必然爲官。老身去我兄弟家中住去也。有吳起學問多餘。天下分七國誰如。若掛印領兵爲將。那其間名標丹書。〔下〕

頭折

〔魏文侯領卒子上〕〔云〕魏國山河住大梁。夷門一帶景非常。山明水秀賢人廣。士馬雄威膽力

強。某魏文侯是也。吾之遠祖。乃五帝之後。因舜使禹王治水。輔佐禹王平治水土有功。封爲諸侯。先祖畢公高。文王之子。武王之弟。紂王失德。暴虐生民。武王奉文王之命。奉辭伐罪。遂有天下。國號大周。封俺公公爲魏侯。子孫乃姓魏氏。已歷數世。卽今周景王在位。天下分爲七國。是這秦齊燕趙韓楚魏。這七國之中。各分疆土。遞年倚強凌弱。不肯相下。我魏國山河險固。士馬精強。山藏美玉。地產英才。夷門畔景物無邊。汴河岸萬般清致。軍糧廣有。甲冑堅牢。雖然強勝。爭奈無有一員善行兵的大將。不期有秦國無故拜將興師。侵俺河內城池。我如今聚衆將來。與他商議。怎生用計。可退秦師。早間着人相請去了。不見到來。這早晚衆將敢待來也。〔李克季仲上〕〔李克云〕百計千謀。智量高。紛紛各國動鎗刀。心懷忠孝無人比。春秋之內把名標。小官魏國大丞相李克是也。這位夫人。乃是大夫季仲。小官幼習詩書。深看文章。幼而習學於孟子。與段干木魏文侯同共學業。端的文學似錦。筆走龍蛇。卽今春秋之世。七國分疆。遂輔佐於文侯麾下。加我爲丞相之職。自從輔佐以來。夙夜不敢少怠。治國勞形。盡忠竭力。遂南和楚趙。北拒燕齊。保魏國如泰山之安。磐石之固。皆是小官之能也。今日無甚事。正在私宅中閑坐。有公子在府中聚俺衆官。不知有甚事。須索走一遭去。〔季仲云〕丞相。我想俺魏國之地。城池完固。山川峻峻。有金城湯池之險。兵強將勇。各國皆聞其名。今日公子聚俺。必有將令。可早來到也。小校報復去。道有俺二人來了也。

〔卒子云〕理會的。喏。有丞相同季仲來了也。〔文侯云〕道有請。〔卒子云〕理會的。有請。〔做見科〕
〔季仲云〕公子。俺二人來了也。有何將令。〔文侯云〕你且少待。等公孫鐸來時。慢慢的與您商議。
這早晚敢待來也。〔淨公孫鐸上〕云。我是大將公孫鐸。又會擂鼓又篩鑼。每日家中喫罷飯。象
房裏頭騎駱駝。自家魏國大將公孫鐸是也。我幼習韜略。諸事不通。般般不濟。聽得上陣。便流眼
淚。叫我喫酒。一夜不睡。今日無甚事。正在竈前炕上打觔斗耍子。有我們公子在府裏着人請我。
一准他害悶着。我唱兩篇西廂記耍子兒。不必說了。則是這等了。來到也。小校報復去。道有你大
叔來了。〔卒子云〕理會的。喏。有公孫鐸來了也。〔文侯云〕着他過來。〔卒子云〕理會的。着過去。
〔做見科〕〔公孫鐸云〕作揖。老大兒。我在下來了也。你叫我的意。我知道了。你心裏害悶。敢要我
和你去朝陽門外頭耍去。是也不是。〔文侯云〕你看這廝。你衆官人近前來。我與您商議軍情大
事。不期如今秦昭公無故興兵。侵犯河內。爭奈俺國中無一員能征戰將。你衆人可保舉一箇賢
士來。我拜他爲帥。領兵前去征伐秦兵。倘若有功。我重重的加賞封官。你衆人心下如何。〔公孫
鐸云〕去也。你夾腦風。放着我這等一箇人不拜我。又去尋別人去。拿印來我掛。我領兵去迎敵
秦兵去。一准不剩一箇回來家。可不好耍。〔文侯云〕這廝胡說。〔李克云〕公子你放心。俺這魏國
夷門外。有一箇賢士。乃是吳起。此人有伊呂之才。安邦之策。則除此人。可以任事。〔文侯云〕好好

好。我也久聞此人之賢。您三人去他宅中。相請此人。走一遭去。我先回去也。爲秦兵侵俺封疆。說吳起最是賢良。請他來驅兵領將。穩情取得勝還鄉。〔卒子同下〕〔季仲云〕李克公子回去了也。俺便索請命他去來。〔李克云〕你二人跟着我直到吳起宅中。相請此人。走一遭去。魏國中多有賢才。惟吳起布衣沉埋。急離了公子帥府。便到那賢士莊宅。〔同下〕〔正末領家童上〕〔云〕小生吳起是也。自從辭別了老母。來投魯國。後謁秦邦。皆不能用。以此流落於魏國夷門外。閉戶閑居。況兼春秋之世。天下離亂。幾時得那發跡的時候也呵。〔唱〕

〔仙呂點絳脣〕見如今各國分茅。不遵王道。相征討。各動鎗刀。四海內紛紛鬧。〔混江龍〕不能穀身榮顯耀。枉了我蓬窗曉夜看龍韜。看別人輕裘肥馬。待漏隨朝。但得箇金印暫時提在手。我將犬羊之輩盡勾消。不由人仰面忻然笑。每日家思念念。怎能穀其樂陶陶。〔云〕家童門首望者。看有甚麼人來。〔李克季仲公孫鐸上〕〔李克云〕只因秦國興戈甲。訪覓賢良特地來。小官李克是也。這二位是季仲公孫鐸。俺奉文侯公子之命。爲因秦國無故興師。侵俺河內城池。我在公子跟前保舉吳起。說此人行兵。不在穰苴之下。公子大喜。着俺三人敬來相請。二位大人。俺行動些。〔季仲云〕丞相。我也久聞吳起。是一箇飽學之人。真乃俺魏國之寶也。〔公孫鐸云〕你兩箇一對夾腦風。他省的些甚麼。你請他去。我做

了元帥便罷了。我看你請他來怎麼到他家門首也。兀那小的。你報復去。道有我們丞相并大夫和你大叔來了。〔家童云〕理會的。喏。有三位大人來了也。〔正末云〕道有請。〔家童云〕理會的。有請。〔做見科〕〔正末云〕呀呀呀。大人每來了也。小生有失迎接也呵。〔李克云〕不敢不敢。〔正末唱〕

〔油葫蘆〕感謝高軒深動勞。有失些迎迓了。〔李克云〕小官奉公子之命。故來相訪也。〔正末唱〕多謝那魏邦公子肯相邀。量我這箇貧儒那會朝聞道。怎消的英傑枉駕來相召。〔李克云〕小官聞先生大名。故來聽鑑。〔正末唱〕我又無甚伊尹能。呂望學。止不過寒窗每日觀書飽。端的可也苦志受劬勞。〔公孫鐸云〕你知道些甚麼。我若念起

竈經來。你怎麼來撒的。〔正末唱〕

〔天下樂〕何須你言詞相戲謔。賣弄你輕也波薄。語話高。〔季仲云〕賢士之材。實乃名播各國也。〔正末唱〕若論着大名光四表。我若是領大兵。興戰討。穩情取把煙塵一旦掃。〔李克云〕賢士。小官今日奉公子之命。特來探望來。就問賢士。如何是行兵決勝。賢士略說一遍。小官聽者。〔正末云〕大人。若論行兵決勝之道呵。聽小生說一遍。〔唱〕

〔那吒令〕若論着爲將呵。掌軍權不小。用智呵。觀山川勢巧。未戰時安排計略。

〔李克云〕賢士之言。可也。深有道理也。〔正末唱〕要智信仁勇嚴。除此外非奇妙。飽諳些虎略龍韜。〔公孫鐸云〕你悄悄的。我念些兵法你聽。孫子兵書曰。上大人丘乙己。化三千七十士。

爾小生八九子。佳作仁。可知禮也。你省的些甚麼。〔正末唱〕

〔鵲踏枝〕你那裡語喧囂話偏高。一謎裡亂道胡云。那裡也義理清標。險將這大人行笑倒。〔公孫鐸云〕你笑倒了。我不扶你。看你怎麼起來。〔正末唱〕可惜你枉做臣僚。

〔李克云〕住住住。賢士有此胸襟。因何不求一仕。輔佐國家。以顯其能。豈不美哉。〔正末云〕大人。小生怕不求仕。爭奈世路艱難。所以淹留在此。〔李克云〕怎生世路艱難。你試說一遍。我試聽者。

〔正末唱〕

〔寄生草〕我怕不待求榮顯。輔聖朝。赤緊的家貧不敢圖名爵。況遇着干戈七國相爭鬧。則不如銜盃萬事從吾樂。〔季仲云〕賢士若肯求仕呵。何愁榮顯富貴也。〔正末唱〕我若居官一品位三公。便安排功名圖像居廊廟。〔李克云〕賢士。你還不知。我非奉私來詐道。有公子之命。一逕的請你。着你登壇拜將。迎敵秦兵。便請見公子去來。〔正末云〕呀。呀。呀。多謝了公子之惠。量小官有何德能也。〔唱〕

〔金盞兒〕你看我建功勞。把名標。春秋之世相征討。我着那秦邦魄散五魂消。

〔李克云〕我一逕的在公子跟前保舉你來。〔正末唱〕多謝了親身相薦舉。將我緊相邀。方趁了心間意。萬事盡勾消。〔李克云〕賢士則怕公子久等。俺同見公子去來。〔正末云〕大人先行。小生收拾了。便見公子去。小生後面更改衣服去也。〔唱〕

〔尾聲〕掛帥印。統軍卒。擺陣勢。成功効。安排下南征北討。一旦身榮居畫閣。顯雄威扶立皇朝。看殺氣罩青霄。執掌旌旄。〔李克云〕賢士你便來。休着俺久等也。〔正末唱〕頃刻之間來到了。更怕我心中見錯。非是我歪談胡道。〔云〕衆大人勿罪。小生便來也。〔唱〕你看我立山河萬載永堅牢。〔家童跟下〕〔李克云〕吳起更衣去了也。俺先見公子去來。〔公孫鐸云〕我來了這一日。餓的我肚裏饑起來。我說你兩箇有帶的燒餅。與我一箇喫。〔季仲云〕你休胡說。俺見公子去來也。有吳起名貫春秋。在布衣數載淹留。俺衆人親身舉薦。穩情取拜相封侯。〔下〕

第二折

〔秦昭公領卒子上〕〔云〕整點軍卒排將校。先收魏國取夷門。某秦昭公是也。今日招集軍將。整點人馬。都停當。要征伐各國。先取魏國河內五城。雖有百員戰將。未知誰人堪可掛印。等我兄弟姬成來。與他商議。着他掛帥印。未知如何。小校望者。這早晚敢待來也。〔卒子云〕理會的。〔外扮

姬成上〔云〕紛紛七國起干戈。獨霸中原力漸磨。雄兵久鎮咸陽界。刀斧林林盡罩合。某秦昭公之弟姬成是也。方今大周之世。如今七國。惟秦國最強。兵有百萬。將有千員。咸陽乃天府之國。山水雄壯。今欲要收伏天下六國。早晚興師。今日有昭公呼喚。須索走一遭去。可早來到也。小校報復去。道有某來了。〔卒子云〕理會的。喏。有姬成來了也。〔昭公云〕着他過來。〔卒子云〕理會的。着過去。〔姬成見科〕〔云〕公子喚某。有何事也。〔昭公云〕姬成。喚你來不爲別。某今要收伏魏國。誰爲大將。〔姬成云〕公子。今俺秦邦有五虎將。堪可收伏魏國。他每便至也。若來時。某掛印和他去收伏魏國去。〔昭公云〕既然五將來呵。便可發兵。小校望者。五虎將敢待來也。〔外扮淑簡蒙彪上〕〔淑簡云〕幼習兵書苦用心。每回臨陣顯英雄。平生海外興王業。掃蕩奸邪立太平。某大將淑簡是也。這位將軍是蒙彪。俺同佐於昭公麾下。號爲五虎。今要收伏天下六國。並爲一統封疆。今日公子在帥府中聚俺衆將。行動些。〔蒙彪云〕將軍。今收伏天下。必須平魏國五城。俺見公子去。可早來到也。小校報復去。道有我二將來了也。〔卒子云〕理會的。喏。有淑簡蒙彪來了也。〔昭公云〕道有請。〔卒子云〕理會的。有請。〔二將見科〕〔蒙彪云〕公子。俺二將來了也。有何軍情之事。〔昭公云〕您二將且少待。等你五虎將來全時。一同計議。〔外扮王雄張虎上〕〔王雄云〕刀劍斜橫蟒半藏。東征西討顯高強。袍披烈火渾如錦。輔佐秦朝志氣剛。某秦大將王雄是也。這位

將軍是張虎。俺佐於秦昭公麾下。多立奇功。收伏海內。方今春秋之世。今要收伏六國。公子聚俺。見公子去來。〔張虎云〕將軍俺五人英雄出衆。號爲五虎之名。今日聚俺。必有軍情。可早來到也。小校報復去。道有俺二將來了也。〔卒子云〕理會的。喏。有王雄張虎來了也。〔昭公云〕道有請。〔卒子云〕理會的。有請。〔二將見科〕〔張虎云〕公子俺二將來了也。〔昭公云〕你且少待。等你都來全着。有事計議。〔淨扮姬樂上〕〔云〕我是大將姬樂。一生則好丟磚。若還打破人頭。一准喫他幾拳。自家秦國大將姬樂是也。佐於昭公麾下。論我的武藝。委實高強。真箇無名。若還惱了。就去搗芥。今日公子聚俺衆將。我也走一遭去。可早來到也。小校報復去。道有你大叔來了。〔卒子云〕理會的。喏。有姬樂來了也。〔昭公云〕着他過來。〔卒子云〕理會的。着過去。〔姬樂見科〕〔云〕公子呼喚俺衆將。那裡打一鍾耍子也。〔昭公云〕您都來了也。姬成。某有一件事。不曾與你說。前者有一箇吳起來投我。我不曾用他。着他回去了。此人如何。〔姬成云〕公子。某認的吳起。他是箇有學的人。則怕他投於魏國去。反難迎敵。〔昭公云〕姬成。你親自掛印爲帥。同五虎將取他夷門五城。便點人馬去者。〔姬成云〕公子着某去。某同淑簡取西河郡。你四將取夷門五城一帶。是保池溫縣南華新峯夷門。淑簡。俺去來。〔淑簡云〕將軍。俺點就人馬。便索長行也。〔姬成云〕則今日辭了公子。領衆將收魏國。走一遭去。齊排列劍戟鎗刀。出秦邦顯耀英豪。收魏國西河州郡。保家邦輔

佐皇朝〔同淑簡下〕〔王雄云〕張虎蒙彪姬樂俺四將取夷門五城一帶去來〔姬樂云〕你先行着。我便來。〔張虎云〕辭了公子。便點就人馬去也。雄兵浩浩出西秦。戈甲層層刀劍明。收伏魏國成功効。那其間方顯男兒立大功。〔同下〕〔姬樂云〕公子。他每都去了。我也去也。今日出陣顯胎孩。上的馬去拿榜牌。若還撞見好漢來。一准家裏便做齋。〔下〕〔昭公云〕他衆將都去了也。這一去必然成功。吾且回後堂中去也。差姬成掛印懸牌。五虎顯耀逞胸懷。若取了河內一帶。管情取六國都來。〔下〕〔魏文侯領卒子公孫鐸上〕〔魏文侯云〕李克舉薦與邦將。今日登壇拜將權。某魏文侯是也。這箇是吾手下將公孫鐸。今因秦國累累興兵。俺本國無有用兵之將。有丞相李克舉薦一賢士。乃是吳起。他親自到於彼宅。取至魏國夷門。今日吉日良辰。拜他爲將。某在此等衆將。這早晚敢待來也。〔公孫鐸云〕公子。我昨日做了一箇好夢。一准我做元帥了。等衆將來。就拜了我罷。〔文侯云〕你且一壁有者。小校望着衆將來時。報復我知道。〔卒子云〕理會的。〔李克季仲上〕〔李克云〕河西吳起眞賢士。舉在文侯耳目間。小官魏丞相李克是也。這位大人。乃是上大夫季仲。俺自佐於魏文侯手下。因爲俺魏文侯無領兵之將。小官聞知吳起能戰。投秦謁魯。不識其賢。在家閉戶讀書。小官直到他私宅。取此人至魏國。今日聚衆將。與他掛印登壇。大夫。俺先見公子去。〔季仲云〕丞相。想吳起多知戰策。廣看兵書。俺魏國既有此人。何懼秦軍。可早來到也。

小校報復去。道有俺二人來了也。〔卒子云〕理會的。喏。有丞相同大夫來了也。〔文侯云〕道有請。〔卒子云〕理會的。有請。〔二人見科〕〔李克云〕公子。俺二人來了也。〔文侯云〕丞相。你舉薦的賢士。今取至也。等衆將來全。拜他爲帥。這早晚敢待來也。〔外扮皇甫連澹臺豹西門受上〕〔皇甫連云〕學就兵書苦用功。刀揮素練電光生。忠扶魏國安天下。保鎮華夷百座城。某魏國大將皇甫連。這二位將軍。乃是澹臺豹西門受。今周朝之世。天下七國春秋。俺魏與秦國。累累交戰不下。今有李克丞相。舉薦一賢士。乃是吳起。今日吉旦良辰。登壇拜將。二位將軍。俺見公子去來。〔澹臺豹云〕將軍說這吳起善能用兵。乃是俺魏國之賢士也。〔西門受云〕可早來到也。小校報復去。道有俺三將來了也。〔卒子云〕理會的。喏。有皇甫連等三人來了也。〔文侯云〕道有請。〔卒子云〕理會的。有請。〔三將見科〕〔澹臺豹云〕公子。俺三將來了也。賢士來了不曾。〔文侯云〕您三將且少待。等吳起來時。報某知道。〔卒子云〕理會的。〔正末上〕〔云〕小生吳起是也。在這魏國夷門。閉戶讀書。不期有魏丞相李克。薦舉小生。丞相說魏文侯之賢。小生來到這魏國。今日請小生登壇拜將。須索走一遭去。吳起。誰想有今日也呵。〔唱〕

〔正宮端正好〕舉薦我掌軍權。則將這皇恩受。展機謀能領貔貅。我着那敵兵見了聞風走。殺的他人馬難收救。

〔滾繡毬〕本是箇寒窗一士流。文章老教頭。今日要你忠良顯咱寬厚。則爲我能運機籌。憑着我江湖一片心。誰承望今朝志已酬。我平生並無虛謬。投至得拜將封侯。見如今紛紛七國機謀大。各自施逞心下謀。這一場有喜無憂。〔云〕可早來到也。小校報復去。道有吳起在於門首。〔卒子云〕理會的。喏。有吳起來了也。〔文侯云〕道有請。〔卒子云〕有請。〔正末做見科〕〔云〕公子。小生來了也。〔文侯云〕呀呀呀。賢士來了。今日敬請登壇拜將。皆是丞相李克舉薦。望賢士展其大才。迎敵虎狼之秦。但若得些小功效。俺本國不忘賢士之德也。〔正末云〕量小生有何才智。先投二國。未展其才。今日蒙公子如此重用也。〔文侯云〕魯秦二國。不用賢士。皆因不識其賢也。某今重賢士。必須盡心竭力也。〔唱〕

〔倘秀才〕我是箇無奇才。寒窗下村叟。怎消的將壇上居官位侯。但能穀成功得志秋。心中喜。永無憂。願天長地久。〔李克云〕賢士。小官在公子前。舉薦賢士文武英才。深謀遠略。今日拜將之時。敵秦拒楚。七國稱賢。成功之後。不負小官舉薦也。〔正末云〕丞相。你則放心。吳起略展雄才。觀秦兵有如翻掌也。〔唱〕

〔呆骨朵〕建功勳一定名成就。我平生兵法全熟。〔文侯云〕則要賢士用意。可保本國無事也。〔正末唱〕你着我用意迎敵。殺的他趨前退後。〔李克云〕賢士。據你手策行兵之法。

穫其未可及矣。乃皇家社稷。玉柱金梁可安也。〔正末唱〕你道我安社稷。丞相你無虛謬。你看我展胸襟。妙策高。退敵兵難措手。〔卒子急報云〕報的公子得知。有秦國姬成爲帥。領五虎將軍。來攻俺夷門一帶五城。特來報與公子知道。〔文侯云〕賢士。今秦兵來攻五城。似此怎生是好也。〔正末云〕不妨事。你看我退這秦兵。着這五城並不一失也。〔文侯云〕既然這等。衆將。今日好日辰。就拜了元帥。掛了金印者。〔季仲云〕好好好。公子任用賢能。俺衆官人跟着公子拜元帥來。〔衆拜科〕〔正末云〕小生有何德能。着公子如此重用也。〔唱〕

〔脫布衫〕我這裡曲脊低頭。有何力拜將封侯。兩陣上敵軍見我。儘教他不陪生受。〔公孫鐸云〕公子你沒主張。怎生倒不要我爲元帥。倒要他用爲大將。他有甚麼本事。做的元帥。我在下本事。一頓喫五斤生薑。好醜漢子哩。〔正末唱〕

〔小梁州〕將我軍前言語羞。你可便怎敢承頭。你若臨軍出陣統戈矛。無人救。則你這性命一時休。〔公孫鐸云〕我倒不如你不成也。我好歹我要爲將。要一遭去。〔正末唱〕〔么篇〕從頭一一都猜透。你待要鼓腦爭頭。諛的我不敢言勞台侯。你如今領兵前去。他將你一鼓盡皆休。〔文侯云〕公孫鐸靠後。元帥休信他言語。支撥了衆將。行了兵罷。〔正末云〕衆將向前。聽我將令。〔唱〕

〔醉太平〕則要你將營門鎮守。他那裡定逞搗搜。〔皇甫連云〕小將在那裡使用。〔正末唱〕你與我安排妙計用心搜。到夷門城下頭。〔西門受云〕小將在那裡使用。〔正末唱〕你與我用心鎮守相逡逗。〔澹臺豹云〕小將在那裡使用。〔正末唱〕你可便單刀獨馬休倨傲。〔公孫鐸云〕元帥我也走一遭去。〔正末唱〕你是箇無名小將不中留。你可也休得要賣口。〔云〕你衆將都依我令前行。某爲五城都救應。你四將分爲四面四城。迎敵秦將。不許失誤也。〔文侯云〕你衆將都仔細也。保取城池。埋伏隄備。小心在意者。〔正末云〕公子。我領兵先行。你衆將隨後便來。不可遲慢也。〔皇甫連云〕俺得令。元帥放心先行。俺便至也。〔正末云〕某領兵去也。〔唱〕

〔尾聲〕我着他領兵驅將干生受。捲了旗旛不久留。顯威風第一籌。敢相持掃賊寇。我着那合死的秦兵敗軍走。〔下〕〔文侯云〕吳起去了也。今日秦兵來取西河郡也。着你衆將保守五城。小心在意者。〔皇甫連云〕俺領了將令。則今辭了公子。保夷門一帶。俺三將同去來。〔西門受云〕將軍這一去。就保池溫縣等處埋伏。量那秦兵。到的那裡。俺去來。〔澹臺豹云〕則今日領了將令。同吳起元帥保西河五城。走一遭去。這一去。列旌旗殺氣冲霄。統戈矛百萬英豪。保五城秦兵交戰。捨殘生定見功勞。〔三人同下〕〔文侯云〕公孫鐸。他三將去了。你便索整點。

人馬行兵。〔公孫鐸云〕公子。我在下不去罷。和你喫三鍾如何。〔李克云〕那得此理。你便行兵。休悞了將令。〔公孫鐸云〕罷罷罷。我也走一遭。你慢來。我若成功回來。多請你喫幾瓶。今日出陣。願交遊。兩陣相持。我倒愁。若還撞着秦將來。一准陣上丟了頭。〔下〕〔李克云〕公子。這吳起善能用兵。分其高下陣勢。左右列衆將埋伏。定然成功也。〔季仲云〕公子。今用吳起。皆是丞相舉薦賢士也。〔文侯云〕某得知也。二位大人。俺且回到我後堂中商議軍情。再着人往西河郡打聽。俺且回去來。奉吳起今日行兵。受皇宣掛印元戎。保西河五城無事。那其間方顯英雄。〔同下〕

第三折

〔公孫鐸驢馬兒領卒子上〕〔云〕吳起算來真夾腦。着我迎敵秦將來。自家魏國大將公孫鐸是也。因爲吳起做了元帥。恰好秦國起兵。侵我們魏國。他着我領着人馬爲前哨。打聽河內人馬來。的將近。我這一去。一准成不的。三十六計。走爲上計。沒奈何。一准則依着上計行罷。我兒也。不好了。兀那遠遠的。不是箇大叔來了。怎麼好。〔姬樂驢馬兒領卒子上〕〔云〕離了秦國十八里。走的老姬肚裏疼。自家秦國大將姬樂便是。奉我們姬成元帥將令。便領着人馬在後面。着我來這河內城池一帶。看他們準備不準備。遠遠的不知是甚麼人來了。我迎將去。〔做見科〕〔公孫鐸云〕嚳。你是那箇老叔。〔姬樂云〕好了。原來是我的姪兒。我是你大叔姬樂。來來來。我和你耍一會。

〔公孫鐸云〕來來來。他動起手了。我成不的。走了罷。走走走。〔下〕〔姬樂云〕他走了。更待干罷。不管那裡。我趕將去。〔下〕〔皇甫連西門受澹臺豹公孫鐸躍馬兒上〕〔皇甫連云〕誰知秦國興人馬。侵擾夷城一帶來。某魏國大將軍皇甫連是也。這三箇將軍。是西門受澹臺豹公孫鐸。俺奉吳起元帥將令。因爲秦國姬成領兵。來侵魏國。他去西門大路上等待秦兵。猶恐他侵擾這夷城等處。着俺四將在河內五城救應。衆將軍。俺如今分開人馬。保守城池。〔西門受云〕將軍。這吳元帥。端的多有機謀。此乃秦將疑兵之計。俺須索隄備也。〔澹臺豹云〕公孫鐸。他遇着秦兵。往這夷門大路上來了。若不是走的快呵。可怎了。這早晚一准家裏做齋。兀的不又有人馬來了。你們靠後。〔淑簡張虎蒙彪王雄姬樂躍馬兒領卒子上〕〔淑簡云〕領兵伐魏成功効。來取西河五郡城。某秦國大將淑簡是也。這四位將軍。乃是張虎王雄蒙彪姬樂。俺是秦國五虎。奉姬成元帥將令。着俺領着人馬。暗攻西河五城。料他不做準備。俺行動些。〔蒙彪云〕將軍。俺離了河內不遠了也。〔張虎云〕這西河五郡。俺若得了。覷西河魏國。一鼓而下。〔王雄云〕將軍。俺姬樂先得了一陣。這河內必無準備也。〔姬樂云〕我撞着一箇魏將。着我一陣殺的亡跑了。他敢去家裏叫他老子去了。你看眞箇來了。你們可掙箇些兒。我不惹他罷。〔做見科〕〔皇甫連云〕果然秦將來了。兀那秦將慢來。趁早兒下馬受降。〔公孫鐸云〕正是。不要怕他。我在後頭。怕他怎麼。〔淑簡云〕來者何人。

〔皇甫連云〕兀那秦將。某是皇甫連。這箇是澹臺豹。西門受。公孫鐸。俺奉吳起元帥將令。故來保這河內五郡城池。你來者何人。〔淑簡云〕某淑簡。這四位將軍。乃是張虎。王雄。蒙彪。姬變。俺奉姬成將令。來取您這河內五城。既然你來迎敵。來來來。我和你略鬪幾合。〔姬變云〕正是。他們說嘴。不要信他。你和他着一合。我走了罷。〔皇甫連云〕小校操鼓來。我與您略戰幾合。〔調陣子科〕

〔淑簡云〕魏將好生英雄。不能取勝。俺回去來。這事不中。您回本國去。我報與姬成去也。衆將跟着我走走走。〔衆同下〕

〔皇甫連云〕秦將敗了也。您衆將跟着我。不問那裡。趕將去來。〔衆同下〕

〔正末驢馬兒領卒子上〕〔正末云〕某吳起是也。奉魏文侯公子之命。着某領着衆將。前來迎敵秦兵。我支撥了衆將。四面埋伏。與秦將交戰去了。我領人馬。在這西河堤畔。等待着秦將。小校與我擺布的嚴整者。〔唱〕

〔越調鬪鶴鶉〕我恰纔忙舉鋼鎗。慌騎駿馬。速領兒郎。披袍擐甲。暗暗生嗔。紛紛的怒發。我心中虎略。多不是假。戈戟齊排。機關立下。

〔紫花兒序〕若是那秦兵鏖戰。彼將來迎敵。我着他命掩黃沙。征雲籠罩。殺氣偏加。風擺殘霞。敢勇的征夫膽力加。一箇箇弓彎鵠棒。則聽的人馬聲高。休猜做歌舞聲譁。〔卒子云〕元帥。你聽的那遠遠的喊殺連天。敢是秦兵來了也。〔正末云〕小校把陣

勢擺開者〔唱〕

〔寨兒令〕我則聽的鐸鼓鳴。振天涯。喊聲高。陣上排士馬。刀刃如麻。鎗舞梨花。將兵器手中拏。〔云〕這秦兵可來的近了也。〔唱〕捨殘生爲國於家。戰秦兵屍首如麻。圖名姓留萬古。立忠孝萬人誇。撇漾了陣上斧和叉。〔姬成淑簡躍馬兒上〕〔姬成云〕來侵河內興秦國。不意魏邦吳起賢。某秦國大將姬成是也。這位大人乃淑簡。奉俺秦公子之命。來侵魏國河內城池。我着衆將前去。攻取夷門一帶。不期魏國新收吳起爲將。遣將守備。不能成功。我同淑簡來取西河五郡。將軍。俺行動些。〔淑簡云〕將軍。你看見那城下不有軍馬來了。俺迎將去來。〔做見科〕〔正末云〕兀那秦將慢來。有吾久等多時也。〔姬成云〕兀的不是吳起。你是箇無名之將。何足道哉。及早下馬受降。〔正末云〕這匹夫好無禮也呵。〔唱〕

〔調笑令〕好着我怒發。格支支碎鋼牙。呀。你那裡言語無端欺負咱。〔姬成云〕俺昭公不用你。怎敢投於魏國。〔正末唱〕你當初不識咱聲價。我今番必索活拏。〔姬成云〕我和你決戰九千合。〔正末唱〕列旌旗以爲兩事家。馬蹄鳴振落殘花。〔云〕兀那秦將。戰我河內五城。都皆有準備。你中了我計也。趁早兒歸降。免你一死。〔姬成云〕這厮說大言。我與你略闖幾合。〔正末唱〕

〔鬼三臺〕你可休心驚怕。非虛詐。休當做妝聾似啞。則你那一命不回家。你心中鑒察。〔淑簡云〕這厮說大言。俺和這匹夫。決無干休也。〔正末唱〕你今番算來一念差。這言語到來不是假。你看我略展機謀。施逞戰法。〔姬成云〕小校操鼓來。我與你關幾合。

〔做調陣子科〕〔正末唱〕

〔禿厮兒〕心頭火紛紛焰發。試看我武藝熟滑。我見他筋弛力盡手脚乏。〔姬成云〕這厮原來好武藝。〔正末唱〕你那裡莫嗟呀。遇着咱家。〔姬成云〕這厮武藝高強。俺敵不住他。走走走。〔淑簡同下〕〔正末唱〕

〔聖藥王〕我見他心下慌。撥轉馬。抵多少東園歸去急還家。者莫你飛上天。則我這力轉加。我如今親追敗將到天涯。穩情取名姓播中華。〔云〕這兩箇匹夫走了也。更待干罷。小校跟着我。不問那裡。追趕將去來。〔唱〕

〔尾聲〕把隣邦欺負實難罷。着俺那公子心中喜加。立功勳。展江山。博一箇蔭子封妻快活殺。〔同下〕

第四折

〔魏文侯領卒子上〕〔云〕李克舉薦英雄輩。果有胸襟不可量。某魏文侯是也。自從前者因秦國

無故興師侵俺河內。有李克舉薦吳起。說此人善能用兵。不在穰苴之下。我着他三人去他宅上請命此人。我拜他爲大將之職。他支撥了衆將。去保河內五郡。說道都皆成功。我又着人將吳起母親取至本國。治宅安居。以待吳起回還。衆將都來了也。我今日在此帥府中安排酒餚。與他衆將加官慶功。就請吳起的母親去了。這早晚敢待來也。〔李克季仲上〕〔李克云〕能哉魏國英雄將。幹就奇功顯志酬。小官魏國丞相李克是也。這位是上大夫季仲。自從舉保吳起受任之後。他支撥了衆將。去保河內城池。果然秦將前來。若不是有隄備。魏國實難拒敵。今日都皆成功。有俺文侯公子。在帥府中與衆將慶功加官。大夫俺索走一遭去。〔季仲云〕丞相。誰想吳起智勇兼備。戰秦將已成了大功。既然公子排宴相慶。俺索走一遭去。可早來到了也。小校報復去。道有俺二人來了也。〔卒子云〕理會的。喏。有承相同季仲來了也。〔文侯云〕道有請。〔卒子云〕理會的。有請。〔做見科〕〔季仲云〕公子。俺二人來了也。〔文侯云〕你二位大人且少待。等衆將都來全了時。慢慢的與他慶功。這早晚敢待來也。〔卜兒上〕〔云〕自從吳起離家內。曉夜憂愁淚未乾。老身吳起的母親。自從吳起孩兒。辭了我去投魯國去。今經許久。誰想孩兒可在魏國。文侯公子。拜俺孩兒爲元帥。迎敵秦兵去。今日已成功効。有魏文侯取老身到他這本國。第宅安居。有俺吳起孩兒回來了也。今日公子在帥府中。着人來請命我。須索走一遭去。可早來到了也。小校報復去。道有老

身來了。〔卒子云〕理會的。喏。有老母來了也。〔文侯云〕道有請。〔卒子云〕理會的。有請。〔做見科〕
〔卜兒云〕公子。老身來了也。〔文侯云〕老母。你且少待。等吳起并衆將來時。我自有箇主意。這早晚敢待來也。〔皇甫連澹臺豹西門受上〕〔皇甫連云〕保守西河功效就。蓋因吳起有奇才。某大將皇甫連。這二位將軍。乃是澹臺豹西門受。俺都往西河一帶去保守城池。不期果然有秦兵暗來襲取。俺一陣殺退秦兵。見公子去來。〔澹臺豹云〕將軍。我想吳起之能。端的有機謀。今日箇果成功也。〔西門受云〕來到帥府門首也。小校報復去。道有皇甫連澹臺豹西門受來了也。〔卒子云〕理會的。喏。有皇甫連等來了也。〔文侯云〕道有請。〔卒子云〕理會的。有請。〔做見科〕〔西門受云〕公子。俺三將保守西河。戰退秦兵。成功回來了也。〔文侯云〕且一壁有者。〔公孫鐸上〕〔云〕若論廝殺全無用。聽的喫酒便向前。自家公孫鐸是也。吳起着我打聽秦兵去。誰想正撞着秦將。把我一陣殺的不亦樂乎。跑將來了。今日公子府裏。與他們慶功。我走一遭。來到了。小校報復去。說有你大叔來了。〔卒子云〕理會的。喏。有公孫鐸來了也。〔文侯云〕着他過來。〔卒子云〕理會的。着過去。〔做見科〕〔公孫鐸云〕公子休怪。我在下來了。擎酒來。我喫一鍾壓驚酒耍子。〔文侯云〕你且少待。等吳起元帥來時。一同與你相慶。這早晚敢待來也。〔正末上〕〔云〕某乃大將吳起是也。自從魏文侯拜我爲將。因爲秦國無故興師。侵俺河內城池。被某領兵去。則一陣戰退了秦兵。

公子大喜。又將我母親取至魏國。今日安排酒餚。來與我慶功。第二來要與我加官賜賞。我索走一遭去。誰想有今日也呵。〔唱〕

〔雙調新水令〕幹功名齊唱凱歌回。立清名以傳百世。龍韜扶聖主。虎略鎮邦畿。蔭子封妻。酬絕了那時氣。〔云〕可早來到也。小校報復去。道有小官來了也。〔卒子云〕理會的。喏。有元帥來了也。〔文侯云〕道有請。〔卒子云〕理會的。有請。〔做見科〕〔正末云〕公子。小官來了也。〔文侯云〕呀呀呀。將軍來了也。你當此一日。怎生與秦兵交戰。你說一遍。我試聽者。〔正末云〕你聽我說一遍者。〔唱〕

〔鴈兒落〕我當日領雄師死戰敵。則爲那虎狼軍侵河內。你看我便施逞腹內才。展放我胸中智。〔文侯云〕你可在那裡與他交戰。〔正末唱〕

〔得勝令〕呀。我可也那日到河西。正遇着秦將領熊羆。我和他多不上三句話。惱的我不鄧鄧火焰起。〔文侯云〕他可怎生與你交戰來。〔正末唱〕在俺上支也波持。按不住心頭氣。他撥馬如飛。一會兒幹功勳早早回。〔文侯云〕吳起。我聞知你在家中孝敬雙親。似你這等忠孝。可也實是罕有也。〔正末云〕不敢不敢。量小官有何能哉。着公子如此過獎也。〔唱〕

〔甜水令〕止不過閉戶讀書。甘貧守分。中心無愧。則我這孝道理當宜。怎消的公子慇懃。言詞過獎。多稱美意。到頭來天地無虧。〔卜兒云〕孩兒。你自從離了許久。不

覺憂愁的我越年邁了也。〔正末唱〕

〔折桂令〕則俺那老萱堂兩鬢絲垂。你看他顏貌枯樵。身體尪羸。〔卜兒云〕孩兒。你今日爲了甚麼官也。〔正末唱〕您孩兒位至三公。官居一品。拜舞丹墀。則你那養育恩。將何報的。則願你享榮華福壽皆齊。〔文侯云〕小校便安排果卓來。我與元帥慶功飲一盃。〔正末唱〕便擺尊席。酒泛金盃。喜孜孜樂奏笙簧。樂陶陶沉醉方歸。〔文侯云〕

小校擡上果卓來。〔卒子云〕理會的。〔做擺酒科〕〔文侯云〕將酒來。這盃酒吳起元帥母親先飲。

〔卜兒云〕公子老身不敢。衆大人先請。〔文侯云〕不必多謙。老夫人請。〔卜兒飲酒科〕〔云〕老身

飲過酒了也。〔文侯云〕再將酒來。這盃酒吳起元帥請。〔正末云〕公子差矣。還從別的大人每來。

〔文侯云〕據元帥有如此大功。理當先飲。〔正末唱〕

〔沉醉東風〕又道我功居第一。算來時有甚稀奇。止不過靜塞塵。怎敢居官位。我心中自有支持。〔文侯云〕你不必多謙。先飲過者。〔正末唱〕不敢俄延心下急。又恐怕將咱怪矣。〔做飲酒科〕〔文侯云〕衆官人都依功次。都要飲一盃。〔公孫鐸云〕我來了這一日了。

先擎兩鍾酒來。我喫耍子。〔衆做飲酒科〕〔李克云〕元帥。我當此一日。在公子跟前保舉你來。今日果然成功。我可也不會落保也。〔正末唱〕

〔落梅風〕你當日將咱薦。便着我領戰騎。把秦師片時掃退。輔家邦安排忠正齊端的是孝當竭力。〔季仲云〕吳元帥。你當日既見了秦兵。怎生戰退他來。你對公子跟前。仔細再說一遍。我試聽者。〔正末唱〕

〔沽美酒〕你聽我說就裏。自從咱至河內。坐下驊騮不住催。料心中自知。誰敢道忘了兵機。〔公孫鐸云〕你不要說嘴。那一日若不是我和他廝殺。你怎麼成的。〔正末唱〕

〔太平令〕你那裡言詞相戲。料應來武藝低微。今日箇同排筵會。都是些英傑之輩。〔文侯云〕將軍每。今日務要盡醉方歸也。〔正末唱〕今日箇慶喜正理。酒斟玉盃。賀萬載昇平之世。〔文侯云〕你衆將望闕跪者。聽我與你加官賜賞。方今是各國封疆。四海內並起刀槍。有秦國無故侵擾。倚仗他馬壯人強。請吳起親爲元帥。保河內一帶邊方。分將校共同守備。顯耀他韜略無雙。戰秦兵功勞無比。今日箇擺列瑤觴。吳起爲魏國元帥。掌軍權輔佐朝堂。老母封賢德太君。更賜與羅錦千箱。李克與衆多臣宰。加三級永遠流芳。都賜與白金千兩。顯忠孝官祿榮昌。一箇箇能文善武。端的你都是賢良。魏主上齊天洪福。保江山萬國來降。再預備雄兵百

萬務要去勦滅秦邦。遵天命棄邪歸正。保護着萬里江山。今日箇加官賜賞一齊的頓首誠惶。

題目

李克舉薦登壇臺

正名

吳起敵秦掛帥印

吳起敵秦穿關

楔子

秦昭公

簪纓公子冠

上衫袍

方心曲領

火裙 錦

卒子

紅碗子盔 青布釘

劍

卜兒

場頭手帕

襖兒 裙

家童

紗包頭 青

正末吳起

散巾 補納直身

兒 布襪 鞋 拄杖

襪兒 三髭髯

頭折

魏文侯

簪纓公子冠

上衫袍

方心曲領

火裙 錦

卒子

同 李克

兔兒角幘頭

三

髭 季仲

披廈冠

補子圓

公孫鐸

皮多簷帽

膝欄曳撒

掩心

正末吳起家童

前

李克季仲公孫鐸又上前

第二折

秦昭公

卒子

同 姬成

三叉冠

抹額

蟒衣曳撒

袍 項帕

淑簡

鳳翅盔

帶 劍 三髭髯

蒙彪

鳳翅盔

膝欄曳撒

袍 項帕

王雄

鳳翅盔

膝欄曳撒

袍 項

三髯 張虎 鳳翅盔 膝欄曳撒 袍 項帕 姬樂 皮盔 膝欄曳撒 掩心甲 魏文侯

卒子 公孫鐸 同 李克 季仲 同 皇甫連 三叉冠 抹額 蟒衣曳撒 袍 項帕 澹臺

豹 鳳翅盔 膝欄曳撒 袍 項帕 西門受 鳳翅盔 膝欄曳撒 袍 項帕 正末吳

起 同 前

第三折

公孫鐸 同前 姬樂 同前 皇甫連 西門受 澹臺豹 公孫鐸 同前 淑簡 張虎

蒙彪 王雄 姬樂 同前 正末吳起 多簷帽 蟒衣曳撒 袍 項帕 直纏 卒子 同

姬成 淑簡 同前 躍馬兒

第四折

魏文侯 卒子 同 李克 季仲 同 卜兒 同 皇甫連 澹臺豹 西門受 同 公孫鐸 同

正末吳起 同 前

後七國樂毅圖齊

闕名

頭折

〔冲末扮齊公子田文引卒子上〕〔公子云〕大義胸襟撫衆民。寬洪海量納賢賓。坐間常有三千客。聲名傳說孟嘗君。某公子田文是也。官封孟嘗君之職。某長而豪俠。海量寬洪。招致天下賢士。食客常數千人。所賓禮者。至於雞鳴狗盜。皆以客禮食之。某手下有三千劍客。見今七國春秋。各霸其國。見今齊愍王卽位。有燕昭王。因伐俺國。築黃金臺。置千金於臺上。招天下之士。後有一人乃樂毅。先投俺國。俺國不用他。此人却投於昭王。昭王就拜此人爲亞卿之職。原本脫職字趙校并刪之字今依文義補因鄒衍舉薦。後封爲破齊大元帥。統兵百萬。戰將千員。無半載之間。破俺齊境七十餘城。今又攻守莒城卽墨。無計可退。今在此相府。請衆商議。定計退樂毅之兵。左右人與我請將田單蘇代王孫賈來者。〔卒子請科〕〔外扮蘇代上〕〔云〕七國爭雄霸帝都。忠心扶佐定變輿。報國常存忠義氣。官封齊國上大夫。小官蘇代是也。官封上大夫之職。見今七國春秋。今有樂毅。領兵百萬。戰將千員。無半載之間。收齊境七十餘城。今又攻守莒城卽墨。爭奈俺齊國兵微將寡。況兼孫子往雲夢山去了。小官赤心扶聖主。捨命立齊君。則爭他國兵多將廣。難以拒敵。今有齊公子田文。在於

相府請命小官。須索走一遭去。可早來到也。報復去。道有上大夫蘇代在於門首。〔公子云〕道有請。〔卒子云〕有請。〔見科〕〔蘇代云〕公子今日請命小官有何事。〔公子云〕大夫。今日請你來不爲別。今有樂毅統兵百萬。戰將千員。攻守莒城卽墨。無計可退。今日特請衆位臣宰。商議退兵之策。〔蘇代云〕公子。有王孫賈去楚國求救。楚國差大將淖齒。領兵十萬。俺國封此人許大官職。可請此人來商議退兵。〔公子云〕既然如此。左右那裡。與我請將楚國大將淖齒來。〔卒子云〕大將淖齒。公子有請。〔外淨扮淖齒上〕〔云〕文又精通武又高。平生膂力猛如蛟。昨日領軍臨上陣。掉下馬來閃了腰。自家不是別人。乃是楚國大將淖齒是也。我文武皆熟。壯氣威風。我但上陣臨軍。聞的我這箇聲名。那箇不怕。我今因燕師樂毅領兵百萬。戰將千員。攻守莒城卽墨。齊公子兵微。差大夫王孫賈去我楚國求救。我楚王差我領十萬大兵救齊。自到齊國。公子見我這等動靜。就加封我爲相。可則一件。前者燕樂毅差一人來。持一封書來。將着金銀與我。着我主張。不要公子與兵伐樂毅。俺裏應外合。必然收了齊城。齊公子今日着令人來請我。必然商議此事。若不是這莊事便罷。若真箇是這莊事。我好共歹不要着行。說話中間。可早來到也。報復去。道有大將淖齒在於門首。〔卒子云〕理會的。有大將淖齒來了也。〔公子云〕道有請。〔卒子云〕有請。〔見科〕〔淨云〕公子今日請小官有何事。〔公子云〕將軍。今日請你來不爲別。今有樂毅爲帥。領兵百萬。戰

將千員。無半載之間。收齊境七十餘城。今又攻守莒城。卽墨。日夜不止。今日請您將軍來退樂毅之兵。將軍意下如何。〔淨云〕公子不可。見今樂毅元帥。此人知天文曉地理。有鬼神不解之機。天地難辨之智。統領雄兵百萬。戰將千員。如此英雄。啗這裡兵微將寡。難以拒敵。〔蘇代云〕將軍差矣。似這等。莒城卽墨。不要了。公子。此人心懷反間。難以從他。可請田單王孫賈來商議。〔公子云〕既然如此。左右那裡。與我請將田單王孫賈來。〔卒子云〕田單王孫賈。公子有請。〔正末扮田單同王孫賈上〕〔正末云〕某田單是也。乃齊國安平市人。官拜大夫之職。這位將軍。乃王孫賈是也。官封大夫之職。今有樂毅。領雄兵百萬。戰將千員。無半載之間。收俺齊境七十餘城。見今攻收莒城卽墨。日夜不止。今有公子田文。在於相府有請。須索走一遭去。〔王孫賈云〕將軍。見今樂毅領兵攻守城池。如鐵桶相似。今日公子請俺衆位將軍商量。俺必索攻心用計。破樂毅之兵。一扶聖主。二救黎民。將軍意下如何。〔正末云〕將軍爲臣者。當得盡心施竭力。捨命立皇朝。如今軍遭塗炭。民受倒懸。何日是了也呵。〔唱〕

〔點絳脣〕百姓傷嗟。淚流嗚咽。愁眉結。糧草乏絕。困殺軍卒也。

〔混江龍〕這場兵劫。虎賁狼將盡消折。你看那邊關耗蕩。倉廩空竭。四野紛紛殺氣生。八方黯黯陣雲遮。似這等誰與那帝王分優劣。見如今時生蝗蝻。歲在

龍蛇。〔王孫賈云〕將軍可早來到也。報復去。道有田單王孫賈。在於門首。〔卒子云〕喏。報的公子得知。有田單王孫賈。在於門首。〔公子云〕道有請。〔卒子云〕有請。〔見科〕〔正末云〕公子。今日請俺衆人有何事。〔公子云〕將軍。今日請您衆位將軍。別無甚事。今有燕帥樂毅。親統領雄兵百萬。戰將千員。無半載之間。收齊境七十餘城。今又攻守莒城。卽墨。日夜不止。恐防有失。今特請衆位將軍。各呈計量。怎生退樂毅之兵也。〔淨云〕公子。難以行兵。想樂毅謀欺姜呂望。智壓管夷吾。見今手下雄兵百萬。戰將千員。不爭你和他相持。損軍折將。則不如緊守城池。若有些好歹。憑着我的武藝機謀。我將七國如同兒戲。〔正末唱〕

〔油葫蘆〕你待把國土江山保護徹。你那裡休巧說。則爲你好讒嫉妬。壞了英傑。據着你損人利己。毒如蛇蝎。端的是貪財好賄。過饕餮。〔淨云〕憑着我這片立國的心。世之罕有。〔正末唱〕你於家不建功。誑朝廷都建節。眼覷着鼎鍋中翻滾滾。難調劣。致令的遭危困受磨滅。〔淨云〕我這等忠心。扶持主上。誰人似我。〔正末云〕可知可知。

〔唱〕

〔天下樂〕更强如殷湯放夏桀。恁端的哺也波。吸。將鼎鼎列烹的是萬民脂。百姓髓。黎庶血。愛財錢煉了銀鑪。僭家私鑄了銅冶。那裡把瘦民來肯棄捨。〔公

子云「將軍見今軍兵攻守莒城卽墨。可用一計。退却軍兵也。」蘇代云「公子正是這等。爲臣的喫堂食。飲御酒。佳人捧臂。壯士擎鞭。受朝廷如此大爵。今日兵臨城下。攻守日夜不止。安得坐觀成敗。倘有疎失。如何解救。今日必要定一計。退了軍兵。免一國之患也。」淨云「不可行兵。見今樂毅手下軍兵太重。不可迎敵。則不如緊守城池。此爲上計。」正末云「將軍爲人臣者。孝當竭力。忠則盡命。剗的出此語也。」唱

〔那吒令〕武臣每濫設。布旌旗斧鉞。文臣每並列。調詩云子曰。權臣每僭越。畫山節藻稅。有仁者誰可敵。無德者自作孽。都不是斬釘截鐵。淨云「我料想暗這裡兵微將寡。不可交鋒。由他強的強。弱的弱。常言道饒人不是癡。過後得便宜。」正末唱

〔鵲踏枝〕閑枝節。廝羅惹。短軸頭。怎生拽。又不比大車無輓。小車無軋。非是我學之乎者也。皆因你攔閉着英傑。公子云「我想這七國春秋。荒亂不安。軍遭塗炭之災。民受倒懸之苦。可是爲何。」正末云「公子不知。見今七國春秋。倚強凌弱。圖王霸業。可是爲何。」唱

〔寄生草〕他霸朝省臣僚每很。守邊關軍校每業。一從譙樓萬點旌旗列。恰纔則荒郊兩陣干戈接。可又早殺場上滿地英雄血。他軍士每想踏殘衰草隴頭霜。您宰相每看舞低楊柳樓心月。淨云「依着我。則不如坐觀成敗。」王孫賈云「將軍差矣。」

見今兵屯卽墨。裏無糧草。外無救兵。刻的說坐觀成敗。依將軍如此說。軍民怎了也。〔正末云〕將軍依着你上無輔國之心。下無安民之意。常懷反叛。是何理也。〔唱〕

〔金盞兒〕當軍的身役重難迭。當路的聚斂不曾絕。知他是幾時休。甚時了。何時徹。治兵車長處不曾截。出的門差了隊伍。敢上了陣陷車車。〔淨云〕你說些話全無道理。〔正末唱〕你道是我說的話不中理。更和你做的事不合轍。〔公子云〕將軍。見今百萬軍兵。屯於卽墨。俺這裡兵微將寡。怎生退的這大兵。〔正末云〕公子勿憂。小官用一計策。可脫卽墨之難。〔公子云〕有何計策。〔正末云〕俺齊國差一使臣往雲夢。見軍師孫子求計。若退了這大兵。俺這裡造一車車。遣一人乘車。詐粧公子出北門。俺隨後保守。公子出南門往莒城去。俟如此可出卽墨。〔公子云〕此計可矣。將軍則怕樂毅不中孫子之計。不肯回兵麼。〔正末云〕公子放心。左右將紙筆來。〔做寫科〕〔唱〕

〔醉扶歸〕這一番燕惠王分優劣。只因那燕樂毅不和協。非是田單能間諜。這一場不弱如吳越。這條計是他國君臣每義絕。〔公子云〕這一封書呈是如何。〔正末唱〕這封書是齊國交天赦。〔王孫賈云〕此計大妙。堪可出的這卽墨。〔淨云〕使不的。樂毅軍兵太重。見今圍的如鐵桶相似。怎生出的這卽墨。既然當不住你。若有些好歹。可不干我事。〔公

子云不妨事。田將軍則是用意而行。〔正末云〕公子放心也。〔唱〕

〔尾聲〕你將我好事變爲非。我怕弄巧翻成拙。哎你箇無忠孝將軍休巧說。偏我獻策陳言。逢着末刼。堪笑這北山河潦丘垤。一片口您跟者。可知道駟不及舌。〔公子云〕將軍則怕軍中有失所麼。〔正末唱〕若是您上的車車。有些損折。〔淨云〕您衆位將軍放心。怕軍中有些差遲。我替你推輪駕着車。〔正末唱〕淖齒待推輪。駕着車。公子更衣裝不卸。休休休。則這箇齊田單不識你箇晉靈輒。〔下〕〔公子云〕田單去了也。今日設計已成也。便差一人往雲夢山。見軍師孫子求計。若退了樂毅之兵。俺就遣人乘車車撞出卽墨北門。俺隨後可往南門撞出去。可往莒城去。則爲這樂毅攻齊取大兵。驅車領將顯聲名。不怕樂毅軍百萬。怎如田單用計能。〔下〕〔蘇代云〕大夫田單定此一計成就也。〔王孫賈云〕大夫設計已成了也。今日無甚事。且回私宅中去。〔同下〕〔淨云〕誰想阻當不住。今日田單定下此一計。到來日比及公子大軍去。我先領我手下人馬降樂毅。走一遭去。〔下〕

第二折

〔外扮孫臏引道童上〕〔云〕妙策神機孰可量。興心輔弼主齊邦。幼隨鬼谷學神策。聲傳天下把名揚。貧道孫臏是也。乃燕國人民。幼年間在鬼谷師父跟前。學韜略兵甲之書。曾習三卷天書。後

下山佐於齊邦。拜爲軍師之職。自從愍王失政。貧道暗出齊城。潛身歸雲夢山。自路途逢着樂毅。不想此人投於昭王。拜此人爲破齊大元帥。統兵百萬。戰將千員。無半載之間。下齊境七十餘城。見今攻守莒城卽墨。將已成功。貧道思我國有旺氣光輝。合再興齊。貧道有心待下山扶齊。爭奈無人薦舉。不可以去。道童門首覷者。若有人來。報復我知道。〔道童云〕理會的。〔使命上〕〔云〕雷霆驅號令。星斗煥文章。小官乃齊國使命是也。因爲燕國樂毅。親自爲帥。統領百萬雄兵。戰將千員。不到半載之間。攻取俺齊境七十餘城。今又攻守莒城卽墨。日夜不止。無人可退。今奉俺齊公子之命。遣小官將着書呈。直至雲夢山孫臏軍師跟前求計破樂毅。走一遭去。可早來到這雲夢山庵門首也。道童報復師父得知。道有齊國使命至此也。〔道童報云〕師父。有齊國使命至此也。〔孫子云〕既有使命至。道童裝香來。〔道童云〕理會的。〔見科〕〔孫子云〕使命鞍馬上索是勞神也。〔使命云〕師父。小官此一來不爲別。則爲燕國樂毅。領兵困了俺莒城卽墨。無人可退。小官奉俺齊公子之命。特來問軍師求退兵之策。軍師若有太平之日。與軍師自有加官賜賞。書呈在此也。〔孫子看書科〕〔云〕使命書中之意。貧道盡知道了也。〔使命云〕軍師早用退兵之策。小官回去也。〔孫子云〕使命你喫了筵席去。〔使命云〕不敢。我出的這門來。軍師這一用計。必然破了樂毅也。俺軍師多有妙計。救莒城鋪謀用智。重施展擒龐涓手策。這一去必然破燕國樂毅。〔下〕

〔孫子云〕使命去了也。不想齊國遣一使臣。齎一封書來。問貧道求計。退樂毅之兵。貧道暗想。樂毅收齊境七十餘城。呼吸之間就了。莒城卽墨。三載之間。攻守不下。貧道思一計。下山見昭王。走一遭去。若見昭王。用一席之諫。昭王必然召回樂毅。那其間復收齊境。有何難哉。不敢久停久住。須索走一遭去。則爲這樂毅與師犯界驢。因此上敢教孫子見昭王。你看我憑舌召回燕樂毅。恁時節方顯孫臏智量強。〔下〕〔外扮燕公子上〕〔云〕調和鼎鼐存忠節。輔弼皇朝雨露深。胸中久念公家事。義氣常存報國心。某燕公子是也。今昭王卽位。內施其仁。外布其德。問孤賑貧。與百姓同甘共苦。自四國軍兵困齊之後。俺主公築黃金臺一所。置千金於臺上。用玉帛玄纁以招天下之士。先以郭隗而師事之。拜爲上卿。有齊國鄒衍。趙國劇辛。來見俺主人。就封鄒衍爲上大夫。劇辛爲中大夫。後有一人。樂羊氏之後。乃是樂毅。此人長而好兵。遂授於黃伯陽。學陰書兵法。此人。有管夷吾的手策。姜呂望的機謀。此人在於魏國。聞知俺主人築黃金臺以招賢士。此人投於俺國。主公封樂毅爲亞帥。次日主公設朝。遂問伐齊之事。有上大夫鄒衍。舉樂毅。就拜爲破齊大元帥。統兵百萬。戰將千員。無半載之間。收齊境七十餘城。見今統兵攻守莒城卽墨。將次成功。某思齊國孫子。乃機謀之人。却在於雲夢。我國再得此人。驅六國萬載稱臣。今日無甚事。小校門首看者。看有甚麼人來。〔孫子上〕〔云〕貧道孫子是也。離了雲夢。星夜到此。貧道這一去。若見了燕公

子必然召回樂毅。說着話。可早來到也。報復去。道有齊國孫子來見。〔卒子云〕「睹這有孫子來見公子。〔燕公子云〕」正思中間。此人來到。道有請。〔卒子云〕「有請。〔見科〕」〔燕公子云〕「先生從何處來。〔孫子云〕」貧道特獻破齊之策。〔燕公子云〕「吾今挾讐破齊。征討未定。先生來此。保全家國。敢勞先生到此。〔孫子云〕」不然。我父爲燕國之臣。貧道豈順於他邦。因齊愍王失政。因此貧道暗出齊城。潛身於雲夢。貧道知齊將敗。特來到此。有一事告知公子。〔燕公子云〕「先生有何事。〔孫子云〕」知公子拜樂毅爲卿。此人未投本國。先投於齊。智謀過人。呼吸之間。尅齊七十餘城。今不下者。惟兩城耳。非其力不能拔。三年不攻者。欲久仗兵威。軍將屯於莒城。卽墨。日久樂毅就公子兵反順於齊。復來收此。〔燕公子云〕「嗨。便道無半載之間。下齊境七十餘城。止有二城。三載攻戰不下。其中必有暗昧。果然如此。便差使命。將弓弦藥酒取樂毅去。〔孫子云〕」公子不可。此人見有兵權在手。不爭將朝典取去。就逼的此人反亂了。〔燕公子云〕「何爲便矣。〔孫子云〕」則不如別差人攻守此二城。一壁廂持詔書。可用金牌勢劍。若不早赴朝廷。就便誅之。這等可矣。〔燕公子云〕「此計大妙。若不是先生。我國必然失矣。〔孫子云〕」量貧道有何德能。感公子厚待之恩。公子。貧道可告回也。〔燕公子云〕「孫子。你且回去。若到來日。見了聖人。必然重重賜賞加官也。〔孫子出門科〕」〔云〕如何。中貧道之計。此一去必然召回樂毅入朝。貧道且回雲夢山。就脩書一封。差人送與田

單若樂毅回朝。教他點就軍馬。復取齊城。如同翻掌。不敢久停久住。回雲夢山。走一遭去。〔下〕

〔燕公子云〕孫子去了也。不是他來說。爭些失了家國。則今日見了昭王。訴說前事。火速差騎劫爲正帥。騎能爲副帥。將着金牌勢劍。召樂毅回朝。若不早赴朝廷。就便誅之。不敢久停久住。見主公走一遭去。差使命忙持劄付。召樂毅回朝省諭。他若是延緩來遲。治重罪決無輕恕。〔下〕

〔外扮樂毅引卒子上〕〔云〕寶帳過圍排虎將。中軍左右列雄兵。陰書三卷知玄妙。呼風喚雨鬼神驚。某姓樂名毅。魏國人也。乃樂羊氏之後。某幼年授於尊師黃伯陽。學陰書兵法。後下山求進。初投齊魏二國。因此二國不納賢。聞知燕昭王築黃金臺。置千金於臺上。以招天下之士。某投於麾下。封某爲亞卿。因某習古今得失之方。左陽右陰之術。拜某爲破齊大元帥。統兵百萬。戰將千員。呼吸之間。剋齊境七十餘城。止有莒城即墨。三載之間。攻守不得。見今兵屯於城下。某在此帳中閑坐。小校若有甚軍情事。報復某知道。〔外二淨騎劫騎能齎詔上〕〔云〕文又不通。武又不會。兩箇優賄。恰好一對。自家不是別人。乃騎劫是也。這位將軍是騎能。俺兩箇的武藝。六韜三略。兵書戰策。從肚裏滾將出來。便有那伍子胥管夷吾姜呂望。不能過之。今有燕帥樂毅。領兵百萬。戰齊無半載之間。收齊境七十餘城。止有莒城即墨。三載之間。攻守不下。恐此人有反叛之心。公子差俺二人。持着詔書。召回樂毅。入朝見罪。就着我爲正帥。騎能爲副帥。憑着俺二人。到那裡半日。

的工夫。就收之得之也。〔騎能云〕哥也。我則不濟事。則憑你哩。〔騎刼云〕兄弟你放心。來到也。報復去。道有宣命至也。接詔書。〔卒子云〕喏。報的元帥得知。有宣命持詔至此也。〔樂毅云〕小校裝香來。〔騎刼見科〕〔云〕樂毅聽聖人之命。爾今爲破齊元帥。夷其宗廟。報雪先讐。以稱聖人之意。今遣騎刼代汝回朝。別議官賞。如違詔命。卽賜朝典。詔書到日。可卽回朝。謝了恩者。〔樂毅云〕噯。中其計也。想某無半載之間。破齊境七十餘城。止有莒城卽墨未收。將已成功。誰想孫子在昭王前反間。召某回朝。這一去見了昭王說過。拿住孫子。必然誅之。騎刼騎能。您領兵牢守卽墨。某則今日見昭王。走一遭去。則爲這孫子施功用計能。今日箇昭王齎詔出朝廷。這一去驅兵領將臨齊地。我直着血浸齊邦卽墨城。〔下〕〔騎刼云〕如何。樂毅去了也。喏。領着這軍馬。憑着俺兩箇武藝。若收了莒城卽墨。俺兩箇的官位也不小了。大小三軍。聽吾將令。到來日人披馬甲。馬披人甲。遇着敵軍。打箇滑擦。〔下〕〔齊公子同蘇代王孫賈上〕〔齊公子云〕某齊公子是也。自從樂毅興兵。攻守莒城卽墨。某同衆將。保齊主人入莒城。後復入卽墨。後因田單寫書與孫子。誰想孫子見了昭王。一席話間。將昭王說轉。將樂毅召回。差騎刼騎能領兵。守了卽墨。量他二人。到的那裡。今聚大小衆將。商量復收齊境。有何不可。左右與我請將田單來者。〔正末帶劍上〕〔云〕某田單是也。自從寫書與了軍師孫子。見了昭王。反間召回樂毅去了。公子有請。須索走一遭去。似這般旌

旗掩日。鑼鼓喧天。何日是了也呵。(唱)

〔商調集賢賓〕我則見昏鄧鄧罩合天地間。殺氣逼人寒。你則看禁城外旌旗冉冉。那戰場上戈甲珊珊。我是箇斬逆賊弔客喪門。殺讒臣豹尾黃旛。這厮教居民上下皆不安。欺凌殺俺武職文班。當初興心由淖齒。今日箇事發在田單。〔逍遙樂〕依着那五刑所犯。九族遭誅。是一人造反。把那厮剜了心肝。將反賊頭掛在高竿。教那遭凌虐的居民都見眼。將那陣亡了的性命填還。比及教分張了妻女。抄沒了家私。斷絕了業產。(云)可早來到也。小校報復去。道有田單在於門首。

〔卒子云〕喏。報的公子得知。有田將軍來了也。〔齊公子云〕道有請。(見科)〔齊公子云〕田單來了也。〔正末云〕公子。小官來了也。〔齊公子云〕田單。今有孫子。見了昭王。一席話間。反間樂毅。今燕公子召回樂毅去了。孫子修一封書來。着俺點兵復取齊城。請您來商議。此事如何。〔王孫賈云〕將軍。今日且立公子。臨後定計。復取齊城方可。〔正末云〕可矣可矣。〔齊公子云〕見今征討未定。焉敢策立。若破了騎劫。收了齊城。方可策立也。(正末唱)

〔梧葉兒〕他不肯把江山定。不肯把社稷安。掌宇宙展江山。口喏道十餘次。連說道五六番。且忘了這其間。我比這爲君的更難。〔齊公子云〕將軍。若有破騎劫之策。

可立爲君。〔蘇代云〕將軍有何計策。復收齊境。〔正末云〕有救齊城之策。〔齊公子云〕有何計策。
〔正末做寫離解二字科〕〔云〕公子。這箇便是復取齊城之策。〔齊公子云〕田單。這離解二字。怎
生救的這齊城。〔正末云〕公子不知。這解字右邊是箇人字。下面是箇用字。左邊上是箇刀字。下
面是箇牛字。字合爲一處。成箇解字。這離字八卦內屬火。可用火牛陣破之。〔齊公子云〕這火牛
陣。怎生破騎刼。〔正末云〕這卽墨城中。百姓人家。聚牛千隻。再教習數日。於牛角上安刀。兩脅底
負鎗。身上着絳繒衣。畫五色龍文。尾縛火把。遂放其牛。直衝騎刼之陣。衆軍發喊。鳴金擊鼓。其牛
火逼奔走。騎刼大軍必破。公子欲尋卽墨破軍術。無過田單火牛陣。〔衆云〕此計大妙。將軍若此
一陣破了騎刼。復收了齊境。策立起齊君。保全家國。便是俺爲臣之忠孝也。〔齊公子云〕將軍則
是盡心竭力。勿得辭憚也。〔正末云〕公子放心也。〔唱〕

〔金菊香〕者莫是木園城。雙夾寨。鐵杈山。我敢教刀劈碎。鎗撞開。牛蕩翻。他怎
隄防。怎防備。怎當攔。將俺這齊地歸還。恁時節將火牛陣勢。休等閑看。〔蘇代云〕
將軍此一計。若破了騎刼。於國盡忠。救拔黎民。當盡心輔助也。〔正末云〕衆位將軍勿慮。由他騎
刼千般勇。怎如田單一計能也。〔唱〕

〔節節高〕這解字與君除患。這火牛與民除難。〔齊公子云〕論將軍有如此忠孝之心。

世之罕有。今日俺衆文武。皆託此計取齊境也。〔正末云〕公子。量小官有何德能。皆託主人洪福。賴衆臣宰威風也。〔唱〕非干是小臣調度。施謀智矜驕文翰。臣不曾存忠孝。不能苦諫。〔齊公子云〕論將軍之才能。便有管仲伊尹比干。不能望之。〔正末唱〕辱沒殺齊管仲。湯伊尹。紂比干。比着他傳說呵。爭着數版。〔齊公子云〕將軍。見今騎劫騎能。同衆將統兵攻守其城。日夜不止。則怕他隄備。噤不能用計。將軍可用意行之。〔王孫賈云〕公子言者當也。必要用意而行。〔正末云〕公子。可差大夫王孫賈。將黃金千鎰。獻與騎劫。說俺來日受降。若此人受了。必然無疑。噤這裡至三更前後。掘城窟十數處。放出火牛。鳴金擊鼓。吶喊揚威。其牛大奔。騎劫決敗也。〔齊公子云〕此計大妙。教將軍受如此艱辛。則是要保安萬民之苦。〔正末唱〕

〔元和令〕則爲這滿城人皆感嘆。使的我獨自箇受塗炭。每日家驛亭無寢客。中單。昏擦刺燈半盞。更壓着地爐無火。酒瓶乾。明滴溜月一灣。〔云〕小官爲這江山。〔唱〕

〔上馬嬌〕憂的我晝不飡。夜不安。長銹慢空彈。將心猿意馬自修撰。常好是難。這條計就裏有機關。

〔遊四門〕小臣重解我王看。解字緊相關。田單再說吾王看。牛角下把刀安。火

逼的乾枯了碧河灣。牛放的犇衝倒太行山。

〔勝葫蘆〕更很如鐵甲將軍夜過關。殺的教片甲不留殘。火燥煙熏嘶眼間。殺的教血流滿溪澗。火燒着河漢。屍垛到北陰山。〔齊公子云〕將軍到來日聚就牛隻。

便索教習數日。點就雄兵。鳴金擊鼓。火牛大奔。必然得勝也。〔正末云〕公子放心。看田單復取齊

城也。〔唱〕

〔後庭花〕把那牛火逼離潁水灘。煙衝開函谷關。者莫他學駟馬難奔陣。我直教比春牛少片板。向戰場間把敵兵衝散。火亂飛光燦爛。血交流波漫汗。火燎的塞草斑。血漬到沙漠乾。燕騎劫你是頑。齊田單看這番。

〔柳葉兒〕我敢將他盡爲麩炭。又別無山掩江干。北陰山南至連雲棧。東殺過東海岸。西殺過玉門關。敢則一陣教煉盡江山。〔齊公子云〕將軍今日設計已定。到來

日便點牛隻。教習數日。大破騎劫之兵。必索用心攻取。〔正末云〕公子放心也。〔唱〕

〔浪來裏煞〕我則見半竿殘照收。幾縷晚霞散。便休題烽火到平安。等的三更交。半夜過。將牛趁趕。可着那護城壕兩岸。我教那餓損的瘦軍兒。推出座火焰山。〔下〕〔齊公子云〕田單去了也。王孫賈。則今日將着黃金千鎰。獻與騎劫。道俺來日投降他。若受

了這金。俺這裡可點牛隻千餘。教習數日。於牛角上安刀。兩脅負鎗。尾上縛火。身着縵衣。畫五色龍文。夜至三更。遂放其牛。直衝騎劫之陣。衆軍吶喊。鳴金擊鼓。其牛大奔。休道是陣勢。便是鐵壁銀山。也衝倒了。則爲這騎劫驅兵久困民。今日箇田單定計建功勳。若是這火牛衝散敵兵敗。恁時節重整乾坤日月新。〔同蘇代下〕〔王孫賈云〕則今日傳着公子言語。將着黃金見騎劫。走一遭去。〔下〕

第三折

〔騎劫同騎能引卒子上〕〔云〕性子兒不巧。巧子兒不性。打破箇烏盆。倒賠箇飯飯。自家不是別人。大將騎劫是也。這位將軍是騎能。自從樂毅回去了。俺二人每日廝殺打城。齊國衆將。聞的俺二人威名。那箇不怕。今日無甚事。小校轅門首看着。若有人來。報復某知道。〔王孫賈將金上〕〔云〕小官王孫賈。奉公子的命。着我將着黃金千鎰。送與騎劫。詐稱來日投降。可早來到營門首。報復去。道有齊國使命。來見將軍。進奉降書。〔卒子云〕喏。有齊國使命來了也。〔騎劫云〕如何。我道這廝每怕我。見我每這等英勇。恐怕我拿了他。今日差人來送降書。着他過來。〔騎能云〕哥也。中也不中。〔騎劫云〕兄弟放心。小校着他過來。〔卒子云〕着過去。〔王孫賈見科〕〔云〕元帥。小官齊國使命王孫賈。奉俺公子的命。着小官奉黃金千鎰并降書。來日投降。〔騎劫云〕兀那使臣。你

回去。既然你那齊國怕我來投降。我這裡且不攻城。你回去。〔王孫賈云〕小臣知道。〔王孫賈出門云〕正中田單之計。不敢久停久住。便索回公子話。走一遭去。〔下〕〔騎劫云〕兄弟。既然他怕。受了他這黃金。有甚麼事。大小三軍。聽我發放。今夜晚間。也不要提鈴喝號。轉箭支更。您各回本陣去。兄弟。噲也不要披袍擐甲。無甚事。帳房中喫酒去來。〔下〕〔正末帶劍引卒子上〕〔云〕小官田單。有王孫賈將着黃金。獻與騎劫去了。不見回來。今火牛安排已定。天色晚了。小校點上燈者。田單也。成敗興亡。全在今夜也呵。〔唱〕

〔中呂粉蝶兒〕想當時稷契皋陶。好能行聖人之道。保護的社稷堅牢。俺如今棟梁折。石柱損。傾頽了宗廟。俺齊國臣僚。端的也喫堂食。不知饑飽。〔王孫賈上〕〔云〕小官王孫賈。奉公子田單命。將着黃金降書。誰想此人受了。見田單走一遭去。不索報復。我自過去。〔見科〕〔云〕將軍。小官送黃金降書。此人受了也。特來說知。〔正末唱〕

〔叫聲〕燕騎劫志矜驕。將黃金受了。受了。不知覺我定亂扶危。則在今宵。

〔醉春風〕趕着這千里野風飄。半彎山月小。比及三更纔過四更交。則一陣了。我則怕曉。觀天色猶兀自早。我將他萬馬千軍。燒的他七通八透。殺的來四分五落。〔王孫賈云〕將軍。騎劫受了黃金降書。他貪歡喜。必然不提鈴喝號。轉箭支更。大小軍兵。必然

歇息。噉這裡衝將陣去。必然取勝也。〔正末云〕將軍放心也。〔唱〕

〔紅繡鞋〕我待破騎劫鳴金作號。教火牛立草爲標。比及將牛拔椿。撇性兒調。演習到七八日。端的是兩三朝。田單也敢不覺的。又添到十歲老。〔云〕大小三軍。各持鐵鑿。鑿城窟十數處。慢吾將令。必當斬首。〔衆云〕得令。〔正末唱〕

〔上小樓〕一壁廂安排斧鑿。收拾鐵鑿。休差了隊伍。誤了軍期。走了消耗。靠吊橋。近城廓。撇開窟竅。省可裡大呼小叫。〔云〕大小軍將。傳吾將令。鳴金鑿鼓。吶喊揚威。點

着牛尾上火。趕將出去。直衝軍陣者。〔王孫賈云〕得令。〔衆應科〕〔衆發喊趕牛科〕〔衆閃下〕

〔二淨騎劫騎能引卒子上〕〔云〕殺死了我也。誰想田單。寫了一封假降書來。正睡着了。夜至三更。齊國不知那裡取得有千餘隻毒龍。尾上火起。三軍不敢向前。折其大半。連我的衣袍鎧甲。都不見了。怎生家去。〔騎能云〕哥也。兀的齊國軍馬又來了也。〔正末同王孫賈蘇代一同騎馬兒上〕〔正末云〕大小三軍。兀的不是騎劫軍馬。衆軍奮勇。與我一齊趕殺將去。〔見科〕〔正末云〕來者何人。〔騎劫云〕則我是大將騎劫。你是誰。〔正末云〕則我是齊國田單。我去東海龍王處。請了五千隻毒龍。與你交鋒。休教走了這廝。〔戰科〕〔騎劫云〕我死也。近不的他。逃命走了罷。〔下〕〔正末云〕他走了也。更待干罷。不問那裡。趕將去。〔下〕〔騎劫一人慌上〕〔正末同衆趕上〕〔又

戰科」〔騎劫又下〕〔正末同衆趕下〕〔騎劫二人又上〕〔云〕殺死我也。〔正末同衆又打火牛

一行上〕〔正末云〕休教走了騎劫。〔衆云〕理會的。〔正末唱〕

〔十二月〕那火牛身邊焰燎。尾上油澆。驚的頭衝角觝。尾剪蹄跑。把營寨週圍一遭。生扭做火市星橋。

〔堯民歌〕呀。恰便似轉燈兒般正月十五鬧元宵。我則見半空裏足律律火燄飄。震的四週圍吸力力地皮搖。殺的滿陣裏吉叮叮的中鎗刀。量也波度。英雄膽氣高。殺的他屍垛如山嶽。〔騎劫云〕殺死我也。近不的他。逃性命走了罷。走走走。〔下〕

〔王孫賈云〕將軍騎劫四十萬大軍。殺的片甲不歸。走了也。〔正末云〕傳與衆將。一壁廂教大軍往前行。復收齊城。這一場若不是真天子百靈咸助。怎顯的大將軍八面威風。〔唱〕

〔耍孩兒〕我向這昏昏鄧鄧殺氣內觀了天道。隱隱東方漸曉。將軍騎劫怎潛逃。兵車共火牛相交。誰道是莒城陣勢相差過。不想那卽墨處軸頭兒厮抹着刮土兒去了營幙。燒了些黑沒促。沒促疑墨捉之誤虎將。煨着些三胡倫。胡倫卽胡國皺龍驄。〔王孫賈云〕

將軍騎劫四十萬大軍。燒死太半。敗殘軍盡皆殺壞了。大剛來天道不容也。〔正末唱〕

〔二煞〕有燒不絕的金鎖甲。有燎不着的錦戰袍。塘灰火裏焙着人軀壳。有燒

不了的昏污爛的護心鏡。有烘不斷的足律律勒甲縑。牛跟前枉了爭頭角。救了這齊邦危困。據着這火牛功勞。〔王孫賈云〕將軍。嚙這一回去見了公子。必然犒賞三軍也。〔正末云〕將軍放心。嚙見了公子。必然重賞大軍。即便班師也。〔王孫賈云〕衆軍跟將軍班師去來。〔正末唱〕

〔尾聲〕則這火牛陣功已成。那黃金臺草未凋。今日箇齊邦興天數合還報。則一把火將賊兵葬送了。〔同衆下〕

第四折

〔齊公子引從人上〕〔云〕某齊公子是也。自從軍師孫子。見了燕昭王。反間樂毅。召回京去。又差騎劫騎能爲帥。攻守莒城。卽墨。俺這裡田單用計。着王孫賈將黃金千鎰并降書。詐稱投降。不想騎劫受了。後田單用火牛陣。一夜殺騎劫四十萬大軍。復取齊城。保齊公子復歸臨淄。今奉聖人的命。着某加官賜賞。令人請田單并衆將去了。這早晚敢待來也。〔正末同蘇代王孫賈上〕〔正末云〕某田單是也。誰想用火牛之陣。將騎劫四十萬大軍。殺的片甲不回。復收齊境七十餘城。保襄王復歸臨淄。今公子奉主公之命。請俺衆將。必是加官賜賞。須索走一遭去。〔蘇代云〕將軍。誰想今日用火牛之計。復收齊城。一來是聖人洪福。二來是將軍之功也。〔正末云〕想這一場非

同小可也呵〔唱〕

〔雙調新水令〕爲江山憂愁的我鬢如霜。將一箇舊乾坤剗新開。戰策如虎猛。更和那衝陣火牛狂。勇烈英昂。取一時勝。教萬軍喪。〔云〕可早來到也。報復去。道

有田單同衆將來了也。〔卒子云〕喏。報的公子得知。有田單同衆將來了也。〔公子云〕道有請。

〔正末云〕公子。小官等衆將來了也。〔公子云〕衆位將軍。鞍馬上勞神也。〔正末云〕公子。爲臣當

得盡孝施忠。豈辭勞憊也。〔齊公子云〕將軍。今奉聖人的命。着某今日加官賜賞。我想這七國之中。倚強凌弱。燕國拜樂毅爲帥。無半載之間。尅齊境七十餘城。今將軍用火牛之陣。復收齊境。乃將軍立國之功也。〔正末云〕想這一場火牛之陣。復收齊境。皆是主人洪福。非小官之能也。〔唱〕

〔駐馬聽〕七國爭強。有道常興無道亡。八方歡暢。真龍出世萬民康。敵兵奮勇猛難當。火牛衝陣無遮障。這一番惡戰場。冲霄殺氣有三千丈。〔齊公子云〕將軍。火牛千餘隻。精兵五萬。三千劍客。人人奮勇。鳴鑼擊鼓。吶喊揚威。放火牛時。可是多早晚也。〔正末

云〕公子不知。聽小官說一遍者。〔唱〕

〔沉醉東風〕三更後鑼鳴鼓響。喊殺聲驚動穹蒼。馬彎犇陣上衝。牛哮吼向垓心裏撞。弄風狂着萬人難當。恰便似千隻蛟虬出大江。殺的他血泊內橫軀。豎

躬〔蘇代云〕論田將軍機謀手策。世之罕有也。〔齊公子云〕將軍端的於國盡忠。於家盡孝。開疆展土。平定四方。端的是國之梁棟也。〔正末云〕量田單何足道哉也。〔唱〕

〔鴈兒落〕你道我定八方社稷昌。我撫四海乾坤旺。〔齊公子云〕論將軍之才能。不弱伊尹子牙之功也。〔正末唱〕我無那定湯君伊尹機。立武王姜公量。

〔得勝令〕這的是明君壽共天長。因此上則一陣定邊疆。今日箇慶賞風雲會。壺中日月長。〔齊公子云〕今日奉主公命。請您衆將加官賜賞。列土分茅。大開賢門。選用良才也。

〔正末唱〕託賴着吾皇大展放江湖量。君也波王。豁達如舜湯。〔齊公子云〕大小三軍衆將望闕跪着。聽聖人的命。則爲您於國有功。復收齊境。智者獻其謀。勇者效其力。殺騎劫四十萬大兵。片甲不回。今日奉命。加官賜賞。論功陞用。田單封你爲安平君。蘇代封你爲齊國上大夫。王孫賈封你爲上大夫。以下衆將論功行賞。則爲這昭王拜樂毅興兵。圖機謀二國相爭。他氣昂昂軍兵百萬。雄赳赳戈甲千層。樂毅施智謀多無半載。下齊境七十餘城。若不是孫子對惠王反間。怎能般燕樂毅取赴回京。多虧了田單定火牛之計。立江山不得消停。俺齊國三千劍客。聚英雄五萬精兵。放火牛直衝陣角。敗騎劫百萬殘生。保襄王身登玉闕。定齊民樂業安民。今日箇傳聖勅依功行賞。一齊的望帝闕拜謝皇恩。〔正末云〕量小官等有何功勞也。〔唱〕

〔沽美酒〕怎消的坐三公入廟堂。居八位至昭陽。怎消的圖像凌煙着萬世講。託賴着堂堂聖上。施大德重賢良。

〔太平令〕威鎮的一時掃蕩。今日箇威伏的四海來降。玉卮奉嵩呼無量。金鑑錄華祝福旺。我齊祝贊聖皇帝昌壽長。萬萬載軍民仰望。〔齊公子云〕今日箇聖主

登基。黎民樂業。八方無事。四海晏然。龍虎風雲。眞乃享太平之世也。今日箇聖主歡欣掌萬邦。賢臣輔佐定封疆。一人有慶千邦賀。端的是萬載千秋仰聖皇。

後七國樂毅圖齊 終

樂毅圖齊穿關

頭折

齊公子

簪纓公子冠

上衫袍

方心曲領

火裙

錦

卒子

紅碗子盔

青布釘

蘇代

披

冠

補子圓領

皮麥簷帽

膝襴曳撒

掩

正末田單

簪纓三叉冠

紅抹額

膝襴曳

撒

袍

項帕

直纏

膝襴

掩

帶

三髭髯

心甲

項帕

直纏

膝襴

掩

正末田單

簪纓三叉冠

紅抹額

膝襴

曳

撒

袍

項帕

直纏

膝襴

掩

帶

三髭髯

王孫賈

披廈冠

補子圓

領

帶

三髭髯

王孫賈

領

帶

三髭髯

王孫賈

領

帶

三髭髯

王孫賈

領

第二折

孫臏

散巾

邊欄道袍

緋

道童

秦巾

邊欄

使命

一字巾

補子圓

燕公子

簪纓公子冠

上衫袍

孫臏

散巾

邊欄道袍

緋

道童

秦巾

方心曲領

火裙

錦綾牌子

搭

孫臏

又上

同

樂毅

多簷帽

膝襴曳撒

袍

項帕

三髭髯

孫臏

又上

同

樂毅

多簷帽

膝襴曳撒

膊

玳瑁

帶

三髭髯

執圭

孫臏

又上

同

樂毅

多簷帽

膝襴曳撒

袍

項帕

三髭髯

孫臏

又上

同

樂毅

多簷帽

騎劫

騎能

卒子

王孫賈

正末田單

卒子

同

王孫賈

又上

騎劫

騎能

卒子

又上

同

王孫賈

正末田單

卒子

又上

同

騎劫

騎能

卒子

王孫賈

正末田單

卒子

同

王孫賈

又上

騎劫

騎能

卒子

又上

同

王孫賈

正末田單

卒子

又上

同

第三折

騎劫

騎能

卒子

王孫賈

正末田單

卒子

同

王孫賈

又上

騎劫

騎能

卒子

又上

同前正末田單王孫賈蘇代又上騎刼騎能卒子同前正末田單王孫賈蘇代又

上同前火牛

第四折

齊公子同前從人攢頂項帕圓領裕膊正末田單王孫賈蘇代同前

四十三年二月二十六日校內本清常道人

韓元帥暗度陳倉

闕名

頭折

〔冲末扮項羽領卒子上〕〔項羽云〕秦鹿慌奔四海馳。英雄各自領征旗。拔山舉鼎興王業。趙趙威風誰敢敵。某姓項名羽字籍。我是那楚國名將項燕之子。幼而學劍於叔父項莊。數載不成其藝。叔父問曰。爲何學劍不成。我回言道。學劍者止可敵其一人。我欲學敵萬人之藝。因此上着我習孫吳之策。講呂望兵書。使一條火尖槍。有萬夫不當之勇。爲因始皇無道。滅了六國。焚書坑儒。天下大亂。某起兵於會稽。斬了太守殷通。禹王廟前舉鼎。得了桓楚虞英。太公莊上撥了背白身烏馬。與劉沛公兩路伐秦。沛公先入咸陽。封鎖府庫。某後至咸陽。斬了子嬰。自號爲西楚霸王。手下軍有百萬。將有千員。又有八千子弟兵。遷都於彭城。我封沛公爲漢中王。都於南鄭褒州。他手下有蕭何張良等幾箇將軍。我心中想來。這南鄭褒州。路途險峻。山遙水遠。倘若他那裡起兵呵。我這裡便怎生知道。我如今聚手下衆將。來與他商議。怎生隄備。早間着人知會去了。這早晚敢待來也。〔桓楚同虞英上〕〔桓楚云〕敢勇相持顯志剛。全憑武藝定封疆。垓前施展平生力。管取敵軍拱手降。某大將桓楚是也。這位將軍是虞英。俺都是楚霸王手下衆將。爲因始皇失政。東墳

大海。西建阿房。南修五嶺。北築長城。惹起各處英雄。俺兩箇曾在會稽山中落草爲寇。俺大王要來收伏。在禹王廟前拔山舉鼎。以此俺投降於麾下。後來跟隨伐秦。多有大功。爲因劉沛公與俺大王結爲昆仲。俺大王封他爲漢中王。都於南鄭褒州。自亡秦以來。天下頗得寧靜。今日下教場已回。正在家中溫習兵書戰策。有大王呼喚。不知有甚事。須索走一遭去。將軍俺去來。〔虞英云〕將軍想俺大王手下軍屯百萬。將列千員。端的是人人驍勇。箇箇能強。武藝敢敵千員將。英雄豈懼九垓軍。大王今日聚俺衆將。必有將令。可早來到也。小校報復去。道有俺二將來了也。〔卒子云〕理會的。〔報科〕〔云〕喏。報的大王得知。有桓楚虞英來了也。〔項羽云〕道有請。〔卒子云〕理會的。有請。〔見科〕〔虞英云〕大王俺二將來了也。有何將令。〔項羽云〕你二將且少待。等衆將來全時。我自有箇主意。這早晚敢待來也。〔季布同鍾離昧上〕〔季布云〕虎略龍韜腹內居。英雄赳赳有誰如。搥鎚鞭撻般般會。擡鼓奪旗領士卒。某霸王手下大將季布是也。這位將軍是鍾離昧。俺祖居是會稽州人也。曾跟隨太守殷通。因俺大王殺了殷通。以此降於手下。俺端的是身懷武藝。膂力過人。坐下馬撞陣衝軍。手中槍無人敢近。每回上陣建功勞。幾度軍前施汗馬。跟隨大王西伐羸秦。多有大功。自從劉沛公與俺大王結爲昆仲。今已往南鄭褒州去了。俺建都在这彭城郡。手下軍多將廣。人強馬壯。威鎮天下。公侯不敢正目而視之。俺大王安若磐石之固。

也。今日大王聚俺衆將。不知有何將令。須索走一遭去。將軍俺去來。鍾離昧云將軍俺自從跟大王西伐強秦。不及三載。今已天下皆安。六國都來朝貢。誰敢與俺爲敵。今日大王這一次聚俺衆將。必有箇緣故也。來到了。小校報復去。道有俺二將來了也。卒子云理會的。報科云。喏。報的大王得知。有季布鍾離昧來了也。項羽云道有請。卒子云理會的。有請。見科。鍾離昧云大王俺二將來了也。那廂使用。項羽云你二將且少待片時。還有衆將未來哩。等都來全時。我自將令。這早晚敢待來也。范增同周殷上。范增云腹隱兵書曉六韜。神機廣覽在心苗。扶持大楚施謀智。晝夜辛勤不憚勞。老夫范增是也。祖居南巢人氏。這位將軍是周殷。老夫幼習儒業。深曉孫吳。腹中藏百千機謀。胸內有龍韜虎略。望塵知敵數。嗅土決輸贏。輔佐霸王麾下。以我亞父呼之。自因秦失其鹿。天下大亂。高才疾足者先得之。劉沛公起兵於沛。俺大王起兵於淮上。號爲西楚。立起楚懷王。着俺大王與劉沛公兩路分兵伐秦。沛公領兵先到咸陽。封其府庫。還軍霸上。俺大王後入咸陽。殺了子嬰。我數次勸大王。休信沛公之言。他數次不允。在於鴻門會上。我設三計。要害沛公。大王堅執不從。聽信張良之言。封沛公爲漢中王。都於南鄭。俺大王自號西楚霸王。都於彭城。今日無甚事。正在家中看習兵書戰策。大王着人呼喚。不知爲何。須索走一遭去。將軍俺去來。周殷云亞父。想俺大王手下士馬精強。軍卒齊整。料那沛公手下

兵微將寡。俺若領兵去呵。覷他有如摧朽也。〔范增云〕將軍。你不知。我觀沛公手下。多有能臣。止是少箇用武之將。但若得箇用武的元戎呵。委實難敵。等我見了大王時。自有箇主意。來到也。小校報復去。道有俺二人來了也。〔卒子云〕理會的。〔報科〕〔云〕喏。報的大王得知。有范增周殷來了也。〔項羽云〕道有請。〔卒子云〕理會的。有請。〔見科〕〔范增云〕大王。老夫來了也。有何商議之事也。〔項羽云〕亞父。您衆將且略等片時。還有丁公雍齒不見到來。等他兩箇來時。我自有箇商議的事。這早晚敢待來也。〔淨丁公雍齒上〕〔丁公云〕我做將軍。委實強。閑來無事。便跳牆。上陣不用槍和斧。擎着芝麻條兒糖。自家是楚霸王手下大將丁公。這箇是我姪兒雍齒。論我兩箇的武藝。所事不通。件件不曉。但凡上陣。一准先跑。躡着石頭。把我絆倒。走到營裏。就去鋤草。這等手段。那裡去討。前日跟着我們大王伐秦去。都是我兩箇的功。若不是我們望家跑的快。便這早晚。他怎麼成的事。〔雍齒云〕你看這箇傻油嘴。若靠着我和你。把他好事都弄壞了。來到了。小校報復去。說有你兩箇大叔來了也。〔卒子云〕理會的。〔報科〕〔云〕喏。報的大王得知。有丁公雍齒來了也。〔項羽云〕着他過來。〔卒子云〕理會的。着過去。〔雍齒云〕大王。我兩箇來了。閑坐着怎麼。我們去河邊釣魚兒耍去來。〔項羽云〕你看這厮。靠後。您衆將都在此也。我想沛公。自從着我封他爲漢中王。前往褒州去了。一向我也不曾着人打聽去。忽然思想將起來。他這南鄭。

山遙水遠。倘或他那裡起兵呵。俺急切裡怎生知道。您衆將怎生做箇商議也。〔丁公云〕大王。這箇不打緊。你放心。我如今跑一遭去。明日便來回你的話。好麼。〔范增云〕這厮歪說。大王。此事老夫常切於心。老夫有一計。這南鄭褒州。臨近處止有連雲棧道。山路十分險峻。又被張良燒絕了。他那裡但若起兵呵。必然往連雲棧過來。俺如今這裡支撥幾箇將軍。則在連雲棧道山嶺下扎着營。那漢兵若修那棧道呵。便着人星夜前來報俺知道。俺這裡便發大軍去。大王意下如何。〔項羽云〕亞父。此計大妙。別人去可也不會幹事。桓楚虞英。季布鍾離昧。丁公雍齒。你六員將。領五千人馬。便往那裡扎營。糧草便問那附近的城池內關領。但有漢兵修棧道呵。便來報復我知道。便點軍去。〔桓楚云〕得令。虞英。俺收拾鞍馬去來。〔虞英云〕大王。俺收拾鞍馬器械去也。俺如今收拾軍裝。領五千鐵甲兒郎。料漢將焉能取勝。管情看仔細行藏。〔下〕〔季布云〕大王。他二將去了也。鍾離昧。俺去營中收拾鞍馬去來。〔鍾離昧云〕大王。小將收拾鞍馬去也。俺如今離了彭城。點手下敢勇英雄。這一去安營下寨。笑吟吟千戰千贏。〔同季布下〕〔項羽云〕他四將點軍去了也。丁公雍齒。你兩箇目下便去。范增周殷。則在帳下伺候。您且跟我回後堂中商議軍情。就閑飲幾杯去來。我手下軍屯百萬。一箇箇征伐久慣。守把住棧道山前。先除了心腹之患。〔范增周殷卒子同下〕〔丁公云〕他們都去了。雍齒。我兩箇不收拾兵器。在這裡怎麼。〔同雍齒下〕

〔沛公領卒子上〕（云）嬴政鯨吞六國收荒荒各霸衆公侯。自從鹿走咸陽郡。擾攘干戈未肯休。某乃沛公是也。祖居徐州豐沛縣人氏。自因始皇失政。脩蓋驪山堂。起天下人夫。某初爲泗上亭長。押解人夫三百名。前往芒碭山經過。斬了一條白蛇。遂立我爲沛公。與項羽結爲昆仲。他號爲魯公。俺兩箇共同伐秦。已成了大功。誰想項羽無禮。倚強凌弱。數次要傷害我。多虧了我手下張良蕭何等幾箇賢臣。鋪謀定計。瞞過項羽。前者在於鴻門會上。若不是張良之計。險落在范增穀中。今項羽封我爲漢中王。都於南鄭褒州。我累累要與項羽交鋒。報我在前之恥。軍馬俱全。戰將不少。止少箇元戎帥首。多虧了蕭丞相三薦韓信。我拜他爲征西破楚大元帥。關外六國都招討天保大將軍。他每日與我操兵練士。聚草屯糧。未知他幾時起兵。征伐項羽去。我着人請蕭丞相去了。不見到來。小校府門首望者。蕭丞相來時。報復我知道。（卒子云）理會的。（蕭何上）（云）廣看經書苦志學。三章約法立劉朝。赤心報國施忠孝。播箇清名史傳標。小官蕭何是也。輔佐沛公麾下。爲丞相之職。小官幼習先王典教。深通史籍。曾爲沛郡掾史。後項羽起兵。自號魯公。俺沛公起兵於沛中。號曰沛公。自從滅秦以來。項羽無禮。聽信范增之言。數次要行歹心。多虧了俺張子房。同俺衆將。定計施謀。保俺沛公無事。項羽今封俺沛公爲漢中王。都於南鄭褒州。俺六王數有東歸之志。欲要與項羽讐殺。奈因無有用武的將軍。不想有淮陰韓信。在楚爲執戟郎官。棄楚

歸漢。我在大王跟前。舉薦了三次。今已登壇拜將。掛了元帥印。早晚要與項羽交戰去哩。今日大王呼喚。不知爲何。我索走一遭去。來到也。小校報復去。道有小官來了也。〔卒子云〕理會的。〔報科〕〔云〕喏。報的大王得知。有蕭丞相來了也。〔沛公云〕道有請。〔卒子云〕理會的。有請。〔見科〕〔蕭何云〕大王。小官來了也。有何事商議。〔沛公云〕丞相。我無事可也不請你來。自從舉薦韓元帥在我跟前。我今已拜他爲帥。可怎生不聽的說幾時起兵征伐項羽去。你如今傳我的將令。問韓元帥幾時起兵。與項羽交戰去。我無甚事。先回後堂中去也。韓元帥慣排隊伍。端的是知今博古。但若肯領將驅兵。則一陣必然破楚。〔同卒子下〕〔蕭何云〕大王去了也。此事不打緊。我如今親到帥府中。問韓元帥幾時興兵破楚。走一遭去。我如今親到中軍。見元帥說箇叮嚀。擇吉日便行征討。管情着取勝還營。〔下〕〔曹參領卒子上〕〔云〕旗號飄飄。樹影移。槍刀滿目。刀光輝。休言書史惟清秀。也掌軍權狠虎威。小官曹參是也。幼而頗習聖經賢傳。深知孔孟經籍。因爲秦滅六國。焚書坑儒。陳勝吳廣起兵。皆烏合之衆。擾亂關東。俺主公起兵於沛中。立號沛公。後來亡秦之後。與項羽不睦。他聽信范增之言。數次要行歹心。多虧了俺張子房。說項羽今已加爲漢中王。都於南鄭。多虧了蕭丞相三薦韓元帥。登壇之後。不覺許久。元帥以我爲參軍之職。今日要來陞帳。小校望者。衆將來全時。便請元帥去。這早晚敢待來也。〔灌嬰同盧縮上〕〔灌嬰云〕槍馬

精強武藝熟。常驅軍校統戈矛。興心破楚圖功效。敢戰相持第一籌。某大將灌嬰是也。這位將軍。乃是盧綰。俺都是漢中王沛公手下衆將。俺自從輔佐以來。累經戰陣。北討南征。多有汗馬之勞。每遇征伐勤苦。手中槍常是勤磨。腰間劍銀霞歸鞘。俺這漢家衆將。多有汗馬功勞。跟隨沛公。都在這南鄭褒州住坐。今日有韓元帥陞帳。須索走一遭去。將軍。俺去來。〔盧綰云〕將軍。你不知俺韓元帥。自從登壇爲帥以來。號令嚴明。賞罰必信。今日陞帳。必有將令來到也。小校報復去。道俺二將來了也。〔卒子云〕理會的。〔報科〕〔云〕喏。報的大人得知。有灌嬰盧綰來了也。〔曹參云〕道有請。〔卒子云〕理會的。有請。〔見科〕〔盧綰云〕大人。俺二人來了也。有何將令。〔曹參云〕二位將軍。且在一壁有者。等元帥來時。自有將令。這早晚敢待來也。〔王陵同周勃上〕〔王陵云〕自幼曾將武藝習。扶持大漢立華夷。臨軍上陣施英勇。顯耀能強四海知。某大將王陵是也。這位將軍是周勃。俺都是漢王手下衆將。端的是深通武藝。善曉兵書。自從起兵於沛中。伐滅強秦。南征北討。東蕩西除。多有汗馬功勞。爲因項羽倚強凌弱。封俺沛公爲漢中王。都於南鄭。累次要與項羽交鋒。雖有勇將。奈無智將。今拜淮陰韓信爲帥。加他征西破楚大將軍。今日陞帳。須索走一遭去。將軍。俺去來。〔周勃云〕將軍。俺這漢家衆將。十分英雄。看了韓元帥。軍令嚴明。必有深謀大略。說話中間。來到轅門首也。小校報復去。道有俺二將來了也。〔卒子云〕理會的。〔報科〕〔云〕

喏。報的大人得知。有王陵周勃來了也。〔曹參云〕這有請。〔卒子云〕理會的。有請。〔見科〕〔周勃云〕大人。俺二人來了也。〔曹參云〕二位將軍且少待。還有幾箇將軍未來哩。等來全了時。自有將令。這早晚敢待來也。〔靳強同柴武上〕〔靳強云〕馬跨陰山雪夜叉。征袍滾滾綉團花。南征北討驅軍校。敢勇無敵衆所誇。某大將靳強是也。這位將軍是柴武。俺輔佐於漢中王沛公手下。爲大將之職。幼習般般武藝。深知對壘迎敵。上陣處先建頭功。旗開處必然取勝。全憑着手內鋼刀。播一箇名標青史。自隨大王起兵以來。不覺數載。今欲要西征項羽。拜韓信爲帥。說此人有神鬼不測之機。安邦調兵之法。自從登壇之後。你看他操演軍士。整頓隊伍。征旗霞彩。改舊如新。今日陞帳。須索走一遭去。將軍。俺去來。〔柴武云〕將軍。可早來到也。小校報復去。道有俺二將來了也。〔卒子云〕理會的。〔報科〕〔云〕喏。報的大人得知。有靳強柴武來了也。〔曹參云〕道有請。〔卒子云〕理會的。有請。〔見科〕〔柴武云〕大人。俺二將來了也。那廂使用。〔曹參云〕二位將軍。且一壁有者。元帥來時。自有將令。這早晚敢待來也。〔淨呂凱上〕〔云〕我是大將呂凱。走動衆人喝噪。胸背真箇標致。袖着四箇螃蟹。自家是韓元帥手下一箇前部將。呂凱是也。論我爲將。武藝皆知。般般不會。但凡上陣。不用兵器。趕在後面。則尋鼓搥。撞着好漢。我先下跪。這等手段。端的無對。今日有我們元帥陞帳。我走一遭去。來到了。小軍兒報復去。說有你呂叔來了也。〔卒子云〕理會的。

的〔報科〕〔云〕喏。報的大人得知。有呂凱來了也。〔曹參云〕着他過來。〔卒子云〕理會的。着過去的。〔見科〕〔呂凱云〕老曹。我在下來了。有甚麼話說。〔曹參云〕你看這廝。一壁去。這早晚元帥敢待來也。〔正末領卒子擎令牌法刀上〕〔云〕某姓韓名信。乃淮陰下湘人也。幼而頗習韜略之書。因豪傑並起。人皆失業。某因受惡少年之恥。又遇水雲鄉漂母之賢。某仗三尺龍泉。憑腹中韜略。投於魯公麾下。爲執戟郎官。言不聽。計不用。棄楚歸漢。多虧了蕭丞相三薦於漢王。拜我爲征西破楚大元帥。關外六國都招討。今日聚下衆將。商議起兵伐楚。我去大營中走一遭去。誰想有今日也呵。〔唱〕

〔仙呂點絳脣〕我也曾陋巷淹留。貧寒常受。紅塵久。今日箇拜將封侯。纔得箇名成就。

〔混江龍〕我是箇元戎領袖。仗智襟滅楚立炎劉。你看那旗旛擺列。整理戈矛。我若是統領軍卒親戰討。便着那重瞳目下一時休。便安排麟閣功勳厚。你看那東風颯颯。樹影悠悠。〔云〕來到也。小校跟我過去來。〔做見科〕〔曹參云〕呀呀呀。元帥來了也。俺衆將有失迎接。元帥請坐。〔正末云〕您衆將都在此也。〔曹參云〕元帥。衆將在此。等候良久。幾時起兵。與項羽交戰去也。〔正末云〕大人。你聽我說與你。〔唱〕

〔油葫蘆〕我將那虎略龍韜腹內搜。論機謀。心上有。你着我時間仔細運機籌。仗雄才。堪可除賊寇。立家邦。端的無虛謬。〔曹參云〕據元帥有管樂之才。孫吳之智。觀那項羽。有何難哉也。〔正末唱〕雖無那管樂才經濟手。但若是將軍指日功勳就。我將那項羽片時收。〔曹參云〕據元帥如此之能。俺大王可也不會錯用了也。〔正末唱〕

〔天下樂〕少不的一統山河拜鳳樓。則我這心也波頭。決應口。淨煙塵。顯名清宇宙。〔曹參云〕元帥自從掌了軍權。你看這士卒隊伍。比舊時全然不同也。〔正末唱〕便將那軍士操。則要他武藝熟。顯的也是男兒得志秋。〔云〕參謀使。俺慢慢的商議軍情事。小校轅

門首看者。但有一應事務。便來報復我知道。〔卒子云〕理會的。〔蕭何上〕〔云〕轅門旗擺東風裏。

正是將軍陞帳時。小官蕭何是也。奉漢王命令。着我來韓元帥大營中來。問他幾時行兵破項羽去。離了府中。說話中間。可早來到轅門首也。小校報復去。道有蕭丞相。奉大王的命令。來見元帥。

〔卒子云〕理會的。〔報科〕〔云〕喏。報的元帥得知。有蕭丞相來了也。〔正末云〕道有請。〔卒子云〕理會的。有請。〔見科〕〔正末云〕丞相。某劍甲在身。不能施禮也。丞相此一來爲何。〔蕭何云〕元帥

小官奉大王的命令。問元帥幾時行兵。破項羽去。〔正末云〕丞相請坐。聽我說與你。〔唱〕

〔那吒令〕我如今領軍呵。先分箇左右。將校每要精神抖擻。臨陣時便安排下。

手〔蕭何云〕元帥。這軍校操練的如何。〔正末唱〕將軍校隊伍排。把士馬休馳驟。你可也聽我的因由。〔云〕小校。將我那軍中的告示。掛在轅門首者。〔卒子云〕理會的。〔蕭何云〕住住。

住。元帥將來。小官試看一看。〔蕭何做念告示科〕〔云〕大元帥將令。曉諭部下一應大小頭目人等。今統大軍十萬。西破暴楚。敢有不遵號令者。以軍法處治。計開。違令該斬者七。禁令五十四斬。是一輕。二慢。三盜。四欺。五背。六亂。七誤。五十四斬者。是會期不到。擅自離營。疑遲留難。迴避不至。初遠後近。喚名不應。胄甲不具。兵器不全。此八件。爲輕軍之罪。犯者悉皆該斬。受令不傳。聽令不審。迷惑士卒。帶酒入營。此四件。爲慢軍之罪。犯者該斬。食不廩糧。兵不在意。借貸不還。奪人頭目。賴人功名。此五件。爲盜軍之罪。犯者該斬。改變名姓。衣甲不解。旌旗損壞。金鼓不具。兵刃不磨。矢不翎羽。弓弩無絃。法令不從。此八件。爲欺軍之罪。犯者該斬。聞金不止。聞鼓不征。按旗不伏。舉旗不起。揮旗不隨。避前向後。縱橫亂行。私退不關。或左或右。扶傷救死。自詐歸營。此十一件。爲背軍之罪。犯者該斬。步軍交行。士卒爭先。大重驚衆。車騎相連。湮塞道路。後不得前。呼喚喧譁。無所取問。失亂行次。兵刃傷衆。將士不理。上下路橫。此十二件。爲亂軍之罪。犯者該斬。他營所止。問其鄉里。親近相隨。兵食相保。疑惑兵事。機智有失。此六件。爲悞軍之罪。犯者該斬。右榜曉諭衆將。通知元帥有如此之軍令也。雖古名將。豈能如此也。〔正末唱〕

〔鵲踏枝〕今日箇統貔貅。靜軍州。若不這軍法威嚴。端的是難以爲頭。堪可做元戎帥首。殺敵軍鮮血澆流。〔云〕軍政司這幾日陞帳。有誰不會到。〔曹參云〕元帥有英蓋樊噲。三日不會到。〔正末云〕小校將那軍令榜掛在轅門首。等英蓋來時。便來報復我知道。〔卒子云〕理會的。〔做掛告示科〕〔淨英蓋上〕〔云〕我是大將英蓋。平生武藝不解。若還家裏沒事。走到街上撒賴。自家漢王手下大將英蓋是也。我是漢王心腹人。他好生愛我。論我在下爲人所事皆知。真箇耍笑。聽的厮殺。望家便逃。走到家裏。學吹歌叫。這等手段。端的奇妙。我們大王。真箇沒正經。放着我不拜。拜韓信爲帥首。我惱了。他點了三日。我都不曾去。料着不敢怎麼的我。我今日走一遭去。來到也。他怎麼掛着箇告示。說那一箇哩。小軍兒報復去。說有你英叔來了。〔卒子云〕理會的。〔報科〕〔云〕喏。報的元帥得知。有英蓋來了也。〔正末云〕他來了。預備下刀斧手。着他過來。〔卒子云〕理會的。着過去。〔見科〕〔英蓋云〕老韓。我在下來了。小校安排些酒來。我們喫三鍾。〔正末云〕這匹夫好無禮也。〔唱〕

〔寄生草〕他那裡歪談道。則管裡不住口。也是你今朝一命絕時候。看看合死誰人救。〔帶云〕小校擊下這厮者。〔卒子云〕理會的。〔做擊英蓋科〕〔英蓋云〕擊下。你敢怎麼。我怕你不成也。〔正末唱〕便着你紛紛血染征衫袖。誰着你三番不到悞了軍期。見的這

軍中號令非虛謬。〔云〕大人這犯該甚麼罪犯。〔曹參云〕這厮正犯着頭一款會期不到。理合該斬。〔正末云〕既是這等。拏出去斬訖報來。〔卒子云〕理會的。〔卒子拏英蓋科〕〔英蓋云〕韓叔。我不曾說你甚麼。你不要撒酒風。怎麼了罷。我做將軍僕儼。今日算來不合。三日點開不到。丟了喫飯家活。〔卒子做斬科〕〔英蓋做死科〕〔下〕〔蕭何云〕元帥法令這等威嚴。敢問元帥幾時行兵。〔正末云〕丞相聽我傳令。衆將聽我傳令。明日到教場中點了人馬。還有樊噲未曾發落哩。我斬了樊噲。便領軍去。我回後帳中收拾鞍馬去也。〔唱〕

〔尾聲〕到來日統雄兵。便休想心偏恁。誰敢道將沒做有。我和他決戰千合。無了休。把清名史傳遺留。看天外晚雲收。風力颼颼。你看我施展今番擒將手。〔蕭何云〕元帥。你可小心在意也。〔正末唱〕我到來日親身自走。行出那重重山岫。你看我笑談間睡手覓封侯。〔卒子拏令旗令牌法刀跟下〕〔蕭何云〕誰想此人如此法令嚴切。斬了英蓋。他既然說明日行兵。我且回私宅去也。韓元帥軍令精嚴。遣軍校不敢俄延。將英蓋時間斬首。顯出那大將威權。〔下〕〔曹參云〕元帥去了也。小校收了軍令榜。衆將軍。俺都後帳中商議去來。俺都是漢國忠良。一箇箇武藝精強。韓元帥領兵前去。殺楚將拱手而降。〔同下〕

〔沛公領卒子上〕〔云〕爲因嬴秦無道德。以此楚漢兩相爭。某劉沛公是也。自從蕭何丞相在某跟前。再三舉薦韓信。則說此人文欺姜尚。武賽孫吳。有經綸濟世之才。補完天地之手。某築壇拜將。捧轂推輪。封他爲關外六國都招討。破楚興劉大元帥。韓信自登壇之後。賞罰公平。號令精嚴。將七禁令五十四斬。出在告示上。掛在轅門首。每日陞帳聚衆將。發放軍情之事。但有悞了他將令的。拏出轅門外。就行斬首。有我愛將英蓋。三次不到。將英蓋斬了。某心中大怒。未曾與項羽交鋒。先斬一員大將。於軍不利。都是蕭丞相舉薦他來。我着令人請蕭丞相去了。等他來時計議。小校望者。等蕭丞相來時。報復我知道。〔卒子云〕理會的。〔淨樊噲上〕〔云〕我做將軍實無養。點名不到元戎怪。斬了英蓋輪着我。不如走了將狗賣。自家大將樊噲的便是。若論在下爲人。武藝都通。能騎劣馬。但凡上陣。我好頑耍。跑到陣前。拏棍就打。跌了一交。撞折左膀。擡到家中。三餅肉鮮。擡將起來。還要發饒。爲因蕭何丞相。好沒生的。把箇韓信在漢王跟前。兩次三番。舉保做了元帥。如今韓元帥再狠的也不似他了。有一箇英蓋。三次不到。他就殺了。我九遭不到。也得箇十棒子的罪過。怎麼了。那韓元帥也要殺我哩。我如今去見大王去。着他救我一救。留着性命。喫老米飯。可早來到也。小校報復去。道有你樊老叔來了也。〔卒子云〕理會的。〔報科〕〔云〕喏。報的大王得知。有樊噲來了也。〔沛公云〕着他過來。〔卒子云〕理會的。着你過去。〔見科〕〔樊噲跪云〕

大王不好了。與老樊做主者。〔沛公云〕你看這廝。走將來大驚小怪的。你爲甚麼來。〔樊噲云〕大王。今有英蓋。爲點鬧不到。把韓元帥殺了。〔沛公云〕敢是韓元帥殺了英蓋。〔樊噲云〕吓。我慌了些。則爲點鬧不到。韓元帥斬了英蓋。我也三遭不會去。如今要殺我。大王可憐。救我一救。我送四隻爛狗蹄兒你喫。〔沛公云〕你看這廝。你起來。且在一壁有者。等蕭丞相來時。我和他計議。這早晚敢待來也。〔蕭何上〕〔云〕舉薦賢良爲元帥。保助當朝萬載興。小官蕭何是也。自從在大王跟前。三次舉薦韓信。登壇掛印。看了韓信元帥。問一答十。善曉三略六韜。能辨風雲氣色。我可也不曾落保也。恰纔府衙門公事以畢。俺大王使人來請。須索走一遭去。可早來到也。小校報復去。道有小官來了也。〔卒子云〕理會的。〔報科〕〔云〕喏。報的大王得知。有蕭丞相來了也。〔沛公云〕丞道有請。〔卒子云〕理會的。有請。〔見科〕〔蕭何云〕大王。小官來了也。有何事計議。〔沛公云〕丞相。無事我可也不請將你來。爲因你在我跟前。兩次三番。舉薦韓信爲元帥。我依你拜他做了元帥。誰想他將令這等緊急。有一大將英蓋。點鬧不到。有甚麼打緊。把他就斬了。這箇樊噲。也點鬧不到。也要斬他哩。想我漢家有多少名將。都似英蓋。可怎了。未曾與楚交鋒。先折了箇大將。做的箇於軍不利也。〔蕭何云〕大王不知。他這爲元帥者。冬不重裘。夏不執扇。雨不張蓋。號令精通。親不擇骨肉。賞不記恩讐。軍不斬不齊。是要這等行兵也。〔樊噲跪科〕〔云〕老蕭可憐見。你救我一

救。我送二十箇雙邊錢。與你買炸子燒好麼。〔沛公云〕丞相也罷。我依着你。你如今領着樊噲。見元帥去。說我的言。看我之面。饒他這遭。休違了我將令。〔蕭何云〕大王。小官謹領尊言。樊噲。你跟我見元帥去。〔樊噲云〕老蕭。你仔細些。休到那裡。把我耍了頭。下回可長不出來。〔蕭何云〕不妨事。有我哩。大王。小官領樊噲見元帥。走一遭去。則今日就到軍營。見元帥仔細叮嚀。傳言語親去分付。方顯他將令嚴明。〔同樊噲下〕〔沛公云〕蕭丞相同樊噲去了也。這一到營中。傳着我言語。必是饒了樊噲也。無甚事。我且回後堂中去了。韓元帥善曉六韜。犯軍令不肯就饒。斬英蓋將令嚴整。方顯他手策能高。〔同下〕〔曹參領卒子上〕〔云〕手擎玉管安天下。腹隱詩書保國興。小官曹參是也。自從韓元帥登壇之後。號令精嚴。斷事無錯。每日帳下。操練軍士。端的能哉。爲英蓋數次不到。毀罵元帥。昨日掣出轅門。把英蓋斬了。還有樊噲也不到。今日元帥陞帳。要斬樊噲哩。等衆將來計議。小校望者。衆將來到時。報復我知道。〔卒子云〕理會的。〔灌嬰同盧綰上〕〔灌嬰云〕於家爲國存忠孝。播的芳名入史題。某灌嬰是也。這位將軍是盧綰。爲因韓元帥自登壇爲帥。將令緊急。每日帳下。習軍練士。預備與楚交鋒。有英蓋會合不到。昨日斬了。今日要斬樊噲哩。俺須索走一遭去。〔盧綰云〕將軍看了韓元帥這等威嚴。觀楚王不爲罕矣。說着話。可早來到也。小校報復去。道有俺二將來了也。〔卒子云〕理會的。〔報科〕〔云〕喏。報的大人得知。有灌嬰

盧綰來了也。〔曹參云〕道有請。〔卒子云〕理會的。有請。〔見科〕〔灌嬰云〕大人俺二將來了也。〔曹參云〕您二將來了。且少待。衆將都來全時。請元帥去。這早晚衆將敢待來也。〔周勃同王陵上〕〔周勃云〕每存忠孝扶國家。報主與功有政聲。某周勃是也。這位將軍是王陵。爲因韓元帥每日帳下着衆將操演武藝。掙劍磨刀。隄備與楚相敵。有英蓋樊噲。他兩箇會合不到。昨日斬了英蓋。今日陞帳。要斬樊噲哩。俺須索走一遭去。〔王陵云〕將軍看了韓元帥這等能哉。蕭丞相也不曾落保也。說着話。可早來到也。小校報復去。道有俺二將來了也。〔卒子云〕理會的。〔報科〕〔云〕喏。報的大人得知。有周勃王陵來了也。〔曹參云〕道有請。〔卒子云〕理會的。有請。〔見科〕〔周勃云〕大人俺二將來了也。〔曹參云〕二位將軍來了。略等片時。待衆將來全時請元帥去。這早晚敢待來也。〔靳強柴武上〕〔靳強云〕爲因沛公存仁義。捨死忘生戰塞場。某靳強是也。這位將軍是柴武。爲因韓元帥將令嚴謹。賞罰均平。操習軍校。預備敵楚。兩員將會合不到。是英蓋樊噲。昨日斬了英蓋。今日元帥陞帳。要斬樊噲。這事怎了也。今日元帥在帳下。聚俺衆將。俺須索走一遭去。〔柴武云〕將軍看了韓元帥這等威權。堪爲元帥。俺行動些。則怕衆將久等。說着話。可早來到也。小校報復去。道有俺二將來了也。〔卒子云〕理會的。〔報科〕〔云〕喏。報的大人得知。有靳強柴武來了也。〔曹參云〕道有請。〔卒子云〕理會的。有請。〔見科〕〔靳強云〕大人俺二將來了也。

也。〔曹參云〕二位將軍來了。略等片時。待元帥來到時。報復我知道。〔卒子云〕理會的。〔正末上〕云某韓信是也。自做了元帥。每日在帳下操練軍士。要與項羽交鋒。有兩員將。是英蓋樊噲。會合不到。昨日斬了英蓋。今日陞帳。要斬樊噲。擇取大好日辰。起了大營。與項羽交鋒。可早來到也。小校報復去。道有某來了也。〔卒子云〕理會的。〔報科〕云喏。報的大人得知。有元帥來了也。〔曹參云〕俺接元帥去來。〔衆將做接科〕〔正末云〕衆將。某來了也。〔曹參云〕元帥來了。請坐。〔正末云〕曹大人。你不知。非是我自專。便好道。軍不斬不齊。我昨日斬了英蓋。是麼。〔曹參云〕元帥軍令。誰敢不從。〔正末云〕大人。某點就雄兵。選吉日良辰。便要興師滅楚。擒項羽去哩。俺且慢慢的共話。看有甚麼人來。〔蕭何同樊噲上〕〔蕭何云〕親傳大王尊令旨。爲救樊噲到營來。小官蕭何是也。這箇是樊噲。爲因他與英蓋兩箇。失了會合。昨日元帥斬了英蓋。今日要斬他。他在俺大王跟前哀告了。小官奉大王的令。着我來與元帥說饒免他。恐怕元帥不從。着小官親自送來。可早來到也。小校報復去。道俺二人來了也。〔卒子云〕理會的。〔報科〕云喏。報的元帥得知。有蕭丞相樊噲來了也。〔正末云〕道有請。〔卒子云〕理會的。有請。〔做見科〕〔蕭何云〕元帥。小官與樊噲來了也。〔正末怒科〕云丞相請坐。兀那樊噲。某在帳下操練軍士。要與項羽交鋒。你因何會合不到。昨日斬了英蓋。今日要斬了你哩。你來的正好。小校擎出樊噲去。斬訖報來。

〔樊噲云〕罷了。我也老蕭你救我一救兒。〔蕭何云〕住住住。元帥小官奉大王的命令。把樊噲權且饒他這一遭。不可有違也。〔正末云〕丞相某爲元帥。令無二行。既然有大王的言語。兀那樊噲。你且記頭在項。今撥與你一千兵。替我修整連雲棧道去。要你每日家搖旗吶喊。擂鼓篩鑼。你把連雲棧修開。但有一條路逕。我領大兵。便要打那裡過去。與項羽交鋒哩。你若修不開。某並不饒你。二罪俱罰也。〔樊噲云〕得令。好沒生的。着我領軍修整連雲棧去也罷。我走一遭去。我今日造物不高。修棧道顯耀英豪。能可着石頭打死。強似我捱他一刀。〔下〕〔蕭何云〕元帥恰纔着樊噲領兵修棧道。這棧道山高峻峻。闊澗陡崖。怎麼修的開也。〔正末云〕丞相。你近前來。〔正末做打耳暗科〕〔云〕丞相不得知。我着樊噲領軍校明修棧道。某的計就了也。自有妙策。您衆將都往後帳中來。聽我將令。我先回去也。〔唱〕

〔賞花時〕憑着我腹內機謀有大才。虎略龍韜自剖劃。觀項羽似嬰孩。你看我施逞妙策。我則要成功後便回來。〔下〕〔蕭何云〕元帥回去了也。小官無甚事。回大王話。走一遭去。韓元帥將令威嚴。與樊噲號令親傳。寶帳中免饒他死。到帝闕親見天顏。〔同卒子下〕〔曹參云〕蕭丞相回去了也。您衆將都要您擒拏項羽。成其功效。無甚事。跟着小官。回後帳中去來。韓元帥韜略精通。饒樊噲賞罰分明。雖然是明修棧道。他腹內另有功勳。〔同下〕

第二折

〔蕭何領卒子上〕〔云〕小官蕭何是也。爲因有樊噲失悞了點閣。元帥將令要斬他。奉俺大王的令。差我與韓元帥說。饒了他死罪。奉元帥將令。就着他領着軍。鳴鑼擊鼓。吶喊搖旗。修棧道去了。若是修不起。二罪俱罰。還要斬他首級哩。樊噲領軍去了。元帥就與小官說。這棧道被張子房放火燒斷路了。十年也修不起。非是着他去修。元帥將計就計。要建頭一件大功。不枉了好元帥也。正是借形移影擒項羽。立漢興劉建大功。韓元帥領兵去了。分付下小官。若樊噲來。告說修不起棧道時。着小官說與他計策。說着他趕將去。元帥還要用他哩。小校望者。等樊噲來到時。報復我知道。〔卒子云〕理會的。〔淨樊噲上〕〔云〕自從走到連雲棧。不匡真箇累的慌。自家樊噲的便是。爲因我失悞了點閣。韓元帥要斬了我。着我在大王跟前把頭磕破了。大王着蕭丞相與他說去。他付能饒了我。可着我領兵修棧道去。着我領着兵。到那大山裡。看了那棧道。那石頭急流骨都。吉去疙疸。那澗水出流東刺。劈留撲塔。怎麼修的起。倒不如脖子裡捱他一下。倒是乾淨。我去蕭丞相那裡告他。走一遭去。可早來到也。小校報復去。道有你樊老叔來了也。〔卒子云〕理會的。〔報科〕〔云〕喏。報的丞相得知。有樊噲來了也。〔蕭何云〕着他過來。〔卒子云〕理會的。着過去。〔見科〕〔樊噲云〕丞相。我老樊來了也。〔蕭何云〕樊噲。元帥着你修棧道去。則等你修開棧道。有

了大路。便領兵往棧道那裡過去。與項羽交鋒哩。你修起也不會。〔樊噲跪科〕〔云〕好蕭老叔。你救我一救兒。看了那棧道。那等大山太峻。石頭長的侵天來高。我到老死也修不開。寧可脖子裡捱他一下罷。我則修不開也。〔蕭何云〕樊噲。你起來。元帥說來。故意着你領兵鳴鑼擊鼓。呐喊搖旗。明修棧道。就知你修不起。元帥又早有了計了。領大兵前去。暗度陳倉古道了也。元帥分付下小官。若樊噲來告說修不起棧道時。着小官說與你。不用你修棧道了。你領兵打陳倉古道那裡趕將去。元帥還用你哩。你不宜遲滯。你趁早趕將去也。〔樊噲云〕看起來這般說。原來是韓元帥的計策。則今日辭別了丞相。我老樊領兵趕韓元帥。走一遭去也。今日箇造物忒高。險些兒轉了我腰。當時間辭了丞相。趕元帥且走一遭。〔下〕〔蕭何云〕樊噲去了也。我無甚事。且回後堂中去也。韓元帥謀略皆精。有樊噲聽令親行。他若是趕到陣上。擒項羽定要成功。〔同卒子下〕〔桓楚虞英領卒子上〕〔桓楚云〕全憑慷慨爲楚將。倚仗英雄保大邦。某乃桓楚是也。這位將軍是虞英。某自從夏禹王廟中降了楚公子。將俺大小衆將。遷職封官。今有漢王在褒州。恐怕他起兵。大王着俺衆將守把連雲棧。果然差軍兵來修連雲棧道。要與俺交鋒。〔虞英云〕將軍。這八百里連雲棧。怎麼修得起。〔桓楚云〕今日帳下等衆將來計議。小校望者。等衆將來時。報復我知道。〔卒子云〕理會的。〔季布同鍾離昧上〕〔季布云〕久居大楚爲將校。常臨戰鬪顯英豪。某乃季布

是也。這位將軍是鍾離昧。俺自降楚以來。累有大功。大王將俺各分品爵。今日桓楚與虞英在這連雲棧山下。扎了大營。今帳下聚俺衆將。不知有何事計較。俺須索走一遭去。〔鍾離昧云〕將軍他二位將軍帳下聚俺衆將。必有商議的事情。說着話可早來到也。小校報復去。道有俺二人來了也。〔卒子云〕理會的。〔報科〕〔云〕喏。報的將軍得知。有季布鍾離昧來了也。〔桓楚云〕道有請。〔卒子云〕理會的。有請。〔見科〕〔季布云〕將軍。俺二人來了也。〔桓楚云〕二位將軍少待。等衆位將軍都來全時計議。這早晚敢待來也。〔淨丁公同雍齒上〕〔丁公云〕一雙油嘴能快喫。三瓶官酒兩雙鷄。自家丁公的便是。這箇是我姪兒雍齒。俺兩箇正在山頂兒上放風箏耍子哩。有桓楚虞英二將。帳下聚俺衆將。不知有甚麼話說。俺須索走一遭去來。〔雍齒云〕我說丁公。則怕桓楚請俺飲酒麼。俺行動些。休着他們則管裡等俺。說話中間。可早來到也。小校報復去。道有您兩箇老叔來了也。〔卒子云〕理會的。〔報科〕〔云〕喏。報的將軍得知。有雍齒丁公來了也。〔桓楚云〕着他過來。〔卒子云〕理會的。着過去。〔見科〕〔丁公云〕衆位將軍。俺兩箇來了也。則怕您請俺兩箇飲酒時。擺將上來俺喫了罷。〔桓楚云〕您衆位將軍都來了。請您來不爲別。今日劉沛公着軍兵修棧道。則怕修開了時。他那裡領兵來到。俺可怎生與他交鋒。請您衆位將軍來。商議此一樁事。〔季布云〕將軍。這棧道山高峻峻。闊澗深崖。樹林叢密。烏雀難巢。巔峯惡能藏彪虎。是那漢王手

下。能有多少軍兵。怎麼修的起。將軍但放心。他飛也飛不過來。〔桓楚云〕這等便好。俺慢慢的共話。看有甚麼人來。〔外卒子慌上報科〕〔云〕見了楚將言端的。不知時下有非災。自家是箇瞭哨的小軍兒。今有漢王。使人明修着連雲棧。不期漢家大勢人馬。打那一條路上過來。如今到抄在俺大營後頭。大軍來到了也。我報知衆將去。可早來到也。不須報復。我自過去。〔見科〕〔云〕喏。報的衆位將軍得知。禍事來了也。〔桓楚云〕禍從何來。〔外卒子云〕今日漢王差軍兵明修棧道。漢家大勢人馬。不知打那一條路上過來。到往俺大營後頭殺將來了也。〔桓楚云〕你回去再看去。俺知道了也。〔外卒子云〕我還去瞭哨去也。我出的門來。我看漢兵離俺大營。還有多遠田地。我心中十分憂愁。瞭哨去看箇緣由。但若是看見漢兵。着一下定無了頭。〔下〕〔桓楚云〕衆位將軍。俺收拾衣甲頭盔。點就軍兵敵漢兵。走一遭去。俺楚將頗曉兵機。領雄師便去迎敵。遇漢兵交鋒大戰。那其間須見高低。〔同三將卒子下〕〔丁公云〕雍齒。他們都去了也。俺兩箇到後帳裏收拾了衣甲。跟着他們也走一遭去來。俺兩箇一對油嘴。遇着河則情下水。逢漢將將俺擎住。丟了頭一准做鬼。〔同下〕〔正末同王陵周勃樊噲躍馬兒領卒子上〕〔正末云〕某韓信是也。自從做了元帥。我料楚兵必然守把棧道。我着樊噲明修棧道。我暗度陳倉。襲在棧道山前。果有楚兵守把。今日領兵出陳倉。與楚兵交戰。走一遭去。大小三軍。擺布的嚴整者。〔唱〕

〔越調鬪鶴鶻〕則俺這戰馬咆哮。人人性剛。虎將英雄。我則見槍刀刃光。一箇箇敢勇當前。一人人施呈氣象。習學的三略熟。都待將姓字芳。托賴着聖主寬仁。則俺這忠臣的智量。〔王陵云〕元帥。想俺大王寬仁厚德。量那項羽。到的那裡也。〔正末

唱〕

〔紫花兒序〕輔佐着當今聖上。懾伏了小國偏邦。保祚的肅靖邊疆。〔周勃云〕元帥。你看俺這軍校。好是嚴整也。〔正末唱〕明晃晃弓刀排列。齊臻臻映日旗槍。度量。一似那病羊兒見餓狼。方顯俺將軍形象。出來的膽大心寬。智量高強。〔云〕王將軍。看了這棧道崎嶇。路途嶮峻。又被張子房燒絕了。俺這大小軍馬。怎生過去。着樊噲明修棧道。俺可暗度陳倉古道。這楚兵不知是智。必然排兵在棧道守把。俺往陳倉古道抄截。殺他箇措手不及也。〔王陵云〕元帥。這等妙策神機。這的是真天子百靈成助。大將軍八面威風。來到陳倉古道將近也。〔正末云〕是好崎嶇的道路也。〔唱〕

〔寨兒令〕你看那山路長。道途難。軍兵將。您不住忙。〔王陵云〕元帥。好一派眼景也。正是行軍之時。〔正末唱〕綠柳斜陽。花落殘香。衰草更茫茫。連雲棧。人馬排行。人和馬。暗度陳倉。周將軍驅將校。王陵也曾定了邊疆。俺可便施勇烈。顯高強。〔周勃

云〕元帥。你看兀那遠遠的擺的軍馬。俺索整擲旗旛隄備也。〔正末云〕小校擺開陣勢。楚兵敢待來也。〔桓楚虞英季布鍾離昧丁公雍齒領卒子躍馬兒上〕〔桓楚云〕準備擒虎拏蛟計。銀山鐵壁撞將來。某乃桓楚是也。奉俺霸王之命。領着這虞英季布鍾離昧丁公雍齒。這幾箇將軍。在連雲棧隄備漢兵。這連雲棧是俺這蜀川總路。爲因險阻難行。有漢軍鳴鑼擊鼓。明修棧道。不知漢兵從那裡過來了。俺統雄兵與他交戰。兀的不有人馬來了也。〔周勃云〕韓元帥。兀的不是楚兵來也。〔正末云〕來者何人。〔桓楚云〕某乃西楚霸王麾下大將桓楚。虞英季布鍾離昧。俺在連雲棧等待你多時。你來者何人。〔正末云〕兀那匹夫。我說與你。某乃漢王麾下新拜統領大軍元帥韓信。我和你戰三合。〔桓楚云〕原來是你箇餓夫。降於沛公手下。趁早下馬。〔丁公云〕元帥怕他怎麼。我們和他戰。若還輸了。我則情往家跑。〔正末云〕這匹夫好無禮也。〔唱〕

〔金蕉葉〕俺二軍排定戰場。觀敵兵渾如病羊。着桓楚虞英納降。俺這裡憑周勃施逞莽撞。〔云〕兀那桓楚。我說與你。你則知我明脩棧道。豈知我暗度陳倉。某當日在你那

霸王手下。言不聽。計不用。某棄楚歸漢。拜某爲關外六國都招討征西大元帥之職。你趁早受降。〔桓楚云〕你這箇餓夫。你當日受惡少年胯下之恥。量你到的那裡也。小校操鼓來。我和你決戰九千合。〔做戰科〕〔正末唱〕

〔調笑令〕我這裡自想路途長呀。我則見馬賽狻猊人奮揚。俺這裡明脩棧道。機謀上。憑戰策多用心腸。仗威風。赳赳顯氣象。齊擺列鎧甲旗槍。〔桓楚云〕這厮武藝高強。衆將近前。擒拏這匹夫。〔正末云〕量你這匹夫。每到的那裡。我和他見箇輸贏。〔做混戰科〕〔唱〕

〔禿厮兒〕見虞英忙排戰場。有季布齊列刀槍。我則見丁公雍齒有甚強。鍾離味顯高強。塵土飛揚。〔桓楚云〕漢將是強。我敵不住他。走走走。〔丁公云〕我們還不走哩。俺若走的遲了。要了頭去。不當耍子。我則走也。走走走。〔桓楚虞英季布鍾離味丁公雍齒走科〕〔同下〕〔正末云〕這厮走了也。〔樊噲云〕可知走了哩。〔王陵云〕趁勢不可不追。俺趕去來。〔正末云〕王將軍不要追趕。某埋伏下軍馬了也。〔唱〕

〔聖藥王〕他那裡言語慌。不甚強。着這厮相持對壘不尋常。者莫便逢着大海。或是便遇着大江。領軍卒直趕到五雲鄉。擒賊將有何傷。〔云〕衆將跟我去來。〔周勃云〕俺大小衆將。跟着元帥去來。〔正末唱〕

〔尾聲〕我着敵兵不敢咱行強。我着那桓楚虞英自想。今日且暫收軍。我着這立楚的英雄衆都講。〔下〕〔王陵云〕韓元帥去了也。則今日俺領衆將。便索追趕楚兵去來。

〔周勃云〕王將軍。韓元帥將令。不要追趕。俺這裡軍馬。已埋伏了也。若楚兵到時。元帥自有支撥。俺領着大軍。且回本營去來。韓元帥率領軍卒。驅將校用智鋪謀。今日箇明脩棧道。放心楚霸王決納降書。〔同王陵卒子下〕〔樊噲云〕他們都去了。今日這一陣廝殺。若不是那韓元帥。也殺不過那桓楚。虞英。我也回去了罷。今日箇廝殺相持。全憑着我用心機。騎着匹產馬回去。磨塌了腿上精皮。〔下〕〔灌嬰盧綰靳強柴武驪馬兒領卒子拏撓鈎上〕〔灌嬰云〕四川山嶺重重險。古道陳倉歧路多。某大將灌嬰是也。這三位將軍。是盧綰靳強柴武。俺奉韓元帥將令。着樊噲明脩棧道。俺跟隨暗出陳倉古道。是好峻峻的山路也。你看那轉羊腸道路難行。如梯磴峯巒怎上。老樹如出水蛟龍。怪石似溪邊猛虎。並無一箇採樵人。豈有荒村行旅店。元帥去迎敵楚將去了。着俺四將埋伏在這松林右側。等待楚將過來。務要取勝而回。衆小校擺開陣勢者。〔盧綰云〕將軍。我想韓元帥眞箇有神鬼不測之機。他怎生知道有這一條大路。你看兀那遠遠的。不是楚將敗回來了。〔靳強云〕可知是哩。俺出這松林去來。〔桓楚虞英季布鍾離昧丁公雍齒驪馬兒上〕〔桓楚云〕誰知韓信生奸計。暗出陳倉古道來。某桓楚是也。這幾箇將軍。是虞英季布鍾離昧。俺霸王的將令。着俺守着棧道。則聽的每日山上鳴鑼擊鼓。吶喊搖旗。修理棧道。我料想他如何脩理的起。原來有執戟郎官韓信。降於漢王麾下。拜他爲帥。他明修棧道。領衆將暗度陳倉。大殺

了俺一陣。俺回彭城求救軍去來。〔丁公云〕衆位老叔可憐見。帶攜我走了罷。到家裏打兩瓶請你們。〔虞英云〕兀那前面。不有漢軍來了也。〔雍齒云〕不好了。你們靠前些。〔見科〕〔柴武云〕兀那楚將。趁早下馬受降。有吾久等多時。〔桓楚云〕事到這裡。衆將。俺與他戰幾合。〔戰科〕〔卒子拏撓鈎搭住丁公雍齒科〕〔丁公云〕不敢。我是你們的孫子哩。〔桓楚云〕這事不中。俺走走走。〔同虞英季布鍾離昧慌下〕〔灌嬰云〕衆將走了也。拏住這兩箇匹夫。俺迎將元帥去來。〔同盧綰斬強柴武卒子下〕

第三折

〔張良上〕〔云〕八卦機謀隱腹中。扶持漢室顯才能。輕舒握霧拏雲手。穩取山河定太平。小官姓張名良字子房。乃韓國人也。小官五世相韓。司徒張奢之後。爲因始皇滅了六國。小官爲韓國報讐。曾教東海君力士。在博浪沙中輪鐵鎚。打中始皇副車。後來逃於下邳。在於圯橋進履。得了黃公三略法。呂望六韜書。輔佐漢王劉沛公。麾下多有奇功。攻取項羽。扶助漢王。鴻門會氣倒范增。薦韓信登壇拜將。加我爲大漢司徒之職。被我說說項羽。封沛公爲漢中王。我燒絕了棧道。以絕將士東歸之心。自從韓信登壇之後。他果有神機妙策。使樊噲明脩棧道。他領衆將暗度陳倉。迎敵楚將去了。未知輸贏勝敗。使的箇能行快走的探子去了。這早晚敢待來也。〔正末扮探子上〕

〔云〕一場好廝殺也呵。〔唱〕

〔黃鍾醉花陰〕韓元帥機謀恁般巧。端的是曾藏六韜。施手段立劉朝。劍戟槍刀屯滿了西川道。兩下裡喊聲高。山頂上分明。〔云〕報報報。喏。〔唱〕親見了。〔張良云〕好探子也。他從那陣面上來。你看那喜色旺氣。錦繡征衫可體裁。彎弓插箭步塵埃。蜀川山嶺侵雲漢。古道陳倉陡峻崖。楚將怎生施智略。韓侯何處把軍排。兩家相持分勝負。從頭一一訴明白。俺韓元帥怎生暗出陳倉。迎敵楚將。你喘息定。再說一遍。〔正末唱〕

〔喜遷鶯〕若論那陳倉古道。另巍巍闊澗深壕。偏高。鳥啼虎嘯。則俺那帥首韓侯有智略。心性標。尋着條平川大路。又無箇阻當溪橋。〔張良云〕俺韓元帥出那陳倉古道來了。好峻峻的山路也。你看那山如翡翠雄雄起。峯插青霄萬丈高。潺潺澗水響泠泠似奏瑤琴。颯颯寒風吹瘦竹。如同樂韻。猿猴難度。愁攀那老檜枯枝。虎豹難行。怕遇那巔崖峻嶺。勝如那三百重太華高峯。壓賽那五百處天台山岳。峨嵋嶺下。攀藤攬葛採樵人。瞿塘澗邊。過水穿林尋藥叟。休言山迳十分惡。都在將軍掌握中。俺韓元帥出那陳倉古道來。怎生迎敵楚兵。你喘息定。再說一遍。〔正末唱〕

〔出隊子〕我則聽的連天發砲震。高山上下搖。擺旌旗隱隱映林梢。見幾箇勇

力將軍顯燥暴。一箇箇勒馬橫槍出陣角。〔張良云〕俺元帥迎着楚將。那壁廂門旗開處。幾員楚將臨陣。好將軍也。項上盔纓飄滾滾。細紋甲耀日爭光。打將腰腕懸巨蟒。紅錦袍披絳紗。囊匣中插鉏鋤寶劍。鞍橫着丈二長槍。弓彎鐵靶箭純鋼。馬上將軍雄勇壯。蕩散征雲怪目睜。身披金甲似天神。手持尖鋒臨陣上。未知那箇見輸贏。兩家對住陣勢。怎生相持廝殺。你喘息定。再說一遍。〔正末唱〕

〔刮地風〕我則見一棒銅鑼陣上敲。不刺刺戰馬咆哮。到垓心又不通名號。一箇箇施展英豪。韓元帥怒氣怎消。放聲高叫。方天戟黃金甲。馬上微笑。我跟前怎的逃。便着你命喪荒郊。戰多時楚將心中躁。他敢潑殘生捨命逃。〔張良云〕俺韓元帥臨於陣上。好將軍也。怎生打扮。戴一頂絳纓兒。日紫金盔。攢一副綠絨穿就黃金甲。穿一領猩猩血染絳紅袍。繫一條鬧斑螭虎獅蠻帶。穿一對踢蹬雲跟抹綠靴。彎一張黃花七插寶雕弓。插一壺透甲穿山狼牙箭。掛一口吹毛利水銀鋸劍。懸一條竹節純鋼打將鞭。騎一疋日行千里胭脂馬。使一枝丈二方天畫桿戟。撥翻畫桿方天戟。摩動描金五彩旛。怎生迎敵楚將。你喘息定。再說一遍。〔正末唱〕

〔四門子〕俺元戎勒馬施榮耀。用機謀按六韜。兵法又強。智量又高。殺敵兵順。

風敗葉掃。楚兵又輸。將士又少。一箇箇三魂喪却。〔張良云〕好韓元帥也。手持畫桿戟。撲到垓心。兩陣上征塵閉日。四下裡鼓震春雷。三軍發喊。衆將爭功。滿天生黯黯愁雲。遍地長紛紛殺氣。韓元帥方天戟。豹尾黃旛。錦征袍。圈金刺繡。仗臂中虎略龍韜。破楚將湯澆疑。〔疑原作瑞。經校改。〕雪俺這裡衆漢將。怎生殺那楚兵。您喘息定。再說一遍。〔正末唱〕

〔古水仙子〕我我我試看了。見見見四下裡軍卒擺列着。好好好韓元帥英雄。有有有衆將軍勇躍。是是是把敵兵平蕩了。您您您安排下美味佳殺。他他他便回來正好開宴樂。衆公卿準備開懷抱。都仰賀漢天朝。〔張良云〕韓元帥既然得勝也。兀那探子。賞你一腔羊。十瓶酒。一錠銀。你自回你那本營中去。〔正末唱〕

〔尾聲〕掃靖邊疆。少爭鬧。罷干戈。萬國來朝。願國祚永康寧。天地老。〔下〕〔張良云〕俺韓元帥得了勝也。我不敢久停久住。回大王的話。走一遭去。韓元帥智量多端。度陳倉用智相瞞。見聖人親身保奏。穩情取賜賞加官。〔下〕

第四折

〔蕭何領卒子上〕〔云〕築壇拜將爲元帥。破楚興劉顯大功。小官蕭何是也。爲因我在俺大王前三薦韓信。說他腹隱經綸濟世之才。智藏包含天文之智。俺大王拜韓信爲帥。自授任以來。韓元

帥操練人馬。通習兵書。着樊噲領兵。明脩棧道。領大兵暗度陳倉古道。遇着楚將。被俺元帥略施小計。將桓楚等衆將都殺敗了。又生擒了丁公雍齒。建了大功。奉俺大王的令。今日着小官在此營中。聚大小衆將。安排酒殺。與韓元帥慶功飲酒。小校望者。等衆將來時。報復我知道。〔卒子云〕理會的。〔張良同曹參上〕〔張良云〕文章顯耀安家國。約法三章理庶民。小官乃張良是也。這位大人是曹參。爲因蕭何在俺漢王前三薦韓信。掛印爲帥。俺韓元帥着樊噲領兵。明脩棧道之路。密定了機謀。領大軍暗度陳倉古道。抄了後營。截了大路。將楚將殺的片甲不歸。折軍太半。又擒了兩箇大將。是丁公雍齒。今日俺大王着蕭丞相在帳中。聚俺衆將。安排酒殺。與韓元帥慶功飲酒。俺須索走一遭去。〔曹參云〕子房公看了韓元帥這等神機妙策。初建大功。端的有神鬼不測之機。補完天地之手。堪可做的元戎也。說話中間。可早來到也。小校報復去。道俺二人來了也。〔卒子云〕理會的。〔報科〕〔云〕喏。報的丞相得知。有張良曹參來也。〔蕭何云〕道有請。〔卒子云〕理會的。有請。〔見科〕〔張良云〕丞相。俺二人來了也。〔蕭何云〕您二位大人來了。且少待片時。等衆將都來全時慶賀。這早晚敢待來也。〔灌嬰盧縮上〕〔灌嬰云〕同心合意興家國。捨死忘生保漢朝。某灌嬰是也。這位將軍是盧縮。爲因韓元帥領俺衆將。私出陳倉古道。遇楚將桓楚虞英等。被俺韓元帥倒截了後路埋伏了。俺衆將則一陣。將楚將殺的大敗虧輸。得勝回營。今日蕭丞相

在營中聚俺衆將。安排酒殺。與韓元帥并俺衆將慶功。俺須索走一遭去。〔盧綰云〕將軍看了韓元帥這等行兵。端的有呂望之才。孫吳妙策。若破楚興劉。不爲罕矣。可早來到也。小校報復去。道有俺二人來了也。〔卒子云〕理會的。〔報科〕〔云〕喏。報的丞相得知。有灌嬰盧綰來了也。〔蕭何云〕道有請。〔卒子云〕理會的。有請。〔見科〕〔灌嬰云〕丞相。俺二人來了也。〔蕭何云〕您二位將軍。略等片時。等衆將來全了慶功。這早晚敢待來也。〔周勃王陵上〕〔周勃云〕每思忠孝柱家國。但遇相持豈憚勞。某周勃是也。這位將軍是王陵。爲因韓元帥領俺衆將。暗度陳倉。戰敗楚將。有汗馬之勞。得勝還營。今日蕭丞相奉俺漢王的命。在營中安排酒殺。與韓元帥并俺衆將。慶功飲酒。俺須索走一遭去。將軍。俺去來。〔王陵云〕將軍。俺韓元帥端的是望塵知敵數。嗅土辨輸贏。初與楚將交鋒。建了頭功。可早來到也。小校報復去。道有俺二人來了也。〔卒子云〕理會的。〔報科〕〔云〕喏。報的丞相得知。有周勃王陵來了也。〔蕭何云〕道有請。〔卒子云〕理會的。有請。〔見科〕〔周勃云〕丞相。俺二將來了也。〔蕭何云〕您二將且少待。等衆將來全時慶功。這早晚敢待來也。〔斬強同柴武上〕〔斬強云〕爲臣忠正循天理。自有天公降福祥。某斬強是也。這位將軍是柴武。爲因俺暗度陳倉。建了大功。今日蕭丞相在帳下安排酒殺。與俺衆將慶功飲酒。俺須索走一遭去。將軍。俺去來。〔柴武云〕將軍。俺行動些。則怕衆將久等。說着話。可早來到也。小校報復去。道俺

二將來了也。〔卒子云〕理會的。〔報科〕〔云〕喏。報的丞相得知。有靳強柴武來了也。〔蕭何云〕道有請。〔卒子云〕理會的。有請。〔見科〕〔云〕丞相。俺二將來了也。〔蕭何云〕您二將且少待。衆將每這早晚敢待來也。〔樊噲上〕〔云〕領着小軍脩棧道。險些把我使折腰。自家樊噲的便是。韓元帥着我領兵脩棧道去。不匡他使一箇見識。他暗度陳倉古道去了。好箇人兒也。今日箇蕭丞相帳下安排酒殺。與他慶功。我須索走一遭去。可早來到也。不須報復。我自過去。〔見科〕〔云〕丞相。老樊來了。有甚麼先拏出來喫耍子。〔蕭何云〕你且一壁有者。小校望者。等待韓元帥來到時。報復我知道。〔卒子云〕理會的。〔正末領卒子拏丁公雍齒上〕〔正末云〕某韓信是也。自從棄楚與劉。來南鄭褒州。見了漢王。登壇掛印。統領大軍。着樊噲領兵。明脩棧道。我領大兵。暗度陳倉。殺桓楚等。太敗虧輸。成其大功。今日蕭丞相在營中安排酒殺。與某慶功飲酒。須索走一遭去。想韓信亦有今日也呵。〔唱〕

〔雙調新水令〕仗忠心一陣顯雄威。報皇恩盡心竭力。遇敵兵施戰策。臨陣要相持。我今日箇得勝軍回。元帥府排筵會。〔云〕可早來到也。小校把這兩箇匹夫拏的牢着。小校報復去。道有某來了也。〔卒子云〕理會的。〔報科〕〔云〕喏。報的丞相得知。有韓元帥來了也。〔蕭何云〕道有請。〔卒子云〕理會的。有請。〔見科〕〔正末云〕丞相。某領兵去暗度陳倉。大

殺楚兵成功回來了也。〔蕭何云〕元帥來了。看了元帥這等用兵如神。足智多謀。元帥幼時。怎生操習這等兵書戰策。元帥說一遍。小官并衆將試聽者。〔正末云〕丞相休嫌絮繁。聽某試說一遍者。〔唱〕

〔鴈兒落〕我可也曾將韜略習。就有機謀智。智藏大將才。〔云〕非是我說大言。〔唱〕堪做元戎輩。〔蕭何云〕元帥你真乃世之傑士也。〔正末唱〕

〔得勝令〕呀。今日箇平步上天梯。破楚將顯威儀。主意待興家國。安排下與邦打鳳機。我着他纔知顯耀我心中智。〔蕭何云〕這兩箇匹夫。可在那裡擒住來。〔正末唱〕他兩箇恰待要奔馳。我將他平將馬上回。〔蕭何云〕把那兩箇匹夫。拏將過來。〔卒子云〕理會的。〔卒子拏一淨見科〕〔丁公云〕老叔叔。我不曾惹着他。不由分說。把我兩箇拏將來了。你怎麼說。〔蕭何云〕元帥。這兩箇匹夫。在那裡拏住來。〔正末云〕丞相。你聽我說一遍者。〔唱〕

〔落梅風〕我在那東山畔。多不到恰半會。安排下百謀千計。領雄師剛排下陣面齊。殺的他急難回避。〔蕭何云〕小校。拏出這兩箇匹夫去。斬訖報來。〔卒子云〕理會的。〔丁公云〕老叔。我不曾惹着你那箇大叔。勸一勸兒。〔正末云〕住住住。小校把那兩箇匹夫。拏將過來。〔卒子云〕理會的。〔正末云〕我本待將你斬在營前。無人說與項羽。着他早早歸降。此爲上計。

小校又出去〔卒子云〕理會的。〔又二淨科〕〔丁公云〕着了。我兒也。還不望家裡跑。趕將來我倒替你愁哩。順着大路跑了還便宜。我兩箇真箇命好。今日箇望家便跑。他若還翻悔起來。丟了頭倒也輕巧。〔二淨同下〕〔蕭何云〕小校擡上果卓來。俺衆將慶功。理當飲一杯。〔做擺酒科〕〔蕭何云〕你看今日俺這一會。都是元帥之能也。〔正末云〕丞相。量小官有何德能也。〔唱〕

〔沉醉東風〕我有甚高才大德。仰荷着聖主仁威。安邦智量多。報國當勞力。對人前不敢閑題。但願流芳史傳遺。不負了平生至理。〔蕭何云〕衆將軍。今日俺都是一

殿之臣。俺各依次序。都飲一杯。〔衆飲酒科〕〔正末云〕你看俺這一班人物。是好整齊也。〔唱〕

〔沽美酒〕喜孜孜飲玉杯。樂醕醕列尊席。仰賴着一統山河壯帝基。臣僚每盡禮。更收成好年歲。〔蕭何云〕喜遇主上仁慈。四夷向化。正好慶賀也。〔正末唱〕

〔太平令〕萬萬國來朝丹陛。鳳麟生瑞草堦齊。民樂業減除差稅。風雨順仁合天地。俺一齊的讚禮。拜起聖德。願主上當今萬歲。〔蕭何斷出〕您衆將飲罷酒也。聽主

公的命。漢中王志氣軒昂。一心待穩坐邊疆。取英才招擢賢士。用元帥輔佐朝綱。漢中王推輪捧轂。端的是萬載名揚。韓元帥施逞法度。斬英蓋血染雲陽。差樊噲明脩棧道。驅軍馬暗度陳倉。遇楚軍桓楚大將。到陣上大敗都傷。蕭丞相三番舉薦。方顯他報國忠良。韓元帥賜金千兩。衆將軍

表裡褒揚。滿席間傳杯弄罍。一箇箇沉醉何妨。今日箇歡娛共飲。一齊的頓首誠惶。

題目

漢高皇明修棧道

正名

韓元帥暗度陳倉

暗度陳倉穿關

頭折

項羽 鳳翅盔 蟒衣曳撒 皂袍 項帕 直 卒子 紅碗子盔 青布釘 桓楚 鳳翅盔 膝

項帕 直纏 三髯髯 虞英 季布 鳳翅盔 膝 樊噲 帶 帶劍 烏靠 三髯髯 卒子 兒甲 膝 劍 項帕 三髯髯 鍾離昧 鳳翅盔 膝

項帕 直纏 三髯髯 范增 散巾 邊欄道袍 綴 周殷 鳳翅盔 膝 項帕 直纏 三髯髯 帶 帶劍 項

三 丁公 皮麥簷帽 膝 樊噲 帶 帶劍 三髯髯 范增 散巾 邊欄道袍 綴 周殷 鳳翅盔 膝 項帕 直纏 三髯髯 帶 帶劍 項

圓領 帶 帶 卒子 同 蕭何 曹參 兔兒角幘頭 補子 卒子 同 灌嬰 盧綰 鳳翅盔 膝

膊 帶 項帕 直纏 三髯髯 王陵 周勃 靳強 柴武 鳳翅盔 膝 樊噲 帶 帶劍 項帕 三髯髯 呂凱

皮盔 膝 樊噲 帶 帶 正末 韓信 麥簷帽 蟒衣曳撒 袍 項帕 三髯髯 卒子 同 前 斧

蕭何 又上 同 英蓋 皮盔 膝 樊噲 帶 帶 劍 項帕 直纏 三髯髯 卒子 同 前 斧

楔子

沛公卒子同前樊噲皮盔 膝欄曳撒 掩心甲蕭何曹參卒子灌嬰盧綰周勃王

陵靳强柴武同前正末韓信蕭何樊噲又上同前

第二折

蕭何卒子同前樊噲桓楚虞英卒子季布鍾離昧丁公雍齒同前外卒子紅氍帽 青布

釘兒甲 格膊 劍正末韓信王陵周勃樊噲卒子同前桓楚虞英季布鍾離昧丁公

雍齒卒子同前灌嬰盧綰靳强柴武卒子同前桓楚虞英季布鍾離

昧丁公雍齒又上同前

第三折

張良散巾 邊欄道袍 襟 兒 三髭髯 裙扇正末探子碗子盔 褡膊 藍釘甲 藍絹褲 腿綳 膝 項帕 如意裙 直纏


旗

第四折

蕭何卒子張良曹參灌嬰盧綰同前周勃王陵靳強柴武樊噲同前正末韓信卒

子拏丁公雍齒同前

萬曆四十三年乙卯二月廿日校內本清常記



運機謀隨何騙英布

闕名

頭折

〔冲末扮蕭何領卒子上〕〔蕭何云〕爲國憂白兩鬢侵。於君使碎孝廉心。赤心報國行忠正。留得清名播古今。小官蕭何是也。祖居沛縣人氏。今佐於沛公手下爲丞相之職。自俺主公至咸陽。諸將皆爭金帛財物。小官獨收秦律令圖書藏之。今日早間。主公問濰水大戰。率漢軍十萬餘人。皆入濰水。堰濰水不流者。此將軍乃是何人也。子房回言。乃英布也。主公言曰。吾欲得之。觀楚刻日而破。奉命着小官同子房在於議廳。請衆將商議定計。說說英布歸漢。主公自有加官賜賞。左右那裏。與我請將張子房來者。〔卒子云〕理會的。張子房安在。〔張子房上〕〔云〕祖代簪纓作宰臣。功名千載註麒麟。圯橋自受黃公略。赤心往往建功勳。小官姓張名良字子房。乃韓國人也。祖父以來。五世爲韓國之臣。爲秦無道。坑儒焚典。變亂秦民。不脩國政。併吞六國。有失君王之道。因此天下豪傑並起。三載亡秦。今早間。主公問堰濰水不流者。那將軍是何人也。小官回言。乃九江王英布也。主公言曰。吾欲得之。觀楚刻日而破也。奉命着小官同蕭何在於議廳中。請衆將商議定計。招安英布歸漢。今有蕭何遣令人來請須索走一遭去。可早來到也。小校報復去。道有小官來了。

也。〔卒子云〕理會的。喏。報的丞相得知。張子房來了也。〔蕭何云〕道有請。〔卒子云〕理會的。有請。
〔張子房見科〕〔云〕丞相。喚小官有何事商議。〔蕭何云〕子房來了也。請坐。今日早間。主公問蒯
水大戰英布這一樁事。主公遣小官在此議廳中。請衆將商議定計。招安英布歸漢。子房公。如今
怎生招安英布。計將安在。〔張子房云〕丞相不知。這九江王英布。乃楚之驍將。則可智取。不可剛
求。此人與中大夫隨何是鄉里。可着隨何說說英布歸漢。此人文武兼濟。舌劍唇槍。則除是他去
爲妙也。〔蕭何云〕子房。則怕此人不肯去麼。〔張子房云〕小官定一計。俺這漢家文武。惟有隨何
功勞少。則今日設一宴。名曰是考功宴。有功者插宮花飲酒。無功者退班。丞相言三次。隨何必然
羞慚。那其間着他去。如何。〔蕭何云〕此計大妙。左右與我請將周勃樊噲王陵隨何來者。〔卒子
云〕理會的。衆將安在。〔周勃上〕〔云〕幼小曾將武藝習。南征北討要相持。臨軍望塵知敵數。
對壘嗅土識兵機。某大將周勃。乃沛縣人也。自沛公入漢中。拜某爲將軍。今有主公遣蕭何在於
議廳。請俺漢家文武官員。須索走一遭去。可早來到也。小校報復去。道有周勃來了也。〔卒子云〕
理會的。喏。報的丞相得知。有周勃來了也。〔蕭何云〕道有請。〔卒子云〕理會的。有請。〔周勃見科〕
〔云〕小官來了也。〔蕭何云〕你且一壁有者。等衆將來時。報復我知道。〔樊噲上〕〔云〕立踏鴻門
顯智能。威嚴膽略敢相爭。全憑武藝扶王業。英雄赳赳率精兵。某乃大將樊噲是也。沛郡人氏。某

初與主公俱隱於芒碭山澤間。陳勝起兵。蕭何暫參。使某來迎主公。立爲沛公。項羽自立爲西楚霸王。封俺主公爲漢王。今有蕭丞相。在於議廳。請俺衆將。須索走一遭去。可早來到也。報復去。道有樊噲在於門首。〔卒子云〕理會的。喏。報的丞相得知。有樊噲來了也。〔蕭何云〕道有請。〔卒子云〕理會的。有請。〔樊噲見科〕〔云〕丞相。喚某有何事。〔蕭何云〕且一壁有者。等衆將來時。共同商議。左右門首覷者。衆將來時。報復我知道。〔王陵上〕〔云〕驍勇提兵敢戰爭。銀鍔寶劍定疆封。陣前決戰英雄將。輔佐寬仁劉沛公。某大將王陵是也。乃沛縣人氏。自濰水大戰。累建大功。有蕭丞相在議廳中。請俺衆將。不知有甚事。須索走一遭去。可早來到也。小校報復去。道有王陵來了也。〔卒子云〕理會的。喏。報的丞相得知。王陵來了也。〔蕭何云〕道有請。〔卒子云〕理會的。有請。〔王陵見科〕〔云〕丞相。喚某有何事商議。〔蕭何云〕衆將都來全了麼。〔張子房云〕則少中大夫。隨何未來哩。〔蕭何云〕衆將且一壁有者。若隨何來時。報復我知道。〔卒子云〕理會的。〔正末扮隨何上〕〔云〕小官乃隨何是也。乃晉大夫隨武子之後。某見今佐於沛公手下。官封大夫之職。今有蕭何張良。在於議廳中。請俺漢家文武官員。不知有甚事。須索走一遭去也呵。〔唱〕

〔仙呂點絳脣〕文武臣僚。輔安宗廟。行忠孝。威鎮山嶽。端的是圖像在麒麟閣。
〔混江龍〕出來的高牙大纛。笑吟吟宮錦顯英豪。當冒象簡。敕地羅袍。威凜凜。

烏紗朝帝闕。氣昂昂束帶立於朝。〔云〕今日請俺。可是爲何。我知道也。〔唱〕多應是邊
闕急緊。要將這社稷商量。既不是可怎生兩三番累累的將俺這羣臣叫。我這
裡心中自忖。不由我暗暗的評跋。〔云〕可早來到也。小校報復去。道有隨何來了也。〔卒子
云〕理會的。喏。報的丞相得知。有隨何來了也。〔蕭何云〕道有請。〔卒子云〕理會的。有請。〔正末
見科〕〔云〕丞相。呼喚小官。有何事商議。〔蕭何云〕您衆將都近前來。今日早間。奉主公的命。遣
小官在此議廳設一宴。名曰是考功宴。請俺漢家文武官員。有功者插宮花飲御酒。無功者退班。
左右將酒來。您衆將有功者近前。無功者退後。〔張子房云〕丞相論功行賞。言者當也。〔蕭何云〕
有功者先飲酒也。〔正末唱〕

〔油葫蘆〕見丞相忽的把容顏改變了。氣撲撲的添忿惡。〔蕭何云〕漢家文武。怎生
無一箇有功勞的。〔正末唱〕他道俺這文和武無一箇有功勞。想着俺那朝生暮死
生奸狡。似這般春花秋月何時了。〔張子房云〕您衆將功大者先飲。〔正末唱〕子房公目
下調。漢蕭何度量小。豈不聞明君有德興王道。愁甚麼萬國將聖明朝。〔云〕小官
爲這江山呵。〔唱〕

〔天下樂〕空教我日夜思量計萬條。這正是天也波教。行霸道。端的是漢張良

自來智量高。文官每將文翰習。武將每把武藝學。都把這錦江山同祚保。
〔蕭何云〕左右將酒來。這一杯酒。周將軍定秦有功。理當飲此一杯。
〔周勃云〕衆官人恕罪。小官飲酒也。
〔做飲酒科〕〔蕭何云〕再將酒來。隨何。你近前來。這一杯酒。你不當飲。你乃無功之人。一壁有者。樊將軍。主公鴻門有危。將軍擁盾入衛。令項羽麾下。不敢當攔。當飲此一杯酒。
〔樊噲云〕小將飲酒也。
〔蕭何云〕再將酒來。隨何。你近前。這一杯酒。你又不當飲。你乃無功之人。一壁有者。王陵。你先從數千人至此。以兵歸漢。多有功勳。合飲此酒。
〔王陵云〕理會的小將飲。
〔張子房云〕丞相。你可放歡喜。請隨何。
〔蕭何笑科〕〔云〕將酒來。隨何大人請飲酒。
〔正末唱〕

〔金盞兒〕見子房對面兒下風雹。平地上起波濤。
〔蕭何笑科〕〔云〕大人請飲酒。
〔正末唱〕軍情事何故先陪笑。我見他歡容滿面怎生消。
〔蕭何云〕我有用你處。
〔正末唱〕這是他實實的施智巧。又不曾累累的建功勞。
〔蕭何云〕小官親奉聖人的命。有用你處。
〔正末唱〕他道是明明的傳聖語。
〔蕭何云〕左右準備酒者。
〔正末唱〕何消的滿滿的飲香醪。
〔云〕丞相。今日是甚麼宴。
〔蕭何云〕是考功宴。
〔正末云〕既是考功宴。小官無功。怎敢飲宴。
〔蕭何云〕你雖無功。可有用你處。
〔正末云〕可那裡使用小官。
〔蕭何云〕你猜。你若猜着。便用你。猜不着不用你。
〔正末云〕小官試猜者。
〔蕭何云〕你猜。
〔正末唱〕

〔後庭花〕莫不是出秦川軍將討。〔蕭何云〕不是。〔正末唱〕莫不是出彭城爲細作。〔蕭何云〕也不是。你猜不着。〔正末唱〕莫不是教隨何把英布招安去。〔蕭何云〕是是是。左右將酒來。大夫滿飲此杯。〔正末唱〕我見他將金杯高捧着。〔云〕張子房也。〔唱〕不爭你背地裡廝搬調。您則待施逞些謀略。〔云〕小官若猜不着呵。〔唱〕敢先爭了十年老。〔云〕

丞相。小官則今日便索長行。若見了英布。憑着小官這三寸之舌。必然說說的英布歸漢也。〔蕭何云〕隨何。你用甚麼物件。〔正末云〕我用寶劍一口。〔蕭何云〕有有有。令人將一口劍來。隨何。你要多少隨從的人。〔正末云〕丞相。我不用甚麼隨從。〔蕭何云〕你要甚麼。〔正末云〕則要合死的囚人用數十箇。我這一去。十箇囚人來了。九箇小官便是得勝。若是十箇都回來了。你這裡便點軍接應小官來。〔蕭何云〕與你一年限。可要你小心用意者。〔正末云〕丞相忒遠了。〔蕭何云〕限你半載。〔正末云〕也遠。〔蕭何云〕你自己納限。〔正末云〕小官自納限。我百日之內。將英布說說的倒干戈而降也。〔蕭何云〕既然如此。我與你八箇字。你則牢記者。〔正末云〕可是那八箇字。〔蕭何云〕則要你書擒太宰。舌騙英布。〔正末云〕小官理會的。〔唱〕

〔賞花時〕一代賢人青史標。二國爭鋒氣勢高。三載定秦朝。四方戰討。五馬勝渡江濤。〔蕭何云〕則要你保安的乾坤清靜也。〔正末唱〕

〔么篇〕六合乾坤寧靜了。七國縱橫傑士少。八荒外罷槍刀。若將那九江王撞着。十分話善評跋。〔蕭何云〕隨何。此一去。小心在意者。〔正末云〕丞相。你放心也。〔唱〕

〔尾聲〕我則用十箇從人隨。將我這九曲柔腸惱。八字法今番用着。七步文才志氣高。六韜書施展英豪。小官可也不辭勞。相公你五雲鄉穩奉皇朝。我觀這四海英雄如燕鵲。〔云〕他若是降了俺主公呵。〔唱〕穩情取三公位受爵。我將那二英雄決要。〔蕭何云〕大夫。則要你用意者。〔正末云〕丞相放心。小官不成便罷。若是成功呵。〔唱〕准備着一鉤香餌釣鯨鰲。〔下〕〔蕭何云〕隨何去了也。〔卒子云〕去了也。〔張子房云〕丞相如何。此人這一去。憑着他舌劍唇槍。機謀見識。必然說說的英布歸漢也。〔蕭何云〕若是英布歸降俺主公呵。那其間破楚未遲。子房公。嚙不避驅馳。回聖人話。走一遭去。〔隨何云〕此去展雄才。說說將軍英布來。恁時破楚興劉室。方顯賢良是美哉。〔下〕〔周勃云〕丞相去了也。俺無甚事。且回私宅中去來。則爲那楚國重瞳逞兇頑。兩家相戰有多端。隨何說說英雄將。成功自有重加官。〔同下〕

楔子

〔外扮費客上〕〔云〕志氣昂昂衝宇宙。威風赳赳定乾坤。輔佐江山爲烈士。扶持社稷作忠臣。小官乃英布手下費客是也。見今楚漢相爭。我投於英布麾下。英布乃是霸王手下之臣。統兵十萬。

久鎮於江淮。小官聽知的驛亭中有人掛楚使牌。則怕是沛公手下來的。小官前至驛亭中。走一遭去。聞說來人掛楚牌。其中誠恐暗藏埋。親身報的元戎曉。可將妙策細安排。〔下〕〔正末上〕
〔云〕小官隨何。自從到江淮之地。我定了一計。寫了一封假降書。我去驛亭中掛起楚使牌。若費客知道。他必然來也。我來到這館驛之中。我掛起這楚使牌。看有甚麼人來。〔費客上〕〔云〕小官費客。來到這驛亭門首也。祇從人說不會見這箇人。則怕是漢國隨何。若是楚國使命呵。我好接應他去。若果見隨何。我抽身便走。〔做見科〕〔正末云〕兄弟有請。〔費客慌走科〕〔云〕果然是隨何。不中。我索報知元帥去。〔下〕〔正末云〕費客兄弟見我回去了。我緊跟着他。趕將去。〔唱〕
〔賞花時〕我則見遁跡潛形走似風。他可使膽戰心驚。身懼恐。忘了略十載舊交情。畢罷了往時的這面容。我這裡急回首。他又早去無踪。〔下〕

第二折

〔英布領卒子上〕〔云〕竭力忠心扶項王。能驅邊關鎮淮江。彭城楚漢分兵後。兩國相爭幾戰傷。某大將英布是也。乃六合縣人氏。佐於項王麾下爲將。官拜九江王之位。統領四十五萬大軍。鎮守着這楊州六合縣。自從俺主公在於彭城。與沛公分兵之後。各招納文武。彼此爭交。自濰水河大敗漢軍。片甲不回。今日無甚事。小校轅門首覷者。若有軍情事。報復我知道。〔卒子云〕理會的。

〔費客上〕〔云〕小官費客。誰想隨何到此處。見了小官。我就褪身而回。不敢隱諱。報與元帥得知。可早來到也。小校報復去。道有費客來了也。〔卒子云〕理會的。喏。報的元帥得知。有費客來了也。〔英布云〕着他過來。〔卒子云〕理會的。過去。〔見科〕〔費客云〕元帥。禍事也。〔英布云〕禍從何來。〔費客云〕今有沛公麾下隨何。來俺江淮之地。必來見元帥。他若來呵。元帥不可聽信他的話。此人是箇喉舌之士。〔英布云〕莫不你知情麼。〔費客云〕小官並然不敢。〔英布云〕我是箇大將軍。他怎生說的過我。爾退。〔費客云〕元帥不聽我。說道我知情。罷罷。我如今到的家中。殺一隻羊。造下一缸酒。我閉門不出。且在家中趨靜。等隨何去了時。那其間我再出來。未是遲哩。〔下〕

〔英布云〕費客這厮無禮也。隨何豈敢至此。果若來呵。他豈有曖昧之心。費客故意來阻隔我。我自有箇道理。小校與我喚將軍政司來。〔卒子云〕理會的。軍政司安在。〔軍政司小軍上〕〔云〕自家軍政司小軍兒的便是。有元帥呼喚。不知有甚事。須索走一遭去。〔見科〕〔云〕元帥喚軍政司小軍有何事。〔英布云〕兀那小軍。你如今去費客家門首。不要見他。若有沛公手下隨何和費客相見時。聽他說甚麼話。喫甚麼東西。是實是虛。你都寫將來。小心在意者。〔小軍云〕理會的。〔下〕

〔英布云〕軍政司去了也。此人這一去。若是費客與隨何共話。那其間我自有箇道理。只因這沛主奸心智量多。故差臣宰到淮波。軍司若賺情虛詐。恁時方識漢隨何。〔下〕〔費客領卒子上〕

〔三〕小官費客。爲因隨何到俺江淮。我報與元帥知道。誰想元帥轉生疑惑。倒說我知情。我今在家閉門不出。直等隨何回去了時。那其間我再出來未遲。小官有兩箇祇候人。這兩箇人十分聰明伶俐。我叫將來。着他二人緊把着我這宅門。則怕隨何來時帶累我。左右那裡。與我喚將那兩箇祇候人來者。〔卒子云〕理會的。祇候人安在。〔二淨扮全不濟爛沒用上〕「全不濟云」柴又賤來米又貴。兩箇傻厮是一對。兄弟乃是爛沒用。我便喚做全不濟。自家全不濟是也。兄弟是爛沒用。我們兩箇跟着費客大人。弄虛頭耍子。今有大人呼喚。須索跑一遭去。不必報復。我自過去。〔見科〕〔云〕大人喚俺二人有何事。〔費客云〕你兩箇將我的前門把的牢者。不要開。我心中有些機密事。我自家飲幾盃悶酒。你兩箇小心在意。不問甚麼人。您則不要開門。〔全不濟云〕理會的。兄弟。大人有機密事。着咱兩箇關上門。把的牢着。不許放一箇閑人進去。仔細着。〔爛沒用云〕我知道。我把的這門水泄不通。您放心。〔全不濟云〕大人。你則在這廳上坐。我兩箇去門首緊把着門。看有甚麼人來。〔正末上〕〔云〕小官隨何是也。來到這江淮。可早三日光景也。有費客見了我。他就去了。我不問那裡。尋將他去。我務要着他中我之計。費客也。景你到的那裡也呵。〔唱〕

〔南呂一枝花〕則我這漢隨何一紙書。不弱如蕭丞相三章律。看了這張良八字法。煞強如呂望六韜書。施逞些者也之乎。但愛的和他做。明明的厮暗鋪。他

若是隱跡潛身。惹起我花言巧語。〔云〕我這一來呵。〔唱〕

〔梁州〕我手裏不降了太宰。到明朝怎見俺那司徒。〔云〕從人每用着您便來。不用您休來。〔唱〕逼綽了祇從人都回去。〔帶云〕兄弟也。你去了。〔唱〕眼見的閉門不出韞匱而藏諸。我納了百十日嚴限。走了有千里程途。安排下一肚經書。收拾就兩肋囂虛。我我我將草繩兒要鎖住長蛟。我着那藕絲兒拴翻他這猛虎。到那裡我將這線鉤兒釣住鰲魚。恰纔已時。可早日午。〔帶云〕我問人來。則這箇是費客家門首。我試推這門者。〔唱〕那厮他上腰櫃鐵桶也似關着門戶。我向這門縫裏定睛兒覷。〔全不濟云〕甚麼人推這門。〔正末唱〕我則見兩箇公人眼厮顧。我這裡暗暗的嗟吁。〔云〕兀那門裏人。因何將這門緊閉不開。〔全不濟云〕你不知。我大人今日請機密事哩。〔爛沒用云〕你休歪云。說的不是了。〔全不濟云〕傻厮。我說的敢忒是了。〔正末笑科〕〔云〕這厮兩箇好不中用也。想必我那兄弟。言說我心中有機密事。他錯聽了。他道他大人請機密事哩。〔唱〕

〔隔尾〕主人公以慮難從布。可怎生坐上閑人一箇也無。早晨間把這小軍兒暗囑付。人多教當住。人少教過去。〔帶云〕則除是這般。我將計就計。開門來。〔唱〕則除是機密事連忙快報與。〔全不濟做開門科〕〔云〕誰是機密事。〔正末云〕則我便是機密事。〔全不濟云〕

不濟云「俺相公正要請機密事哩。你也來的正好正好。」（二淨做扶正末同做見科）（云）「喏。相公。俺請的機密事來了也。」（費客做怕科）（云）「我正趕着他哩。你可請將他來。可怎麼是好。我則不言語。看他怎的。」（見科）（正末云）「兄弟少罪。你哥哥千里而來。有一拜。」（費客不言語科）（正末云）「兄弟見我。怎生不言語。我這裡且坐者。」（唱）

〔賀新郎〕你剗的不言語。今日調權術。（費客云）「我不識你是兩賴子隨何。」（正末唱）「你罵我兩賴子隨何。你手裏我則要那九江王英布。當初我無實誠。怎肯走千里路。」（云）「爲你這兩箇人呵。」（唱）「見如今監押着我那家屬的父母。拘收着我兒女親族。悞了我也黃金帶白象簡。烏紗帽紫朝服。想着啗舊仁兄。那的是於人處。」（費客云）「你正是風魔子。誰肯和你去也。」（正末云）「你若不去呵。」（唱）「悞了我那門排十二戟。戶列八椒圖。」（費客云）「怎生是好。倘或英布知道此人在這裡說話呵。可不連累我也。他纔的我慌。則除是這般。」左右人。你近前來。我後堂中去。你喝點湯。」（下）（全不濟云）「點湯。」（爛沒用云）「點湯。」（正末云）「這點湯是遣客。我到底也不出門。看他怎生。」（全不濟云）「點湯。」（正末唱）

〔牧羊關〕他把我左壁搶右壁擁。後面推前面摔。您可也全不知半點兒賢愚。我將他手掌兒上奇擎。他向我頭邊弄舞。想着俺舊日爲昆仲。止不過君子斷。

其初。哎。你箇太宰。你十分怕。你正是賊兒膽底虛。〔扮小軍上〕云。自家小軍的便是。

元帥差我去費客家宅門首打探。看有甚麼人。兀的那箇人。有些眼生。敢是那隨何。我且趨着。看他說甚麼。〔正末云〕那遠遠的走着。一箇人。他趨避着我。想必是英布手下差來的細作。則除是這般。我本無酒。佯粧着醉。我詐言者。費太宰生受也。〔小軍云〕元帥着我暗暗的抄寫。我再聽他說甚麼話。〔做寫科〕云。費太宰生受也。〔正末云〕兩箇人喫了半箇羊。十瓶酒。〔小軍云〕寫了。兩箇人喫了半箇羊。十瓶酒。〔正末云〕謝承管待。〔小軍云〕寫了。謝承管待。〔正末云〕我佯粧着醉者。多承相約。我醉了也。〔小軍云〕寫了。多承相約。我醉了也。〔正末唱〕

〔罵玉郎〕剛被這金鍾酒灌的我豐盈肚。我這裡強整理醉身軀。哎。你箇仁兄太宰相扶助。你一心兒待背楚。順漢主。〔小軍云〕一心待背楚。順漢主。寫了寫了。〔正末唱〕你則待爲官祿。

〔感皇恩〕呀。哎。你箇太宰賓服。隨何言語。恰纔箇酒盈樽。花爛熳。倩人扶。你自寫下獻伏。自納下降書。則要你成大事。不枉了費工夫。〔小軍云〕我再聽他說甚麼。

〔正末唱〕

〔採茶歌〕上。全家屬。下。至軍卒。我如今得來全不費工夫。哎。你箇好說英王者。

莫有千戰圖。託賴着聖明天子百靈扶。〔背云〕我知道他是英布手下細作。我正要見英

布一面不能殺。則除是這般。〔見小軍科〕〔云〕兄弟。莫不是費太宰怕我醉了。着你扶我來麼。

〔小軍云〕正是正是。着我扶你來。〔正末云〕你認的我麼。〔小軍云〕我不認的。〔正末云〕我不是

楚國人。我是漢國隨何。我不肯來。費太宰數次着書呈約將我來。〔小軍云〕誰是隨何。〔正末云〕

則我是隨何。〔小軍云〕你認的我麼。〔正末云〕哥哥。你是誰。〔小軍云〕我非是費客手下人。我是

英布手下識字的軍政司。俺元帥差我拏你來。〔正末云〕哦。哥哥原來不是接我的人。可怎了也。

〔做醉科〕〔小軍云〕我可拏住你了也。見我元帥去來。〔正末唱〕

〔尾聲〕你休聽醉漢閑言語。親問你那江淮下大夫。若將軍看了書。生擒了楚項羽。穩拍拍請俸祿。則這箇漢隨何愛的做。明明的自許。無他那半星兒詐語。

〔小軍云〕你不要說嘴。我和你見元帥去來。〔正末云〕去來去來。〔唱〕割捨了當帳下。喫元戎

一二百斧。〔正末同小軍下〕

第三折

〔英布領卒子上〕〔云〕某乃英布是也。我差軍政司小軍。去打探費客去了也。未知消息如何。這早晚敢待來也。〔小軍上〕〔云〕自家軍政司小軍是也。元帥差我去費客宅中打探事情。果然有

隨何。在他家中飲酒。被我拏住。鎖在巡鋪裏了。我見元帥。走一遭去。小校報復去。有軍政司小軍。來見元帥。〔卒子云〕理會的。報的元帥得知。有軍政司小軍。來見元帥。〔英布云〕着他過來。〔卒子云〕理會的。着過去。〔見科〕〔英布云〕兀那軍政司小軍。你打探如何。〔小軍云〕元帥。我打探的費太宰宅中。果有隨何。〔英布云〕隨何在那裡。〔小軍云〕被我拏住。見今鎖在巡鋪裏了。我先來報知。〔英布云〕你從那裡拏將他來。〔小軍云〕我從費客家拏將他來。〔英布云〕有甚麼顯證。〔小軍云〕有抄寫的言語在此。〔英布云〕將來我看者。〔小軍云〕有在此。〔英布做看科〕〔云〕隨何言說。費太宰生受。兩箇人喫了半箇羊。十瓶酒。又言謝承管待。多蒙相約。又言一心待背楚。順漢主。兀那小軍。此言語是實麼。〔小軍云〕他兩箇同飲酒來。是實。〔英布云〕這厮無禮也。既然如此。着人喚將費客來。〔卒子云〕理會的。費太宰安在。〔費客上〕〔云〕小官費客是也。今有元帥呼喚。不知有甚事。須索走一遭去。不必報復。我自過去。〔見科〕〔云〕元帥喚小官有何事。〔英布怒科〕〔云〕費客。你知罪麼。〔費客云〕小官有何罪。〔英布云〕你怎做的不知罪。見今楚漢爭鋒未定。你因何將漢家細作。藏在你私宅中。〔費客云〕小官並然不曾見。〔英布云〕這箇是軍政司小軍。將細作的言語。一一的都寫將來。你看你看。〔做摔科〕〔費客看科〕〔云〕叫那小軍來。我和他對。〔英布云〕着那小軍近前。〔小軍云〕有。〔英布云〕兀那軍政司小軍。你在那裡見漢國細作來。

〔小軍云〕我委的在費客家見隨何來。〔費客云〕小官並然不敢。〔英布云〕你既然不敢。令人與我拏過隨何來。〔小軍云〕理會的。〔虛下〕〔小軍拏正末上〕〔云〕行動些。〔正末云〕你扯着我那裡去。〔小軍云〕我和你見元帥去。〔正末背笑科〕〔云〕我正要見他不能覿。他可扯着我見元帥去。既然如此。俺去來俺去來。〔唱〕

〔中呂粉蝶兒〕本待要說是談非。不承望走將來正逢着本對。豈不聞好鬪者必遇其敵。你看我仗唇槍。憑舌劍。這的是天生的武藝。饒他有鞭鎗撻鎚。熬不過軟活活這般兵器。〔小軍云〕如今見了元帥。我則替你愁哩。〔正末唱〕

〔醉春風〕不由我惡向膽邊生。怒從心上起。今朝若見您元戎。暢道是美。美。端的是千戰千贏。百伶百俐。〔云〕憑着我這口呵。〔唱〕我把他做了一家一計。〔小軍云〕俺過去見元帥者。〔正末做沉吟科〕〔云〕則說箇英布好漢。我不曾見。軍政司。你做箇肉屏風。我試看者。〔小軍云〕我遮着。你看者。〔正末做看科〕〔云〕哎。約。好英雄也。俺漢國若得這箇將軍。觀楚有何難哉。你看那費太宰。在他跟前。卑聲聳立着。我佯粧着醉。我往正門裏過去。〔正末做見費客科〕〔云〕兄弟。昨日多承管待也。〔費客慌趨科〕〔云〕是何言語。〔正末唱〕

〔迎仙客〕我這裡道承管待謝筵席。〔英布云〕費客。你說你不曾請他。他可怎麼說承管

待〔費客云〕元帥小官並不會見他〔正末唱〕忘不了嚙往時間舊面皮〔英布云〕我見費客與隨何舉目相視。其中必有曖昧。小校與我拏過隨何來。〔小軍云〕理會的。隨何過來。〔正末唱〕我這裡便見英王戰兢兢的忙跪膝。〔英布云〕漢隨何。你怎敢與費客舉目相視說話。〔正末云〕將軍息怒。隨何不曾自來。〔英布云〕你不自來。誰教你來。〔正末云〕兄弟你說波。〔費客云〕着我說甚麼。〔正末云〕夜來飲酒。你說的話。可怎生推忘了那。〔英布云〕隨何。你從實的說。免你無罪。〔正末云〕將軍息怒。我兄弟怪我來遲。我待不來呵。〔唱〕怎禁我這兄弟催逼。〔云〕若不是他累累的將書呈來約我呵。〔唱〕隨何有多大膽敢來你這江淮地。〔英布云〕便有書呈。你也不該來俺這裡打探。準備刀斧手。拏下隨何者。〔正末云〕不中。則除是這般兄弟。你救我者。〔費客云〕你可甚麼甜言美語也。〔正末云〕兄弟。你若不救我。我懷中取出來呵。你便慌也。〔費客云〕我又無罪。我慌甚麼。〔正末云〕你真箇不慌。〔唱〕

〔石榴花〕你今日箇得便宜翻做了落便宜。常言道老將會兵機。〔英布云〕左右拏出隨何去。〔正末唱〕撲碌碌武士將我向前推。您暫且慢者。我有件東西。這的是多情返做無情輩。〔云〕事到今日也。〔唱〕惜不的舊日相識。不爭我今朝泄漏了春消息。〔云〕費太宰。你真箇不救我。〔費客云〕我也難救你。〔正末唱〕你可也立不的正直碑。

〔云〕我拏出來。你便是死的人也。〔費客云〕你有甚麼物件。你取出來。〔正末唱〕

〔鬪鶴鶻〕我這裡有惹事的黃旛。更有他這招災的這豹尾。〔做取科〕〔云〕兄弟你見麼。〔費客慌科〕〔正末唱〕我見他面色兒慌張腿搖腿搖戰膝。這張紙將軍便得知。不索我說箇甚的。這一張降漢的文書。〔云〕元帥你觀波。〔唱〕端的是誰人的這墨跡。〔英布云〕是誰人與你的書呈。〔正末云〕元帥是費客與我的書呈。〔英布云〕將來我看。費太宰拜上尊兄。隨何閣下開拆。我試拆開看者。書曰。小弟費太宰拜上漢國隨何。好共歹來江淮走一遭。我無心楚國勾當。一心要漢國爲官。你來江淮。共你商量大事。〔英布怒科〕〔云〕好是無禮也。我可不養着家生宵哩。看了這字體。正是費客寫的你。怎生不認。〔費客云〕我與隨何。幼小時同堂學業。轉筆抄書。一師同訓。此是隨何學我的字體。寫將來的。〔英布云〕我和你相守多時也。〔費客云〕相守十年也。〔英布云〕你道他學你的筆體。我和你相守十年光景也。小校。將我那四十五斤的金蘸斧來。你與我輪。〔費客云〕元帥息怒。我是文官。元帥是武將。我如何學的。〔英布云〕你道隨何學的你。你可怎生學不的我。要爾何用。左右人。拏下費客去。饒了隨何者。〔正末云〕元帥的是也。〔費客云〕可怎了。隨何哥哥。你救我者。〔正末云〕你可也要活也要死。〔費客云〕要活是怎生。要死是如何。〔正末云〕你要活。我對元帥說。饒了你。你要死。我和元帥說。你將

文書請將我來。我便着殺了你。〔費客云〕哥哥。螻蟻尚自貪生。爲人何不惜命。〔正末與費客打耳暗科〕〔云〕噤兩箇同說英布歸漢。你心下如何。〔費客云〕哥哥饒了我呵。這件事都在我身上。〔英布云〕刀斧手推轉費客。殺壞了者。〔卒子云〕理會的。〔正末唱〕

〔乾荷葉〕武士每逞英雄一齊的望前推。我着你念彼觀音力。我這裡便用心機。成就了莫疑惑。這場大事有誰知。〔云〕刀下留人者。將軍不干他事。若楚王知道呵。〔唱〕你也有三四件彌天罪。〔英布云〕這厮連我也攀下來。〔正末云〕將軍。你身邊有三樁大罪。可

知麼。〔英布云〕我有那三樁大罪。你說與我聽。〔正末云〕第一樁楚王教將軍淮上安民。你虜掠民財。砍伐桑棗。國有民而爲之邦本。此乃罪之一也。第二樁當初漢取彭城。楚王來取軍馬。將軍不發強兵壯馬。可與老幼殘疾。楚軍大敗。此乃罪之二也。第三樁楚公入營。亦不愀問。坐違君命。此罪之三也。〔英布云〕兀那隨何某雖有此三罪。俺楚公有責我之意麼。〔正末云〕將軍。不久禍隨身矣。〔英布云〕我不信。〔正末云〕將軍不信呵。我恰纔巡文摺指。今日日當卓午。有楚使命來取你首級也。〔英布云〕你有如此妙算。某信之不及也。〔楚使命上〕〔云〕雷霆驅號令。星斗煥文章。小官乃楚國使命是也。奉楚公之命。着我直至英布元帥府。開讀宣詔。後有加官賜賞。可早來到也。小校報復去。有楚使命至此也。〔卒子云〕理會的。報的元帥得知。有使命至此也。〔英布云〕

隨何好妙算也。果然有使命來。隨何。你且壁衣後藏身。等我打發的楚使回去了。我招手。你便出來。我擺手。你休出來。〔正末云〕我知道。〔做藏科〕〔英布云〕小校裝香來。道有請。〔卒子云〕有請。〔使命云〕英布望闕跪者。你有三件大罪。〔英布云〕有何三件大罪。〔使命云〕因你淮上安民。砍伐桑棗。虜掠民財。罪之一也。漢取彭城。楚軍大敗。罪之二也。楚王入營。坐遠君命。罪之三也。今當斬首。因你濊水大戰。殺漢軍四十五萬。有此大功。以贖前罪。依舊官職。望闕謝恩。〔英布云〕謝了楚公之恩。左右那裡。安排酒餚。管待使命。〔正末背科〕〔云〕他非是楚使命。他是漢國合死的囚人。我故意定此一計。假粧楚使。我如今若不出去呵。誠恐這假使命泄漏了機關。可不連累了我。的殘生將軍。我出去也。〔英布擺手科〕〔正末云〕是幾箇使命。〔英布云〕則一箇。〔正末云〕兀的不又一箇。〔英布回頭科〕〔正末出來科〕〔云〕你是甚麼人。〔使命云〕我是使命。〔正末云〕我可。是使臣。〔英布驚科〕〔云〕這場事怎了也。將酒來。我與使命遞一杯酒。〔正末奪酒科〕〔云〕我也用的一杯。〔唱〕

〔快活三〕你坐的我也坐的。你食的我也食的。豈不聞席前花影坐間移。這的。是有備應無備。〔英布背云〕這事可怎了。將酒來。我可與使命遞一杯。〔正末唱〕

〔朝天子〕我這裡便手提手提着這刃器。〔使命云〕將酒來。我回一杯。〔英布回頭取酒〕

科」〔云〕執壺的近前。使命酒在此。〔正末唱〕他中我拖刀計。〔做斬使命科〕〔英布驚科〕〔云〕你怎生殺了我楚國使命。〔正末云〕將軍也。〔唱〕你恰纔相見打與我手勢。〔英布云〕我擺手你休出來。我點首你便出來。你怎麼殺了他。〔正末唱〕我端的便就解你其中的意。〔云〕不干我事。都是這劍的不是也。〔英布云〕怎生是劍的不是。〔正末唱〕都是這咬主的龍泉吹毛鋒利。〔將劍躍住科〕〔唱〕我如今是殺了也。教我說一箇甚的。〔英布云〕這使命是俺楚國差來的。你不該殺壞他也。〔正末唱〕使命是你的。斬在將軍帳底。〔云〕是你打手勢。教我殺了他來。〔唱〕到如今揣與我箇無頭罪。〔英布云〕你斬了我使命。我告你去。〔正末云〕不妨事。你將着文書喚我來。你着我殺了楚使命。我和你到楚公跟前對去。你說一句。我說十句。你說十句。我說百句。〔英布云〕且慢者。此人是箇舌辯之人。他若見了楚公。我說一句。他說十句。倘若楚公疑惑。聽信了他的言語。可不見我的罪過。罷罷罷。則不如我山中落草爲寇去也。〔正末云〕好好好。一箇大元帥。驅領着四十五萬軍權。剗的落草爲寇。史書萬代。罵名不朽。〔英布云〕似此怎了也。〔正末云〕將軍。則不如跟我見漢主公去。俺主公豁達大度。海量寬洪。納諫如流。有堯舜禹湯之德。若投於俺主公呵。必然拜將軍爲王爵之位。望將軍思之。〔英布云〕言者當也。我便去呵。無一箇人舉薦我。〔費客云〕將軍若降漢呵。小官親自舉薦。〔英布云〕我去則去。無一箇寫降

害的〔費客云〕元帥。我寫下降書了也。〔英布云〕罷罷罷。事到今日也。倒過旗旛。背楚歸漢。率領本部下人馬。朝見沛公去來。隨何。我在楚公手下。官拜九江王之位。如今這一去。您漢王肯接待我麼。〔正末云〕俺漢主將元帥必封王位。離成皋十里。准來遠接。〔英布云〕既然如此。則今日朝見漢王。走一遭去。〔唱〕

〔耍孩兒〕想淮陰韓信投西國。官封做提牌執戟。張良書直至褒州。蕭何見拆開封皮。則俺那朝中宰相三章法。舉請你箇閫外將軍八面威。若到俺長安地。漢中王壇臺下拜舞。便將那轂捧輪推。〔英布云〕某多聞漢主寬仁愛人。某今背暗投明。是古之常理也。〔正末云〕將軍這一去。正是龍虎風雲會。與俺主公相守呵。〔唱〕

〔尾聲〕則願他不厮離不厮離。不摘離不摘離。九江王若不順劉家國。〔費客云〕俺元帥若不順漢主呵。如何。〔正末唱〕枉惹的普天下英雄唾罵你。〔下〕〔英布云〕則今日統領四十五萬軍兵。一應糧草。同隨何費客。背楚歸漢。走一遭去。則爲他好鬪爭強膽氣雄。赤心扶助漢疆封。則我是天下英雄無敵將。投降那海量寬洪的劉沛公。〔下〕

第四折

〔蕭何同張子房周勃王陵樊噲領卒子上〕〔蕭何云〕一心滅楚興劉國。納士招賢輔漢邦。小官

乃蕭丞相是也。自從俺差遣隨何。直至江淮地面。說說楚將九江王英布去了。此人親限了百日之假。如今假限將滿也。衆位將軍。可怎生不見此人來。〔張子房云〕丞相。隨何是箇口能舌辯之人。英布是箇一勇之夫。怎出的隨何之手。必然說說的歸降漢主也。〔周勃云〕丞相。子房言者當也。隨何這一來。必成大功也。〔蕭何云〕既然如此。左右門首覲者。但有一切軍情事。報復我知道。〔卒子慌報科〕〔云〕喏。報的丞相得知。有跟隨何去的十箇小軍。來了九箇。招安的英布來了也。〔蕭何云〕衆將軍。隨何真乃棟梁之材。果然成了大功。左右那裡。安排慶喜筵會。加官賜賞。小校轅門首覲者。隨何大夫來時。報復我知道。〔卒子云〕理會的。〔正末同英布費客上〕〔英布云〕某乃楚將九江王英布是也。今日背楚歸漢。離成臯不遠。隨何。你說漢王離城十里遠接。如今則有四五里田地。可怎生並無一箇人來接應。你做的箇虛詐不實麼。〔正末云〕將軍差矣。若是小官隨何。有兩箇人。先着一箇人報復去。俺主公便好來接應也。則我一箇。俺主公如何得知。怎做的隨何說謊。〔費客云〕元帥。隨何雖然是箇謊。可也說的過。〔正末云〕將軍但放心。俺漢家衆將。必然來迎接也。〔唱〕

〔雙調新水令〕捧降書今日見吾皇。則俺那漢蕭何貴人多忘。誇稱他那紫綬高。顯耀他那衆班行。今日箇拱手投降。伏拜下紫絨帳。〔云〕可早來到也。小校報復

去。隨何來了也。〔卒子云〕理會的。〔做報科〕喏。報的丞相得知。有隨何來了也。〔蕭何云〕道有請。
〔正末同英布費客做見科〕〔正末云〕丞相。小官同九江王英布費客來了也。〔蕭何云〕大人鞍
馬上勞神也。〔正末云〕丞相治國不易也。〔蕭何云〕英布將軍。你今日棄楚歸漢。俺主公必有重
賞封官也。〔英布云〕丞相。小將豈敢望重賞加官。豈不聞靈禽相良木而棲。賢臣擇明主而佐。小
將統四十五萬之兵。有一百萬軍馬的糧草。今日箇背暗投明。古之常理也。〔周勃云〕此乃大丈
夫之志也。看了英布將軍。身凜凜。貌堂堂。真箇是大將之才。堪可與劉滅楚也。〔王陵云〕今日箇
龍虎風雲聚會。安排筵宴。與隨何大夫慶功宴飲。共樂太平之世也。〔蕭何云〕令人擡上果卓來
者。〔卒子云〕理會的。〔做遞酒科〕〔蕭何云〕將酒來。英布將軍滿飲一杯。〔英布云〕丞相。英布初
降漢國。未有寸箭之功。焉敢飲這一杯酒。丞相請。〔蕭何云〕將軍不知。小官奉主公的命。在此犒
勞將軍。當飲此一杯酒也。〔英布云〕理會的。〔做飲酒科〕〔蕭何云〕俺漢家衆將近前。與將軍厮
見者。〔樊噲云〕英布將軍。有雄虎之威。乃驍勇之將。使一柄開山斧。真乃萬夫不當之勇也。〔英
布云〕不敢不敢。隨何大夫。此位將軍。英布不知何名。〔正末云〕此乃是俺漢家大將。〔唱〕

〔水仙子〕他在那鴻門會上救高皇。灑水河邊戰霸王。〔英布云〕此人是好英雄也。
〔正末唱〕身高一丈狼模樣。馬到處顯棟梁。恰便似天生下護法金剛。〔英布云〕端

的姓甚名誰。〔正末唱〕若論着英雄樊噲。端的是壓盡卞莊。〔英布云〕此將軍有何功勞汗馬。〔正末唱〕立炎劉展土開疆。〔張子房云〕周將軍近前與英布將軍厮見者。〔周勃云〕將軍乃世之名將。囊中英雄。今日降俺主公。真乃青史內萬古標名也。〔英布云〕不敢不敢。隨何大夫。這位老將軍。容貌非常也。〔正末云〕這位老將軍。〔唱〕

〔沽美酒〕他生的容貌蒼長的來。鬢如霜。則他那上陣英雄誰敢當。這將軍威風氣象。飄一部美髯長。〔英布云〕每番臨陣。我見老將軍結束威風。是好氣勢也。〔正末唱〕

〔太平令〕鳳翅盔簪纓飄蕩。獅蠻帶結束戎妝。玲瓏鎧明輝金晃。堪受那高官卿相。〔英布云〕老將軍仙鄉何處。〔正末唱〕哎你箇大王問當這將軍故鄉。〔英布云〕老將軍姓甚名誰。〔正末唱〕則他是豐沛縣周勃老將。〔蕭何云〕英布費客隨何望闕跪者。聽聖

人的命。英布則爲你驍勇絕倫。棄楚歸漢。加你爲統兵都總管兵馬大元帥。費太宰。加你爲中大夫之職。隨何於國有功。加你爲上大夫之職。您聽者。大將軍棄楚歸劉。重賢臣拜將封侯。聖明主豁達大度。開賢門納諫如流。職居在鵷班鷺位。身朝覲鳳閣龍樓。加英布兵馬大帥。懸金印統領戈矛。排宴會加官賜賞。一齊的望闕叩頭。

題目 施妙策張良智蕭何

正名

運機謀隨何騙英布

騙英布穿關

頭折

蕭何

兔兒角幘頭
圓領帶

三髯髯補子

卒子

紅碗子盔
兒甲裙襖青布釘劍

張子房

散巾
兒三髯髯邊欄道袍
裙扇

周

勃樊噲王陵

鳳翅盔
直欄裙襖膝欄曳撒
帶劍

項帕
三髯髯

正末隨何

一字巾
領帶
三髯髯

楔子

費客

同前
隨何

正末隨何

帶劍
費客又上前

第二折

英布

四縫子笠盔
直欄裙襖
帶劍
項帕

卒子

費客
同前
軍政司小軍
紅碗子盔
布釘兒甲
青

劍費客卒子又上前

全不濟
爛沒用
氈帽
衣裙襖

正末隨何
小軍又上前

第三折

英布卒子小軍費客小軍拏正末隨何

同前
楚使命
一字巾
領帶

補子圓
三髯髯

第四折

蕭何張子房周勃王陵樊噲卒子前同正末隨何英布費客前同

乙卯五月初九日校內本清常

漢公卿衣錦還鄉

闕名

頭折

〔沖末扮項羽領卒子上〕〔云〕執銳披堅領大兵。排兵布陣任非輕。身懷舉鼎拔山力。獨占東吳數百城。某姓項名羽字籍。乃臨淮下邳人也。某幼年學書不成。吾叔父項梁怒之。某言曰。書是記姓名而已。又教某學劍。某曰。劍乃一人之敵。不足學也。某可學萬人之敵。吾叔父奇之。後教某孫子兵法遁甲之書。與叔父避讐於吳中。因秦失其鹿。某舉吳越之兵。殺會稽太守殷守道。某聚兵十萬。亦有八千子弟兵。某與沛公相約。他軍行於南路。某軍行於北路。某至於鉅鹿。與秦將章邯渡河交戰。焚船破竈。一日九戰。呼聲動天。大敗章邯。今有沛公無禮。他先入關中。封秦府庫。改秦苛法。某欲興師見罪。沛公盡獻秦之寶物。投吾麾下。某自號西楚霸王。封六國諸侯。沛公於南鄭。衆將封官已定。某欲待秦咸陽遷於彭城。某錦衣還鄉。再與衆官商議。小校轅門首覷者。若衆將來時。報復某知道。〔卒子云〕理會的。〔韓信上〕〔云〕懸牌執戟且存身。腹隱經綸志不羣。一朝若用安邦策。堪作擎天社稷臣。某姓韓名信。淮陰下邳人也。幼而頗習韜略之書。因豪傑並起。人皆失業。某因受惡少年之恥。又遇水雲鄉漂母之賢。某仗三尺龍泉。憑腹中韜略。今投於魯公麾下。

爲執戟郎官之職。憑某文武之才。焉授此微末之職。皆因魯公不辨賢愚。亦是某造物所系。且待時守分。今日早間。聞知魯公要棄了咸陽。遷都於彭城。此事不中。勸諫魯公。走一遭去。來到也。令人報復去。有執戟郎韓信來了也。〔卒子云〕理會的。〔做報科〕〔云〕喏。報的大王得知。有執戟郎韓信來了也。〔項羽云〕着他過來。〔卒子云〕理會的。着過去。〔見科〕〔項羽云〕韓信。不喚而自至。你有何事來。〔韓信云〕小官無事不來。聞知元帥棄離咸陽。要遷都於彭城。咸陽者。乃秦之地也。四關險阻。八水三川。乃鎮諸侯之地。元帥。此咸陽不可棄也。〔項羽云〕某之將令。豈有虛言。量爾有何才能。敢來勸我。〔韓信云〕元帥。豈不想章邯偷營劫寨之時。不信小官之言。果失了老將項梁。今元帥不從小官勸諫。倘若有失。悔之晚矣。〔項羽云〕頗奈胯下夫無禮。你豈敢多言。想某有舉鼎之力。吳中子弟。盡皆懼之。猛將不及三合。虎視天下諸侯。盡拘於掌握之中。皆從某之號令。爾如再言。必當斬首。章邯久敗陣陣輸。暗鳴叱咤。整威驅。憑着某挾人捉將拔山力。豈聽淮陰一餓夫。〔下〕〔韓信云〕項羽去了也。某忠言逆耳。不聽吾之諫也。乃秀鐵之夫。愚魯之士。不到年載之間。皆被人所制也。將輸兵敗。遭圍困。虎略龍韜。何曾用。項羽。待你有家難奔。恁時休。纔識淮陰窮韓信。〔下〕〔曹參上〕〔云〕荒荒四海起干戈。聚集英雄武略多。用計施謀擢項羽。赤心扶立漢山河。小官曹參是也。乃沛郡人氏。初爲郡中豪吏。今從沛公授中涓之職。自俺主公聚沛中子弟。

三千。與項羽共立懷王。定爲盟約。俺主公西入咸陽。子嬰面縛。與櫛請降。主公釋之。除秦苛法。約法三章。秦民皆喜。百姓每爭持牛羊酒食。獻享軍士。今項羽倚暗鳴叱咤之威。仗舉鼎拔山之力。六國諸侯。不得已而從之。後入咸陽。取其寶貨。殘虐百姓。自立爲西楚霸王。封我主公於南鄭。乃興隆之地。今主公麾下。亦有子房蕭何。乃羽翼之臣。股肱之宰。又有周勃彭越英布等數將。人人驍勇。箇箇當先。雖戰將皆全。奈無與劉破楚的元帥。今有子房前往咸陽。尋問破楚的元帥。着子房用心幹事。仔細跟尋。採訪賢士。必爲大用。着他小心在意。疾去早來。劉項相爭。各用功。子房千里覓英雄。一顧成周碭溪叟。尋那與劉破楚大元戎。〔下〕韓信領卒子上。〔云〕學成立國安邦策。時哉未遇困英雄。某乃韓信是也。因魯公項羽。要離咸陽。遷都彭城。某累諫不從。此人乃匹夫也。言不聽。計不用。似此不辨賢愚。到來日告辭魯公。納下官爵。還於故鄉。持一竿香餌。拂兩袖清風。倒亦幽哉。今日無甚事。在此前廳上閑坐。左右。若有客來。報復我知道。〔卒子云〕理會的。〔正末道扮張良背劍上〕〔云〕貧道姓張名良字子房。韓國阜城人也。自祖父以來。累爲韓國之臣。貧道幼而慕道。頗悟玄微。見在沛公麾下爲仕。貧道向日。因訪項伯。見書囊中有一文字。名曰是鎖諸侯之法。後有姓名。淮陰韓信作。貧道觀之不足。看此法中大意。韓信有管樂之謀。孫吳之智。神鬼不測之機。貧道想來。俺沛公若得韓信。堪可做與劉破楚的元帥。貧道今日假做箇雲遊的。

先生故貨此劍。說說韓信。走一遭去也呵。〔唱〕

〔仙呂點絳脣〕敬訪賢才。則爲俺沛公寬大。這一箇英雄客。胸捲江淮。他可也堪作興劉帥。

〔混江龍〕更有那經綸的妙策。他若將那補完天地手舒開。端的便堪爲將相。掛印懸牌。他是箇架海擎天白玉柱。看承做提牌執戟小人哉。他本是安邦定國一忠良。不能穀扶持社稷乾坤大。曾習那黃公三略。學成那呂望之才。〔云〕

說話中間。可早來到也。令人報復去。道有雲遊的先生。特來相訪也。〔卒子云〕理會的。〔做報科〕

〔云〕喏。報的大人得知。有一箇雲遊的先生。特來相訪。〔韓信云〕道有請。〔卒子云〕理會的。有請。

〔做見科〕〔正末云〕貧道久聞賢士之名。論文學有孔孟之道。論德行有顏閔之風。仰慕賢士。不能相見。今日得遇尊顏。實乃貧道萬幸也。〔韓信云〕想小官生居寒門。長在白屋。才輕德薄。智窮量淺。有勞先生不棄相探也。〔正末云〕貧道是一雲遊的先生。聞知賢士大名。特來拜訪也。〔韓信云〕先生量韓信官卑職微。亦無才能。先生何足掛念也。〔正末云〕賢士則你那名揚四海。播江湖。不稱平生志已疎。千里求賢來探爾。特訪你箇男兒大丈夫。〔唱〕

〔油葫蘆〕故探爾箇英雄年少客。〔韓信云〕小官乃淮陰無名之士也。〔正末唱〕你聲名

揚四海。仰聞你那胸藏錦繡。隱於懷。則你那虹霓氣吐青霄外。怎受這等微官薄祿將時待。〔韓信云〕先生。曾聞昔日公伯寮其如命何。蓋某的時運如此也。〔正末云〕貧道久聞賢士。曾藏錦繡。腹隱兵書。如此才名。若肯求進。任賢之處。微展羽翼。略用雄才。必遂其大志也。〔韓信云〕小官欲要進身。奈無處去也。〔正末唱〕你若肯投任賢。用機謀。施戰策。穩情取坐都堂。爲虎將。都元帥。恁時節。遂大志。恰舒懷。〔韓信云〕人有沖天之志。非運而不能往。小官就尋箇進身之處。奈無人舉薦也。〔正末云〕賢士若肯求進身呵。〔唱〕

〔天下樂〕你可便須有風雲際會。諧展你那雄才。入凌煙將名姓改。你若肯統雄師。驅虎將。把軍校排。將黃公三略施。辨風雲觀氣色。穩情取播清風傳萬載。〔韓信云〕先生背此劍。有何用處那。〔正末云〕貧道有三口劍。〔韓信云〕先生可是那三口劍。〔正末云〕一曰王侯劍。二曰丞相劍。三曰元戎劍。貧道遊訪於天下。貨賣這三口劍。〔韓信云〕先生。王侯劍。貨賣與誰也。〔正末云〕王侯劍。貧道本當貨賣與魯公。因遇沛公。將此劍錯貨與沛公也。〔韓信云〕先生。項羽乃夸鐵之夫。沛公仁德雙全。你的不會差貨了。〔正末云〕賢士。貧道不曾錯貨了。〔韓信云〕丞相劍。貨賣與誰了。〔正末云〕丞相劍。本當貨賣與范增。忽遇蕭何。貧道將此劍又錯貨與蕭何也。〔韓信云〕范增知賢不舉。棄真就假。非爲賢相。蕭何乃股肱之宰。輔弼之臣。先

生貨的是也。〔正末云〕賢士。貧道不會錯貨了。〔韓信云〕先生貨賣的是。〔正末云〕貧道止有這口元戎劍。未曾貨賣。聞知賢士。曾懷錦繡。腹隱經綸。有鴻鵠之志。自古英傑。非比賢士之能。何當掛此元戎劍也。〔韓信云〕先生着。小官掛此劍。這劍有何異哉。先生說一遍。小官試聽者。〔正末云〕賢士休看的此劍小可也。〔唱〕

〔那吒令〕這劍他是比龍泉有吹毛的。這氣概。這劍可也比巨闕能利。〔疑當作割〕水兩開。這劍他便比銀鋸比銀鋸大。〔此四字疑是地。削鐵利之說。〕哉。〔韓信云〕再有何奇處也。〔正末唱〕這劍按陰陽製造成。應八卦乾坤大。〔帶云〕賢士。你若掛了此劍呵。〔唱〕大踏步走上壇臺。〔韓

信云〕某無才無能。怎敢掛此劍也。〔正末唱〕

〔鵲踏枝〕你有那苦天的才。在此處久沉埋。豈不聞靈禽相良木而棲。賢臣立名主宗宅。定江山惟公鑑格。穩情取畫戟門排。〔韓信云〕先生。小官便學成大才。今授執戟郎官。奈時也。運也。命也。〔正末云〕賢士。背暗投明者。古之常理也。〔唱〕

〔寄生草〕重磨的日月光天德。再整理山河壯帝堦。方信道藏珠韞匱無人採。求善待價無人買。賢士也似你這般良金美玉無人賽。〔韓信云〕項羽有拔山之力也。〔正末唱〕量他這斗筭之器不足云。俺沛公端的是寬洪海量真堪愛。〔韓信云〕

小官亦無縛鼠之力。項羽英勇。難以拒敵也。〔正末唱〕

〔六么令〕你懷揣着黃公略。用機謀施戰策。有一日驅虎將把軍士齊排。你將那雜彩旗開。得勝而來。笑吟吟鼓震天街。遂風雲志節。還鄉界。歸故里。拂滿面塵埃。你可也勝八元安。入表欺人愷。你可也修其天爵。自然也人爵從來。

〔么篇〕你可英才恰得舒懷。位至三台。掛印懸牌。博一箇千古名傳萬載。賢士也恁時節那快哉。本是箇將相之才。久矣沉埋。大剛來天地栽培。有一日蟄龍得潤。逢着春色。那時節雨霽雲開。有一日輕裘肥馬還鄉界。稱了那平生願足。方信道苦盡甘來。〔韓信云〕先生。小官想來。便要棄項歸劉。亦無舉薦。焉能自往也。〔正末云〕稽首。貧道特來請命也。〔韓信云〕先生莫非子房公麼。〔正末云〕然也。然也。〔韓信云〕先生莫得高言。恐防外人知道。先生倘若小官南鄭見了沛公。如若不用小官。可不進退兩難也。〔正末云〕相公放心。你將着這一口劍。這一封菱角文書。若見了蕭何。必然重用將軍也。〔韓信云〕某則今日便索長行也。小官有何才能。先生煞是用心也。〔正末唱〕

〔尾聲〕早早的踐程途。急急的催行色。投蕭相將書劍解。有一日得志崢嶸顯氣概。我將言詞說的明白。你心下莫疑猜。但放心舒懷。〔帶云〕賢士若到那裡呵。〔唱〕

你只索吐膽傾心施戰策。〔韓信云〕先生若沛公用某呵。微施三略。頗用神機。滅項與劉。易如翻掌。則怕不用小官麼。〔正末云〕賢士古來有兩箇賢人。賢士學取一箇。貧道學取一箇。〔韓信云〕先生學取那箇賢人。〔正末唱〕我待學管夷吾薦賢臣量窄。〔韓信云〕小官學取那一箇賢人。〔正末唱〕相公也。你勝似那鮑叔般威名寬大。〔韓信云〕先生小官此一去。可是如何那。〔正末云〕賢士此一去。必稱平生之愿也。〔唱〕你端的笑吟吟獨步上金塔。〔下〕〔韓信云〕子房去了也。小官則今日收拾行程。往南鄭投於沛公麾下。走一遭去。則不小官。昔日呂望避紂歸周。百里奚去虞歸秦。棄假就真。背暗投明。自古有之。將馬來。便索長行也。憑着某腹隱雄才展經綸。棄項歸劉立乾坤。我是那扶持社稷忠良將。這一去赤心輔佐聖明君。〔領卒子下〕

楔子

〔蕭何領卒子上〕〔云〕羣雄蜂起。統戈矛。沛魯相持。甚日休。文臣武將。機謀大。扶漢與劉。四百州。小官蕭何是也。官封丞相之職。不則小官一人。多有文武公卿。今有魯公項羽。與俺相持。未分勝敗。有子房說說一人。乃淮陰韓信。棄項歸劉。佐於主公麾下。小官三薦登壇。今爲元帥。用兵有法。有神鬼不測之機。他明修棧道。暗度陳倉。倒襲散關。活挾呂馬童。席捲三秦。水滄廢丘。涉西河。虜魏豹。擒夏悅。斬張全。這金收趙。修書嚇燕。驅田橫歸於海島。累建大功。止有項羽未曾平復。今請

元帥定計。務要擒拿了項羽。小校門首觀者。若元帥來時。報復小官知道。〔卒子云〕理會的。〔韓信上〕三十男兒鬢未斑。好將英勇展江山。馬前自有封侯劍。何用區區筆硯間。某乃韓信是也。初間曾在項羽麾下爲執戟郎官。言不聽。計不用。某棄項歸劉。輔佐沛公。有蕭丞相三薦登壇。拜某爲征西上將軍。破楚大元帥。某自佐於主公麾下。累建大功。所過州縣。望風而降。有蕭丞相在府中相請。有事商議。須索走一遭去。可早來到也。左右報復去。道有韓元帥來了也。〔卒子云〕理會的。〔做報科〕〔云〕喏。報的丞相得知。有韓元帥來了也。〔蕭何云〕道有請。〔卒子云〕理會的。〔見科〕〔韓信云〕丞相請某來。有何事商議也。〔蕭何云〕元帥國士無雙。累建大功。奈有項羽未曾擒拿。特請元帥定計破楚。聖人之命。若破楚之後。元帥祿享千鍾。永遠富貴也。〔韓信云〕丞相。某觀項羽。今歲必敗。某略施韜略。頗用神機。擒拿項羽。易如翻掌。等衆將來全時。某支撥軍馬。分派地方。丞相衆將必然成功也。〔蕭何云〕元帥若衆將來全時。元帥傳與他將令。衆將這早晚敢待來也。〔灌嬰同盧綰上〕〔灌嬰云〕幼小曾將武藝學。南征北討用功勞。望塵嗅土知勝敗。赤心敢勇報皇朝。某乃灌嬰是也。這箇將軍。乃是盧綰。今有元帥呼喚。不知有何事。須索走一遭去。可早來到也。小校報復去。道有灌嬰盧綰來了也。〔卒子云〕理會的。〔做報科〕〔云〕喏。報的元帥得知。有灌嬰盧綰來了也。〔韓信云〕着他過來。〔卒子云〕理會的。過去。〔見科〕〔灌嬰云〕元

帥呼喚漢嬰盧綰。有何事也。〔韓信云〕你兩箇將軍。且一壁有者。衆將來全時。有事分付。〔高起同王陵上〕〔高起云〕赤心報國。願忠良扶持社稷。定邊疆。挾人捉將。寰中少。敢勇當先。世無雙。某高起是也。這位是王陵。某通知黃公三略法。呂望六韜書。十八般武藝。無有不拈。無有不會。元帥喚俺衆將。王將軍。俺見元帥去來。可早來到也。小校報復去。道有高起王陵來了也。〔卒子云〕理會的。〔做報科〕〔云〕喏。報的元帥得知。有高起王陵來也。〔韓信云〕着他過來。〔卒子云〕理會的。着過去。〔見科〕〔王陵云〕元帥喚俺二將。那廂使用。〔韓信云〕且一壁有者。〔周勃同柴武上〕〔周勃云〕孫子兵書苦習成。雄威敢戰有聲名。排軍布陣依三略。方顯將軍武藝能。某乃周勃是也。這一位將軍。乃是柴武。自佐於主公麾下。頗有功勳。某爲上將。與項羽拒敵數陣。累建大功。今有元帥呼喚俺衆將。不知有何商議。可早來到也。小校報復去。道有周勃柴武來也。〔卒子云〕理會的。〔做報科〕〔云〕喏。報的元帥得知。有周勃柴武來了也。〔韓信云〕着他過來。〔卒子云〕理會的。過去。〔見科〕〔周勃云〕元帥呼喚周勃柴武。有何將令。〔韓信云〕衆將聽者。某與丞相奉主公之命。定計擒擊項羽。與您衆將商議也。〔周勃云〕小將得令。〔蕭何云〕小校。衆將還少誰哩。〔卒子云〕丞相。衆將都來全了。止少英布彭越酈商樊噲四將未來哩。〔韓信云〕若來了。報復某知道。〔正末扮英布同彭越酈商樊噲上〕〔正末云〕某乃英布是也。本貫揚州六合縣人也。

這三位將軍。乃是彭越。鄼商。樊噲。某幼而頗習文武之書。先拜項羽麾下爲士。因項羽不辨賢愚。所以棄項歸劉。拜爲大將。今日韓元帥呼喚俺衆將。不知有甚事。須索走一遭去。可早來到也。小校報復去。道有英布并衆將來了也。〔卒子云〕理會的。〔做報科〕〔云〕喏。報的元帥得知。有英布并衆將來了也。〔韓信云〕着他過來。〔見科〕〔正末云〕元帥呼喚英布并衆將。有何將令。〔韓信云〕英布將軍。今奉聖人之命。會合衆將。聚集軍校。卽今破楚。擒擊項羽。某在此帥府。與你衆將商議也。〔正末云〕小將得令。〔蕭何云〕元帥今朝吉日良辰。衆將皆全。小官奉聖人的命。衆將若齊心破楚。戮力建功。重賞加官。祿享千鍾。元帥支撥衆將軍馬。傳與他將令者。〔韓信云〕衆將近前來。聽吾將令。某今拜征西將軍。破楚元帥。衆將在某麾下。隨吾驅使。九里山乃爲中心。東至烏江。西至鳳凰山。隨高就低。山谷澗道。盡皆埋伏。南至黃河北至定谷山。正東上申陽陸賈。領兵十萬。江上埋伏。東南上灌嬰盧綰。領大軍十萬埋伏。正南上張耳陳餘。領雄兵十萬埋伏。西南上高起王陵。領兵十萬埋伏。正西上鄼商陳豨。領雄兵十萬埋伏。正北上隨何呂馬童。領兵十萬埋伏。東北上蓋騭劉武。領兵十萬埋伏。彭越領大兵十萬。爲引戰前部先鋒。主公與丞相。在九里山高阜處。筵宴勳樂。歌聲嘹唳。樊噲九里山上摩旗。四方招颺。衆將伏兵盡舉。親率雄兵。坐於中軍。項羽已在長圍。困於垓下。如魚吞鈞。似鳥投籠。還有八千子弟兵。不能散去。子房公橫鐵笛一

管。直至項羽營外高阜處。吹動楚歌。他軍必散。英布領兵十萬。至陰陵路上。等候項羽。此人前到烏江。必然身故。衆將分派地方。整擄軍馬。各守汛地。若擒擊住項羽者。必有重賞加官。如走失項羽者。必當斬首。懷妙策。頗用機謀。驅鐵騎。統領軍卒。眞天子百靈咸助。韓元帥十面埋伏。〔英布同衆將云〕得令。〔蕭何云〕衆將聽了元帥將令也。〔彭越云〕俺衆將都得了令也。〔蕭何云〕你衆將緊守地方。整點隊伍。隄防賊兵。都要建功。聖人自有加官賜賞。英布將軍。你領兵先去陰陵路上。等待項羽。小心在意者。〔正末云〕得令。出的這轅門來。大小衆將。跟着某陰陵路上。擒擊項羽。走一遭去。項羽。量你何足道哉也。〔唱〕

〔賞花時〕俺可便特奉元戎親自差。俺則索定計鋪謀軍校排。我直殺的他軍亂怎支劃。〔帶云〕項羽。量你何足道哉也。〔唱〕你便有那舉鼎拔山的那氣概。〔帶云〕若擒擊項羽呵。〔唱〕俺穩情取敲金鐙。可兀的獻功來。〔下〕〔韓信云〕你衆將即今便領軍兵。分派地方埋伏去。則要你成功者。〔彭越云〕得令。奉元帥將令。爲引戰前部先鋒。擒擊項羽。走一遭去。大小三軍。聽吾將令。一要人人英勇。箇箇當先。竭力盡忠。赤心報國。這一去戰鼓齊鳴。將校排。龍韜虎略在心懷。饒你舉鼎拔山力。怎出韓侯大會垓。〔下〕〔灌嬰云〕奉元帥將令。某同盧綰統領軍校。分派地方埋伏。擒擊項羽。走一遭去。蕩蕩征雲遮太陽。魚鱗甲砌列刀鎗。九里山前擒

項羽敗軍殘將盡歸降。〔下〕〔高起云〕奉元帥將令。某同王陵。領十萬大軍。西南上埋伏。擒項羽。走一遭去。雄兵百萬將千員。關外將軍號令嚴。有如王翳擒李牧。亦似呂望捉飛廉。〔下〕〔周勃云〕奉元帥將令。某同柴武。統領十萬雄兵。分派地方埋伏。整點隊伍。謹守方面。必要取勝。與項羽交戰。走一遭去。忠正常懷報主心。臨軍對陣顯威風。全憑智勇扶社稷。擒項羽建頭功。〔下〕〔樊噲云〕某樊噲。奉元帥將令。直至九里山高阜處摩旗。走一遭去。某將旗四方招展。伏兵盡起。必然擒拏住項羽也。楚重瞳不識愚賢。劉沛公上合青天。莽樊噲摩旗爲號。逼項羽一命歸泉。〔下〕〔蕭何云〕元帥。衆將各守地方埋伏去了。此一陣全在元帥。必然成功也。〔韓信云〕丞相。非韓信之能。皆賴聖人洪福齊天。衆將虎威。必要成功。某今親率三軍。擒拏項羽。去走一遭。能征將揚威耀武。施謀略奪旗捲鼓。九里山埋伏軍校。活拏住重瞳項羽。〔下〕〔蕭何云〕元帥并衆將去了也。據韓信有伊尹呂望之才。管樂之能。必然項羽被擒。小官回聖人話。走一遭去。滅項與劉姓字香。忠肝義膽報君王。扶持社稷擎天柱。堪作朝中架海梁。〔下〕

第二折

〔項羽領卒子上〕〔云〕狀貌堂堂誰可同。橫槍躍馬氣如虹。拔山舉鼎千斤力。萬夫難敵某英雄。某項羽是也。頗奈沛公無禮。分其地於漢中。他每日操兵練士。積草屯糧。拜勝下夫韓信爲帥。與

某交鋒。但是天下英雄。與某交馬。皆不及三合。量韓信何足道哉。如今將某圍在垓心。更待干罷。某再整擄軍馬。與他拒敵。未爲晚矣。小校與我喚將季布鍾離昧來者。〔卒子云〕理會的。季布鍾離昧安在。〔一淨扮季布鍾離昧上〕〔季布云〕我做將軍實是好。自小從來能戰討。聽的上陣去。厮殺。騎着快馬便就跑。某乃是項王手下大將季布是也。這一箇是鍾離昧。今日正在帳房裡猜枚吃酒。有元帥呼喚。不知有甚事。須索走一遭去。可早來到也。小校報復去。道我二將在於門首。〔卒子云〕理會的。〔做報科〕〔云〕喏。報的元帥得知。有季布鍾離昧來了也。〔項羽云〕着他過來。〔卒子云〕理會的。着過去。〔見科〕〔季布云〕大王。呼喚俺二人。那廂使用。〔項羽云〕季布鍾離昧。你二人領三千軍馬。與韓信交戰去。若擒拏住餓夫。先來報復某知道。〔季布云〕得令。俺二人與韓信交鋒去。量那胯下夫。到的那裡也。〔項羽云〕你這一去。則要成功而回。重賞加官也。者末他軍屯百萬雁行排。雄威忿怒奔宵懷。暗鳴叱咤十分勇。鐵壁銀山也撞開。〔同卒子下〕〔季布云〕大王去了也。鍾離昧。剛纔說着誰領人馬與韓信交戰去。〔鍾離昧云〕大王說着我們兩箇與韓信交戰去。〔季布云〕着我們兩箇與韓信交戰去。罷。沒奈何。要他走一遭。大小三軍。聽吾將令。來朝垓下去相持。箇箇都要顯雄威。手中要把槍來舞。跨下先將馬來騎。得勝回來都歡喜。人人應子與封妻。若還輸了不要掙。鑽到水裡變田雞。〔同下〕〔彭越驪馬兒引卒子上〕〔云〕某

乃彭越是也。今將項羽圍在垓下。奉元帥將令。某爲先鋒。擒拿項羽。遠遠的塵土起處。敢是項羽來也。〔淨季布鍾離昧躍馬上〕〔彭越云〕來者何人。〔季布云〕俺是楚王麾下大將季布鍾離昧是也。〔彭越云〕無名之將。量你何足道哉。操鼓來。某與你交戰。〔做戰科〕〔季布云〕這厮手裡來得。撒的我敵不過他。虛擲一槍。走了罷。〔同鍾離昧下〕〔彭越云〕這厮走了也。不問那裡趕將去。〔下〕〔項羽躍馬兒領卒子上〕〔云〕某項羽是也。如今將我困在垓心。三晝夜水米不曾到口。差鍾離昧季布和韓信廝殺去。又被彭越殺敗了。二將不知怎生。某營中盡皆楚歌之聲。八千子弟兵。與衆將盡皆潰散。不知虞姬安在。〔虞姬上〕〔云〕妾身虞姬是也。那裡這等歌聲。大驚小怪。我見主公去。〔做見科〕大王滿營中大驚小怪。可是爲何。〔項羽云〕虞姬。你不知。如今八千子弟兵。盡都散了。我如今去江東取救兵去。再與他爭戰也。〔虞姬云〕大王去江東去。妾身何處歸着。〔項羽做沉吟科〕〔云〕你善待沛公。〔虞姬云〕大王何出此言。便好道忠臣不事二主。烈女豈嫁二夫。活是項家人。死是項家鬼。妾身已是無歸着。借大王劍與妾。〔項羽云〕兀的是劍。〔虞姬做拜辭科〕〔云〕大王。你安心往江東去。妾身拜辭也。妾本居江東。隨君亦數年。蛾眉雙宛轉。蓮步獨踟躕。玉貌傾城色。花容絕世間。一朝垓下敗。刎首入黃泉。〔做自刎科〕〔項羽云〕虞姬自刎身卒。八千子弟兵皆散。更待干罷。我領親隨壯士。撞入陣去。江東取救軍。再與韓信交戰。未爲晚矣。

〔彭越驢馬兒再上〕〔云〕某彭越是也。大小三軍。擺開陣勢。休着走了項羽。〔項羽云〕來者何人。
〔彭越云〕某乃彭越是也。〔項羽云〕你乃無名之將。怎敢與我交鋒。沾污吾的刃器。〔彭越云〕
操鼓來。某與你交戰。〔做戰科〕〔項羽云〕某不與你戰。撞出陣去。江東取救軍去也。〔做衝出陣
科〕〔高起王陵上〕〔高起云〕某乃高起是也。這箇是王陵。休着走了項羽。某久等多時。及早受
降。〔項羽云〕量你何足道哉。某不與你交戰。前往東吳。取救軍去也。〔做衝出陣科〕〔周勃同柴
武驢馬兒上〕〔周勃云〕某乃周勃是也。這箇是柴武。兀那項羽。下馬受縛。免你一死。〔項羽云〕
你等之輩。亦如腐草。難以交鋒。〔周勃云〕操鼓來。與你決戰九千合。〔做戰科〕〔項羽云〕吾若戀
戰。無三合。將爾擒於馬前。且饒你一死。往江東取救兵去也。〔灌嬰盧綰驢馬兒上〕〔灌嬰云〕某
乃灌嬰是也。奉韓元帥將令。擒拿項羽。休着走了也。〔項羽云〕兀那無名之將。某不與你戰。打出
陣去。江東起兵去也。〔盧綰云〕兀那匹夫。我與你決戰。〔做戰科〕〔項羽云〕避吾者生。當吾者死。
撞出陣去。前往江東。取救軍去也。〔正末驢馬兒上〕〔云〕大小三軍。擺開陣勢者。〔唱〕

〔中呂粉蝶兒〕領着那萬隊軍卒。蕩征塵。一天殺霧。喊聲喧。驚動青虛。列軍兵。排戈甲。旌旗滿目。看今日扶立皇都。圖一箇著聲名。古今顯譽。

〔醉春風〕一箇箇舉意盡扶劉。興心同滅楚。雖然俺將帥有才能。托賴着聖上。

福。福。憑着俺戰馬彎奔。軍兵踴躍。撞重瞳攔住。〔云〕項羽慢來。有吾久等多時也。及早

下馬受降。〔項羽云〕頗奈黥額的匹夫無禮。你怎敢與吾交鋒。〔正末唱〕

〔十二月〕他罵一句黥額的匹夫。兀的不氣夯破我胸脯。惡狠狠忙輪着巨斧。雄赳赳驟損我這龍駒。哎。你箇舉鼎拔山的項羽。難逃這十面埋伏。

〔堯民歌〕呀。殺的他暗鳴叱咤兩相呼。手忙脚亂怎潛伏。你八千軍馬入秦都。今日箇一人一騎奔東吳。思也波慮。迷了道路途。沒揣的撞入陰陵路。〔項羽云〕

黥額夫。某不與你戀戰。撞出陣去。江東取救軍去也。〔下〕〔彭越同秦將云〕走了項羽也。〔正末云〕不妨事。我如今調呂馬重領三千人馬襲將去。務要擒了項羽。秦將跟隨着我見元帥去來。〔秦云〕理會的。俺見元帥去來。〔正末唱〕

〔尾聲〕一箇箇氣昂昂扶立漢邦。惡狠狠平了霸王。殺的他人慌馬亂無歸路。聖明主穩坐中華萬萬古。〔秦同下〕〔船公駕船上云〕稅斂均勻前歲少。差徭猶比去年稀。老漢是這江東的箇船公。駕着這小舟。今知魯公困於垓下。必來江東取救兵。擇船在此烏江等候。元帥敢待來也。〔項羽上云〕某撞出陣來。迷入陰陵道中。人困馬乏。來到這烏江岸也。兀的不是江東父老接待某哩。船公將船撐過來。〔船公云〕元帥。怎生獨騎在此。子弟八千。無一人相

隨。今江東父老。倚門而望。江東雖小。地方千里。聚將興兵。可復與漢兵交戰。大王可急渡烏江也。
〔項羽云〕船公。你先渡過我這馬去。然後渡我。〔船公云〕理會的。我渡過你馬去。元帥臨後渡你。
〔做渡馬科〕〔項羽云〕江東父老。你聽者。非是某先渡過這馬去。某已知天亡我也。縱江東父老憐我。有何面目見之。事戰死於烏江。恥獨回於鄉土。〔船公云〕大王。後面有追兵至也。〔項羽云〕非我不能戰勝。累不聽范增之言。乃天亡我也。罷罷罷。因韓信十面埋伏。他運籌策定計鋪謀。我領吳越八千子弟。都是能相持敢勇征夫。某起兵至今八載。七十陣衆將皆輸。天亡我。非戰之罪。至陰陵失迷路途。羞見我江東父老。自刎首一命身卒。非烏江不是無船。因此上恥向東吳。〔做自刎科〕〔下〕〔船公云〕誰想元帥羞見江東老幼。自刎身故。我衆多鄉老耆舊。滿斗焚香。朝見聖人去來。沛公仁德神靈助。項羽今朝一命亡。〔同下〕

第三折

〔曹參領卒子上〕〔云〕清平寰宇民安樂。四海咸寧萬姓歡。小官曹參是也。今有韓信等衆將。滅了項羽。今八方無事。四海晏然。千邦拱手。萬國來朝。奉聖人的命。着小官在此帥府。設昇平筵宴。犒勞衆將。論功行賞。小校。若衆將來時。報復小官知道。〔卒子云〕理會的。〔韓信同英布彭越灌嬰盧綰高起王陵周勃柴武酈商樊噲上〕〔韓信云〕某韓信是也。某與衆將。垓下同心協力。

滅了項羽。曹參奉聖人之命。在帥府中設一昇平筵宴。犒勞衆將。就論功行賞。可早來到也。小校報復去。道俺衆將都來了也。〔卒子云〕理會的。〔做報科〕云。喏。報的大人得知。有元帥并衆將來了也。〔曹參云〕道有請。〔卒子云〕理會的。有請。〔見科〕〔韓信云〕大人。俺衆將都來了也。〔曹參云〕元帥。小官奉聖人的命。設昇平之宴。犒勞元帥并衆將。就論功行賞。小校。衆將內少誰哩。〔卒子云〕則少張子房蕭丞相未來也。〔曹參云〕若來時。報復我知道。〔正末扮張良同蕭何上〕〔正末云〕貧道張良是也。方今聖人克伏萬國。德化千邦。平定了寰宇。一統山河。人民樂業。四海昇平。皆賴一人有慶。臣幸每共享太平之世也。〔蕭何云〕子房公。如今項羽已滅。天下太平。聖人治世。年豐歲稔。俺爲臣者。畫戟門排。閤閣簪纓。輩輩榮襲。俺永享皇家富貴也。〔正末云〕是好受用也呵。〔唱〕

〔越調鬪鶴鶉〕一箇箇金紫銀青。承恩受職。祿享千鍾。官封九錫。肥馬輕裘。錦衣玉食。受寵榮。享富貴。戶列簪纓。門排畫戟。

〔紫花兒序〕丹青圖像。凌閣書功。史記名題。〔蕭何云〕子房公亡秦滅楚。託聖人洪福齊天。亦是韓元帥之才能。衆將熊虎之威也。〔正末唱〕爲咱這擎天架海。教萬載傳知其實。託賴着聖明主。邁唐堯過舜德。今日箇太平時世。〔蕭何云〕先生。今日元帥府論功行

賞哩。〔正末唱〕宰相每便重職高遷。公侯每列鼎而食。〔蕭何云〕可早來到也。小校報復去。道有子房同小官來了也。〔卒子云〕理會的。〔做報科〕〔云〕喏。報的大人得知。有軍師同丞相來了也。〔曹參云〕道有請。〔卒子云〕理會的。有請。〔正末見科〕〔云〕大人會俺衆臣宰每。有何事商議也。〔曹參云〕你衆將都來全了也。小官奉聖人的命。爲衆將亡秦滅楚。多有功勳。今日在此元帥府中。安排昇平筵宴。犒勞衆將。就論功行賞。封侯建節也。〔正末唱〕

〔小桃紅〕見如今八方四面錦華夷。〔曹參云〕多虧元帥衆將盡忠竭力也。〔正末唱〕席卷三秦地。天下狼烟自然退。捲了征旗。民安國泰昇平日。〔曹參云〕聖人的命。着你文武臣僚。家鄉祭祖。榮顯門閭。封妻廕子。衣錦還鄉也。〔正末唱〕聖旨着那文官武將。都一般妻榮夫貴。受皇恩勅賜錦衣回。〔曹參云〕你衆將跪者。聽聖人的命。賜賞加官也。〔衆做跪科〕〔曹參云〕據韓信戰必勝。攻必取。蓋世功勳。封爲大楚牧守之職。〔韓信云〕大人。當日聖人許我三齊之地。不當封於楚。〔曹參云〕元帥楚之地方五千餘里。精兵三十餘萬。糧多兵廣。勝如三齊之地也。〔韓信云〕大人。小官依命受之。〔曹參云〕英布。爲爾多有功勞。封爲九江牧守之職。彭越。爲爾旗開得勝。馬到成功。封爲大梁牧守之職。功大者都未及蕭何。可封鄼侯之職。〔蕭何云〕大人。小官難當侯爵之職也。〔王陵云〕大人。衆將披堅執銳。多者百餘戰。少者數千合。蕭

何未嘗有汗馬之勞。寸箭之功。徒恃文墨。居衆將之上何也。〔曹參云〕聖人曰。蕭何鎮國家。撫百姓。給餉饋。不絕糧道。此蕭何乃第一功也。可封他爵侯。衆將勿得多言。王陵封爾爲安國侯。周勃封爾爲絳侯之職。樊噲封爲武陽侯。灌嬰封爲潁陰侯。楊喜赤泉侯。呂勝潁陽侯。楊武吳防侯。衆將封官已定。望闕謝了恩者。則爲這明聖主。豁達大度。衆臣忠心扶助。千千年社稷永昌。萬萬載皇圖鞏固。〔衆將做拜科〕〔正末唱〕

〔調笑令〕百官每感激。託賴着百靈威。見如今普天下烟塵皆定體。〔曹參云〕見如今風雨順於四時。道泰歌謠。臣宰每衣錦還鄉。拜掃祭祖。正好快樂享富貴也。〔正末唱〕今日箇皇家大事都完備。正明條罷戰無敵。公侯每各還鄉故里。願吾皇聖壽天齊。〔曹參云〕衆相公每。名標青史。萬載播揚也。〔正末唱〕

〔禿厮兒〕五花誥高官重職。萬戶侯名姓鐫石。三簷傘下儀從隨。五明馬轡輕提。雄威。〔曹參云〕衆宰輔今日都封侯建節。加官賜賞也。〔正末唱〕

〔聖藥王〕都受了一品職。祿萬石。則爲俺忠心保護聖華夷。封贈的爵不淺。職不微。今日箇功成名就託洪威。〔曹參云〕封妻廕子。輩輩爲官也。〔正末唱〕又教我累代子孫襲。〔曹參云〕張子房運籌帷幄之中。決勝千里之外。祿受三萬戶。官封王侯之職也。〔正末云〕

大人。貧道願受留侯之職也。〔曹參云〕既然如此。封張子房留侯。衆宰輔。聖人之命。着衆臣宰還鄉探親祭祖。乃聖人之德也。〔正末唱〕

〔尾聲〕今日箇託吾皇洪福齊天地。俺歸鄉里。安排着慶喜。則俺這大一統衆公卿。拜謝俺那開基的聖明德。〔下〕〔曹參云〕子房去了也。衆宰臣。則今日便往家鄉祭祖去也。〔韓信云〕辭別了大人。小官封爲大楚建都去。小官自離鄉里。亡秦滅楚。整整的十年前。未遇時。鄉里人民。有於韓信有恩者。亦有讐者。比及到淮陰。先作四句詩。寄與本處縣官去。詩曰。寶劍長三尺。黃金重百斤。劍斬無義漢。金贈有恩人。誰不知有恩者。乃是漂母。有讐者是惡少年。此一去。恩讐必報也。想當日苦志慇懃。執綸竿。多受艱辛。懷妙策。胸藏星斗。吐虹霓。志氣凌雲。蕭丞相薦與元帥。施韜略。建立功勳。懸金印。身登八位。食天祿。光顯家門。惡少年。胯下之恥。入骨髓。忿怒生噴。蒙勅賜黃金千兩。報漂母一飯之恩。〔下〕〔曹參云〕元帥去了也。你衆將各回家鄉祭祖去。〔彭越云〕大人。彭越辭別了大人。便往大梁去也。九里山志氣威風。滅項羽。敢戰英雄。蒙恩賜高官重職。還故里。顯耀崢嶸。〔下〕〔曹參云〕彭將軍去了也。丞相。你同衆將幾時起程也。〔蕭何同衆將云〕大人。俺同衆將。則今日辭別了大人。回還故里。小官自隨聖人。豐沛起義。亡秦破楚。十年餘矣。今奉聖人之命。着衆宰輔還鄉祭祖。走一遭去。隨聖主。展土開疆。撫秦民。約法三

章。喜孜孜鞭敲金鐙。笑吟吟衣錦還鄉。〔曹參云〕小校。丞相并衆宰輔都還鄉祭祖去了。小官不敢久停久住。回聖人話走一遭去。干戈寧息罷刀槍。文武公卿立紀綱。衆臣今日還鄉井。方知天子重賢良。〔領卒子下〕

第四折

〔外扮老人同禾傑打彩旗上〕〔老人云〕米麥盈倉五穀登。田蠶萬倍好收成。聖主洪福民安樂。錦繡江山四海清。老漢是這豐沛縣高興老人。聖人在位。萬民樂業。禾黍豐穰。四時調和。千邦納土。萬國來朝。仰賴聖德仁慈。白叟黃童。焚香頂禮。俺永享快樂也。今聖人之命。着俺那公卿每還鄉祭祖。俺這豐沛縣。多有大人每。跟隨聖人。十年有餘也。俺衆鄉村父老。在這十里長亭。彩旗儀仗。滿斗焚香。接待本處公卿衆大人每。俺衆父老少誰哩。〔禾傑云〕少王子安哩。〔老人云〕俺在這裡等候着王子安老人。這早晚敢待來也。〔正末扮王子安上〕〔云〕老夫姓王。雙名子安。是這豐沛縣集賢莊人氏。見今聖人治世。四海晏然。天下太平。聽知的放俺衆公卿還鄉祭祖。俺這豐沛縣衆鄉村父老。在此十里長亭。接待本處衆大人每。老漢不敢久停久住。須索走一遭去。〔見科〕〔正末云〕莫怪老漢來遲。〔老人云〕老的來了也。我衆老人則等老的。老的你。遠遠的鼓樂喧天。一簇人馬。敢是俺本處的大人每來了也。〔蕭何同衆驪馬兒上〕〔蕭何云〕勅賜錦衣

歸故里。虔心仰賀聖明君。小官蕭何是也。自從聖人布衣中豐沛起義。整十年光景也。今寰區一統。天下太平。聖人垂衣南面。俺衆公卿都束帶立朝。聖人的命。着俺還鄉祭祖。鄉村父老。彩旗儀仗。滿斗焚香。接待俺衆宰相。仰賴聖人洪福齊天。今着俺衆公卿每衣錦還鄉也。〔老人云〕王子安老的。衆大人每。在那茶褐羅傘底。一簇人馬。來的近了也。〔正末云〕大人每來了也。〔唱〕

〔正宮端正好〕一班兒扶社稷衆公卿。都是隨聖主天差降。一箇箇笑吟吟志氣昂昂。似這等與皇家出氣力的忠良將。端的便堪寫在凌煙上。

〔滾繡毬〕是男兒顯紀綱。掃蠻夷定四方。不枉了着俺那故鄉人仰望。俺在這長亭畔。等不到數刻時光。見紛紛的塵土生。聽的那珊珊的環珮響。則見那並馬兒盡都是皇朝的卿相。說的俺莊農每無處潛藏。馬頭前銀盆水罐成行排。更和那左右公人列在兩廂。一箇箇狀貌堂堂。〔蕭何云〕俺來到這十里長亭也。鄉村中父老每。都在此接待俺那。〔老人云〕大人每來了也。衆父老都拜大人者。〔正末唱〕

〔倘秀才〕父老每急慌忙。都拜在路傍。〔蕭何云〕衆老每請起免禮。〔正末唱〕大人每彼各把謙詞禮講。〔蕭何云〕俺自離故鄉十年有餘。今日回還祭祖也。〔正末唱〕他道俺十數載今朝還故鄉。〔蕭何云〕這箇是沙三伴哥。都長成了也。這老的每。可都老了也。〔正末唱〕

你小童每審箇動靜。年邁者問箇行藏。大人每大量。〔蕭何云〕父老每。小官與衆大人每隨着聖人。豐沛起義。亡秦滅楚。平定寰宇。累代功勳也。〔正末唱〕

〔滾繡毬〕自從你隨聖上離了故鄉。西除東蕩。〔蕭何云〕俺衆宰輔每。盡忠竭力。赤心報國。如今四夷向化。都來朝貢也。〔正末唱〕今日箇萬國來降。定了四方。平了萬邦。將一片盡忠心。旦夕無恙。今日箇普定了邊疆。一箇箇赤心報國扶聖主。端的便堪作擎天架海梁。扶持着萬歲君王。〔蕭何云〕衆父老每。朝着京師跪者。小官奉聖人之命。今免本處夏稅秋糧。一切差徭。盡皆饒免。俺都是扶持社稷輔弼臣。奉聖命來到鄉村。衆父老焚香頂禮。朝京師拜謝皇恩。〔衆老人做跪拜科〕〔老人云〕王子安老的。聖人可憐俺百姓每。將咱秋糧夏稅差徭。盡皆免了也。〔正末云〕感謝聖恩。無可以報。俺莊農每。滿斗焚香。望着京師拜謝聖恩。〔衆老人做拜科〕〔正末云〕見如今萬姓謳歌豐稔日。黃童白叟賀昇平。〔唱〕

〔脫布衫〕明聖主仁做三皇。〔蕭何云〕聖主寬仁厚德也。〔正末唱〕明聖主德似陶唐。明聖主千邦讚禮。明聖主萬民仰望。〔蕭何云〕父老每。如今天下太平。風調雨順。正好快活也。〔老人云〕俺滿斗焚香。終日拜謝聖恩也。〔正末唱〕

〔小梁州〕百姓每虔心一炷香。一齊的拜謝吾皇。〔蕭何云〕聖人如堯舜之安邦也。

〔正末唱〕謝吾皇垂拱整朝綱。今日箇昇平象。教俺這黎庶得安康。〔蕭何云〕願皇圖鞏固。社稷永昌也。〔正末唱〕願神孫聖子常興旺。願金枝玉葉榮昌。祝吾皇聖體安保護的山河壯。普天下軍民仰望。賀萬壽永無疆。〔蕭何云〕如今天下太平。萬國來朝。風調雨順。免你一應差徭。永享富貴也。你衆父老每跪者。聽聖人的命。干戈寧息。樂安然。榮祿而歸。設大筵。道泰歌謠民快樂。乾坤一統錦山川。夏稅秋糧盡皆免。聖人有德宰臣賢。千邦納土來朝貢。萬民仰賀太平年。今日箇公卿衣錦還鄉日。滿斗焚香答謝天。

題目

免稅糧明君創業

正名

漢公卿衣錦還鄉

衣錦還鄉穿關

頭折

項羽 鳳翅盔 蟒衣曳撒 皂袍 項帕 直 卒子 紅碗子盔 青布釘 韓信 披廈冠 膝

項帕 直纏 襖膊 帶 帶劍 烏靠 三髯髯 卒子 兒甲 襖膊 劍 韓信 披廈冠 膝

欄道袍 繼兒 三髯髯 背劍

楔子

蕭何 兔兒角幘頭 補子 卒子 同 韓信 多簷帽 蟒衣曳撒 袍 項帕 灌嬰 盧綰 高

起 王陵 周勃 柴武 鳳翅盔 膝欄曳撒 袍 項帕 正末 英布 四纓笠子盔 蟒衣曳

搭膊 帶 彭越 撒髮盔抹額 蟒衣曳撒 袍 項帕 酈商 樊噲 同前

第二折

項羽 卒子 同 季布 鍾離昧 皮盔 膝欄曳撒 掩心甲 彭越 卒子 季布 鍾離昧 又

上項羽卒子

同前 驢馬兒

虞姬

綴髻頭面 裙兒

補子襖兒 布機 鞋

彭越高起王陵周勃柴武灌嬰

盧綰正末英布

同前 船公

斗笠 蓑衣 擎篙子 駕船

項羽又上

同前

第三折

曹參卒子

同前

韓信英布彭越灌嬰盧綰高起王陵周勃柴武酈商樊噲

同前 正

末張良蕭何

同前

第四折

老人

攢頂 茶褐直身 兒 蒼白髯 拄杖

禾俸

雙簪 花手巾

綿布襖 打彩旗

正末王子安

一字巾 茶褐直身

白髯 兒 拄杖

蕭何同衆

同前 驢馬兒

內本校錄清常記

馬援搗打聚獸牌

關名

頭折

〔冲末扮蘇獻領卒子上〕〔云〕威風赳赳顯英雄。凜凜聲名天地中。能使大桿刀一口。善驅軍校任縱橫。某姓蘇名獻字萬高。乃宋州下邑人也。十八般武藝。無有不拈。無有不合。佐於王巨君麾下。封某爲大元帥之職。今有漢三公子劉文叔。在白水村與兵聚義。招軍買馬。積草屯糧。欲要重興漢室。量他何足道哉。某選日與兵征伐他去。未爲晚矣。小校門首覷者。若有軍情事。報的某知道。〔卒子云〕理會的。〔淨蘇虎上〕〔云〕我乃是大將蘇虎。幼小裡會學隊舞。閑來時彈會琵琶。悶來時打會杖鼓。某乃大將蘇虎是也。正在教場中舞跳防牌。小校來報。如今漢三公子占了昆陽城。招軍買馬。積草屯糧。要領兵來和我們相持。我聽的說了。急慌前去報知蘇元帥。走一遭去。可早來到也。小校報復去。道有我老蘇來見。〔卒子云〕理會的。喏。報的元帥得知。有蘇虎來見。〔蘇獻云〕着他過來。〔卒子云〕理會的。過去。〔做見科〕〔蘇虎云〕元帥禍事也。〔蘇獻云〕禍從何來。〔蘇虎云〕我聽知的有漢三公子。占了昆陽城。招軍買馬。積草屯糧。要領兵來和我們相持。厮杀。我在下急忙前來。報知元帥也。〔蘇獻云〕頗素劉文叔無禮。他奪了昆陽城。更待干罷。你跟隨

着某。見樞密使王尋。商議去來。自古無毒不丈夫。沖沖憤氣。奔胸脯。速整軍裝。相持去。共同商議。起軍卒。〔同下〕〔王尋領卒子上〕〔云〕壯士刀磨太華山。敵兵魂魄徹心寒。馬蹄蕩散黃河水。槍尖刺透死生關。某乃大將王尋是也。官封樞密使之職。方今大漢。被王巨君。獨占疆封。四方豪傑。盡皆懼怕。將漢家宗族。誅盡殺絕。止有劉欽之子。乃是三公子劉文叔。指倒頓丘城。逃命得脫。不期他在白水村。與兵聚義。量他到那裡。小校門首觀者。若有軍情事。報復某知道。〔卒子云〕理會的。〔蘇獻同淨蘇虎上〕〔蘇獻云〕扶持新室立江山。掃盡煙塵社稷安。胸懷無限機謀大。領將驅兵保塞邊。某乃蘇獻是也。近因漢三公子與兵聚義。占了昆陽。要與俺相持廝殺。某同蘇虎見王尋。同他商議。走一遭去。可早來到也。小校報復去。道有蘇獻蘇虎。在於門首。〔卒子云〕理會的。睹報的將軍得知。有蘇獻蘇虎。在於門首。〔王尋云〕道有請。〔卒子云〕理會的。有請。〔見科〕〔王尋云〕二位將軍。此來有何事也。〔蘇獻云〕將軍。某聽的有漢三公子。占了昆陽城。招軍買馬。積草屯糧。要領兵來。與俺相持。俺乘勢不可不行。某統領大兵。征伐他去。有何不可。〔王尋云〕元帥言者當也。小校與我請的王邑來者。〔卒子云〕理會的。〔王邑上〕〔云〕狀貌堂堂七尺身。會習呂望六韜文。頗看黃公三略法。方爲關外大將軍。某乃大將王邑是也。幼習韜略兵書。佐於王巨君麾下。今有王尋將軍呼喚。不知有甚事。須索走一遭去。可早來到也。小校報復去。道有王邑來。

了也。〔卒子云〕理會的。喏。報的將軍得知。有王邑來了也。〔王尋云〕道有請。〔卒子云〕理會的。有請。〔見科〕〔王邑云〕將軍請某來有何事也。〔王尋云〕且少待。小校喚將劉希古來者。〔卒子云〕理會的。〔淨劉希古上〕〔云〕不會相持沒智才。幾遭上陣舞防牌。大小三軍聞吾怕。兩箇耳朵一箇歪。某乃劉希古是也。心中悶倦。買兩箇鵝鵝要子。小校來報。王將軍有請。須索走一遭去。可早來到也。小校報復去。道劉希古來了也。〔卒子云〕理會的。喏。報的將軍得知。有劉希古來了也。〔王尋云〕着過來。〔卒子云〕理會的。過去。〔見科〕〔劉希古云〕將軍請我來有甚事。〔王尋云〕請您衆將來。不爲別。今有劉文叔在白水村起義。聚將招軍。奪了昆陽城。更待干罷。某欲要起兵征伐。特請您衆將來商議也。〔劉希古云〕我道爲甚麼來。則爲這件事。放心。我領兵與他相持。走一遭去。〔王邑云〕將軍。王邑舉薦一人。乃是巨無霸。此人有千斤之力。使一口合扇刀。有萬夫不當之勇。堪可爲帥。領兵征伐漢兵去。未知意下如何。〔王邑云〕既然如此。小校與我請將巨無霸來者。〔卒子云〕理會的。〔巨無霸上〕〔云〕英雄名播傳天下。敵軍戰將聞吾怕。手持降妖聚獸牌。則我是威凜長人巨無霸。某乃大將巨無霸是也。身長丈八。膀闊三停。使一口合扇刀。可重百斤。有萬夫不當之勇。某有一面聚獸牌。擊響時百獸都來助陣。到處無不取勝。小校來報。大人有請。須索走一遭去。可早來到也。小校報復去。道巨無霸來了也。〔卒子云〕理會的。喏。報的將軍得知。

有巨無霸來了也。〔王尋云〕道有請。〔卒子云〕理會的。有請。〔見科〕〔巨無霸云〕將軍呼喚巨無霸那廂使用。〔王尋云〕巨無霸喚你來不爲別。今有劉文叔領兵占了昆陽。更待干罷。我撥與您四十萬人馬。蘇獻爲元帥。巨無霸爲先鋒。蘇虎爲副將。劉希古爲合後。攻取昆陽。若破了劉文叔。另有封官賜賞。衆將便索長行。〔巨無霸云〕得令。辭了將軍。出的這門來。統領四十萬精兵。征伐劉文叔。走一遭去。衆獸牌裏中少有合扇刀世上無雙。斬漢將湯澆瑞雪。放心殺敵兵拱手而降。〔下〕〔蘇虎云〕衆位老大兒。你但放心。我這一去。我甚麼事不弄壞了。出的這門來。征伐劉文叔。走一遭去。傳將令不索心慌。手擎着闊劍長槍。兩陣上若還沒事。回來家養一箇綿羊。〔下〕〔劉希古云〕辭別了將軍。便索長行。出的這門來。則今日與漢將相持。走一遭去。衆軍校聽我分付。不許您胡行歪做。先禱告家宅六神。乞願俺土地保護。〔下〕〔蘇獻云〕某辭別了大人。統領精兵。便索長行。出的這門來。大小三軍。收拾軍裝。便索長行。戰鼓齊敲。遠應聲。三軍流水。便長行。人人敢勇能挑戰。耀武揚威。破漢兵。〔下〕〔王尋云〕衆將去了也。此一去必然得勝回還。某便索回主公的話。走一遭去。軍行隊隊列刀槍。英雄赳赳顯高強。敢勇當先巨無霸。神威力戰取昆陽。〔下〕〔王邑云〕衆將去了也。某無甚事。且回私宅中去也。起兵遣將取昆陽。人人英勇氣昂昂。荒荒黎庶遭塗炭。試看相持這一場。〔下〕〔劉文叔領卒子上〕〔云〕積祖咸陽是故鄉。只因王莽起

刀槍。有時重把中興立。剿滅奸邪立漢邦。某姓劉名秀字文叔。乃泗水大王劉欽第三子。自從王莽專權。將俺漢家宗族。盡皆剿滅。某年七歲。指倒頓丘城。逃命得脫。投奔伯父劉良。隱跡數年。招攬四方豪傑。在白水村起義。選將用兵。多虧了鄧禹招集英雄。堅心輔佐。今領兵取了昆陽城。招軍買馬。積草屯糧。不想王尋無禮。令巨無霸統領四十萬雄兵。圍了昆陽城。鐵桶相似。困的俺裏無糧草。外無救軍。這其間怎生得脫。某今日陞帳。喚衆將來商議。小校覲者。若來時。報復某知道。
〔卒子云〕理會的。〔鄧禹上〕〔云〕對月彈長劍。當天作短歌。文叔若聚義。必定動干戈。某姓鄧名禹字仲華。幼習先王典教。後看韜略遁甲之書。佐於漢主公麾下爲將。今有那巨無霸領兵圍了昆陽城。主公呼喚。不知有甚事。須索走一遭去。可早來到也。小校報復去。道有鄧禹來了也。〔卒子云〕理會的。報的主公得知。有鄧禹來了也。〔劉文叔云〕道有請。〔卒子云〕理會的。有請。
〔做見科〕〔鄧禹云〕主公。鄧禹來了也。〔劉文叔云〕且少待。小校喚將馬武來者。〔卒子云〕理會的。馬武安在。〔馬武上〕〔云〕幼年本貫住南陽。身材凜凜貌堂堂。手舉銅刀能勇戰。四海威名馬子張。某姓馬名武字子張。某上陣處使一口銅刀。識與不識者。呼某爲銅刀馬武。某佐於漢主公麾下爲將。頗奈巨無霸無禮也。他統領四十萬大軍。將俺困在昆陽。今有主公呼喚。須索走一遭去。報復去。道有馬武來了也。〔卒子云〕理會的。報的主公得知。有馬武來了也。〔劉文叔云〕道

有請。〔卒子云〕理會的。有請。〔做見科〕〔馬武云〕主公馬武來了也。〔劉文叔云〕且少待。小校喚將銚期來者。〔卒子云〕理會的。銚期安在。〔銚期上云〕跨下征騶似虎狼。魚鱗鎧甲勝秋霜。馬蹄到處賊兵敗。槍尖刺透死生關。某姓銚名期字次況。幼習戰策。頗看兵書。使一條黑纓槍。有萬夫不當之勇。佐於漢主公麾下爲將。頗奈巨無霸無禮。他統四十萬大軍。將俺困在昆陽。主公呼喚。須索走一遭去。可早來到也。小校報復去。道有銚期來了也。〔卒子云〕理會的。喏。報的主公得知。有銚期來了也。〔劉文叔云〕道有請。〔做見科〕〔銚期云〕主公銚期來了也。〔劉文叔云〕且少待。小校喚將邳惲來者。〔卒子云〕理會的。邳惲安在。〔邳惲上云〕武藝精通敢自誇。六韜三略頗熟滑。破莽擒賊施勇躍。扶立炎劉大漢家。某姓邳名惲字君章。幼而習文。長而演武。使一條狼牙鐵棒。重八十斤。此棒發無不中。中無不倒。倒無不死。今佐於漢主公麾下爲將。今日巨無霸領兵。將俺困在昆陽。主公呼喚。須索走一遭去。可早來到也。小校報復去。道有邳惲來了也。〔卒子云〕理會的。喏。報的主公得知。有邳惲來了也。〔劉文叔云〕道有請。〔卒子云〕理會的。有請。〔做見科〕〔邳惲云〕主公呼喚邳惲。那廂使用。〔劉文叔云〕且少待。小校喚將傅俊來者。〔卒子云〕理會的。傅俊安在。〔傅俊上云〕英雄敢勇傳天下。立國興邦社稷安。氣吐虹霓興宇宙。赤心忠孝保江山。某姓傅名俊字子衡。頗習武藝。弓馬熟閑。佐於漢主公麾下。

下爲將。今有巨無霸。領兵困了昆陽。主公呼喚。須索走一遭去。可早來到也。小校報復去。道有傅俊來了也。〔卒子云〕理會的。喏。報的主公得知。有傅俊來了也。〔劉文叔云〕道有請。〔卒子云〕理會的。有請。〔做見科〕〔傅俊云〕主公。呼喚傅俊。有何事也。〔劉文叔云〕且少待。小校喚將堅鐔來者。〔卒子云〕理會的。堅鐔安在。〔堅鐔上〕〔云〕臨陣曾經惡戰場。兩軍挑戰敢英昂。旗開取勝敵兵怕。英雄敢戰鐵衣郎。某姓堅名鐔。字子伋。幼而習文。長而演武。學成文武兼濟。佐於漢。主公麾下爲將。今有巨無霸。領兵困了昆陽。主公呼喚。須索走一遭去。可早來到也。小校報復去。道有堅鐔來了也。〔卒子云〕理會的。喏。報的主公得知。有堅鐔來了也。〔劉文叔云〕道有請。〔卒子云〕理會的。有請。〔做見科〕〔堅鐔云〕主公。堅鐔來了也。〔劉文叔云〕且少待。小校門首望者。馬援來時。報復某知道。〔卒子云〕理會的。〔正末扮馬援領卒子上〕〔云〕某姓馬名援。字文淵。乃陝西茂陵人也。因某上陣處。使兩柄鐵飛搥。百步之外。能取上將首級。某佐於主公劉文叔麾下爲將。今有王尋等統領軍馬。困住昆陽。無計可施。某見主公。走一遭去。想高祖創業開基。三載亡秦。五年滅楚。立起錦片江山。非同容易也呵。〔唱〕

〔仙呂點絳脣〕漢祖開基。斬蛇之異。離豐沛。四海皆依。天命歸仁德。

〔混江龍〕削除了羣雄草昧。投至的五年滅楚定邦基。一箇待拔山舉鼎。一箇

用賢宰扶持。則俺那厚德寬仁明聖主。逼綽了暗鳴叱咤項王籍。投至的四海皆寧謐。受了些眠霜臥雪。日炙風吹。〔云〕可早來到也。小校報復去。道有馬援在於門首。

〔卒子云〕理會的。喏。報的主公得知。有馬援來了也。〔劉文叔云〕道有請。〔卒子云〕理會的。有請。〔做見科〕〔正末云〕主公。呼喚馬援。有何將令。〔劉文叔云〕您衆將都來了也。頗奈巨無霸無禮。統四十萬精兵。將俺困在城中。裏無糧草。外無救軍。喚您衆將商議。似此怎生得脫昆陽之難也。

〔正末唱〕

〔油葫蘆〕主公道無義兇頑起戰敵。害民情將天道欺。堪恨那無徒草寇潑奸賊。他則待驅兵領將施狂悖。更那堪斫伐桑棗將天心逆。王巨君滅漢族。巨無霸絕道理。他則待狐朋狗黨爭氣。我道來天命豈差遲。〔鄧禹云〕頗奈王尋無禮。

倚仗巨無霸英雄。統數萬精兵。將俺困在昆陽。裏無糧草。外無救兵。如之奈何也。〔正末唱〕

〔天下樂〕我如今曉夜思量打鳳機。主公你怎也波知尋對壘。俺可也受艱辛。片霎遭困危。龍能穀致雨雲。虎能穀奮爪威。恁時節揩磨的日月輝。〔劉文叔云〕鄧仲華。您衆將怎生定計。出離昆陽之難也。〔鄧禹云〕主公。據子陵師父妙策神機。必解此危也。

〔正末云〕主公。鄧將軍此言是也。〔唱〕

〔那吒令〕若論着鄧仲華機謀見識。若論着嚴子陵擎天妙藝。〔鄧惲云〕若脫離昆陽之難。憑某雄虎之威。不在話下也。〔正末唱〕若論着鄧君章安邦定國。〔劉文叔云〕若取將子陵先生來。方脫昆陽之難。鄧仲華誰敢打出陣去。請嚴子陵先生去。〔鄧惲云〕主公某薦馬武可以打陣。前往富春山。請子陵先生去。〔正末唱〕若說着馬子張。端的是英雄輩。他端的英勇誰及。〔銚期云〕論俺漢將。人人驍勇。箇箇威風。爭無運智之人也。馬子張雄才威武。此一去小心在意。疾去早來也。〔馬武云〕既然主公差馬武。請命嚴子陵去。馬武豈辭勞苦。則今日便索走一遭去也。〔正末唱〕

〔鵲踏枝〕這一場惡相持。不輕微。你則索縱馬橫刀。撞陣衝圍。顯耀出英雄氣勢。看軍前耀武揚威。〔銚期云〕馬子張神威凜凜。狀貌堂堂。坐下馬囊中少有。赤銅刀世上無雙。端的是好英雄也。〔鄧惲云〕想莽賊好生無禮。將漢之宗親陷害。馬子張。你打出陣去。請命子陵。某然後差堅鐔傅俊。迎敵巨無霸。有何難哉。〔劉文叔云〕將軍言者當也。馬子張打陣之時。小心在意者。〔馬武云〕主公放心。憑馬武驍勇。量這巨無霸。到的那裡也。〔正末唱〕

〔寄生草〕見如今王新室。掌着這漢帝基。他須是鼠竊狗盜無知輩。雕心鷹爪無恩義。鷄腸蛇腹爲奸細。但能穀擒拏賊寇靖干戈。那其間太平天子朝元日。

〔劉文叔云〕馬武。小心在意。請子陵先生。早些兒來也。〔馬武云〕主公放心。馬武這一去。必然請將子陵先生來也。〔正末云〕將軍小心在意者。〔唱〕

〔金盞兒〕則要你用心機。莫延遲。惡狠狠吐千丈虹霓氣。則你這刀橫秋水。世無及。馬蕩翻無義子。刀劈了潑奸賊。擒拏了王新室。重立起漢華夷。〔劉文叔云〕馬援你先去。某隨後調遣將士。謹當防禦也。〔正末唱〕

〔尾聲〕今日箇辭了主人公。尋取終焉計。輔佐劉朝社稷。每日家掙劍磨刀立砲石。我則是堅心兒防護着城池。莫猜疑。定亂安危。則願的萬里疆封。洪業襲。有一日妖氛淨洗。太平歡會。那其間慶風雲龍虎宴丹墀。〔下〕〔劉文叔云〕馬武。則今日將着某的書呈。直至富春山。請命子陵先生。走一遭去。〔馬武云〕得令。某不敢久停久住。則今日打出陣去。請命子陵。走一遭去。馬武英雄濟世能。威風膽氣敢相爭。橫刀策馬衝軍陣。直至嚴灘見子陵。〔下〕〔劉文叔云〕馬武去了也。堅鐔傳俊。你二人點就五千人馬。與巨無霸交戰。走一遭去。〔堅鐔云〕得令。俺二人點就五千人馬。與巨無霸交戰。走一遭去。特奉文叔將令差。故將軍校旋安排。全憑英勇施忠義。豈懼賊徒聚獸牌。〔下〕〔傳俊云〕某與巨無霸交戰。走一遭去。奉命親差不自由。今朝一日統戈矛。拏住賊兵親殺壤。恁時方可報冤讐。〔下〕〔劉文叔云〕衆將

去了也。鄧仲華。你且操兵練士。防護城池。衆將跟某看馬武衝陣去來。王莽與兵起戰攻。無徒悻逆逞英雄。一朝剿滅無徒子。恁時平定漢疆封。〔同下〕

第二折

〔巨無霸躍馬兒領卒子上〕〔云〕武藝精通天下知。英雄四海把名馳。全憑膽力施謀略。腹隱兵書敢戰敵。某乃巨無霸是也。統領四十萬大軍。圍了昆陽。我困的他裏無糧草。外無救軍。觀劉文叔一鼓而下。小校來報。不知那幾員漢將出城。與某相持。大小三軍。擺開陣勢。憑着某聚獸牌。量他到的那裡。遠遠的塵土起處。必有漢將來了也。〔堅鐔傳俊躍馬兒領卒子上〕〔堅鐔云〕某乃堅鐔是也。這箇將軍是傳俊。俺統領本部下人馬。放下吊橋出城去。與巨無霸相持。走一遭去。乃堅鐔是也。這箇將軍是傳俊。俺統領本部下人馬。放下吊橋出城去。與巨無霸相持。走一遭去。大小三軍。擺開陣勢者。〔巨無霸云〕來者何人。〔堅鐔云〕某乃堅鐔傳俊是也。你來者何人。〔巨無霸云〕某乃大將巨無霸是也。您及早下馬受降。〔堅鐔云〕這匹夫好無禮也。操鼓來。〔做戰科〕〔巨無霸云〕漢將英雄。不能取勝。我舉出聚獸牌來。擊響此牌。狼蟲虎豹。都來助陣。〔做擊響牌科〕〔狼虎豹衝上科〕〔巨無霸云〕兀的不毒蟲至也。〔堅鐔云〕傳將軍。他陣上毒蟲衝將來了。不中。俺走走。〔同下〕〔巨無霸云〕乘勢不可不追。三軍俺趕將去來。〔同下〕〔嚴子陵領淨道童上〕〔云〕數年隱跡富春山。塵寰名利不相干。明月清風爲伴侶。垂釣獨坐釣魚灘。貧道

姓嚴名光字子陵。幼習先王典教。頗看韜略。遁甲之書。辨風雲能驅神鬼。別氣色判斷輸贏。不求聞達。隱於富春山。釣魚爲生。近因王巨君絕滅漢族。獨霸疆封。有漢主公劉文叔。白水村與兵起義。四方豪傑盡皆歸集。多聞主公寬仁厚德。納士招賢。當有中興之日。貧道靜坐之間。一陣信風至。必有朝使到此也。道童遠遠的望者。若有客至呵。報復我知道。〔道童云〕理會的。〔馬武上〕〔云〕千載風雲千載會。一朝天子一朝臣。某乃馬子張是也。奉主公之命。打出陣來。前至富春山。請嚴子陵師父去。可早來到也。道童報復去。道有漢主公差馬武來見。〔道童云〕理會的。我報知師父去。〔做報科〕〔云〕師父。門首有一箇將軍。是漢主公差來的。他喚做甚麼馬武。來見師父。〔嚴子陵云〕我語未懸口。果然有朝使來請也。道有請。〔道童云〕理會的。有請。〔做見科〕〔馬武云〕師父。某劍甲在身。不能施禮。〔嚴子陵云〕將軍姓甚名誰。因何至此也。〔馬武云〕某姓馬名武。字子張。佐於漢主公劉文叔麾下爲將。俺主公被巨無霸統四十萬大軍。困在昆陽城內。巨無霸他有一面聚獸牌。擊響之時。狼蟲虎豹都來助陣。因此不能取勝。俺主公知師父有神鬼不測之機。安邦交兵之法。請師父下山。救昆陽之難。重興漢室。再立劉朝。衆將昆陽出離難。可憐黎庶受摧殘。重立劉朝安社稷。則願的中興漢室保江山。〔嚴子陵云〕將軍。比及你來時。貧道已知多時也。罷罷罷。既然主公重意相請。道童。好生看守道院。則今日離了富春山。同馬將軍下山救

昆陽走一遭去。狗黨狐朋起大兵。昆陽城下逞英雄。子陵輔佐劉文叔。堅心報國立中興。〔同下〕
〔劉文叔同鄧禹銑期馬武賈復鄧曄堅鐔傳俊臧宮杜茂領卒子上〕〔劉文叔云〕西除東蕩能
征將。軍前陣後鐵衣郎。自從起義興兵後。斬將奪旗立五陽。某乃劉文叔是也。自從差馬武打出
陣去。請師父下山。拜爲軍師。今日陞帳。支撥三軍。調遣衆將。與巨無霸相持廝殺。大小衆將。還少
誰哩。〔卒子云〕少馬援未來哩。〔劉文叔云〕小校。等馬援來時。報復某知道。〔卒子云〕理會的。
〔正末上〕〔云〕某乃馬援是也。今有主公呼喚。須索走一遭去。俺衆將拜嚴子陵爲軍師。量那賊
將到的那裡也。〔唱〕

〔正宮端正好〕擒草寇破奸邪。扶漢室興王道。先請下箇運機籌濟世英豪。則
俺這漢朝將帥施功效。舉意扶廊廟。〔云〕你看這昆陽城外。喊殺連天。幾時寧靜也。〔唱〕

〔滾繡球〕則聽的撲簌簌戰鼓鳴。響瑤瑤鑼又敲。鬧垓垓喊聲齊噪。骨刺刺雜
彩旗搖。煙騰騰殺氣生。冷颼颼黑霧飄。雄赳赳密排着軍校。明晃晃戈戟槍刀。
你看這軍屯鐵桶無閑空。四壁周圍擺列着。不由我心下量度。〔云〕可早來到也。小
校報復去。道有馬援來了也。〔卒子云〕理會的。喏。報的主公得知。有馬援來了也。〔劉文叔云〕道
有請。〔卒子云〕理會的。有請。〔正末見科〕〔云〕主公。馬援來了也。〔劉文叔云〕衆將來全了也。

小校遠遠的望者。若軍師來時。報復某知道。〔卒子云〕理會的。〔嚴子陵上〕〔云〕陰陽造化巧安排。八卦窮通腹有才。一天星斗光輝顯。至今猶照釣魚臺。貧道嚴子陵是也。自來到昆陽。無寸箭之功。拜貧道爲軍師之職。聚集大小衆將。請某陞帳。可早來到也。小校報復去。道有軍師來了也。〔卒子云〕理會的。睹報的主公得知。有軍師來了也。〔劉文叔云〕軍師來了。衆將俺接待去來。〔做見科〕〔劉文叔云〕軍師衆將接待不着。勿令見罪也。〔嚴子陵云〕主公。量貧道有何德能。今拜爲軍師之職。今日陞帳。大小衆將。聽吾將令。主公看貧道支撥衆將。迎敵巨無霸。出離昆陽之難也。〔正末唱〕

〔倚秀才〕我則見擺列下英雄躁暴。安排下能征奮討。到來日臨陣當先施六韜。驅兵將逞英豪。俺將煙塵靖掃。〔嚴子陵云〕馬武傅俊安在。〔馬武云〕師父喚俺二將。那廂使用。〔嚴子陵云〕您二將領一萬人馬。攻取左哨。小心在意者。〔傅俊云〕得令。〔正末唱〕

〔叨叨令〕哎。你箇赤銅刀馬武多英妙。論英雄傅俊能忠孝。一箇箇人強馬壯爲先哨。您端的開疆展土施謀略。齊唱着凱歌回也麼哥。齊唱着凱歌回也麼哥。穩情取鞭敲金鐙昇平調。〔嚴子陵云〕銚期堅鐔安在。〔銚期云〕師父喚俺二將。那廂使用。〔嚴子陵云〕你二將領一萬人馬。攻取右哨。小心在意者。〔堅鐔云〕得令。〔正末唱〕

〔呆骨朵〕則要你按西方白虎臨邊哨。統雄兵虎略龍韜。你今日陣列庚辛。齊排陣角。鈔期他英勇能攻戰。堅鐔也四海知名號。您則是謹依着將令行。俺可便捲浮雲將草寇剿。〔嚴子陵云〕那憚安在。〔那憚云〕師父喚那憚那廂使用。〔嚴子陵云〕你領一萬人馬爲副先鋒。與賊兵相持。用心攻取也。〔那憚云〕得令。〔正末唱〕

〔脫布衫〕到來日行兵處。喊殺聲高。氣昂昂勢接青霄。昏鄧鄧愁雲閉塞。惡狼狠士卒踴躍。

〔小梁州〕肩上斜擔斬將刀。威武耀難學。開旗出馬建功勞。非爲弱。得勝捲旄旄。

〔么篇〕平生志節過山岳。但行兵不懼分毫。你若是臨陣勢居帷幄。怎容的賊兵奸盜。他便插翅怎生逃。〔嚴子陵云〕賈復安在。〔賈復云〕師父喚賈復那廂使用。〔嚴子陵云〕你領一萬人馬爲掠陣使。小心在意者。〔賈復云〕得令。〔正末唱〕

〔伴讀書〕憑智勇施公道。仗猛烈驅軍校。則要你出馬臨敵平殘暴。則你那威風大德蒙宣詔。你若是戎裝結束披金靠。我縱戰馬咆哮。〔嚴子陵云〕馬援安在。〔正末云〕師父呼喚馬援。那廂使用。〔嚴子陵云〕馬援。你領一萬人馬爲前部先鋒。貧道到來日

對陣之時。都在你身上。小心在意。巨無霸若取出聚獸牌來。你用飛搥打碎他聚獸牌。賊兵自然而敗也。〔正末云〕得令。〔唱〕

〔笑歌賞〕我我我作先鋒兩陣交。他他他手裏着圈套。是是是不由我心焦燥。您您您觀相貌。俺俺俺豈就饒。來來來。來來來。我重安了劉宗廟。〔嚴子陵云〕賊宮杜茂安在。〔賊宮云〕師父。喚俺二將。那廂使用。〔嚴子陵云〕您二將爲左右二掖。各領人馬。四壁廂攻。必然破了賊兵。則要您小心在意者。〔賊宮云〕得令。〔正末云〕某到來日。與賊兵交戰。走一遭去。〔唱〕

〔啄木兒煞〕仗英雄統士卒。鐵飛搥膽氣驍。剿除了賊寇歸王道。你看我施呈勇躍。我則待穩拍拍忠義立劉朝。〔下〕〔馬武云〕傅俊將軍。俺二人統一萬精兵。攻取左哨。走一遭去。虎略龍韜武藝強。威風赳赳姓名香。臨敵勇戰無徒子。認的南陽馬子張。〔下〕〔傅俊云〕某同馬武。攻取左哨。走一遭去。仗英才威風顯耀。習學成六韜三略。統精兵大戰昆陽。怎出這英雄左哨。〔下〕〔姚期云〕某同堅鐔。領一萬人馬。攻取右哨。走一遭去。統雄兵耀武揚威。扶帝業穩若磐石。總然你人強馬壯。怎出這大將姚期。〔下〕〔堅鐔云〕某同姚期。攻取右哨。走一遭去。列雄兵飾鑼擗鼓。顯威風輪槍動斧。到來日戰取昆陽。試看這堅鐔英武。〔下〕〔邦彥云〕某到

來日。統一萬精兵爲副先鋒。走一遭去。武將英雄膽氣剛。那憚今日顯高強。扶劉立漢擒賊子。捨死忘生戰一場。〔下〕〔賈復云〕某到來日。統一萬精兵。與衆將掠陣。走一遭去。賈復英雄秉性直。平生忠孝敢施威。生擒草寇安邦國。留取清名萬古知。〔下〕〔臧宮云〕某奉軍師將令。左掖行兵。征伐巨無霸。走一遭去。到來日戰鼓鼙鼙。擒賊將顯耀英雄。兩陣上揚威耀武。試看某先獻頭功。〔下〕〔杜茂云〕某收拾軍裝。到來日右掖行兵。走一遭去。右掖排兵顯智謀。英雄趕趕列軍卒。拏住賊兵親殺壞。方顯男兒大丈夫。〔下〕〔劉文叔云〕軍師衆將此一去。必然成功也。〔嚴子陵云〕主公不須憂慮。貧道支撥衆將已定。到來日必建大功也。貧道且回帳中去也。貧道脩行扮道人。今朝不忍害蒼生。安邦定國興功業。誰識灘頭嚴子陵。〔下〕〔劉文叔云〕子陵先生去了也。到來日。俺衆將必解昆陽之危也。漢業重興憑文武。開疆展土立功勳。除奸斬佞安天下。全在興邦社稷臣。〔下〕〔鄧禹云〕主公去了也。到來日。憑衆將威武。俺保着主公。出離昆陽之難。有何難哉。領將驅兵濟世功。今朝鄧禹保疆封。擒拿草寇扶王業。永保劉朝萬古隆。〔下〕

第三折

〔巨無霸領淨蘇虎劉希古驢馬兒領卒子上〕〔巨無霸云〕某乃巨無霸是也。自從殺敗堅鐔傅俊。漢將閉門不出。今日漢家衆將。領兵出城。與某相持。憑着某聚獸牌。量他何足道哉。大小三軍。

擺開陣勢。兀的不是漢將來了也。〔正末同嚴子陵〕鄧惲杜茂。威宮驪馬兒領卒子上。〔嚴子陵云〕貧道嚴子陵是也。馬援鄧惲。您衆將用心攻取。拒敵賊兵也。〔正末云〕軍師放心也。〔唱〕

〔越調關鵲〕俺這裡將勇兵強。揚威耀武。師父這妙算神機。陰陽禍福。握霧擎雲。呼風喚雨。賊寇平。漢室扶。定亂安危。開疆展土。

〔紫花兒序〕明晃晃金戈鐵甲。密匝匝弓弩挨排。齊臻臻英勇軍卒。你看這弓彎秋月。箭插飛魚。豪氣冲虛。試看這威勇昆陽惡戰圖。觀賊兵有如無物。恰便似風捲殘雲。削葦芟蒲。〔云〕三軍擺開陣勢。來者何人。〔巨無霸云〕某乃大將巨無霸是也。你來者何人。〔正末云〕某乃漢將馬援是也。〔蘇虎云〕兀那漢將。你看俺這將軍。身凜凜。貌堂堂。你怎生贏的俺那。〔正末云〕這厮好無禮也。〔唱〕

〔小桃紅〕我見他開旗臨陣顯剛謀。一剗的胡爲做。〔巨無霸云〕兀那漢將。你見我這聚獸牌麼。量你到的那裡。〔正末唱〕你將那聚獸鐵牌逞奸妬。看他似護身符。則我這鐵飛搥。敢和你無情恕。非是咱謬語。死無那葬身之處。我看他一命在須臾。〔劉希古云〕漢家衆將。那箇矮小的是誰。〔鄧惲云〕某乃鄧君章是也。〔劉希古云〕你這等一箇人。怎生近的俺巨無霸。〔正末云〕三軍操鼓來。〔做戰科〕〔正末唱〕

〔鬼三台〕你那裡揚名目。你共俺相敵拒。聲傳萬古。俺這裡雜綵繡旗舒。更篩
羅播鼓。狼牙棒望着脊背上舉。鐵飛擲左右腦蓋上舞。我着你片甲難存。恰便
似羊逢餓虎。〔杜茂云〕三軍休走了巨無霸也。〔巨無霸云〕量你漢將。有何懼哉。〔正末唱〕

〔調笑令〕我這裡用武逞彪軀。則看他舞劍輪槍并弄斧。殺的他心慌意悚無
歸路。看今番東蕩西除。則看那愁雲黯黯遮太虛。嗔忿忿冒捲江湖。〔邦憚云〕兀
那巨無霸。你見某這狼牙棒。我着你死無葬身之地。〔巨無霸云〕漢將好生英勇。某獨力難架。我

與你擊響聚獸牌者。〔做擊牌科〕〔正末云〕他擊聚獸牌。某着他喫吾一擲。〔做打牌科〕〔唱〕

〔禿厮兒〕擲起處飛身力促。聚獸牌粉碎無餘。我見他忘魂喪魄無是處。待逃
生怎支吾。發付身軀。〔巨無霸云〕被漢將一擲。打碎聚獸牌。可怎了也。〔劉文叔同鄧禹馬武銑
期賈復堅鐔傅俊躍馬兒領卒子冲上〕〔劉文叔云〕衆將休走了巨無霸。三軍圍住者。〔蘇虎
云〕老子也。怎麼又走將偌多人來了。〔劉希古云〕罷了。滾湯潑老鼠。啗一窩兒死去。〔巨無霸
云〕我近不的他。我往那裡逃生的。〔正末唱〕

〔聖藥王〕殺的他軍又無。將又疎。倒戈卸甲去無途。他那裡高叫苦。身無主。他
撥回戰馬電光速。全不見八面虎狼軀。〔劉希古云〕老子也。殺的我無處趨避。我逃命走

了罷。〔下〕〔蘇虎云〕你走了。我也走了罷。〔下〕〔巨無霸云〕漢將英勇。某敵不住他。逃命走走走。〔下〕〔劉文叔云〕賊將都敗了也。托賴軍師神機妙策。今日得脫昆陽之難也。〔嚴子陵云〕非貧道之能。皆衆將之勇力也。小校鳴金。〔正末云〕托主公洪福。俺衆將一戰成功也。〔唱〕

〔尾聲〕殺的他敗殘兵將無歸路。今日箇平定了邊疆靜土。剿除了潑無徒。扶持着聖明主。〔同下〕

第四折

〔劉文叔領卒子上〕〔云〕文武賢良掌大權。剿除羣盜定中原。全施大德行仁政。復立劉朝萬萬年。某乃劉文叔是也。自從蘇獻令巨無霸等統領大兵。將俺困在昆陽。不能得脫。某差馬武直至富春山。請下子陵師父來。鋪謀定計。支撥衆將。於昆陽大戰。馬援搗打了聚獸牌。殺賊兵大敗虧輸。今日在帥府中加官賜賞。小校門首覷者。若衆將來時。報復某知道。〔卒子云〕理會的。〔嚴子陵上〕〔云〕四海紛紛起戰爭。圖王霸業顯奇能。中興漢室安天下。保助劉朝享太平。貧道嚴子陵是也。多虧衆將衝鋒破敵。殺敗賊兵。方能得脫昆陽之難。今有主公在於帥府中。加官賜賞。貧道見主公去。可早來到也。小校報復去。道有貧道來了也。〔卒子云〕理會的。喏。報的主公得知。有軍師來了也。〔劉文叔云〕道有請。〔卒子云〕理會的。有請。〔做見科〕〔嚴子陵云〕主公。貧道來

了也。〔劉文叔云〕軍師且少待。衆將敢待來也。〔鄧禹同傅俊鄧惲上〕〔鄧禹云〕忘生敢戰大將軍相持。厮殺立功勳。赤心報國開疆土。永保乾坤萬萬春。某乃鄧禹是也。這位將軍是傅俊。這位將軍是鄧惲。俺戰退了巨無霸。今有主公。在於帥府中。加官賜賞。某見主公去。可早來到也。小校報復去。道有俺三將來了也。〔卒子云〕理會的。喏。報的主公得知。有鄧禹等三將來了也。〔劉文叔云〕道有請。〔卒子云〕理會的。有請。〔做見科〕〔鄧禹云〕主公。俺三將來了也。〔劉文叔云〕且少待。衆將敢待來也。〔鄧禹云〕一桿銅刀實難敵。威風赳赳慣相持。馬歸到處賊兵懼。猛烈英名天下知。某乃馬武是也。這位將軍是堅鐔。這位將軍是杜茂。俺戰退了巨無霸。今有主公。在於帥府中。加官賜賞。某見主公去。可早來到也。小校報復去。道有俺三將來了也。〔卒子云〕理會的。喏。報的主公得知。有馬武等三將來了也。〔劉文叔云〕道有請。〔卒子云〕理會的。有請。〔做見科〕〔馬武云〕主公。俺三將來了也。〔劉文叔云〕且少待。衆將敢待來也。〔鮑期同賈復臧宮上〕〔鮑期云〕殺氣騰騰兵刃響。征雲冉冉馬蹄鳴。三軍奮勇敵賊將。戰敗王尋天下寧。某乃鮑期是也。這位將軍是賈復。這位將軍是臧宮。俺戰退了巨無霸。今有主公。在帥府中。加官賜賞。某見主公去。可早來到也。小校報復去。道俺三將來了也。〔卒子云〕理會的。喏。報的主公得知。有鮑期等來了也。〔劉文叔云〕道有請。〔卒子云〕理會的。有請。〔做見科〕〔鮑期云〕主

公俺三將來了也。〔劉文叔云〕且少待。小校。若馬援來時。報復我知道。〔卒子云〕理會的。〔正末上〕〔云〕某乃馬援是也。在昆陽與巨無霸交戰。被某搥打了聚獸牌。殺退了賊兵。某見主公去一場好大戰也呵。〔唱〕

〔雙調新水令〕今日箇統雄兵。驍勇戰昆陽。多虧俺運神機。子陵才量。俺這裡官軍如烈虎。殺的他敗將似羣羊。都是些狗盜豺狼。托賴着吾皇聖。萬民望。〔云〕可早來到也。小校報復去。道有馬援來了也。〔卒子云〕理會的。喏。報的主公得知。有馬援來了也。〔劉文叔云〕道有請。〔卒子云〕理會的。有請。〔做見科〕〔嚴子陵云〕主公索是驚恐也。〔劉文叔云〕這一場多虧軍師用計。得脫昆陽之難也。〔正末唱〕

〔駐馬聽〕師父你道法高强。氣色風雲萬里翔。能觀天象。坐中籌策。理陰陽。靈著一論定興亡。嚴灘不肯爭名望。回故鄉。銀蟾常照魚磯上。〔劉文叔云〕此一場多虧您衆將竭力盡忠。赤心報國。多有功效也。〔正末云〕主公爲臣者當効忠貞之力也。〔唱〕

〔甜水令〕爲臣要報國存忠。堅心肱股。施呈勇壯。竭力保家邦。俺端的不懼顛危。遇水疊橋。衝風破浪。怕甚麼頃刻災殃。〔劉文叔云〕則因王莽無禮。將俺漢家宗枝殺絕。今日托子陵軍師妙策神機。再整漢邦。復立劉朝也。〔嚴子陵云〕托主公洪福。量嚴光有何德。

能也。〔正末唱〕

〔折桂令〕今日箇順天心道德榮昌。俺端的定亂安危。展土開疆。則爲那無義奸賊。侵奪漢室。損壞農桑。〔鄧禹云〕新室無仁。倚仗他兵有百萬。將有千員。欺凌漢家宗枝也。〔正末唱〕他則是倚仗着兵多將廣。施呈些馬壯人強。俺憑着聖主恩光。洪福難量。旗開時遁跡潛形。馬到處拱手服降。〔劉文叔云〕馬援將軍。你使鐵飛搥。怎生擊碎聚獸牌。你慢慢的說一遍者。〔正末唱〕

〔鴈兒落〕俺這裡將軍顯紀綱。威武多雄壯。飛搥手內輪。能舉狼牙棒。
〔得勝令〕呀。聚獸牌遇擊不爲強。鐵飛搥舉動最難當。粉碎了聚獸牌一面。再不見狼蟲虎豹傷。狼牙棒輕蕩。但抹着皆身喪。飛搥起難量。可又早登時一命亡。〔劉文叔云〕因爲昆陽。多虧您衆將英勇。脫離此難。今日與您賜賞封官也。〔正末云〕量馬援等有何能哉也。〔唱〕

〔沽美酒〕怎消的喜孜孜蒙重賞。笑吟吟飲瓊漿。托賴着大德寬仁民樂康。托當今聖皇。過虞舜。勝堯唐。

〔太平令〕普四海民情歡暢。遍乾坤禾稼豐穰。扶漢室重興開剏。立劉朝軍民

仰望我這裡跪向御傍。讚揚萬萬載乾坤興旺。（劉文叔云）您衆將跪者。聽聖人的命。則爲這王新室奸佞兒曹。損忠良漢國臣僚。在昆陽君臣受困。待求生無路奔逃。請子陵下山設計。運籌策選用英豪。巨無霸施呈英勇。聚獸牌擊響音高。鐵飛搥輕輪粉碎。激賊徒魄散魂消。狼牙棒寰中無對。成就了蓋世功勞。衆將每官封極品。都着您束帶於朝。今日箇加官賜賞。一齊的拜謝皇朝。

題目

嚴光智取昆陽城

正名

馬援搗打聚獸牌

聚獸牌穿關

頭折

蘇獻

鳳翅盔

蟒衣曳撒

袍

項帕

三髯髻

卒子

紅碗子盔

青布釘

蘇虎

皮盔

膝襠曳撒

掩心甲

項帕

直纏

王尋

多簷帽

蟒衣曳撒

袍

項帕

三髯髻

卒子

蘇獻

蘇虎

又上

同王邑

蘇獻

同前

劉希古

同前

巨無霸

簪纓披肩

抹額

抹額

錦襖

袍

項帕

如意裙

直纏

聚獸牌

劉文

劉文

叔王尋

卒子

同前

鄧禹

撒髮盔抹額

蟒衣曳撒

袍

三髯髻

雙鴈翎刀

馬武

獅鬚腦盔

撒髮

袍

項帕

直纏

鎧

鈞期

鐵幘頭

蟒衣曳撒

皂袍

項帕

竹節鞭

鄧惲

四縫笠子盔

錦襖

皂

直

直

猛髯

火葫蘆

雙狼牙棒

八答鞋

傅俊

堅鐔

同前

王邑

正末

馬援

鳳翅盔

蟒衣曳撒

項帕

直纏

三髯髻

飛撻

卒子

同前

第二折

巨無霸

卒子

堅鐔

傅俊

卒子

同前

躍馬兒

狼

衣

虎

衣

豹

嚴子陵

散巾

邊欄道袍

扇道童

雙髻鬚髮陀頭
邊欄道袍 雜兒

馬武劉文叔鄧禹銚期馬武鄧惲堅鐔傅俊卒子同前

賈復

鳳翅盔 玉色膝襦曳撒 玉色袍 項

臧宮

同前

杜茂

虎磕腦盔 膝襦曳撒 虎皮袍 項帕 直裰 搭膊

帶 鎗虎口

正末馬援嚴子陵又上同前

第三折

巨無霸蘇虎劉希古卒子

同前 驪馬兒

正末馬援嚴子陵鄧惲杜茂臧宮卒子同前

驪馬兒劉文叔鄧禹馬武銚期賈復堅鐔傅俊卒子同前

第四折

劉文叔卒子嚴子陵鄧禹傅俊鄧惲同前馬武堅鐔杜茂銚期賈復臧宮同前正

末馬援同前

萬曆四十三年五月初六日校內本清常道人記

漢銚期大戰邳彤

關名

頭折

〔冲末扮劉林領卒子上〕〔云〕新室興兵起四方。紛紛離亂各分張。數年征戰干戈定。河北稱尊號趙王。某乃趙王劉林是也。方今大漢天下。劉更始即位。自從平定王莽之後。封某爲趙王。封劉文叔爲蕭王。某手下有雄兵百萬。猛將千員。霸住河北之地。尊王郎子爲主。今有蕭王劉秀。奉更始之命。來按巡河北。某統兵百萬。戰將千員。河北累路追趕蕭王去。若有違令者。必無輕恕。憑着某手下人人英勇。箇箇威風。必然擒拏了劉秀也。戰馬彎彎將又強。英雄猛烈顯忠良。按巡河北驅軍校。擒拏劉秀漢蕭王。〔下〕〔外扮邳彤領卒子上〕〔云〕統領雄師勝虎狼。文雄武勇氣昂昂。鐵甲軍兵如猛獸。刀槍鋒利賽秋霜。某乃大將邳彤是也。本貫河北鉅鹿人氏。十八般武藝。無有不拈。無有不合。今佐於王郎子手下爲將。使一枝方天畫桿戟。有萬夫不當之勇。今有蕭王劉秀。按巡河北來。某奉趙王劉林將令。統兵攔住去路。聞知蕭王手下數員名將。內有一人。乃是銚期。說此人十分英勇。量他何足道哉。某攔起三面旗。一面旗寫着道。河北大將邳彤。一面旗寫着道。河南大將邳彤。中間裏一面旗寫着道。河南河北大帥邳彤。下將戰書去。單搦銚期出馬。命某兄

弟邳岩爲前部先鋒。先與銚期交戰去。小校喚將邳岩來者。〔卒子云〕理會的。邳岩將軍安在。〔淨邳岩上〕〔云〕我做將軍有大才。下寨安營不會排。高頭大馬驅不上。硬弩雕弓拽不開。某乃大將邳岩是也。我哥哥是邳彤。如今要與蕭王劉秀相持廝殺。使小校來請我商量。須索走一遭去。可早來到也。小校報復去。道有邳岩來了也。〔卒子云〕理會的。喏。報的將軍得知。有邳岩來了也。〔邳彤云〕着他過來。〔卒子云〕理會的。過去。〔做見科〕〔邳岩云〕哥喚您兄弟。有何將令。〔邳彤云〕邳岩。撥與你三萬人馬。你爲前部先鋒。單搦銚期交戰。則要你小心在意。得勝而回者。〔邳岩云〕得令。統領三萬人馬。與銚期相持廝殺。走一遭去。到來日人鞍雕鞍馬掛袍。兵書戰策不曾學。若是銚期來追趕。丟了槍刀準備逃。〔下〕〔邳彤云〕小校便下將戰書去。單搦銚期出馬。某隨後親率三軍。擒拿此人。走一遭去。戰書疾去搦銚期。施展邳彤八面威。抖擻精神齊奮勇。準備鞭敲得勝回。〔下〕〔蕭王同馮異王霸領卒子上〕〔蕭王云〕積祖咸陽是故鄉。只因王莽起刀槍。時來重把中興立。剿滅奸邪輔漢邦。某姓劉名秀字文叔。乃南頓丘泗水大王劉欽之子。自從王莽興兵。誅滅漢家宗親。某七歲劍指倒頓丘城。逃命得脫。感的烏鴉引路。跨虎登山。後來白水村興兵起義。四方豪傑並至。某拜嚴子陵爲軍師。鄧禹爲元帥。平定奸邪。漸臺上誅了王莽。立起劉更始爲君。封某爲蕭王之職。命某按巡河北。頗奈趙王劉林無禮。他不遵王命。立王郎子爲主。聽

知的此人遣將統兵。在後面追趕。某與衆將安營下寨。前面有鉅鹿。邳彤攔路。可請鄧仲華來商議。小校請將鄧仲華來者。(卒子云)理會的。鄧仲華安在。(鄧禹上)(云)習演黃公三略法。深通呂望六韜書。善曉風雲觀氣色。立漢與劉大丈夫。某姓鄧名禹字仲華。南陽人也。自幼頗習兵甲之書。曾拜嚴子陵爲師。今佐於蕭王。自滅王莽之後。方今劉更始卽位。命俺主公按巡河北。頗奈趙王劉林無禮。他背了劉更始。扶立王郎子。領兵襲其後。前面遣邳彤攔路。俺扎下大營。主公呼喚。須索走一遭去。可早來到也。小校報復去。道有鄧禹來了也。(卒子云)理會的。喏。報的主公得知。有鄧元帥來了也。(蕭王云)道有請。(卒子云)理會的。有請。(做見科)(鄧禹云)主公。呼喚鄧禹。有何事商議。(蕭王云)鄧仲華。見今趙王劉林。領兵襲其後。前面又有邳彤攔路。似此怎生行兵也。(鄧禹云)主公。便好道兵來將敵。水來土堰。憑着俺衆將英雄。量邳彤有何難哉。(蕭王云)將軍言者當也。小校轅門首覷者。若有軍情事。報某知道。(卒子云)理會的。(卒子作急報科)(云)可不早說。喏。報的主公得知。今有邳彤。下將戰書來。單搦銚期出馬。(蕭王云)鄧仲華。邳彤果然下將戰書來也。你有何妙計。(鄧禹云)主公。可着銚期爲先鋒。着張亮爲副先鋒。各自領兵拒敵。(蕭王云)既然如此。小校喚將張亮來者。(卒子云)理會的。張亮安在。(淨張亮上)(云)某乃將軍張亮。能舞槍刀棍棒。則爲性子剛強。都喚我做甜醬。某乃蕭王手下名將張亮是也。小軍

來報。主公呼喚。須索走一遭去。可早來到也。小校報復去。道有張亮來了也。〔卒子云〕理會的。喏。報的主公得知。有張亮來了也。〔蕭王云〕着他過來。〔卒子云〕理會的。過去。〔做見科〕〔張亮云〕主公呼喚張亮。那廂使用。〔蕭王云〕且一壁有者。小校喚將銚期將軍來者。〔卒子云〕理會的。銚期安在。〔正末扮銚期上〕〔云〕某姓銚名期。字次況。乃潁川潁縣人也。今有主公按巡河北。在此安營下寨。正在帳下。主公呼喚。須索走一遭去也。〔唱〕

〔仙呂點絳脣〕我如今立國安寧。勦除奸佞。行中正。領將驅兵。穩情取四海干戈定。

〔混江龍〕托賴着主公仁聖。我若是但開旗出馬。建功能。端的是平除奸黨。勦滅羣雄。投至的草芥驅除。寧宇宙。輔佐着吾皇垂統。定神京。我直着保萬里煙塵淨。則爲我忠心輔佐。孝義虔誠。〔云〕可早來到轅門首也。小校報復去。道有銚期來了也。〔卒子云〕理會的。喏。報的主公得知。有銚期來了也。〔蕭王云〕着他過來。〔卒子云〕理會的。過去。〔正末見科〕〔云〕主公呼喚銚期。那廂使用。〔蕭王云〕銚期。喚你來不爲別。某今在此安營下寨。聽知的鉅鹿邳彤攔路。某今欲要興兵。不期此人下將戰書來。單搦你相持廝殺。你可是敢去麼。〔正末云〕主公。這邳彤好是無禮。主公但放心。量那賊寇。到的那裡也。

〔唱〕

〔油葫蘆〕憑着我拽象拖犀膽氣雄。更那堪武藝精。怕甚麼奸賊鉅鹿狠。邳彤不爭他。螳螂剔蝎尋爭競。惱犯這熊心豹膽狼情性。〔蕭王云〕將軍說邳彤好生英勇難敵也。〔正末唱〕聽說罷膽氣剛。不由我忿怒生。憑着這黑纓槍。我手裏難逃命。我直着目下見分明。〔張亮云〕主公元帥在此。憑着張亮英勇。量那邳彤。到的那裡。小孩兒弄螞蚱。我直着扯下他那大腿來。〔正末唱〕

〔天下樂〕托賴着聖德威權主將能。怕甚麼交兵兩戰爭。我觀那潑無徒。有如風內燈。我從來世不輪。端的也則慣贏。我將這虎狼威重再整。〔王霸云〕主公既然邳彤下將戰書來。必索與他交鋒。〔蕭王云〕可着誰人爲先鋒。〔鄧禹云〕邳彤單搦銚期出馬。可着銚期做先鋒。與他迎敵去。〔張亮云〕鄧元帥說話。不如放屁。張亮不如銚期那些兒。怎麼着他做先鋒。〔蕭王云〕張亮且靠後。〔正末云〕張亮。你怎生做的先鋒。〔張亮云〕怎麼我做不的。〔正末唱〕

〔那吒令〕若論着智勇呵。任登山驀嶺。若論着戰敵呵。安邊也那定境。若論着取勝呵。便尋蹤覓影。〔張亮云〕這先鋒合當我做。你怎麼來攪行奪市的。〔正末唱〕憑着我

武藝高能全勝。不由我怒發雷霆。〔張亮云〕你惱怎麼。有理不在高聲。你自家付量。你怎麼

近的那邪形。一了說的險道人賣豆腐。人硬貨不硬。你怎麼去的。〔正末云〕噤聲。〔唱〕

〔鵲踏枝〕他那裡要相爭做先鋒。你可休棄了頭盔敗了逃生。〔張亮云〕不長進。敗走逃生。我不要做人。我寧可暗暗的跪着他。不肯逃命走了。〔正末唱〕任從你踢天弄井。敢

教你片時間魄散魂驚。〔蕭王云〕鄧仲華。今與邪形交戰。可着誰做先鋒。〔鄧禹云〕主公。可着

銚期爲正先鋒。張亮爲副先鋒。統兵十萬。與邪形交戰去。〔張亮云〕元帥。我爲正先鋒纔好。論銚期不濟事。他去不的。〔正末唱〕

〔寄生草〕你那裡誇強會。賣弄你武藝能。你則會耕田鋤地村情性。更那堪扶犁拽耙喬身分。那裡會相持戰討施軍令。你則好拋戈卸甲走如飛。那裡也軍前得勝敲金鐙。〔蕭王云〕依着鄧仲華。銚期。你爲正先鋒。張亮。你爲副先鋒。統十萬精兵。與邪形交戰。走一遭去。則要你小心在意者。〔正末云〕主公軍師放心也。〔唱〕

〔尾聲〕打磨的戰鎧燦新明。更和這槍利光輝映。我將那鉅鹿野翻爲做土平。你看這惡霧征塵殺氣滾。罩長空霧慘雲騰。〔馮異云〕姚次況。說邪形好生英雄。則要你小心在意者。〔正末唱〕則今日領雄兵。我直着千戰千贏。我若是決戰方知膽氣生。

〔張亮云〕既然與邳彤廝殺。那裡在於先鋒合後。看本事還錢。〔正末唱〕則要你逢敵戰勇。不要你慢軍違令。〔云〕憑銚期之勇。若遇着邳彤呵。〔唱〕穩情取笑吟吟齊唱凱歌聲。〔下〕

〔張亮云〕主公。你但放心。看某統領人馬。與邳彤交戰。走一遭去。憑着我會武能文。臨去也說的分明。兩陣上若有些好歹。不來家準備招魂。〔下〕

〔蕭王云〕鄧仲華。這兩員將軍。此一去必然得勝成功也。〔鄧禹云〕主公。銚期是一員名將。若見了邳彤。必然得勝成功也。〔蕭王云〕軍師說的是。且回後帳中飲酒去來。兩員虎將去如風。揚威耀武逞英雄。合是邳彤逢對手。試看相持第一功。〔同下〕

第二折

〔淨邳岩驢馬兒領卒子上〕〔云〕我做將軍武藝強。幾番廝殺把名揚。輪的刀來使的斧。拽的硬弓舞的槍。長與漢家多征戰。遇着名將手慌張。前者陣上中了八十箭。至今還有一身瘡。某乃邳岩是也。統領本部下人馬。與大漢相持廝殺。大小三軍。與我擺開陣勢。看有甚麼人來。〔淨張亮驢馬兒領喬卒子上〕〔云〕我做元帥武藝高。六韜三略也曾學。做的院本調的鬼。打的筋陡驢的橈。某乃漢蕭王手下大將張亮是也。奉俺主公之命。統領本部人馬。與邳彤交戰。走一遭去。大小三軍。擺開陣勢者。〔邳岩云〕來者何人。〔張亮云〕某乃蕭王手下大將張亮是也。你來者何人。

〔邳岩云〕某行不更名。坐不改姓。大將邳岩是也。〔張亮云〕量你無名之將。到的那裡。操鼓來。
〔做戰科〕〔張亮云〕敵你不過。走走走。〔下〕〔邳岩云〕你走了也。我不問那裡。趕將去。〔下〕〔正
末〕馬兒領卒子上。〔云〕某乃銚期是也。奉主公的命。同張亮領十萬雄兵。與邳岩交戰。走一
遭去。憑着某坐下馬。手中槍。量那邳岩。到的那裡也呵。〔唱〕

〔越調鬪鶴鶉〕我則見戰馬縱橫。兵戈急攘。慘霧朦朧。愁雲蕩漾。你看這劍戟
光輝。槍橫巨蟒。不由我豪氣生。膽略強。我觀那鉅鹿邳岩。不由我威風氣長。

〔紫花兒序〕光燦燦征袍烈火。齊臻臻兵砌魚鱗。明晃晃闊劍長槍。你看我威
風赳赳。狀貌堂堂。志氣昂昂。更和這戰馬鑾鈴不住響。我則見塵蒙了九天星
象。則我這馬勝如彪。怎容的荊棘豺狼。〔云〕三軍擺開陣勢。邳岩這早晚敢待來也。〔邳

岩上〕〔云〕某乃邳岩是也。將漢將張亮。無三合無兩合。則一合殺的他大敗虧輸。逃命走了。兀
的前頭又是漢兵來也。你也聞我這箇名兒。來者何人。〔正末云〕某乃漢將銚期是也。〔邳岩云〕
且住。我那裡聽的說這箇人來。是箇英雄好漢子。我這一會兒。心裏有些怕起來了。〔正末云〕兀
那厮。你敢是邳岩麼。〔邳岩云〕我不是邳岩。我是邳岩。你敢與我廝殺幾合麼。〔正末云〕這匹夫
好生無禮也。〔唱〕

〔金蕉葉〕我見他惡眼眼粧模做樣。雄赳赳軍排鴈行。〔邵岩云〕憑着我手下將士極多。量你到的那裡也。〔正末唱〕者莫你鬧垓垓兵多將廣。你聽這齊臻臻連天砲響。

〔邵岩云〕量你到的那裡。我和你略關幾合。〔正末云〕這厮好無禮也。三軍操鼓來。〔做戰科〕唱。〔調笑令〕我向這戰場敢爭強。你須知好鬪偏爭銚次況。則我這槍尖不離了他前心上。逼的他戰篤速手脚兒張狂。諕的他魂飛魄散無主張。我着他片時間一命身亡。〔邵岩云〕這銚期好生英雄。殺的我魂不在身上。無處逃命。怎了也。〔正末唱〕

〔禿厮兒〕中興將威風勢廣。施仁政寬厚蕭王。量你這無徒草寇難抵當。我這裡逞軒昂。他那裡着忙。〔邵岩云〕也是我這命不做主。肯分的撞着他。眼見的敵不的他。我死也往那裡跑了罷。〔正末唱〕

〔聖藥王〕殺的他心意慌。手脚忙。東奔西走怎潛藏。不甫能架住刀。可又早正中槍。我與你生擒活挾過戰鞍傍。〔做擊住邵岩科〕〔邵岩云〕我死也。〔正末云〕小校接了者。〔卒子云〕得令。〔正末唱〕將這厮執縛定赴雲陽。〔云〕小校擲了這厮。見軍師獻功。走一遭去。〔卒子云〕得令。〔邵岩云〕好老子。擊的我那裡去。饒我這一遭兒。我再也不敢惹老叔了。〔正末云〕這匹夫好生無禮也。〔唱〕

〔尾聲〕恨這厮不尊天命寧謙讓。將這箇不義賊繩纏背拂。今日箇成功効戰。邳岩你看我親見軍師受封賞。〔同下〕

第三折

〔蕭王同鄧禹領卒子上〕〔蕭王云〕掃除奸黨安社稷。一心扶立漢家邦。某乃漢蕭王是也。因爲邳彤攔路。下將戰書來。單搦銑期出馬。鄧仲華。銑期與張亮領兵與邳彤相持去了。未知輸贏勝敗也。〔鄧禹云〕主公。邳彤是一員大將。實難迎敵。看了銑期槍馬武藝。也不在邳彤之下。此人正是對手也。〔蕭王云〕鄧仲華。你言者當也。小校轅門首觀者。等二將來時。報復我知道。〔卒子云〕理會的。〔張亮上〕〔云〕不想撞見壯王兒。趕的學生走似飛。某乃張亮是也。罷了。好將軍。好將軍。不知那邳彤的武藝如何。被他兄弟邳岩殺的我摸門戶不着。早是我走的快。爭些兒死在他手裏。我如今見蕭王去。則說我殺敗了邳岩。那裡查帳去。可早來到也。小校報復去。道有先鋒張亮得勝回營也。〔卒子云〕理會的。喏。報的主公得知。有張亮來了也。〔蕭王云〕着他過來。〔卒子云〕理會的。過去。〔做見科〕〔張亮云〕主公。某劍甲在身。不能施禮也。〔蕭王云〕張亮。你與邳彤交戰如何。〔張亮云〕主公。那邳彤聽的我來了。知他趨在那裡。有他兄弟邳岩。着我殺的片甲不歸。〔蕭王云〕銑期安在。〔張亮云〕那銑期誰曾見他影兒來。知他趨的那裡去了。〔蕭王云〕你且一

壁有者。小校轅門首觀者。等銚期來時。報復我知道。〔卒子云〕理會的。〔正末扮銚期領卒子擊邳岩上〕〔云〕某銚期是也。統兵與邳岩交戰。兩陣之間。被某擒住。見主公走一遭去也。〔唱〕
〔正宮端正好〕統雄兵破無徒。憑英勇除奸盜。仗旌旗黃鉞白旄。我則見英雄虎士相圍遶。則聽的畫鼓連天操。

〔滾繡毬〕你看這骨刺刺雜彩飄。響璫璫金鼓敲。韻悠悠角聲頻老龍悲叫。更和這明晃晃劍戟槍刀。憑着我武藝高。我和他兩陣交。無片時將他來生擒活捉。我可也爲頭兒建立功勞。我觀那王郎賊子湫洼淺。則俺這聖德蕭王恰便似秦華高。不由我心下量度。〔云〕可早來到營門首也。小校報復去。道有銚期得勝還營也。
〔卒子云〕理會的。喏。報的主公得知。有銚期得勝還營也。〔蕭王云〕着他過來。〔卒子云〕理會的。
過去。〔正末云〕小校將這厮綁縛定。休教走了也。〔卒子云〕理會的。〔正末見科〕〔云〕主公。銚期得勝還營。活拏將邳岩來了也。〔蕭王云〕好將軍。可也不枉了也。〔鄧禹云〕銚期。你怎生與邳岩交戰。你說一遍者。〔張亮云〕軍師。你怎生聽他。那邳岩喫我殺的走了。銚期趕乏兔兒。拏將來獻功。〔正末云〕主公。量他到的那裡也。〔唱〕

〔倘秀才〕我和他兩下裡齊排陣角。三通鼓相持戰討。那裡有一二十合魂魄。

消。〔蕭王云〕兩陣之間。你怎生擒拏住他來。〔正末唱〕我將他生擒住命難逃。看成做芥草。

〔蕭王云〕那邳岩在那裡。〔正末云〕在於營門首哩。〔蕭王云〕喚他過來。〔正末云〕理會的小校將那賊寇邳岩。拏將過來。〔卒子云〕理會的。〔做拏邳岩見科〕〔邳岩云〕拏過我去。敢不好麼。〔蕭王云〕兀那邳岩。某乃是漢家枝葉劉文叔是也。邳彤因何不順某。〔邳岩云〕大王可憐見。我也曾勸俺哥哥邳彤。着他順漢。他堅意不從。今日教我領兵來。不期活拏將我來。我並不會動手。〔正末云〕拏出去殺壞了者。〔蕭王云〕將軍息怒。小校釋了縛者。兀那邳岩。你聽者。我如今拏住你。刀過頭落。必無再生。我有心待饒了你一命。你心下如何。〔邳岩云〕大王。你若饒了我。到家裏和我哥哥說。着他來降。〔蕭王云〕衆位將軍。我饒了邳岩。您意下如何。〔鄧禹云〕主公的是也。衆將豈敢有違。〔蕭王云〕兀那邳岩。早着邳彤來降。放你回去。〔邳岩云〕謝了大王。〔蕭王云〕小校搶出去。〔卒子云〕理會的。出去。〔做搶邳岩科〕〔邳岩云〕噯。爭些兒殺壞了我。若不是蕭王饒了我呵。依着那幾員將軍。這早晚死的九秋了也。早是我還有造物。罷罷罷。我雇匹驢子。騎了家去罷。今年造物不可言。爭頭鼓腦要當先。銚期若還殺了我。我和他沒頭官司打幾年。〔下〕〔蕭王云〕邳岩此一去。邳彤必然來降也。常言道。軍馬未動。糧草先行。無糧不聚兵。今有甄門橋傅家池黃龍渡這三處倉廩。糧餉浩大。我有心要先取三倉。然後擒拏邳彤。您衆將心下如何。〔鄧禹

云「主公此計大妙。」正末云「主公。銚期且不去與邳彤交戰。先與主公取倉廩。走一遭去。」蕭王云「好將軍。不枉了壯哉。某自有主意。您大小衆將。聽吾將令而行。小校與我喚將岑彭來者。」卒子云「理會的。」岑彭上。「云」甲擺圓花錦戰袍。馬騎南海赤鬚蛟。敵兵猛見魂飄蕩。斬將全憑木朴刀。某姓岑名彭字君然。宛城人也。使一柄木朴刀。有萬夫不當之勇。先佐於王莽麾下爲將。某因見蕭王主公寬仁厚德。某背暗投明。自從誅了王莽之後。扶立劉更始爲帝。奉聖人的命。着蕭王主公按巡河北。頗奈趙王劉林無禮。他着鉅鹿邳彤。領兵攔住前路。單搦銚期出馬。今銚將軍得勝回營。小校來報。主公呼喚。不知有何將令。須索走一遭去。可早來到也。小校報復去。道有岑彭來了也。」卒子云「理會的。」蕭王云「着他過來。」卒子云「理會的。」過去。「做見科」岑彭上。「云」主公。呼喚岑彭。有何將令也。」蕭王云「將軍。且一壁有者。」岑彭云「理會的。」蕭王云「小校與我喚將馬武來者。」卒子云「理會的。」馬武上。「云」忠心報國立家邦。赤銅刀上定邊疆。彩山殿前爭牌印。則我是敢戰敵兵馬子張。某姓馬名武字子張。南陽人也。幼年文武雙全。使一柄赤銅刀。呼某爲銅刀馬武。今佐於蕭王手下爲將。正在帳前聽令。小校來報。主公呼喚。須索走一遭去。可早來到也。小校報復去。道有馬武來了也。」卒子云「理會的。」蕭王云「着他過來。」卒子云「理會的。」蕭王云「着他過來。」卒子云「理會的。」

過去。〔做見科〕〔馬武云〕主公呼喚馬武。有何將令。〔蕭王云〕且一壁有者。〔馬武云〕理會的。〔蕭王云〕小校喚將賈復來者。〔卒子云〕理會的。賈復安在。〔賈復上〕〔云〕英雄敢戰大將軍。相持廝殺立功勳。赤心報國安天下。永保皇圖萬萬春。某姓賈名復字君文。乃棘陽人也。自幼武藝熟閑。使一枝方天畫桿戟。自從昆陽城。某拖腸大戰。扶立漢朝。累建大功。今隨蕭王主公。按巡河北。小校來報。主公呼喚。須索走一遭去。可早來到也。小校報復去。道有賈復來了也。〔卒子云〕理會的。賈復的主公得知。有賈復來了也。〔蕭王云〕着他過來。〔卒子云〕理會的。過去。〔做見科〕〔賈復云〕主公呼喚賈復。有何將令。〔蕭王云〕您衆將近前。喚您衆將來。別無他事。今有邳彤。下將戰書來。單搦銚期出馬。被銚期無三合。活拏了邳彤。某想來乘此機會。先取三倉。岑彭撥與你一萬人馬。你先取傅家池。限明日午時獻功。則要你小心在意者。〔岑彭云〕得令。主公但放心。岑彭願往也。〔正末云〕岑君然。此一去用心着意者。〔唱〕

〔偷秀才〕傅家池相持戰討。驅士馬行兵征剿。掃蕩賊徒立漢朝。人勇烈一箇箇顯英豪。在今番這遭。〔岑彭云〕奉主公將令。統領人馬。收取傅家池。走一遭去。主公不索用心機。疾忙傳令去如飛。來朝先把頭功獻。岑彭奪取傅家池。〔下〕〔蕭王云〕馬武。撥與你一萬人馬。你去取黃龍渡。限明日午時報功。則要你小心在意者。〔馬武云〕得令。主公但放心。馬武願往。

也。〔正末云〕馬子張。此一去用心着志者。〔唱〕

〔伴讀書〕你從來施英武多謀略。心慷慨行忠孝。則你那惡叉雄威除殘暴。更那堪開疆展土扶廊廟。你則索奪旗擣鼓疾風號。你須索建立功勞。〔蕭王云〕馬子張不須久停。便索長行也。〔馬武云〕得令。奉主公將令。統一萬人馬。收取黃龍渡。走一遭去。不須合後并前部。敵兵無處尋歸路。橫擔手內赤銅刀。今朝先取黃龍渡。〔下〕〔蕭王云〕銚期撥與你一萬人馬。你去取轅門橋。限明日午時報功。則要你小心在意者。〔正末云〕得令。主公但放心。銚期願收取轅門橋去也。〔唱〕

〔笑歌賞〕我我我做先師運六韜。是是是習遁甲通三略。看看看列士馬排旗號。明丟丟錦戰袍。不刺刺馬咆哮。來來來看銚期施功効。〔蕭王云〕賈復。你爲先鋒。領一萬人馬。先與邳彤交戰。某同衆將。與你壓着陣。等候邳彤。你小心在意者。〔賈復云〕得令。憑賈復手中畫戟。坐下征鞍。量那邳彤。到的那裡也。〔正末云〕俺衆將各自報功。銚期便去奪取轅門橋。走一遭去。〔唱〕

〔尾聲〕你看我驅卒躍馬將妖氛掃。定計鋪謀將賊寇消。英勇岑彭志氣豪。馬武雄才武藝高。賈復忠良性勇驍。銚期忘生立漢朝。我直着河北平除罷征討。

〔下〕〔賈復云〕奉着主公將令。領一萬人馬。與邳彤交戰。走一遭去。噓天戰鼓。撲瑟瑟。助陣銅鑼。似巨鐘。隊伍齊排分前後。陣前賈復戰邳彤。〔下〕〔蕭王云〕衆將去了也。若取了三倉。然後擒挈邳彤。未爲晚矣。人馬英雄膽氣剛。魚鱗甲砌列刀槍。中軍帳下忙傳令。英雄虎將取三倉。〔同下〕

第四折

〔劉林領卒子上〕〔云〕只因扶立王郎後。統領英雄百萬兵。某乃趙王劉林是也。自從下將戰書去。單搦銚期出馬。與邳彤交戰。頗奈銚期無禮。他活挾了邳岩。更待干罷。某便傳將令。着邳彤單搦銚期出馬。某隨後統兵接應。小校喚將劉剛來者。〔卒子云〕理會的。劉剛安在。〔劉剛上〕〔云〕統領貔貅敢戰爭。能驅鐵騎慣曾經。扶持宇宙安邦將。掃蕩征塵萬里清。某乃趙王麾下大將劉剛是也。今有主公呼喚。不知有何將令。須索走一遭去。可早來到也。小校報復去。道有劉剛來了也。〔卒子云〕理會的。喏。報的主公得知。有劉剛來了也。〔劉林云〕着他過來。〔卒子云〕理會的。過去。〔做見科〕〔劉剛云〕主公呼喚劉剛。有何將令。〔劉林云〕且一壁有者。小校喚將鄭良來者。〔卒子云〕理會的。鄭良安在。〔鄭良上〕〔云〕敢勇威風氣象新。興師戰策立功勳。迎敵慣戰忠良將。安邦定國大將軍。某乃鄭良是也。頗看韜略之書。幼小曾習弓馬。今佐於趙王劉林手下爲將。小校來報。主公呼喚。不知有甚事。須索走一遭去。可早來到也。小校報復去。道有鄭良來了也。

〔卒子云〕理會的。啞報的主公得知。有鄭良來了也。〔劉林云〕着他過來。〔卒子云〕理會的。過去。〔做見科〕〔劉林云〕劉剛。喚您來別無他事。今有漢將銚期。兩陣之間。活拏了邵岩。更待干罷。某着邵彤出馬。單搦銚期。劉剛。撥與你五千人馬。你爲左哨。與銚期交戰。小心在意者。〔劉剛云〕得令。則今日統領五千人馬。與銚期交鋒。走一遭去。施展黃公三略法。氣冲牛斗吐虹蜺。拏住銚期。無輕放。鞭敲金鐙凱歌回。〔下〕〔劉林云〕鄭良。撥與你五千人馬。你爲右哨。與銚期交戰。則要你得勝而回也。〔鄭良云〕得令。則今日統領五千人馬。與銚期交鋒。走一遭去。威風赳赳統干戈。敢勇征夫數萬多。拏住敵兵親殺壞。得勝旗搖和凱歌。〔下〕〔劉林云〕二將去了也。某則今日親率三軍。接應邵彤。走一遭去。一箇箇抖擻雄威。氣昂昂準備相持。衆將軍施呈武藝。活拏住漢將銚期。〔下〕〔蕭王同鄧禹賈復馮異王霸驪馬兒領卒子上〕〔蕭王云〕某乃蕭王是也。昨日差三員大將。岑彭馬武銚期。取三倉去了。未曾回報。今有邵彤搦戰。某領衆將前去迎敵。鄧仲華。可怎生不見衆將來。〔鄧禹云〕主公。這早晚已時交午時初也。三箇將軍。必然成功也。〔蕭王云〕你看那遠遠的塵土起處。三箇將軍敢待來也。〔岑彭驪馬兒上〕〔云〕親蒙將令驅軍校。奪取倉廩得勝回。某乃岑彭是也。奉主公將令。取傅家池。得勝回還。報功走一遭去。遠遠的一簇人馬。旗上寫着道漢蕭王。我見主公去者。主公。岑彭劍甲在身。不能施禮也。〔蕭王云〕勝敗如何。〔岑彭云〕托主

公虎威。被某取了傳家池也。〔蕭王云〕好將軍。不枉了英雄。塵土起處。不知那箇將軍來也。〔馬武躍馬兒上〕〔云〕奉命親征黃龍渡。得勝回還。和凱歌。某乃馬武是也。取黃龍渡得勝回還。趕上大營報功去者。主公。馬武劍甲在身。不能施禮也。〔蕭王云〕馬武。奪取黃龍渡如何。〔馬武云〕馬武奪了黃龍渡。特來報功也。〔蕭王云〕不枉了好將軍。則少銚期。這早晚敢待來也。〔正末銚期躍馬兒上〕〔云〕某乃銚期是也。奉主公將令。取輓門橋。得勝回還。見主公獻功。走一遭去也。

〔唱〕

〔中呂粉蝶兒〕奉着這將令兵機。我教那潑奸賊做不的準備。憑着這黑纓槍。天下爲魁。馬咆哮。人英勇。真箇是驚天動地。豪氣風雷。恰便似捲浮雲片時寧謐。

〔醉春風〕今日箇傳軍令取三倉。破邳彤安社稷。俺如今按巡河北定狼煙。端的是喜。喜。憑着我掃蕩奸邪。消除芥草。則願的四方歡會。〔云〕可早來到這軍營也。主公。銚期劍甲在身。不能施禮。〔蕭王云〕銚將軍。你取輓門橋如何。〔正末云〕托賴主公。銚期奪了輓門橋。特來獻功也。〔蕭王云〕好將軍也。三箇將軍。都得勝還營。觀邳彤有如翻掌。你看那遠遠的塵土起處。邳彤敢待來也。〔馬武云〕主公。這來的必然是那邳彤也。〔邳彤同淨邳岩〕

驪馬兒領卒子上。〔邳彤云〕某乃大帥邳彤是也。統兵在此。與劉秀相持。不期遣將立取了三倉。某今統兵。單搦漢將出馬。大小三軍。擺開陣勢者。兀那劉秀。敢與吾交戰麼。〔蕭王云〕衆將。誰人可與邳彤迎敵去。〔賈復云〕主公。賈復與這賊徒交戰去。量這匹夫。到的那裡也。〔做出馬科〕
〔云〕兀那邳彤。某與你略鬪三合。〔邳彤云〕你來者何人。〔賈復云〕某乃賈復是也。〔邳彤云〕量你到的那裡。三軍操鼓來。〔做戰科〕〔岑彭云〕某與邳彤略戰幾合。我與你鳴金者。〔做鳴金科〕
〔賈復云〕住者。某正要與你略戰幾合。俺主公鳴金。兀那邳彤。某不懼你之勇。俺主公鳴金。且回本陣中去。〔做見科〕〔云〕主公因何鳴金。〔岑彭云〕非主公鳴金。是某岑彭來。我出馬與邳彤略戰幾合。〔岑彭出馬科〕〔云〕兀那邳彤。敢相持麼。〔邳彤云〕你來者何人也。〔岑彭云〕某乃大將岑彭是也。我與你略鬪三合。〔邳彤云〕量你到的那裡。小校操鼓來。〔做戰科〕〔馬武云〕某與邳彤戰幾合。我與你鳴金者。〔做鳴金科〕〔岑彭云〕住者。某正要與邳彤戰幾合。主公鳴金。兀那邳彤。主公鳴金。某且回本陣中去。〔做見科〕〔云〕主公因何鳴金。〔馬武云〕非主公鳴金。某要與邳彤略戰幾合。〔正末云〕好將軍也。壯哉壯哉。〔唱〕

〔上小樓〕托賴着蕭王聖德。見如今英豪出對。施逞着武藝精嚴。狀貌堂堂。叱咤原本誤容儀。是他便仗勢力。顯武威。經綸天地。則他兀那赤銅刀。世無本對。〔馬

武云「兀那邳彤。我與你略關三合。」邳彤云「你來者何人。」馬武云「某乃馬武是也。」邳彤云「量你到的那裡。」三軍操鼓來。「做戰科。」正末云「某與邳彤略戰幾合。我與你鳴金者。」做鳴金科。「馬武云」住者。某正要與你略關幾合。俺主公鳴金哩。兀那邳彤。某不懼你。豈不聞鳴金則止。且回本陣中去。「做見科。」云「主公因何鳴金。」正末云「鳴金的是銚期來。馬子張。你且壓手。某與邳彤略關幾合。」兀那邳彤交馬來。「邳彤云」你是何人。」正末云「某乃大將銚期是也。」邳彤云「你是那銚期。某單搦你出馬。我與你決戰九千合。」正末云「這厮好無禮也。小校操鼓來。」唱「

〔么篇〕潑奸賊獨顯能。料應來難論比。我這裡縱馬臨軍。撲入垓心。兩陣相敵。我這裡馬又追槍又刺。他那裡難逃難避。我教你這敗殘軍片時粉碎。」邳彤云「這厮好生英雄。兀的不是俺主公接應來也。」趙王劉林同劉剛鄭良躍馬兒領卒子上。「劉林云」某乃趙王劉林是也。統兵接應邳彤去。兀的不是漢將并妖人劉秀。衆將圍住。休着走了蕭王者。」正末云「兀的不是賊寇劉林。衆將着志者。三軍呐喊。」衆呐喊做混戰科。」正末唱「

〔快活三〕韻悠悠畫角吹。響瑯瑯戰鑼擊。撲瑟瑟畫鼓凱征鼙。喊殺驚天地。」馬武云「休着走了賊兵也。」卒子云「得令。」正末唱「

〔鮑老兒〕我則見槍去刀來兩對敵。恨不的刀中連肩臂。更和這刀過槍來有

似飛。我則待槍刺的肝腸碎。我這裡斜敦正刺。前心兩脇。我教他片霎遭危。他那裡遮截架解。亡身失命。魄散魂飛。〔劉林云〕邳彤手脚慌張。力不能敵。不中逃命。走走。〔同衆下〕〔馬武云〕邳彤少走。〔衆做拏住邳彤科〕〔正末云〕主公。俺拏住邳彤。邳岩也。〔蕭王云〕執縛了邳彤。邳岩。小校鳴金收軍。班師回程去來。〔正末唱〕
〔尾聲〕將邳彤背縛縛。見劉林走似飛。今日箇鞭敲金鐙還營內。則願的平定了千戈萬萬里。〔同下〕

第五折

〔鄧禹領卒子上〕〔云〕歡來不似今朝。喜來那逢今日。某鄧仲華是也。俺蕭王主公。差饒期馬武岑彭。收取三倉。得勝回還。又與邳彤交戰。兩陣上活拏了邳彤。某安排慶賀筵會。小校轅門首覷者。主公來時。報復我知道。〔卒子云〕理會的。〔蕭王上〕〔云〕統領軍卒擒賊將。一戰功成和凱歌。某乃蕭王是也。誰想收了三倉。擒拏了邳彤。班師回營。我着鄧仲華安排筵會。犒勞慶功。可早來到也。小校報復去。道有某下馬也。〔卒子云〕理會的。喏。報的元帥得知。有主公下馬也。〔鄧禹云〕某親自接待主公去。〔做見科〕〔蕭王云〕鄧仲華。喜得今日擒了邳彤。安排下筵會。小校門首覷者。等衆將來時。報復我知道。〔卒子云〕理會的。〔正末同馬武岑彭馮異王霸賈復上〕〔正末云〕

某乃銚期是也。今日非俺衆將之能。皆托主公之福也。〔唱〕

〔雙調新水令〕今日箇氣昂昂豪氣捲江湖。我則見七重圍士卒擁護。銅鑼就地響。畫鼓振天隅。奮氣冲虛。托賴着吾皇聖。百靈助。〔云〕來到營門首也。小校報復去。道有俺衆將來了也。〔卒子云〕理會的。喏。報的主公得知。有衆將來了也。〔蕭王云〕着他過來。〔卒子云〕理會的。過去。〔正末同衆見科〕〔鄧禹云〕衆將鞍馬上勞神也。〔正末云〕鄧仲華。坐帥府不易也。〔鄧禹云〕您與邳彤交戰如何。〔正末云〕俺衆將托主公洪福。擒拏住邳彤。邳岩。得勝班師也。〔蕭王云〕那邳彤好生英勇。若不是銚次沉并衆將。怎生破的邳彤也。〔正末云〕非俺衆將之能。皆是主人洪福也。〔唱〕

〔駐馬聽〕雖然是主將權術。托賴着聖德寬仁。皇上福。量着那羣雄何慮。你看我驅卒躍馬。斬無徒。今日箇風雲慶會。賀唐虞。我將那無端草寇。生擒住。憑智謀。穩情取。妖氛頓息。山河固。〔鄧禹云〕銚將軍。那邳彤。邳岩。在於何處。〔正末云〕執縛在於營門首。〔鄧禹云〕拏將過來。〔卒子云〕理會的。〔做拏邳彤。邳岩上見科〕〔蕭王云〕兀那邳彤。你因何歸順王郎子。與俺漢將交鋒。做的箇背反之將也。〔邳彤云〕想邳彤佐於王郎子手下。不知大王真命。今日既被擒捉。願求速死。〔正末云〕這厮好生無禮也。銚期親自下手也。〔蕭王云〕銚

將軍且息怒。某今欲要饒鄧彤一命。你衆將意下如何。〔鄧禹云〕主公說的是也。〔鄧彤云〕大王若饒了鄧彤一命。願爲馬前一卒也。〔蕭王云〕小校與我釋了縛者。〔鄧岩云〕主公明鏡。不會枉了人也。〔鄧彤拜科〕〔云〕謝了主公不殺之恩也。〔鄧禹云〕小校一壁敲牛宰馬。安排酒殺來。與主公衆將犒勞慶功。擡上果卓來者。〔卒子云〕理會的。〔卒子擡果卓上〕〔鄧遞酒科〕〔云〕將酒來。主公。今新收鄧彤一員上將。君臣慶會。理當飲一杯喜酒也。〔蕭王云〕你說的是。將酒來。某飲一盞。衆將。某飲酒也。〔鄧禹同衆將跪科〕〔正末唱〕

〔川撥棹〕今日箇飲芳醕。慶風雲會龍虎。托賴着主上寬恤。將帥匡扶。按巡了河北道路。慶功勳心意足。〔鄧彤云〕不想蕭王主人。有如此寬大。鄧彤有眼。不識主公也。〔正末唱〕

〔七弟兄〕你在那鉅鹿用武。武狂愚。俺這裡安邦立國。擎天柱。則俺這蕭王聖德不塵俗。你似那楚王不識荆山玉。〔蕭王云〕鄧彤背暗投明。古之常理也。〔正末唱〕

〔梅花酒〕呀。你今日佐漢主。東蕩西除。建立皇都。草寇潛伏。想良禽相木棲。思賢臣保鑾輿。〔蕭王云〕想俺祖公公漢高祖。提三尺寶劍。立起錦片也似江山。非同容易也。〔正末唱〕想着俺漢高祖。明德化主風俗。施仁政樂康衢。〔鄧禹云〕見今蕭王主公。任賢

用士招納英武豪俊也。〔正末唱〕

〔收江南〕呀。今日箇一封天子召賢書。〔蕭王云〕您衆將滿飲一杯。盡醉方歸也。〔正末唱〕這的是君臣慶會喜無處。無處二字疑誤酒斟佳釀滿金壺。托賴着帝主。則俺這馬蹄到處盡歸伏。〔蕭王云〕今日收了邳彤。又添了一員虎將。犒勞三軍。做一箇慶喜的筵席。您聽者。

按巡河北用心機。劉林遣將搦相持。邳彤英勇寰中少。銚期武藝世間稀。美臉岑彭奪第一。銅刀馬武定華夷。鄧禹堅心扶社稷。賈復慣戰耐相持。重賞封官招虎將。排筵慶會飲金杯。扶持劉室安天下。萬年洪福興天齊。

題目 鄧仲華驅兵領將

正名 漢銚期大戰邳彤

大戰邳彤穿關

頭折

劉林

多簷帽 蟒衣曳撒袍

項帕 直

卒子

紅碗子盔 青布釘劍

邳彤

鳳翅盔 蟒衣

項帕

直纏 紅髯 搭膊

卒子 同 邳岩

皮盔 項帕

直纏 搭膊 掩心 蕭王

多簷帽

蟒衣曳撒

帶 帶劍

馮異 王霸

鳳翅盔 搭膊

項帕 帶 帶劍

三髯髯 卒子 同 鄧禹

撒髮盔抹額

袍

帶 項帕

直纏 雙鴈翎刀

張亮

皮盔 項帕

直纏 搭膊 掩心 正末 鈞期

鐵幘頭

蟒衣

帶 項帕

直纏 搭膊 竹節鞭

第二折

邳岩 卒子 張亮

同前 躍馬兒

喬卒子

紅氍帽 青布釘劍

正末 鈞期 卒子 邳岩 又上

同前

馬兒 躍

第三折

蕭王鄧禹卒子張亮正末銚期卒子拏邳岩同前岑彭鳳翅盔 蟒衣曳撒 袍

帶劍 三馬武獅磕腦盔 蟒衣曳撒 袍項項帕 直纏 襟膊 帶賈復項帕 直纏 襟膊 帶

髯髯 標槍 三

第四折

劉林卒子同前劉剛鳳翅盔 膝欄曳撒 袍項項帕 三髯髯鄭良鳳翅盔 膝欄曳撒 袍

帶帶劍 三髯髯蕭王鄧禹賈復馮異王霸卒子岑彭馬武同前正末銚期邳彤邳

岩卒子趙王劉林劉剛鄭良卒子同前

第五折

鄧禹卒子同前蕭王同前正末銚期馬武岑彭馮異王霸賈復同前拏邳彤邳岩同前

乙卯仲春念四日校內本清常道人

寇子翼定時捉將

闕名

頭折

〔沖末扮劉末領卒子上〕〔云〕平誅逆黨定綱常。治國調和有棟梁。克除禍亂安天下。創立劉朝興大邦。某姓劉名秀字文叔。先祖乃漢之苗裔。劉氏宗親。父乃南頓縣泗水大王劉欽。自因元始年之亂。蘇獻興兵。某在南陽白水村起義。多虧了鄧禹等衆將。破了昆陽。西取長安。立起劉荆公爲君。號曰更始。不期他信綠林胡因等所言。散了俺手下衆將。各處爲官。着某不許帶一員故將。領五百軍兵。按巡河北。自出潼關之後。遇着鄧禹等七將。到邯鄲趙國。有劉林在叢臺設會。惹起刀兵。前者青州李獻與俺拒敵。多虧耿家父子。破了李獻。取了青州。今欲要打邯鄲。與劉林交戰。前有鉅鹿郗彤攔路。說此人好生英雄。某今在信都城安營。聚俺衆將計議。小校轅門首望者。若衆將來時。便報某知道。〔卒子云〕理會的。〔外扮任光上〕〔云〕立漢扶劉顯志酬。按巡河北統戈矛。信都五縣軍糧大。扶助華夷四百州。某姓任名光字伯卿。祖居信都人也。先曾爲宛城典史。因元始年之亂。俺漢肅王主人起兵於南陽。某佐於麾下。破昆陽。取長安。累建大功。今立劉荆公爲君。號曰更始。他聽信綠林賊所教。散了俺衆將。着俺元帥按巡河北。某在這信都。守着這三倉五

縣。衆將都在此取齊。要破邯鄲。有元帥陞帳。須索走一遭去。可早來到也。小校報復去。道有任光來了也。〔卒子云〕理會的。〔報科〕〔云〕喏。報的元帥得知。有任光來了也。〔劉末云〕道有請。〔卒子云〕理會的。有請。〔任光做見科〕〔云〕元帥。任光來了也。〔劉末云〕任伯卿。這信都城池。都是糧草。好生齊備也。〔任光云〕元帥。這信都屯軍。堪可破邯鄲也。〔劉末云〕等衆將來。共同商議。這早晚敢待來也。〔外扮馬成上〕〔云〕按巡河北鎮州城。對壘相持敢戰爭。扶持世祖爲良將。保助炎劉定太平。某姓馬名成。字君遷。本貫棘陽人也。幼年未遇。失陷遭危。多虧岑君然相救。同共降漢。自破昆陽之後。復取長安。俺蕭王仁德。立劉玄爲王。他信胡因李獻。散了俺衆將着蕭王按巡河北。俺衆將在關外接着蕭王。進邯鄲大戰。捉了李獻。都在信都取齊。某須索走一遭去。可早來到也。小校報復去。道有馬成來了也。〔卒子云〕理會的。〔做報科〕〔云〕喏。報的元帥得知。有馬成來了也。〔劉末云〕道有請。〔卒子云〕理會的。有請。〔馬成做見科〕〔云〕元帥。馬成來了也。〔劉末云〕將軍。待衆將來共同商議。這早晚敢待來也。〔外扮王常上〕〔云〕克平逆黨顯英雄。定亂除危百件功。邯鄲大戰驅軍隊。捨死忘生定太平。某姓王名常。字顏卿。祖居南陽新野人氏。先從馬子張。在綠林爲寇。後降於漢蕭王麾下。自破昆陽取長安之後。俺主公尊劉荊公爲君。不期此人信綠林賊所教。散了俺衆諸侯。着元帥按巡河北。俺在潼關相等。自邯鄲大戰。衆將都聚於信都。今日

元帥陞帳。某須索走一遭去。可早來到也。小校報復去。道有王常來了也。〔卒子云〕理會的。〔做報科〕〔云〕喏。報的元帥得知。有王常來了也。〔劉末云〕道有請。〔卒子云〕理會的。有請。〔王常做見科〕〔云〕元帥王常來了也。〔劉末云〕您衆將軍來了也。止有鄧仲華等未來哩。小校門首望者。若鄧仲華來時。報俺知道。〔卒子云〕理會的。〔外扮鄧禹上〕〔云〕一片忠心立漢朝。按巡河北顯功勞。調和鼎鼎安天下。保護江山帝業牢。小官姓鄧名禹字仲華。本貫南陽宛城人氏。幼習韜略。廣看兵書。先拜子陵爲師。自因蘇獻之亂。天下荒荒。俺主公起兵於南陽。某就投於麾下。收滅五陽。破昆陽兵百萬。擒王尋。戰巨無霸。西取長安。定其太平。俺蕭王主人德厚仁慈。立劉荊公爲主。號曰更始。將綠林十賊盡封重職。將俺有功漢將。支調各處爲官。又着蕭王主人按巡河北。不許帶故將同行。俺都在潼關外相等着蕭王。俺至邯鄲叢臺。惹起刀兵。破李獻大戰青州。收了耿家父子。今在信都屯兵。俺要破趙國劉林幽州彭寵馮政。今日元帥陞帳。須索走一遭去。可早來到也。小校報復去。道有鄧禹來了也。〔卒子云〕理會的。〔做報科〕〔云〕喏。報的元帥得知。有鄧軍師來了也。〔劉末云〕道有請。〔卒子云〕理會的。有請。〔鄧禹做見科〕〔云〕元帥鄧禹來了也。〔劉末云〕軍師衆將都來了。今邯鄲劉林。遣馮政彭寵霸住幽州一帶。俺怎生與兵破他也。〔鄧禹云〕元帥則一件。今要與兵巡河北。前鉅鹿彭彤。不曾收的。今有彭寵。着人圍了俺三縣。是南

宮縣永昌縣新豐縣。如今着俺三箇先鋒。救了三縣。然後纔可按巡河北去。〔劉末云〕說的是小校喚將馬武岑彭銚期三箇先鋒來者。〔卒子云〕理會的。三箇先鋒。元帥有請。〔外扮馬武上〕
〔云〕每回征戰立頭功。赤銅刀舉敢相爭。昆陽城下施英武。創立中興漢業成。某姓馬名武字子張。乃南陽鄧州人也。未遇之時。曾在宜秋山落草。後投漢蕭王主公麾下。爲某英雄敢勇。刀馬絕魁。昆陽城大戰王尋。長安下生擒蘇獻。定天下黎民。各復其業。今更始爲君。散了俺各路諸侯。不許跟蕭王一處同行。俺蕭王按巡河北一帶。俺衆將在潼關接着。自遇劉林叢臺。疑和字敵青
州李獻成功。今都在信都屯兵。要往前進。有元帥令人來喚。須索走一遭去。等岑君然來。一同過去。〔外扮岑彭上〕〔云〕滅假扶眞性不狂。長安武舉把名揚。跟隨世祖誅讒佞。報國忠心晝夜忙。某姓岑名彭字君然。本貫棘陽人也。幼年多學戰策。廣看兵書。曾在長安應武舉。王新室封某爲武舉狀元。棘陽太守。自因漢蕭王與兵。取南陽州縣。某降於麾下。破昆陽。取長安。立下大功。今更始爲王。着俺主公按巡河北。俺衆將在於信都相聚。今日元帥令人來喚。不知有甚事。須索見元帥去。〔馬武云〕將軍來了也。〔岑彭云〕子張。俺一同過去來。小校報復去。道有俺二將來了也。〔卒子云〕理會的。〔做報科〕〔云〕報的元帥得知。有馬武岑彭來了也。〔劉末云〕道有請。〔卒子云〕理會的。有請。〔馬武岑彭做見科〕〔云〕元帥。俺二將來了也。〔劉末云〕兩箇先鋒來了。止有銚次況

未來哩。小校望者。若來時。報復俺知道。〔卒子云〕理會的。〔正末扮銚期上〕〔云〕某姓銚名期字次況。本貫潁川鄆縣人也。父乃漢太尉銚猛。爲國盡節而亡。某今輔佐漢蕭王。麾下爲將。破滅了蘇獻王。尋今巡河北。與衆將都在信都屯軍。今元帥呼喚。不知有甚事。須索走一遭去。想某自立漢以來。多有功勳也呵。〔唱〕

〔仙呂點絳脣〕則我這武藝滑熟。幾番爭鬪。無虛謬。見如今拜將封侯。想當初捨死把昆陽救。

〔混江龍〕想着我從前以後。建功勳惡戰數千籌。我則待忠心立漢。主意扶劉。這一匹烏騮馬踏翻英雄將。黑纓槍活刺士卒頭。投至的官居極品將恩光授。經了些千辛萬苦。戰討無休。〔云〕可早來到也。小校報復去。道有銚期來了也。〔卒子云〕理會的。〔報科〕〔云〕喏。報的元帥得知。有銚先鋒來了也。〔劉末云〕道有請。〔卒子云〕理會的。〔正末做見科〕〔云〕元帥。銚期來遲。勿罪也。〔劉末云〕銚次況來了也。您衆將都來全了。〔馬武云〕來全了也。〔鄧禹云〕您衆將近前來。請您來不爲別。自俺出潼關之後。接着元帥。按巡河北。衆將累建大功。今有彭寵馮政無禮。圍了俺三處城池。我與元帥計議。就着您三箇先鋒。一人可救一處。馬子張。你救南宮縣。岑君然。你救永昌縣。銚次況。這一處最要緊。你可救這新豐縣。您三

箇先鋒。若救了這三處之後。俺大小漢將。然後再破邯鄲。也未爲晚也。〔劉末云〕鄧仲華。你的妙計。我盡知了。若是三箇先鋒。救了這三縣。然後務要安定了河北。不知您先鋒意下如何也。〔正末云〕元帥與鄧仲華在上。量這彭寵馮政。這兩箇打甚麼不緊也。〔劉末云〕銚先鋒。我聽的這彭寵馮政。十分英雄。他手下兵有百萬。將有千員。則怕你近不過他也。〔正末唱〕

〔油葫蘆〕者其他智勇相兼軍將有。敢和他做對手。憑着這點鋼槍。生死眼前休。〔鄧禹云〕銚先鋒。元帥的心。則要你着志者。〔正末唱〕到來日陣前施展安邦手。那其間彭寵一命着何人救。〔劉末云〕我想來這河北一帶。惟有鉅鹿難破。你若領兵征戰去。則是小心在意者。〔正末唱〕領着我這手下兵。則向那軍陣裏走。若遇着土馬來敵鬪。殺的他有國再難投。〔鄧禹云〕銚先鋒。你同馬子張岑君然。若破了這煙塵。那其間定有加官賜賞也。〔正末唱〕

〔天下樂〕你看我便救了新豐再報讐。催動我這驂也波驄。殺的他血漫流。他若是在陣前有些兒閑賣口。者其他能使槍。者其他能使矛。殺的他倒干戈。自敗走。〔馬武云〕銚將軍。論你武藝。誰人可敵。俺三箇先鋒。當讓你爲首。俺三支人馬。怎生行兵。救這

三縣去。〔正末云〕馬將軍。你則依着我者。〔馬武云〕馬武則依着將軍行也。〔正末唱〕

〔後庭花〕哎。你箇馬將軍是元帥首。俺如今統雄師前後走。則要你便早救了南宮縣。也見的男兒志氣酬。〔馬武云〕銚次況某曾每回臨陣。累建奇功。量救這南宮縣。打甚麼不緊那。〔正末唱〕你若是統貔貅健勇處般般兒成就。你從來情性傷赤銅刀。何處有救南宮用意守。救南宮用意守。〔岑彭云〕銚次況岑某救這永昌去。可是如何也。

〔正末唱〕

〔青哥兒〕將軍也。你可便不陪不陪生受。救永昌巧設巧設機籌。〔岑彭云〕某若救了永昌。若有軍來攪擾。我殺的他片甲不歸也。〔正末唱〕則你這武藝雖強怎解救。排列着劍戟戈矛。斧鉞鏃鉤。扶立炎劉。掃去塵垢。則你這美聲名端的世間留。英雄處誰能殺。〔鄧禹云〕三箇將軍不必展轉議論。您各施手策。救取三縣。教了的建功。失了的治罪。岑君然。與你一千人馬。疾去早來者。〔岑彭云〕某得令。二位先鋒慢來。則今日領一千人馬。去救永昌縣。走一遭去。跟蕭王巡狩州城。因河北草寇齊生。永昌縣若逢軍將。放心松文刀劈破天靈。〔下〕〔鄧禹云〕岑彭去了也。馬子張撥與你一千人馬。去取南宮縣去。小心在意者。〔馬武云〕某得令。銚次況慢來。則今日領一千人馬。前去救南宮縣。走一遭去。亂邯鄲趙國英雄。南宮縣百姓皆驚。若破了河北軍馬。那其間方顯出馬武威風。〔下〕〔鄧禹云〕馬武去了也。銚次況。你去救新

豐縣。你去這一處。是箇總路。若你破了這新豐縣呵。俺觀邯鄲不打緊了。與你一千人馬。務要建功。小心在意。不可有失也。〔正末云〕軍師不必憂慮。某務要成功也。〔唱〕

〔尾聲〕則我這交馬處要成功。槍起難禁受。敢征戰威風赳赳。我量這些小的。新豐可也難掛口。〔鄧禹云〕銚次況。則要你馬到處成功也。〔正末唱〕則我這馬到處一陣皆休。我若是遇着敵頭。將他那性命難留。他若是見我的旗開望風而走。〔劉末云〕你若救了新豐縣呵。早着人來報我知道也。〔正末唱〕掌着這軍權在手。誰敢將軍情來泄漏。我殺的他軍亡將死。報了冤讐。〔下〕〔鄧禹云〕三箇先鋒去了也。王常馬

成二位將軍。〔馬成云〕軍師要俺那裡使用。〔鄧禹云〕您二將整點下人馬。操練着軍卒。待他三將回來。然後興兵也。〔王常云〕軍師。俺得令。便去整擷人馬去也。〔馬成云〕王顏卿。俺衆將若破了邯鄲。這河北纔得寧息。俺同點人馬。走一遭去。扶漢主武將高強。克長安立國非常。整點下雄兵猛將。殺賊徒一陣皆亡。〔同下〕〔鄧禹云〕他二將去了也。任伯卿。〔任光云〕軍師。某有那裡使用。〔鄧禹云〕任伯卿。你再去三倉打點下軍糧。待三將來。方行兵也。〔任光云〕某得令。則今日去三倉整點糧草。走一遭去。守信都惟某名高。巡河北顯耀英豪。點三倉軍糧百萬。都着他堆滿倉廩。〔下〕〔鄧禹云〕任光去了也。元帥。俺待三箇先鋒回來行兵。就取邯鄲。巡河北州郡去也。〔劉

末云「軍師。既然這等。俺且回後帳中議事去來。盡忠臣於家爲國。保漢朝相持對壘。若三將無事回來。那其間纔巡河北。」同下。

第二折

〔淨扮彭寵領卒子上〕「云」我做元帥有聲名。久住幽州一座城。但是領兵去出戰。靠水偃山則守營。自家幽州彭寵是也。今在邯鄲趙王劉林麾下爲將。久鎮幽州。論這武藝。量那漢蕭王衆將。到的那裡。我手下有一箇軍師。乃是馮政。我叫他來商議。小校與我喚將馮政來者。」〔卒子云〕「理會的。馮軍師。元帥有請。」〔淨扮馮政上〕「云」我做軍師不歹。但去相持無解。若還憑我武藝。一箇一箇螃蟹。自家彭寵手下軍師馮政是也。我這彭寵水性。不理軍情。一切事務。都在我手裏主張。憑着我把他好事都弄壞了。正在後面喫酒。有元帥呼喚。不知有甚事。須索走一遭去。可早來到也。小校報復去。道有我老馮來了。」〔卒子云〕「理會的。元帥。有馮軍師來了也。」〔彭寵云〕「道有請。」〔卒子云〕「理會的。有請。」〔馮政云〕「元帥請我老馮來。有何事。」〔彭寵云〕「軍師。你來了。如今趙王劉林。着俺與漢蕭王廝殺去。你有甚麼計策。與我說。」〔馮政云〕「元帥。我着人領兵。圍了他信都三處了。然後詐獻邯鄲。害了劉秀家君臣。此計大妙也。」〔彭寵云〕「你說的是。俺兩箇且回幽州去。」〔馮政云〕「俺回去勾領將鄧禹來。先行詐降之計。然後破他們。可是如何。」〔彭寵云〕「此計大妙。俺回去。」

來。兵書戰策俺不知。槍刀劍戟未曾習。若還漢將來交戰。丟了兵器跑如飛。（同下）外扮邳順同卜兒淨邳岩上。（邳順云）曾習詩書苦用功。煙塵海宇亂縱橫。河北吾家爲第一。辱子堅心不聽從。老夫邳順是也。祖居河北鉅鹿人氏。老夫幼習儒業。廣看詩書。渾家張氏所生二子。長者邳彤。次者邳岩。有這邳彤武藝過人。爲鉅鹿太守。扶助趙王劉林。麾下今有漢蕭王劉文叔。來按巡河北。老夫數次勸邳彤。方今賢愚不辨。以強爲霸。當可順漢。他不從老夫。忿怒而出營。邳岩。你哥哥安在。（邳岩云）父親在上。您兒多言似此。如今邯鄲劉林獨霸。那一夥漢將在信都。依着我的心。惹他怎麼的。他領了兵出去。尋甚麼銚期交戰去了。（邳順云）邳岩。你傳着我的言語。着你哥哥休和漢將交鋒。早回鉅鹿來。我有話與他說。（邳岩云）父親。我去邊庭上去。則怕撞見別的漢將。他拏我可怎麼了。（邳順云）你去無妨。着您哥哥快回來者。（邳岩云）罷。捨着命撞造物。走一遭去。子父三人顯英豪。哥哥武藝委實高。若還漢將撞見我。捨着性命撞一遭。（下）（邳順云）邳岩去了也。他這一到邊庭上。傳着我的言語。着邳彤回來。休和漢蕭王交鋒。可是爲何。老夫觀蕭王眞命之主。邳彤不依。久後定遭擒捉。悔之晚矣。老夫回後堂中。走一遭去。漢蕭王眞命帝主。巡河北大兵齊舉。邳彤若不依良言。必想我今朝之語。（下）（鄧禹同馬成任光王常領卒子上）（鄧禹云）巡守河北安天下。衆將屯兵到信都。某鄧仲華是也。自因俺蕭王主人。按巡河北。來到邯鄲。

與劉林柏鄉大戰。殺退幽州彭寵。擒了青州李獻。收了耿家父子。今俺衆將都在信都屯兵。這裡有三倉五縣。廣有軍糧。頗奈幽州彭寵。信馮政之言。數次反復不定。領兵圍了俺三座州城。某那一日。差三箇先鋒前去解救。怎生還不見來到也。〔任光云〕軍師。這河北軍馬。惟有彭寵不能主事。他遠祖是漢將彭越之後。他不肯歸降。〔馬成云〕任伯卿爲人臣者。各盡其忠孝立功名。其人不從正道爲之。小輩何足道哉。〔王常云〕軍師。這三箇先鋒此一去。這彭寵馮政的人馬。怎麼當的住。定然成功也。〔鄧禹云〕衆將軍少待。小校轅門首望者。但有一切軍情。便來報某知道。〔卒子云〕理會的。可不早說。報的軍師得知。有鉅鹿彭彤領兵。特來搦三箇先鋒交戰。〔鄧禹云〕肯分的馬武岑彭跳期都不在。可怎了也。任伯卿王常馬成。〔任光云〕軍師。俺有那裡使用也。〔鄧禹云〕您三箇將軍。分兵三處。先去鉅鹿城下迎敵彭彤。小心在意者。〔任光云〕俺得令。則今日俺三將。先迎敵彭彤。走一遭去。鎮信都五縣三倉。因彭彤整飾刀槍。鉅鹿下排開軍隊。保皇朝大戰一場。〔下〕〔王常云〕任伯卿去了也。某則今日俺三員將先去鉅鹿戰彭彤。走一遭去。慣相持累戰曾經。鉅鹿城敢勇相爭。奉軍令親離寨柵。則今日先戰彭彤。〔下〕〔馬成云〕他二將去了也。某則今日奉將令。同共去鉅鹿城下戰彭彤。走一遭去。顯威風志氣昂昂。巡河北漢將賢良。若破了邯鄲軍馬。平天下快立蕭王。〔下〕〔鄧禹云〕他三將去了也。參謀使便傳某軍令。着人說與

三箇先鋒。如救了三州。就不要來大營來。前去鉅鹿。就戰邳彤去。〔卒子云〕得令。〔鄧禹云〕今日着衆將去敵邳彤。某則今日再領數員上將。直至幽州。拏彭寵馮政。走一遭去。妙策神機腹內藏。按巡河北列兒郎。略施捉將挾人智。幽州管取二賊降。〔下〕〔邳彤躍馬兒領卒子上〕〔邳彤云〕幼習兵書。略略深。兵屯鉅鹿。鎮長城。天下聞名英雄輩。則某是河北無敵大將軍。某姓邳名彤。字偉君。祖居鉅鹿長城人也。爲某多習戰策。武藝過人。每回臨陣。無不建功。今佐趙王劉林麾下爲將。封某爲鉅鹿太守。河北大將軍之職。某今父母在堂。父乃邳順。母親張氏。兄弟邳岩。我父幼習儒業。常時勸某道。方今賢愚不辨。好歹難分。着某降漢。某想來。趙王劉林待我甚厚。官封重職。況兼某的武藝。料漢將無人迎敵。某今領兵在這鉅鹿長城下。單搦銚期馬武岑彭相持。大小三軍。擺開陣勢。兀那塵土起處。敢是漢將來了也。〔任光馬成王常躍馬兒上〕〔任光云〕某乃任光是也。兩箇將軍。是馬成王常。俺奉鄧仲華將令。來迎邳彤。〔馬成云〕任伯卿。那前面路上。不是邳彤軍馬來了也。〔王常云〕某和他答話者。來者何人。〔邳彤云〕某乃是鉅鹿大將邳彤是也。來者何人。〔王常云〕某乃是打虎將王常。這兩箇是信都任光馬成是也。〔邳彤云〕您不是馬武銚期岑彭。量你何足道哉。操鼓來。〔做戰科〕〔任光云〕二位將軍。邳彤武藝高強。俺迎敵不住他。倒回干戈。走走走。〔同王常馬成敗下〕〔邳彤云〕這三員將。也都武藝高強。恐他是計。我不追你。兀那塵

土起處。不又有軍馬來也。〔岑彭上〕〔云〕保救州城纔定體。不期鉅鹿又興兵。某乃棘陽人也。四手將軍大漢前部先鋒岑彭是也。〔邵彤云〕你便是岑彭。來來來。我與你略鬪幾合。〔馬武提鎗上鳴金科了〕〔下〕〔岑彭云〕邵彤。我不和你交戰。俺元帥陣上鳴金哩。鳴金不止。悉皆該斬。我回本營去也。〔下〕〔馬武上〕〔云〕岑彭回去了也。某乃馬武是也。我正要和邵彤戰幾合。不想岑彭先來了。我陣上鳴金。他回去了。邵彤。你認的我麼。〔邵彤云〕來者何人。〔馬武云〕某乃南陽馬武是也。我和你略鬪九千合。〔邵彤云〕三軍操鼓來。〔做戰科〕〔邵彤云〕一陣好大風也。怎生交戰。〔馬武云〕邵彤住了。風大難戰。明日交鋒。我回本營去也。〔下〕〔邵彤云〕恰纔正戰中間。這大風起了。某收兵回本營中去也。某與漢將鬪相爭。不期平地起狂風。收軍罷戰回營寨。明日決定要成功。〔下〕〔正末躍馬兒領卒子上〕〔云〕某銑期是也。奉軍師將令。取新豐縣去。被某復奪了新豐縣。還有餘黨未平。某務要掃盡了。纔見元帥去也。〔唱〕

〔正宮端正好〕想當初白水村聚英豪。今日在邯鄲路驅兵隊。論威名天下皆知。我從來南征北討多勞力。馬到處干戈退。

〔滾繡球〕則爲那漢蕭王武正直。因此上天不虧。則俺這衆英雄把他扶立。經到有幾千場惡戰相持。亂昆陽敵將。在饒陽賺威。想着我鬧叢臺把劉林身氣。

我如今保助着漢室華夷。則願的一人有慶安天下。那其間四海咸寧無戰敵。纔是我定亂除危。〔云〕遠遠的塵土起處。不知是那裡的人馬來了也。〔馬武躍馬兒領卒子上〕

〔云〕銅刀安社稷。赤馬定乾坤。某乃馬武是也。奉軍師將令。救取南宮縣。被某復奪了南宮。正回軍遇着俺漢將。與邳彤交戰。被他都戰敗了。某與他交鋒。被大風起攪了。各自收兵。元帥着我會合了銚次況。再和他交戰。兀的不是銚次況的旗號。〔做見科〕〔馬武云〕銚將軍。新豐縣事情如何。〔正末云〕馬子張。被某復奪了新豐縣也。〔馬武云〕不枉了銚將軍威名貫滿天下也。〔正末唱〕
〔倘秀才〕你道是天下人將咱來曉的。哎。你箇馬子張。四方可也盡知。俺則待同助炎劉立漢基。則願的家邦穩似磐石。君臣每聚會。〔馬武云〕將軍想着你白水村起兵。昆陽大戰。巡河北累建奇功。量這新豐縣。有何難哉。銚次況。不甫能俺當初滅了蘇獻。誰想蕭王不肯爲君。讓了更始。到今日反受其勞也。〔正末云〕馬子張。似俺蕭王主人。仁慈德厚。端的少有也呵。〔唱〕

〔脫布衫〕他可使與軍士同喜同悲。遇敵處先要當爲。昆陽外單身奮勇。大軍前會施武藝。〔馬武云〕想蕭王平日遇小敵而怯。在昆陽遇大敵。全然不懼。實乃真命之主也。

〔正末唱〕

〔小梁州〕他可也不怕軍多大戰敵。自有那天助神威。只因漢室不傾摧。聚下些英雄輩。端的俺箇箇世爲魁。〔馬武云〕自從隨元帥按巡河北。無一日不交鋒也。〔正末唱〕

〔么篇〕自從來到邯鄲地。何曾道戰馬停蹄。辦着這報國心俺可也當竭力。則爲俺臣賢君義。扶助起一統錦華夷。〔馬武云〕將軍。我貪說話。可忘了。銚將軍。如今鉅鹿。邳彤。連敗俺數員漢將。某與他交鋒。被風大攪了。俺元帥着我會合了將軍。共去戰邳彤去。銚將軍。那邳彤委的英勇也。〔正末云〕量他到的那裡。如今新豐餘黨未除。將軍同我安定了新豐。回去戰邳彤。也未爲晚也。〔馬武云〕將軍且休說話。前面有人馬來也。〔邳彤上〕云。自家邳彤是也。奉父親言語。着我勸邳彤哥哥罷兵。休與漢蕭王交戰。兀那人馬。敢是俺哥哥的。我向前看去。〔馬武云〕來者何人。〔邳彤云〕原來不是俺哥哥。可是漢兵。我捨着做和他纏一會。撞過去罷。你不要問我。你是何人。〔正末云〕馬子張。等我拏這厮。兀那厮你聽者。〔唱〕

〔醉太平〕你聽我說知。我是那漢將中銚期。俺跟前怎敢說兵機。按不住怒起。〔馬武云〕休教走了這厮。〔調陣子科〕〔正末唱〕則我這烏騅馬到敵軍退。黑纓槍起難逃避。我教他黃金甲上血淋漓。〔做拏邳彤科〕〔唱〕你看我施逞些膂力。〔做拏邳彤跪科〕〔云〕你是甚麼人。〔邳彤云〕二位老爹。我是邳彤的兄弟邳岩。〔馬武云〕銚將軍。你不知

道這箇是邳彤的兄弟邳岩。兀那厮。你家邳彤在那裡。〔邳岩云〕俺父親使我勸俺哥哥去收軍。休與蕭王交戰。不想遇着將軍。你要饒了我。我買兩餅肉鮮你喫。〔正末云〕馬子張。你將這厮先拏將去見元帥。等我安定了新豐百姓。便回來戰邳彤去。〔馬武云〕某知道了。饒將軍。你早收軍回來者。〔正末云〕馬子張勿罪也。〔唱〕

〔尾聲〕先將這新豐餘黨都寧息。後着那鉅鹿軍兵來順歸。〔馬武云〕論將軍的武藝。有萬夫不當之勇也。〔正末唱〕非干咱妙武藝。遇雄師敢去敵。在軍前忿怒起。若見那強霸的邳彤。我和他戰到底。〔下〕〔邳岩云〕馬叔。那箇老官兒去了。你放了我罷。〔馬武云〕銚次況去了也。拏着這厮。先見元帥。走一遭去。俺漢家將士英雄。收三縣都建奇功。銚次況收兵合會。看今番大戰邳彤。〔同下〕

第三折

〔鄧禹同任光馬成王常領卒子上〕〔鄧禹云〕常驅數萬人和馬。幽州城下捉賊徒。某鄧仲華是也。自因按巡河北。士馬不寧。與蕭王主人屯兵於信都。有彭寵馮政圍了俺三州。着三箇先鋒救下。某去幽州智擒了彭寵馮政。回來他降了漢。着他還在邯鄲鎮守。前三箇先鋒救三州。還未回來。說都與邳彤交戰去了。未知得勝也不曾。〔任光云〕軍師。這河北豪傑。看了邳彤。端的是英

雄也。〔馬成云〕將軍則一件。俺在河北大戰。有數十場。未曾見這等英雄也。〔王常云〕二位將軍。俺巡河北。平定了七分州縣。不期邳彤在鉅鹿。急難措手。委實英雄。三箇先鋒。未知勝敗也。〔鄧禹云〕三位將軍。這勝敗者。古今常事也。小校轅門首望者。若來時報某知道。〔卒子云〕理會的。〔岑彭上〕〔云〕陣前施武藝。馬武助吾功。某岑彭是也。奉軍師將令。去救三州。就着某戰邳彤。剛來至陣前。不曾交戰。聽的鳴金。原來是馬武與邳彤戰去了。某忿怒而回。見軍師走一遭去。來到也。小校報復去。道有岑彭來了也。〔卒子云〕理會的。〔報科〕〔云〕喏。報的軍師得知。有岑彭來了也。〔鄧禹云〕道有請。〔卒子云〕理會的。有請。〔岑彭見科〕〔云〕軍師。某奉令救下三州。戰邳彤已回也。〔鄧禹云〕將軍少待。衆將這早晚敢待來也。〔馬武拏邳岩上〕〔云〕銅刀敢鬪方天戟。猛將常驅大勢兵。某馬武是也。因戰邳彤。爲風起回來了。路上撞見銚期。拏了邳岩。見軍師去。〔邳岩云〕老馬。我是好人。又不曾來與你交戰。你拏我來做甚麼。〔馬武云〕等我見了軍師。着。小校報復去。道有馬武捉的邳岩來了。〔卒子云〕理會的。〔報科〕〔云〕喏。報的軍師得知。有馬武捉了一將來見。〔鄧禹云〕道有請。〔卒子云〕理會的。有請。〔馬武見科〕〔云〕軍師。有銚期捉住邳岩。教馬武拏來見軍師。銚期他便來也。〔鄧禹云〕小校着那邳岩過來。我問他。〔邳岩跪科〕〔云〕軍師。你饒了我罷。〔鄧禹云〕你是誰。怎生撞見銚期來。你說。〔邳岩云〕我是邳彤親兄弟邳岩。我父親是

邳順。因爲我哥哥與您交鋒。着我去邊庭上勸我哥哥罷兵。一陣風起。不想撞見您馬武。把我拏將來了也。〔鄧禹云〕既然如此。解了他綁縛者。將軍某放你回去見您父親。說劉文叔多多拜上。勸邳彤早些兒來降漢。您子父每必有重賞加官也。你回去。〔邳岩云〕我知道。出的這門來。天也。天也。早是這鄧禹好。放了我。着俺父親勸哥哥來降漢。我回鉅鹿去也。多虧鄧仲華。放我早回家。若是差人趕。走了沒處拏。〔下〕〔鄧禹云〕馬子張。他去了也。這早晚銚期敢待來也。〔卒子報科〕

〔二云〕可不早說。報的軍師得知。有彭寵馮政。復獻了邯鄲。反歸劉林。蕭王主人不知有無銚期救去了。又有邳彤索戰。單搦銚期哩。〔鄧禹云〕你看這厮每反復不定。小校便傳我將令。着銚期休救邯鄲。則教他戰邳彤去。我自有計策也。〔卒子云〕得令。〔鄧禹云〕小校與我喚邳惲來。〔卒子云〕理會的。邳惲元帥有請。〔外扮邳惲上〕〔二云〕身材雖小。志多能。偷營劫寨。某爲尊。手下鴉兵。知勝敗。鐵棒輕輪。敢戰爭。某姓邳名惲字君章。本貫西河縣人也。爲某多習戰策。謀略過人。領三萬鴉兵。或聚或散。常慣偷營劫寨。某使兩條釘錠狼牙棒。百萬軍中敢戰。某佐於漢蕭王麾下。自昆陽之後。按巡河北。累經百戰。今有軍師鄧仲華呼喚。須索走一遭去。可早來到也。小校報復去。道有邳惲來了也。〔卒子云〕理會的。〔報科〕〔二云〕喏。報的軍師得知。有邳惲來了也。〔鄧禹云〕道有請。〔卒子云〕理會的。有請。〔邳惲做見科〕〔二云〕軍師喚邳惲。那裡使用。〔鄧禹云〕邳君章。你近

前來〔鄧惲云〕某有〔鄧禹做打耳暗科〕〔云〕可是恁的。〔鄧惲云〕某得令。則今日便去鉅鹿掌仲華之計。走一遭去。鴉兵三萬。顯高強軍師。扶漢用賢良。鉅鹿城下施謀略。穩取邳彤拱手降。

〔下〕〔鄧禹云〕鄧惲去了也。馬子張岑君然。你二將去救鄧鄲。尋蕭王主人。務要成功。小心在意者。〔馬武云〕某得令。則今日便去救鄧鄲。保蕭王主人。擒彭寵馮政。走一遭去。赤銅刀斬將多能。龍駒馬撞隊冲軍。去鄧鄲親排戈甲。則一陣靜掃煙塵。〔下〕〔岑彭云〕馬武去了也。某則今日同他直至鄧鄲。救蕭王。擎彭寵馮政。走一遭去。顯威風扶立江山。松文刀斬盡兇頑。統士馬軍前戰鬪。則一陣復取鄧鄲。〔下〕〔鄧禹云〕他二將去了也。任伯卿馬成王常。你三箇將軍。去鄧鄲一帶接應漢兵。催趨糧草。只今便行。小心在意者。〔任光云〕得令。某便領兵去鄧鄲城下。俺三將去來。

〔馬成云〕任將軍軍師。令不宜遲滯。便素整點軍士也。〔王常云〕任伯卿。俺巡河北。正是鄧鄲鉅鹿兩處要緊。未曾收復哩。〔任光云〕您同某鄧鄲城下走一遭去。撞陣馬踢跳彎。三員將似虎離山。辭大營軍前戰鬪。則一陣復取鄧鄲。〔同王常馬成下〕〔鄧禹云〕衆將去了也。某則今日操練下軍士。準備成功。鄧鄲必破。我料俺主公。逢大難而不動。必又得賢士而來也。某再使人軍前打探。且回後帳中去來。使衆將各處伏兵。因彭寵變亂。疆封俺主公。必定無事。救鄧鄲衆將成功。

〔下〕〔外扮寇恂領淨道童上〕〔云〕荒荒黎庶不能停。賢愚未辨各爭鋒。胸藏萬卷孫吳策。隱居

河北暗埋名。貧道姓寇名恂字子翼。本貫鉅鹿長城人也。幼年廣習戰策。多看兵書。深知地理天文。諳曉孫吳兵法。驅隊伍指物成形。排陣勢呼風喚雨。今因更始年來盜賊生發。河北州郡變亂。劉林獨霸邯鄲。不識賢愚。今聞漢肅王奉命來巡河北。收復各處。貧道早間巡紋指指。今晚半夜前後。必有貴人至也。道童〔道童云〕師父。徒弟有家裏師父娘好麼。〔寇恂云〕你則在庵門首等着。今晚必有貴人至也。〔道童云〕這箇師父睡了便罷也。半夜三更。着我等。等到幾時。〔寇恂云〕無有一箇時辰便至也。你門首望着去。〔道童云〕我知道。看有甚麼人來。〔劉末上〕〔云〕不料彭寵馮政計。邯鄲失陷。痛折兵。某劉文叔是也。自按巡河北以來。多得衆將之力。自叢臺大戰。累收數處城池。從青州擒李獻之後。俺衆將聚兵於信都。敵鉅鹿邳彤。有邳仲華去幽州降彭寵。取了邯鄲。某同他二人。鎮守此處。二賊反生機見。勾引劉林軍馬。暗取邯鄲。多虧衆將保某出城。領五百軍至飛龍澗前。又遇着彭寵軍馬。大殺一陣。不期五百軍士折盡了。某着荒沿澗而走。見一隻白兔領路。某跟隨出離軍陣。這早晚有三更時分。至此一莊院裏面點着燈燭。我試喚門者。莊院裏有人麼。〔道童云〕真箇有人叫門。我開開這門。〔做開門見劉末科〕〔云〕客人那裡來的。〔劉末云〕我是河北官人。特來投宿。〔道童云〕你怎麼這等氣喘。你敢有些慌。我報師父去。報的師父得知。真箇有人來了也。〔寇恂云〕道童不必你說。我已知也。〔做見劉末科〕〔云〕主公有請。貧

道接待不着也。〔做拜科〕〔劉末云〕先生請起。怎生就知小官那。〔寇恂云〕主公。貧道早間觀氣色。知今日主公至此也。邯鄲受驚恐也。〔劉末云〕先生姓甚名誰。〔寇恂云〕貧道姓寇名恂字子翼。在此隱居。等主公來。一同去收邯鄲劉林。主公衆將。都皆無事。劉林早晚合休也。〔劉末云〕先生。小官因巡河北。在邯鄲受危。誤落在此。萬望師父不棄。扶助劉秀。意下如何。〔寇恂云〕主公不必說也。貧道只今與道童便去也。貧道此一去。一來拏鉅鹿邯鄲。二破邯鄲劉林。三與主公定其太平。主公先行。貧道便至也。〔劉末云〕小官先行也。先生隨後便往信都聚會。共破劉林軍馬。走一遭去。失邯鄲衆將皆驚。立漢朝各顯英雄。山庵中招賢納士。鉅鹿城定捉邯鄲。〔下〕〔寇恂云〕道童快收拾行李。明日早便往信都去也。〔道童云〕師父。我收拾停當了。要去便就走了罷。我不奈煩慢悵。〔寇恂云〕貧道則今日便往信都營中降漢蕭王。走一遭去。憑手策道法精通定河北一帶英雄。扶蕭王赤心立漢。破邯鄲天下太平。〔同下〕〔邯鄲驪馬兒領卒子上〕〔云〕晝戟一枝敵彼將。征驍踢跳善冲軍。某邯鄲是也。今有趙王劉林。着某與劉文叔部下衆將相持。那日有岑彭馬武與吾交戰。看了漢將。委實箇箇高強。有我父數次勸諫。着某降漢蕭王。某堅執不從。今日統兵當住鉅鹿大道。止有銚期。某不會與他交鋒。使小校下戰書去了。單搦銚期出馬。這早晚敢待來也。〔正末驪馬兒領卒子上〕〔云〕某銚期是也。奉鄧仲華將令。前去救三州已回。路上

撞見邳岩被某擎住。着馬武送去漢營。不期馮政獻了邯鄲。着某則鉅鹿戰邳彤。大小三軍。擺布的嚴整者。俺慢慢的行也。〔唱〕

〔越調鬪鶴鶩〕猛聽的擂鼓篩鑼。開弓蹬弩。吶喊搖旗。一箇箇揚威也。那耀武。我和他決戰千合。將我這平生氣出。也不用槍共刀。劍共斧。撞見那英勇的邳彤。將我這槍尖力舉。

〔紫花兒序〕今日箇要分贏敗。定見高低。顯箇賢愚。則我這槍尖指處。他若是半步兒心虛。平除我着那逆黨奸邪拱手伏。他可也知咱名譽。那一夥無知的之徒。怎如我這虎將之軀。〔邳彤云〕遠遠的塵土起處。必有漢兵至也。這一將槍馬威嚴。來者何人也。〔正末云〕你敢是邳彤。〔邳彤云〕然也。你是誰。〔正末云〕行不更名。坐不改姓。則我是漢將先鋒大將銚期是也。〔邳彤云〕則你便是銚期。某單搦你來與吾交戰。我和你太陽斜坐場寶雕鞍。火把滅。蹴折鑕鐵鐙。我和你略鬪九千合。今日要決分勝敗。〔正末云〕你賣弄你英雄。某與你交戰幾合。〔邳彤云〕來來來。休論誰強誰弱。和你比並箇高低。決戰千合也。〔正末云〕操鼓來。

〔做調陣子科〕〔唱〕

〔調笑令〕你那裡叫呼立。在垓衢呀。我可也量你箇邳彤。則是一餓夫。你來我

行施威怒。下雕鞍趁早兒歸伏。則我這槍尖起處。你身受苦。今日你性命遭誅。

〔邳彤云〕銚期。今日棋逢對手。匠遇作家也。你是好武藝爲魁。我和你再戰幾百合。〔做戰科〕

〔正末唱〕

〔鬼三台〕聽說罷心中怒。我將他迎敵住。者莫他呼風喚雨。我和你今日見箇贏輸。使不的你槍刀亂舉。〔邳彤云〕我和你決戰千合。不見輸贏。今日我這心中恍惚不寧。有些怯戰。不知爲何也。〔正末唱〕他那裡兢兢戰戰有怕懼。荒荒亂亂無是處。賣弄你武藝精嚴。登時間生魂入土。〔邳背云〕這銚期槍法高強。某方天戟也不弱。我如今換了兵器。和他再戰幾合。銚期。我不用方天戟。將我這鉞楞鋼。再和你戰幾合。〔正末云〕我也不使這黑纓槍。我有竹節鞭。我和你鞭對鋼戰幾合。〔邳彤云〕今日既和你相見。來來來。再戰幾合。〔做調陣子科〕〔正末唱〕

〔禿厮兒〕者莫你長槍巨斧。者莫你妙法神術。我這裡慌忙便把兵器取。銜鋼鞭不尋俗。可也無虛。

〔聖藥王〕你將這鋼賣出。我將這鞭對付。再與你交戰數合餘。〔外卒子做報科〕〔云〕邳將軍。且休戰。禍事了也。〔邳彤云〕禍從何來。〔外卒子云〕今被漢將鄧惲。火燒了俺營寨了也。

〔下〕〔鄧彤云〕噫。大營不打緊。有我一雙父母。年高。在營中必然有失也。銚期。某不與你交戰。我去救營寨去也。走走走。〔下〕〔正末云〕鄧彤走了也。〔唱〕聽的箇軍士言。連叫苦。火燒了寨棚。命虧圖。〔帶云〕待走的那去。〔唱〕直趕上見箇實虛。〔云〕小校跟着某趕將去來。〔卒子云〕得令。〔正末唱〕

〔尾聲〕捲旗旛逕往營中去。不趕上非爲丈夫。殺的那軍士拽不開弓。便有那兒郎搥不的鼓。〔下〕

第四折

〔鄧禹上〕〔云〕中興漢將功勞大。鉅鹿鄧彤武藝強。破滅邯鄲平宇宙。一心扶立漢肅王。某鄧仲華是也。有彭寵馮政。兩箇匹夫。數次反復未定。又將邯鄲獻與了劉林。我差馬武岑彭。捉此二賊。着銚期去戰鉅鹿鄧彤去了。若收了鄧彤。得了鉅鹿。河北州郡。望風而降。定天下太平。銚期此一去交戰。未知輸贏勝敗。我使的箇能行快走的報喜的探子去了。這早晚敢待來也。〔正末扮探子上〕〔云〕一場好廝殺也呵。〔唱〕

〔黃鍾醉花陰〕聽的那敢戰的軍兵陣前攪。密匝匝雲遮了這陣角。箇箇不相饒。人馬着傷殺的他無着落。這一場顯功勞。聽小校明開。〔帶云〕報。報。報。〔唱〕軍

事了。〔鄧禹云〕好探子也。他從那陣面上來。你看他那喜色旺氣。疾似山前水快流。弓彎雀樵顯交遊。短甲遮身錦戰襖。滲青巾壓虎彪頭。行如閃電流星急。雉尾金環錦臂鞦。邳彤銚期征戰處。久戰千合未肯休。兩員將鉅鹿下交戰。誰輸誰贏你喘息定。慢慢的說一遍者。〔正末云〕聽我喘息定。慢慢的說一遍。〔唱〕

〔喜遷鶯〕一騎馬從東來到。貌堂堂端的英豪。堪描。在陣前高叫。那一箇合死的先來爭戰討。他那裡忒躁暴。撲到那垓心便戰。急煎煎二馬相交。〔鄧禹云〕兩陣對圓。旗鼓相望。鼓聲振地。喊殺連天。征塵蕩蕩。土雨紛紛。那壁廂邳彤出馬。怎生打扮。河北天星是一絕。行兵武藝壓三傑。頭上盔纓紅日滾。身邊袍鎧火雲遮。畫戟尖頭生冷氣。黃旛颭颭綵霞斜。劍長馬跨蒼龍背。則他是宿按天邊翼火蛇。俺銚期怎生與他交戰。你喘息定。慢慢的再說一遍者。〔正末唱〕

〔出隊子〕俺銚期逢山開道。端的是多榮耀。冷颼颼劍共戟槍刀。雄赳赳軍卒排列着。俺這裡軍將英雄。端的是無價寶。〔鄧禹云〕俺這裡大將銚期。臨陣敵住邳彤。則見那征雲籠地角。敵氣罩長空。英雄邳彤。戟尖穩護漢江山。猛將銚期。槍尖復奪王世界。一箇是翼火蛇初降離宮。一箇是井木犴纔離了巽位。一箇紅袍絳火。似滾滾曉霞纏身。一箇青巾籠煙。

如片片翠雲遮體。一箇惡狠狠似護法金剛。一箇威凜凜如金頭揭諦。一箇方天戟銀光旋遠。一箇黑纓槍煙霧籠遮。一箇槍來戟架。一箇戟去槍迎。我則見鉅鹿城前排戰場。兩員虎將定邊疆。從來自有將軍勇。不似今番戟鬪槍。你喘息定。再說一遍者。(正末唱)

〔刮地風〕密匝匝排成槍共刀。這征戰好是蹊蹺。登時間衆將都來到。四壁下各處藏着。一箇箇人如虎豹。馬似鸚鵡。這壁廂那壁廂施逞韜略。俺這裡衆將軍亂道好。一心向青史名標。衆軍校猛然擡頭瞧呀。敢敗殘軍各自逃。(鄧禹云)我則見槍迎戟捍。足律律烈焰飛騰。戟架槍尖。浙零零火星落地。一箇救住方天戟。一箇攔住黑纓槍。一箇忙輪黃金錮。一箇急取水磨鞭。一箇鞭懸定鐵。一箇錮掛熟銅。一箇鞭丟鳳翅。一箇錮打兜頭。一箇鞭來鋼架。一箇錮去鞭迎。鞭打天靈腦蓋着。錮丟脊骨腿腰搖。鞭拷珍珠裏汗帶。鋼截盔上絳纓毛。滾起有如龍擺尾。鋼落渾如巨蟒腰。鞭鋼相迎無勝敗。不似今番這一遭。你喘息定。慢慢的再說一遍者。(正末唱)

〔四門子〕半虛空幾箇連珠砲。喊一聲就戰討。銚期又勇。邳彤又驍。剛瞧見半星兒差共錯。銚期又勇。邳彤又驍。殺的他橫攔豎倒。(鄧禹云)兩員將惡戰多時。鬪到有百合向上。戰的那青天失色。紅日無光。山搖海沸。屋塌樓崩。不分勝敗。不匡邳彤營中腦背後

振天火起。燒了本營。邳彤害慌。銚期當住。正是漢將機謀。他怎曉英雄之計。兩員大將分勝敗。破滅邯鄲除殘害。騰騰煙火半天紅。邳惲騎兵燒了寨。那邳彤怎生與俺衆將相持。你喘息定。再說一遍者。〔正末唱〕

〔古水仙子〕呀呀呀。有岑彭大桿刀。是是是。敢戰的王常有計較。俺俺俺。英雄的銚期。他他他。軍前踴躍。見見見。邳君章的火亂着。好好好。赤銅刀馬武難學。苦苦苦。着傷的彭寵忒力勞。是是是。軍師的兵法多奇妙。喜喜喜。這河北盡復了。〔鄧禹云〕既然今日俺衆將都皆成功。銚期況英雄得勝。戰退鉅鹿邳彤。定破邯鄲軍馬。河北州縣。一鼓而休。探子。賞你十隻羊。十瓶酒。一錠銀。你自回本營中去。〔正末唱〕

〔尾聲〕得勝軍卒儘歡樂。凱歌聲金鑼鞭敲。俺這裡得勝顯英雄。他這箇天下少。〔下〕〔鄧禹云〕俺這裡銚期等衆將。各處建功。去救邯鄲。截殺劉林。惟有邳惲去火燒了營寨。銚期在鉅鹿大戰邳彤。成功得勝。某明日同到大營。肅王主人。必然回還也。那其間再定計捉邳彤。走一遭去。俺這裡將英雄各展其才。破邯鄲指日城開。若遇着邳彤虎將。務要他拱手降來。〔下〕

第五折

〔鄧禹領卒子上〕〔云〕筆尖寫出成功計。保助家邦帝業昌。某鄧仲華是也。今巡河北州郡。有彭

寵馮政。數次無禮。又有鉅鹿邳彤不降我。着衆將救邯鄲。保蕭王主公。我料必收一員大將來。又着人拏二賊。戰邳彤。任光衆將。各處救應去了。小校轅門首望着。若衆將來時。報某知道。(卒子云)理會的。(王常同任光馬成上)(王常云)心扶漢業。忠良將。顯出當時打虎威。某王常是也。二位將軍。任光馬成。奉鄧仲華將令。去救邯鄲。成功而回也。(任光云)將軍。俺漢將赤心輔佐。定其河北地方也。(馬成云)將軍。邯鄲軍馬大敗。俺大殺了這一陣。見軍師去來。(王常云)小校報復去。道有俺三將來了也。(卒子云)理會的。(報科)(云)喏。報的軍師得知。有任光王常馬成來了也。(鄧禹云)道有請。(卒子云)理會的。有請。(三將見科)(馬成云)軍師。俺三將邯鄲城下大戰成功也。(鄧禹云)三位將軍。於國膂力辛勤。這早晚衆將敢待來也。(馬武岑彭擎彭寵上)(馬武云)鋼刀殺盡劉林將。短劍常羸河北兵。某銅刀馬武是也。奉軍師的將令。去救邯鄲。說蕭王主人往西角下去了也。俺擎將彭寵來了。(彭寵云)二位老官兒。不干我事。來回獻城。都是馮政來。饒了我罷。(岑彭云)馬子張和他說甚麼。等擎將馮政來。一同殺這厮每。俺過去見軍師去來。可早來到也。小校報復去。道有馬武岑彭擎彭寵來見。(卒子云)理會的。(報科)(云)喏。報的軍師得知。有馬武岑彭擎彭寵來見。(鄧禹云)道有請。(卒子云)理會的。有請。(二將見科)(馬武云)軍師。俺二將救邯鄲捉彭寵。一陣成功也。(鄧禹云)二位將軍少待。且把這彭寵擎在一

壁者。衆將敢待來也。〔邳惲上〕〔云〕兩條鐵棒快。三軍敢戰爭。某邳惲是也。奉軍師將令。舉火燒邳彤營寨。着他降漢。使鴉兵尋他父母。不知去回。某見軍師去。可早來到也。小校報復去。道有邳惲來了也。〔卒子云〕理會的。〔報科〕〔云〕喏。報的軍師得知。有邳惲來了。〔鄧禹云〕道有請。〔卒子云〕理會的。有請。〔邳惲做見科〕〔云〕軍師。某奉令燒寨成功。不曾見邳彤父母。〔鄧禹云〕君章。我料他父母無傷。算主公今日。必有一賢士至也。小校望者。這早晚敢待來也。〔劉末同寇恂上〕〔劉末云〕河北煙塵循指定。邯鄲城破已成功。小官劉文叔是也。自離信都。同鄧禹收了彭寵馮政。我守住邯鄲城。不期此二人反復不定。將城失陷。我出城走至西小角山下。遇着寇恂先生。今日回信都城去來。〔寇恂云〕主公。貧道至大營。見了衆將。我料邳彤今日午時定要來。貧道略施手策。目下成功也。〔劉末云〕先生的大名。小官聞之久矣也。可早來到營門首也。小校報與鄧仲華衆將。說我來了也。〔卒子云〕理會的。〔報科〕〔云〕喏。報的軍師得知。有主公又領一先生來了也。〔鄧禹云〕衆將。俺接主公去來。〔衆將做接科〕〔鄧禹云〕主公。邯鄲城中。煞是驚恐也。〔劉末云〕仲華。你驅兵不易也。〔鄧禹云〕這位先生何人。〔劉末云〕則他便是河北寇恂先生。〔鄧禹云〕俺聞名許久。今日相逢。共興王業。先生。諸處平伏。止有鉅鹿邳彤未收哩。〔寇恂云〕不必軍師勞心。我料邳彤。今日定來搦戰。某着他拱手而伏。可是爲何。你使邳惲放火。我使了道童。

去火裏救他父母。一准今日來也。您漢將少誰哩。〔鄧禹云〕還少先鋒銚期未來哩。〔劉末云〕等銚期來時。報復我知道。〔卒子云〕理會的。〔正末領卒子拏馮政上〕〔云〕某銚期是也。昨日與邳彤交戰。俺軍師用計。差邳惲燒了邳彤營寨。恐傷了他父母家小。邳彤聽的不與某交戰。則去救火。俺各收了兵。今各處都平定了。止有邳彤未降。某擒了馮政。去營中見元帥去也。〔唱〕

〔雙調新水令〕今日箇陣前衆將顯高强。捨殘生要圖名望。重扶新社稷。再整舊家邦。則爲俺仁德蕭王。你看我將河北盡歸向。〔云〕可早來到也。報復去。有銚期來了也。〔卒子云〕理會的。〔報科〕〔云〕喏。報的元帥得知。有銚期來了也。〔劉末云〕道有請。〔卒子云〕理會的。有請。〔做見科〕〔正末云〕元帥。某戰邳彤。他因救火收軍而回。我今拏將馮政來了也。〔劉末云〕銚次況。那邳彤也近不過將軍。他故意的走了。〔寇恂云〕將軍。那邳彤但來。俺一准擒了他。〔鄧禹云〕今日衆將都獻功。則少邳彤來降也。〔正末云〕元帥。衆將都在此。則我手裏務要邳彤降了元帥。〔劉末云〕將彭寵馮政。且拏在一壁者。〔正末唱〕

〔落梅風〕憑着俺英雄將。有智量。出來的陣前莽撞。巡河北交鋒到幾萬場。不離了馬鞍轡上。〔劉末云〕您衆將近前來。我欲要您再去戰邳彤。可惜損了這員虎將。數次招安他。又不肯降俺。你如今怎生計議。〔正末云〕某再去戰邳彤去。〔寇恂云〕銚次況且休躁暴。俺定

計擊邳彤去。不可與他交鋒也。〔正末唱〕

〔川撥棹〕你則要費商量。不如我陣前嚷。越教他志氣軒昂。忒逞疎狂。我管教他今番滅亡。滿城人遭禍殃。〔寇恂云〕我則要招安他。以此阻您交鋒也。〔正末唱〕

〔七弟兄〕者莫他要強自當。有何妨。那邳彤則是人模樣。又無那三頭六臂放神光。交鋒處兩家相侵傍。〔寇恂云〕我則今日定時捉拏了他也。〔正末唱〕

〔梅花酒〕我將他來忒小量。憑着我手內長槍。馬壯人強。不怕他將士成行。〔劉末云〕我則怕傷着邳彤。因此上着您且休戰去。〔正末唱〕我若是惡戰敵。必定他要着傷。似這般怎主張。他如今不來降。又阻俺動刀槍。又阻俺動刀槍。

〔收江南〕呀。幾時得平除逆黨治民康。這些時南征北討忒心忙。我觀那邳彤一箇有何妨。今日在陣上。敢和他忘生捨死戰干場。〔寇恂云〕呀呀呀。鄧仲華兀的不風起了也。〔鄧禹云〕先生。這風主何凶吉。〔寇恂云〕主公在上。您衆將近前來。這陣風過。必有軍馬來也。〔劉末云〕先生。敢是邳彤的軍馬來。先生怎生做箇計較。〔寇恂云〕主公。若邳彤軍馬來。鄧仲華。你調衆將。我助風沙。着邳彤迷了陣。衆將齊下手。務要拏了邳彤也。〔鄧禹云〕您衆將如今出營去。門外兩下廂排着軍馬。等邳彤來。不許交戰。某自有計策。〔衆將云〕得令。〔鄧禹云〕先

生。我支撥了衆將也。你有何妙策。〔寇恂云〕如今衆將擺布下了也。銚先鋒。你近前來。〔正末云〕某有那廂使用也。〔寇恂云〕銚將軍。等邳彤來時。你先敵住他。引入陣來。我自有妙法也。〔正末云〕得令。等邳彤來。自有箇主意。〔邳彤領卒子上〕〔云〕某乃邳彤是也。與漢將累戰不克。今日某直至他大營前索戰去。〔見科〕〔正末云〕兀那邳彤。你及早降了罷。〔邳彤云〕銚期。我和你略鬪幾合。〔正末云〕操鼓來。〔調陣子科〕〔唱〕

〔掛玉鉤〕我則見那雜彩旗開。兩下廂施踴躍先來撞。我這裡掌着機謀忍的荒。則索去相遮當。賣弄他武藝高。看不的喬模樣。你如今日下遭擒。則教你無處潛藏。〔云〕不與你交戰。回本營中去。〔邳彤云〕我與你趕將去。〔寇恂云〕將旗來。〔卒子遞旗與

寇恂科〕〔寇恂做搖旗科〕〔云〕疾風不來。等幾時。〔邳彤云〕好大風也。可怎生軍也不見了。飛沙走石。黑洞洞的。那這馬怎生不走了那。〔寇恂云〕您衆將不拏了邳彤。等甚麼也。〔正末同衆將做拏邳彤科〕〔劉末云〕您衆將軍休動手。不要傷着他。邳將軍。你降了漢罷。〔邳彤云〕住住。今日既拏住某。大丈夫寧死而不辱。我至死也不降。〔寇恂云〕邳將軍。你好不省也。聖人道。高鳥相良木而棲。賢臣擇明主而佐。您看我這漢將。都來扶持。你爲何不降漢。〔邳彤云〕某不爲別。既到今日。也則爲那憐燒死了我父母家屬。某以此不降。〔寇恂云〕原來如此。假若你父母有呵

呢。〔邳彤云〕若有我父母在。願情歸降。扶持大漢也。〔寇恂云〕你道定者。則爲邳惲舉火時。貧道先知了。我使道童就火裏背出你父母來了也。〔邳彤云〕既有我父母。請來我見。〔寇恂云〕小校。與我喚將道童來者。〔卒子云〕理會的。道童安在。師父呼喚。〔淨道童同邳順邳岩卜兒上〕〔道童云〕自家道童是也。奉師父法旨。去邯鄲邳彤營中。火內救出邳順來。老官兒行動些。見師父去來。〔邳順云〕小師父。多虧了你。救了俺一家兒也。俺過去見師父去來。〔道童云〕您自己過去。〔做見科〕〔邳順云〕兀的不是邳彤。你不聽我的言語。今日如何被捉也。〔邳彤云〕父親。你在那裡來。〔邳順云〕寇恂師父使道童。就在火裏救出俺來了也。〔卜兒云〕邳彤。你當時不聽老拙之言。今日何如。蕭王主人。實乃聖明之君。你今投降了罷也。〔邳彤云〕既然有了我父母。罷罷罷。我降了罷。〔寇恂云〕將軍。你若早降時。不索費心也。今日河北安寧。邳彤降漢。依舊守鉅鹿。當以慶功也。〔正末云〕邳將軍。你早則死心塌地也。〔劉末云〕小校。擡上果卓來。與衆將慶功飲酒也。〔勳樂科了〕〔王常執壺科〕〔鄧禹把盞科〕〔二云〕這按巡河北。皆托主公之福。這杯酒主公先飲。〔劉末云〕這場事多虧了寇先生。這杯酒寇先生先飲。〔寇恂云〕貧道怎敢先飲。主公飲。〔鄧禹云〕主公滿飲此杯。〔劉末做飲酒科〕〔正末唱〕

〔清江引〕皆因是漢家不滅亡。臣宰每圖名望。天下盡來儀。四海齊歸向。則願

的大明朝帝業昌。〔劉末云〕衆將跪者。都與您加官賜賞。您聽者。您都是立國英雄。盡忠心敢勇相爭。巡河北收復州縣。邯鄲城大戰劉林。鄧仲華施謀用計。馬子張邳惲岑彭。立大功千贏千戰。一箇箇都顯威風。任伯卿馬成王常。都鎮守信都州城。寇子翼河北賢士。憑智勇獨顯才能。有邳順邳岩父子。尊禮義盡節全忠。勸邳彤忠言逆耳。扶漢朝史記留名。銚次況英雄無對。鉅鹿城死戰邳彤。因邳惲燒了營寨。寇恂使道重成功。一家兒都封重職。還都守鉅鹿長城。二賊子彭寵馮政。斬市曹性命難存。平河北定其士馬。排筵宴犒勞三軍。黎庶安均沾雨露。四海寧天下太平。奉聖命加官賜賞。一齊的拜謝皇恩。

題目

銚次況復收邯鄲

正名

寇子翼定時捉將

定時捉將穿關

頭折

劉末 麥簷帽 蟒衣曳撒 黃袍 項帕 卒子 紅碗子盔 青布釘 劍 任光 鳳翅盔 蟒衣 項

帕 直纏 三髯髻 馬成 鳳翅盔 膝襴曳撒 袍 項帕 三髯髻 王常 鳳翅盔 膝襴曳撒 袍 直纏 三髯髻

膊 帶 帶 鄧禹 撒髮盔抹額 蟒衣曳撒 袍 項帕 雙鴈翎刀 馬武 獅磕腦盔 蟒衣曳撒 袍 直纏 三髯髻

帶 紅 岑彭 鳳翅盔 蟒衣曳撒 袍 項帕 標槍 正末 鈔期 鐵幘頭 蟒衣曳撒 袍 直纏 三髯髻 帶

竹節鞭 猛髯

第二折

彭寵 皮簷帽 膝襴曳撒 掩心 劍 卒子 前 馮政 散巾 邊襴 鄧順 一字巾 茶褐 甲 項帕 直纏 膝襴 劍 鄧禹 馬成 任光 王

蒼白 卜兒 場頭手帕 眉額 襖 鞋 鄧岩 皮盔 膝襴曳撒 掩心 劍 鄧禹 馬成 任光 王 兒 裙兒 布襖 鞋 鄧岩 皮盔 膝襴曳撒 掩心 劍 鄧禹 馬成 任光 王

常 卒子 前 同 鄧彤 鳳翅盔 蟒衣曳撒 紅袍 項帕 卒子 前 任光 馬成 王常 又 上 前 同 鄧彤 鳳翅盔 蟒衣曳撒 紅袍 項帕 卒子 前 任光 馬成 王常 又 上

同前 躍馬兒 岑彭 同前 馬武 同前 提鑼 正末 鈞期 卒子 同前 躍馬兒 馬武 卒子 同前 躍馬兒 邳岩 又上

同前

第三折

鄧禹 任光 馬成 王常 卒子 同前 岑彭 同前 馬武 拏 邳岩 同前 邳憚 四縫笠子 盃 錦襖 皂袍 項帕 如

意裙 直纏 搭膊 帶 行纏 布襪 八 寇恂 散巾 邊欄道袍 緣 道童 雙髻 鬚髮 答鞋 猛髻 火葫蘆 雙狼牙棒 鴟兵旗 兒 三髯 髯 裙扇 陀頭 邊

欄道袍 繼兒 劉末 同前 邳彤 卒子 同前 躍馬兒 正末 鈞期 卒子 同前 躍馬兒

第四折

鄧禹 同前 正末 探子 碗子 盃 如意裙 直纏 錦襖 項帕 〔下關〕

鄧禹定計捉彭寵

關名

頭折

〔沖末扮劉末躍馬兒上〕〔云〕白水興兵數十秋。苦征惡戰統貔貅。招安將士從天命。復取江山還姓劉。某乃漢肅王劉文叔是也。自從白水村起兵。拜鄧仲華爲帥。收名將數十員。屯軍百萬。擒王莽。殺蘇獻。一鼓而休。與父報讐。後扶更始爲帝。將衆將封官贈職。各散地方。已去後。更始聽信胡殷等搬弄。差某按巡河北去。與某老少不堪軍五百名。某自過黃河已後。某又遇着鄧禹。鈔期等衆將。某心中大喜。行至邯鄲城。與劉林相見。不期劉林有反漢之心。扶王郎爲王。領精兵百萬。戰將千員。與某拒敵。某兵微將寡。難以拒敵。有衆將與劉林交戰。背後有一員王將追趕將某來。我用箭射死。行至半途。不知那廂去的是。某肚中甚是饑餓。在此歇息片時。衆將這早晚敢待來也。〔鄧禹同馮異領卒子上〕〔鄧禹云〕忠心扶社稷。主意保山河。某姓鄧名禹字仲華。這位將軍乃是馮異。俺正與劉林交戰之間。主公不知那廂去了。馮將軍。俺須索尋主公去來。〔馮異云〕元帥。前面一人一騎。敢是主公。俺趕將去來。〔鄧禹云〕兀的不是主公。俺見去來。〔做見科〕〔云〕主公受驚怕也。〔劉末云〕鄧仲華。您二人來了。可怎生不見鈔期等衆將來。〔鄧禹云〕主公放心。隨

後趕將來也。〔銚期同馬武岑彭領卒子上〕〔銚期云〕虎將英雄鎮八方。能爭慣戰鐵衣郎。扶持社稷雲臺將。永保皇朝帝業長。某乃銚期是也。這二位將軍乃是馬武岑彭。俺正與劉林交戰之間。主公不知那廂去了。俺衆將殺出陣來。尋主公去來。〔馬武云〕將軍說的是。俺趕將去來。〔岑彭云〕遠遠的一支人馬。敢是主公。俺向前去來。〔做見科〕〔銚期云〕主公。俺衆將正與劉林交戰之間。主公因何奔走也。〔劉末云〕您衆將不知。有王將趕將某來。被某一箭射死。我在此歇息。不想您衆將都來了也。〔銚期云〕主公受驚怕也。〔劉末云〕鄧仲華某肚中饑餓。不能前進。似此怎了也。〔鄧禹云〕主公權且在此歇息。時下便有進糧的將軍來也。小校望者。若有獻糧的將軍來時。報復某知道。〔卒子云〕理會的。〔正末扮吳漢領卒子推糧車上〕〔云〕某姓吳名漢字子顏。祖居南陽潁川人也。今佐於彭寵麾下爲將。俺元帥水性。不能主事。信着馮政搬調。不理大事。今差某領一萬軍并糧草。打聽蕭王劉林。看那一家有德。就降了他。某隨路聽的百姓每多讚漢蕭王有德。我將糧草進與蕭王。走一遭去也呵。〔唱〕

〔仙呂點絳脣〕我平日多覽才學。廣習韜略。眞奇妙。演就槍刀。憑手策居廊廟。〔混江龍〕我若是觀了容貌。我聞的漢王仁義忒清高。問一箇輸贏消息。討一箇名將來招。我待要就領兵來降漢主。也看箇輸贏勝負有功勞。這機關則恐

怕人知道。都則爲蕭王有德。因此上軍將來朝。〔云〕可早來到也。小校報復去。道有吳漢特來與主公進糧來也。〔卒子云〕理會的。睹報的主公得知。有吳漢特來與主公進糧來也。
〔劉末云〕不枉了軍師神機妙策也。〔鄧禹云〕不敢。皆因主公洪福也。小校道有請。〔卒子云〕理會的。有請。〔正末做見科〕〔云〕主公。小臣吳漢特來與主公進糧來遲也。〔劉末云〕不敢。量劉秀有何德能。着將軍鞍馬上勞神也。〔正末云〕主公。小臣一來進糧。二來有事商議也。〔劉末云〕將軍有何事商議也。〔正末唱〕

〔油葫蘆〕我這裡一一從頭說到了。大王你喜自招。〔鄧禹云〕吳將軍。你領着多少人馬敢來與主公拔刀相助來麼。〔正末唱〕領着有數千的人馬緊相邀。則聞您仁心廣有民稱道。又來打聽誰強弱。〔鄧禹云〕將軍。此言有實麼。〔正末唱〕你道是話有虛枉動勞。我笑這劉林豈肯行仁道。〔鄧禹云〕俺元帥的仁義。比劉林却是如何。〔正末唱〕常言道無福也難消。〔鄧禹云〕常言道。大丈夫當背暗投明。久以後萬載標名也。〔正末唱〕

〔天下樂〕博一箇萬古清風姓字好。端的是清也波標。〔鄧禹云〕吳將軍。事要前思。免勞後悔也。〔正末唱〕有計較。不爭俺要尋思有些差共錯。〔鄧禹云〕俺漢主麾下銑期等衆將。不在他人之下也。〔正末唱〕雖然你才智有。也要您福祿高。顯的這漢蕭王德。

行好。〔鄧禹云〕吳將軍。俺如今兵微將寡。不能與劉林對敵。望將軍舉薦。問彭寵王麾下借軍十萬。擒拏劉林。與民除害。異日必當重報也。〔正末云〕鄧軍師。吳漢不敢自專。着您一員上將。同見俺元帥去。商議的停當了。便將五十萬大軍來降也。〔劉末云〕此事如何計較。〔鄧禹云〕既是這等。您衆將誰跟吳將軍借軍。走一遭去。〔姚期云〕元帥。姚期走一遭去。如何。〔鄧禹云〕姚將軍去不的。〔馬武云〕元帥。馬武借軍。走一遭去。如何。〔鄧禹云〕馬將軍。你也去不的。〔馮異云〕元帥。馮異願往。走一遭去。如何。〔鄧禹云〕馮將軍。你去的。〔正末云〕一箇好將軍也。〔唱〕

〔金盞兒〕端的便是英豪。忒雄驍。堂堂七尺身榮耀。〔馮異云〕將軍。馮異到的那裡。見了彭寵。必然借與俺軍也。〔正末唱〕你休要將他小量性輕薄。他雖是箇水性軟弱將。慣戰處不相饒。我和你親自往務。要建功勞。〔劉末云〕馮將軍。此一去見了彭寵。央浼他多少。借些軍馬來。則要你小心在意者。〔正末唱〕

〔寄生草〕你休要耽驚怕。心下焦。俺若是招安數萬軍來到。便排筵宴生歡樂。免着別國人談笑。〔鄧禹云〕將軍。若借與軍呵。就差小卒報與主公知道也。〔正末唱〕領雄兵無事就回程。便差人先往軍前報。〔云〕馮將軍。則今日辭別了主公。便索長行也。〔劉末云〕將軍。則要你小心在意者。〔正末云〕主公。你放心也。〔唱〕

〔尾聲〕我和你背路裡倒消停。大路上人烟鬧。則願的得了雄兵最好。〔馮異云〕將軍。俺若借了軍來呵。即便回程。休教主公憂心也。〔正末唱〕及早歸來纔定交。這一場不避劬勞。有歸着暗暗的評跋。破得劉林都罷却。〔馮異云〕若說的彭寵歸降。俺久以後同享富貴也。〔正末唱〕你與我胷中記着。休生躁暴。俺若是一見彭寵便來朝。〔下〕

〔劉末云〕鄧仲華。馮異此一去。如何。〔鄧禹云〕主公。馮異此一去。不妨事。我料吳漢一片忠心。只是彭寵水性。不能主事。銚將軍。你同馬武岑彭。您三將接待馮異。走一遭去。則要你小心在意者。〔銚期云〕得令。奉元帥將令。俺三將接待馮異。走一遭去。忙差軍將出營門。去接馮異大將軍。若還擎得彭寵至。賜賞封官不世勳。〔同下〕〔劉末云〕銚期等去了也。軍師。俺且回後帳中去來。眼觀旌節旗。耳聽好消息。〔同下〕

第二折

〔外扮彭寵領卒子上〕〔云〕新室紛紛擾萬民。年來征討不曾停。英雄獨霸平州境。處處人聞彭寵名。某姓彭名寵字伯通。本貫漢中人也。自幼廣習兵書戰策。弓馬熟閑。膂力過人。因王莽變亂天下。被某殺敗。今部下有大將吳漢王梁萬脩。軍師馮政。小將馮異。我心中偏愛的是他。今差吳漢領一萬軍并糧草。打聽蕭王與王郎子那一家有德。就助與他軍糧。這早晚不見來回報。小校

望者。若來時報復某知道。〔卒子云〕理會的。〔淨扮彭容上〕〔云〕慣戰能征則我強。祖傳三輩賣沙糖。前日睡着做箇夢。半夜三更掉下床。某乃大將彭容是也。我大哥是彭寵。他有些水性。不能主事。不依我。則依着馮政。搬調我幼習兵書戰策。多學些雜劇院本。無般不通。無所不會。每日在帳房裏打盹。正與小卒猜枚喫酒耍子。元帥呼喚。不知有甚事。須索走一遭去。可早來到也。小校報復去。道有您二叔來了也。〔卒子云〕理會的。喏。報的元帥得知。有彭容來了也。〔彭寵云〕着他過來。〔卒子云〕理會的。過去。〔彭容做見科〕〔云〕元帥呼喚某來。有甚麼勾當。〔彭寵云〕你且一壁有者。看有那一位將軍來。〔外扮王梁萬脩上〕〔王梁云〕高鳥相良木而棲。賢臣遇明主而佐。某乃王梁是也。這位將軍是萬脩。俺同彭寵起兵。積聚英豪。累次被蘇獻來征討。被俺連敗他數陣。不敢侵犯俺邊界。今日元帥陞帳。俺見元帥去來。〔萬脩云〕將軍說的是。俺見元帥去來。小校報復去。道有王梁萬脩來了也。〔卒子云〕理會的。喏。報的元帥得知。有王梁萬脩來了也。〔王梁做見科〕〔云〕元帥。俺二將來了也。〔彭寵云〕且一壁有者。看有那一位將軍來。〔外扮徐彥黨同吳加上〕〔徐彥黨云〕萬里江山立古今。於邦使碎効誠心。調和鼎鼐存忠節。報答皇朝雨露深。某乃大將徐彥黨是也。這位將軍是吳加。俺佐於彭寵麾下爲將。十八般武藝。無有不拈。無有不會。今日元帥陞帳。俺見元帥去來。〔吳加云〕將軍。俺去來。可早來到也。小校報復去。道有徐彥

黨吳加來了也。〔卒子云〕理會的。喏。報的元帥得知。有徐彥黨吳加來了也。〔彭寵云〕着他過來。〔卒子云〕理會的。過去。〔見科〕〔徐彥黨云〕元帥。俺二將來了也。〔彭寵云〕你且一壁有者。看有那一位將軍來。〔淨扮馮政同馮真上〕〔馮政云〕馮真是兒子。我是他父親。一生全沒用。打哄做營生。某乃軍師馮政是也。這箇是我兒子馮真。彭元帥拜我爲軍師。俺子父二人說長也依了。說短也依了。俺元帥則要歸漢。若歸了漢家。俺兩箇就不得兵權了。我見了元帥。自有箇主意。〔馮真云〕父親。元帥陞帳。須索見元帥去來。可早來到也。小校報復去。道有大叔二叔來了也。〔卒子云〕理會的。喏。報的元帥得知。有馮政馮真來了也。〔彭寵云〕着他過來。〔卒子云〕理會的。過去。〔見科〕〔馮政云〕元帥。呼喚某來。有甚麼好的與某喫些。這早晚還不見打三鍾。成甚麼道理。〔彭寵云〕軍師。前者差吳漢領軍去打聽軍情事去了。這些時不見回還也。〔馮政云〕元帥。這吳漢一定順了蕭王了。俺休管他。嚙自喫酒耍子。倒好。〔彭寵云〕小校門首望者。若吳漢來時。報復某知道。〔正末同馮真上〕〔正末云〕某吳漢是也。這一位將軍是馮真。俺奉蕭王之命。問彭寵借軍。將軍。略進城去來。〔馮真云〕將軍。你進去。我在城外聚景園等候。若借與軍卒。我便進城去。若不借與。聽信馮政搬調。可怎了也。〔正末云〕將軍說的是也。〔馮真云〕吳將軍。你見了彭寵。則要你小心在意者。我回聚景園去也。〔下〕〔正末云〕馮將軍回聚景園去了也。我須索見元帥。走一

遭去也呵〔唱〕

〔中呂粉蝶兒〕我可便心下憂疑。亂紛紛八方鼎沸。領雄師廝殺相持。占州城與士馬不同往日。靜裏相推。立皇朝費心勞力。

〔醉春風〕漢火未全消。中興今在矣。蕭王仁德有誰知。端的是美美。將士淘淘。軍聲赳赳。必能相濟。〔云〕可早來到也。小校報復去。道有吳漢回來了也。〔卒子云〕理會的。

〔正末云〕元帥得知有吳漢回來了也。〔彭寵云〕着他過來。〔卒子云〕理會的。過去。〔正末做見科〕

〔云〕元帥。吳漢打聽軍情事。回來了也。〔彭寵云〕吳漢。你打聽軍情事如何。〔正末云〕元帥。若論着王郎子。怎生敵的漢蕭王也。〔彭寵云〕可是那一家有德。你就說一遍者。〔正末唱〕

〔迎仙客〕蕭王他仁慈天下聞。德行四方知。堪可做漢君王人讚美。〔彭寵云〕既是蕭王有德。俺就領軍降了他罷。〔正末唱〕你若是領千戈親獻禮。百事休題。博一箇清名寫入麒麟閣內。〔彭寵云〕蕭王麾下。有甚麼英雄猛將。他如今可在那裡也。〔正末云〕元帥。你聽

我說一遍者。〔唱〕

〔紅繡鞋〕安排着興扶漢室。破邯鄲勦滅強賊。賽唐虞慈善有誰及。〔王梁云〕元帥。俺則今日領精兵數十萬。歸降漢蕭王去來。〔正末唱〕你若是驅軍校莫猜疑。播清名傳

萬紀。

〔云〕元帥蕭王不敢輕意元帥。他差大將馮異。與我同來。他在城外聚景園內等候。問元帥借軍十萬。擒拏劉林之後。異日必當重報。小將不敢自尊。望元帥尊鑑不錯也。〔彭寵云〕既是這等。蕭王仁慈德厚。俺則今日領大勢軍兵。降漢蕭王去來。〔正末云〕元帥。你若領兵降漢。其功不小也。〔馮政云〕元帥。使不的。俺若降了他。還得似這等自在。好箇不狠的蕭王哩。元帥。不要信他胡說。都是吳漢的詭計。〔馮異云〕元帥。怎生信着他胡說。就降了蕭王。使不的。〔彭寵云〕既是軍師說。我不降蕭王去。差一員上將出城。去聚景園內。擒拏漢將去。意下如何。〔正末云〕元帥要降漢蕭王。怎生他將元帥說轉了也。〔唱〕

〔鬪鵲鵲〕你則待擺列軍兵。你可便忙驅劍戟。

〔彭寵云〕既是蕭王借軍。可怎生不寫

箇書信來。〔正末唱〕他道是頓首書呈不能來見你。久後崢嶸准報德。一莊莊我記的。〔馮政云〕吳漢。你這厮無禮。將元帥的軍糧。你怎生做了人情來了。〔正末唱〕我將他且當人情。我着您先憂後喜。〔彭寵云〕馮政。你領人馬。擒拏馮異。走一遭去。〔馮政云〕元帥放心。着我的兒子馮異。同王梁擒拏馮異。走一遭去。〔彭寵云〕軍師說的是。〔正末云〕他怎生近的過馮異也。〔唱〕

〔上小樓〕他有那十分武藝。般般皆會。〔馮異云〕我觀那馮異。有似兒曹。貓鼠之輩。疥癬

之疾。量他到的那裡也。〔正末唱〕看你便有似兒曹。貓鼠之羣。疥癬之疾。這其間他那裡安排巧計。安排着准無箇葬身之地。〔彭寵云〕我不歸降他。俺自領一枝人馬。何等自在也。〔正末唱〕

〔么篇〕你恰纔已順降。不承望又後悔。可不道信可揚名。一言既出。駟馬難追。〔馮政云〕元帥再也不要信吳漢胡說了。則擒拏馮異去。〔正末唱〕我覷了你動靜。生來喬勢。便着你苦慊慊走回城內。〔云〕元帥既然不聽吳漢之言。久後必然後悔。吳漢回去也。〔彭寵云〕吳漢休攪擾我大事。你再休胡說。〔正末云〕既然不聽吳漢之言。我去也。〔唱〕

〔尾聲〕我忠言不肯聽。到明朝方自知。英雄漢將名馮異。手內鋼槍。他和你戰到底。〔下〕〔彭寵云〕吳漢去了也。馮異同王梁領一枝人馬。擒拏馮異。走一遭去。小心在意者。〔馮

異云〕得令。奉元帥將令。擒拏馮異。走一遭去。〔王梁云〕馮異。你爲前哨。某在後催着軍卒。擒拏馮異也。〔馮異云〕將軍說的是。我先去也。大小三軍。聽吾將令。我的造物委實低。軍師差我去相持。若還撞見馮異將。一定連命不得回。〔下〕〔王梁云〕馮異去了也。大小三軍。跟某擒拏馮異。走一遭去來。即時忙領將軍令。捉拏馮異報捷來。〔下〕〔彭寵云〕他二將去了也。軍師跟我後堂中飲酒去來。蕭王領師起大兵。雄威武略盡施呈。拏住馮異親殺壞。賜賞封官享太平。〔同下〕〔馮

異驪馬兒上」〔云〕某乃漢肅王麾下大將馮異是也。奉主公之命。着某來問彭寵借兵。某知他水性不能主事。有吳漢進城去了。某在聚景園等候。恰纔一陣風起。時下便有軍兵來拏我。我出這園去。慢慢的行。看有甚麼人來。〔淨馮異驪馬兒領卒子上〕〔云〕某馮異是也。奉俺元帥將令。擒拏馮異去。遠遠的一人一騎。敢是馮異。俺趕將去來。〔馮異云〕兀的有人趕將我來也。我勒住坐下馬。來者何人。〔馮異云〕某乃大將馮異是也。奉俺元帥將令。擒拏馮異來。你來者何人。〔馮異云〕某乃漢肅王麾下大將馮異是也。〔馮異云〕我兒也。我正尋你哩。小校操鼓來。休教走了馮異也。〔做戰科〕〔馮異做射箭科〕〔云〕馮異着箭。〔馮異死科〕〔下〕〔銑朗馬武岑彭同上〕銑朗云。俺奉鄧軍師將令。着俺接應你來。馮將軍受驚怕也。〔馮異云〕不敢不敢。有馮異與某交戰。被某一箭射死。啐。同見主公去來。彭寵違天惡貫盈。聽憑讒佞起刀兵。來朝共計擒賊將。方顯英雄戰陣能。〔同下〕

第三折

〔彭寵同彭容彭忠吳加徐彥黨萬脩上〕〔彭寵云〕某乃彭寵是也。差馮異同王梁擒拏馮異去了。這早晚不見回來。小校門首望者。若來時。報復某知道。〔卒子云〕理會的。〔馮政上〕〔云〕某乃馮政是也。被馮異將馮異射死。我的兒子屈死了。更待干罷。我過去見元帥去。自有箇主意。可早

來到也。不必報復。我自己過去。〔做見科〕「云」元帥。我的兒子馮真。同王梁擒拏馮異去。被馮異殺了我的兒子。王梁不救。必有反心也。可則是屈殺了馮真也。〔做哭科〕「彭寵云」小校與我喚將吳漢王梁來者。〔卒子云〕理會的。吳漢王梁安在。〔正末同王梁上〕「正末云」某吳漢是也。這位將軍乃是王梁。頗奈馮政無禮。俺元帥已順了漢肅王。他走將來扭住。差他兒子馮真同王梁拏馮異去。不想被馮異射殺了馮真。元帥呼喚。不知有甚事。須索走一遭去。〔王梁云〕吳將軍。此一去。則怕元帥信馮政搬調害我。可怎了也。〔正末云〕將軍不妨事。我勸諫他。彭寵也。你做的差了也呵。〔唱〕

「正宮端正好」領雄師驅兵將。惡眼眼展土開疆。不遵天道相欺枉。全不肯存謙讓。

「滾繡球」炎炎漢業興。重重生意廣。一箇箇要圖名望。捨殘生惡戰千場。兵戈士庶荒。喧天人鬧嚷。經了些南征北蕩。幾時得一統寧康。博一箇清風萬古題麟閣。安排着食祿千鍾居畫堂。紫綬金章。〔云〕可早來到也。小校報復去。道有吳漢王梁來了也。〔卒子云〕理會的。喏。報的元帥得知。有吳漢王梁來了也。〔彭寵云〕着他過來。〔卒子云〕理會的。過去。〔做見科〕「正末云」元帥呼喚俺二將來。有何事商議也。〔彭寵云〕王梁。你知罪麼。

殺了馮真。你怎生不救也。〔王梁云〕元帥。我欲要救他。有銚期等衆將接應馮異來。王梁敵他不過。回來了也。〔馮政云〕元帥。和他說甚麼。掣出去殺了罷。與我兒子馮真償命。元帥到來日點精兵數十萬。擒掣馮異。同漢蕭王報一箭之讐也。〔正末云〕軍師。你休後悔也。〔唱〕

〔倘秀才〕論漢下兵多將廣。端的是國家的棟梁。敢勇其鋒不可當。〔馮政云〕我料妖人劉秀鄧禹銚期。有何罕哉。〔正末唱〕試看那有仁德漢蕭王。他端的是強。〔馮政云〕元帥。他都是家生宵兒。和他說甚麼。掣出去哈刺了罷。〔彭寵云〕小校掣出王梁去。斬訖報來。〔卒子云〕理會的。〔做掣出王梁科〕〔正末做勸科〕〔云〕元帥。怎生饒過王梁者。〔何太夫人上〕〔云〕老身乃彭寵王梁的母親。何太夫人是也。前頭怎生嚷鬧。我出去看者。〔做見科〕〔王梁云〕母親。救你孩兒者。〔太夫人云〕孩兒。你怎這等模樣。〔王梁云〕母親不知。有馮異來借軍。元帥聽信馮政之言。差馮真同你孩兒。擒掣馮異去。被馮異殺了馮真。元帥要殺你孩兒。母親救你孩兒也。〔太夫人云〕刀下留人。我去見彭寵去。小校報復去。道有老身來了也。〔卒子云〕理會的。喏。報的元帥得知。有太夫人來了也。〔彭寵云〕道有請。〔卒子云〕理會的。有請。〔做見科〕〔彭寵云〕母親。此一來爲何。〔太夫人云〕彭寵。你怎生要殺壞王梁。〔彭寵云〕母親不知。有漢蕭王差馮異來借軍。在城外聚景園內。我差馮真王梁。擒掣馮異去。被馮異殺了馮真。王梁不救。臨陣在逃。王

梁該斬也。〔太夫人云〕孩兒看老身之面。怎生饒了王梁者。〔馮政云〕元帥。老人家葫蘆提了軍情事。饒不的。〔彭寵云〕母親。王梁的罪。饒不過也。〔太夫人云〕彭寵。你不依我之言。久後必落在漢蕭王之手。常言道。背暗投明。古之大理。彭寵。你依着我。歸降了漢蕭王。可也好也。〔彭寵云〕老母。您孩兒知道。〔馮政云〕元帥。可着誰償我兒子性命。此一場都是吳漢惹的來。元帥。休要饒了吳漢也。〔正末云〕元帥。你休無主張也。〔唱〕

〔脫布衫〕不由我氣夯胃膆。言忠信端的非常。翻悔了與劉賢宰。把前言一時都忘。〔馮政云〕元帥。則今日領大勢軍卒。擒拏馮異。走一遭去也。〔正末唱〕

〔小梁州〕謀略端實某最强。心下參詳。漢朝手下有忠良。多名將。一箇箇志軒昂。〔彭寵云〕蕭王麾下。除了鄧禹。鮑期。再無能將也。〔正末唱〕

〔公篇〕中興目下非爲誰。顯英傑安輔家邦。〔彭寵云〕前者有王郎子送金銀與俺。正要擒拏蕭王劉秀也。〔正末唱〕受了些金共銀。把一箇清名喪。久以後流傳後代。則落的史書揚。〔馮政云〕元帥。休信他說。則殺了吳漢王梁就罷了。〔太夫人做出門科。云〕這厮還有反悔之心。吳漢王梁。您二人跟我去來。〔正末唱〕

〔尾聲〕若非老母親身往。險些兒殘生一命亡。不承望這一場。我心中自暗傷。

你看我幹就功勳慢慢的講。〔同王梁太夫人下〕〔彭寵云〕老母去了也。彭容撥與你五千人馬。擒擊劉秀。走一遭去。小心在意者。〔彭容云〕得令。奉元帥將令。擒擊劉秀。走一遭去。大小三軍。聽吾將令。今朝一日逞英雄。耀武揚威建大功。領出三千人馬去。放心剩回一箇來。不是人。〔下〕〔彭寵云〕吳加徐彥黨萬脩。您三將領五千人馬。擒擊漢蕭王。走一遭去。小心在意者。〔吳加云〕得令。奉元帥將令。擒擊劉秀。走一遭去。大小三軍。聽吾將令。統領貔貅十萬兵。揚威耀武敢施呈。當先一陣成功効。穩取干戈定太平。〔同下〕〔彭寵云〕衆將都去了也。軍師到來日務要擒擊了漢蕭王劉秀也。〔馮政云〕元帥。我量漢蕭王衆將擒擊他。如掌上觀紋。壺中捉鼠。有何罕哉也。〔彭寵云〕軍師說的是。噲且回後堂中飲酒去來。久鎮在北地之中。一箇箇敢勇威風。擒劉秀各施手策。方顯俺大將英雄。〔同下〕〔劉末同鄧禹領卒子上〕〔劉末云〕恨小非君子。無毒不丈夫。某乃漢蕭王劉文叔是也。前者差馮異同吳漢。問彭寵借兵去。可怎生不見回來。莫非吳漢其中有詐麼。〔鄧禹云〕主公不妨事。我觀彭寵水性。他必然不借與軍。差人擒擊馮異。他怎生出的馮異之手。我差銚期等衆將。接應馮異去了。這早晚敢待來也。小校門首望者。若來時。報復某知道。〔卒子云〕理會的。〔銚期馬武岑彭馮異同上〕〔銚期云〕泰山頂上槍磨缺。北海波中馬飲枯。某乃銚期是也。這三位將軍。乃是馬武岑彭馮異。俺奉元帥將令。接應馮異回還。俺衆將見元帥去。

來〔馬武云〕銚將軍。俺接應馮異。無事回還。俺須索見主公。走一遭去。可早來到也。小校報復去。道有銚期等衆將。接應馮異。無事回還也。〔卒子云〕理會的。喏。報的主公得知。有銚期等衆將。接應馮異回還也。〔劉末云〕着他過來。〔卒子云〕理會的。過去。〔做見科〕〔銚期云〕主公。俺衆將接應馮異回還也。〔劉末云〕馮異。你問彭寵借軍如何。〔馮異云〕主公。馮異依主公之命。到的平州。在聚景園內等候。有吳漢進城去。見了彭寵。說主公借軍一事。彭寵大喜。就點十萬大軍。與主公拔刀相助。不期有馮政走將來。搬調的不肯借軍。有彭寵水性耳軟。不能主事。聽信馮政搬調。軍也不與。又差馮異同王梁。領軍來擒拏我。被我一箭射死馮異。不想銚將軍同衆將接應將來。小將方得回還也。〔劉末云〕將軍。壯哉壯哉。鞍馬上勞神也。〔鄧禹云〕頗奈彭寵無禮也。軍不借與。又差人擒拏馮異。更待干罷。主公到來日。拔寨起營。擒拏彭寵。走一遭去也。〔劉末云〕元帥說的是也。〔鄧禹云〕銚期馬武。您二將爲前哨。擒拏彭寵。小心在意者。〔銚期云〕得令。奉軍師將令。着俺二人爲前哨。擒拏彭寵。走一遭去。大小三軍。聽吾將令。到來日。人又英雄馬又奔。全憑武藝定江山。拏住馮政親殺壞。不捉彭寵誓不還。〔同下〕〔鄧禹云〕岑彭馮異。您二將爲後哨。擒拏彭寵。小心在意者。〔岑彭云〕得令。奉軍師將令。着俺二人爲後哨。擒拏彭寵。走一遭去。大小三軍。聽吾將令。則爲那燕彭寵不仁不義。運謀略領兵驅騎。不爭你壞人偷僥倖奸讒。我着他死無那葬身。

之地。〔同下〕〔鄧禹云〕衆將都去了也。主公。俺到來日。點就雄兵。擒拏彭寵。走一遭去。大小三軍。聽吾將令。煙塵賊子。動邊庭。黎民失業。亂紛紛。今朝一陣干戈定。方知虎將是英雄。〔同下〕〔彭寵同馮政徐彥黨吳加彭容彭忠領卒子躍馬兒上〕〔彭寵云〕某乃彭寵是也。統領大勢軍兵。擒拏漢蕭王去。遠遠的塵土起處。敢是漢將來也。〔馮政云〕元帥。好歹要拏了馮異。與我兒子報讐也。〔劉末同鄧禹銑期馬武岑彭馮異躍馬兒領卒子上〕〔鄧禹云〕某乃軍師鄧禹是也。同主公與衆將。擒拏彭寵。走一遭去。遠遠的塵土起處。敢是彭寵來也。來者何人。〔彭寵云〕某乃平州大將彭寵王是也。你來者何人。〔鄧禹云〕某乃漢蕭王麾下軍師鄧禹是也。兀那彭寵。及早下馬受降。免受驅馳也。〔彭寵云〕量你到的那裡。和你決戰九千合也。〔鄧禹云〕這厮無禮也。小校操鼓來。〔做戰科〕〔鄧禹云〕大小衆將。休教走了彭寵。務要擒拏住也。〔大戰科〕〔彭寵云〕軍師。漢將十分英雄。敵他不過。俺撥回馬。走走走。〔做走科〕〔鄧禹云〕衆將與我擒拏住彭寵者。〔衆做拏住彭寵科〕〔鄧禹云〕主公。今日拏住彭寵也。有吳將軍獻了城池也。主公。嚙往平州去來。〔劉末云〕說的是。大小衆將。跟着某進城去來。〔同衆將下〕

第四折

〔劉末同鄧禹銑期馬武岑彭馮異上〕〔劉末云〕復奪漢室中興業。展土開疆第一場。某乃劉秀

是也。要擒擊劉林。恐彭寵這枝人馬歸附於他。今軍師鄧仲華定計。與吳漢擒擊了彭寵。皆軍師之功也。〔鄧禹云〕非某之功。皆因是主公洪福也。小校將彭寵囚在檻車內。待擊住劉林。一同見罪。〔卒子云〕理會的。〔鄧禹云〕小校門首覷者。若吳漢王梁萬脩來時。報復某知道。〔卒子云〕理會的。〔正末同王梁萬脩上〕〔正末云〕某吳漢是也。這二位將軍。乃是王梁萬脩。今主公擒擊了彭寵。俺須索見主公去來。〔萬脩云〕吳將軍。漢蕭王仁慈德厚。鄧軍師神機妙策。量彭寵怎出的元帥之手也。〔正末唱〕

〔雙調新水令〕多覷了鄧軍師定計到平州。衆將軍又陪生受。今朝在聚景園。到來日統戈矛。領着我數萬貔貅。若得勝免爭鬪。〔云〕小校報的主公得知。道有吳漢王梁萬脩來了也。〔卒子云〕理會的。喏。報的主公得知。有吳漢王梁萬脩來了也。〔鄧禹云〕道有請。〔卒子云〕理會的。有請。〔做見科〕〔正末云〕主公。小臣吳漢。同王梁萬脩。來投降主公也。〔做拜科〕〔劉末云〕將軍請起。鞍馬上勞神也。此一場事。皆是將軍之功也。〔正末云〕主公。非是小臣之功。皆因主公洪福。鄧軍師之計也。〔劉末云〕若不是將軍獻了平州。豈能有今日也。安排筵宴。與衆將慶功也。〔鄧禹云〕主公說的是。小校擡上果卓來者。主公與衆將慶功也。〔卒子擡果卓科〕〔劉末云〕將酒來。吳將軍滿飲一杯。〔正末云〕小臣不敢。主公請。〔劉末云〕將軍滿飲一

杯〔正末接科〕〔云〕吳漢不敢。元帥請。〔劉末云〕衆位將軍某飲酒也。〔衆將都飲科〕〔鄧禹云〕小校再將酒來。吳將軍滿飲一杯。〔正末接酒科〕〔唱〕

〔川撥棹〕我這裡便捧金甌。急慌忙飲過酒。今日無憂。倒大來清幽。五十萬精兵盡收。今日箇一旦休。〔鄧禹云〕吳將軍某會捎書信去來麼。〔正末唱〕

〔七弟兄〕軍師的信有謹守。我將這志平酬。起初兒指望不能彀。到今日須索統戈矛。保山河社稷還依舊。

〔梅花酒〕呀。急切裡怎罷手。〔劉末云〕將軍。俺破了王郎子。自有加官賜賞也。〔正末唱〕指望待拜將封侯。能運機籌。收了城州。託軍師能用兵。漢蕭王至仁厚。因此上俺敬投俺。今日便回頭。早則不記冤讐。〔鄧禹云〕則今日是一殿之臣。破了劉林之後。俺同享富貴也。〔正末唱〕

〔喜江南〕呀。則俺這君臣福祿永無休。干戈寧靜保千秋。民安國泰享悠悠。願天長地久。今日將八方四海盡皆收。〔劉末云〕衆將望闕跪者。聽聖人的命。吳將軍智勇雙全。進軍糧功業居先。因奸人時常撥置。費盡了萬語千言。鄧仲華鋪謀定計。姚次況敢勇當先。岑君然英雄無比。馮將軍驍勇無偏。有馬武能征慣戰。除殘暴剿滅狼煙。新降將王梁萬脩。知天

時地利之賢。今日箇既然歸順。同一心破黨除奸。頒國典封官賜賞。輔洪基億萬斯年。

題目

吳漢設法進軍糧

正名

鄧禹定計捉彭寵

捉彭寵穿關

頭折

劉末

多簷帽 蟒衣曳撒 黃袍 項帕 直 鄧禹 撒髮盔抹額 蟒衣曳撒 袍 項帕

馮異

鳳翅盔 膝欄曳撒 帶劍 項帕 卒子 紅碗子盔 青布釘 鈞期 鐵幘頭 蟒衣

項帕

直纏 膝欄 帶 帶劍 三髯髯 卒子 兒甲 膝膊 劍 鈞期 曳撒 皂袍

帶 猛髯

竹節鞭 馬武 獅鬚腦盔 蟒衣曳撒 袍 項帕 岑彭 鳳翅盔 蟒衣曳撒

第二折

彭寵

多簷帽 蟒衣曳撒 帶劍 項帕 卒子 同 彭容 皮盔 膝欄曳撒 掩心甲 王

梁萬脩

徐彥黨 吳加 鳳翅盔 膝欄曳撒 帶劍 項帕 馮政 散巾 邊欄 馮真

皮盔

膝欄貼裡 掩心甲 正末 吳漢 馮異 同 馮異 又上 同前 馮真 卒子 又上 同前

項帕

直纏 膝膊 劍 鈞期 馬武 岑彭 同前

第三折

彭寵彭容吳加徐彥黨萬脩

同前

彭忠

鳳翅盔直纓

膝欄曳撒

帶帶劍

項帕

三髯髯

馮政

正

末吳漢王梁

同前

何太夫人

塌頭手帕

襖兒裙兒

眉額布襪

補子袍兒

鞋拄杖

劉末

鄧禹

卒子

銚期

馬武

岑彭

馮異

馬武

同前

彭寵

馮政

徐彥黨

吳加

彭容

彭忠

卒子

又上

同前

劉末

馬武

岑彭

馮異

鄧禹

銚期

馬武

岑彭

馮異

卒子

又上

同前

躍馬兒

第四折

劉末

鄧禹

銚期

馬武

岑彭

馮異

同前

正末

吳漢

王梁

萬脩

同前

乙卯三月廿五日校內本清常道人

雲臺門聚二十八將

闕名

頭折

〔冲末外扮嚴尤領卒子上〕〔云〕兩手揩磨新日月。一心輔佐舊山川。變理陰陽風雨順。調和鼎鼐掌威權。老夫乃嚴尤是也。官拜軍師之職。方今初始三年。歲在辛未。老夫心間議論三策。因匈奴爲害。周得上策。漢得中策。秦無策爲下焉。差遣孫惠等十二將。分道並出。因獻三策。以定天下。今有江夏赤眉綠林銅馬大槍賊爲害。奉命着蘇獻等統兵征討。老夫令人請他去了。未見他來。小校望者。若蘇獻等來時。報復某知道。〔卒子云〕理會的。〔外扮蘇獻上〕〔云〕長安赳赳顯英雄。凜凜威名天地中。能使大刀真勇猛。善驅軍校任縱橫。某乃大刀司馬蘇獻是也。有軍師在府中相請。不知有何事。須索走一遭去。可早來到也。小校報復去。道有蘇獻來了也。〔卒子云〕理會的。〔報的軍師得知。有蘇獻來了也。〕〔嚴尤云〕道有請。〔卒子云〕理會的。有請。〔做見科〕〔蘇獻云〕軍師。某來了也。有何事商議。〔嚴尤云〕將軍不知。今因赤眉等賊爲害。奉命遣將軍爲帥。分兵攻討。征伐南陽等處。將軍受了命者。〔蘇獻云〕軍師。既然奉命着某爲帥。征伐南陽等處。是某職分所當然也。爭奈缺少箇前部先鋒。〔嚴尤云〕老夫舉一人。乃是蘇成。着他掛印爲先鋒。迎敵賊將。

小校喚將蘇成來者。〔卒子云〕理會的。蘇成安在。〔蘇成上〕〔云〕自幼勤學武藝全。能驅士馬驟征驍。威名起。起人稱讚。扶立中興二百年。某乃蘇成是也。官拜金吾上將軍之職。有軍師呼喚。不知有甚事。須索走一遭去。可早來到也。小校報復去。道有蘇成在於門首。〔卒子云〕理會的。〔報科〕〔云〕喏。報的軍師得知。有蘇成來了也。〔嚴尤云〕着他過來。〔卒子云〕理會的。過去。〔做見科〕〔蘇成云〕軍師。蘇成來了也。有何事商議。〔嚴尤云〕將軍。因為赤眉等賊爲害。如今分道剿除此賊。老夫舉你爲前部先鋒。征伐南陽等處。你就掛了先鋒印者。〔蘇成云〕某謹遵上命。豈敢有違也。〔嚴尤云〕既然商議已定。小校將過兩顆印來。就與二位將軍掛了印者。不可久停。卽日便領兵剿除此賊去。則要您成功而回者。〔蘇成云〕則今日好日辰。辭別了軍師。便索統兵征伐南陽。走一遭去。征塵滾滾動刀槍。鑼鼓喧天震遠方。百萬雄兵行勢勇。平收賊將定南陽。〔下〕〔蘇獻云〕先鋒去了也。某統領大勢雄兵。征進南陽等處。走一遭去。將軍掛印仗英雄。勇似深潭出水龍。戰陣建功當報國。要圖青史建奇功。〔下〕〔嚴尤云〕二位將軍去了也。憑老夫之計。將南陽一鼓而下。若征剿了此賊。平定了南陽。方顯老夫盡忠報國也。奇絕三策定江山。分道征伐非等閑。兵出長安豪氣勇。旌旗颭颭過函關。〔同下〕〔正末扮劉欽同夫人劉縯劉仲劉末上〕〔正末云〕老夫南頓太守劉欽是也。老妻白姬所生三子。長者劉縯。次者劉仲。第三子劉秀。縯仲二

子成人長大。惟有第三子。方年九歲。家道頗豐。立業已久。論俺漢室興隆。享國二百餘年也。〔劉續云〕父親想漢家立業制度。從前已往之事。您孩兒不知。請說一遍者。〔正末云〕孩兒也。你不知。聽我說與你也呵。〔唱〕

〔仙呂點絳脣〕想當日漢室華夷。立朝更制。除奸弊。肅振兵威。四海方寧謐。〔劉仲云〕那時節楚漢爭鋒。怎生平定了天下來。〔正末唱〕

〔混江龍〕那其間項劉爭利。排兵布陣。列旌旗。亡秦滅楚。展土開基。四海歸心。霑德化。三章約法。定安危。致令的民安國泰。武勝文奇。麒麟出現。丹鳳來儀。桑麻映日。禾黍成實。見如今時和歲稔。昇平日。端的是臣僚耿耿。黎庶熙熙。〔云〕自從天下太平。年豐歲稔。都着您習學武藝。未知您所習的武藝精熟麼。〔劉續云〕父親在上。俺弟兄三人。依着父親指教。都皆曾習學武藝來。〔劉仲云〕今日父親可怎生問這武藝之事。您孩兒豈敢不習學也。〔劉末云〕父親的嚴命。怎敢有違。若是不學武藝。乃爲不遵父命也。〔正末唱〕

〔油葫蘆〕我着您數載慇懃。將武藝習。則要你所事知。〔劉續云〕父親年老。俺便學了文武之藝。則是孝養爲先也。〔正末云〕孩兒也。你休顧我。〔唱〕您學成文武莫延遲。你若

十而立。則是父親年老。怎生去的。〔正末唱〕是男兒當自強。你身修家可齊。則要你便盡忠心立帝基。〔劉續云〕父親放心。俺弟兄每。向後必然得功名成就也。〔正末唱〕

〔天下樂〕那其間耀武揚威顯氣勢。端的能有幾。則要您排兵布陣有見識。〔劉仲云〕父親少思慮。〔正末唱〕你道是莫遠憂。我則怕悔後遲。〔劉續云〕父親但放心。

憑着俺文武之才。不落在他人之下也。〔正末唱〕施展你那膽天才難並比。〔云〕俺父子閑

論些話。看有甚麼人來。〔外扮岳彥明上〕〔云〕遠望長安西大秦。征人滾滾蕩紅塵。軍微將少難拒戰。合兵一處伏於陳。老夫乃陳州太守岳彥明是也。今有蘇獻領兵至境。因老夫兵微將寡。不能拒敵。有南頓太守劉欽。是老夫親家。劉續是老父女婿。我今前來合兵一處。拒敵來兵。不覺早到門首。不必報復。我自過去。〔見科〕〔云〕親家。一向久闊。少失聽教。希勿見責也。〔正末云〕親家鎮守陳州。不知今日甚風兒吹你至此也。〔岳彥明云〕親家不知。今有嚴尤定計。蘇獻爲帥。蘇獻爲先鋒。統領大軍。過了函關。要破南陽鄧州宛城等處也。〔正末云〕親家是實麼。〔岳彥明云〕怎敢虛言。即日大兵便到。親家可準備迎敵。不可怠慢也。〔正末唱〕

〔那吒令〕聞蘇獻起兵。徑來到這裡。憑嚴尤計策。破南陽緊急。遣蘇成領兵。與宛城對敵。〔劉續云〕俺與他無相干。却怎生征伐俺也。〔正末唱〕我和他不故交難支對。

他和我素不相識。〔岳彥明云〕兵者詐也。正不知征誰。必須防備也。〔正末唱〕

〔鵲踏枝〕他端的使雄威。苦追逼。統領軍卒。擺列旌旗。肆欺罔。全無箇道理。逞兇頑。擾亂華夷。〔岳彥明云〕我聞蘇獻的軍馬。如彪似虎也。〔正末唱〕

〔寄生草〕他每一箇箇人如虎。馬似飛。盔明甲燦。排軍隊。鳴鑼擊鼓。施威勢。龍韜虎略。鋪謀計。〔劉續云〕父親放心。魏無忌有破蒙驁之師。〔劉仲云〕趙李牧有守戰胡虜之功也。〔正末云〕則怕您無如此手策也。〔唱〕則你箇魏邦無忌。退賊兵。則你箇邯鄲李牧。誇強會。〔岳彥明云〕劉續劉仲。可曾學武藝來麼。〔正末云〕他曾學來。我有兩口劍。是我先祖遺留之寶。你二人各收一口者。〔唱〕

〔金盞兒〕這口劍。明晃晃。色輝輝。清湛湛。利毛吹。兩般兒。全寶難能對。蒙先祖留下善收持。這劍比湛盧。欺干將。如莫邪。世無及。〔岳彥明云〕是兩口好劍也。您二子當以受之。〔正末唱〕這口劍。我着你定興亡。能戰敵。這口劍。我着你扶上國。護邦畿。〔岳彥明云〕三舍可與他甚麼兵器。〔卜兒云〕孩兒年幼。怎使的兵器那。〔劉末云〕我則會輕弓短箭。〔卜兒云〕將那兩莊寶貝。付與孩兒者。〔正末唱〕

〔醉中天〕則爲這三子能聰慧。年幼小有兵機。九歲方年。怎鬪敵。與付暖金盒。

白玉環須留意。若不得已呵。須將他念起。〔做悲科〕〔劉末云〕父親少煩惱。〔正末唱〕我如今年紀老無成。無濟眼見的俺一家兒似萍梗無依。〔劉續云〕父親但放心。〔劉仲

云〕父親少憂慮。〔下兒云〕多虧親家來報也。〔正末唱〕

〔尾聲〕多虧了你箇有意彥明心。遂不了我這無結果劉欽意。〔下兒云〕似這般。可往那裡去。〔正末唱〕待走呵何方遁息。拒戰相持。尋箇對敵。〔劉續云〕父親放心。我願敵蘇獻去。〔正末唱〕便行兵不敢遲違。我如今年紀老也硬爭持。便和他對壘迎敵。捨死忘生敢做爲。〔劉續云〕俺弟兄三人。便去對敵。必然得勝也。〔正末唱〕則要您運機籌於家爲國。仗英雄施謀設計。〔云〕我與你掠陣者。〔唱〕看老將搖旗吶喊助雄威。〔下〕

〔下兒云〕老身收拾行裝。與他父子去。似此荒亂。性命難保也。〔下〕〔岳彥明云〕俺如今合兵一處。女壻劉續等。領兵前去拒敵。老夫且去收拾軍裝。以備迎敵之使也。誰知蘇獻領兵來。遠望征塵遍九垓。皆因一方人受難。遭逢軍馬是爲災。〔下〕〔劉續云〕兵來將敵。水來土堰。兄弟也。你領兵就隨着我來。不可延遲也。各邦州名號五陽。五陽城內有賢良。英雄蘇獻多勇略。我與他拒敵交鋒戰一場。〔下〕〔劉仲云〕跟隨兄長。領兵前去。不敢違慢也。赳赳英昂摧泰山。聞知蘇獻過函關。雄心交戰終無懼。青史標名天地間。〔下〕〔劉末云〕二位哥哥去了也。他便領兵拒敵。我可年

紀幼小。不會武藝。似此怎了。將着暖金盒兒并玉環。往東北上逃生去。來到這城邊。並無出路。怎生得這城倒了。可也好也。〔做指城倒科〕〔云〕謝天地可憐。我用手指倒頓丘城也。我信步逃命去來。玉環相對暖金盒。異寶奇珍用意多。速奔塵埃逃命去。出離地網與天羅。〔下〕

第二折

〔淨一捻酥領喬卒子上〕〔云〕好餐爛飯。好喫豆腐。我見人輓。人見我酥。我乃蘇元帥手下小將。外名喚做一捻酥。元帥差我領兵爲前哨。兀的不是頓丘城。小校擺開陣勢。前面不有人馬來了也。〔淨扮頓兒領喬卒子上〕〔云〕不好營生。赤賴白混。無有兵器。能使光棍。小人乃是太守劉欽手下小將。外名喚做頓兒。差我領兵對敵去。塵土起處。人馬來了。兀那敵兵。你來者何人。〔一捻酥云〕我乃一捻酥是也。你乃何人。〔頓兒云〕我乃頓兒是也。你敢厮杀麼。〔一捻酥云〕交馬來。〔做戰科〕〔頓兒做敗科〕〔云〕我近不的他。走走走。〔下〕〔一捻酥云〕你走了。不問那裡趕的去。〔下〕〔蘇獻蘇成驪馬兒領卒子上〕〔蘇獻云〕某乃元帥蘇獻是也。兵至南頓也。門旗開處。看有甚麼名將出馬。〔劉續劉仲驪馬兒領卒子上〕〔劉續云〕某乃劉續。這一箇是兄弟劉仲。領兵拒敵。兀那門旗下。是何名將。〔蘇獻云〕某乃大元帥蘇獻。爾乃何人。〔劉續云〕某乃劉續。劉仲是也。你敢與某相持麼。〔蘇獻云〕量你無名小將。有何懼哉。小校操鼓來。〔做戰科〕〔劉續敗科〕〔云〕

俺近不的他。走走走。〔同劉仲下〕〔蘇獻云〕二將走了也。更待干罷。小校跟我趕入頓丘城。擒拏劉欽父子去來。〔同下〕〔陰太公領沙三上〕〔云〕段段田苗接遠山。水甜人義得安然。鄉隣親故能和美。松柏常青耐歲寒。老夫陰太公是也。乃南陽人氏。家中頗有些資財。鄉里間見老夫和美。人皆長者呼之。但有過往的人。便請來家中管待。小的每門首覷者。但有客至。便來報復我知道。〔沙三云〕理會的。〔劉末上〕〔云〕滾滾征塵遍九垓。千軍萬馬大兵來。不知困乏強奔走。逃出家鄉且避災。小生乃南頓太守劉欽第三子劉秀是也。方年九歲。有二位兄長。領兵拒敵蘇獻。蘇成。不想蘇獻兵勢甚銳。二兄不能取勝。小生手指倒頓丘城。逃生出來。我要去伯父劉良那裡去。三晝夜無食。不覺早至一莊。門首立着一箇哥哥。我索問他一聲。兀那箇哥哥。那箇是白水村去的路兒。〔沙三云〕我不知道。你且在這裡。等我報復長者去。〔報科〕〔云〕報的太公得知。外邊有一人來問路程。〔陰太公云〕道有請。〔沙三云〕理會的。有請。〔做見科〕〔陰太公云〕小官人。你從何處來。〔劉末云〕我從南頓來。〔陰太公云〕你往何處去。〔劉末云〕我要往白水村去。〔陰太公云〕小官人在路。怕不會得飯。下次小的每。安排茶飯來。〔劉末云〕飯食且住者。小生覺有些困倦。我且盹睡者。〔做睡科〕〔陰太公云〕小官人行路困倦睡着也。此人生的模樣。非同小可。酣睡之間。蛇鑽七竅。必然是箇貴人。下次小的每。安排下茶飯。小官人覺來食用。路途之間。必然饑渴也。

〔劉末做醒科〕〔陰太公云〕小官人。權用些飲食充饑者。〔劉末云〕多謝了長者。〔陰太公云〕小官人年幾歲也。〔劉末云〕小生九歲也。〔陰太公云〕既然九歲。有甚急難的事。獨自奔走。〔劉末云〕長者。你不知道。我是南頓太守劉欽第三子劉秀是也。蘇獻領兵來征伐南頓。俺弟兄每各自逃難。多謝太公管顧。此恩異日必當重報也。〔陰太公云〕不敢不敢。老夫有句話。敢說麼。〔劉末云〕長者但說不妨。〔陰太公云〕老夫有一女。年方九歲。小字麗華。久後與你爲妻。你意下如何。〔劉末云〕我父親今遭兵難。蒙長者許這門親事。別無遺念。有暖金盒子一箇。我將的上蓋去。把底盒兒與小姐。爲定親之禮。久停久住辭別了。上文七字不可解且與下文復出必係誤抄那其間成親。未爲晚矣。不敢久停久住。辭別了長者。便索往白水村去也。賢良長者濟饑貧。九歲年方許結親。拜別須當行路去。後來答報大恩人。〔下〕〔陰太公云〕此人乃南頓太守劉欽之子。我與太守有一面之交。此子容貌端莊。久後必然貴顯。我將女孩兒許與他爲妻。老夫無甚事。且回後堂中去。靠水傍山遠世塵。其中相法妙通神。結親若在貧中看。久後能爲人上人。〔下〕〔外扮山神領鬼力上〕〔云〕遠岫林中藏虎豹。深山潭底隱蛟虬。神明晝夜常拘管。便有威風不自由。吾神乃衡廬山神是也。峯巒高聳。岩岫重疊。蟠松怪柏。堆青疊翠。窟隱龍蛇。山藏虎豹。今晚間有一貴人經過。迷蹤失路。奉上帝法旨。着吾神會知本山土地。來與他引路。勿得有失也。土地這早晚敢待來也。〔正末扮土地

上〔云〕吾神乃本土地是也。今有山神請命。須索走一遭去也。〔唱〕

〔中呂粉蝶兒〕上古生成。立山川嶽瀆已定。建神祠應響昭明。四維張。三綱正。各安生命。天地清寧。祐黎民倍增福慶。

〔醉春風〕萬卉賴滋培。千葩芳麗景。山精水怪盡潛伏。各安其境。境。五穀成熟。田蠶百倍。四方寧靜。〔云〕可早來到也。鬼力報復去。道有土地至此也。〔鬼力云〕理會的。〔做報

科〕〔云〕報的上聖得知。有土地來了也。〔山神云〕道有請。〔鬼力云〕理會的。有請。〔見科〕〔正

末云〕尊神請吾神。有何事也。〔山神云〕今奉上帝法旨。今晚有一聖人。年方九歲。經過此山。着你與聖人指路。不許狼蟲虎豹驚唬着他。傳命已畢。吾神回上帝話。走一遭去。隱隱生風透膽寒。澗中流水響潺潺。迢迢走入崎嶇路。指與天人過此山。〔下〕〔正末云〕山神去了也。我索在此等候者。〔劉末上〕〔云〕腦後喧天鑼鼓聲。幼年誰慣見刀兵。慌忙急走無休歇。連夜須將途路登。小生劉文叔是也。自離頓丘。見了陰長者。得一飯充饑。則聽的遠遠的鑼鼓喧天。天色將晚也。我待不行。尤恐後兵追逐。欲待前進。都是深山惡峪。那堪夜晚。則索急走。不覺迷蹤失路。怎生是好。遠遠的望見一箇人的影兒。我試看者。原來是箇老人家。我索問他一聲。兀那老人家。那箇是往白水村去的路兒。〔正末云〕你問我白水村去的路兒。你聽者。〔唱〕

〔紅繡鞋〕俺這裡崎嶇幽徑。四週圍嶮峻難行。有古木杈枒繞枯藤。毒蛇侵古道。惡獸閃金睛。怎不教行人迷路境。〔劉末云〕不見正這在那裡也。〔正末云〕老夫指與你正道。則在咫尺間便是。你再向前走三四步。便有正道也。〔劉末云〕我往前再行者。果有行的道兒。那老人家行不動。我先行者。我想父母與我這白玉環。着我不得已而用之。我將玉環滾在地上。隨着他行。〔做滾玉環科〕〔烏鴉飛上套玉環科〕〔劉末云〕呀呀呀。不期套在箇烏鴉項上。飛將去了。我試趕者。〔劉末做趕科〕〔云〕我趕又趕不上。脚又疼痛。怎生是好。走過這山。可也好也。〔正末云〕老拙有一驢衛兒。與你騎着。趕那烏鴉。過了這山。你放他回來。〔虎上〕〔住〕〔劉末做騎科〕〔云〕多謝了老人家。〔正末唱〕

〔上小樓〕這獸他天生勇猛。猙獰惡性。我着他不放發威。緊閉鋼牙。怎敢施逞。我着他身俯伏。爪慢行。權時安定。暫時間與伊逃命。〔劉末云〕不是我行路忙。怎肯把老的驢衛兒騎的去。他也是箇有陰功的人也。〔正末唱〕

〔滿庭芳〕窮途惡境。吉人天相。答救非輕。人生富貴由天命。豈順人情。我與你指迷途。臨危自省。我教你得平安。福祿加增。家邦定。綱常再整。莫得慢消停。〔劉末云〕騎着驢衛。前有烏鴉引路。不覺的出了山峪。見一條大道。下的這驢衛兒來。兀那老的。後

面跟將來了。他則怕騎的他驢兒去了。兀那老的多謝了你驢兒。老的也。那裡是往白水村去的路兒也。〔正末云〕往這裡去。正是白水村去的路兒。小官人。你慢慢的行將去也。〔唱〕

〔尾聲〕這路兒迢迢走大川。平平踏順境。正通着白水村中徑。這一條大路縱橫任馳騁。〔引虎下〕〔劉末云〕多蒙老的。與我驢兒騎出山來。我放回去了。那老的即時不見了。

那驢兒原來是一隻斑斕猛虎。奇怪也。天明了也。卻見這玉環在地上。將起來放入囊中。感謝天地。跨虎登山。烏鴉引路。我方得逃生也。九歲逃生遠棄親。奔馳晝夜步紅塵。老人指與出山路。早至南陽白水村。〔下〕

第三折

〔鄧禹領卒子上〕〔云〕義兵初起在元戎。聚集羣雄起戰爭。聖德巍巍明宇宙。重持漢節立中興。小官姓鄧名禹字仲華。南陽人氏。爲蘇獻等領兵征伐本處。今有白水村一人姓金名和字文叔。乃南頓劉欽之子。改姓爲金。此人仁義賢良。德行過人。乃漢家之後。中山之孫。中興之英主也。起義兵於宛城。先取南陽爲本。後取胡陽黎陽。今取昆陽。不期巨無霸領大兵困住昆陽。論巨無霸不及俺漢將。此人有聚獸牌一面。但敲動有狼蟲虎豹助陣。所以不能取勝。今有大將銚期。請嚴子陵師父去了。再請陳州太守馬援。并太行鄧惲等。選日裏應外合。若破了巨無霸。便得漢室中

興也。上國興兵志氣高。忠良名將顯英豪。羣雄草莽皆除盡。四海安寧立漢朝。〔下〕
〔正末扮嚴光驪馬兒領卒子上〕〔云〕貧道姓嚴名光字子陵。會稽富春山人氏。與文叔布衣之交。今立爲中興之主。起義兵取五陽。今昆陽被妖人巨無霸圍困住。今有銚期來請。會合衆將。至昆陽解圍。須索走一遭去也。〔唱〕

〔越調鬪鶴鶉〕俺則要扶立家邦。名傳寰宇。掃盡奸頑。匡扶聖主。俺如今擺列槍刀。密排隊伍。驅將校領士卒。吶喊搖旗。鳴鑼擊鼓。

〔紫花兒序〕憑着俺人強馬壯。將勇兵驍。運智鋪謀。有一箇銚期猛烈。馬援奇術。誰如這一箇矮小。君章忒性龜。盡都是中興人物。一箇箇文過班。楊武勝孫吳。〔云〕兀的不是巨無霸的人馬來了也。〔外扮巨無霸驪馬兒領卒子上〕〔云〕名姓昭彰於天下。

敵兵見我誰不怕。手持妖魔聚獸牌。某乃長人巨無霸。某乃巨無霸是也。奉蘇元帥將令。領兵圍住昆陽。兀那門旗下。有何名將出馬。〔正末云〕小校傳令。先着邳惲與他交鋒去。〔卒子云〕理會的。〔邳惲驪馬兒領卒子上〕〔云〕矮小身材。世罕稀。冲霄膽氣有雄威。鴉兵三萬出山峪。扶立中興小邳惲。某姓邳名惲字君章。南陽人氏。今奉軍師將令。領兵前來拒敵。來者何人。〔巨無霸云〕某乃巨無霸。你來者何人。〔邳惲云〕某乃邳君章是也。〔巨無霸云〕你體若嬰孩。身不滿三尺。不

與你交戰。〔郤惲云〕頗奈匹夫無禮。怎敢量人卑小。交馬來。〔戰科〕〔各至門旗下科〕〔正末云〕傳令着馬援臨陣。〔馬援躍馬兒領卒子上〕〔云〕聲名傳滿遍天涯。武略文韜足可誇。對陣交鋒無比賽。騰雲取勝鐵飛撾。某乃陳州太守馬援是也。奉軍師將令。臨陣對敵。來至陣前聽令。〔正末云〕馬援。你與巨無霸交鋒去。可提防着他那聚獸牌。〔馬援云〕得令。兀那巨無霸。你認的我麼。〔巨無霸云〕你是那一員名將。〔馬援云〕某乃陳州太守馬援是也。敢相持麼。〔巨無霸云〕我和你決戰千合。〔做戰科〕〔各歸本陣科〕〔馬援見正末云〕看了那厮。手段低微。無甚武藝。止靠着聚獸牌。〔正末云〕你再與他交戰去。〔唱〕

〔調笑令〕這厮他笨愚忒心龐。則憑着巨大長人爭鬪賭。不由我尋思幾回心。生怒。嗔忿忿氣夯胸脯。提防他聚獸牌響動生毒霧。你衆將隨便支吾。〔馬援云〕兀那厮。我再與你交戰幾合。〔巨無霸云〕論武藝我敵不的你。我敲起聚獸牌。可以取勝也。〔正末唱〕

〔禿厮兒〕你在吾行揚威耀武。觀賊徒拉朽摧枯。則聽的搖旗吶喊轟戰鼓。兩下裡用機謀決箇贏輸。〔巨無霸擊聚獸牌科〕〔云〕我擊動這聚獸牌者。〔馬援云〕擊聚獸他牌哩。我與你打碎了者。〔馬援做打碎聚獸牌科〕〔云〕着去。〔正末唱〕

〔聖藥王〕他那裡心意毒。俺這裡忙叫呼。聚獸牌擊碎他五魂無。我見他力怯。狂奔路途。忙尋歸徑。自潛伏。昏鄧鄧塵土障天隅。〔巨無霸云〕被這厮打碎了我聚獸牌也。我贏不的他。虛砍一刀。往西北上逃命。走走走。〔下〕〔正末云〕馬援休趕他。四下軍兵圍着他。怎生出的去也。〔馬援云〕多虧軍師鋪謀用智也。〔正末唱〕

〔鬼三台〕這厮他施心術。難容恕。殺的他聲冤叫苦。俺可也得勝也。喜容舒。整三軍隊伍。你看那中興將士敢戰夫。南陽俊傑如狼虎。我着你着綠穿緋。一箇箇光宗勝祖。〔馬援云〕軍師。不想我一搥打碎聚獸牌。可救了昆陽城也。〔正末云〕馬援。你一搥打碎聚獸牌。功勞最大也。〔鄧禹云〕這一場功勞。多虧馬援飛搥打碎聚獸牌。軍師的妙策。可得解了昆陽之危也。〔正末唱〕

〔尾聲〕還師奏凱回營去。具酒饌犒賞士卒。今日箇平定了逆天賊。復立起中興聖明主。〔同衆下〕

第四折

〔外扮殿頭官領祇候上〕〔云〕曉日曠曠映九重。傳宣奉勅鳳城中。中興漢室平天下。五色祥光護六龍。小官殿頭官是也。方今之世。中興漢室。重立劉朝。天降聖人。羣賢擁護。俺光武主公豁達

大度崇武尚文。自白水村起兵。收集英雄。擒了王莽。斬了蘇獻。平定海內。軍民安妥。主公念衆功臣忠誠效勞。就於京城聚會雲臺。圖畫功臣形像。以彰旌表之義。就加封爵位。以報其功。令人門首觀者。衆將來時。報復我知道。〔祇候云〕理會的。〔鄧禹同吳漢賈復耿弇寇恂岑彭馮異上〕
〔鄧禹云〕八方安靜立神京。四海咸寧罷戰爭。隴右已收河北定。洛陽建闕再中興。小官鄧禹是也。這六位乃吳漢賈復耿弇寇恂岑彭馮異。自昆陽大戰。多虧子陵師父。鋪謀定計。着馬援搥打碎了聚獸牌。天降馬頭電。打散大兵。擒盡賊將。按巡河北。定隴收蜀。一掃煙塵皆淨。主公建都於洛陽。以爲東漢中興。因諸將有功。今在雲臺門下圖其形像。今奉聖人的命。在雲臺門加官陞職。俺去雲臺聽令。走一遭去。可早來到也。令人報復去。道有鄧禹等七將來了也。〔祇候云〕理會的。喏。報的大人得知。有鄧禹等七將來了也。〔殿頭官云〕道有請。〔祇候云〕理會的。有請。〔見科〕
〔鄧禹云〕大人。鄧禹等七將來了也。〔殿頭官云〕且一壁有者。〔朱祐祭遵景丹蓋延堅鐔耿純臧宮同上〕〔朱祐云〕宛城起義用豪傑。掃盡浮雲無障遮。稱讚子陵能手策。中興漢室顯奇絕。某乃朱祐是也。這六位乃祭遵景丹蓋延堅鐔耿純臧宮。自昆陽大戰。子陵定計。馬援打了聚獸牌。中興漢室。今往雲臺聽令。走一遭去。可早來到也。令人報復去。道有朱祐等七將來了也。〔祇候云〕理會的。喏。報的大人得知。有朱祐等七將來了也。〔殿頭官云〕道有請。〔祇候云〕理會的。

有請〔見科〕〔朱祐云〕大人朱祐等七將來了也。〔殿頭官云〕且一壁有者。〔馬武劉隆馬成王梁陳俊傅俊杜茂同上〕〔馬武云〕虎將英雄列戰場。不離劍戟共刀槍。相持對壘施謀計。敢勇軍兵箇箇強。某乃馬武是也。這六位乃劉隆馬成王梁陳俊傅俊杜茂。自昆陽大戰。子陵定計。馬援打了聚獸牌。中興漢室。今往雲臺聽令。走一遭去。可早來到也。令人報復去。道有馬武等七將來了也。〔祇候云〕理會的。喏。報的大人得知。有馬武等七將來了也。〔殿頭官云〕道有請。〔祇候云〕理會的。有請。〔見科〕〔馬武云〕大人馬武等七將來了也。〔殿頭官云〕且一壁有者。〔銚期王霸任光李忠萬脩邳彤劉植同上〕〔銚期云〕驅兵領將逞英雄。赳赳威風敢戰爭。若遇敵兵必殺壞。方顯將軍智量能。某乃銚期是也。這六位乃王霸任光李忠萬脩邳彤劉植。自昆陽大戰。子陵定計。馬援打了聚獸牌。中興漢室。今往雲臺聽令。走一遭去。可早來到也。令人報復去。道有銚期等七將來了也。〔祇候云〕理會的。喏。報的大人得知。有銚期等七將來了也。〔殿頭官云〕道有請。〔祇候云〕理會的。有請。〔見科〕〔銚期云〕大人銚期等七將來了也。〔殿頭官云〕且一壁有者。〔馬援上〕〔云〕善辨風雲運六韜。率師領將顯英豪。打碎妖牌賊兵退。馬到成功武藝高。某乃馬援是也。自昆陽大戰。子陵定計。某搗打了他聚獸牌。中興漢室。某今往雲臺聽令。走一遭去。可早來到也。令人報復去。道有馬援來了也。〔祇候云〕理會的。喏。報的大人得知。有馬援來了也。〔殿

頭官云。道有請。〔祇候云〕理會的。有請。〔見科〕〔馬援云〕大人馬援來了也。〔殿頭官云〕且一壁有者。這早晚軍師敢待來也。〔正末領祇候上〕〔云〕貧道嚴光是也。中興以定。天下太平。今奉聖人命。在雲臺門下。圖像功臣。今日論功陞賞。投至得加官賜賞。非同容易也呵。〔唱〕

〔雙調新水令〕今日箇聖明天子定乾坤。把浮雲一時掃盡。雲臺新建節。圖像衆功臣。靖掃妖氛。遍寰宇喜歸順。

〔駐馬聽〕想當日四海紛紛。銅馬赤眉起戰塵。相連州郡。綠林江夏。擾鄉村。南征北討。費慇懃。按巡河北多勞頓。天意允。今日箇太平一統江山穩。〔云〕可早來到也。令人報復去。道有嚴子陵來了也。〔祇候云〕理會的。喏。報的大人得知。有軍師來了也。〔殿頭官云〕道有請。〔祇候云〕理會的。有請。〔見科〕〔正末云〕大人嚴光來了也。〔殿頭官云〕嚴先生來了也。衆功臣。您近前來。因爲您忠誠效力。累建奇功。剿平莽賊。重興漢室。主公建節雲臺。將您圖畫形像於雲臺之下。以表武臣忠君之義也。〔正末云〕大人不知。貧道仰觀天文。俯察地理。這衆臣僚。非同小可。天厭莽賊。暴虐生民。故遣天上二十八宿。下降人間。扶立劉朝天下也。〔殿頭官云〕論軍師的才德。貫識天文。究通地理。尋常人豈能如此。這的是雲從龍。風從虎。聖人作而萬物覩也。今日平定了天下。主公不肯虧負有功之人。您衆功臣望闕跪者。聽聖人的命。惟我

國家法古建官。須索昭著勳勞。不輕授焉。爾等隨朕起兵。克平莽賊。定亂除危。四方無事。念卿等之大勞。特於雲臺圖形其下。使後世知卿等立功顯名。茲行陞擢。鄧禹爲衆將班首。因掌領百萬之衆。未嘗妄殺一人。封你爲丞相高密侯。吳漢封你爲大司馬廣平侯。賈復封你爲金吾上將軍。廣川侯。耿弇封你爲建武大將軍好時侯。岑彭封你爲征西大將軍武陽侯。寇恂封你爲執金吾上將軍雍奴侯。馮異封你爲征西大將軍武津侯。朱祐封你爲建義大將軍南陽侯。祭遵封你爲征虜大將軍樂陽侯。景丹封你爲虎牙大將軍櫟陽侯。堅鐔封你爲鎮殿大將軍棘陽侯。耿純封你爲威寧大將軍臨川侯。臧宮封你爲巡城大將軍朗陵侯。劉隆封你爲中山太守成事侯。王梁封你爲瑯琊太守阜城侯。杜茂封你爲驃騎上將軍參據侯。鮑期封你爲尉衛大將軍安城侯。王霸封你爲上谷太守淮陽侯。任光封你爲信都太守河陵侯。李忠封你爲豫章太守中水侯。萬脩封你爲東郡太守成志侯。邳彤封你爲大常卿靈壽侯。劉植封你爲驃騎大將軍鎮陽侯。馬援封你爲伏波大將軍晉陽侯。嚴子陵封你爲資治上卿。謝了恩者。〔鄧禹云〕感謝聖恩。〔衆拜科〕

〔正末云〕貧道不受官祿。還我那七里灘去也。〔唱〕

〔沽美酒〕會雲臺於紫宸。命丹青畫功臣。授爵封侯祿位尊。是皇家世臣。降丹書。賜玄纁。

〔太平令〕明聖主德過堯舜。衆賢臣善武能文。調鼎鼎家和國順。罷烽煙各安其鎮。今日箇萬民謝恩。一齊拜紫宸。萬萬國皆來朝覲。〔殿頭官云〕您衆將聽者。則因您手提寶劍定軍州。中興起義運機籌。按巡河北王郎死。赤眉銅馬一時休。文武星君臨相府。二十八宿盡封侯。聖人有德過堯舜。永保皇朝萬萬秋。

題目 舉義兵扶漢室中興

正名 雲臺門聚二十八將

雲臺門穿關

頭折

嚴尤 兔兒角幘頭 補子 卒子 紅碗子盔 青布釘 蘇獻蘇成 鳳翅盔 項帕 直纏 襖兒 補子

帶帶劍 正末劉欽 多簷帽 蟒衣曳撒 袍 項帕 直 夫人 場頭手帕 眉額 補子

三髯髯 劉綰 多簷帽 膝襠曳撒 袍 項帕 直 劉仲 多簷帽 膝襠曳撒 袍 項帕 直

劉末 銀錠 膝襠曳撒 一字巾 補子圓 岳彥明 一字巾 補子圓

第二折

一捻酥 皮盔 掩心甲 項帕 喬卒子 紅氍帽 青布釘 頓兒 皮盔 膝襠貼裏 掩心

劍 喬卒子蘇獻蘇成卒子 同前 劉綰劉仲卒子 同前 陰太公 一字巾 茶褐

帶蒼白沙三 紗包頭 綿布襖 綿 劉末 同前 山神 鳳翅盔 膝襠曳撒 袍 項帕

鬼力 鬼頭 錦襖 項帕 法 正末土地 方巾 邊欄道袍 繼 劉末又上 同烏雅

虎
衣

第三折

鄧禹

撒髮盔抹額
帶 蟒衣曳撒

袍 項帕

直 卒子

同 正末嚴光

散巾 邊欄道袍

三髯

卒

子

同 巨無霸

簪纓披廈冠 抹額 錦襖

袍 項帕

如意裙 直纏

帶 行 卒子

同 馬

前 鄧惲

四縫笠子盔 錦襖 皂袍 項帕 如意裙 直纏 帶 行 卒子 同 馬

同 鄧惲

布襪 八答鞋 猛髯 火葫蘆 雙狼牙棒 鴉兵旗 躍馬兒

卒子

同 馬

援

鳳翅盔 蟒衣曳撒 袍 項帕 直纏

卒子

同 馬

第四折

殿頭官

兔兒角幘頭 補子 祗候 項帕 圓領 鄧禹

同 吳漢

鳳翅盔 膝欄曳撒

帶 帶

劍 三 賈復

鳳翅盔 玉色膝欄曳撒 玉色袍 項 耿弇

鳳翅盔 膝欄曳撒 紅袍

劍 三 賈復

鳳翅盔 玉色膝欄曳撒 玉色袍 項 耿弇

鳳翅盔 膝欄曳撒 紅袍

劍 三 賈復

鳳翅盔 膝欄曳撒 紅袍

劍 三 賈復

鳳翅盔 膝欄曳撒 紅袍

劍 三 賈復

劍 三 賈復

鳳翅盔 玉色膝欄曳撒 玉色袍 項 耿弇

鳳翅盔 膝欄曳撒 紅袍

劍 三 賈復

鳳翅盔 膝欄曳撒 紅袍

劍 三 賈復

鳳翅盔 膝欄曳撒 紅袍

劍 三 賈復

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮


鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

鳳翅盔 膝欄曳撒 袍 項帕 直 祭遵 景丹 蓋延 堅鐔 耿純 臧宮

直纏 搭膊 帶 馬武 獅磕腦盔 蟒衣曳撒 袍 項帕 劉隆 馬成 王梁 陳俊 傅俊
 帶劍 三髯髯 直纏 搭膊 帶 紅髯 簡
 鳳翅盔 膝欄曳撒 袍 項帕 直 杜茂 虎磕腦盔 膝欄曳撒 虎皮袍 項帕 銚期
 纏 搭膊 帶 帶劍 三髯髯
 鐵幘頭 蟒衣曳撒 皂袍 項帕 王霸 任光 李忠 萬脩 鳳翅盔 膝欄曳撒 袍 項
 直纏 搭膊 帶 猛髯 竹節鞭
 三髯 邳彤 鳳翅盔 蟒衣曳撒 紅袍 項帕 劉植 鳳翅盔 膝欄曳撒 袍 項帕 直
 髯 直纏 搭膊 帶 帶劍 紅髯 纏 搭膊 帶 帶劍 三髯髯
 馬援 同 正末 嚴光 祇候 同
 前 前

四十三年四月十一日校錄內本清常道人



薛苞認母

闕名

第一折

〔冲末扮李老兒同卜兒上開〕急急光陰似水流。等閑白了少年頭。月過十五光明少。人到中年萬事休。老夫汝南路人氏。姓薛。是薛太公嫡親的六口兒家屬。大孩兒薛孟昌。他的母親亡逝已過。這箇是娶的他繼母。當着箇家。見不上這大的箇孩兒。見了他那兩箇孩兒。恰便似珍珠玉顆般看承。自從繼母行所生了薛二薛三。見我那大的箇孩兒。眼中釘。肉中刺。不待見他。此白疑有脫誤無從校正
〔卜兒云〕我可怎生不待見大小廝。老的。今日好日辰。着他兩口兒搬出外邊住。便離了我家中。則依着我者。〔李老兒云〕婆婆。叫過媳婦兒來。〔旦上〕見字老兒云。喚媳婦兒有何事。〔卜兒云〕媳婦兒。聽父母指教。則今日好的日辰。你書房中對薛孟昌說去。便與我搬出去另住。〔同下〕
〔正末上〕云。小生汝南路人氏。姓薛。名苞。字孟昌。母親亡逝已過。俺父親又娶的繼母當家。每常繼母見我。便似珍珠玉顆看承。自從繼母所生子薛二薛三。見我便似眼中釘。肉中刺。兩箇眼裏不待見我。雖然父母不待見我。我這孝順心。不敢有違。每日家閉戶讀書。聖人經典是好也呵。

〔唱〕

〔仙呂點絳脣〕聖道遺言。每親時轉。時轉二字疑誤下同觀經典。虛度流年。未遂俺男兒願。

〔混江龍〕聲名時轉。天公暗裏不曾偏。自從俺萱堂亡過。娶的箇繼母當權。每

日家把閑打罵。俺親娘何日再團圓。事原作世趙改試亦非犯了無輕善。他則待做仇作業。

〔云〕俺兩箇兄弟〔唱〕也則待順水推船。〔旦上〕〔云〕開門來。〔正末云〕誰喚門哩。〔旦云〕是薛

大嫂。〔正末云〕薛大嫂。你是箇婆娘婦女家。來我這書堂中。有何事幹。〔旦云〕我無事不來。父母

的言語。今日是好日辰。教俺兩口兒搬出去另住。〔正末云〕是誰說來。〔旦云〕是父親母親說來。

〔正末云〕休道父親母親說來。便是父親母親說呵。不着俺男子漢知道。大嫂。咱則學賢惠的好

人也呵。〔唱〕

〔油葫蘆〕孝道爲人感動天。播清風世也傳。孝當竭力理當然。雖然咱這老雙

親。便把咱這孩兒來遣。則咱這做兒的。休把這爺娘來怨。孝王祥在岸邊。生事

母忒不賢。被王祥感的他心慈善。咱可便行孝道。可也不心堅。

〔天下樂〕自古道心堅石也穿。哎。你箇妻也波慳。非是你賢。大剛來做兒的先

向前。你道是做爺的無半點恩。俺這做兒的有萬千。〔帶云〕爺娘好歹。則辦着箇孝道

的心腸。〔唱〕則咱這爺娘恩。如昊天。〔云〕薛大嫂。古來賢婦。你知道麼。〔旦云〕薛孟昌。有那幾

箇古人。我不知道。你試說一遍者。〔正末云〕你那裡知道。〔唱〕

〔那吒令〕孟宗爲他母親呵。哭筍在竹邊。黃香爲他母親呵。枕蓆下扇搨。江詩爲他母親呵。求魚在池泉。〔帶云〕作善的又別。作惡的又別。〔唱〕作善的青史內標。作惡的登時現。誰聽你巧語花言。〔李老兒同卜兒上〕〔聽科〕〔卜兒云〕您兩口兒說罵誰哩。

〔正末唱〕

〔鵲踏枝〕則聽的怒聲喧。沒揣的撞在跟前。〔卜兒云〕老短命。你怎麼不打他。〔李老兒云〕我打你箇生忿弟子孩兒。〔正末唱〕全無些父子之情。動不動倚氣而眠。〔卜兒云〕則今日好日辰。教您兩口兒另住。〔正末唱〕我不爭離爺娘較遠。〔帶云〕母親差了也。擡舉的孩兒成人長大。一日恩也不會報。便着您孩兒另住。〔唱〕顯不出子孝妻賢。〔卜兒云〕老短命。你聽他說麼。他是箇讀書人。他便是孝順的。他老婆便是賢達的。我便是箇不賢的。〔正末云〕母親。你說的差了。〔唱〕

〔寄生草〕見母親那裡添言語。父親那裡行杖鞭。我見他惡狠狠便把容顏變。諛的我戰兢兢不敢把身回轉。〔卜兒云〕薛孟昌。你走了可不少吃幾下打。〔正末云〕不爭您兒走了。父親年紀高大。不趕亦無話說。若趕您兒。門框兒較高。把父親絆一交。磕破頭額。是您孩兒

生忿忤逆。我不怕人笑話。〔唱〕我則怕頭直上湛湛青天兒。〔卜兒云〕打着你。你可怨暢麼。

〔正末唱〕你道是因何辱子不辭勞。您孩兒長立成人怎敢把爺娘怨。〔卜兒云〕孩

兒也。依着你父親。且在外邊住。我勸的你父親回心轉意。便搬你來家住。〔正末云〕罷罷罷。依着

父親母親者。〔唱〕

〔尾聲〕父親待要分離。難留戀。事犯了如何赦免。我待不去呵。違拗了我父母言。從今後別置家緣。俺父親怎生言。子母炒鬧喧天。打罵我登時在眼前。則這毒害心忒偏。則我這孝順心不變。則願的這一雙父母壽延年。〔下〕

第二折

〔李老兒同卜兒染病上〕〔云〕心頭一點痛。起坐要人扶。自從將我孩兒趕出去另住。老漢每日思量。不能覷得見。我如今將我這婆婆。教他外邊去。我使人叫孩兒來說兩句話。我心中死也不怨。叫婆婆來。〔卜兒云〕老的你這病如何。〔李老兒云〕婆婆。我這病則有添無減了也。〔卜兒云〕似這般如之奈何。〔李老兒云〕婆婆。我要吃一服兒藥。可無引子。你去東莊裏姑姑家取些蜜來做引子。〔卜兒云〕我去取去。〔卜兒做出門科〕〔云〕老的你。你瞞誰哩。他心中的意思。叫他孩兒來說兩句話兒。爭奈我在家中。他不敢叫去。我也不去取蜜去。我躲在一壁。聽他說甚的。〔李老

兒云「婆婆去了也。怎麼得我那孩兒來。說兩句話。可也好也。」〔正末上〕「云」好是煩惱人也呵。自從父母趕這我。院外另住。我這孝順心。可也不變。每日家晨參暮禮。仍是晨參暮禮。早晨間光梳了頭。淨洗了面。將着一爐香。望着父母門前。不敢進那房裏去。隔着簾子拜我那父母。到晚夕一炷香。又禮拜我父母。哀哀父母。生我劬勞。欲報深恩。昊天罔極。兒女報答爺娘。養有恩念。便是做兒女的孝心。〔唱〕

〔越調鬬鵲鶯〕常言道。馬有垂韁。犬有那展草。踴躍街心。慈烏反哺。尙兀那禽獸由然。他兀自知恩不報。我今番到那裡走一遭。勸的我父母心回。便是孩兒的孝道。〔云〕我試聽者。〔李老兒云〕想殺我薛孟昌孩兒也。〔正末唱〕

〔紫花兒序〕這的是爺娘主意。把這辱子來就饒。〔云〕我不敢房裏去。隔着簾子。禮拜我這父母。〔李老兒云〕這影兒怕不是薛孟昌麼。〔正末云〕是您孩兒。〔李老云〕你進房裏來。〔正末云〕房裏有母親。〔李老兒云〕無你母親。〔李老兒見正末悲科〕〔云〕孩兒也。由不的我。都是你母親來。〔正末唱〕量度。一日錯翻騰。一世錯。常言道。父慈子孝。量這些衰草的慇懃。〔李老兒云〕晨參暮禮生受。〔正末云〕父親說的差了也。一日恩也不會報。道您孩兒晨參暮禮生受。〔正末唱〕報答不的養育我的劬勞。〔下兒云〕你在這裡做甚麼。〔正末云〕我辭別了父親。母

親來。我索迴避。〔下〕〔李老兒云〕薛二薛三那裡。〔卜兒云〕你問他怎的。〔李老兒云〕我有說的話。〔薛二薛三同上〕〔薛二云〕平生不管家活計。定害爺娘則要錢。我是薛二。兄弟薛三。噲兩箇正吃着酒。聽的人說。噲父親死了。噲兩箇回家中去來。〔薛三云〕哥哥。噲父親死了。噲眼裏無泪。可怎麼好。〔薛二云〕兄弟也容易。我帶着些薑末兒哩。噲兩箇眼裏着些便了也。〔薛二薛三見卜兒哭科〕〔卜兒云〕你兩箇啼哭怎麼的。〔薛二云〕人說俺父親死了也。〔卜兒云〕不曾死哩。〔薛二薛三見李老兒科〕〔李老兒云〕薛二薛三。你來了也。〔卜兒云〕來了也。〔李老兒云〕着孩兒每都過來。我有說的話。婆婆你近前來。想我這大的孩兒。是先前婆婆所生。想薛二薛三。是你跟前的。我也無那活的人也。我囑付你幾句話者。你便依着我。我死之後。我也無那怨恨。你這兩箇孩兒。吃不了的剩茶剩飯。看着老漢的面皮。與我那大孩兒些吃。兩箇孩兒穿不了的舊衣服。看着老漢的面皮。與他一件半件穿。囑付你三言兩句話。若不看老漢。黃泉做鬼。不和你厮見。孩兒也。我顧不的你了也。〔死科〕〔衆哭科〕〔卜兒云〕替您父親買棺材去。〔薛二云〕怎麼買棺材。一箇棺材。使三四兩銀子。不索買棺材。〔卜兒云〕叫幾箇和尚看些經。〔薛二云〕也不索叫和尚。俺弟兄兩箇發送。噲這房背後有一棵大柳樹。砍一根柳栽子來。用那快斧子砍的尖尖的。油缸裏蘸一蘸。火上燒一燒。把那老子渾身上下的衣服都脫了。望着俺老子屁股裏一擲。擲將進去。我便

挑着我老子。你便跟着俺兩箇。窩葬了他。〔孝老兒云〕我不死了。我不死了。〔薛二云〕你怎不死了。〔孝老兒云〕我怕你兩箇弟子孩兒窩葬了我。〔下〕〔卜兒哭科〕〔薛二云〕母親你哭他怎的。〔卜兒云〕你一箇父親死了呵。我怎生不啼哭。〔薛三云〕死的自死了。活的也要過哩。噯娘兒。每有商量的話。〔卜兒云〕孩兒有甚麼話說。〔薛二云〕父親已是死了。母親又不曾死。車不會翻。噯如今有千萬貫家緣家計。倘或母親有些好歹。俺哥哥想着那冤讐。他把家財都奪將去了。我怎麼禁的他。今日喚的哥哥來。就分開了別住。〔正末上〕〔見云〕母親喚您兒。有甚麼話說。〔卜兒云〕樹大枝散。就在靈前面。把這家私分開了者。〔正末云〕母親差了。俺父親熱也未斷。便怎麼分這家私。可也早哩。〔卜兒云〕如今不分。到幾時分也。〔正末唱〕

〔調笑令〕不孝男薛苞。三箇兒怎生交。纔把親爺停葬了。您孩兒長成人怎不把這恩臨來報。娘跟前豈避箇劬勞。願母親一百歲壽長直到老。〔云〕母親百年之後。俺弟兄三箇。把母親花棺彩輿。發送母親上路呵。回家。〔唱〕俺那其間各自尋箇窩巢。〔卜兒云〕孩兒你分麼。〔正末云〕母親分不的。〔卜兒云〕孩兒。你分了罷。若不分呵。我則一搭搭殺了。〔卜兒做搭三科〕〔正末云〕我依着母親分了罷。〔卜兒云〕你情願要分來。我又不曾逼凌着要你分。您三箇孩兒近前來。你母親是箇秤兒。我把這千萬貫家緣家計。我分的停停的。我無

箇偏心。俺家裏苦莊田地。有三十頃。孩兒你休要。與你兩箇兄弟。有二十隻犂牛。大的箇孩兒。你也休要。也與你兩箇兄弟。有十匹上槽的馬。你是箇讀書人。你也騎不的。也與你兩箇兄弟。又有牛羊馬匹五百來隻。你也沒處用他。也與你兩箇兄弟。有三千塊上架的鈔。與你呵。也沒處使用。也與你兩箇兄弟。金子銀子又有三百箇。你也沒處用。也與你兩箇兄弟。好綾羅段疋五百疋。你也無處用。也與你兩箇兄弟。有年紀小的漢子和婦人有三十箇。便與你呵。不聽你使喚。也與你兩箇兄弟執鞭墜鐙。孩兒也。你的家私有哩。〔正末云〕母親。我的家私在那裡。〔卜兒云〕你的家私。疎漏的房子。都是好房子朽壞了的家活。又有未耕的荒地。兩箱子文書。都是你的。〔正末云〕怎麼與破漏房子我。怎生住。〔卜兒云〕怎麼喚做破房子。可也多年了。拆了椽子的少了。瓦的。孩兒你勤謹麼。你叫幾箇人來修蓋修蓋。便是好房子。怎麼喚做壞了。家私都是這媳婦兒不在意。把這碗兒碟兒都打了。不是您娘喚的釘鉸匠來。見一件家活上。有三十箇馬黃掬子。有這兩箇來。你便拿去。這箇是朽壞了的家活。有那老七十歲八十歲。老的沒了牙的。有十箇與你使用。孩兒也。你是箇識文識字的人。那幾箇老的。他在京師第一和你好說話。怎麼是荒屯了的地。有十頃二三十年不曾耕種。一畝翻。十畝收。這箇是荒屯了地。又有兩箱子文書。一字值千金。兩箱文書。值多少金。怎□□親的不好。若我分的不均。空中自有神道。〔正末云〕薛二薛三。母親

要分了這家私。你可勸一勸。〔薛二云〕母親要分這家私。干俺弟兄兩箇甚事。〔正末云〕母親分這家私。則怕外人談論麼。〔卜兒云〕怕他說有甚麼事。〔正末唱〕

〔禿厮兒〕全不怕傍人恥笑。雖然不是共乳同胞。你可便虛着箇義讓外看好。仰着面。告青霄。可也量度。

〔聖藥王〕您不肯墳前走一遭。你則待尋些礙叫。把家緣家計。盡都分了。破碎了我收着。常言道無福也難消。我則待甘分受劬勞。〔旦云〕薛孟昌。千萬買家緣家計。兩箇叔叔都分去了。噤分了疎漏的房屋。朽壞的家活。奴婢老弱的荒屯了的地。噤怎生過那。

〔正末唱〕

〔慶元貞〕房子又摧塌倒了。你放心我與你修蓋的堅牢。田地又荒屯了。下工夫耕種鋤鉋。粗衣淡飯且淹消。不學些賢惠絮絮叨叨。把家緣家計。盡都收了。母親聽着。我則待行些孝道。〔云〕我爲甚不爭你這家私。〔唱〕博換的箇青史內把名標。〔旦云〕薛孟昌。噤雖然分他這家私。噤是箇上房長子。先請母親嚙家裏住一箇月。〔正末云〕大嫂。你也說的是。告的母親知道。我是長子。先請母親家裏住一箇月。〔卜兒云〕這厮着話兒羞辱我。休說你不曾分了家私。你便分了家私呵。見有我兩箇兒。我凍殺餓殺。我不上你門來。〔正末〕

云〕罷罷罷〔唱〕

〔尾聲〕君子不奪人之好。〔卜兒云〕你分了的這家私。可也不少。〔正末唱〕母親道。我分了的家私不少。〔旦云〕噤怎麼過活那。〔正末唱〕不要你忙急急幹些衣食。我教你閑約約快活到老。〔下〕

第三折

〔卜兒上〕〔云〕自從和大的箇孩兒分另了。却早三年光景也。萬貫家緣家計。都分與了我兩箇孩兒。不到一年。天火燒了。家緣家計家財。都消滅了。每日家抄化爲生。在這城南破瓦窰中居住。兩箇孩兒。長街市上叫化飯食去了。晌午前後。怎生不見兩箇孩兒來。〔薛二同薛三上〕〔云〕兄弟也。噤弟兄兩箇。叫化一日。尋些茶飯與母親吃。尋不將來。母親忍飢也。這早晚晌午前後。噤也尋不的這飯。着母親吃甚麼。〔薛三云〕哥哥。噤吃飯不吃飯。不打緊。便餓殺也罷。可則一件。噤少楊真五箇銀子。本利該十箇銀子。他如今要這銀子哩。着甚麼還他。〔薛二云〕兄弟。似此怎了。〔薛三云〕哥哥。這箇也容易。有噤祖業莊田。賣二十箇銀子。還他十箇。留下十箇。養活母親。〔薛二云〕我會和老的每商量來。便寫下一紙文書。老的要買不敢買。〔薛三云〕哥哥。怎麼來不敢買。〔薛二云〕老的每道。我敢買。見放着你長兄做着財主。不得你哥哥一箇手字。俺怎敢買。俺弟

兄兩箇。拿着這張文書。着哥哥畫箇手字。他想着那分家私的冤讐。你兩箇可來央及我。倒吃他一頓好打。其實不敢。〔薛三云〕哥哥容易。噲弟兄兩箇不敢去。破瓦窰中有母親。着母親去。他敢打娘麼。〔做同薛二見卜兒科〕〔卜兒云〕孩兒。你兩箇來了。將抄化的飯來我吃。〔薛二云〕俺弟兄兩箇餓出屁來。那裡有那飯來。〔卜兒云〕可怎生是好也。〔薛三云〕母親有便置。無便棄。有噲祖業的莊田。老的每要買。與二十箇銀子。還楊真十箇。留着十箇。俺弟兄兩箇做買賣。養活你可不好。〔卜兒云〕你賣了罷。〔薛二云〕見放着俺哥哥哩。他是上房長子。得俺哥哥一箇手字。他才敢買。俺弟兄兩箇待去來。想着噲萬貫家私。噲都分了他那冤讐。他不打俺弟兄兩箇。沒奈何。母親你走一遭去。你酒兒又吃了他的。肉兒又吃了他的。他敢打你。〔卜兒云〕孩兒也。我幫身趕將他出去了。千萬貫家緣家計。您兩箇都分了。他如今肯畫字便好。他不畫字。我可怎麼來家。〔薛三云〕母親。你走一遭。〔卜兒云〕我去不的。〔薛二云〕三兄弟。央及母親走一遭去。家裡無那關闔的人。兄弟。你也不要尋飯去。我也不要尋飯去。噲在破瓦窰中。守着他坐三日。餓的他慌了。好歹也去。〔卜兒云〕我待不去來。兩箇孩兒央及我哩。我待去來。則怕我那孩兒。想着那分家私的冤讐。他羞辱我。我怎麼來家。無可奈何。把我羞臉揣在懷裏。我走一遭去。薛二薛三。你母親去也。怎不教我煩煩惱惱。怎不教我痛哭嚎啕。往常時蘭堂畫閣。我今日住着箇破窰。我往常時穿

的輕紗衣錦。我如今披着絮套。往常時羊肉白麵。如今糠也尋覓無一抄。好家緣分與您兩箇。不成的分與薛苞。你少了楊真銀子。要把祖業的莊田賣了。哥哥肯畫字。萬事都休。若不畫字。把我這全家兒苦苦的哀告。我也曾將他打罵。我也曾將他凌虐。使盡我味己瞞心。這的是天開眼。一還一報。〔下〕〔薛二云〕母親去了。哥哥若肯畫字。便好了。若不肯畫字。可怎好。隨後俺兩箇跟的母親去。我手裏拿着塊半頭磚。畫字便罷。若是不畫字。把俺娘扳將過來。一磚打破頭。好也。你又不畫字。你打破娘頭。我賴他二十箇銀子。〔同下〕〔旦上〕〔云〕好是煩惱人也。自從和婆婆兩箇小叔叔分開。今經可早三年光景也。兩箇小叔叔分了萬貫家緣家計。未到一年。天火都燒了。每日家抄化爲生。兩箇小叔叔。受貧不打緊。帶累的我婆婆受窮。我有心請母親來家侍養。則怕我那薛孟昌。想起那分另家私的冤讐。有一言半語的話。到來日我把那街坊婆婆。請幾箇來。勸的我那薛孟昌心回。請的我那婆婆來家侍養。便是我平生願足。孩兒每門首覷者。看有甚麼人來。〔卜兒上〕〔云〕我問人來。則這裡便是我大孩兒家裏。有人麼。〔旦云〕這孩兒每好不中用也。那箇叫化的婆兒。打發他出去。〔卜兒云〕媳婦兒是我。〔旦云〕我則道是誰。元來是母親。請母親家裏來。母親請坐。您媳婦拜母親者。〔卜兒云〕員外往那裡去了。〔旦云〕員外索錢去了。下次孩兒每安排茶飯。將酒來。母親飲幾盃。〔正末上〕〔云〕好是煩惱人也。自從和兩箇兄弟。同母親分

開了。可早三年光景也。千萬貫家緣家計。都分與兩箇兄弟。不穀三年。盡都消滅了。我分了疎漏的房屋。損壞的家活。荒屯了田地。倩幾箇人來修蓋這破房舍。下銀處得了一頭外財。不穀三年。揭焰也似家財。我做了財主。兩箇兄弟。抄化爲生。兩箇兄弟受貧也罷。帶累的我母親也受窘。有心待請母親來家侍養。則怕俺薛大嫂。想那分家私的冤讐。有一言半語的話。到來日。把那老的每請幾箇來。勸的心回。請母親來家侍養。便是我平生願足。過日月好速也呵。〔唱〕

〔中呂粉蝶兒〕日月如梭。利名捧忽然參破。尋思起布網張羅。啗人這幹營生。求富貴。都是些妨身的災禍。生死存活。到頭來一家一箇。

〔醉春風〕想啗人富貴總由天。貧寒盡在我。用之則行舍之藏。有甚不可可。則願的我母親身安。守滿這父親喪禮。習學些聖人功課。〔云〕我做財主。兩箇兄弟抄化爲生。要我何用也呵。〔唱〕

〔石榴花〕則俺這兩箇兄弟受奔波。我便似石崇富。待如何。逐朝每日。戀着笙歌。兄弟也。你不肯做過活。您則待趁浪逐波。你做甚麼來把家私使的無些箇。你如今都無錢呵。你不肯把我來相扶撮。着你箇小兄弟怨哥哥。我接不的母親來家。枉惹的傍人罵我。〔云〕與兒接了馬者。〔唱〕

〔鬪鶴鵲〕我這裡人的房門。不知道有誰把我來閃躲。〔云〕薛大嫂。有誰來。〔旦云〕沒人來。〔正末唱〕你道無人呵。則你那手脚張皇。不知因箇甚麼。你便與我快說波。〔云〕你不知道我性兒。〔旦云〕沒別人來。則有母親來。〔正末云〕有母親來。請過母親來。〔唱〕您孩兒接待的延遲。哎。娘也便是您孩兒罪過。〔卜兒云〕孩兒說殺我也。〔正末云〕大

嫂。安排酒食來。〔唱〕

〔紅繡鞋〕則俺這老母親。年紀來高大。〔云〕大嫂。你穿着甚麼。母親穿着甚麼。〔唱〕你脫了母親舊衣服。母親換上一套家綾羅。則您這箇歹孩兒。怎肯着娘受奔波。俺親父歸在泉世。願母親壽命多。兀的不歡喜的沒奈何。〔云〕大嫂快疾波。〔唱〕

〔上小樓〕快疾波。安排酒果。我和母親閑談清坐。〔云〕歡喜未盡。煩惱又來。〔唱〕怎不教我痛哭悲哀。煩天惱地。雨淚如梭。〔卜兒云〕孩兒。你莫不噴我來麼。〔正末唱〕我這裡急慌忙對母親將言說過。〔云〕母親。您兒母親也有媳婦兒也有。〔唱〕眼面前則不見俺那兄弟兩箇。〔云〕大嫂。你和母親飲酒。我前後執料去者。〔薛二薛三上〕〔云〕兄弟。你拿着磚也不會。噤兩箇不要進去。則在門首等着。看有甚麼人來。〔正末云〕下次孩兒每。好不中用也。這兩箇叫化的。怎麼不打發出去。〔薛二云〕哥哥。是你兩箇兄弟。〔正末云〕是薛二薛三。〔做悲科〕

〔唱〕

〔么篇〕大兄弟你說箇甚麼。小兄弟便受些坎坷。您這般無吃無穿。無挨無靠。〔云〕不干別人事。〔唱〕都是您薛苞哥哥。想着咱這弟兄每。效田真三箇。〔云〕我做財主。兩箇兄弟抄化爲生。要我何用。〔唱〕合把我這潑屍骸萬刀下切剝。〔云〕母親。兩箇兄弟來了也。大嫂將酒來。與兩箇兄弟吃。〔楊真上〕〔云〕處處無征民樂業。家家沽酒賀昇平。小官楊真的便是。有這薛二薛三。這兩箇逆賊。借了我五箇銀子。本利該十箇銀子。我前街裏尋他。他趨了後街裏。我后巷裏尋。可趨在前街上。我隨後跟到薛孟昌宅上。令人請出賢士來。我有說的話。〔正末云〕母親。你和兄弟吃酒。外面有人喚我。我去看者。我道是誰。元來是相公。貴脚來踏賤地。略請相公客位裏坐一坐。相公有何事幹。來到小生賤處。〔楊真云〕賢士。我無事可也不來。有薛二薛三。兩箇逆賊。少我五箇銀子。本利該十箇銀子。前街上尋他。他趨在後巷裏。後巷裏尋他。他趨在前街裏。隨後跟來賢士宅上。快着那兩箇逆賊出來。〔正末云〕不瞞相公說。薛二薛三。是小生親兄弟。二人上小生門來。待尋些兒茶飯。我便叫他出來。〔做見卜兒云〕薛二薛三分家私。幾年了也。〔薛二云〕分家私三年了也。〔正末云〕三年光景。不上我門來。你今日有何事幹。上我門來。〔薛三云〕母親。你來這裡做甚麼來。你怎麼不說。〔卜兒云〕孩兒也。我吃了幾鍾酒。我忘記

了也〔薛三云〕你則來爲你那嘴來。〔卜兒向正末云〕孩兒也。我也無事不來。你兩箇兄弟抄化爲生。少楊眞五箇銀子。本利該十箇銀子。前街尋着。要打殺你兄弟。后巷裡尋着。要打殺你兄弟。無可奈何。則有嚙那祖業的莊田。有人要買。不得哥哥一箇手字。不敢買。〔正末云〕母親。那文書在那裡。〔卜兒云〕這箇不是文書。〔正末云〕母親。這文書不中用。我扯了這文書。〔卜兒云〕哥哥。你怎麼扯了這文書。〔正末唱〕

〔十二月〕你道因何把文書扯破。怎下的賣了嚙祖上的莊科。〔薛二云〕哥哥。我無可奈何。〔正末唱〕你道你無計兒奈何。〔楊眞云〕這兩箇逆賊。怎麼不出來。〔正末唱〕天那攪的俺怎做箇存活。俺母親今日望我。二兄弟同居。拜見哥哥。〔云〕母親。扯了文書。你慌麼。〔卜兒云〕怎麼不慌。〔正末云〕兄弟。你怕麼。〔薛二云〕哥哥。怎麼不怕。〔正末云〕母親。你也休慌。兄弟。你也休怕。〔唱〕

〔堯民歌〕則你這少下的我還他。這裡問母親兄弟意如何。捨這我潑家私盡得它。則您這小孩兒。怎肯着娘受奔波。生也波哥哥。生忿不逆他。〔云〕大嫂。將過另的文書燒了者。〔唱〕從今後和兄弟一搭同居過。〔云〕將過十箇銀子來。兩箇兄弟過來。還楊眞十箇銀子。〔薛二云〕哥哥。他則要尋着我。要打殺俺弟兄兩箇。我怎生見他去。〔正末云〕

我替你還這銀子去。〔做見楊真科〕〔云〕相公。俺兩箇兄弟抄化哩。他那裡取十箇銀子。我替兩箇兄弟還。就今日燒了分書。和兄弟一搭兒居住。〔楊真云〕此人元來大賢大孝。替他兩箇兄弟還了十箇銀子。又和兄弟一搭兒居住。此乃賢士也。似這等孝當竭力。敬奉雙親。世之罕有也。說罷着我泪如珠。大的賢來小的愚。十箇銀子都不要。〔正末云〕相公。你爲甚麼不要這十箇銀子。〔楊真云〕則爲你薛苞分另再同居。到來朝一日。見了聖人。重重自有加官賜賞來。〔下〕〔正末見卜兒科〕〔云〕告的母親知道。賀萬千之喜。楊相公。十箇銀子也不要。他說來朝見了聖人。保奏俺一家兒加官重賞哩。〔唱〕

〔尾聲〕薛大嫂論賢惠。你與我侍奉婆婆。不要你背地裡釁下過活。弟兄每一搭兒團圓過。到大來無是無非快活殺我。〔同下〕

第四折

〔扮使命上〕〔云〕萬里雷霆驅驛令。一天星斗煥文章。小官天朝使命。我奉聖人的命令。有汝州汝陽縣。有一秀士薛苞字孟昌。此人大孝。媳婦大賢。被他繼母。將他兩口兒趕將出去。今日同居。今奉聖人的命。在驛亭中加官賜賞。令人請去了。這早晚。敢待來也。〔正末同卜兒上〕〔云〕誰想有今日也呵。〔唱〕

〔雙調新水令〕當今天子重賢臣。託賴着一人有慶。今日箇受帝澤。享太平。食列鼎。臥重裯。頭直上傘蓋如雲。多應是祖宗分。〔做見科〕〔使云〕你便是那薛苞。〔正

末云〕小生便是薛苞。〔使云〕你母親怎生趕你另住。你慢慢的說一遍。〔正末云〕大人。試聽小生說一遍者。〔唱〕

〔鴈兒落〕親的原來則是親。無他那半點兒心偏徇。小生可便怎敢議論。俺兄弟忒忒逆忒生分。

〔得勝令〕他端的宜假不宜真。母親把兩箇兄弟不瞅問。覷小生如親生子。我怎敢知恩不報恩。萬萬歲明君。今日法正天心順。我是書生。怎能穀金塔上朝至尊。〔使云〕賢士有如此大賢大孝。敢問賢士曾讀書來麼。〔正末云〕大人。聽小生再說一遍者。

〔唱〕

〔沽美酒〕曾讀孔孟文。自在的不成人。若不是父母嚴師能教訓。〔使云〕賢士有如此博學廣文。高才大德。見如今聖人納士招賢。何不進取功名。〔正末唱〕小生自隱小兄弟不瞅問。

〔太平令〕某小生一言難盡。小兄弟文質彬彬。俺母親將我似親生子一般恩


櫬。我怎敢言而無信。自從亡過了俺父親。守着俺這母親。〔云〕大人不干母親和兄弟事。〔唱〕都是這不孝薛苞生分。〔使云〕薛苞您兩口兒跪者。聽聖人的命。爲薛苞侍奉雙親。衆親隣保奏朝廷。亡父親心懷甘苦。將繼母孝道慫勸。二兄弟作力分另。復居住同認母親。封你爲汝陽縣令。你渾家賢德夫人。國家喜的是義夫節婦。愛的是孝子順孫。聖明主加官賜賞。一齊的望闕謝恩。

題目

楊宰相舉善薦賢士

正名

薛孟昌分另再同居



劉關張桃園三結義

闕名

頭折

〔冲末外扮關末上〕〔云〕曾把黃公三略讀。數年久困在鄉閭。常將武藝頻習練。喜看春秋左傳書。某姓關名羽字雲長。乃蒲州解良人也。某幼而勇猛。神眉鳳目。髯垂三綰。身長九尺二寸。平生正直剛強。文武兼濟。喜看春秋左傳。觀其亂臣賊子。心生惱怒。使一口青龍偃月刀。爭奈時運未遂。功名未成。方今漢靈帝即位。豪傑並起。紛紛離亂。故且隱於鄉里。待時守分。因本州官吏貪財好賄。酷害黎民。常有不忿之意。今日無甚事。長街市上。一者閑行。二者尋訪賢良。有何不可。志節冲霄膽氣高。平生忠義豈矜驕。除危定亂安天下。報國虔誠輔漢朝。〔下〕〔淨扮外官領張千上〕〔云〕州縣爲官顯智謀。科差糧草共田疇。當權勢要人驚懼。黎庶稱呼百里侯。某姓臧雙名一貴。官拜蒲州州尹之職。如今是漢朝靈帝即位。天下豪傑並起。各霸其境。黎民逃竄。禾稼不收。好生的饑饉。十分的艱難。惟有我這蒲州一郡。桑麻映日。禾黍連天。人民康泰。我想來皆因是我有福。所以上風調雨順。黎民安樂。我如今何不起義興兵。俺這蒲州地方寬闊。糧多草廣。軍民好漢。我何不起兵播亂。比及做州尹。我做一路諸侯。有何不可。我手下有一箇外郎是皮寒。此人十分能

哉。喚他來商量。有何不可。張千喚將皮外郎來者。〔張千云〕理會的。〔做喚科〕〔云〕皮外郎安在。大人呼喚。〔淨扮令史上〕〔云〕爲吏當權。做官模樣。官吏奸猾。全憑主張。小生姓皮名寒字內熱。我在這蒲州州衙裏做着箇外郎。不是我騙口。憑着我這管刀筆。一拳爲主。衙門中大小事務。都與我計較。全憑我做主。正在司房裏看西廂記。令人來說。大人呼喚。不知有甚事。須索走一遭去。不必報復。自家過去。〔做見科〕〔云〕大人呼喚皮外郎。有何事商議。〔外官云〕喚你來有大事商量。如今各處豪傑並起。黎民逃竄。禾稼不收。好生的饑饉。惟有我這蒲州一郡。桑麻映日。禾黍連天。人民康泰。我想來皆因是我有福。所以上風調雨順。黎民安樂。我如今何不起義興兵。俺這蒲州地方寬闊。糧多草廣。軍民好漢。我何不起兵播亂。比及做州尹。做箇一路諸侯。有何不可。特喚你來商議。〔令史云〕大人比及你說。我皮寒有心多時也。想當初漢高祖。他也則是箇豐沛的百姓。及壯爲泗上亭長。因爲築長城。送徒驪山。他爲夫長。領夫役多有逃去者。來到芒碭山。斬了一條白蛇。多虧了外郎蕭何。立爲主公。起義興兵。招軍買馬。積草屯糧。成其大事。看了大人這箇模樣動靜。可比劉沛公。若論我皮寒機謀智量。也不在蕭何之下也。〔外官云〕說的是。正合着我的心。你再有何主意。〔令史云〕大人。你便似劉沛公。我便似蕭何。則少一箇韓信元帥。我如今舉薦一人。〔外官云〕你可舉薦誰。〔令史云〕俺這本處有一箇好漢。姓關名羽字雲長。能看春秋左傳。

智勇雙全。正可掛印爲帥。昔日蕭何舉韓信。今日皮寒舉雲長。大人意下如何。〔外官云〕皮先兒你說的話。豈有差了。則要成其大事。便着人請將關雲長來。〔令史云〕我着人請去。兀那張千。奉大人的言語。便索請關雲長去。〔張千云〕請誰。〔令史云〕請關雲長去。〔張千云〕他在那裡住。〔令史云〕我說與你。你牢記着。出的衙門往東走。轉過大街。入的小巷。十字街北。菜市西南。巡鋪左側。槽房對門。賣燒餅的間壁。那一家兒便是。〔張千云〕知他是那裡。〔令史云〕快去請將關雲長來。〔張千云〕理會的。我出的這門來。穿長街。蕩短巷。可早來到也。這一家兒便是。壯士在家麼。〔關末上〕〔云〕志氣凌雲膽量高。鳳盔金甲錦征袍。丹心赫赫存忠正。竭力忘生輔聖朝。某關雲長是也。恰纔街市上買書冊以回。正在書房中看書。不知甚麼人喚門。我試看者。出的這門來。君子有何事到此也。〔張千云〕衙門中州尹大人有請。〔關末云〕大人呼喚。不知有甚事。我便索跟將君子去。〔張千云〕壯士。俺同見大人去來。說話中間。可早來到衙門首也。你則在這裡有者。我報復去。〔做報科〕〔云〕大人。關雲長來了也。〔令史云〕大人。看區區舉薦的人。休說他內才。先看他外才。這箇模樣動靜。比別人也起眼些。〔外官云〕道有請。〔張千云〕理會的。有請。〔關末做見科〕〔云〕大人呼喚。小人有何事。〔令史云〕關雲長。大人請你來。有說的話。大人。你與他說了罷。〔外官云〕請你來別無他事。如今豪傑並起。黎民逃竄。禾稼不收。好生飢饉艱難。惟我這蒲州。桑

麻映日。禾黍連天。皆因是我有福。我如今要起義興兵。則少一箇元戎帥首。有皮外郎舉薦你文武雙全。你就掛印爲帥。你意下如何。〔關末云〕大人。關某乃一介寒儒。豈曉兵甲之事。怎消的大人錯用。並然不敢也。〔令史云〕休謙休謙。可是我舉薦你來。大人若做了一路諸侯。休愁你不做大官。〔關末背云〕這匹夫好大膽也。則除是恁的。〔外官云〕令人將來將軍你見麼。將這一口劍就與你掛。今日是箇好日辰。就拜你爲帥。你掛了劍者。〔關末云〕我依着大人掛了這劍。〔外官云〕元帥幾時興兵。〔關末云〕大人。今日是箇吉日良辰。既然用某爲帥。不可遲慢。就今日興兵。便好道軍不斬不齊。將不嚴不整。便傳將令。依令而行。違令者必當斬首。〔外官云〕元帥說的是。大小三軍。聽元帥將令。〔關末做掣劍科〕〔云〕某掣劍在手。大小人等。聽者。但有泄漏軍情。假稱僭號。不尊朝命者。此劍誅之。州尹兀的不誰喚你哩。〔外官云〕在那裡。〔關末做斬科〕〔云〕喫吾一劍。〔外官做死科〕〔令史云〕他怎麼下起手來了。不中。我與你逃命。走了罷。〔關末做揪科〕〔云〕那裡去。一劍揮之兩段。〔令史死科〕〔關末云〕我將這一州衙中人。盡皆殺絕。乘此機會。仗劍殺將出去。兀那匹夫每。迎吾者死。當吾者亡。罷罷罷。難以停住。他州他縣。隱姓埋名去也。仗劍迎敵出州衙。屍橫遍野臥塵沙。他鄉隱姓登途路。不問海角共天涯。〔下〕〔外官同令史掙起身。不言語做嘴臉打手勢科〕〔下〕〔正末扮張飛淨屠戶同上〕〔正末云〕某姓張名飛字翼德。涿

州范陽人也。自幼年習學成武藝。搦槍蹬弩。鞭錮搗鎚。無有不拈。無有不會。爭奈時運未遇。做些小營運。賣肉爲活。操刀屠戶。張飛也。幾時是你那發達時節也呵。〔唱〕

〔仙呂點絳脣〕則我這性格剛強。智謀寬量。多雄壯。〔屠戶云〕哥。你近日來買賣上意。懶。生活也不做。則要輪槍弄棒的。可是爲何也。〔正末唱〕習學就闊劍長槍。〔屠戶云〕哥說話不中聽。俺則這一把刀。做屠戶你也沒心哩。你學那闊劍長槍。便學的會了呵。可那裡用他。〔正末唱〕指望待扶社稷。爲戎將。〔屠戶云〕你這箇哥差腿。〔外呈答云〕是差矣。〔屠戶云〕吓。是差矣。這箇買賣。你也沒心做麼。你還要賣絨醬哩。〔外呈答云〕是那箇戎將。〔屠戶云〕哥。憑着俺這弟兄。

每。這莊買賣。便不尋錢呵。每日家酒肉不會離口。便無那肉呵。肝花肚肺。也喫不了。〔正末唱〕

〔混江龍〕我如今身居陋巷。每日家薄皮細切受乾忙。〔屠戶云〕哥。你好不聰明也。孔聖人言說。不受苦中苦。難爲人上人。依着您兄弟說。遣的過罷。嚼這莊買賣。雖是低都兒低。可也上擡盤。哥不當家。說俺那一日不喫一箇爛醉。則是起早睡晚的罷了。〔正末唱〕常則是披星戴月。每日家臥雪眠霜。〔屠戶云〕哥。則喫你這拈槍弄棒的。這幾日把買賣也都遲滯了。〔正末唱〕更那堪活計蕭疎。遭困苦。生涯微細受炎涼。〔屠戶云〕哥。皆因俺這命運裏有些不大。十二分快罷了。少不着濃着過。〔正末唱〕皆因是時運拙。遭魔障。〔屠戶云〕您兄弟不瞞哥說。我

喫這幾年心上不遂。你看我這頭也愁白了。〔正末唱〕空熬的蒼頭皓首。虛度了歲月時光。

〔屠戶云〕哥。您兄弟不瞞哥說。我昨日養下一副血臟。買了一瓶高酒。指望哥來喫一箇爛醉。誰承望哥不來。哥不來便也罷。被我那船家。吓是渾家。鬧了我半夜。說我沒行止。你看我的臉。今日還害羞哩。〔正末云〕兄弟也。您哥哥有些忙幹。你是必休怪也。〔屠戶云〕您兄弟不敢怪哥。我若是怪哥。我就是野鷄養的。你可有甚麼勾當。〔正末唱〕

〔油葫蘆〕每日家結識英豪。閑論講。〔屠戶云〕你不知幹的是些甚麼勾當。可不要帶累着我。〔正末唱〕別無甚麼歹勾當。我則待談兵論武治家邦。〔屠戶云〕我和你都是屠戶人家。省的甚麼兵書戰策和武藝。你曉的那三丈長的帽兒麼。〔外云〕帽兒可是怎麼說。〔屠戶云〕也則是弄虛頭罷了。我不信你。〔正末唱〕習的是六韜三略無虛誑。〔屠戶云〕便會了那六韜三略。那裡用他。〔正末唱〕則待要開疆展土除奸黨。〔屠戶云〕哥可不道手無持杖。徒搏其虎。休道說無奸黨。便有那奸黨。你又無兵器。爭不的着口咬他。〔正末唱〕腕懸着竹節鞭。手持着丈八槍。我則待扶危救困言無妄。更那堪扶王業進忠良。〔屠戶云〕俺弟兄每買賣稱意。衣飯順溜。嗜受用快活。不要胡說。辦着這一片好心腸。則管裡賣肝花肚子肺。〔正末唱〕

〔天下樂〕兀的不屈沉英雄此地坊。想自古賢也波人。自忖量。〔屠戶云〕哥。自古以

來。有那幾箇古人。不守祖地。你說一遍。我試聽者。〔正末唱〕至如那韓侯樂毅遭困殃。到後來韓元帥十大功。燕樂毅勳業廣。他每都受恩榮。萬代講。〔屠戶云〕哥。你這般說。怕我省的一些兒。哥。你昨日說。今日有些忙幹。可怎麼這早晚還不見去。〔正末云〕兄弟也。我如今探親去也。田地上這塊石頭。可重千斤。我兩隻手搬倒這石頭。將這把刀子壓在這石頭底下。但有人來買肉。不問他要多少。他若取出這刀子來。他將的肉去。也不問他要錢。你則問他姓甚名誰。那裡住處。等我回來。自有主意。〔屠戶云〕哥。我知道這塊石頭重一千斤。再喫二十年飯。也搬不動。料想誰有這等大氣力。你放心去。莫非您兄弟要喫這一塊肉。來搬這石頭。我肋窩裏又沒力氣。一時間努着我這心肺。可不肝花了我的命。哥。你這麼多心。到明日就爛了肚子。哥。你則管裡去。〔正末云〕兄弟。你牢記着。我探親去也。〔下〕〔屠戶云〕哥去了也。我則在這肉案子跟前閑立着。看有甚麼人來。〔關末上〕〔云〕某乃關雲長是也。自從殺了蒲州州尹。我來到這涿州范陽郡。在招商店中安下。去街市上買些時新案酒去者。支揖。〔屠戶云〕老官兒恕罪。〔做上下看科〕〔云〕咦。這箇人倒好箇動靜也。大清早晨。就喫的箇臉紅紅的。老官兒此一來。有甚麼屁放。〔外呈答云〕是勾當。〔屠戶云〕是勾當。〔關末云〕二百長錢。買些新鮮案酒。〔屠戶云〕老官兒。肉便有。可沒有刀子。俺哥哥探親去了。臨去時把刀子壓在這石頭底下。他說有人來買肉。搬的動這

石頭。取出刀子來。不問他要多少下飯。着他將的去。老官兒也沒甚麼巧說。這箇是籩羅。這箇是杏兒。你若搬的動石頭。取出刀子來。又不問你要錢。則管裡割將下飯去。〔關末云〕既然如此。我兩隻手掇起這石頭來。放在一壁。擎起這刀子來。君子。你將着刀子。賣與我下飯。〔屠戶云〕哦。好漢子也。他兩隻手掇將起那石頭來。輕輕的放在地上。好漢好漢。我擎出刀子來。打下這肉來。老官兒。肉也與你。錢也不問你要。你將的這肉去。〔關末云〕豈有此理。你若是不留下錢。我也難將這肉去。留下錢。我便將的肉去。〔屠戶云〕你也是箇本分的人。罷罷罷。你留下錢。將的肉去。官人。你姓甚名誰。在那裡居住。〔關末云〕某姓關名羽字雲長。我在招商店安下。〔屠戶云〕招商店可也不遠。轉過彎兒便是。官人。你慢去。〔關末云〕君子恕罪。我將着這下飯。回招商店中去也。〔下〕
〔屠戶云〕那紅臉漢去了。俺哥哥這早晚敢待來也。〔正末上〕〔云〕恰纔探親回來。見兄弟去者。兄弟也。曾有人買肉來麼。〔屠戶云〕哥哥。你來了。有人買肉來。一箇紅臉大漢。將着二百錢來買肉。我說刀子在這石頭底下。你若搬倒石頭。擎出刀子來。也不問你要錢。不問你要多少肉。你將的去。那箇人好漢。他兩隻手掇起石頭來。放在一邊。取出刀子來。割了一刀下飯。他也是箇本分的人。他說你留下錢。我便將的肉去。不留下錢。我不將的肉去。我再三的讓他。他百般的不肯。直當留下錢。將的肉去了。哥也。看起來他的氣力。又大似你的一箇好漢也。〔正末云〕是真箇。〔屠

戶云：終不我說謊。怕你不信。兀的不是石頭還在一壁哩。（正末唱）

〔醉扶歸〕想必他威勇多才量。智力不尋常。（屠戶云）哥。此人仗義。我不問他要錢。他強留下。此人言直忠信。看起來也不是箇等閑的人。（正末唱）則他那忠信廉能有紀綱。更那堪動靜多奇相。我若是兩對面相逢在路傍。你看我陪下情。多謙讓。（云）你會問他姓甚名誰。在那裡每安下麼。（屠戶云）我問他來。他姓關名羽字雲長。在招商店裏安下。（正末唱）

〔金盞兒〕你道他居店舍。住招商。名關羽。字雲長。（屠戶云）那箇人生的異相。三綵美髯。過其胸腹。（正末唱）則他那美髯三綵風飄蕩。（屠戶云）哥。他生的面如紫玉一般相似。（正末唱）面如紫玉豪氣夯胸膛。（屠戶云）看了他身凜凜。貌堂堂。恰似箇活神道一般。（正末唱）身軀威凜凜。面色貌堂堂。（屠戶云）哥。看了此人的形容才貌。就是天下第一箇的英雄。（正末唱）這人他英才塵世少。寰海已無雙。（屠戶云）哥。你這等再三的問他。可爲甚麼也。（正末云）兄弟也。你跟着我直至招商店中。尋那壯士去來。（屠戶云）哥。我跟你去。那箇人的中珠模樣。不是箇等閑的人。俺兩箇尋他去來。（正末唱）

〔尾聲〕你可也不索莫延遲。我須索敬意親身往。（屠戶云）哥。俺慢慢行。（正末唱）我

這裡行那步。躊躇半晌。〔屠戶云〕哥。不索你躊躇。我看此人。不是箇說謊的人。一定在招商店下。哥。俺兩箇訪他去來。〔正末唱〕我若是得遇知交來探訪。〔屠戶云〕哥。你聞此人一名有百念之意。不知你交後如何也。〔正末唱〕我能可比陳雷膠漆何妨。也不索意行唐。辦着箇鐵石心腸。但得箇兩意情舒志不忘。〔屠戶云〕哥。俺這涿州城裏。也不曾見這箇人。〔正末唱〕則俺這涿州范陽。但得箇交情歡暢。我則待永綿綿忠義輔朝綱。〔同下〕

第二折

〔關末上〕〔云〕秉性忠直志節剛。身材凜凜氣昂昂。一心義勇扶社稷。永祚家邦萬載昌。某乃關雲長是也。方纔往街市上已回。來到旅館中。令人安排茶飯。某在此閑坐。看有甚麼人來。〔正末同屠戶上〕〔正末云〕兄弟也。你跟着我招商店內。尋那姓關的壯士去來。〔屠戶云〕哥。我和你尋他去。此人與你素不相識。你如何放他不下。可是爲何。〔正末云〕兄弟。你那裡知道也。〔唱〕

〔越調鬪鵲鶉〕我則待交結英豪。操兵用武。指望待竭力真誠。安邊定土。脫離了。下賤營生。彼各了塵中伴侶。〔屠戶云〕哥。你但開口。就惹人煩惱。你又喫魚兒又嫌腥。你屠戶的字兒。還沒有放下哩。就說是下賤的營生。也罷。你會些甚麼武藝。〔正末唱〕憑着我壯志能。膽氣轟。博一箇黃閣標名。超今越古。〔屠戶云〕論起您兄弟。不如那一箇人。休道我賣

肉。則這血臟。比別人多賣幾箇錢。你便就要棄嫌我。我看你結交幾箇甚麼人哩。〔正末唱〕

〔紫花兒序〕尋幾箇知心故友。同志賓朋。刎頸寒儒。〔屠戶云〕你這箇哥。說話不如出臭氣。動不動兒。先安着箇棄舊的心。論嚼哥兒兩箇結交。也不在管鮑之下。〔正末唱〕我想那前賢管鮑。忠孝無虛。暗想當初。他每都重義拋金如糞土。須學那當時人物。〔屠戶云〕甚麼人物。依着我說。做些買賣。覓些錢養活妻子老小。孩子每清早晨起來。坐在炕頭上。便要喫燒餅呵。哥你問我那心裏。可怎麼忍的呢。少不的買與他喫哩。〔正末唱〕怕甚麼家業拋擲。妻子榮枯。〔屠戶云〕哥。來到招商店也。兀的那箇大漢便是。〔正末云〕是一箇好大漢也。我向前動問者。壯士支揖哩。〔關末云〕呀呀呀。君子勿罪也。〔正末云〕壯士。方纔那買肉的是你來。〔關末云〕是小生來。莫非還的錢少了麼。〔正末云〕壯士不知。我此一來。非爲錢也。〔正末唱〕

〔金蕉葉〕則爲你性真誠廉能肺腑。志慷慨雄威壯武。你做學那楚霸王英名貫古。他將那千斤鼎。平身力舉。〔關末云〕此一來爲何。〔正末云〕我此一來。別無他事。我那肉案前有一塊頑石。可重千斤。將那屠刀。壓在石頭下面。我探親去了。分付兄弟。若有人來買肉。石頭下取出刀子來。連錢帶肉。都將的去。不想壯士前來。取出屠刀。又留下錢物。此乃爲人本分。我一逕的來相訪也。〔關末云〕量某有何德能。有勞君子。拖步至此也。〔正末唱〕

〔小桃紅〕我從來性格不通俗。好結識眞英物。〔關末云〕想必君子好結識朋友。故來探望某矣。〔正末唱〕探望尊前肯垂顧。〔關末云〕不敢不敢。某乃街市一庶民。〔正末唱〕不狂圖。〔關末云〕看了那壁君子。曾習學些甚麼武藝來。〔正末唱〕習學的武藝何爲做。〔關末云〕習學甚麼武藝。〔正末唱〕者莫是長槍巨斧。〔關末云〕學了何用也。〔正末唱〕尋一箇安身活路。〔關末云〕這話有准麼。〔正末唱〕豈不聞君子斷其初。〔關末云〕敢問君子。姓甚名誰。

〔正末云〕某姓張名飛字翼德。幼小間習學弓馬。使一條丈八點鋼槍。爭奈時運不遇。賣肉爲活。敢問壯士那裡鄉貫。姓甚名誰。何不通名顯姓者。〔關末云〕某乃蒲州解良人也。姓關名羽字雲長。頗看春秋左傳。學成武藝。使一口青龍偃月三停刀。因爲蒲州州主。不尊上命。要爲一路諸侯。被某仗劍殺了蒲州官吏。與民除害。今來到此涿郡。不想遇着君子。實言拜稟。恕某之罪者。〔正末云〕此乃眞壯士也。來來來。不問年紀大小。我拜德不拜壽。你爲兄。我爲弟。哥哥請坐。受您兄弟張飛八拜者。〔關末云〕不敢不敢。量某有何德能也。〔正末做拜科〕〔屠戶云〕在下回禮了。在下回禮了。〔正末唱〕

〔調笑令〕我這裡拜復。〔做拜科〕〔唱〕近塔除。〔做拜科〕〔關末做回禮科〕〔云〕免禮免禮。〔正末唱〕您兄弟智淺才輕。忒性愚。〔做拜科〕〔唱〕不承望這搭兒纔相遇。〔做拜科〕

〔唱〕非是這莽張飛膽大心驕。

〔做拜科〕〔關末云〕不敢不敢。請起。〔正末唱〕你將這春

秋左傳曾慣讀。多習學戰策兵書。〔做拜科〕〔關末云〕請起。請起。豈不聞施恩在未遇之前。

結交在貧寒之際。信有之也。〔屠戶云〕聖人說趙錢孫李雖強。還要拜周吳鄭王哩。在下多言了。

老官兒。你休怪學兒不謙。我若謙謙。我就是貓養的。〔正末唱〕

〔禿廝兒〕爲朋友情深意足。性和諧堪可同居。則要咱堅剛節操行有餘。非是

我巧機謀。阿諛。〔關末云〕量某有何德能。拜爲兄長。難以克當也。〔屠戶云〕不必過謙。二位是老

兄爲長。在下區區。就是老三了。〔正末唱〕

〔聖藥王〕哥哥你志不俗。眞丈夫。平生英武有誰如。您兄弟性氣村。才智疎。似

這等不通今古世間無。你是必將就這拙村夫。〔關末云〕兄弟也。俺旣爲昆仲之禮。若

不棄呵。後店中蔬食薄味。聊備草酌。橫飲幾杯。有何不可。〔正末云〕哥哥尊意。豈敢有違也。〔屠

戶云〕當的當的。喜酒兒正好喫三鍾。我在下撮補。提壺釀酒。做廚捧盤。請客燒火。擡好水。換泥

水。坐卓兒猜三箇枚。一了匠都是我在下全包。〔關末云〕請兄弟後店中飲酒去者。〔正末唱〕

〔尾聲〕拚了箇今朝痛飲何憂慮。則這箇張翼德愚癡性魯。時不至且閑居。得

志也扶持聖明主。〔同下〕

第三折

〔外扮劉末上〕〔云〕先祖開基壯帝鄉。中興

興疑經之誤

世亂各分張。重安漢室奸賊滅。淹留涿郡住

樓桑。某姓劉名備字玄德。大樹樓桑人也。乃漢景帝十七代玄孫。中山靖王劉勝之後。因王莽專權。侵奪漢室。後來中興立業。滅莽擒賊。光武在位。天下大定。目今靈帝卽位。豪傑並起。黃巾賊作亂。俺劉氏宗族。不能守業。某在布衣之間。織蓆編履。以爲度日。某學成文武雙全。不能施展雄才。待時守分。今日無甚事。長街市上走一遭去。埋沒紅塵數載餘。男兒壯志氣衝虛。一朝奮發登雲路。纔識英雄大丈夫。〔下〕〔淨扮店小二上〕〔云〕俺家開酒舖。誓不圖主顧。一缸甜似蜜。一缸酸如醋。小可人是箇賣酒的。但是那做買賣來往人等。都來我這酒店裏喫酒。打掃的閣子乾淨。挑起這草蓆兒。去燒的這鐵鍋兒熱。看有甚麼人來。〔關末同正末上〕〔關末云〕自從與兄弟張飛結爲昆仲。某甚是歡喜。兄弟秉正剛強。性如烈焰。今日無甚事。街市上閑行。兄弟見今黃巾賊作亂。正是用人之際。幾時是啗弟兄每發跡的時節也。〔正末云〕哥哥雖然說的是。也要待時守分也。〔唱〕

〔中呂粉蝶兒〕想着那未遇英豪。困窮途四方流落。也曾經半世煎熬。〔關末云〕至如太公垂釣於磻溪。後來立周朝八百年天下。也曾封茅列土也。〔正末唱〕你道是渭河邊磻

溪上子牙垂釣。到後來扶立周朝。立功勳輔安宗廟。

〔醉春風〕若不是姜尚遇文王。這其間紅塵埋沒老。〔關末云〕似嚙弟兄每。學的這胸中韜略。必有箇安身之處也。〔正末唱〕則我這英才膽量有誰如。何日是了了。武藝滑熟。威風驍勇。智謀韜略。〔關末云〕來到長街市上也。信步閑行者。〔劉末上〕云某劉玄德是也。來到這街市上。你看那做買賣。是好熱鬧也。〔關末云〕兄弟也。你見兀那箇君子麼。〔正末云〕哥哥在那裡。我試看者。〔做看科〕〔正末云〕這人生的好異相也。〔關末云〕兄弟你不知。他生的耳垂過肩。手垂過膝。隆準龍顏。實爲貴相。此人當來有福也。〔正末云〕是真箇〔唱〕

〔紅繡鞋〕則他那凜凜堂堂容貌。我這裡意躊躇觀了分毫。更那堪隆準龍顏有誰學。這人他當來貴。久以後有奢豪。更那堪意誠實。心量好。〔關末云〕兄弟也。俺請他去那酒店中同席兒飲幾杯酒。有何不可。〔正末云〕哥哥說的是。俺向前相見去來。〔關末云〕君子支揖。〔劉末云〕呀呀呀。二位壯士勿罪也。〔關末云〕俺弟兄二人。特請君子於此酒店中。蔬酒三杯。不棄爲幸也。〔劉末云〕不敢不敢。量某有何德能。有勞二位尊前錯敬。常言道四海皆兄弟。同席飲酒。正當歡樂也。〔關末云〕來到酒店門首也。請請請。賣酒的。打二百錢酒來。〔店小二云〕官人請坐。這間閣子裏乾淨。有酒有酒。喫多少。兀的二百錢酒。〔關末云〕將酒來。我與

君子遞一杯滿飲此杯也。〔做遞酒科〕〔劉末云〕不敢不敢壯士先請。〔正末背科〕〔云〕這人舉止非俗也。〔唱〕

〔石榴花〕看了他形容端正不虛囂。偶然間相會飲香醪。則他那溫恭謙遜意勤勞。猛然間遇着似漆如膠。〔劉末云〕量某有何德能敢勞二位壯士錯敬也。〔關末云〕不敢不敢。〔正末唱〕言談語句多奇妙。不承望共結知交。俺則是龔疎蠶絲休相笑。〔劉末云〕不敢不敢。量某有何德能也。〔正末唱〕俺端的不通禮。忒愚濁。〔劉末云〕感勞二位壯士相待深厚也。〔關末云〕不敢。請飲此一杯酒也。〔劉末云〕某理會的。〔飲科〕〔云〕壯士滿飲一杯。〔關末云〕某理會的。〔飲科〕〔云〕君子再飲一杯。〔劉末云〕某理會的。〔飲科〕〔云〕某酒穀了也。〔正末唱〕

〔鬪鷓鴣〕常言道得遇知心千杯是少。〔關末云〕再將酒來。這一杯酒兄弟飲。〔正末云〕哥哥先飲。〔關末云〕兄弟飲。〔正末唱〕我可也意不推辭。兩情兩情共酌。哥哥你至意誠心不憚勞。您兄弟怎的消。〔做飲科〕〔云〕哥哥飲此一杯。〔關末云〕理會的。〔飲科〕〔劉末云〕某一介寒儒。敢勞二位壯士錯敬也。〔關末云〕不敢也。〔正末唱〕啗則要地久天長。又則怕緣輕分少。〔關末云〕敢問君子仙鄉何處也。〔劉末云〕我乃本郡人氏。大樹樓桑人也。〔關末

云〕姓甚名誰也。〔劉末云〕某姓劉名備字玄德。〔關末云〕做何營計。〔劉末云〕做些小微賤生涯。織席編履。二位壯士勿哂也。〔關末云〕不敢不敢。君子差矣。先賢古人未遇之時。曾做微賤生涯也。〔正末云〕君子休這般說也。〔唱〕

〔上小樓〕甯戚曾行歌叩角。伊尹曾耕鋤禾稻。至如那傳說巖牆。買臣擔薪。伍員吹簫。到後來入府崢嶸。四海馳名。一身顯耀。也曾受紫泥宣一封丹詔。〔劉末云〕言者當也。將酒來。小人回敬一杯。壯士請。壯士請。〔關末做飲酒科〕云〕君子也飲一杯。〔劉末做飲酒科〕云〕敢問壯士姓甚名誰也。〔關末云〕某姓關名羽字雲長。蒲州解良人也。〔劉末云〕這一位壯士滿飲一杯。〔正末飲酒科〕云〕君子你也飲一杯。〔關末云〕將來。我也再飲一杯。正是酒逢知己千杯少也。〔做飲酒科〕云〕敢問壯士姓甚名誰也。〔正末云〕某姓張名飛字翼德。本貫是涿州范陽人也。〔劉末云〕看了二位壯士。威風凜凜。身材凜凜。狀貌堂堂。世之少有。今日幸遇尊顏。實乃某之萬幸也。〔正末唱〕

〔滿庭芳〕俺今日相逢最好。眞乃是囊中傑士。又不是塔下兒曹。一箇箇雄才腹隱先王道。壯氣雄驍。恰便似猛虎在平川奮爪。有如那淤泥中退甲神蛟。眞乃是天邊鶚。豈同這簷間燕雀。有一日須至九重霄。〔關末云〕兄弟且待時守分。君子

再飲一杯。〔劉末做醉科〕云多飲了幾杯酒。覺我這酒上來了也。搭伏定這桌子。暫時歇息者。

〔做睡科〕〔關末云〕兄弟也。劉玄德帶酒也。說話中間。他睡着了也。呀呀呀。兄弟。你見麼。他側臥着。面目口中鑽出條赤練蛇兒。望他鼻中去了。呀呀呀。眼內鑽出來。入他耳中去了。兄弟也。你不知道。這的是蛇鑽七竅。此人之福。當來必貴也。等他睡醒時。不問年紀大小。拜他爲兄。你意下如何。〔正末云〕哥哥說的是。您兄弟也有此意。依着哥哥。〔關末云〕休大驚小怪的。兀的不醒了也。〔劉末做醒科〕云一覺好睡也。二位壯士。勿得見怪。恕某之罪也。〔關末云〕不敢不敢。動問玄德公。先祖何人也。〔劉末云〕庶民百姓。〔關末云〕休謙休謙。必是前代故家也。〔劉末云〕實不相瞞。我乃漢景帝十七代玄孫。中山靖王劉勝之後也。〔關末云〕兄弟如何。我說不是等閑之家。乃先帝之苗裔。不問年紀大小。拜你爲兄。結爲昆仲。請穩便受您兄弟八拜者。〔關末同正末做拜科〕〔正末云〕大哥請坐。〔劉末云〕焉敢受禮。二位請起請起。〔還禮科〕〔正末唱〕

〔十二月〕俺可使躬身拜倒。屈脊低腰。俺須是民間庶子。你可是漢代根苗。非是我尊前分割。休猜做諂佞矜驕。〔劉末云〕量某有何德能。着二位兄弟。如此相敬也。〔關末云〕哥哥。您兄弟拜德不拜壽也。〔正末唱〕

〔堯民歌〕呀。俺雖是孤窮無德壽年高。你須是枝葉名門不輕薄。我如今身居

陋巷自蕭條。眞乃是淺水湫。注遇鯨鰲。量也波度。平生膽氣高。皆因是天之道。
〔劉末云〕既然俺三人結交爲友。拜爲昆仲。俺這涿州郡城外。有一桃園。選擇吉日良辰。宰白馬祭天。殺烏牛祭地。對天盟誓。不求同日生。只願同日死。結爲生死之交。二位兄弟。意下如何也。
〔關末云〕依着哥哥。選吉日良辰。安排祭物。享祭神靈。應舉管飽分金意。到後來輔助劉朝帝業興。〔正末唱〕

〔尾聲〕向桃園結義情。選良辰吉日高。俺如今敲牛宰馬將蒼天告。則願的共死同生未爲老。〔下〕〔劉末云〕誰想今日結義了兩箇兄弟。此一喜非同小可也。狀貌堂堂膽氣剛。關張二弟世無雙。試看桃園三結義。萬載傳揚姓字香。〔同下〕

第四折

〔外扮皇甫嵩領卒子上〕〔云〕直正堅心立汗青。於民潤國掌權衡。祛除殘虐歸王化。保祐皇朝定太平。小官皇甫嵩是也。見今漢靈帝卽位。因小官廉能清幹。官拜北地太守之職。今因中平元年。有鉅鹿張角。因奉侍黃老。以妖術教授。號曰太平道。呪符水以療民疾。衆敬如神。張角分遣弟子。周遊四方。轉相誑誘。十餘年間。聚徒衆數十餘萬。自青徐幽冀荆楊兗豫八州之人。莫不畢應。凡三十六方。大方萬餘人。小方六七千人。有張角弟子唐周。上書告之。張角令諸方俱起。皆襲黃

巾以爲標識。故時人謂之黃巾賊。旬月之間。天下響應。京師震動。聖人召羣臣會議。小官同中常侍呂強回曰。黨錮之積。人情怨憤。若不赦宥。轉與張角合謀。爲變滋大。如之奈何。依臣三件事。黃巾自滅也。聖人言有何事。小官回言。第一件天下通行詔赦。第二件若有兇徒謀反。聚積山林。打劫城池。殺害命官。搶擄倉庫。傷害黎民。如自己願除了黃巾。便是國家良民。第三件如不去黃巾。全家殺戮。主上從之。乃赦天下黨人。惟張角不赦。聖上再令小官。將空頭宣詔。珍寶財物。招安英雄好漢。小官前至涿郡也。多聞此處有三箇英雄壯士。一箇姓劉名備字玄德。一箇姓關名羽字雲長。一箇姓張名飛字翼德。此三人結爲昆仲。聽知的今日在此桃園。宰白馬祭天。殺烏牛祭地。不求同日生。只願同日死。一在三在。一亡三亡。此乃人中傑士也。小官不避驅馳。直至桃園中。招安此三人。走一遭去。有何不可。四海紛紛戰馬雄。當今漢室已興隆。聖明洪福同天地。必斬賊徒掌握中。〔下〕〔屠戶上〕〔云〕敝牛宰馬爲活計。全憑屠戶作營生。小可人屠戶的便是。今日是箇好日辰。張飛哥拜義了。兩箇哥哥。一箇姓劉。一箇姓關。那箇姓劉的便臉白。姓關的便臉紅。俺哥哥便臉黑。我要做四哥。嫌我花臉。不要我。不要的也是。〔外呈答云〕怎麼也是。〔屠戶云〕皆因我色道不對。今日要在這桃園裏結義。着我安排下祭祀。我恰纔宰了牛。殺了馬。香燈花果。都擺布下了。這早晚敢待來也。〔劉末同關末正末上〕〔劉末云〕兩箇兄弟。今日是吉日良辰。安排下祭

物。在桃園中結義。兄弟也。俺燒香去來。〔正末云〕誰想有今日也呵。
〔唱〕

〔雙調新水令〕今日箇向桃園結義志相投。只因俺二仁兄量洪寬厚。據才能無論比。憑節操有剛柔。想從前虛度春秋。則俺這真誠漢。不虛謬。〔劉末云〕可早來到桃園中也。祭物都擺的停當了麼。
〔屠戶云〕三位大哥來了。恕您小兄弟兒不遠接之罪也。哥。您兄弟都安排的停當了。則等三位哥來祭祀。
〔做跪科〕
〔云〕三位哥在上。怎生看我辛苦了這一場。沒奈何看怎麼祭文上帶我箇名兒。我寧可做四哥也罷。
〔關末云〕哥哥請上香。
〔劉末云〕二位兄弟請。
〔關末云〕不敢。哥哥上香。
〔劉末做上香科〕
〔三人做跪科〕
〔劉末做念祝文科〕
〔云〕模桑劉備。蒲州關羽。涿郡張飛。虔誠拜禱。謹以香燈花果。白馬烏牛。庶羞之奠。致祭於天庭聖衆。備等結義昆仲。不求同日而生。只願同日而死。一在三在。一亡三亡。同扶劉室之華夷。共輔漢朝之基業。謹辦虔心。祝告天公。神明鑒察。
〔做同拜科〕
〔正末唱〕

〔駐馬聽〕一齊的叉手低頭。遙望神霄連叩首。香焚寶獸。虔心宰馬共敲牛。綠蠟香噴捧金甌。神靈玉府空遙受。燦光搖。燃畫燭。珍羞花果皆成就。
〔屠戶云〕我說祭祝了神天。俺擺起來。喜樂也。喫三鍾。你便結交朋友。我圖些甚麼。
〔劉末云〕兩箇兄弟。將俺各人的兵器來試看者。
〔關末云〕理會的。將兵器來。
〔做擺下雙股劍青龍刀點鋼槍水磨鞭科〕

〔劉末云〕兄弟不知。您哥哥習演就十八般武藝皆熟。惟有雙股劍爲魁。不是某誇大言。堅心扶立漢華夷。敢與將軍共戰敵。兩手高擎雙股劍。我着他屍橫遍野血成池。〔關末云〕似哥哥這雙股劍。世之絕矣。〔屠戶云〕打甚麼不緊。我也會。〔做舞劍科〕〔云〕則不如單火輪倒快。〔正末唱〕

〔川撥棹〕則見他逞搗搜。端的是智力有。料應來武藝滑熟。剔豎神眸。劍鋒利寒風似吼。不枉了英名無對手。〔劉末云〕二兄弟如何。〔關末云〕哥哥。您兄弟這一口青龍偃月刀。重九百八十一斤。有萬夫不當之勇。青龍偃月三停刀陣前勒馬顯英豪。忠心報國除奸黨。我則待捨死忘生保漢朝。〔劉末云〕好兄弟。這刀法委實無對手。〔屠戶云〕這箇也不打緊。我又比他熱鬧。〔做拏不動刀科〕〔云〕哎。約我娘也。再喫二十年飯。也拏不起這刀來。我說不是我在下不會。則是拏不起這刀來罷了。我若拏的動。比他還熱鬧。〔正末唱〕

〔七弟兄〕則你那智謀廣脩勇如彪。三停刀舉起天生溜。輕輪動殺氣冷飈飈。力如神。豈把雙眉皺。〔劉末云〕三兄弟。你這點鋼槍如何。〔屠戶云〕若說我哥哥這槍。也是多裏撈摸。〔正末云〕哥哥。不是張飛誇大言。橫槍縱馬敢當先。丈八神矛奪第一。我則待扶立劉朝數百年。〔劉末云〕兄弟這槍法委實無比。〔屠戶云〕俺哥哥早晚貪賣這些下飯。把這槍法來也

生疎了您可不會見我的手段。〔做輪槍科〕〔云〕緊三槍。慢三槍。單結手。雙結手。撒花蓋頂。透腰轉頂。〔做跌倒科〕〔云〕吓。這槍百忙裏撒擲比我哥的如何。〔正末唱〕

〔梅花酒〕則我這力怎收丈八神矛。猛勝蛟虬。智力全周。遇敵兵相戰討。逢賊寇怎干休。氣冲霄貫斗牛。要相持已無由。貪利名作諸侯。〔關末云〕似此淹留日月。幾時是了也。〔正末唱〕

〔收江南〕呀。我則待一心分破帝王憂。怎能殼榮身朝覲鳳凰樓。則不如披蓑頂笠釣魚舟。且將沒做有。我可也功名場上敢爭籌。〔劉末云〕今日劉關張桃園結義。享祭神天。安排箇慶喜的筵席。您聽者。結爲昆仲義相投。臨危同死入墳塋。桃園享祭酬天地。則願的永保封疆萬萬秋。〔劉末云〕看有甚麼人來。〔皇甫嵩領卒子上〕〔云〕小官皇甫嵩是也。往桃園訪此人。走一遭去。可早來到也。左右接了馬者。下次人報復劉關張三人知道。着他接宣詔。〔屠戶云〕理會的。三位老官兒可撒上了。門前有人。着你每接宣詔哩。〔劉末云〕有宣詔至此。俺三人都接詔去來。〔見科〕〔云〕大人有請。〔皇甫嵩云〕您三人望闕跪者。聽聖人的命。因爲黃巾賊作亂。無人可敵。因你弟兄三人。桃園結義。武藝高強。命你三人爲將。破滅黃巾。您謝了恩者。〔衆云〕感謝聖恩。〔正末云〕哥也。俺弟兄三人。受皇家如此恩惠。將何補報。今後但有軍情事。俺

須盡忠竭力也。〔劉末云〕今日雖受宣命。則怕俺武藝低微。有負任用也。〔正末唱〕

〔殿前歡〕我則待要統貔貅。盡忠分破帝王憂。〔劉末云〕三兄弟休誇大言也。〔正末唱〕大哥哥心內休倜傥。〔帶云〕但有軍情事呵。〔唱〕我獨自箇整點戈矛。是男兒得志秋。則我這丈人矛難禁受。那一箇合死的與吾敵鬪。我則待要西除東蕩。博一箇青史名留。〔皇甫嵩云〕您弟兄三人。若破了黃巾賊。自有加官賜賞。您聽者。則爲這鉅鹿賊擾遍乾坤。貪財物虜掠良民。以黃老妖術教授。救民疾符水如神。聚兇惡賊徒百萬。爲標識皆着黃巾。聖命着剿除草寇。加官爵列鼎重裯。今日箇受宣誥一封丹詔。朝帝闕拜謝皇恩。

題目 英雄漢涿郡兩相逢

正名 劉關張桃園三結義

關雲長單刀劈四寇

闕名

頭折

〔冲末扮王允領祗候上〕〔云〕秉性忠直志節剛。調和鼎鼐理非常。誅絕逆黨安天下。保祚劉朝立漢邦。老夫姓王名允字文和。按後漢書允字子師本貫太原人也。幼習儒業。廣看羣書。自中甲第以來。累蒙擢用。頗有政聲。方今大漢天下。加老夫爲左丞相之職。則因朝中董卓專權。倚仗義子呂布之勇。內壓文武。外鎮諸侯。小官因在花園亭上撫琴。有我義女貂蟬燒夜香。老夫問其緣故。元乃呂布之妻。小官眉頭一縱。計上心來。安排了一計。名喚做美女連環計。不期董卓果然中計。那一日小官奏知聖人。聚集文武。着白袍李肅并呂布。在於雲臺門下刺了董卓。封呂布爲交遼王。封李肅爲殿前羽林大將軍。着小官領他二人并五百軍。直至郿塢城。將董卓滿門良賤。誅盡殺絕。有國舅董承。在丞相府排宴。與他二人慶功飲酒。小官須索走一遭去。董卓與心壓漢邦。倚強凌弱。逆穹蒼。定下美女連環計。今日他滿門良賤盡皆亡。〔同下〕〔外扮樊稠張濟領小僮僮上〕〔樊稠云〕久鎮西涼統大兵。橫行四海顯英雄。不伏漢業縱橫將。方今天下盡聞名。某西涼府自在太保樊稠是也。這箇是二太保張濟。還有李催郭汜。俺四人統領着十萬雄兵。久鎮西涼。某幼習韜

略。廣看兵書。深通孫武排軍陣。盡曉安邦立國謀。俺四將之中。惟吾善能用兵。有大漢聖人。數次招安俺四人。這山寨中輪盆飲酒。論秤分金。這等快樂。做那官怎的。二太保想着那董太師。俺多蒙他思念也。〔張濟云〕將軍。想董太師這幾年光景。時常成馬家金銀段正送將來。寫着書來。道他異日要興兵。他裏應。俺外合。合兵一處。這一向太師府中音信皆無。可不知有甚事也。〔樊稠云〕將軍。我這兩日。我心上也疑太師這莊事。今日該李催郭汜巡邊境去了。這早晚敢待來也。〔淨扮李催郭汜上〕〔李催云〕久鎮西涼則俺強。我若醉了舞會槍。終日起來無甚事。一頓十斤爛肥羊。自家西涼府太保李催。這箇是兄弟郭汜。我同張濟樊稠。在這西涼府。調着十萬兵。誰敢惹我。若是靠我一箇武藝。那能抵過。此六字原本誤作好人。當時成馬今依語氣改。他兩箇智量。有董太師一箇好人。常時成馬家金銀段正。送來與俺。我說郭汜。怎麼這些時不見他一箇人來。〔郭汜云〕老李。我也這等想着。那些時月月有人送東西來。這些時音信皆無。俺又無處打聽。今日巡邊境無事。俺見樊稠去來。可早來到也。小僮報復去。道有俺兩箇來了也。〔僮僮云〕理會的。〔報科〕〔云〕報的太保得知。有李太保郭太保來了也。〔樊稠云〕道有請。〔僮僮云〕理會的。有請。〔見科〕〔郭汜云〕老樊恕罪。俺兩箇巡邊境無事回還也。〔樊稠云〕二位太保請坐。小僮報轅門首望者。一切事務。報復俺知道。〔僮僮云〕理會的。〔淨扮李吉上〕〔云〕騎着產馬跑出門。不如自家步步行。誰知呂布殺

將來險把老李誑了魂。自家董太師手下家將李吉是也。可不是一莊苦事。有王允丞相請了俺太師喫酒。將一箇貂蟬女許與太師。後不知怎生。又許與呂布。他父子二人不和。又答着李肅那箇匹夫。他將太師賺將去。雲臺門下了當了。又殺了郡塢城家小。早則我走的快。尋匹產馬跑將出來了。無處告去。有西涼府四大寇。俺太師在日。常時送與他金銀。我如今去他那裡告去。着他起兵報警。可早來到也。小僮報復去。道有董太師府裏一箇家將李吉。來見四箇太保。〔僂僂云〕理會的。〔報科〕〔云〕喏。報的太保得知。有李吉來了也。〔張濟云〕俺剛纔說罷。太師府裏有人來了也。着他過來。〔僂僂云〕理會的。着你過去。〔李吉見四寇悲科〕〔云〕四箇太保。俺苦痛哀哉也。〔張濟云〕李吉。你有甚麼話說。太師好麼。〔李吉云〕四箇太保。不要說了。今有王允丞相。定了一箇美女連環計。調的呂布與李肅。將太師賺入朝。在雲臺門下刺了。後呂布領兵。在郡塢城將太師三百口家小。滿門良賤。誅盡殺絕。早是我走的快。若是遲了一步兒。連我也了當了。望四位老叔。與他做主者。〔四寇悲科〕〔張濟云〕噯。這呂布無禮也。想俺太師。有何虧你處。敢這等背義忘恩。則今日便起十萬人馬。望長安擒呂布李肅王允去。拏住務要與太師報警。您三箇太保。心下如何。〔樊稠云〕住住住。軍機之事。不可不察。俺若領兵犯長安。倘若漢家調上十八路諸侯來。俺可怎生敵的住他。〔李催云〕老樊。俺則依你主張。怎麼計較。〔樊稠云〕依着某。如今差人

下將戰書去。索王允呂布李肅他三人。若是大漢聖人。獻將出來。與太師報了讐。都無話說。若不
着他三箇出來。俺然後統兵去圍了長安。有何不可。〔張濟云〕樊將軍。你也說的是。便差人將
戰書往長安。索他三人去。李吉。你跟俺後帳中飲酒去來。樊將軍。俺先回去。您兩箇慢來。因王允
巧計奸狂。董太師一命身亡。若三人不來受死。那其間領軍校復取家邦。〔張濟同樊稠李吉下〕
〔李催云〕老郭。俺正想太師哩。不想今日撞着他一箇人來。說他死了。着俺與他報讐。你怎麼說。
〔郭汜云〕你來。俺也不要當他。樊稠他有分曉。俺則隨着他走。他喫酒去了。俺也去來。俺四人在
此閑遊。這呂布結下冤讐。今日箇且回帳下。打瓶酒則喫五甌。〔同下〕〔外扮董承領卒子上〕
〔云〕官居極品姓名高。列鼎重裯滿腹學。爲臣正直安天下。保祚吾皇立國朝。小官乃國舅董承
是也。方今大漢聖人在位。則因董卓專權。倚仗手下奸黨呂布等。欺壓功臣。有王允丞相。暗定一
計美女連環計。奏知聖人。在於雲臺門下。着李肅同呂布。刺了董卓。將郿塢城中董卓家族老小。
盡皆斬首。聖人的命。封呂布爲金吾大將軍。交遼王。封李肅爲羽林上將軍。今日在帥府安排筵
宴。與他二人慶功飲酒。小校望者。若衆將來時。報復我知道。〔卒子云〕理會的。〔王允上〕〔云〕爲
臣盡節存忠孝。史記名標萬古傳。小官王允丞相是也。今因呂布李肅刺了董卓。奉聖人的命。着
俺在丞相府。與他二人慶功。有國舅董承。令人來請小官。說話中間。可早來到丞相府門首也。小

校報復去。道有小官來了也。〔卒子云〕理會的。〔做報科〕〔云〕喏。報的大人得知。有王丞相來了也。〔董承云〕道有請。〔卒子云〕理會的。有請。〔王允見科〕〔云〕大人。小官王允來了也。今奉命將董卓家族老小。誅盡殺絕了也。〔董承云〕多虧老丞相用心。施謀定計。若不是呵。這權臣必然興兵。今日太平無事。有聖人命。在此安排筵宴。與他二人慶功也。〔王允云〕大人且少待。小校望者。若呂布李肅來時。報復我知道。〔卒子云〕理會的。〔外扮李肅上〕〔云〕身上白袍飛素練。手持鐵搠。迸寒霞。盔纓似火擎紅日。馬跨陰山雪夜叉。某乃白袍李肅是也。先祖乃是東漢大將軍李通之後。俺累輩漢朝忠臣。先於董卓手下爲將。則因董卓欺壓文武。苦害良民。招集羣黨。早晚興兵。有王允丞相。說某是漢朝忠臣之子。可佐於權臣手下。落箇罵名。某就那一日見了聖人。同呂奉先哥哥。在雲臺門下刺了董卓。去郿塢城殺了他家族老小。奉聖人命。封某爲羽林上將軍之職。今日在丞相府。與俺二將慶功。須索走一遭去。可早來到也。小校報復去。道有某來了也。〔卒子云〕理會的。〔做報科〕〔云〕喏。報的丞相得知。有李將軍來了也。〔董承云〕道有請。〔卒子云〕理會的。有請。〔李肅做見科〕〔云〕二位大人。某來了也。〔董承云〕白袍將軍來了。且少待。還有呂奉先未來哩。小校望者。若來時。報復我知道。〔卒子云〕理會的。〔正末扮呂布上〕〔云〕某姓呂名布字奉先。本貫山後九原人也。先佐於丁建陽爲養子。丁建陽已亡。後佐於董卓手下。因董卓不

仁。被某在雲臺門一戟刺死。聖人封某爲交遼王之職。今有王允丞相。請某與李肅慶功飲宴。須索走一遭去。我想來。投至今日。非同容易也呵。〔唱〕

〔仙呂點絳脣〕自從我演就兵機。飽學武藝。我可也般般會。經過了多少相持。憑着我手內方天戟。

〔混江龍〕更有那千斤勇力。馬中赤兔似風疾。我是那人中呂布。容貌威儀。仗武藝能敵英勇將。輔家邦全靠掌中機。我將那欺心賊子。今番退。今日箇加官賜賞。廕子封妻。〔云〕可早來到也。小校報復去。道有某來了也。〔卒子云〕理會的。〔報科〕〔云〕喏。

報的丞相得知。有交遼王來了也。〔王允云〕道有請。〔卒子云〕理會的。有請。〔正末做見科〕〔王允云〕呀呀呀。呂奉先你來了也。〔正末云〕丞相勿罪。某來了也。〔王允云〕呂奉先請坐。左右人將酒來。〔卒子云〕理會的。〔卒子斟酒科〕〔王允云〕奉先。今日奉聖人的命。爲您成功慶賀。滿飲此杯也。〔正末云〕不敢不敢。老丞相先飲一杯也。〔唱〕

〔油葫蘆〕我見他親手高擎白玉杯。怎消的忙進禮。〔董承云〕據着呂布之勇。誰人敢敵也。〔正末唱〕他道我平生勇壯少人及。則我這胸中端的多才智。盡忠心敢把敵兵退。〔王允云〕呂奉先。滿飲此杯。〔正末做飲酒科〕〔外勸樂科〕〔王允云〕疎食薄味。不堪供用。

也〔正末唱〕你看他那佳宴排。殺饌美。端的是奏仙音。一派笙歌沸。拚了箇今日醉如泥。〔王允云〕想前日雲臺門下那一場。不是奉先呵。豈有今日也。〔正末唱〕

〔天下樂〕則我這些小的功勳不足題。想起來傷也波悲。他可也無道理。我在那雲臺門那場惡戰敵。顯出我那往日威。一壁廂手搭着戟。殺的他血淋漓身做鬼。〔王允云〕奉先請坐。俺慢慢的飲酒。看有甚麼人來。〔外卒子慌上科〕〔云〕報的丞相得知。禍

事也。今有西涼府四大寇。起兵十萬。要與董卓報讐。下將戰書來。則要老丞相與交遼王李將軍出馬去哩。〔董承云〕俺知道了。你回去。〔外卒子云〕理會的。〔下〕〔王允云〕二位將軍。似此怎了也。〔李肅云〕丞相放心。這四箇草寇。這等無禮。量他何足道哉。我迎敵他。〔正末云〕兄弟。你且住。丞相不知。這西涼府四寇。董卓在日。成馬家金銀段疋送與他。今日故來索戰。替董卓報讐。量他到的那裡也。丞相不必憂心。某統十萬兵八健將。破四寇去。〔李肅云〕兄弟也走一遭去。〔正末云〕兄弟。你去不的。這西涼府地方。你不知道路境。聽我說與你者。〔唱〕

〔金盞兒〕他那裡列旌旗敢相持。盡都是高山峻嶺難行地。樊稠他深知妙策。曉兵機。〔王允云〕呂奉先。這事怎生計較也。〔正末云〕丞相不妨事。〔唱〕我又索親身驅士馬。奮勇自迎敵。這厮每平生機見少。我着他眼下有災危。〔云〕丞相。某不飲酒了。則今

日領十萬人馬。迎敵這草寇。李肅兄弟。你領三千人馬爲先鋒。某然後接應。這四大寇。內有樊稠。善能用兵。小心在意者。〔李肅云〕某理會的。〔王允云〕呂奉先。李將軍。你既然要去。可要仔細建功也。〔董承云〕呂奉先。你怎生用兵。擒拏四寇。排兵布陣。你先說一遍。俺衆人試聽者。〔正末云〕丞相聽我說一遍。您試聽者。〔唱〕

〔寄生草〕到來日排軍陣。施見機。纔顯那虎牢關下從前勢。我着他。荒荒亂亂忙逃避。則我這心間自有安邦計。〔王允云〕呂奉先二位將軍。您可小心在意者。〔正末唱〕穩情取旗開得勝。見頭功。你看我鞭敲金鐙回朝內。〔王允云〕呂奉先。你放心去。我明日奏知聖人。自有箇主意也。〔董承云〕呂奉先。這事不宜遲慢。便索長行。望西涼府去。可要你小心在意也。〔正末云〕二位丞相。但放心也。李肅兄弟。便整點人馬去來。〔唱〕

〔尾聲〕展放我建功心。再整理安邦智。便索到西涼地基。四寇今番死限催。我跟前耀武揚威。〔李肅云〕哥哥。憑您兄弟武藝。量四寇有何當緊。則是小心些便了也。〔正末唱〕你休要皺雙眉。不由我冷笑微微。小可如十八路諸侯親自敵。〔王允云〕呂奉先再飲幾杯去。〔正末云〕酒穀了也。軍情事要緊也。〔唱〕我着他空排着劍戟。虛張些聲勢。〔云〕丞相勿罪。李肅兄弟。嚕去來。〔唱〕穩情取笑吟吟齊唱凱歌回。〔下〕〔李肅云〕呂奉先哥哥

去了也。丞相恕罪。某不敢飲酒也。便點三千人馬爲前部先鋒。迎敵四寇。走一遭去。西涼府四寇興兵。蒙董卓累賜金銀。呂奉先領軍征勦。着某做前部先行。不辭憚山長水遠。豈愁那戴月披星。領軍校親爲前隊。放心也。則一陣要建頭功。建頭功。校改見功成。〔下〕〔董卓云〕不期今日與他二人慶功。四大寇來索戰。李肅爲先鋒。呂布爲帥。領八健將十萬兵。這一去必然成功。老丞相恕罪。我先回聖人的話去也。丞相府正設殺觴。說四寇攪亂西涼。呂奉先親身爲帥。方顯他出衆高強。〔同下〕

〔王允云〕國舅董卓回去了也。則爲小官誅了董卓。今日與李肅呂奉先慶功。不期四寇興兵。呂布爲帥。迎敵去了也。小官不敢久停久住。便索奏知聖人。走一遭去。因董卓攪亂朝綱。將家族斬首雲陽。有四寇雪冤報讐。呂奉先自去承當。憑着他一枝畫戟。更和那敢戰兒郎。到西涼成功之後。穩情取拱手伏降。〔同下〕

第二折

〔樊稠張濟領僮僕上〕〔樊稠云〕只因呂布無仁義。要報冤讐。故起兵。某樊稠是也。這位將軍乃是張濟。自從那日下將戰書去。單搦呂布王允李肅。若他三箇來時。憑某的英雄。務要一陣生擒了王允。與董卓師報讐。〔張濟云〕將軍。我想董卓與俺有大恩。他今日既然被人刺了。俺若不與他報讐。着誰人與俺出氣。雖然如此。俺還要再三計較。等李傕郭汜來時。俺與他商量。這早

晚他二人敢待來也。〔淨李傕同郭汜上〕〔李傕云〕只因董卓死。惹的起刀兵。自家李傕是也。這箇是郭汜。俺兩箇與樊稠張濟。俺四箇人。號爲四大寇。在這西涼府。落草爲寇。今日董卓師着呂布刺了。這兩日哭的我眼也花了。沒有一點兒眼淚。俺今日見樊稠去來。〔郭汜云〕那一日俺正想念太師。不期李吉來報說。着呂布刺了董卓。可是那王允的計。那一日差人索他三人去了。他一准都來受死也。俺見樊稠去來。可早到了也。小僕僮報復去。道有俺兩箇來了也。〔僕僮云〕理會的。〔做報科〕〔云〕喏。報的太保得知。有李太保郭太保來了也。〔樊稠云〕道有請。〔僕僮云〕理會的。有請。〔見科〕〔李傕云〕恕罪。老樊。俺兩箇來了也。〔樊稠云〕您二位請坐。小僕僮門首望者。一切事務。報的俺知道。〔僕僮云〕理會的。〔外僕僮上〕〔云〕自家小僕僮是也。下戰書去。回來見太保去。你報復去。道我下戰書來了也。〔僕僮云〕理會的。〔做報科〕〔云〕喏。報的太保得知。有下戰書的回來了。〔樊稠云〕着他過來。〔僕僮云〕理會的。過去。〔做見科〕〔樊稠云〕小僕僮。你回來。了他怎麼說。〔外僕僮云〕太保。我去下了戰書。有李肅領三千軍。便來與俺交戰也。〔張濟云〕哥哥。他來。俺怎生拏他。〔樊稠云〕某安排定了也。李傕郭汜。你近前來。〔郭汜云〕怎麼老叔先用我兩箇。着俺那裡去。〔樊稠云〕你兩箇引一枝軍。前去引戰。則要您輸。不要您贏。若輸了。望太山峪口走。你兩箇小心在意者。〔李傕云〕着了。你要着我們贏。一世成不的。我正要輸哩。俺兩箇引

戰去來。今日廝殺顯搆搜。排兵布陣統戈矛。若還撞見李肅來。丟了兵器則顯頭。〔同下〕張濟云。他二將去了也。樊將軍。他二將引戰入了山峪。俺怎生拏李肅。〔樊稠云〕將軍你放心。着他二人引戰。進大山峪口。着軍兵把住那峪中。兩邊斬壁石崖。前頭無底深澗。山頂上我着軍兵預備擡木砲石硬弓弩箭望下射。他飛也飛不出這峪口。我着他戰而自亡。〔張濟云〕將軍。你委實能哉。俺一同領兵。拏李肅去來。大小三軍。聽吾將令。到來日三通鼓罷。領兵便出西涼府。大山峪埋伏去來。董太師與俺相交。因呂布故惹槍刀。若李肅時間中計。管教他一命難逃。〔同下〕
〔李肅驢馬兒領卒子上〕〔云〕只因草寇驅軍隊。獨霸西涼顯耀能。某白袍李肅是也。只因我同呂奉先。在雲臺門刺了董卓。大漢聖人封某爲殿前羽林大將軍。不期有西涼府四大寇。下將戰書來。單搆某與呂奉先并王允丞相。今呂奉先爲帥。統領十萬雄兵。着我領三千人馬爲先鋒。那日起兵之時。哥哥說着某休和他戰。待他後軍來到。着某與他交戰。量那草寇。到的那裡也。小校擺布的嚴整者。兀那塵土起處。不有軍兵來了也。〔卒子云〕將軍。這來的必定是四寇也。〔李肅同郭汜驢馬兒上〕〔李肅云〕自家李肅是也。這箇是郭汜。俺領兵引戰李肅去來。〔郭汜云〕兀那來的不知是誰。俺迎將去。來者何人。〔李肅云〕某白袍李肅是也。你來者何人。〔李肅云〕俺是西涼府太保李傕郭汜。俺正尋你箇匹夫哩。〔李肅云〕三軍操鼓來。〔做戰科〕〔李肅云〕這廝好

武藝。俺贏不的他。俺往山峪裏走走。〔同郭汜下〕〔李肅云〕這厮每敗了也。乘勢不得不追。大小三軍。跟我趕將去來。〔同卒子下〕〔張濟樊稠李傕郭汜同驢馬兒領僮僕擎兵器上〕〔樊稠云〕今將李肅引進往大山中趕將來了。三軍預備擣木砲石者。〔李傕云〕老樊。我則依你。戰不上數合。我往這裡一道煙也似跑將來。他後面趕將來了也。〔郭汜云〕俺在這山上。兀的順山坡。不是他來了。〔李肅領卒子驢馬兒上〕〔云〕某李肅是也。領三千軍馬。與四大寇交戰。被某殺敗了他。追趕到這裡。可怎麼不見了也。〔四寇圍住科〕〔樊稠云〕休着走了李肅也。〔卒子云〕將軍不必往前去了。前頭是無底深澗。兩邊是高山。軍屯合峪口也。〔李肅云〕嗨。某不聽呂奉先哥哥之言。說四寇內樊稠善能用兵。今日果然中他計也。他殺不如自殺。某拔劍自刎而亡罷。當日行軍囑付言。樊稠四寇果英賢。不期賺入深山峪。罷罷罷。自刎今朝在澗邊。〔死科〕〔下〕〔卒子云〕四位太保。有李肅將軍自刎而亡也。〔李傕云〕着了。多虧了我麼。了當了李肅也。不必殺那小軍兒罷。〔樊稠云〕住了。既然李肅死了。軍兵一箇也不要殺他。都放他回去。〔卒子云〕得令。〔下〕〔張濟云〕俺且把軍馬擺開者。你看那後面征塵土雨。遮天映日。不有大軍來了也。〔樊稠云〕三軍擺布的嚴整者。這箇必是呂布的大軍來了也。〔張遼何蒙魏悅程廉驢馬兒上〕〔張遼云〕親奉溫侯傳將令。迎敵四寇建功勳。誰知反中樊稠計。把俺將軍一命傾。某姓張名遼字

文遠。這三位將軍。乃是魏悅何蒙程廉。俺四將同佐於呂奉先手下。今迎敵四大寇去。不想中樊稠之計。將俺李肅圍住。李肅自刎身亡。俺索行動些。〔程廉云〕張文遠。我想這四箇草寇。何足道哉。倒送了俺白袍將軍性命也。〔魏悅云〕您休這般說。兀的不是四寇的人馬。〔何蒙云〕大小三軍。擺布的嚴整者。俺呂奉先大軍未來到哩。等來時。殺他這匹夫每也。〔張遼云〕俺且壓着陣。等呂奉先來。再做計議。你看後面。不是俺的人馬來了。〔外扮侯成高順楊奉陳宮同躍馬兒上〕〔侯成云〕手中鐵搦敵兵怕。跨下征駒似朔風。定將四寇今番破。報響須要顯奇功。某乃侯成是也。這三位將軍。乃是楊奉高順陳宮是也。俺奉呂奉先將令。來破四寇。俺行動些。〔高順云〕將軍。想俺這八健將。好生英雄。觀這四箇草寇。有何難破也。〔陳宮云〕且休這等說。看了這樊稠。說他好生能用兵。將俺白袍將軍。賺入峪口。因此折了俺李肅將軍也。〔楊奉云〕既然這等。俺須等呂奉先來。與他交戰。兀的不是俺八健將。都在於此處也。〔張遼云〕您都來了也。俺等呂奉先來。與四寇交戰。俺且擺在門旗下。兀那後面。不是呂奉先哥哥來了也。〔正末上〕〔云〕某乃交遼王呂布是也。自從在靈臺門下刺了董卓。有王允丞相。奉聖人的命。與某慶功。不期有西涼府四箇草寇。下將戰書來。單搦某并王允李肅。某就那日。點了十萬軍兵。就將領我妻貂蟬并八健將等。若殺退了四寇。就去交遼地面爲王去。李肅爲先鋒。領三千軍先行。他不聽某之言。被樊稠賺在山

峪口圍住。自刎而亡。某如今親自迎敵四寇去。李肅兄弟兀的不痛殺您哥哥也。八健將擺布的嚴整者。〔唱〕

〔正宮端正好〕盡忠臣身先喪。不承望今日魂亡。想衆徒賊子成羣黨。不由我急攘攘空悽愴。〔侯成云〕元帥這四寇好生無禮也。
〔正末唱〕

〔滾繡毬〕我是那立皇朝社稷臣。保山河架海梁。我着他正目兒把咱不傍。領能征慣戰兒郎。與俺李將軍報他那一劍讐。我着他苦哀哀自感傷。不許他陣前口強。使不的一種獐狂。則爲他今朝一命歸泉世。我着那大膽無徒眼下亡。我自有的箇斟量。〔云〕兀的不是四箇草寇。
〔李催云〕樊稠不好了。這箇人好不兇。你靠前些兒。我

在後頭。
〔樊稠云〕來者何人。
〔正末云〕兀那匹夫。你不認的我。則某是交遼王呂奉先。你乃何人也。
〔樊稠云〕你便是那呂布。俺四人不是別人。某乃樊稠。這三箇是張濟郭汜李催。你怎敢刺了俺董太師。有李肅被俺賺在山峪口裏殺了。你及早受死也。
〔正末云〕兀那匹夫。聽我說與您董卓的事也。
〔唱〕

〔倘秀才〕他待要行不仁。全無些紀綱。壞法度施謀放黨。因此上去了奸邪。整五常。〔李催云〕你殺了我們太師。你還說嘴哩。
〔正末唱〕您不合與士馬起刀槍。誰和你

論講。〔樊稠云〕來來來。我和你略鬪幾合。〔正末云〕八健將您壓着陣。我殺這匹夫每去。〔唱〕

〔脫布衫〕則聽的鑿鑿鼓插花腔。遮日影旗號舒張。施展那從前智勇。再顯咱往時雄壯。〔做調陣子科〕〔李催云〕這厮倒好手段兒。樊稠你靠前些。我心跳起來了。〔正末唱〕

〔小梁州〕則我這武藝精嚴不可當。您可也不索商量。你看我手中寒戟迸秋霜。着您都難敵當。今日箇纔顯我高强。〔張濟云〕這呂布名不虛傳。方天戟越古超今也。

〔郭汜云〕老李。這厮好雙溜手。我兒也。看我頭掬破我頭。着你了不的。〔正末唱〕

〔么篇〕則您那胸中武藝成虛誑。要逃生避趨潛藏。我可也要建功無輕放。說的他三魂飄蕩。我今日定興亡。〔做鼻漏科〕〔云〕呀呀呀。我這鼻漏了也。〔李催云〕不好了。

打破他鼻子了。他定告我們去也。〔樊稠云〕呂布你怎的。〔正末云〕你不知我鼻漏了。兀那匹夫。

您且回去。來日交鋒。〔四寇做排在一邊科〕〔正末做到本陣科〕〔侯成云〕呀呀呀。怎生元帥鼻

漏了。〔正末云〕着他且回去。我明日再和他交戰。〔侯成云〕得令。兀那四寇。您且回去。來日交戰。

俺元帥鼻漏了也。〔樊稠云〕你對呂布說去。今日務要見箇高低也。〔侯成云〕哥哥。四寇不肯退。

務要今日見箇高低。〔正末云〕我這一會兒止了血也。再和他交戰去。兀那四寇。你來。我和你再

戰幾合者。〔郭汜云〕我若怕你。你就是畜生。〔做調陣子科〕〔正末唱〕

〔醉太平〕您可使將咱來小量賣弄你軒昂。則您那奸讒邪行歹心腸。我着您登時間命亡。〔做鼻漏科〕〔樊稠云〕你又怎的。〔正末云〕我又鼻漏了也。〔樊稠云〕你合死也。我放你小歇一歇去。〔正末做回陣科〕〔侯成云〕哥哥。你又怎的。〔正末云〕我又鼻漏了也。〔李催云〕樊稠哥。你放他小歇。趕他箇乏兔兒罷。〔樊稠云〕你也說的是。呂布不放你小歇。和你見箇高低罷。〔正末云〕我這血又止了。來來來。〔調陣子科〕〔唱〕趕咱鼻漏偏雄壯。笑咱有病能敵當。知咱手段最高強。我和你定輸贏在這場。〔正末做鼻漏科〕〔云〕我又鼻漏了也。〔侯成云〕倒着哥哥勞力。俺八健將殺他每去。〔正末云〕不中。他四寇英雄。你則與他說。今日收兵。來日再戰。待到明日。再與他交戰。未爲晚矣也。〔侯成云〕得令。兀那四寇。你趕乏兔兒。俺哥哥明日再與您交戰。且今日收兵罷。〔樊稠云〕也罷。容他明日再戰。且收兵。你回呂布話去。〔侯成見正末科〕〔云〕哥哥。他收了兵。明日着俺與他交戰哩。〔正末云〕既然這等。俺領兵回去來。你說與他。我不是輸。是我鼻漏了也。〔唱〕

〔尾聲〕濕浸浸鮮血鼻中降。展污了征袍心上慌。不防他這一場。又不曾使智量。到明朝將軍令掌。我直着戰退賊徒。則着那萬民講。〔下〕〔侯成云〕兀那四寇。俺元帥說與你。他恰纔不是輸了。他鼻漏了。着您且回去。明日再和你交戰哩。〔郭汜云〕不要聽他。

說嘴。快着他出來。我和他單戰。拚着殺了我罷。〔張濟云〕休要躁暴。兀那八健將。你聽者。我今日簡且殺你箇膽寒。明日必然要擒拏了您。俺且一同回去來。俺四將弓馬熟閑。鎮西涼數十餘年。今日簡略使手策。則一陣大敗奉先。〔四寇同僂僂下〕〔侯成云〕衆兄弟每。四寇去了也。誰想交遼王呂奉先。正與四寇交戰中間。不知怎生他鼻漏了三次。先回營中去了。俺八健將。須索回去看呂奉先哥哥去來。四大寇端的英雄。呂奉先出衆超羣。他今日領兵回去。到明日方纔建功。
〔同下〕

楔子

〔高順何蒙楊奉魏悅同上〕〔高順云〕迎敵四寇多辛苦。奉先鼻漏就歸來。某乃八健將高順是也。這幾位將軍。乃楊奉何蒙魏悅是也。俺同呂奉先迎敵四寇去。哥哥鼻漏先回來了。俺去營中去來。〔楊奉云〕俺呂奉先正戰中間。可怎生鼻漏了三次。好是奇怪也。〔何蒙云〕俺奉先哥哥。自來沒這等證候。可怎生與四寇交戰。有這等病證也。〔魏悅云〕若不是鼻漏了三次。可不戰退了四寇也。可早來到營中。俺且在這帳中等候別的將軍。這早晚敢待來也。〔張遼程廉侯成陳宮上〕〔張遼云〕奉令驢軍校。男兒顯志剛。某乃張遼是也。這幾位將軍。乃陳宮侯成程廉是也。俺同與呂奉先迎敵四寇。不期他鼻漏了三次。不能成功。俺看呂奉先哥哥去來。〔程廉云〕張文遠。俺

呂奉先怎生有這等之事。好是奇怪也。〔侯成云〕可不知是怎生。俺到營中。便見箇分曉也。〔陳宮云〕可早來到營門首也。不必報復。俺自己過去。〔做見科〕〔楊奉云〕您衆將都來了。這早晚交遼王哥哥敢待來也。〔正末上〕〔云〕某乃交遼王呂奉先是也。自從領兵到西涼地界。與四寇交鋒。日不移影。某鼻漏了三遭。我心中好生倏倏。我收兵回來。到營中與衆將計議去。可早來到也。我自過去。〔張遼云〕呀呀呀。交遼王哥哥來了也。〔正末云〕您衆將先來了。您近前來。我與四寇戰不到數合。我連鼻漏了三遭。莫不是上天見責。我心中好倏倏。據着您衆將意下如何。〔張遼云〕交遼王。此事俺心中也有些疑忌。〔正末云〕我自有箇主意。您衆將休散。小校後帳中請貂蟬夫人來。我與他商議。〔卒子云〕理會的。貂蟬夫人。元帥有請。〔貂蟬上〕〔云〕不因病酒與花愁。無限關心兩淚流。自與國家除患害。至今哀怨鎖眉頭。妾身貂蟬是也。祖居寒燕木耳村人氏。任昂之女。小字紅姐。因着妾身管貂蟬冠。就喚我爲貂蟬。先配呂布爲妻。因黃巾賊作亂。流落在王允丞相府中。着我爲養女。因在花園亭子上燒香。說了一句話。俺父親聽的。問其細詳。我說了前情。父親與了我一計。要害董卓。他果然中計。俺呂奉先在雲臺門下刺了董卓。有聖人的命。封俺呂奉先做交遼王溫侯之職。今有西涼府四大寇。下將戰書來。單搦俺父親并八健將上邊庭來。在這大營中。俺呂奉先迎敵四寇回來了。令人來請我。須索走一遭去。可早來到也。不必報復。

我自過去。〔貂蟬見科〕〔云〕交遼王征戰不易。喚妾身有何事也。〔正末云〕夫人請坐。你不知自從我到西涼。又折了李肅兄弟。某與四大寇戰不上三合。我就鼻漏了。我想來我平生無此疾病。莫非上天不佑麼。我請你來商議此事。你意下如何。〔貂蟬云〕交遼王。你不問時。我不勸你。我想來。你就戰退了四大寇。成的你甚麼大事。依着我的心。聖人封你做交遼王。你則往交遼地面上爲王去。可不強似你與別人鬭爭氣也。妾身不敢自尊。大王尊鑑不錯。〔正末云〕正是這等。八健將便傳我的將令。說與手下十萬大兵。俺去交遼地面爲王去來。〔陳宮云〕交遼王哥哥。則怕聖人見責。可怎了也。〔正末云〕不妨事。〔唱〕

〔賞花時〕憑着我志氣英雄百萬兵。我可也腹隱機謀敢戰爭。〔貂蟬云〕你幾時起身也。〔正末唱〕則今日便登程。便到那交遼的這路境。〔云〕八健將。你隨後便來。夫人俺去來。〔唱〕您與我隨後統雄兵。〔同貂蟬下〕〔楊奉云〕大小三軍。則今日拔寨起營。十萬兵同俺八健將。往交遼地面去來。呂奉先將勇兵強。敵四寇用盡心腸。因鼻漏難成功效。去交遼奉命爲王。〔同衆下〕

第三折

〔樊稠同張濟領僮僮上〕〔樊稠云〕李肅山峪身遭難。呂布軍前又敗回。某乃樊稠是也。爲因董

太師身死。俺與他報讐。某用計先將李肅引進山峪口中。軍兵圍住。前無出路。後有追軍。此人自刎而亡。前日統兵與呂布交戰數陣。未見輸贏。今日再領兵與他交戰去來。〔張濟云〕將軍昨日陣上看了呂布。他是一員上將。俺四將戰不過他。明日務要拏了呂布。俺等李傕郭汜來。共同商議。這早晚敢待來也。〔李傕同郭汜上〕〔李傕云〕昨日陣前纔得手。呂布鼻漏夾腦風。某乃李傕是也。這箇是郭汜。俺昨日與呂布交戰。全憑樊稠支調。若憑着我。一世也成不的。郭汜。俺見樊稠去來。〔郭汜云〕李傕。你慢帳。昨日陣面上。全是我一箇向前。你則打關。可早來到也。小僮報復去。道有俺兩箇來了也。〔僮僮云〕理會的。〔做報科〕〔云〕啞報的太保得知。有李太保郭太保來了也。〔樊稠云〕道有請。〔僮僮云〕理會的。有請。〔見科〕〔李傕云〕老樊。俺來了也。你有甚麼話說。〔樊稠云〕俺今日再領兵去。與呂布交戰。我着小僮報打聽去了。這早晚敢待來也。〔外僮僮上〕〔云〕自家西涼府小僮僮是也。着我打聽。回來見四箇太保去。可早來到也。我自過去。〔做見科〕〔云〕太保。我打聽回來了也。〔樊稠云〕呂布那裡紮着營哩。〔外僮僮云〕呂布紮營的地方便有。和他十萬兵八健將。杳無踪跡也。〔張濟云〕他可往那裡去了也。〔樊稠云〕既然這等。李肅被俺殺了。呂布害慌。不知往那裡去了。三箇人去了兩箇。則有王允那箇匹夫。俺如今一不做。二不休。如今點起十萬雄兵。索討王允與太師報讐。你意下如何。〔李傕云〕既然這等。俺正要一遭。

去哩。〔張濟云〕則今日點起西涼府十萬大軍。索王允走一遭去。大勢雄兵似虎豺。只因呂布惹非災。今朝離了西涼府。放心也不拏王允不回來。〔同下〕〔董承領卒子上〕〔云〕內除奸黨無災禍。不料西涼賊寇來。小官國舅董承是也。只因王允丞相定計。在雲臺門下。着呂布李肅。刺了董卓。又在鄴塢城中。殺了他家族老小。不想有西涼府四寇。下將戰書來。單索王允呂布李肅。有呂布李肅。統十萬兵八健將。迎敵四寇去了。未知輸贏。不知呂布往那裡去了。今有四寇領兵。離長安不遠。折伐桑棗。殺擄人民。則要王允丞相。這事怎了。今四城門上上了鎖也。着人請王允丞相去了。這早晚敢待來也。〔王允上〕〔云〕西涼四寇圍城下。忠臣報國豈容情。小官王允丞相是也。當日定美女連環計。着呂布李肅。雲臺門刺了董卓。封呂布爲交遼王溫侯之職。不期西涼府四寇興兵。與董卓報讐。着李肅呂布迎敵去了。未知勝敗。今有四寇離城不遠也。如到城下。小官問他箇端的。忠臣不怕死。怕死不忠臣。小官自有箇主意。可早來到也。小校報復去。道有小官來了也。〔卒子云〕理會的。〔做報科〕〔云〕喏。報的大人得知。有丞相來了也。〔董承云〕道有請。〔卒子云〕理會的。有請。〔王允做見科〕〔云〕大人。小官來了也。〔董承云〕老丞相。聖人的命。爲因四寇離城不遠。着俺問他箇詳細也。〔王允云〕他若臨城下。小官和他答話。俺在這城上望着。遠遠的敢是四寇來了也。〔四寇同上〕〔樊稠云〕某乃樊稠是也。這箇是張濟李催郭汜。俺領兵至長

安擊王允。可早來到大壕前也。〔李催云〕都擺布的整齊者。等我老李擊他每去。〔董承云〕丞相兀的不是四寇來了也。〔王允云〕大人。小官與他答話去。〔做見四寇科〕〔云〕您四人姓甚名誰。因甚麼起兵來犯俺長安。〔樊稠云〕兀那箇老宰輔。俺是西涼府四將。某乃樊稠。這三箇是張濟李催郭汜。俺不爲別。則爲王允定美女連環計。殺了俺董太師。有李肅被俺困住殺壞了。呂布被俺戰敗了。止有王允。若獻將出來。俺殺壞了。與太師報了讐。俺這十萬兵。便回西涼府去也。你說去。〔王允云〕您不爲別麼。則爲王允。您來圍長安。你可認的王允麼。〔張濟云〕俺不認的他。〔王允云〕則我是王允丞相。〔樊稠云〕你便是王允。趁早出城來受死。但若延遲。打破這城。百姓也不留一箇。〔王允云〕您四人聽者。我如今回去。告與大人。我情願出城受死。你若不退兵呵。你發箇誓願與我。〔樊稠云〕你若出城來受死。俺若再與兵攪亂。俺四箇都死在大刀之下。〔王允云〕您道定者。我告大人去。〔做見董承科〕〔云〕大人。這四寇圍城不爲別。則爲小官來。他說李肅已死。呂布喫他戰敗了。若小官出城受死呵。他便退兵。再有別心。都死在大刀之下。小官願受一死去也。〔董承云〕老宰輔差矣。當初除奸黨賊臣。老宰輔爲漢朝天下來。決不可出城受死。小校快去四城門上分付。休放王允丞相出去。〔卒子云〕理會的。〔王允云〕是小官則告與大人。見聖人好回奏。小官則在城上與他答話。〔做見四寇科〕〔云〕您四人近前。我纔告了大人也。我

今出城受死。您便索退兵也。〔樊稠云〕你但出城受死。俺便回西涼府去。〔王允云〕大丈夫生於天地之間。豈怕生死。生而何喜。死而何悲。今扶漢朝。去其讒佞。垂名於竹帛。博一箇青史標題。萬民稱讚。願聖人穩坐磐石。善保天顏。王允今墜城而死。罷罷罷。爲董卓亂世奸臣。欺文武損害良民。雲臺門除絕逆黨。四賊寇作亂興兵。願聖人江山永固。萬萬載海晏河清。今王允墜城而死。博一箇萬古留名。〔做墜城死科〕〔下〕〔四寇做擎兵器虛砍科〕〔樊稠云〕王允墜城而死了也。俺且屯住軍馬者。〔卒子回報科〕〔云〕可不早說也。喏。報的大人得知。有王允丞相墜城而死也。〔董承云〕噯。丞相也。你說與他答話去來。如何墜城而死也。我去問他去。〔做見四寇科〕〔云〕您四人恰纔您說則爲王允丞相來。今王允已死。您如何不退兵。〔樊稠云〕宰相是何人。〔董承云〕我是國舅董承。有甚話說。〔樊稠云〕董大人。俺如今也不回西涼府去。俺今將軍馬屯在城外。解卸了衣甲。你領俺見朝聖人。若不疑俺。俺情願投降。就在長安住坐。若疑俺呵。俺如今就回西涼府去。大人意下如何。〔董承云〕既然這等說。您都進城來。我領您見聖人去。〔樊稠云〕十萬兵紮住營者。三箇將軍。俺見國舅董承去來。〔郭汜云〕且住者。中也不中。不要着他手。〔樊稠云〕不妨事。你跟我來。〔四寇做見董承科〕〔樊稠云〕大人。俺來了也。纔說的事如何。〔董承云〕您四人既然忠心歸降。您跟我見聖人去來。因王允墜城身亡。四大寇今日歸降。今不去

西涼攪亂。願扶持漢室家邦。〔同下〕〔外扮劉末領卒子上〕〔云〕四百年來漢室興。桃園結義聚英雄。施呈手策關前戰。重扶帝業整乾坤。小官姓劉名備字玄德。祖居大樹樓桑人也。乃漢景帝十七代玄孫。中山靖王劉勝之後。幼習戰策。廣看羣書。自於桃園結義。會着二弟關張。先從皇甫嵩破黃巾賊百萬。加小官爲德州平原縣縣尹。同兩箇兄弟。一處治民。不期朝中董卓專權。撥與養子呂布十萬兵八健將。西把了虎牢關。聖人暗調上十八路諸侯。來破呂布。有曹參謀路過德州。舉薦俺弟兄三人到虎牢關。戰退了呂布。今朝中刺了董卓。河北冀王。不曾保舉的俺。依舊平原縣尹。今有二兄弟雲長。要往蒲州祭祖去。小官今日在前廳上安排酒殺。與他送行。小校門首覷者。若兩箇兄弟來時。報復我知道。〔卒子云〕理會的。〔外扮張飛上〕〔云〕祖居涿郡顯英雄。丈八長鎗天下聞。虎牢關下施威武。獨戰溫侯建大名。某姓張名飛字翼德。祖居涿州范陽人也。某平生正直。勇力過人。鄉中人民。無不懼怕。自於桃園結義。遇着二位哥哥。長兄是劉玄德。二哥哥關雲長。俺宰白馬祭天。殺烏牛祭地。一在三在。一亡三亡。不求同日生。只願同日死。俺弟兄三人。自破黃巾賊以來。封俺哥哥爲德州平原縣尹。着俺在這裡同共理民。俺自從虎牢關下殺敗了呂布。有河北冀王袁紹。未曾舉薦俺進朝。依舊爲縣尹之職。今有俺二哥哥要往蒲州祭祖。今有俺大哥安排酒殺。與二哥哥饒行。須索走一遭去。可早來到也。小校報復去。道有張飛來了也。

〔卒子云〕理會的。〔做報科〕〔云〕喏。報的大人得知。有張飛來了也。〔劉末云〕道有請。〔卒子云〕理會的。有請。〔張飛做見科〕〔云〕哥哥。您兄弟來了也。〔劉末云〕三兄弟來了也。今日與你二哥送行。酒殺都安排停當了。小校門首望者。若二兄弟來時。報復我知道。〔卒子云〕理會的。〔正末扮關雲長上〕〔云〕某姓關名羽字雲長。祖居是蒲州解良人也。自與劉玄德哥哥和張飛兄弟結義之後。俺哥哥在此德州平原縣爲理。某與張飛爲馬弓手步弓手。今遇春天。某去蒲州祭祖去。今日哥哥和兄弟與某酌別。須索走一遭去。想俺弟兄三人。如此英雄。幾時是那嵯峨的時節也呵。〔唱〕

〔中呂粉蝶兒〕屈沉殺雄壯英豪。幾時得氣昂昂領兵驅校。每日家悶懣懣閑放槍刀。俺哥哥他理居民。兄弟也學兵法。關某便溫習韜略。思量來枉用心苗。俺在這縣衙中不能榮耀。

〔醉春風〕思先父到家鄉。至墳中拜祖考。我是那將門之子有聲名。倒大來便好好。有一日掌領軍權陣前顯武。一心待立些三功效。〔云〕可早來到縣衙門首也。小校報復去。道有某來了也。〔卒子云〕理會的。〔報科〕〔云〕喏。報的大人得知。有二將軍來了也。〔劉末云〕道有請。〔卒子云〕理會的。有請。〔正末做見科〕〔劉末云〕二兄弟。你來了也。因你祭奠先

祖去。俺聊備蔬酌。與兄弟餞行。小校擡上果卓來者。〔卒子云〕理會的。〔做擡果卓上科〕〔云〕果卓在此。〔劉末云〕將酒來。我與兄弟遞一杯。〔把盞科〕〔云〕兄弟滿飲一杯。〔正末云〕哥哥先請。

〔唱〕

〔迎仙客〕謝哥哥多用心。着兄弟怎生消。〔劉末云〕兄弟去則去。早些兒回來也。〔正末唱〕祭罷祖就回程。可便來到了。〔張飛云〕則等哥哥來。俺也尋箇出身之計也。〔正末唱〕你怕不要崢嶸尋戰討。也是我合受煎熬。俺可便甚日得身榮耀。〔飲酒科〕〔劉

末云〕張飛。你可與你二哥遞一杯。〔張飛云〕理會的。小校將酒來。我與二哥遞一杯。〔把盞科〕

〔云〕二哥滿飲此杯也。〔正末云〕兄弟也。酒便我飲。我勸你幾句話。可要你依着我行。〔張飛云〕

哥哥勸我甚麼。您兄弟盡都依隨也。〔正末云〕你聽者。〔唱〕

〔紅繡鞋〕你今後休生躁暴。把哥哥將令依着。將俺這弟兄的情意。可便要堅牢。〔張飛云〕您兄弟則不惹事。便了也。〔正末唱〕伴哥哥在衙門內。斷事處緊跟着。〔張飛云〕二哥。你此一去。則是早些兒回來也。〔正末唱〕我若是早回來有計較。〔劉末云〕酒且住者。俺閉口論閑話。兄弟祭罷祖。若回來了。俺怎生尋箇進身之法。強似俺在這德州爲理。幾時是了也。〔張飛云〕大哥。則等二哥來。俺好歹做箇棟梁之材也。〔正末云〕某想來。俺要榮顯。還要些

功勳。方可得皇家爵祿也。〔劉末云〕兄弟也。俺在此處爲理。有何功勳到的俺也。〔正末云〕哥也。他曾用着俺弟兄每來。〔張飛云〕哥哥。俺則在這裡趕着呵。幾時用的俺一遭。怎生成的大事也。〔正末云〕兄弟。你休這般說。〔唱〕

〔滿庭芳〕則俺這功勞較小。則在那虎牢關下戰呂布大敗奔逃。〔張飛云〕十八路諸侯。不曾贏的呂布。俺弟兄三箇殺的他大敗虧輸也。〔正末唱〕衆諸侯不得成功效。他每都枉用槍刀。〔劉末云〕那等一場功效。今日則如此也。〔正末唱〕那的是曹孟德舉薦的。不着。因此上受窮途在此潛着。〔張飛云〕我又不信。等的二哥來。好歹有用之日也。〔正末唱〕若等的我回來到。俺三人計較。〔劉末云〕計較甚麼那。〔正末唱〕計較要捨命保皇朝。〔劉末云〕兄弟。俺不必共話。悞了你行程。你只今便行也。〔正末云〕哥哥。兄弟在此別了。便索長行也。〔劉末云〕兄弟於路上小心些。〔張飛云〕哥哥早些兒回來。〔正末云〕兄弟你放心也。

〔唱〕

〔尾聲〕多便有一月餘。再少呵十數朝。〔劉末云〕兄弟領多少人馬去。〔正末唱〕領着這半千人馬多榮耀。〔劉末云〕兄弟。你捎箇書信來。〔正末唱〕您兄弟無有回音定來約。〔下〕〔張飛云〕哥哥。二哥去了也。他今日領五百軍校。逕往蒲州解良祭祖。您兄弟無甚事。巡邊

境去來。〔劉末云〕三兄弟。您二哥不在。是要巡邊境去。小心在意者。〔張飛云〕則今日領兵巡綽邊境。走一遭去。俺兄弟鎮守平原。顯英雄敢勇當先。巡邊境若有賊寇。我看他試張飛腕上鐵鞭。〔下〕〔劉末云〕兩箇兄弟都去了也。雲長今往本鄉祭祖。三兄弟巡邊境去了。小官無甚事。且回後堂中去來。撫百姓一郡民安。扶王業輔佐江山。二兄弟蒲州祭祖。拜先塋目下回還。〔同下〕

楔子

〔樊稠同張濟上〕〔樊稠云〕報了太師恩義重。招入長安伏獻皇。某樊稠是也。這位乃是張濟。俺自西涼府起兵以來。戰退呂布。殺了李肅。俺直到長安城。有王允墜城而死。有聖人要招安我每。會對天發願。若俺有一些兒歹心。死在大刀之下。俺都在此爲官。好生辛苦。我欲要請聖人去俺西涼府建都。俺侍奉着。就是天下諸侯。那箇敢來說。俺還去那裡快活。張濟。你意下如何。〔張濟云〕樊稠。正是這等。俺如今等李傕郭汜來。一同商議。還早晚敢待來也。〔李傕同郭汜上〕〔李傕云〕離了西涼好山寨。少喫許多好渾酒。自家李傕是也。這箇是郭汜。俺自離了西涼。聖人招安我四箇。封我們官位。一日起一箇五更。我那裡受的。則不如還去我那西涼府去。倒快活也。〔郭汜云〕你且不要閑說。我們見樊稠張濟。看他怎麼說。可早來到也。不要報。我們自過去。〔見科〕〔李傕云〕我說老樊。你衆人夾腦風。我們在西涼府。那等快活。如今口說做了箇大官。那裡

受這等苦楚。終日起箇五更四更。你趁早做箇計較。（樊稠云）你不要這等大驚小怪的。我每已計較停當了。我說與您衆人。我如今則說請聖人看一看西涼府景致。到那裡就着聖人在那裡建都。就調上天下十八路諸侯。誰敢怎的。此計如何也。（張濟云）正是這等。此事不宜遲滯。俺選了吉日良辰。一同見聖人。請往西涼府去來。董太師一命身亡。請聖人到俺西涼。十八路諸侯雖勇。難與俺說短論長。（同下）（董承領卒子上）（云）忠心每扶劉社稷。義膽常存佐漢邦。某國舅董承是也。誰想西涼府四寇。領兵來犯長安。李肅自刎身亡。呂布不知去向。他圍了城池。單要王允丞相。有王允丞相墜城而死。聖人招安下他。封他四人大將軍官位。我暗差人打聽這四箇草寇。又與不義之心。要將聖人請去西涼府去。某今得知。先將聖人請去洛陽去了。四草寇已知。領十萬兵趕將來了。可怎生是了。這箇前面來的。不知是那一路諸侯。（曹操上）（云）自幼曾將文業習。虎牢關上苦相持。只因董卓專權後。罪惡如山天下知。小官姓曹名操字孟德。祖居沛國譙郡人也。幼習儒業。頗看詩書。自中甲第以來。累蒙擢用。謝聖人可憐。加小官爲兗州太守之職。因董卓專權。差呂布在虎牢關下。我舉薦劉關張弟兄三人。戰退了呂布。我就與他弟兄每結爲昆仲。小官聞知四寇作亂。因呂布刺了董卓。（此下疑有脫文）呂布不知去向。王允墜城而死。天子往洛陽去了。我去濟州催糧糧草。來到這黃河退灘。前面一標人馬。不知是何人。我試看者。（做見董

承科」〔曹操云〕呀呀呀。原來是國舅董老大人。國舅何往也。〔董承云〕曹參謀。你不得知。因四寇作亂。乃樊稠張濟郭汜李傕。追趕將來。某身無所歸之處。可怎了也。〔曹操云〕大人。你不要慌。且紮住營者。某手下有幾員戰將。這早晚敢待來也。〔曹仁同曹霸上〕〔曹仁云〕漢末紛紛起戰塵。南征北討建功勳。曾懷勇力無人似。武藝精強第一人。某大漢曹仁是也。這位將軍。乃是曹霸。俺同跟俺哥哥去濟州催糧。今日回到這黃河退灘也。〔曹霸云〕將軍。兀的不是俺哥哥的人馬。俺過去見哥哥去來。〔做見科〕〔曹操云〕曹仁曹霸。您與國舅大人厮見者。〔曹仁云〕大人恕罪。〔董承云〕不敢不敢。〔曹操云〕曹璋與許褚。在於何處。〔曹仁云〕隨後便至也。〔曹操云〕既然如此。您且一壁有者。〔曹仁云〕得令。〔許褚同曹璋上〕〔許褚云〕海內聞知顯志酬。英雄敢勇統戈矛。威風赳赳人皆怕。膽力無邊號九牛。某乃九牛許褚是也。這位將軍。乃鐵笠子曹璋。俺同與曹參謀催糧濟州糧草回來了。到這黃河退灘也。〔曹璋云〕許褚將軍。兀的不趕上俺參謀的軍馬也。俺過去來。〔做見科〕〔許褚云〕參謀爲何不前進也。〔曹操云〕好好好。您來全了也。聽我將令。與您三千人馬。回去迎敵西涼四寇去。休悞了將令。〔曹仁云〕得令。許褚將軍。曹霸曹璋。俺迎敵四寇去來。領手下鐵馬金戈。量草寇勇力無多。憑部下英雄壯士。則一陣蕩過黃河。〔四將下〕〔董承云〕曹參謀。這四將這一去如何。〔曹操云〕大人放心。俺且則在此處紮營。等他

四將回來。〔外卒子上〕〔報科〕〔云〕參謀大人。又一箇將軍。領五百校刀手。望黃河退灘來了也。〔曹操云〕怎生般相貌。〔外卒子云〕生的面如搗棗色。臥蠶眉。長髯鬚。金盔金甲。騎一匹黃驃馬。擎一柄青龍偃月三停刀。來的近了也。〔曹操云〕好好好。原來是我二兄弟雲長來了。兀那小校。等到時。道某有請。〔外卒子云〕理會的。〔下〕〔正末上〕〔云〕某關雲長是也。自離了我哥哥兄弟。來到解良郡祭祖已畢。領五百校刀手。渡過黃河。來到這黃河退灘。有曹參謀着人來請。不知有甚事。須索走一遭去。可早來到也。小校報復去。道有關某來了也。〔卒子云〕理會的。〔報科〕〔云〕喏。報的參謀得知。有二將軍來了也。〔曹操云〕道有請。〔卒子云〕理會的。有請。〔正末做見科〕〔曹操云〕呀呀呀。二兄弟。自虎牢關一別之後。不覺許久。誰想在此處相會也。〔正末云〕您兄弟要來拜望。爭奈不能動身。今日本鄉祭祖回來。偶然在此處相會也。〔曹操云〕二將軍。你認的這位大人麼。〔正末云〕某不認的。〔董承云〕小官乃國舅董承是也。〔正末云〕大人因何至此。〔曹操云〕二兄弟。你不知。聽我說與你。只因呂布刺了董卓。有西涼府四箇草寇。要與董卓報讐。殺了李肅。呂布不知去向。四寇將王允丞相逼的墜城而死。追趕國舅至此。我着曹仁迎敵去了。未知如何。〔正末怒科〕〔云〕原來如此。參謀勿罪。國舅大人恕罪。小校將馬來。我迎敵這四箇匹夫去。〔曹操云〕既然兄弟要去。成功之後。還在此處與你慶功。則要你小心些。〔正末云〕參謀但放

心也〔唱〕

〔賞花時〕仗勇烈常思要盡忠。我着那大膽的賊徒走似風。直殺的滿地草梢紅。憑着我心懷義勇。〔云〕參謀勿罪。五百校刀手。跟我去來。〔唱〕我直着談笑間獻頭功。〔同下〕〔董承云〕曹參謀。我久聞二將軍之名。不曾得見。恰纔見了。端實英雄。這一去必然成功也。〔曹操云〕國舅大人但放心。這一去必然成功。俺且回後帳中去來。關雲長義勇奪魁。仗英雄天下無敵。這一去必成功效。將賊寇殺盡方回。〔同下〕

第四折

〔張濟同樊稠驢馬兒上〕〔張濟云〕自從降漢長安往。半夜三更心不寧。某張濟是也。俺自從領兵圍長安。有王允墜城而死。俺就降於大漢。聖人都封俺爲上將軍之職。俺怎生受的這辛苦。欲要請聖人往俺西涼府遷都去。有國舅董承。瞞着俺將聖人請往洛陽遷都去了。俺如今統十萬兵趕了去。〔樊稠云〕將軍。俺一不做。二不休。隨路折伐桑棗。苦害黎民。務要趕上董承。請聖人往俺西涼府去。李催郭汜。敢待來也。〔李催同郭汜驢馬兒上〕〔李催云〕馬上坐着則打盹。掂的渾身肚裏疼。自家李催是也。這箇是郭汜。俺自圍長安。投降漢朝。都封俺官位。俺怎麼受的這等辛苦。一起一箇四更。怎麼受的。〔郭汜云〕俺商量了。請聖人往俺西涼府去。那董承他請的往洛陽

去。俺四箇趕了去。兀的不是樊稠哩。〔樊稠云〕你來了也。俺這十萬兵。追趕到這黃河岸也。兀那塵土起處。敢是那一路諸侯來也。〔曹仁躍馬兒上〕〔云〕刀橫偃月能征將。馬跨青驄鐵脊蛟。某乃大漢曹仁是也。奉俺哥哥將令。說四寇追趕將來。着某迎敵去。兀的不來了也。來者莫非是四寇麼。〔樊稠云〕俺是西涼府四將。你來者何人。〔曹仁云〕某乃大漢曹仁是也。你四寇及早下馬受死。〔樊稠云〕三軍操鼓來。〔做戰科〕〔曹仁云〕這四寇英勇。我敵不住他。走走走。〔下〕〔張濟云〕他走了也。樊稠。俺不要追趕。你看兀的不又有人馬來也。〔曹璋同曹霸躍馬兒上〕〔曹璋云〕一口鋼刀無對手。天下聞名赤鬚狼。某鐵笠子曹璋是也。這箇是我兄弟曹霸。俺哥哥將令。着某迎敵四寇去。不知怎生曹仁輸了。俺迎將去來。〔曹霸云〕哥哥。兀的不是四寇來了也。俺迎敵去。〔樊稠云〕來者何人。〔曹璋云〕某乃兖州太守曹孟德之弟。鐵笠子曹璋。這箇是我兄弟曹霸。你來者何人。〔樊稠云〕某乃西涼府四將。量你到的那裡也。〔李傕云〕操鼓來。我和他戰一合。〔做戰科〕〔曹璋云〕這四寇英勇。俺敵不住他。走走走。〔下〕〔郭汜云〕他都輸了也。是夥弄虛頭的弟子孩兒。俺趕去來。〔樊稠云〕俺不要追趕。兀的不又有人馬來了。〔許褚躍馬兒上〕〔云〕驅兵領將迎四寇。今朝務要見輸贏。某九牛許褚是也。奉俺太守將令。迎敵四寇去。兀的不來了也。來者莫非是四寇麼。〔張濟云〕是俺四箇。是張濟樊稠李傕郭汜。你來者何人。〔許褚云〕

某乃兗州太守曹操麾下九牛許褚是也。你四寇及早下馬受死。〔樊稠云〕量你何足道哉。三軍操鼓來。〔做戰科〕〔許褚云〕這四寇武藝精熟。敵不住。走走走。〔下〕〔樊稠云〕這匹夫輸了也。俺順着這黃河岸。趕將去來。〔四寇同下〕〔正末〕驢馬兒領卒子上。〔云〕某關雲長是也。自德州平原縣。辭了哥哥兄弟。來蒲州解良郡祭祖。回來撞見曹參謀哥哥。與我說道。呂布刺了董卓。有西涼府四寇。要與董卓報讐。逼王允丞相墜城而死。參謀着某在黃河岸上等候。某想這四草寇。好是無禮也呵。〔唱〕

〔越調〕鬪鶴鴉。則見這戰馬彎犇。威風越顯。領着我手下兒郎。你看我從頭兒調遣。博一箇萬載清名。功勳久遠。你着我勇力加。武藝全。殺的他戰馬空回。將旌旗就捲。

〔紫花兒序〕韻悠悠軍中畫角。響瑤瑤滿耳鑼篩。亂紛紛兵刃排連。則見那征雲蔽日。土雨遮天。隱隱聲喧。多管是大膽的強徒統將權。我心中自來不善。舉着我這沉點點鋼刀。管着他便閉口無言。〔云〕你看那塵土遮天。兀的不有人馬來了也。

〔樊稠〕張濟郭汜李傕驢馬兒上。〔樊稠云〕衆兄弟。曹將都輸了。俺趕將去來。〔做〕冲到正末跟前科。〔正末云〕噯。兀那四箇草寇。你往那裡去。〔李傕云〕叟約。誑殺我了。怎麼有這麼模樣一

箇人。手裏擎着一口好大刀也。〔張濟云〕俺當初說。死在大刀之下。這口刀也不小。〔郭汜云〕誰着你沒的說。便說死在小刀之下。也罷來。〔樊稠云〕不妨事。我和他答話。兀那紅臉漢。你是何人。敢迎敵俺來。〔正末云〕兀那四箇草寇。你聽者。某行不更名。坐不改姓。蒲州解良人也。姓關名羽。字雲長。你這四箇匹夫是誰。〔樊稠云〕某乃西涼府樊稠。這箇是張濟。李傕。郭汜。〔李傕云〕老樊。你少說話。你靠前些。我怕起來了。〔張濟云〕來來來。我也聞你的名字。我和你略關幾合。〔正末云〕這匹夫好無禮也。〔唱〕

〔調笑令〕你在这陣前敢狂言呀。則我這手內鋼刀無甚輕。〔李傕云〕我說老張難得手。我們走了罷。〔正末唱〕你待要誇強賣會尋爭戰。你今日命掩黃泉。〔郭汜云〕老叔叔。不要惹他。走了罷。〔正末唱〕將俺那忠臣屈死我報冤。不要你半霎兒俄延。〔做調陣子科〕〔張濟云〕不怕你。來來來。略關幾合。〔正末唱〕

〔鬼三台〕我將這刀揮轉。端的是如銀練。殺的您身軀倒偃。者莫你駕霧上青天。趕到你靈虛殿前。將從前智勇重論演。抖神威急急走向前。〔樊稠云〕是好武藝也。〔李傕云〕老叔。我手酸了。不濟了。我先走了罷。〔正末唱〕誰着你大膽胡爲。也是你時乖運蹇。〔郭汜云〕你們還不走哩。事務不好將來了。走了罷。〔正末唱〕

〔禿廝兒〕刀起處銀霞亂展。鐔回來誰敢當先。〔做刀劈了樊稠科〕〔樊稠做死科〕〔下〕
〔唱〕則我這刀揮起勇氣全。〔云〕着去。〔做刀劈了張濟科〕〔張濟做死科〕〔下〕〔唱〕我
着你入黃泉。常好是哀憐。〔李催云〕老叔饒了我罷。我送些禮物與老叔要子罷。〔郭汜云〕饒
了我。殺了他罷。〔正末做刀劈李催科〕〔李催做死科〕〔下〕〔唱〕

〔聖藥王〕我將這馬驟圓。走向前。〔郭汜云〕罷了。丟了我命了。走了罷。〔正末云〕四箇刀劈
了三箇。你走那裡去。〔唱〕我則見慌忙逃避走如煙。〔做趕上刀劈了郭汜科〕〔郭汜做死科〕
〔下〕〔唱〕你可也死限催。在眼前。功名平步上淩煙。今日箇稱了腹中冤。〔云〕五百
校刀手。某單刀劈了四寇也。您將着他的首級。跟我趕殺敗殘軍去來。〔唱〕

〔尾聲〕敗殘軍滿地屍橫遍。方表經綸志展。我將那賊子送了殘生。少不的播
清風萬年遠。〔同衆下〕

第五折

〔董承領卒子上〕〔云〕只因四寇行無道。擾動居民四野荒。小官乃國舅董承是也。只因董卓專
權。多虧了王允丞相定計。着李肅呂布。刺了董卓。除了奸黨。不想西涼府四寇興兵。聖人着呂布
領十萬兵同八健將爲帥。李肅爲先鋒。他二將不知勝負。四寇圍城。王允丞相。墜城而死。聖人墓

頂封官。俺就招安了四寇。都封了大將軍之職。他到底是草寇。狼子野心。那裡做的國家臣子。商量了。要請聖人往西涼府建都。小官聞知。着兩班文武保將來。俺漢家無人可敵。來至黃河退灘。遇着兗州太守曹孟德。他着四員曹將迎敵去了。有雲長往蒲州祭祖。路過此處。又着他迎敵去了。我料曹將必不能勝四寇。雲長一准成功。小官着人去德州平原縣請劉玄德與張飛去了。小官在此紮營等待。安排下酒穀。曹孟德這早晚敢待來也。〔曹操上〕〔云〕雲長義勇忠良將。天下聞名大丈夫。小官曹孟德是也。官拜兗州太守。則爲軍糧不到。小官同曹仁等往濟州催運糧草。撞見國舅董承。原來有四寇作亂。追趕至急。小官留住。紮下營寨。我着曹仁等四將戰去。四寇委實英勇。殺敗了俺四將。不期雲長往蒲州祭祖。路過此處。正遇小官。着雲長迎敵四寇。端的是無敵慷慨英雄將。漢室豪強立廟臣。一口刀立誅了四寇。得勝而回。雲長便至也。四員曹將也未來哩。小官先見國舅董承去。可早來到也。小校報復去。道有小官來了也。〔卒子云〕理會的。〔報科〕〔云〕喏。報的大人得知。有曹孟德來了也。〔董承云〕道有請。〔卒子云〕理會的。有請。〔曹操做見科〕〔云〕大人。賀萬千之喜也。小官舉關雲長迎敵四寇。一陣成功。大人當以與他加官賜賞也。〔董承云〕曹孟德多虧了你舉薦雲長。委實英雄。我着人請劉玄德張飛去了。等他來時。一同與他慶功。安排下酒穀。曹仁同衆將。怎生還不見來。〔曹操云〕好好好。大人。小官也有這箇心。等他

三人來時。俺一同與三人慶功也。曹璋等這早晚敢待來也。〔董承云〕小校望者。若四將來時。報復我知道。〔卒子云〕理會的。〔曹璋曹霸上〕〔曹璋云〕西涼四寇真英俊。俺去迎敵一陣輸。某曹璋是也。這箇是我兄弟曹霸。同奉俺哥哥將令。去迎敵四寇去。好四寇委實英勇。端的難敵。多虧了二將軍關雲長。一口刀越古超今。將四寇一刀一箇都劈了。〔曹霸云〕若不是關雲長來。俺兩箇性命不保。俺如今且到營中見哥哥去來。小校報復去。道俺二將來了也。〔卒子云〕理會的。〔做報科〕〔云〕喏。報的大人得知。有曹璋曹霸來了也。〔曹操云〕着他過來。〔卒子云〕理會的。着過去。〔做見科〕〔曹操云〕您二將功勞如何。〔曹璋云〕俺敵不住四大寇。多虧了二將軍關雲長。劈了四寇便來也。〔曹操云〕既然這等。您且一壁有者。待二將軍來時。與他慶功。這早晚敢待來也。〔曹仁上〕〔云〕只因西涼賊將勇。將我一陣就虧輸。某曹仁是也。奉俺哥哥將令。迎敵四寇。不能成功。虧了二將軍關雲長。一口刀誅了四寇。他今日成功。某見俺哥哥去來。可早來到也。小校報復去。道有曹仁來了也。〔卒子云〕理會的。〔做報科〕〔云〕喏。報的大人得知。有曹仁來了也。〔曹操云〕着他過來。〔卒子云〕着過去。〔做見科〕〔曹操云〕曹仁。你的功勞如何。〔曹仁云〕哥哥四寇好生英勇。若不是二將軍來時。怎了也。他殺了四寇便至也。〔曹操云〕既然如此。則等二將軍來。這早晚敢待來也。〔許褚上〕〔云〕親奉參謀傳將令。迎敵四寇不成功。某許褚是也。奉參

謀將令迎敵四寇去。好四寇也。委實難敵。將某一陣。大敗虧輸。正趕殺某。誰想有二將軍關雲長來接應。好將軍也。端的是英雄無養比。匹馬世無雙。說四寇喪膽亡魂。一口刀平除草寇。一刀一箇。誅了四寇。趕殺那敗殘兵去了。我回來見參謀去。可早來到也。小校報復去。道有許褚來了也。
〔卒子云〕理會的。〔做報科〕云。喏。報的大人得知。有許褚來了也。〔曹操云〕着他過來。〔卒子云〕理會的。着過來。〔做見科〕〔曹操云〕許褚。你的功勞如何。〔許褚云〕好二將軍。若不是他來。可怎了也。那四寇好生英勇。俺敵不住他。二將軍走將來。一口刀越古超今。立誅了四寇。殺那敗殘軍去了。這早晚敢待來也。〔曹操云〕既然這等。小校門首望者。若二將軍來時。報復某知道。〔卒子云〕理會的。〔正末領卒子擎四顆首級上〕云。某關雲長是也。因家鄉祭祖去。來至半途。遇着四寇。將國舅董承追趕的至急。連殺曹將數員。曹孟德見了某。就領見大人。曹孟德舉某之能。衆人大喜。不想就着某除四寇。仗哥哥兄弟的虎威。單刀劈了四寇。今日國舅營中獻功去來。〔唱〕
〔雙調新水令〕仗單刀四寇盡遭誅。獻功勳衆人前分訴。我這口三停無對刀。將他這四寇當時除。又不曾費甚工夫。建功効在那黃河路。云。可早來到營門首。小校報復去。道有關雲長得勝回營也。〔卒子云〕理會的。〔報科〕云。喏。報的大人得知。有關雲長得勝回營也。〔董承云〕道有請。〔卒子云〕理會的。有請。〔正末做見科〕云。大人。關某單刀劈

了四寇得勝回營也。〔董承云〕二將軍你好英雄也。這四箇草寇十分英勇。他日不移影。殺曹將數員。不期半途遇着雲長。聊展虎狼之志。將四寇頃刻大破。不知你在兩陣上。怎生破這四寇。你對這大小漢將說一遍也。〔正末云〕大人聽某說一遍者。〔唱〕

〔沉醉東風〕兩陣上齊鳴戰鼓。到垓心各展機謀。他那裡四匹馬來。俺這裡則索迎將去。〔曹操云〕他每的武藝如何也。〔正末唱〕則他那剛強處。端的誰如忙舉鋼刀陣上舞。殺的他四草寇殘生入土。〔董承云〕雲長。你不曾擊將那草寇的首級來。〔正末云〕首級有。小校將首級來。〔卒子做擊首級科〕〔云〕得令。首級在此也。〔曹操云〕雲長。這箇便是四寇的首級。這一顆首級是誰。〔正末唱〕

〔鴈兒落〕這箇是樊稠忒性愚。〔董承云〕這一顆首級是誰也。〔正末唱〕這箇是郭汜多名目。〔曹操云〕這箇是誰的首級。〔正末唱〕這箇是英雄張濟頭。〔董承云〕這箇是誰的首級。〔正末唱〕這顆是李傕能人物。〔董承云〕爲這四箇草寇。壞了俺好些英雄也。〔正末唱〕〔得勝令〕呀則被他壞盡俺風俗。他可便也合合虧圖。都死在鋼刀下。救了些民庶苦。〔曹操云〕若不是將軍呵。怎生得破的這四寇也。〔正末唱〕他每都心毒。將俺倒平欺負。發了些無徒。今日箇一身歸地府。〔董承云〕擊開首級。小校排上果卓來。與雲長慶

功飲罷酒加官賜賞。〔正末云〕大人酒便闌某飲。這官位不敢受也。〔董承云〕怎生不敢受官職也。〔正末云〕大人俺哥哥與兄弟都在德州爲理。俺當日不求同日生則願當日死。一在三在一亡三亡。今日某若爲了大官。着哥哥與兄弟道關某無了交情也。〔董承云〕雲長乃世之傑士也。不忘舊日之情。二將軍投至你說。小官數日前着人請去了。小校門首覷者。等他二人來。加官賜賞也。小校且擺酒來。飲罷酒再做計較。〔卒子云〕理會的。〔劉末同張飛上〕〔劉末云〕只因結義恩情厚。寰海聞名天下知。小官劉玄德是也。這箇是三兄弟張飛。有二兄弟雲長。往蒲州解良郡祭祖去了。俺二人正想雲長。不期有國舅董承。着人請俺弟兄二人。俺離了德州平原縣。行至半途。聽的說雲長黃河岸邊。一口刀誅了四寇。俺甚是喜歡也。〔張飛云〕哥哥想俺二哥英雄無對。武藝超羣。最四箇草寇。怎生迎敵過俺二哥。既然大人來請俺。這箇是大人的營寨。說二哥在大人營中哩。俺見去來。可早到營門首也。小校報復去。道有劉玄德張飛來見大人。〔卒子云〕理會的。〔做報科〕〔云〕喏。報的大人得知。有劉玄德張飛來了也。〔董承云〕好好好。二人來了也。曹孟德。你接二位將軍去。〔曹操云〕理會的。小官接待去。〔做接科〕〔云〕劉玄德三兄弟有請。俺同見大人去來。〔劉末云〕哥哥也在此處。俺見大人去來。〔同做見科〕〔劉末云〕大人。小官劉備張飛。感蒙大人呼喚。俺離了德州平原縣。來見大人。不期兄弟刀劈了四寇。與國立功。聞知在大人

營中。俺二人特來拜見也。〔董承云〕劉玄德張飛。您來的正好。您兄弟雲長。建了大功。俺要與他加官賜賞。他言稱道。有哥哥與兄弟。都在德州爲理。他怕失了交情。不肯受其官職。我因此上差人請將你來。同共與您加官賜賞也。〔正末云〕哥哥三兄弟來了也。自哥哥與兄弟每久別。不想偶爾破了四寇。今大人與某加官賜賞。您兄弟思念哥哥兄弟。不敢越了桃園結義之情。不肯受其官職。因此上大人取哥哥兄弟前來。同享富貴也。〔劉末云〕好義勇壯哉的兄弟。〔董承云〕小校排上果卓來者。〔卒子云〕理會的。〔做排上果卓科〕〔云〕果卓在此。〔董承云〕小校將酒來。先着劉玄德飲一杯拂塵酒。後與雲長慶功。〔卒子云〕酒在此。〔董承做把盞科〕〔云〕玄德公滿飲一杯。〔劉末云〕大人小官不敢。還從曹孟德來。〔曹操云〕玄德公請。〔劉末做飲酒科〕〔董承云〕再將酒來。這杯酒雲長飲。〔正末云〕大人從別的將軍來。〔董承云〕將軍滿飲此杯。〔正末唱〕

〔沽美酒〕我合該飲醪醕。有功勳用心術。殺的那草寇身亡一命殂。〔董承云〕肯分的你哥哥兄弟。又來接待你。你可便歡喜飲一杯也。〔正末唱〕遂了俺心中願語。這一場不平處。〔劉末云〕我聞的這四寇。好生英勇也。〔正末唱〕

〔太平令〕會廝殺寰中人物。遇着咱一勇之夫。登時間迷踪失路。眼睜睜英雄何處。〔董承云〕將酒來。張飛飲這杯酒。〔張飛云〕我哥哥有功。我該飲這一杯酒。〔正末唱〕呀。我

功勞有餘。盡伏草寇他便已無。受用着皇家恩祿。〔董承云〕二將軍。因你殺了四寇。聖人與您弟兄每。加官賜賞。你謝了恩者。〔正末云〕誰想有今日也呵。〔正末同劉末張飛做排班行禮科〕〔正末唱〕

〔折桂令〕衆英雄萬歲山呼。舞蹈揚塵。拜謝鑾輿。扶立家邦。願當今穩坐皇都。文臣每立朝綱過如伊呂。武將每掌軍權不弱孫吳。萬載歡娛。是處皆伏。普天下民樂雍熙。托賴着聖主洪福。〔董承云〕您衆將望闕跪者。聽聖人的命。您都是漢室忠臣。立劉朝多有功勳。因董卓專權不善。一心要變亂疆封。王允定連環之計。使呂布發怒生嗔。戟刺死奸讒賊子。重整漢室乾坤。西涼府四寇作亂。報董卓往日之恩。逼李肅軍前自刎。呂奉先不得成功。全忠孝王允身死。四賊寇又懷不仁。將小官星夜追趕。到黃河無處安存。虧參謀能舉良將。二公子勇冠三軍。有四寇難逃難走。則一陣刀下分身。論功效雲長勇烈。就封爲蕩寇將軍。劉玄德封德州太守。張翼德封車騎將軍。曹孟德賜金千兩。衆曹將衣紫腰金。您都去洛陽鎮守。共輔佐漢主龍庭。今日箇加官賜賞。一齊的拜謝天恩。

題目 曹孟德遣將收長安

正名 關雲長單刀劈四寇

單刀劈四寇穿關

頭折

王允

兔兒角幘頭

補子

祇候

項帕

圓領

樊稠

萬字巾

蟒衣曳撒

項帕

直

張濟

萬字巾

膝襴曳撒

項帕

直

小僕

萬字巾

錦襖

項帕

法

李傕

萬字巾

膝襴曳撒

項

董承

帕

直

郭汜

萬字巾

膝襴貼裏

掩心甲

李吉

皮盔

項帕

膝襴貼裏

掩心甲

劍

董承

兒

角幘頭

補子

卒子

紅碗子盔

青布釘

王允

又上

同

李肅

鳳翅盔

項帕

膝襴曳撒

玉

襪

劍

帶

正末

呂布

三叉冠雉雞翎

抹額

蟒衣曳撒

劍

外

卒子

紅氍帽

青布釘

劍

劍

第二折

樊稠

張濟

僕

同

李傕

郭汜

同

外

僕

同

李肅

卒子

同

李傕

同

張濟

樊稠

李傕

郭汜

僕

又上

同

前

李肅

卒子

又上

同

張遼

膝襴曳撒

袍

項帕

直

襪

何蒙

鳳翅盔

膝襴曳撒

袍

項帕

直

魏悅

鳳翅

盔

膝襴曳撒 帶劍 項帕 直纏 襖 程廉 鳳翅盔 膝襴曳撒 帶劍 袍 項帕 直纏 襖 侯成 鳳翅
 膝襴曳撒 帶劍 項帕 直纏 襖 高順 鳳翅盔 膝襴曳撒 帶劍 袍 項帕 直纏 襖 楊奉 鳳翅
 膝襴曳撒 帶劍 項帕 直纏 襖 陳宮 鳳翅盔 膝襴曳撒 帶劍 袍 項帕 直纏 襖 正末呂布
 前同

楔子

高順 何蒙 楊奉 魏悅 前同 張遼 程廉 侯成 陳宮 前同 正末呂布 前同 貂蟬 髯髻頭面 補子襖
 兒 裙兒 布襪 鞋

第三折

樊稠 張濟 傖儻 前同 李傕 郭汜 前同 外傖儻 前同 董承 卒子 前同 王允 前同 四寇 又上
 同 劉末 多簷帽 蟒衣曳撒 黃袍 項帕 卒子 前同 張飛 包巾 蟒衣曳撒 皂袍 項
 竹節 正末關雲長 滌青巾 蟒衣曳撒 紅袍 項帕
 鞭 直纏 襖 帶劍 三髯髻 帶劍 三髯髻

楔子

樊稠張濟

同前

李傕郭汜

同前

董承卒子

同前

曹操

兔兒角幘頭帶劍

補子圓領

曹仁

鳳翅盔

膝欄曳撒

袍項帕

直纏

曹霸

鳳翅盔

膝欄曳撒

帶劍

項帕

三髯髯

許褚

鳳翅盔

膝欄

項

帕直纏

帶劍三髯髯

曹璋

鳳翅盔

膝欄曳撒

帶劍

項帕

三髯髯

外卒子

同前

正末關雲長

同前

第四折

張濟樊稠

同前

李傕郭汜

同前

曹仁

同前

曹璋

同前

曹霸

同前

許褚

同前

正末關雲長卒子

同前

樊稠張濟郭汜李傕

同前

曹璋曹霸

同前

許褚

同前

第五折

董承卒子

同前

曹操

同前

曹璋曹霸

同前

曹仁

同前

許褚

同前

正末關雲長卒子

同前

首級劉末張飛

同前

同前

同前

同前

同前

同前

同前

同前

同前

同前

同前

同前

張翼德大破杏林莊

闕名

頭折

〔冲末外扮殿頭官領祇候上〕〔云〕承恩受寵列丹墀。報國忠心輔帝基。天顏有喜傳宣詔。保祐仁皇萬壽齊。小官乃殿頭官是也。肅清奸弊。舉用賢良。於民有愛養之心。愛軍有犒封之賞。忠心報國。誠意安邦。治遠人願四方來賓。正百官要調和鼎鼐。累蒙擢用。自愧無報皇恩。荷承雨露。晝夜忠心輔弼。此乃爲臣之道也。賀當今仁聖之主。享萬年錦繡之邦。今有一賊人姓張名角。以黃巾爲號。擾害良民。聚集羣雄。侵奪州郡。自於杏林莊起義。侵占其兗州之地。今奉聖人的命令。小官招安四方英雄。共破此賊。左右門首覲者。若衆大人來時。報復小官知道。〔祇候云〕理會的。〔皇甫嵩上〕〔云〕上命親差統重權。日馳三百過山川。近來廊廟多西帥。出相誰能在眼前。某乃皇甫嵩是也。受蒙天命。寵擢深恩。因黃巾賊作亂。招撫賢良。勅某爲將。四方征討。今有殿頭官大人相請。必然共議此事。須索走一遭去。可早來到也。令人報復去。道有皇甫嵩來了也。〔祇候云〕理會的。〔做報科〕喏。報的大人得知。有皇甫嵩大人來了也。〔殿頭官云〕道有請。〔祇候云〕理會的。有請。〔皇甫嵩做見科〕〔云〕大人呼喚小官。有何事也。〔殿頭官云〕皇甫嵩來了也。且一壁有

者〔曹操上〕〔云〕宇宙生才兵寄重。風烟入陣塞塵騰。與誰共挽天河水。一洗中原萬里通。某姓曹名操字孟德。沛國譙郡人也。先因桓帝時舉孝廉爲郎。除爲洛陽北部都尉。後蒙恩擢。累承上命。方今靈帝卽位。封某爲兗州太守之職。今因黃巾賊作亂。奉聖人的命。四方招安賢士征討。有殿頭官大人相請。不知有何事。須索走一遭去。可早來到也。令人報復去。道有曹操來了也。〔祇候云〕理會的。〔做報科〕喏。報的大人得知。有曹太守大人來了也。〔殿頭官云〕道有請。〔祇候云〕理會的。有請。〔曹操做見科〕〔云〕大人。某來了也。〔殿頭官云〕曹太守來了也。一壁有者。〔袁紹上〕〔云〕山河誓裡恩光遠。鼓角聲中霸氣雄。八表隨風均雨露。四方揮劍海波通。某乃河北冀王袁紹是也。名傳千里。聲播他方。有奇謀善戰之才。攻擊守禦之勇。立勳業於河北。治茅土於冀州。今因黃巾賊作亂。聖人的命。四方招安良將。攻破此賊。有殿頭官大人相請。不知有何事。須索走一遭去。可早來到也。令人報復去。道有河北冀王袁紹來了也。〔祇候云〕理會的。〔做報科〕喏。報的大人得知。有河北冀王來了也。〔殿頭官云〕道有請。〔祇候云〕理會的。有請。〔袁紹做見科〕〔云〕大人。某來了也。〔殿頭官云〕河北冀王來了也。一壁有者。〔袁術上〕〔云〕朝罷歸來雲霧香。珠簾燦燦稱冠裳。將身許國丹心壯。殺盡賊徒定遠方。某乃淮南王袁術是也。精通武略。諳曉六韜。有班馬之才。蘇張之辯。運籌取勝。足智能贏。今因黃巾賊作亂。聖人的命。四方招安

良將。勦滅此賊。有殿頭官大人相請。不知有甚事。須索走一遭去。可早來到也。令人報復去。道有淮南王袁術來了也。〔祇候云〕理會的。〔做報科〕喏。報的大人得知。有淮南王來了也。〔殿頭官云〕道有請。〔祇候云〕理會的。有請。〔袁術做見科〕〔云〕大人。某來了也。〔殿頭官云〕淮南王來了也。一壁有者。〔淨孫堅上〕〔云〕雙龍地望迎旌節。九虎天關拜冕旒。官聯玉府璇璣象。帝闡河圖萬載幽。某乃長沙太守孫堅是也。幼習兵韜。精通經史。有安邦治世之功。定亂扶危之策。今因黃巾賊傷害人民。聖人的命。四方招安良將。有殿頭官大人相請。不知有何事。須索走一遭去。可早來到也。令人報復去。道有長沙太守孫堅來了也。〔祇候云〕理會的。〔做報科〕喏。報的大人得知。有長沙太守孫堅來了也。〔殿頭官云〕道有請。〔祇候云〕理會的。有請。〔孫堅做見科〕〔云〕大人。某來了也。有何事商議。〔殿頭官云〕孫太守來了也。我今請衆大人來。別無他事。今因黃巾賊作亂。聖人的命。如有山間林下。隱跡埋名。英雄好漢。招安將來。共破此賊。您衆大人若知者。當以舉薦將來。必有重用也。〔皇甫嵩云〕大人。既有聖人的命。招安好漢。今有桃園三士劉關張弟兄三人。會合數員上將。百千人馬。小官令人招安去了。若來時。觀黃巾賊有何難哉也。〔殿頭官云〕既大人招安劉關張弟兄去了。此人必然來也。左右門首覷者。若有一應英雄到時。便來報復某知道。〔祇候云〕理會的。〔劉末同關末正末張飛簡雍糜竺糜芳上〕〔劉末云〕四海紛紛結俊英。

文韜武略顯才能。常懷霸業安邦志。扶立炎劉享太平。某乃姓劉名備字玄德。乃漢之宗親。劉之苗裔。景帝玄孫。中山靖王之後也。二兄弟姓關名羽字雲長。乃蒲州解良人也。三兄弟姓張名飛字翼德。乃涿州范陽人也。此三位將軍。一箇是簡雍。一箇是糜竺。一箇是糜芳。想俺弟兄三人。在桃園結義。宰白馬祭天。殺烏牛祭地。一在三在一亡三亡。不求同日生。只願當日死。一心要求取皇家富貴。聲播於寰區。名揚於後世。今因黃巾賊作亂。聖人的命。招安好漢。尅破黃巾。俺弟兄三人。會合了這三箇將軍。前去投降。要建立功勳。兄弟也。俺破黃巾賊。走一遭去。〔關末云〕哥哥。若論俺弟兄英雄。觀富貴委實易取。爭奈時間受困。未得通達。但得片雲蓋頂。不在他人之下也。〔正末云〕二位哥哥。凡的不屈沉殺俺也呵。〔唱〕

〔仙呂點絳脣〕想着俺結義相交。同合天道。扶廊廟。施展英豪。則待要共把皇王報。

〔混江龍〕我一會家仰天長笑。笑英雄埋沒在荒郊。空閑了鋼鞭烏馬。更和這槍劍鋼刀。但能穀陣上交鋒尋戰討。就是我一身先到聖明朝。受官爵。蒙宣召。將我虹霓氣吐。直貫青霄。〔云〕二位哥哥。俺來到這門首也。可着何人引進也。〔劉末云〕三兄弟。你休憂慮。有皇甫嵩大人。曾招安我來。若不是如此。您哥哥如何肯來到此也。〔簡雍云〕玄德

公。既皇甫嵩大人曾來招安。俺若見了他呵。必然重用也。左右報復去。道有桃園三士劉關張弟兄三人。與衆英雄特來投佐。共破黃巾賊也。〔祇候云〕理會的。〔做報科〕喏。報的大人得知。有劉關張弟兄三人。與衆英雄特來參見也。〔殿頭官云〕皇甫嵩。劉關張弟兄來了也。着他過來。〔祇候云〕理會的。過去。〔正末同衆將做見科〕〔殿頭官云〕住住住。兀那桃園三士。朝中久聞你弟兄三人。未曾宣召。您入朝。您這衆英雄不知姓甚名誰。通名顯姓者。〔劉末云〕某姓劉名備字玄德。〔關末云〕某姓關名羽字雲長。〔簡雍云〕某乃簡雍是也。〔糜竺云〕某乃糜竺是也。〔糜芳云〕某乃糜芳是也。〔正末云〕大人。某姓張名飛字翼德。聞知聖人張掛黃榜。招安英雄。俺衆將特來投佐也。〔唱〕

〔油葫蘆〕則爲這聖主寬仁。將黃榜招。俺衆英雄相會了。都待要忠心報國輔皇朝。情願待要驅兵領將排軍校。相持對壘施兇暴。〔殿頭官云〕兀那張飛。俺也聞您弟兄每英雄也。〔正末唱〕俺弟兄每能戰討。膽量高。則因俺能征慣戰。今來到。都則要青史把名標。〔皇甫嵩云〕劉關張。某令人前去招安您弟兄去來也。〔正末唱〕

〔天下樂〕感謝你箇將軍將俺來招。則爲俺英也波豪。保聖朝。待着俺把黃巾盜賊掃淨了。纔能穀請俸錢。受爵祿。也是俺弟兄每志氣高。〔殿頭官云〕張飛。您弟

兄雖是英雄。今黃巾賊勢重。侵占各處城池。如何一時便破的也。〔正末云〕大人。黃巾賊雖然勢大。則是些羣兇逆黨。終無久戰之志。量他何足道哉也。〔唱〕

〔金盞兒〕告大人莫心焦。慢量度。那厮每雖然勢大爲羣盜。則好去侵其良善。把人邀奪。商人資共寶。虜妻女要和調。覷他每如芥草。則目下盡平消。〔皇甫嵩云〕張飛。你不知道。黃巾賊張角。自起義以來。先占了杏林莊。後侵了兗州府。杏林莊盡是英雄好漢。十分難得剋破也。〔正末云〕大人。張飛覷打杏林莊。有何難哉。憑着某坐下馬。手中槍。量張角有如兒戲也。〔唱〕

〔醉扶歸〕試看某把精兵調。破黃巾建功勞。憑着我槍馬熟閑能戰討。我將他一鼓而皆擒掠。兗州府其實覷小。索把俺這奇功報。〔殿頭官云〕衆位大人。今日既得了劉關張弟兄三人。又有數員軍士。如今就着皇甫嵩爲將。您衆將同共發兵。劉關張弟兄三人爲前部先鋒。此一去必然破了黃巾賊也。〔皇甫嵩云〕大人既要破黃巾賊去。俺先去招安他。如若歸伏了呵。免動干戈。若不歸伏。那時與他相持。未爲晚矣也。〔正末云〕大人既要招安黃巾賊。張飛招安。走一遭去。〔唱〕

〔金盞兒〕俺則索把軍調。選英豪。招安的張角歸伏了。他若是解衣卸甲順天

朝班中封位爵。免的俺動槍刀。杏林莊皆淨掃。賊盜盡散了窩巢。〔殿頭官云〕衆

位大人。您各自收拾器械兵戈。一同率領人馬前去。務要破了黃巾賊張角也。〔皇甫嵩云〕大人。某今爲將。率領精兵。務要平定了黃巾賊。取勝而回也。爲元戎足智多謀。取勝負全按兵書。行五德。皆要依令。扶社稷。保取皇都。〔下〕〔曹操云〕大人。某今整搦人馬。兵戈器械。破張角。走一遭去。先整搦器械兵戈。後用智四外張羅。杏林莊破了張角。方顯俺漢室軍多。〔下〕〔袁紹云〕大人。袁紹整搦器械。與衆將前去。破張角。走一遭去。忙點起驍勇軍卒。一箇箇跨馬橫纛。陣面上奪旗搥鼓。建功勞。斬首賊徒。〔下〕〔袁術云〕大人。袁術點領人馬。整搦器械。破張角。走一遭去。會英雄。共意同心。破黃巾。嘯聚山林。這一場苦爭惡戰。端的要越古超今。〔下〕〔孫堅云〕大人。孫堅整搦器械。收拾鎧甲。與衆將同去。破黃巾賊。走一遭去。設智量。布陣排兵。用機謀。取勝常贏。杏林莊一場大戰。方顯出上國人能。〔下〕〔糜竺云〕玄德公。雲長公。三將軍。衆位大人都去了也。俺衆將一同與大人破黃巾賊去來。〔正末云〕二位哥哥。俺衆將奉着大人的令。前去破黃巾賊。走一遭去。

〔唱〕

〔尾聲〕將往日對天盟。方纔稱心中妙。結義時曾言誓約。但得身榮入聖朝。劉關張一世同交。有誰學無諂無驕。今日箇得破黃巾行戰討。有官封祿高。享皇

恩丹詔。則願你保山河帝業永堅牢。〔衆同下〕〔殿頭官云〕左右衆將去了也。誰想招安

了劉關張弟兄三人。又得了數員上將。這一去必然破了黃巾賊也。聖明主洪福齊天。招安了良將英賢。先破了黃巾賊寇。賀昇平舜日堯年。〔同祇候下〕

第二折

〔外扮黃巾賊張角領小儂僮上〕〔云〕旌旗雜彩密雲籠。鎧甲光輝射日紅。寨居四野花園錦。帳下兒郎敢建功。某乃大將張角是也。精通武略。習演兵機。左右開弓射將。前後刀邊殺軍。聚英猛兒郎。以黃巾爲號。奪商客資財。買馬屯糧。某名傳天下。聲振四方。任官軍拒敵。未嘗得某半枝折箭。先占杏林莊爲本。後侵兗州府屯軍。某手下有兩員上將。一箇是張表。一箇是張寶。此二將十分英勇。某今聽知有官軍前來。勦捕俺黃巾。須索喚他二將來。做箇隄備。小儂僮與某喚將張表張寶來者。〔小儂僮云〕理會的。張表張寶二將安在。〔二淨扮張表張寶上〕〔張表云〕頭戴黃巾黃裏黃。上陣好騎大綿羊。聽的一聲信砲響。唬的肚裏轉了腸。某乃張表是也。兄弟張寶。俺二將是這黃巾賊張角的首將。俺太保虛就其名。雖然他爲頭領。但凡打家劫盜。殺人奪財。都是俺兩箇當先。如今聽知的有官軍來了也。不會敢出去。十分心焦了。這一喚俺兩箇。不知有甚事也。〔張寶云〕哥。我知道了。昨日您兄弟偷了一隻肥雞。不曾送與太保。有小儂僮搬了嘴了。莫不喚

俺兩箇敢是這一本帳要算麼。由他去。我則不認便了。可早來到也。小僮僮報復去。道有張表張寶來了也。〔小僮僮云〕理會的。喏。報的太保得知。有張表張寶來了也。〔張角云〕着他過來。〔小僮僮云〕理會的。過去。〔二淨見科〕〔張表云〕太保呼喚表寶二將。那廂使用也。〔張角云〕張表張寶。喚您二將來。別無甚事。某今聽知的有官軍前來。勦捕俺黃巾。須索做箇隄備。好與他拒敵也。〔張寶云〕太保喚俺兩箇來。爲此一件事。這箇有何難哉。等官軍來時。憑着在下弟兄二人。管你弄的七損八傷便了。〔張表云〕太保休要聽他胡說。點下人馬。務要與官軍交戰一場。倒也是箇了手。小僮僮寨門外覷者。若有官軍來時。報復某知道。〔小僮僮云〕理會的。〔正末同皇甫嵩曹操袁紹袁術孫堅劉末關末簡雍糜竺糜芳領卒子上〕〔皇甫嵩云〕奉命征伐平草寇。英雄猛將破黃巾。某乃皇甫嵩是也。奉大人的命。令某爲將。統領大勢人馬。并劉關張弟兄三人。前來招安黃巾賊歸降。此一場征戰。必須要用心也。〔正末云〕衆位大人看張飛招安這夥賊盜。他若依從受降。亦無話說。若不歸降。憑着俺弟兄每。務要殺他箇措手不及。片甲不歸也呵。〔唱〕

〔中呂粉蝶兒〕他若是肯受歸伏。我教他入朝綱做官請祿。索強似嘯山林縱放賊徒。止不過虜良人。截商賈。非爲敢做。倚仗他膽大心粗。一箇箇號黃巾四方發怒。

〔醉春風〕我教他拱手納降旗。臨軍停戰鼓。他若是半星兒吐口不伏輸。殺的他來苦苦。散了他那傀儡。收了他山寨。擒了他的頭目。〔黃甫嵩云〕張飛。此處離杏

林莊不遠。如今你敢先去見黃巾賊張角。看他怎生主意。打探箇虛實動靜。有何不可也。〔正末云〕大人。你則放心。統領着軍兵。都在這寨外邊策應。看張飛自去招安也。
〔關末云〕張飛。你今日深入賊寨。倘有不測之事。俺如何策應也。
〔正末云〕二哥。你則看者。若賊寨中打鬧。您便一齊殺入來。張飛裏應。您衆將外合。務要破了賊兵也。
〔關末云〕既是這等。張飛。你則入賊營中去。俺在外邊緊備策應也。
〔正末做到黃巾營寨云〕小傀儡報復去。道有使命到此也。
〔小傀儡云〕理會的。報的太保得知。有使命到此也。
〔張角云〕有使命到此。不知有何事也。道有請。
〔小傀儡云〕理會的。有請。
〔正末見科〕
〔張角云〕早知使命來到。只合遠接。接待不着。勿令見罪也。
〔正末云〕兀那賊將。你不認的某。則某便是姓張名翼德。奉聖人的命。特來招安您歸降。及早受了降者。
〔唱〕

〔紅綉鞋〕奉君命招安歸路。你若是順明朝免您遭誅。認的這張翼德手中黑纓纓。舉手處無回顧。馬到處辨贏輸。您若是但違條枉受苦。
〔張表云〕張飛。你好大膽也。直來到俺這營裏來。你也看的俺沒了人物了。我又不信。來時由你。去時由我。太保放狠着。

休要着他做了漢子去。〔張角云〕張飛。你獨自一人來到某這營中。如何放你過去。張表張寶。您二將與某拏了張飛者。〔張寶云〕得令。張表哥狠着。則說他英雄哩。〔張表張寶做拽衣服科〕

〔張表云〕張飛。好好的受了繩縛。省的俺動手也。〔正末云〕頗奈這逆賊無禮也。着這厮吃某一頓者。〔正末做打張表張寶科〕〔唱〕

〔剔銀燈〕這厮他來我行施威用武。舉手處急難回顧。受招安免您添憂慮。我將這莽拳頭勝似鋼鏰。不由我輕挪步脚去踰。量着你如羊鬪虎。

〔蔓菁菜〕怎敢來和咱做。不由我用機術。直恁般囂虛。憑着我冠世英雄有誰如。〔帶云〕着拳。〔做打倒張表張寶科〕〔唱〕教這厮跌倒在塵埃去。〔張表起身云〕太保。這厮真個狠。下毒手打起來了也。〔張寶云〕哥掙着些。俺拏了這厮罷。〔張角云〕張表張寶。您兩箇着他打了這一頓。則這等罷了。小僕僮一齊下手拏這厮。〔正末云〕這厮每敢如此無禮。兀那賊寇。您真箇要與某交鋒也。來來來。有不怕死的。向前來與某拒敵也。〔劉末云〕衆位將軍。張飛入營久矣了。俺一齊吶喊。殺入營去來。〔衆做吶喊殺入賊營科〕〔張表云〕不好了。外邊人馬殺入來了也。〔正末同衆做與張角張表張寶戰科〕〔正末唱〕

〔十二月〕四下廂官軍密堵。滿營中土雨飛撲。齊臻臻槍刀並舉。密匝匝將士

征夫。逞好漢冲開隊伍。殺的他難顧賊徒。〔張角云〕張表張寶。這事不中也。俺撇了這杏林莊。往兗州城中避軍去來。〔張表云〕張寶走了罷。敵不住了。太保先慌了也。〔張角同張表張寶敗科〕〔下〕〔正末唱〕

〔堯民歌〕呀。我見他虧輸。大敗奔前途。〔關末云〕張飛黃巾賊走了也。俺趕將去來。〔正末唱〕俺如今不須用力死追復。他每都拋金棄鼓。領着殘卒。離營撇寨那廂撲。休逐賊兵何處居。定去別尋路。〔皇甫嵩云〕張飛黃巾賊定往兗州城中去了。俺如何近的他也。〔正末云〕衆位大人。依着張飛。您都各自領兵。在兗州城外四下廂埋伏着。等某推去洗馬。迤逗他每出城。俺一齊生擒活拏黃巾賊也。〔曹操云〕衆位將軍。依着張飛的計策。到來日俺衆將四下廂埋伏。必然擒拏了黃巾賊也。〔正末唱〕

〔尾聲〕看今番用智謀。擒賊兵齊用武。杏林莊先占官軍路。到來日再取城池那一府。〔衆同下〕

第三折

〔張角領淨張表張寶小僮僮上〕〔張角云〕天下英雄驍勇將。自在縱橫不肯降。某乃張角是也。自起義以來。未嘗有官軍得某半枝折箭。今因張飛來到杏林莊寨中。招安某等歸降。因某不肯

歸伏。不想他裏應外合。被官軍大殺了俺一陣。將杏林莊營寨失了。某與衆將來到這兗州府。屯住了軍馬。張表張寶。您二將整擲下人馬。若官軍來時。可與他大戰一場。見箇勝負也。〔張表云〕太保你不要惹他。那箇姓張的。他十分狠頭子。依着在下。關着城門。則在城裏吃酒耍子。隨他每在外邊嚷。俺則不要出去。但出城去。定着他的手。〔張角云〕既是這等。小儂僂城上望者。若有官軍到時。報復某知道。〔小儂僂云〕理會的。〔正末同劉末關末簡雍糜竺糜芳領卒子躍馬兒上〕

〔正末云〕二位哥哥。俺這一遭。務要破了黃巾賊。必然得入朝中。見了聖人。但能一官半職。方稱俺平生之願也。〔關末云〕三兄弟。俺頭一陣。先得了杏林莊。觀這兗州城。指日而破也。〔正末云〕大小三軍。擺布的停當者。專看某的發號。務要擒拿了這夥強賊也呵。〔唱〕

〔越調鬪鶴鶉〕則要您奮勇當先。相持對壘。捨死忘生。於家爲國。將您那馬步相隨。都待要依從首尾。槍間牌。刀對戟。陣前列。畫鼓銅鑼。垓心放轟雷砲起。

〔紫花兒序〕征雲靄。朦朧山勢。殺氣散。暗昧乾坤。土雨飛。閉住東西。看張飛猛烈。緊驟定烏騅誰及。則我這捉將挾人。今日起。這的是爲頭兒敵對。我務要大破黃巾。便是我盡用兵機。〔劉末云〕張飛。俺來到這兗州城下也。擺開陣勢。與黃巾賊答話。看他肯來歸降麼。〔正末同衆做見小儂僂科〕〔正末云〕兀那城上賊兵。報復您那賊將知道。着他

及早出來歸降了者。〔小僕僮報科〕「云」報的太保得知。有官軍臨城也。〔張角云〕張表張寶。俺與官軍答話去來。〔張角同張表張寶做見正末衆將科〕「正末云」兀那黃巾賊。你聽者。及早開城歸降。庶免劉屍萬段也。〔張寶云〕太保不要信他說嘴。就你耍子哩。我又不信他敢把你劉屍萬段。他若殺了你。替你償命。〔張角云〕兀那張飛。你不要下說詞。杏林莊中了你的計。這兗州城。你便有百萬精兵。也打不開這城也。〔正末云〕兀那賊寇。你真箇不肯歸降也。俺若打開這城。那時節悔之晚矣。〔唱〕

「金蕉葉」頗奈這無徒逆賊。敢這般張牙賣嘴。俺四下裏安環砲起。攻破城那時後悔。〔張角云〕張飛。隨你百般招安。休想俺肯開這城門。及早退後。張表張寶。預備下壘木砲石者。〔簡雍云〕三將軍。這厮每不肯開城。如之奈何也。〔正末云〕簡雍。你則仔細者。俺一齊下馬。則推在這城河中洗馬。他必然出城來追趕。俺也還有皇甫嵩衆將埋伏着哩。俺推敗走。他若追趕。必然中俺計也。〔簡雍云〕三將軍。此計大妙。衆將下馬來者。〔正末同做下馬洗馬科〕「張表云」太保你見麼。兀的張飛。與衆將下馬。在河中洗馬哩。俺一齊出城。拏了這厮。其餘的易哉。〔張角云〕張表。你也說的是。俺出城拏這匹夫去來。〔張角同張表張寶驢馬兒領僮僮出城科〕「張角云」兀那張飛少走。喫吾一劍。〔正末云〕衆將上馬。這厮趕將來也。〔同衆上馬慌走科〕「唱」

〔調笑令〕忙催動戰騎。〔張角同張表張寶做追趕正末衆將科〕〔正末唱〕他可早緊相追呀。又中了張飛神妙機。蕩征塵踐起遮天地。見賊兵左右追隨。〔皇甫嵩同衆將四面驪馬兒領卒子上做圍科〕〔正末唱〕暗埋伏猛軍四面圍。縱然他有翅難飛。〔張表云〕罷了。太保。又中他計了。四面人馬圍上來了。〔曹操云〕兀那賊將及早歸降了者。〔張角云〕張表張寶。俺各自用心。四下官軍圍住了。俺也一齊忘生捨死往外撞者。〔張寶云〕罷了。又弄在這箇死套子裏了。〔正末云〕衆位將軍。俺既圍住這賊寇也。務要生擒活拏了去。〔張角同張表張寶與正末衆將混戰科〕〔正末唱〕

〔禿廝兒〕響珊珊兵戈似水。亂烘烘人馬如飛。刀橫素練光若洗。鋒舉處劍來揮。周也波圍。

〔聖藥王〕我這裡槍又疾。人又齊。向垓心施展虎狼威。他那裡力漸虧。魂魄飛。〔做拏住張角科〕〔唱〕揪袍扯帶。搭住強賊。〔衆將做拏住張表張寶科〕〔皇甫嵩云〕張飛。俺拏住這兩箇賊將了也。〔正末唱〕一箇箇遭困在兵危。〔劉末云〕張飛。俺將黃巾賊都拏住了也。〔正末云〕衆位將軍。既將黃巾賊都拏住了也。把這廝執縛定。見大人獻功去來。〔唱〕

〔尾聲〕把賊徒擒住將繩繫。剿除了民安庶喜。今日箇張翼德建頭功。不枉了

桃園共心起〔同下〕

第四折

〔殿頭官領祇候上〕〔云〕招賢納士安天下。選用忠良撫四方。小官乃殿頭官是也。今因黃巾賊作亂。聖人的命。招安了劉關張弟兄五人并衆將。就令皇甫嵩爲帥。統兵前去征討。此賊必然平定了也。左右門首望者。若衆將來時。報復小官知道。〔祇候云〕理會的。〔正末同劉末簡雍皇甫嵩曹操領卒子做擎張角張表張寶上〕〔皇甫嵩云〕某乃皇甫嵩是也。奉聖人的命。令某爲將。同劉關張弟兄三人并衆將。前去勦殺黃巾賊張角。此一場征戰。多虧了張飛。大破了黃巾賊。擒拿了賊將張角張表張寶。須索見大人。走一遭去。〔正末云〕衆位大人。此一場大破黃巾賊。非張飛之功。乃當今聖人洪福。因此上俺成其大功也呵。〔唱〕

〔雙調新水令〕託賴着聖明君洪福定邊方。因此上百靈扶蒼生有望。破黃巾成大功。保黎庶永安康。則願的社稷榮昌。見如今昇平世有賢相。〔劉末云〕衆位將軍。俺來到這衙門首也。將這三箇賊寇。且擎在這衙門首聽候。等俺見了大人。然後擎將過去。未爲晚矣。〔皇甫嵩云〕玄德公。你也說的是。小校將這三箇賊寇。且擎在這衙門首。聽候俺見了大人。然後將這厮每擎過去。〔卒子云〕理會的。〔正末云〕令人報復去。道有衆將破黃巾賊得勝。

回來了也。〔祇候云〕理會的。喏。報的大人得知。有衆將破黃巾賊。得勝回來了也。〔殿頭官云〕衆將得勝回來了也。道有請。〔祇候云〕理會的。有請。〔正末同衆將見科〕〔殿頭官云〕皇甫嵩。您與劉關張弟兄三人并衆將。到了杏林莊。張飛先入賊營。招安他歸降。不想黃巾賊不肯歸伏。張飛就在賊營中打鬧起來。您衆將一齊攻殺。賊兵大敗。先得了杏林莊營寨也。〔正末云〕大人。若論着黃巾賊的英勇。若不是張飛呵。其餘的將軍。焉敢深入賊營。與他交戰去也。〔唱〕

〔駐馬聽〕若論着好勇爭強。除是張飛誰敢當。驅兵領將。深入賊陣。不隄防。誰人敵住點鋼槍。殺人氣吐三千丈。將名姓揚。破黃巾張角將家邦旺。〔殿頭官云〕張飛。您擎的黃巾賊。可在那裡也。〔正末云〕大人。黃巾賊見在門首伺候着哩。〔殿頭官云〕左右擎將過來。〔祇候云〕理會的。擎過黃巾賊來者。〔卒子擎張角張表張寶見科〕〔殿頭官云〕兀那賊寇。您焉敢嘯聚山林。搶擄良民。傷害百姓。今日被擒。有何理說。〔張表云〕老大兒你莫管他。爲人豈無差錯。是做的差了。如何改的。要饒便饒。不饒時就了之了罷。〔張角云〕大人。非某所好。乃大丈夫不得已而爲之也。〔殿頭官云〕衆位將軍。您先奪了杏林莊。然後怎生設計擎這黃巾賊來。您試說一遍者。〔正末云〕大人。黃巾賊因俺奪了杏林莊。衆賊便入兗州府城中。閉門不出。被張飛推河中洗馬。將他賺出城來。四下裏伏兵盡舉。方纔擎住了這厮每也。〔唱〕

〔沉醉東風〕這厮每充州府城中避荒。則俺這衆英雄定計商量。張飛便推刷馬離河港。他怎知就裡埋藏。率領賊兵親要搶中計也。遭擒受擄。〔張寶云〕張飛少要賣嘴。你早是拏住了俺。你便做好漢子。昨日若不是衆人勸道罷罷罷。着他擄了罷。你後年得拏住我也。〔殿頭官云〕兀那三箇賊徒。既拏將您來。如何饒的過你。小校推出去。斬訖報來。〔張表云〕真箇要殺俺。好說好說。且饒俺這一遭。我做箇大大的東道請你罷。〔正末云〕兀那賊徒。便好道罪者當刑。死而無怨。你如何說的過也。〔唱〕

〔落梅風〕誰教你胡爲做。結逆黨。擾黎民在杏林莊上。今日箇犯王條罪刑情願當。恁從您怎生解放。〔殿頭官云〕小校。拏出這三箇逆賊去斬了者。〔卒子云〕理會的。〔卒子做斬張角張表張寶死科〕〔下〕〔卒子云〕大人。斬了黃巾賊也。〔正末云〕既斬了黃巾賊。天下太平也。〔唱〕

〔鴈兒落〕保祚的天下黎庶康。四海家邦旺。賊兵盜逆絕。寇虜皆消障。

〔得勝令〕呀。皆因是架海紫金梁。今日箇立志入朝綱。受官爵居榮位。請加封望贈賞。萬萬載吾皇。有八表稱臣旺。千千年禎祥。保山河壯帝鄉。〔殿頭官云〕衆將近前。您聽者。因黃巾變亂。胡爲虜。良民嘯聚爲賊。遊四海邀截客旅。霸山川侵占城池。出黃榜


招賢納士。新投降劉備張飛。統大兵一時奮勇。勦賊寇用盡兵機。先奪了杏林營寨。推洗馬定計相持。暗埋伏豪傑猛士。擒捉住大勢強賊。依軍令施行斬首。梟首級曉諭人知。劉關張加官賜賞。受皇恩拜舞丹墀。衆將士論功封贈。一箇箇廕子封妻。聖明主豁達大度。有文官武職扶持。千千年皇圖永固。萬萬載錦繡華夷。

題目

皇甫嵩復奪兗州府

正名

張翼德大破杏林莊



張翼德單戰呂布

闕名

頭折

〔冲末外扮冀王領卒子上〕〔云〕漢末英雄各占強。鎮伏河北立名揚。天下諸侯爲頭將。青史流傳萬古香。某姓袁名紹字本初。祖貫河北冀州人也。先祖原爲漢相。累代功臣。某文通三略。武解六韜。謝聖人可憐。封某爲河北冀王之職。今因董卓專權。着呂布領十萬雄兵八健將。把了虎牢關。聖人暗傳密旨。着俺天下諸侯。某爲元帥。長沙太守孫堅爲監軍副帥。曹操爲參謀使。因青州催糧草。往德州平原縣經過。遇劉關張弟兄三人。舉保來至虎牢關前。昨日戰敗了呂布。某今日聚衆諸侯。與他弟兄慶功排宴。小校轅門首望着。若來時報某知道。〔卒子云〕理會的。〔外扮劉表上〕〔云〕祖輩開基立廟堂。攻習戰策腹中藏。荊州久鎮英雄將。破滅奸邪扶獻皇。某姓劉名表字景昇。某多習戰策。廣看兵書。立漢朝累建奇功。封某爲荊州牧守之職。今因聖人密詔。取俺天下諸侯。都至虎牢關前。迎敵呂布。有河北冀王爲帥。曹操爲參謀使。舉劉關張弟兄三人。來破呂布。今有張飛與孫堅軍賭着牌印。戰退呂布。今日元帥與他弟兄每慶功。某須索走一遭。可早來到也。小校報復去。道有劉表來了也。〔卒子云〕理會的。〔報科〕〔云〕喏。報的元帥得知。有劉太守

來了也。〔冀王云〕道有請。〔卒子云〕理會的。有請。〔劉表做見科〕〔云〕元帥。劉表來了也。〔冀王云〕景昇請坐。今日與劉關張慶功。待衆將來全排宴。這早晚敢待來也。〔外扮陶謙上〕〔云〕定國安邦髭鬚蒼。久居縣邑理綱常。紛紛漢末豪傑占。某獨霸徐州一地方。老夫陶謙是也。方今漢世累立功勳。封老夫爲徐州牧守之職。今因董卓專權。着呂布把住虎牢關。聖人調俺天下諸侯。來破呂布。有曹操舉薦劉關張弟兄三人。好生英雄。昨日戰了呂布。今日元帥排宴。與他弟兄慶功。老夫須索走一遭去。可早來到也。小校報復去。道有陶謙來了也。〔卒子云〕理會的。〔報科〕〔云〕喏。報的元帥得知。有陶謙來了也。〔冀王云〕道有請。〔卒子云〕理會的。有請。〔陶謙做見科〕〔云〕元帥。陶謙來了也。〔冀王云〕陶令公請坐。今日與劉關張慶功。衆諸侯敢待來也。〔外扮公孫瓚上〕〔云〕武藝多能立漢邦。心懷忠孝氣昂昂。關前領將排軍校。平定山河帝業昌。某公孫瓚是也。本貫定州人也。爲某深通韜略。善曉兵書。謝聖人可憐。加某爲眞定鎮陽太守。今因董卓弄權。遣呂布領十萬兵。把住虎牢關。俺天下諸侯。與他相持半載。不曾贏的他戟尖點地。馬蹄倒擲。今有劉關張弟兄三人。昨日戰退呂布。今日元帥排宴慶功。某須索走一遭去。可早來到也。小校報復去。道有公孫瓚來了也。〔卒子云〕理會的。〔報科〕〔云〕喏。報的元帥得知。有公孫瓚來了也。〔冀王云〕道有請。〔卒子云〕理會的。有請。〔公孫瓚見科〕〔云〕元帥。某來了也。〔冀王云〕太守

請坐。待衆諸侯來全。俺慢慢的行酒。〔外扮袁術上〕「云」鐵馬金戈環珮珊。排兵擐甲盡屯關。官居牧守承宣命。威武敢勇鎮淮南。某淮南太守袁術是也。俺哥哥是河北冀王袁紹。俺家積祖累輩漢臣。奉聖人命。着鎮守淮南九郡。今有董卓專權。倚仗呂布之勇。把住虎牢關。俺天下諸侯。在此迎敵半載。不曾得他半根兒折箭。今有劉關張弟兄三人。戰退呂布。今日元帥與他每慶功。某可早來到也。小校報復去。道有袁術來了也。〔卒子云〕「理會的。」〔報科〕「云」喏。報的元帥得知。有袁術來了也。〔冀王云〕道有請。〔卒子云〕「理會的。」有請。〔袁術見科〕「云」哥哥。您兄弟來了也。〔冀王云〕袁術。今日慶功。待衆諸侯。敢待來也。〔外扮韓愈上〕「云」虎牢關下列旌旗。敢勇相持戰馬肥。邊庭鎮守英雄將。統領干戈逞虎威。某潼關太守韓愈是也。某英雄膽略。久鎮邊關。今爲董卓無禮。着呂布領十萬兵。外鎮俺天下諸侯。俺與他交戰。不曾贏的他半根折箭。有曹操舉薦劉關張弟兄三人。戰退了呂布。今日與他弟兄每慶功排宴。某走一遭去。可早來到也。小校報復去。道有韓愈來了也。〔卒子云〕「理會的。」〔報科〕「云」喏。報的元帥得知。有韓愈來了也。〔冀王云〕道有請。〔卒子云〕「理會的。」太守有請。〔韓愈見科〕「云」元帥。某來了也。〔冀王云〕韓愈。今有劉關張慶功。還有孫監軍衆諸侯未來哩。小校望着。若來時報某知道。〔卒子云〕「理會的。」〔外扮曹操上〕「云」冬夏讀書苦用心。每會射獵要成功。自中登科懷大志。方今漢末盡知名。小官姓曹名

操字孟德。祖居沛國譙郡人也。自中甲第以來。累蒙擢用。多建功勞。自隨皇甫嵩破黃巾賊成功。那時節爲典軍校尉。謝聖恩可憐。加小官兗州太守之職。今因董卓之亂。他着呂布領十萬兵八健將。西把住虎牢關。外鎮俺天下諸侯。聖人暗調俺來河北。冀王爲元帥。孫堅爲監軍副帥。小官爲參謀使。在此半載交陣。不曾贏的呂布。小官因催青州糧草。路過德州平原縣。有劉關張弟兄三人。小官舉薦將來。有孫堅不忿。和他弟兄鬪氣。昨日在虎牢關前戰退了呂布。今日元帥與俺慶功。小官走一遭去。小校報復去。道有小官來了也。〔卒子云〕理會的。〔報科〕〔云〕喏。報的元帥得知。有曹參謀來了也。〔冀王云〕道有請。〔卒子云〕理會的。有請。〔曹操見科〕〔云〕元帥。小官來了也。我舉薦的人。不曾落保也。〔冀王云〕曹孟德。你的功勞有哩。等他弟兄來時。與他慶功。還有別的諸侯未來哩。小校望着。若來時報某知道。〔卒子云〕理會的。〔外扮韓昇孔融上〕〔韓昇云〕赳赳威風智量多。奸臣變亂惹干戈。虎牢關下諸侯聚。連日交兵要會合。某乃易州太守韓昇是也。這位將軍是北海太守孔融。俺久鎮畿外。威伏邊庭。忠心立漢業。捨命保家邦。今因董卓專權。着呂布領八健將十萬兵。西把住虎牢關。聖人暗行密詔。調俺天下十八路諸侯。在此半載有餘也。〔孔融云〕太守。這呂布委實英雄也。俺與他相持廝殺。不曾贏的他。多虧曹孟德舉薦劉關張來。昨日戰退呂布也。今日元帥與他弟兄慶功。俺須索走一遭去。可早來到也。小校報復去。

道有韓昇孔融來了。(卒子云)理會的。(報科)(云)喏。報的元帥得知。有韓昇孔融來了也。(冀王云)道有請。(卒子云)理會的。有請。(二將做見科)(韓昇云)元帥曹參謀恕罪。俺二人來遲也。(冀王云)二位太守且請坐。待衆諸侯來全。與劉關張慶功。這早晚敢待來也。(外扮王曠趙莊上)(王曠云)年少英雄用智謀。安邦定國統卒徒。功成大業平天下。馳名四海鎮蒼梧。小官蒼梧太守王曠是也。這箇將軍是陝州趙莊太守。俺同爲漢將。久鎮各州。治民理事。操練軍卒。今因董卓專權。着呂布領十萬兵。把住虎牢關。迎敵俺天下十八路諸侯。相持許久。不曾敵的住此人。看了呂布委實英雄。有曹孟德舉薦劉關張弟兄三人來。昨日一陣成功。趙太守。俺見元帥去來。(趙莊云)王太守。我想董卓這等無禮。倚仗着呂布之勇。把住虎牢關。與俺天下諸侯交戰。他豈知聖人密詔。調俺上來。今日元帥與劉關張慶功。俺須索走一遭去。可早來到也。小校報復去。道有王曠趙莊來了。(卒子云)理會的。(報科)(云)喏。報的元帥得知。有王曠趙莊二位太守來了也。(冀王云)道有請。(卒子云)理會的。有請。(二將做見科)(王曠云)元帥。俺二將來了也。(冀王云)二位太守且請坐。今日與劉關張弟兄慶功。待衆諸侯來。這早晚敢待來也。(外扮鮑信張秀上)(鮑信云)武藝精嚴能對壘。幾回臨陣終心美。虎牢關下廣排兵。久居州城鎮齊北。某乃齊北太守鮑信是也。這位將軍。乃是南陽太守張秀。俺多習兵書。廣看戰策。相持關下。趕趕

威風。今因董卓亂政。威伏俺天下諸侯。着呂布領十萬兵八健將。西把住虎牢關。與俺對敵。許久不曾贏的呂布半根兒折箭。張太守。若不是劉關張呵。誰贏的此人也。〔張秀云〕鮑太守。想俺天下十八路諸侯。奉聖人的密詔。來此處戰呂布。不匡劉玄德弟兄每如此英雄。昨日關前戰退了呂布。有孫堅不然他弟兄。今日元帥與他每慶功。俺走一遭去。可早來到也。小校報復去。道有鮑信張秀來了也。〔卒子云〕理會的。〔報科〕〔云〕喏。報的元帥得知。有鮑信張秀二位太守來了也。〔冀王云〕道有請。〔卒子云〕理會的。有請。〔二將做見科〕〔鮑信云〕元帥。俺二將來了也。衆諸侯都來了也。〔冀王云〕二位太守且請坐。等衆諸侯來全了。慶功飲酒。這早晚敢待來也。〔外扮喬梅吳愼上〕〔喬梅云〕每習孫吳智略長。皇王在位用賢良。只因呂布敵邊將。引關黎民四海荒。小官山陽太守喬梅是也。這位官人是河內太守吳愼。俺同共扶持獻帝主人。俱於各處鎮守。今因董卓無禮。欺壓俺天下功臣。差呂布并八健將。在虎牢關交戰。河北冀王爲帥。曹操爲參謀使。因催糧草。遇着劉關張弟兄三人。來至虎牢關前。昨日和呂布交戰。好英雄也。〔吳愼云〕喬太守。想這呂布。坐下赤兔馬。手中方天戟。在虎牢關前。與俺諸侯交戰。不曾贏的此人。若不是劉關張弟兄三人。昨日那能戰退呂布。今日冀王與他慶功。俺須索走一遭去。可早來到也。小校報復去。道有喬梅吳愼來了也。〔卒子云〕理會的。〔報科〕〔云〕喏。報的元帥得知。有喬梅吳愼二位太

守來了也。〔冀王云〕道有請。〔卒子云〕理會的有請。〔一人做見科〕〔喬梅云〕元帥。俺二將來了也。今日慶功。衆將來全了麼。〔冀王云〕二位太守且請坐。衆諸侯還未來全哩。這早晚敢待來也。〔田客劉羽上〕〔田客云〕好習孫吳志可酬。鎗刀劍戟試滑熟。廣驅隊伍垓心戰。威名赳赳鎮青州。某青州太守田客是也。這位將軍是幽州劉羽。俺同爲漢臣。忠扶社稷。各鎮方面。束杖理民。今因聖人密詔。調俺天下十八路諸侯。來此相持。半載有餘。不曾贏的呂布。今多虧劉玄德弟兄三人。昨日一陣成功也。〔劉羽云〕田太守。這呂奉先英雄。若不是他弟兄三人。怎生戰的退呂布。今日冀王與他弟兄慶功。俺須索走一遭去。可早來到也。小校報復去。道有田客劉羽來了也。〔卒子云〕理會的。〔報科〕〔云〕喏。報的元帥得知。有田客劉羽二位太守來了也。〔冀王云〕道有請。〔卒子云〕理會的。有請。〔二將做見科〕〔田客云〕元帥。俺二將來了也。〔冀王云〕二位太守來了也。衆諸侯都來了也。止有孫監軍未曾來哩。小校等來時。報復某知道。〔卒子云〕理會的。〔淨扮孫堅上〕〔云〕我做元帥性兒歹。虎牢關下要布擺。胸背改樣忒希奇。前後兩箇大螃蟹。自家長沙太守孫堅是也。文通百家姓。武會打勛陡。諸般都不曉。則會咽骨頭。如今有那呂布那箇匹夫。在虎牢關下奈俺諸侯。前日和我交戰。殺的我連衣袍鎧甲都丟了。有曹操舉薦劉關張弟兄三人來。我料他芥子兒大小官職。怎生破的呂布。今日冀王排宴慶功。我待不去來。不好看。我

走一遭去。可早來到也。小校報復去。道有我來了也。〔卒子云〕理會的。〔報科〕〔云〕喏。報的元帥得知。有孫堅軍來了也。〔冀王云〕道有請。〔卒子云〕理會的。有請。〔孫堅見科〕〔云〕元帥。我來遲了也。有酒擎來我喫了罷。我不奈煩等。〔冀王云〕監軍且請坐。還有劉關張弟兄三人未來哩。小校望着。若來時報復俺知道。〔卒子云〕理會的。〔外扮劉末關末上〕〔劉末云〕祖貫樓桑大樹家。桃園結義萬人誇。忠扶漢業除奸黨。英雄名目遍天涯。小官姓劉名備字玄德。乃大樹樓桑人也。祖乃漢之苗裔。劉氏宗親。自在桃園結義。會兩箇兄弟。二兄弟是蒲州解良人也。姓關名羽字雲長。三兄弟是涿州范陽人也。姓張名飛字翼德。俺白馬祭天。烏牛祭地。不求同日生。只願同日死。自破黃巾之後。封小官爲德州平原縣縣令。有曹參謀舉俺弟兄三人。來虎牢關前戰退呂布。二兄弟。俺見元帥去來。〔關末云〕哥哥。俺在德州平原縣。本要不來。都是三兄弟張飛要來。想呂布那等英雄。天下諸侯。不會贏的呂布半合。昨日張飛與孫堅打了賭賽。俺弟兄三人。戰退了呂布。今日元帥與俺慶功飲酒。哥哥等張飛來。休着他題昨日之事。則怕元帥怪俺弟兄每。〔劉末云〕兄弟。你說的是。俺在這轅門首等着張飛一同過去。他敢待來也。〔正末扮張飛上〕〔云〕某姓張名飛字翼德。涿州范陽人也。同俺二位哥哥。在虎牢關下戰呂布去。與孫堅太守賭了印。不想俺得勝回營也。二位哥哥。俺問孫堅討印去來。〔劉末云〕兄弟。你則小心些。休着諸侯每笑話。

〔關末云〕三兄弟。你則依哥哥。休燥暴也。〔正末云〕二位哥哥說的是。俺這一場。非同小可也呵。

〔唱〕

〔仙呂點絳脣〕不由我喜笑盈腮。這場功大。若會俺孫元帥。要見明白。再不敢小覷俺無能奈。〔劉末云〕兄弟。監軍印不打緊。則出了俺這口氣。也是殺了也。〔正末唱〕

〔混江龍〕我和他當場賭賽。想着孫堅欺俺似嬰孩。〔關末云〕兄弟。俺如今見衆位諸侯。看那孫堅太守說甚麼。〔正末云〕俺見那孫堅呵。〔唱〕准備着監軍牌印。侍立在庭堦。我

着那天下諸侯見某怕。再着那孫堅不敢口先開。〔劉末云〕三兄弟休要莽撞。俺則讓諸侯每說話也。〔正末云〕哥。你說的差了也。〔唱〕忠心則恐怕諸侯每怪。我從來天生的莽撞。那一箇合死的先來。〔云〕可早來到轅門首也。〔劉末云〕兄弟你過來。小校報復去。道有劉

備關羽張飛得勝回營也。〔卒子云〕理會的。〔報科〕〔云〕喏。報的衆位太守得知。有劉關張弟兄

三人得勝回營也。〔冀王云〕曹孟德。你可舉人的當也。着他過來。〔卒子云〕理會的。着過去。〔劉

末關末正末做見科〕〔劉末云〕衆位太守。俺弟兄三人得勝還營也。〔冀王云〕不枉了您弟兄

每好強也。俺天下諸侯。與呂布戰了許久。不曾得他半根折箭。馬蹄兒倒擲。您今日初來。就成大功。異日停當了。聖人自有加官賜賞也。〔孫堅云〕他每見做着縣尹哩。儘殺了他每的了。又那

裡與他加官賜賞。〔曹操云〕孫堅太守。他每這等英雄。休愁他不做大官。〔冀王云〕一壁廂看酒果來。與他三人慶功者。〔孫堅云〕元帥且住。劉關張。您近前怎麼。休要假乖走得來。說你們有功。功在何處。兩陣前怎生與呂布交戰。俺衆諸侯在此。你說一遍。俺試聽者。〔正末唱〕

〔油葫蘆〕俺和他兩陣軍前打話來。〔孫堅云〕你和他打話。他說甚麼來。〔正末唱〕他且是有氣槩。殺的那呂溫侯。手脚不能擡。則俺這弟兄三箇真無賽。他那裡急慌忙。勒馬回營寨。〔孫堅云〕你休說嘴。那呂布的方天戟。世上無雙。你敵的住他麼。〔正末唱〕呂布他雖是強。俺弟兄無甚歹。〔孫堅云〕你的武藝。我也知道。不准你說嘴。〔正末唱〕休問道他強我弱。誰先敗。他輸了再休來。〔曹操云〕張飛。監軍的心。則要你着志者。〔孫堅云〕你說我氣不忿他。我那裡是教他着志者。〔正末唱〕

〔天下樂〕則他那不忿我的心。腸暗暗的懷。好教我便疑也波猜。累次的要見責。〔劉末云〕兄弟少說話。元帥在上也。〔孫堅云〕還是劉備有分曉。〔正末唱〕哥哥你敢閑掙闊。〔關末云〕元帥。既然知俺有了功。再休題閑話也。〔正末唱〕俺雖是有了功。也合當分說開。〔帶云〕想着他着俺打躬的那一會兒。〔唱〕題起來冤讎深似海。〔冀王云〕張飛。你休嚷有功無功。俺衆諸侯明白。小校擡上果卓來。〔卒子云〕理會的。果卓在此。〔冀王云〕將酒來。我與劉

玄德遞一盃。〔做遞酒科〕〔劉末云〕元帥劉備不敢。先從諸侯每來。〔冀王云〕劉玄德。您弟兄有功。敬意與您慶功。你不先飲。推誰。〔孫堅云〕你休扯葉兒。喫了罷。〔劉末做飲酒科〕〔冀王云〕再將酒來。雲長公飲一盃。〔關末做飲酒科〕〔冀王云〕再將酒來。這盃酒張飛飲。〔正末云〕還從孫太守來。〔孫堅云〕你嘴舌我。我喫慶功酒時。你在那裡來。〔正末做飲酒科〕〔冀王云〕曹孟德。你遞一盃。〔曹操云〕我行一盃。小校將酒來。〔做遞酒科〕〔云〕劉玄德飲這一盃酒者。〔劉末云〕是是是。恭敬不如從命。小官飲。〔做飲酒科〕〔曹操云〕再將酒來。雲長公飲。〔關末云〕關某飲。〔做飲科〕〔曹操云〕再將酒來。這一盃酒。要說的明白。一來是慶功。二來當日那平原縣。不是張飛要來呵。這呂布幾時得破也。〔孫堅云〕你忒說的我們沒志氣了。張飛。你是甚麼好漢。〔正末獻孫堅科〕〔云〕氣殺我也。〔劉末云〕兄弟飲酒。曹太守遞酒哩。〔正末唱〕

〔金盞兒〕他那裡鬧垓垓弄狂乖。數番將言語在這人前賣。〔曹操云〕張飛不要暴躁。俺諸侯自有分辯也。〔正末唱〕諸侯每分辯有裁劃。〔劉末云〕兄弟少要暴躁。〔正末唱〕若不是哥哥阻當我揪住他死屍骸。我着這拳丟在鼻凹裏。就着他一命喪塵埃。〔做飲酒科〕〔曹操云〕元帥曹操遞了酒也。〔冀王云〕孫監軍。你當行一盃也。〔孫堅背云〕這箇元帥。喫兩鍾散了罷。又着我遞酒。我的禮短了。有些惶恐也罷。我遞一盃。小校將酒來。〔做把

蓋科〔二云〕來了。這酒〔做自飲科〕〔曹操云〕你怎生先喫了。〔孫堅云〕你不知道。他們不算功。我看營辛苦。將酒來。這酒劉玄德飲。〔劉末云〕監軍請。〔劉末做飲酒科〕〔孫堅云〕再將酒來。這盃酒雪長飲。〔關末云〕監軍請。〔關末飲酒科〕〔孫堅云〕且住者。我如今與張飛遞酒。我有些不容他。他假似問我討前日賭的牌印將來。我可着甚麼回他。不妨事。他若有這等言語討牌印。我有話回他。再將酒來。〔做不言語遞酒與正末科〕〔正末背科〕〔云〕你看這孫堅無禮麼。不言語將着這一盃酒遞將來。我看他說甚麼。〔劉末云〕兄弟。監軍遞酒哩。〔正末云〕哥哥。您兄弟不會看見。〔孫堅做丟了盞科〕〔二云〕你的眼兒小。不看見。你故意的傲慢我。你這大眼漢無禮也。〔正末怒科〕〔云〕兀那孫堅太守。你放心。我不問你討那輸的牌印便了。俺則做箇贏家也罷。你自害羞也。倒與我爲讐。此禮不當麼。〔孫堅云〕兀那大眼漢。你聽者。那呂布寸鐵在手。有萬夫不當之勇。我也着他殺的我要不的。你怎生近的他。憑着您這狐朋狗黨的趕了乏兔兒。算甚麼強處也。〔正末云〕元帥。不氣殺我也呵。〔唱〕

〔寄生草〕你欺負俺這官位小。名分兒衰。我將那呂溫侯一陣先輸敗。者莫他英雄勝似都元帥。認的我這鎗尖磨的風也似快。〔孫堅云〕則你一人退了呂布也。不枉了走來到這裡騙嘴也。〔正末唱〕我到來朝親去戰三合。則你這孫監軍牌印實難

賽。

〔劉末云〕兄弟省言者。〔孫堅云〕你小看我。前日賭了監軍牌印。不曾與你。本待與你。則爭你三箇人戰退了呂布。有何罕哉。你若一人一騎。戰退呂布。你就拏了牌印去罷。我再也沒的說了。〔正末云〕監軍。我明日一人一騎。親去戰呂布去。〔劉末云〕孫監軍休信張飛。〔正末云〕孫監軍。我若一人一騎。贏了呂布呵呢。〔孫堅云〕你若贏了呂布。我便輸與你這牌印。你若輸了呵呢。〔正末云〕輸了時。就將俺弟兄三人的六陽會首。納在這轅門首也。〔孫堅云〕他輸了賭着哥哥的頭。好好好。元帥。張飛將他弟兄三箇的首級。賭我的牌印。要一人一騎。戰呂布去哩。〔劉末云〕可怎生是好。〔正末云〕哥。你好儒志也。怕他怎的。〔冀王云〕軍政司立下軍令狀。張飛一人一騎。要戰呂布。賭着監軍牌印哩。張飛。你先去。到來日俺衆諸侯都與你壓陣。撥與你三千人馬。你則小心在意者。〔正末云〕元帥。你放心也呵。〔唱〕

〔尾聲〕則我這戰馬越咆哮。戰將威風大預備着得勝也。張飛到來。〔劉末云〕兄弟也。你好不忍事也。不爭你獨自戰呂布去呵。俺弟兄兩箇何安也。〔孫堅云〕你兩箇若撮補他。也不是人養的。〔正末唱〕勸你箇監軍心莫窄。到軍前忙把旗開。〔關末云〕三兄弟。你若贏了便罷。若輸了呵。吓。你再也休來見俺也。〔正末唱〕哥哥你放開懷。定見明白。殺的那呂布。今番不敢來。〔孫堅云〕小校預備盤子。托着牌印。等張飛來。就交與他。〔正末唱〕贏了那監軍。

的印牌。送與俺哥哥權帶。〔云〕二位哥哥放心也。〔唱〕不得了那虎牢關。發願不回來。〔下〕〔曹操云〕張飛兄弟去了也。玄德公。雲長。你弟兄兩箇辭了元帥。回營中去罷。〔劉末云〕曹操謀說的是。雲長。俺謝了酒食。回營去來。〔關末云〕哥哥說的是。元帥。多謝了酒食。哥哥。俺回營來。〔冀王云〕您二人回去。明日早到陣面上。來看張飛。〔劉末云〕劉備得知。兄弟。俺回本營中。看張飛去來。張飛膽量勇過人。破黃巾。先立功勳。虎牢關。獨戰呂布。方顯俺結義聲名。〔同下〕〔冀王云〕他二人去了也。監軍。你回本營中去罷。〔孫堅云〕元帥。我回去也。俺明日看張飛獨自戰呂布。若是贏不的呵。我不道的饒了他哩。我回營中去也。這張飛不肯容人。他弟兄糾合成羣。若明日輸與呂布。罰官酒五十三瓶。〔冀王云〕劉景昇。公孫瓚。你二位將軍。明日各點本部下軍兵。與張飛壓陣。勿得有失也。〔公孫瓚云〕劉景昇。俺回本部。整點人馬。來日與張飛壓陣。看他單戰呂布去。〔劉景昇云〕則今日回本營中。整擷人馬。走一遭去。孫監軍埋沒英雄。劉關張多有才能。虎牢關單戰呂布。到來日必定成功。〔下〕〔冀王云〕袁術。韓太守。你二將整點本部下人馬。明日早來壓陣。看張飛單戰呂布。〔袁術云〕哥。俺回去也。則今日整點人馬。來日與張飛壓陣。走一遭去。因董卓撥亂中華。有呂布名播天涯。俺淮南人馬敢勇。助張飛單戰無差。〔下〕〔冀王云〕曹孟德。陶令

公。你兩箇將軍。整點人馬。與張飛壓陣。您回去者。〔陶令公云〕曹參謀。俺辭了元帥。去本營中去來。〔曹操云〕陶令公。不必說也。劉關張是我舉的人。孫監軍不容他弟兄。怎麼滅的他英雄。俺回去來。屯大軍蕩散塵埃。衆諸侯各盡心懷。張翼德戰退呂布。顯曹操舉薦賢才。〔下〕〔冀王云〕曹孟德陶令公去了也。孔太守。韓太守。你二人去本營中整點人馬。明日早到陣前壓陣。勿得有失也。〔韓昇云〕孔太守。俺回本營中整點人馬。明日去陣前壓陣。看他弟兄每相持也。〔孔融云〕則今日俺二將回本營中。整點人馬壓陣。看劉關張單戰呂布。走一遭去。驍隊伍排列軍卒。虎牢關各顯機謀。劉關張委實勇猛。戰呂布一陣皆伏。〔下〕〔冀王云〕他二人去了也。王太守。趙將軍。你二人回本營中。整點人馬。來日軍前壓陣。小心在意。休要怠慢也。〔王曠云〕趙太守。冀王將令。俺回本營中。整點人馬。明日陣前壓陣去來。〔趙莊云〕王太守。俺去來。則今日回本營中。整點人馬。與張飛壓陣。他定然成功也。俺回本營中。走一遭去。今漢末董卓之勢。專毒害不行仁義。虎牢關排陣當先。敵呂布即時兵退。〔下〕〔冀王云〕兩位諸侯去了也。鮑太守。張秀。你二人去本營中點入馬。來日壓陣。休遲悞也。〔鮑信云〕張太守。元帥說的是。俺明日與張飛壓陣去。〔張秀云〕今日整點人馬。接應走一遭去。蕩征塵殺氣紛紛。行忠孝擺布三軍。若張飛戰退呂布。八健將盡數皆擒。〔下〕〔冀王云〕他二位將軍去了也。喬太守。吳太守。你二人去本部下點人馬。明日與他壓陣。

勿得有失也。〔喬梅云〕吳太守回本營整點人馬。來日陣前壓陣。俺回去來。〔吳慎云〕喬太守。俺則今日到本營中。整點人馬。來日與劉關張弟兄壓陣。走一遭去。屯軍校半載相持。呂奉先健勇神威。劉關張忠扶宇宙。施妙策一陣平欺。〔下〕〔冀王云〕他二將去了也。田太守。劉太守。你二人到來日。整點人馬。來日壓陣。勿得有失也。〔田客云〕劉太守。俺兩箇整點人馬。與他壓陣。俺回去來。〔劉羽云〕則今日本營中。整點人馬。壓陣走一遭去。持斧鉞鞭懸鐵塔。衆兒郎披袍擐甲。虎牢關張飛成功。方顯他強人壯馬。〔下〕〔冀王云〕十八路諸侯都去了也。我想來。曹孟德於國有力。暗修書舉薦他弟兄三人。這孫監軍不是要滅劉關張的武藝。他三人戰退呂布。孫監軍與他賭着牌印。言說道。則着張飛明日單戰呂布。他弟兄三人賭頭爭印。某着衆諸侯點兵。來日壓陣。看張飛單戰呂布。走一遭去。衆諸侯都要心堅。爲呂布整戰半年。劉關張成功之後。那其間進京師朝見天顏。〔下〕

第二折

〔外扮呂布領卒子上〕〔呂布云〕山後英雄鎮九州。手持寒戟力難收。坐下追風赤兔馬。關前獨戰衆諸侯。某姓呂名布字奉先。祖居山後九原人也。某文通三略。武解六韜。先佐丁建陽爲養子。爲一匹捲毛赤兔馬。某打死了丁建陽。後佐董卓太師爲義兒。封某爲上將軍。今因變亂了天下。

諸侯。着某領十萬兵八健將。把住虎牢關。有河北冀王袁紹爲帥。調衆諸侯。都與某會交戰。不曾贏的某戟尖點地。馬蹄倒擲。昨日關前與諸侯交戰。有三箇將軍出馬。十分英勇。刀槍器械。威嚴相貌全別。某與他交鋒。無心戀戰。退回本營。如今再下戰書去。明日單搦諸侯出馬。今日陞帳。八健將這早晚敢待來也。〔外扮李肅陳廉上〕〔李肅云〕祖輩留傳立業昌。白袍玉帶爛銀粧。虎牢關下排軍陣。威風赳赳世無雙。某白袍李肅是也。先祖原爲漢將。扶立劉朝。這位將軍是陳廉。俺同佐董太師麾下。今同呂布領十萬兵來虎牢關下。戰天下諸侯將軍。俺呂布哥是英雄也。〔陳廉云〕李將軍。想呂奉先今在虎牢關前戰諸侯。每得勝。今日陞帳。俺須索走一遭。可早來到也。小校報復去。道有李肅陳廉來了也。〔卒子云〕理會的。〔報科〕〔云〕喏。報的元帥得知。有李肅陳廉來了。〔呂布云〕着他過來。〔卒子云〕理會的。着您過去。〔做見科〕〔云〕元帥。俺二將來了也。〔呂布云〕李肅陳廉。你兩箇少待。衆將來全。自有調度。這早晚敢待來也。〔高順楊奉上〕〔高順云〕敢勇征伐多用機。殺場交戰馬頻嘶。關前列下諸侯輩。誰似溫侯顯虎威。某八健將高順是也。這箇將軍是楊奉。俺同佐於董太師麾下。今日呂奉先領十萬兵。西把住虎牢關。與諸侯交戰。整整半載也。楊將軍。俺見元帥去來。〔楊奉云〕將軍。想呂奉先在此半載光景。與諸侯交戰。不曾有一箇贏的元帥的。今日陞帳。俺走一遭去。可早來到也。小校報復去。道有高順楊奉來了也。

〔卒子云〕理會的。〔報科〕〔云〕喏。報的元帥得知。有高順楊奉來了也。〔呂布云〕着過來。〔卒子云〕理會的。着過去。〔二將見科〕〔高順云〕元帥。俺二將來了也。那廂使用。〔呂布云〕高順楊奉等衆將來全。有事商議。這早晚敢待來也。〔外扮魏悅何蒙上〕〔魏悅云〕幼習兵書武藝能。虎牢關下助英雄。人中顯耀眞男子。某八將叢中第一名。某八健將魏悅是也。這箇將軍乃是何蒙。俺同佐於董太師麾下爲將。今因諸侯變亂。俺同呂奉先領十萬兵。來至虎牢關前。相持許久。諸侯並無一人與俺呂布做的本對。何蒙將軍看了俺呂布將軍。委實英雄也。〔何蒙云〕看了奉先。方天戟敢戰諸侯。赤兔馬衝軍撞陣。獨鎮虎牢關。天下諸侯無一人敵的住他。眞乃是英雄也。今日陞帳。俺須索走一遭去。可早來到也。小校報復去。道有魏悅何蒙來了也。〔卒子云〕理會的。〔報科〕〔云〕喏。報的元帥得知。有魏悅何蒙來了也。〔呂布云〕着他過來。〔卒子云〕理會的。着您過去。〔二將見科〕元帥。俺二將來了也。〔呂布云〕魏悅何蒙。您二將少待。衆將來全計議。這早晚敢待來也。〔外扮侯成陳宮上〕〔侯成云〕威風慷慨戰邊關。當住諸侯不敢還。出陣臨軍誇勇健。扶持社稷顯高強。某八健將侯成是也。這位將軍乃是大將陳宮。俺同佐於董太師麾下爲將。今爲諸侯來侵虎牢關。俺呂布領十萬兵。在關前交戰。整整半載。諸侯不曾贏的俺半根兒折箭。但凡有事。與俺計議也。〔陳宮云〕侯將軍。想呂奉先武藝多般。手中畫戟。眞乃蓋世無敵之將也。

今日陞帳。須索走一遭去。可早來到也。小校報復去。道有侯成陳宮來了也。〔卒子云〕理會的。〔報科〕〔云〕喏。報的元帥得知。有侯成陳宮來了也。〔呂布云〕着他過來。〔卒子云〕理會的。着您過去。〔二將見科〕〔云〕元帥。俺二將來了也。有何事商議。〔呂布云〕您八健將都來全了也。某自到虎牢關前。相持半載。天下諸侯。不曾贏的某半根兒折箭。某昨日關前索戰。有三箇將軍。刀馬武藝。端的英雄。不知他姓甚名誰。我和他戰了一陣。輸了。某今日下將戰書去。單搦諸侯出馬。您八健將到明日領兵接應。不可悞了。小心在意者。〔李肅云〕元帥得令。俺衆將四面分開人馬。接應元帥來。不知那諸侯每借上那三箇將軍來了。〔陳廉云〕俺不怕他那一路諸侯出馬。若呂奉先贏了。呵。俺就擒天下諸侯。則着人謹守虎牢關者。不可有失。李肅將軍。俺兩箇不必延慢。整點人馬。來日接應呂奉先。走一遭去。征塵滾滾。繡旗開。劍戟光輝。遍地排。虎牢關下交鋒處。一陣生擒大將來。〔下〕〔高順云〕楊奉。俺整點人馬。來日去關前接應呂奉先。不可久停也。〔楊奉云〕則今日便整點本部下軍卒。來日關前接應呂奉先。與諸侯交戰。走一遭去。鎧甲鱗鱗。戰襖長。這一去軍卒倒地將着慌。關前戰的諸侯怕。一陣登時盡數亡。〔下〕〔魏悅云〕何蒙。俺不必久停。整點人馬。來日接應呂奉先去也。〔何蒙云〕你說的是。俺二將去整點人馬。都要整齊。明日接應呂奉先。走一遭去。鼓響鑼鳴。震九霄。威風殺氣陣雲高。虎牢關下諸侯戰。接應溫侯走一遭。〔下〕

〔侯成云〕陳宮將軍。俺二將明日整搦旌旗。收拾器械。接應呂奉先去。不可遲滯也。〔陳宮云〕侯成。你說的是。俺則今日整點人馬。來日接應呂布。走一遭去。呂溫侯奪旗搥鼓。將諸侯看如糞土。領衆將都到關前。則一陣平收盡虜。〔下〕〔呂布云〕衆將都去了也。某則今日點就十萬人馬。出虎牢關前。與天下諸侯交戰。走一遭去。大小三軍。聽吾將令。到明日前排甲馬。後列雄兵。獅子盔。滾纓飄。魚鱗甲。燦燦映日。百花袍。遠襯朝霞。劍戟映槍刀斧鉞。畫蠻牌。齊擺軍前。剗車弩。均排在後。喧天鼓響。迸春雷。就地鑼鳴。篩霹靂。猛將雄兵兩對間。征塵遮蔽繡旗偏。赤兔馬銜鞍上將。手中兵器顯方天。諸侯不敢敵吾勇。耀武揚威天下傳。重施健勇交鋒智。到來日三將虧輸一陣前。〔下〕〔關末領卒子上〕〔云〕文武英才則我強。三人結義把名揚。萬軍隊裏施手策。則我是忠直勇烈漢雲長。某姓關名羽字雲長。蒲州解良人也。自與哥哥玄德公。兄弟張飛。在桃園結義之後。俺三人曾破黃巾賊百萬。後哥哥在德州平原縣爲理。因董卓專權。倚呂布爲雄。在虎牢關索天下諸侯。不敢與呂布拒敵。有曹孟德舉保俺弟兄三人來。前日兩陣上。被俺弟兄三人。殺敗了呂布。衆諸侯與俺慶功飲宴。頗奈監軍孫堅無禮。說亂殺敗了呂布不爲強。有三兄弟造次了兩句。孫堅言。若張飛軍戰敗了呂布。就輸與他監軍牌印。張飛與孫監軍賭頭爭印。明日就要交鋒去。量呂布怎出的俺兄弟的手。小校掌起燈來。將那春秋我看。〔卒子云〕理會的。〔做掌燈科〕

〔關末看春秋科〕〔云〕小校。但有軍情事。報復我知道。〔卒子云〕得令。〔劉末上〕〔云〕當時圖重職。今日惹閑愁。小官劉備是也。當日曹孟德舉俺來。前日在虎牢關戰敗了呂布。今日曹孟德早間宴衆諸侯與俺弟兄三人慶功飲酒。有孫堅不然俺弟兄每被俺三兄弟多言了幾句。有孫堅說。若張飛軍戰敗了呂布。將我監軍牌印輸與他。有三兄弟回言。我若戰不敗呂布。就輸我這項上頭。他二人要賭頭爭印。小官想來。那呂布是天下第一箇英雄。三兄弟若有些疎失。俺弟兄二人怎了也。我如今去二兄弟帳下。與他計較去。可早來到也。小校報復去。說某到此也。〔卒子云〕理會的。〔報科〕〔云〕喏。報的二將軍得知。有大將軍來到也。〔關末云〕何不早說。我接待去。〔做見科〕〔云〕哥哥有請。〔劉末做入見科〕〔云〕二兄弟。你怎生這早晚還不歇息。〔關末云〕您兄弟方纔看罷了書。哥哥因何至此。〔劉末云〕我此一來不爲別。則因早間三兄弟與孫堅賭頭爭印。我想來。三兄弟若勝不的呂布。孫堅定不輕饒也。可要俺弟兄二人何用。〔關末云〕哥哥不妨事。我看了呂布武藝。也到不的俺三兄弟手裏。哥哥不信。俺如今同至三兄弟帳下。暗暗的聽他去。不是弄槍。便是弄刀。更不斷自言自語。他直嚷一夜。〔劉末云〕既然這等兄弟也。俺兩箇聽他去來。他不合賭氣生噴。倒着俺一夜勞神。若兄弟殺退呂布。看孫堅那裡安身。〔同下〕〔正末領卒子上〕〔云〕早間與衆諸侯飲酒。有孫堅與某上氣。和他打了賭賽。明日單戰呂布去。若贏了

呂布回來。他說輸與我四十五萬監軍牌印。天色晚了。回帳中去也。〔唱〕

〔中呂粉蝶兒〕月色輝輝。遍營中騰騰殺氣。淅零零風擺征旗。夜將闌。更初定。誰敢去安眠穩睡。想昨朝廝殺相持。俺將那呂溫侯趕無歸地。〔云〕想天下諸侯不能敵呂布。甫能俺贏了。孫堅又說不算強。〔唱〕

〔醉春風〕他不敢陣上顯英才。則會在帳中胡調嘴。試看我明朝施逞虎狼威。直戰到底。底也不用軍士相跟。弟兄扶助。憑着我單人獨騎。〔云〕來到這帳下也。小

校搬我那兵器來。〔卒子云〕理會的。〔虛下科〕〔劉末關末上〕〔立開做聽科〕〔卒子擡兵器上〕

〔見正末科〕〔云〕三將軍。擡將兵器來了。〔正末云〕小校將一塊石頭來。擡一盆水來。將兵器都打磨出來。〔卒子做磨槍科〕〔云〕槍快了也。〔正末擊槍科〕〔云〕槍也。我明日與呂布交戰去。兩陣之間。你若成功呵。我贏了那監軍印。也不讓兩箇哥哥。我也不要。就掛在這槍尖上。就做鎗監軍。〔唱〕

〔迎仙客〕則要你鋒刃滑在我這手中隨。將畫戟當折了他這黃旛豹尾。顯的你便有剛強長性直。你將我扶持相隨。手把敵軍退。〔云〕將我那虎眼鋼鞭來。〔卒子云〕理會的。〔做接槍遞鞭科〕〔正末擊鞭科〕〔云〕鞭也。我明日與呂布交鋒。若臨近你替我成

了功。贏的那監軍印來。我也不掛。也不與我兩箇哥哥掛。我掛在你這鞭靶上。着你做箇鞭監軍。
〔唱〕

〔上小樓〕到來日當場遇敵。三軍擺隊。使在他那後背前心。兩臂雙肩。左右週圍。但若是打着他翻身落墜。我着你做監軍管屬兵器。〔云〕小校將劍來。〔卒子云〕理會的。〔做接鞭遞劍科了。〕〔正末掣劍科。〕〔云〕劍也。你恰纔聽的我分付槍和鞭麼。你若替我成了功。你就做劍監軍也。〔唱〕

〔么篇〕把龍泉手內提。我叮嚀囑付你。施逞那離水吹毛。雙鋒耀日。巨闕光輝。到陣前遇彼將誅絕砍退。則要你仗威風與咱添力。〔云〕小校收了兵器。牽過馬來。〔卒子云〕理會的。〔卒子虛下。〕〔劉末云〕二兄弟。他真箇不睡。弄了兵器。又牽馬去了。〔關末云〕哥哥。俺看他嚷到幾時。〔卒子牽馬科。〕〔云〕三將軍馬來了也。〔正末云〕馬也。往日騎你不打緊。全在明日。要你見功哩。若贏了監軍印。我也不掛。也不讓兩箇哥哥。我掛在你脖子哩。着你就做馬監軍。〔卒子云〕則是壞了監軍也。〔正末唱〕

〔滿庭芳〕哎。你箇驕驕仔細。則要你踏翻赤兔。跚碎營基。在當場要顯那追風騎。則要你捨命前催。賭牌印在明朝半刻。我正是男子當爲。受不的他閑爭氣。

若是將溫侯趕離。〔帶云〕孫堅你若輸了呵。〔唱〕我着你獨自箇落便宜。〔云〕小校牽了馬去者。〔卒子云〕理會的。〔做牽馬科〕〔下〕〔關末云〕哥哥俺見兄弟去來。〔劉末云〕俺過去來。〔做見科〕〔正末云〕二位哥哥因何這早晚到此也。〔劉末云〕兄弟也。你不知道。則因你早間與孫堅打賭賽。明日單戰呂布去。我與二兄弟好生憂心。恰纔在你帳下聽了許久。見你打磨兵器。俺不會進來。兄弟也。你明日須要小心些兒。〔正末云〕哥哥你但放心。〔唱〕

〔十二月〕我是箇英雄的翼德。〔關末云〕那孫堅豈知俺弟兄三人也。〔正末唱〕他則待小覷俺這相識。若贏的監軍印掌。再看他將我來催逼。〔劉末云〕三兄弟。那呂布是員虎將。你要用心與他交戰也。〔正末唱〕施展我這從前所爲者。莫他虎將難敵。〔關末云〕三兄弟。你則管戰呂布。如有傍戰者。我與哥哥敵當。〔正末唱〕

〔堯民歌〕呀。敢和他關前略鬪幾千回。我着他手下兒郎亂逃離。贏的那監軍牌印手中提。我着那袁紹從新辦筵席。明也波日。便知咱武藝直趕到他京師地。〔劉末云〕不枉了好兄弟。明日到陣前。俺弟兄二人替你壓陣。則許你單戰。若有傍枝出陣者。俺就整點人馬助去也。〔關末云〕兄弟也。則要着志者。〔正末云〕二位哥。您放心也。〔唱〕

〔尾聲〕也不用千條巧計量。也不用萬軍齊助威。憑着我長槍烏馬單身對。到

來日得勝還營報您聲喜。〔下〕〔關末云〕三兄弟點軍去了也。哥哥俺也預備器械。明日早與兄弟助陣去哩。〔劉末云〕兄弟也。俺打點去來。弟兄每義氣相投。衆英雄讓俺爲頭。到牢關破了呂布。穩情取拜相封侯。〔下〕

第三折

〔外扮呂布領卒子跣馬兒上〕〔云〕畫桿戟天下聞名。赤兔馬人間無比。某大將呂布是也。今爲天下諸侯變亂。要取俺虎牢關。某奉董太師將令。領十萬兵并八健將。把住虎牢關。在此交鋒半載。天下諸侯。不曾勝的某一陣。前日又去索戰冀王。陣前有三將出馬。十分英雄。與某拒敵。戰的某筋力疲乏。倒干戈回來了。今日下將戰書去了。單搦前日那三員名將出馬。小校望者。塵土起處。敢是人馬來也。〔正末領卒子跣馬兒上〕〔云〕某張飛是也。昨日在慶功宴上。和孫堅打着賭賽。今日一人一騎。單戰呂布。遠遠的塵土起處。敢是呂布的人馬。三軍擺布的嚴整者。〔唱〕

〔越調鬪鶴鶉〕則聽的喊殺聲高。軍卒鬧嚷。震地鑼鳴。喧天得這砲響。則我這馬賽奔彪。槍如銀蟒。憑着我事事勇。件件強。不由我抖擻下精神。全看着今番這場。

〔紫花兒序〕惱的是那孫堅無智。恨的這呂布奸邪。顯出我這翼德高強。我和

他當場打話。統着這丈八長槍。不索商量。就着那敢勇的溫侯時下亡。綁在我馬鞍轡上。將他那牌印贏來。我着這天下人揚。〔云〕小校擺開陣勢者。〔呂布云〕小校。

前頭有人馬來了。來者何人。〔正末云〕某行不更名。坐不改姓。某張飛是也。你來者何人。〔呂

布云〕你是張飛。我乃呂布是也。我前日與你每殺了一陣。不知您是誰。你那大耳漢。姓甚名誰。

〔正末喝科〕〔云〕是俺大哥劉玄德也。〔呂布云〕哦。是你大哥劉玄德。那紅臉是誰。〔正末云〕是

俺二哥關雲長。〔呂布云〕你是第三哥張飛。來來來。我和你說的明白。厮殺。前日是您弟兄三人

戰退我。也不算強。今日不許您兩箇哥哥來。我和你單戰幾合。你敢敵某麼。〔正末云〕兀那呂布。

你聽者。因你不打緊。我與俺孫堅太守打着賭賽。則在今日。某一人一騎。務要殺退你箇匹夫也。

〔呂布云〕這箇大眼漢好無禮。我如今和你決戰千合。〔正末云〕操鼓來。〔做調陣子科〕〔唱〕

〔調笑令〕聽說罷氣爽。戰在當場呀。我和他方天戟敵着我手內槍。〔呂布云〕張

飛好武藝也。自與天下英雄交戰。不曾見張飛這等英雄。〔正末唱〕則我這深鳥馬將這征塵

蕩殺的他這手脚張狂。〔云〕贏了你不打緊。〔唱〕贏了那孫堅太守的牌印掌。俺弟

兄趁了心腸。〔呂布做架住槍科〕〔云〕張飛住者。〔背云〕張飛好英雄也。一條槍無有半星兒破

綻。使盡了我的氣力。〔做下馬科〕〔正末云〕呂布。你不厮殺。下馬來怎的。〔呂布云〕你是無名之

將。你怎生得知。〔做下馬科〕〔云〕我下馬小歇一歇。有九牛之力也。〔正末做喝三聲科〕〔呂布慌科〕〔云〕大眼漢。你叫怎麼的。〔正末云〕你歇一歇。有九牛之力。我恰纔喝一聲。有九牛之力。〔呂布云〕這大眼漢世之名將。喝一聲九牛之力。張飛。我不用方天戟。我有鉞楞簡。和你再戰幾合。〔正末云〕你有鋼。我無有鞭。呂布。你合死也。〔做調陣子科〕〔唱〕

〔鬼三臺〕鋼起處鞭攔當。鞭起處無輕放。我教你身邊中傷。不是我一勇的性兒剛。勤除了奸邪逆黨。〔呂布云〕張飛你聽者。天下人讚某的名。人中呂布。馬中赤兔。今日盡皆輸與你。你是英雄也。〔正末唱〕哎。你箇人中呂布。不索慌。張飛委實有膽量。〔打呂布一鞭科〕〔云〕喫我一鞭。〔唱〕着鞭處如落寒星。足律律金冠放光。〔呂布云〕呀呀呀。打了我三叉冠也。近不的他。不中。走走走。〔正末做扯住呂布帶科〕〔云〕揪斷他帶。他走了也。我與你趕將去。〔八健將慌上〕〔李肅云〕衆兄弟。每圍住這大眼漢者。〔正末云〕你來看何人。〔李肅云〕俺是八健將。你將俺呂布元帥殺敗了。我怕失了虎牢關。接應呂元帥來。〔正末云〕好好。您元帥走了。正要殺了您這厮每。我好去孫堅跟前討牌印去。操鼓來。〔李肅云〕兄弟。每用心者。齊上手。〔正末云〕來來來。您都不得回家也。〔唱〕

〔禿廝兒〕您都是狐朋狗黨。在我上舞劍輪槍。者莫你千軍萬馬。我敢當。八健

將且休慌。便着您身亡。〔冀王同十八路諸侯劉末關末慌上〕〔冀王云〕衆諸侯。張飛戰敗呂

布。兀的不是八健將圍着張飛戰哩。〔劉末云〕元帥容。劉備告稟。小官與雲長張飛不求同日生。惟願同日死。一在三在。一亡三亡。張飛已自贏了呂布。如今又着他戰這八健將。倘若有些差遲。俺弟兄三人可怎了也。〔冀王云〕劉玄德說的是。你與雲長助您張飛一陣去。〔關末云〕得令。三兄弟休要走了這廝每。〔劉末關末正末八健將調陣子科〕〔正末云〕哥哥每來了也。〔唱〕

〔聖藥王〕他每都眼亂張。欲待要藏。在今番休要賣輕狂。則見他人人苦箇箇傷。俺三人戰退鐵衣郎。俺這裡敲金鐙響瑯瑯。〔李肅云〕衆弟兄每。俺敵不住他也。俺

進關去來。楊奉提吊橋。〔八健將下科〕〔楊奉做放橋科〕〔關末云〕張飛兄弟。俺不奪了虎牢關。到幾時。〔正末云〕兄弟已有了功也。讓哥哥成了功罷。〔關末云〕楊奉。你放吊橋怎的。〔做劈吊橋科〕〔楊奉下〕〔關末云〕衆諸侯。俺得了虎牢關也。〔正末云〕俺殺進關去來。〔冀王云〕衆將呐喊。不枉了劉關張天下英雄也。〔衆呐喊科〕〔正末唱〕

〔尾聲〕今日箇虎牢關殺退了英雄將。則俺這馬到處奸邪自亡。到關內見孫堅。〔帶云〕我若見了孫堅。你不將輸了的牌印來。等甚麼那。〔唱〕將俺那賭印的冤讎慢慢的講。〔下〕〔關末云〕俺衆將殺進關去來。〔同衆做入關科〕〔下〕

第四折

〔外扮王允引從人上〕〔王允云〕保住山河顯性剛。忠扶漢國定邊疆。調和鼎鼐存忠孝。兩手扶持帝業昌。小官王允是也。幼習儒業。多覽詩書。自中甲第以來。累加小官爲大漢丞相之職。方今聖人在位。董卓專權。着養子呂布。領十萬兵八健將。把了虎牢關。着呂布外鎮諸侯。董卓內仗文武。聖人暗行密詔。調天下諸侯。都至虎牢關前。着河北冀王爲元帥。孫堅爲監軍副帥。曹孟德爲參謀使。因曹孟德去青州催運糧草。來到德州平原縣。遇着劉玄德弟兄三人。舉保至於軍前。不想戰退呂布。又奪了虎牢關。冀王差人來。暗奏聖人大喜。着小官直至虎牢關。與他衆諸侯加官賜賞。走一遭去。有董卓暗聚羣黨。呂奉先英雄爲長。劉關張今日成功。今日箇虎牢關加官賜賞。〔下〕〔冀王領卒子上〕〔云〕相持半載今朝定。威伏奸黨社稷寧。某河北冀王袁紹是也。則爲董卓專權。着呂布領十萬兵八健將。把了虎牢關。有曹參謀舉薦劉關張弟兄三人來。前日戰退了呂布。孫監軍與他賭着監軍牌印。務要張飛單戰呂布。誰想張飛一陣成功。戰退呂布。又奪了虎牢關。我着人暗奏聖人去了。今日安排筵宴。與衆諸侯每慶功。衆官人每。這早晚敢待來也。〔劉表同鮑信王曠張秀上〕〔劉表云〕自離荆楚臨邊境。今日成功定太平。某荊州牧守劉景昇是也。這三位諸侯。是濟北鮑信。蒼梧王曠。南陽張秀。俺同到虎牢關。奉聖人的命。冀王爲帥。與呂

布整整的相持了半載也。〔鮑信云〕劉景昇這呂布端實英雄。若不是曹孟德舉劉關張來。怎能殺今日成功也。〔王曠云〕鮑太守正是這等說。劉關張弟兄每。若那一日回去了。不是曹孟德當住這呂布。今日誰贏的他也。〔張秀云〕太守。張飛他本英雄。孫監軍的不是。今日單戰退呂布。又侵了虎牢關。可輸了監軍也。元帥排宴慶功。俺同走一遭去。可早來到也。小校報復去。道有劉表等衆將來了也。〔卒子云〕理會的。〔報科〕云。喏。報的元帥得知。有劉表等衆將來了也。〔冀王云〕道有請。〔卒子云〕理會的。太守有請。〔四人做見科〕〔劉表云〕元帥。俺來了也。今日成功定了太平也。〔冀王云〕四位諸侯且請坐。待衆官人來一同慶功飲酒。這早晚敢待來也。〔公孫瓚趙莊田客劉羽上〕〔公孫瓚云〕英雄敢勇關前戰。復奪邊關立大功。小官真定太守公孫瓚是也。這三位太守。是陝州趙莊。青州田客。幽州劉羽。俺奉密詔。來此戰呂布。整戰了半載有餘。不匡劉關張弟兄三人一陣成功。又奪了虎牢關也。〔趙莊云〕太守。他弟兄刀馬武藝。委實的能哉也。〔田客云〕趙太守。不是這等說。聖人的洪福。所以上他弟兄每成功。又奪了虎牢關。殺呂布大敗而回。〔劉羽云〕太守。今日冀王排宴慶功。俺同共去。可早來到也。小校報復去。道有俺四將都來了也。〔卒子云〕理會的。〔報科〕云。喏。報的元帥得知。有四位太守來了也。〔冀王云〕道有請。〔卒子云〕有請。〔四人見科〕〔公孫瓚云〕元帥。俺來了也。今日理當慶功。〔冀王云〕四位太守請

坐。等衆諸侯來全慶功飲酒。這早晚敢待來也。〔孔融喬梅韓昇吳愼上〕〔孔融云〕自離北海來征戰。累累交鋒半載多。小官孔融是也。這三位太守。易州韓昇。山陽喬梅。河內吳愼。俺奉聖人之命。同到虎牢關前戰呂布。不曾贏的他。今有劉關張成功也。〔韓昇云〕太守。俺相持許久。不曾敵的呂布。他弟兄一陣成功也。〔喬梅云〕韓太守。張飛的武藝高強。孫堅要滅他。今日果然成功了。〔吳愼云〕有冀王在關上排宴。俺走一遭去。可早來到也。小校報復去。道有吳愼同三位太守來了也。〔卒子云〕理會的。〔報科〕〔云〕喏。報的元帥得知。有吳愼太守。同三位太守來了也。〔冀王云〕道有請。〔卒子云〕有請。〔四人見科〕〔云〕元帥。俺來了也。今日劉關張成功。又戰了呂布。奪了虎牢關。理當慶功也。〔冀王云〕衆官人少待。等衆位太守來全時排宴。這早晚敢待來也。〔曹操喬陶謙袁術上〕〔曹操云〕舉薦英雄張翼德。關前一陣敗溫侯。小官曹孟德是也。這三位太守。是潼關韓愈。徐州陶謙。壽春袁術。俺同奉聖人之命。來敵呂布。某爲參謀使。因催糧草。遇着劉關張弟兄三人。舉將來。有孫堅與他每不和。着張飛單戰呂布。成其大功也。〔陶謙云〕韓太守。張飛本然英雄。又戰退呂布後。迎敵八健將。復奪了虎牢關。他委實強也。〔袁術云〕俺哥哥爲帥。這劉關張不是參謀使。舉薦將來。今日怎能敵定的太平。俺同共見去。可早來到也。小校報復去。道有曹參謀同三箇太守來了也。〔卒子云〕理會的。〔報科〕〔云〕喏。報的元帥得知。有曹參謀

同三箇太守來了也。〔冀王云〕有請。〔卒子云〕有請。〔四人見科〕〔曹操云〕元帥小官來了也。我舉薦的人如何。今日張飛戰退呂布。成了功也。〔冀王云〕曹參謀衆太守且請坐。還有孫堅未來哩。等來時一同慶功。這早晚敢待來也。〔孫堅上〕〔云〕昨日賭牌印。張飛真箇強。自家孫監軍是也。昨日與張飛那大眼漢賭着牌印。着他單戰呂布。則望了當了他。今日又成了功。元帥與他慶功。又得了虎牢關。我本待不去喫酒去。怕元帥怪我。羞殺我罷。走一遭去。可早來到也。小校報復去。道有老孫來了也。〔卒子云〕理會的。〔報科〕〔云〕喏。報的元帥得知。有監軍來了也。〔冀王云〕有請。〔卒子云〕有請。〔淨做見科〕〔云〕元帥衆諸侯來了。有酒擎來喫了罷。不要等別人了。早喫了早散。〔冀王云〕監軍且請坐。此一筵宴。單與劉關張慶功。還待他弟兄三人來。這早晚敢待來也。〔劉末關末上〕〔劉末云〕眉間憂慮散。心上喜偏生。小官劉玄德是也。兄弟雲長張飛好勇也。他一人一騎。戰退呂布。他還說呂布不打緊。今日元帥與俺慶功。兄弟隨後便來也。俺先過去來。〔關末云〕哥哥三兄弟戰呂布。是不打緊。俺殺敗呂布後。八健將戰他一人。他還不懼。讓某奪了虎牢關。俺等張飛來。見元帥去。〔劉末云〕不中。衆諸侯則怕等俺。孫監軍又怪俺來遲了也。〔關末云〕說的是。俺過去來。〔劉末云〕小校報復去。道有劉備關某來了也。〔卒子云〕理會的。〔報科〕〔云〕喏。報的元帥得知。有玄德雲長來了也。〔冀王云〕道有請。〔卒子云〕理會的。有請。

〔見科〕〔孫堅云〕我好了。張飛不來。我不怕。我放心喫幾盃酒。〔劉末關末見衆諸侯科〕〔劉末云〕元帥。俺弟兄每來遲也。〔冀王云〕劉玄德雲長。爲您弟兄每安排筵宴。怎生張飛不來。〔孫堅云〕張飛在家裡忙。〔劉末云〕便來也。〔冀王云〕小校望着。若來時報復某知道。〔正末上〕〔云〕某張飛是也。則因與孫堅賭頭爭印。單戰敗了呂布。乘勢取了虎牢關。今日衆諸侯都在關上排宴。與某要慶功。我問孫堅索討監軍牌印去來。〔唱〕

〔雙調新水令〕今日箇虎牢關纔顯的俺弟兄高。殺的那呂溫侯敗無着落。我如今見孫堅有甚言。休想我肯就饒。將他那牌印擎着。我在那兩陣上領軍校。〔云〕可早來到也。小校報復去。道有張飛殺敗呂布。成功而回也。〔卒子云〕理會的。〔報科〕〔云〕喏。報的衆諸侯得知。有張飛殺敗呂布。得勝回營也。〔孫堅做喝卒子科〕〔云〕失獐冒雉的。走將來。說我一驚。我則說張飛殺將來了。〔冀王云〕小校請過三將軍來。〔卒子云〕理會的。三將軍元帥有請。〔正末見科〕〔云〕元帥。衆位諸侯。張飛殺敗呂布。得勝回營也。〔孫堅云〕我見了張飛。有些羞。〔冀王云〕三將軍。你好英雄也。這呂布是箇虎將。俺天下諸侯。許久不曾得他半根兒折箭。怎生你一人一騎。殺敗了呂布。張飛。你是天下的英雄第一人也。〔正末唱〕

〔鴈兒落〕雖然是張飛武藝高。託賴着元帥施謀略。我在那虎牢關等了半刻。

遙望見呂布忙來到。〔孫堅云〕張飛。你與呂布廝殺。見我來麼。〔正末唱〕

〔得勝令〕呀。監軍在人背面暗偷瞧。〔孫堅云〕我要與呂布對敵來。〔正末唱〕那會兒則索暗奔逃。你本待敵呂布。垓心裏戰。你怕他心中不肯饒。〔孫堅云〕張飛。你說我無一些用了。元帥。若不是理短了些兒。我就和張飛了不的。〔正末唱〕監軍你休焦。將俺那賭賽的冤讐報。對這些英豪。〔帶云〕來來來。〔唱〕你索將監軍牌印交。〔孫堅云〕老三。好

下般的也。〔冀王云〕曹參謀。這件事怎生計較。〔曹操云〕元帥同衆諸侯在上。當日張飛不會要賭這牌印。可是監軍你要賭賽來。今日張飛既贏了。不可失信。倘若失信與他弟兄每呵。顯的監軍不爲丈夫也。〔孫堅云〕老曹。我平昔不會惱着你也。〔劉末云〕三兄弟。這件事再也休題。〔公孫瓚云〕住者。元帥。衆諸侯在上。於理小官不當插言。賭着牌印時。有他兩箇哥哥。一同立下軍狀。賭頭爭印。不爭今日孫監軍失了信。他弟兄每這三箇性命何辜也。〔冀王云〕孫監軍。你心下如何。〔孫堅云〕衆諸侯每好狠也。不爭把牌印着張飛掛了。我一家老小喫甚麼。〔冀王云〕不必計較。軍政司討軍狀來讀。〔卒子做捧軍狀科〕〔云〕元帥。軍狀在此。〔冀王云〕將來。這軍狀劉表太守開讀。〔劉表云〕小官開讀。立軍狀人張飛。年二十七歲。係平原縣步弓手身役。因爲虎牢關下呂布英雄。無人敵對。是張飛情願一人一騎。單戰呂布。如果得勝回還。贏了孫堅太守監軍

牌印。若輸了。情願將劉備關羽張飛三人六陽會首。納在轅門。恐後無憑。故立此軍狀。永遠爲照用者。年月日立。〔翼王云〕小校收了軍狀者。孫太守。請出牌印來。〔孫堅背云〕氣殺我也。早知不與他賭。便也罷也。如今官差要掣出這牌印來。罷了罷。小校掣出牌印來。與張飛掛。〔卒子云〕得令。〔卒子做掣牌印科〕〔云〕監軍牌印來了也。〔孫堅做接牌印科〕〔云〕元帥。心疼殺我也。張飛。來來來。則要你有福。着掣去。〔正末掣牌印科〕〔云〕二位哥哥休怪。我要這牌印用哩。兀的不歡喜殺我也。〔唱〕

〔折桂令〕喜孜孜心痒難揉。今日箇英雄的張飛纔顯功勞。〔劉末云〕兄弟不中。將牌印交還了監軍者。〔正末唱〕不爭將牌印交還到。教人笑我徒勞。〔關末云〕三兄弟。哥哥的言語。你不依。你可依誰。〔正末唱〕本待要依了。哥心中忿惱。不依來。昆仲上情薄。〔帶云〕我依便依着哥。我可用他一會兒。〔劉末云〕你用他怎的。〔正末唱〕我有那一弄兒。知交時下相邀。許了他每箇監軍。〔帶云〕小校將來。〔唱〕須將我這忠信全了。〔劉末云〕張飛。你要贈甚麼人。〔正末云〕小校。將我的槍來。〔關末云〕你要槍怎的。〔劉末云〕二兄弟。你休管他。隨三兄弟行。〔卒子做遞槍科〕〔云〕將軍。槍來了也。〔正末云〕將槍來。槍也。我當日曾說。若是我贏了監軍牌印呵。就與你掛。叫你做槍監軍。〔孫堅云〕氣殺我也。又不敢言語。要說的緊了。

又怕張飛惱了。越發不肯還我牌印了。隨他罷。〔關末云〕兄弟也。槍做了監軍也。罷波。〔正末云〕小校將鞭來。〔卒子做遞鞭科〕〔云〕贏了印。與你掛。就叫你做鞭監軍。〔關末云〕鞭也掛了呵。罷也。〔正末云〕哥也。還有哩。將劍來。〔卒子做遞劍科〕〔云〕將軍。劍來了也。〔正末云〕將來。劍也。我當日曾說。若贏了牌印。着你掛。就叫你做劍監軍。〔關末云〕兄弟。都掛了。他再不敢欺負俺們也。〔正末云〕二哥。還有一件要緊的。不會與他監軍做哩。小校牽那烏驢馬來。〔卒子做牽過馬科〕〔云〕馬來了也。〔正末云〕牽過來。馬也。我當日說。贏了牌印。就與你掛。做箇馬監軍。〔劉末做當科〕〔云〕住住住。兄弟不可也。這箇是監軍的牌印。怎生掛在馬上。〔孫堅怒科〕〔云〕張飛。你好無禮也。監軍的牌印。怎生掛在馬上。你這等欺負我。〔冀王云〕休要惱怒也。三將軍。今日已得成功。再休題舊話。將牌印來。你將軍狀來。對衆諸侯扯了者。果卓有了麼。〔卒子云〕果卓停當了也。〔冀王云〕將酒來。劉玄德。多虧了您弟兄每立其大功。你飲過這一盃酒。〔劉末云〕小官不敢。衆諸侯在上。〔曹操云〕玄德公飲了罷。〔做飲酒科〕〔冀王云〕再將酒來。這盃酒雲長飲。〔關末飲酒科〕〔冀王云〕再將酒來。三將軍。衆諸侯都在此。你這場功。天下聞名。世之少有。你飲過這盃酒者。〔正末云〕張飛不敢也。〔唱〕

〔沽美酒〕衆諸侯感動勞。量張飛怎生消。昨日在關前大戰討。今日箇宴樂。玳

筵前擺佳餚。

〔太平令〕不由我心中歡笑。〔冀王云〕您弟兄三人。這場功效不淺也。〔正末唱〕俺弟兄每名播皇朝。有一日頒恩降詔。列朝班。身居榮耀。〔正末做飲酒科〕〔冀王云〕今日俺衆諸侯。都不得成功。這一場功勞。都是您弟兄三人也。〔正末唱〕呀。呂布他勇驍。敢教俺去戰討。今日箇得勝也。人人歡樂。〔王允上云〕小官王允是也。奉聖人的命。來虎牢關與衆

諸侯加官賜賞。可早來到也。小校報復去。道有天朝使命來了也。〔卒子云〕理會的。〔報科〕〔云〕喏。報的衆諸侯得知。有天朝使命來到也。〔冀王云〕道有請。〔卒子云〕理會的。有請。〔冀王同衆接科〕〔冀王云〕丞相來了。俺接待不着也。〔王允云〕河北冀王。您衆諸侯望闕跪者。聽聖人的命。您都是良將沉埋。盡忠心顯耀胸懷。因董卓專權變亂。論官爵日轉千階。憑呂布人中敢勇。方天戟武藝奇哉。虎牢關英雄獨霸。八健將鼓響鑼篩。漢聖人暗傳密詔。取天下諸侯聚來。劉景昇袁術韓兪。陶令公老將能哉。說趙莊張秀王曠。您端的胸捲江淮。有韓昇喬梅吳愼。同劉羽親受欽差。着孔融田客鮑信。多雄壯顯耀胸懷。公孫瓚定陽鎮守。曹孟德所舉賢才。劉關張十分英勇。成大功一陣關開。就封爲破呂布關前大將。棄平原縣宰居宅。孫堅軍無故賭印。虧冀王分辯明白。衆諸侯各歸本土。理百姓薄斂民差。立家邦以成功業。留史記千古難揩。聖明主加官賜賞。一

齊的拜在金塔。

題目

孫監軍賭印爭強

正名

張翼德單戰呂布

單戰呂布穿關

頭折

冀王 麥簷帽 蟒衣曳撒 袍 項帕 卒子 紅碗子盔 青布釘劉表 麥簷帽 蟒衣曳

直纏 搭膊 帶 陶謙 公孫瓚 袁術 韓俞 鳳翅盔 膝欄曳撒 袍 項帕 曹操 角幘

帶劍 三髯髯 帶 韓昇 孔融 王曠 趙莊 鮑信 張秀 喬梅 吳愼 田客 劉羽 鳳翅盔 膝欄

曳撒 袍 項帕 直纏 孫堅 皮麥簷帽 膝欄曳撒 掩 劉末 麥簷帽 蟒衣曳撒

搭膊 帶 帶劍 三髯髯 關末 滲青巾 蟒衣曳撒 紅袍 項帕 正末 張飛 包巾 蟒衣曳撒 皂

劍 三髯髯 帶 關末 直纏 搭膊 帶 帶劍 三髯髯 正末 張飛 袍 項帕 直纏 搭

第二折

呂布 三叉冠雉雞翎 抹額 蟒衣曳撒 袍 卒子 同 李肅 陳廉 高順 楊奉 魏悅 何

蒙侯成 陳宮 鳳翅盔 膝欄曳撒 袍 項帕 關末 卒子 劉末 正末 張飛 卒子 劉

末關末同前

第三折

呂布卒子正末張飛卒子八健將同前冀王同前十八路諸侯劉末關末同前

第四折

王允兔兒角幘頭從人補子項帕圓領冀王卒子劉表鮑信王曠張秀同前公

孫瓚趙莊田客劉羽孔融喬梅韓昇吳愼同前曹操韓愈陶謙袁術孫堅同前劉

末關末正末張飛王允又上同前

萬曆四十三年乙卯仲春二十有八日清常道人校內府本

張翼德三出小沛

原本卷端闕一葉每半葉十二行行二十至二十三字不等

闕名

〔上闕〕一箇是侯成。一箇是程廉。都是呂布手下大將。俺端的機謀廣有。武藝過人。旗開得勝。馬到成功。自得了徐州。俺呂布每日排筵。與俺衆將飲宴。今日元帥不知爲何。聚俺衆將三位將軍。俺見元帥去來。〔何蒙云〕魏將軍。今日元帥聚俺衆將。必有軍情事。俺見元帥去。可早來到也。小校報復去。道俺四將來了也。〔卒子云〕理會的。喏。報的元帥得知。有魏悅等四將來了也。〔呂布云〕着他過來。〔卒子云〕理會的。過去。〔做見科〕〔魏悅云〕元帥。俺四將來了也。〔呂布云〕您衆將不知。我想當日交遼回來時。無有寸地。因劉備借與俺小沛屯軍。我心中不足。今幸得了徐州。多虧您衆將用心。我今稱心滿意。爭奈俺城中欠少馬匹。我欲要差人去河北買馬。聚你衆將來商議。着誰人可領金銀前去。〔陳宮云〕元帥。別的將軍也去不的。有王斌吳慶。他二人河北路熟。可差他二人走一遭去。〔呂布云〕你說的是。小校與我喚將王斌吳慶來者。〔卒子云〕理會的。王斌吳慶安在。〔淨王斌吳慶上〕〔王斌云〕我是王斌。他是吳慶。但去廝殺。世不得勝。某乃王斌是也。這箇是我的姪兒吳慶。俺是呂布手下大將。俺兩箇但有差使。同行同坐。若是出陣廝殺去。不是他先走了。就是我先跑了。我和他手段都一般。今日元帥呼喚。不知那裡耍子。俺走一遭去。

〔吳慶云〕你休歪說。俺見元帥去來。小校報復去。說俺兩箇老叔來了也。〔卒子云〕理會的。〔做報科〕〔云〕喏。報的元帥得知。王斌吳慶二將來了也。〔呂布云〕着他過來。〔卒子云〕理會的。過去。〔二淨做見科〕〔王斌云〕老呂。你叫俺兩箇來怎麼。有酒擎來俺吃耍。〔呂布云〕你看這廝。你二人不知。某爲軍中欠少馬匹。你二人河北路熟。我與你些金銀。就領你手下軍校。前往河北買馬去。回來自有重賞。〔王斌云〕老呂。你倒會算計也。你往常在小沛差我兩箇。倒也罷了。如今你上這徐州。逐日喫酒兒。也則是多着我兩箇。就支出我兩箇去。你們快活吃酒。我不去。〔陳宮云〕王斌。你怎敢違令。因你河北路熟。差您二人去。辭了元帥。疾便長行。〔王斌云〕罷罷罷。老陳。看你的面皮。我兩箇走一遭去。吳慶。俺收拾行程買馬去來。疾便領金銀。河北去買馬。比及幹公事。一路快活耍。〔二淨同下〕〔呂布云〕他二人去了也。俺如今招軍買馬。積草屯糧。此爲大事。今日無甚事。衆將跟着我後堂中飲酒去來。自得徐州喜笑生。衆將箇箇顯功能。招軍買馬屯糧草。敢與敵兵去戰爭。〔同衆下〕〔劉末領卒子上〕〔云〕紀靈領衆報前仇。溫侯射戟解戈矛。今居小沛屯軍校。一時運拙失徐州。某姓劉名備字玄德。乃中山靖王劉勝之後。大樹樓桑人也。二兄弟姓關名羽字雲長。蒲州解良人也。三兄弟姓張名飛字翼德。涿州范陽人也。俺弟兄三人。與聖人多有功勞。後因陶謙三讓徐州。不期呂布作書已來拜見。某不合結爲昆仲。借他小沛屯軍。因張飛石

亭驛摔死袁祥。淮王着紀靈統軍報仇。某與雲長同去拒敵。不想三兄弟失了徐州。被呂布霸占。俺欲要復取徐州。有陳登勸諫此事不可。今紀靈未退。況淮王與呂布關親。俺又無屯軍之處。倘若呂布與紀靈結連共敵。奈俺兵微將寡。不如先將牌印齎送與呂布。保家屬出徐州。權在小沛屯軍。後呂布轅門射戟。紀靈回軍。今俺三人不得已在小沛屯軍。某想當日都是三兄弟失了徐州。悔之不及。今日某聚衆將來商議。小校看衆將來時。報復我知道。〔卒子云〕理會的。〔簡雍同陳登上〕〔簡雍云〕耀武揚威勇力強。英雄四海把名揚。臨軍對陣威風大。捨死忘生敢戰當。某乃簡雍是也。這位將軍是陳登。俺在劉玄德手下爲將。俺二人端的是智謀兼並。兵法高強。今日正在帳中觀看兵書。聞的聚將鼓響。必有軍情之事。陳將軍。俺見元帥去來。〔陳登云〕簡將軍。俺見元帥去來。可早來到帥府門首也。小校報復去。說俺兩箇將軍來了也。〔卒子云〕理會的。〔做報科〕〔云〕睹報的元帥得知。有簡雍陳登二將來了也。〔劉末云〕道有請。〔卒子云〕理會的。有請。〔二將做見科〕〔簡雍云〕元帥。聚俺衆將。有何軍情事也。〔劉末云〕等衆將來時商議也。〔糜竺糜芳上〕〔糜竺云〕三十男兒鬚未斑。好將英勇展江山。馬前自有封侯劍。何用區區筆硯間。某乃糜竺是也。這箇是兄弟糜芳。俺二人在劉玄德手下爲部將。俺多曾戰鬪。累建功勞。鞍不離馬。甲不離身。自從三將軍張飛失了徐州。俺衆將皆有不忿之心。晝夜躊躇。何日復取徐州。稱俺

平生之願。今日元帥聚俺衆將。兄弟俺到元帥府去來。〔糜芳云〕哥哥俺來到轅門首也。小校報復去。道有糜竺糜芳來了也。〔卒子云〕理會的。〔做報科〕〔云〕喏。報的元帥得知。有糜竺糜芳來了也。〔劉末云〕道有請。〔卒子云〕理會的。有請。〔二將做見科〕〔糜竺云〕元帥俺二將來了也。〔劉末云〕您二將且少待。等兩箇兄弟來時。自有主意也。〔正末扮張飛同關末上〕〔關末云〕智勇全才掌計籌。能驅戈甲統貔貅。武習孫吳知戰策。文通左傳翫春秋。某乃關雲長是也。蒲州解良人氏。兄弟張飛。涿州范陽人也。俺自失了徐州。心中好是煩惱。今在小沛屯軍。有哥哥聚俺衆將。不知有何軍情事。兄弟俺見哥哥去來。〔正末云〕二哥。不干別人事。都是您兄弟張飛。一時間火性。被呂布取了徐州。大哥若肯依着我。復去取徐州。有何不可。〔關末云〕兄弟將在謀而不在勇。權且在小沛城耐時。等俺計議定了。再做箇理會。〔正末云〕兀的不氣殺我也呵。〔唱〕

〔仙呂點絳脣〕不由我忿氣冲霄。心中焦燥。不是我行粗躁。他可也有甚英豪。氣的我大說高聲叫。

〔混江龍〕堪恨那無端曹豹。他暗將書信緊相邀。你兄弟一時失計。今日他霸占雄驍。〔關末云〕兄弟想呂布好生英勇。手下又有八健將。因此得了徐州。俺難與他交戰也。〔正末唱〕我則待戰馬屯合他地界。征夫圍遶外城壕。我若是親身到。將我這冤仇

復解。我着他難走難逃。〔關末云〕兄弟說話中間。可早來到也。小校報復去。道俺二人來了也。

〔卒子云〕理會的。〔做報科〕云。喏。報的元帥得知。有二位將軍來了也。〔劉末云〕道有請。〔卒子云〕理會的。有請。〔做見科〕〔關末云〕大哥。今日聚俺衆將爲何。〔劉末云〕兩箇兄弟。聚您來不爲別。想徐州被呂布占了。我晝夜悶倦。似這等幾時復取徐州也。〔正末云〕二位哥哥。我當日失了徐州。您兄弟願領兵復取徐州。若不得呵。您兄弟至死不見二位哥哥。〔關末云〕兄弟休躁。暴俺且在小沛。招軍買馬。積草屯糧。方可行兵。若造次征討。不能勝也。〔正末云〕二哥。可怎生忍的過這氣惱。好歹和呂布大戰一場也。〔唱〕

〔油葫蘆〕氣的我遍體淋漓似水澆。誰承望這一遭。惱的我性如烈火把油澆。

〔劉末云〕想當日你與呂布相持時。也多有威風也。〔正末唱〕想着那虎牢關獨自箇驅軍校。我和他相持對壘威風操。〔關末云〕兄弟。當日在虎牢關與呂布相持。他雖然戰不過你。那關外有十八路諸侯。兵多將廣。如今被他占了徐州。此城堅固廣闊。俺怎生取的此城。斷然不可去也。〔正末云〕哥哥你放心。〔唱〕憑着我丈八槍手內輪。豹月鳥坐下哮。殺的他屍橫遍野皆顛倒。穩情取血染錦征袍。〔劉末云〕三兄弟。你休要躁暴也。〔正末唱〕

〔天下樂〕空教我擦掌磨拳沒亂倒。不是我誇也波高。顯榮耀。則我這敢相持。

委實敵對少。〔關末云〕兄弟。呂布十分英雄。你近不的他麼。〔正末唱〕憑着我鞭一根。更和這槍一條。我則待殺三軍一陣掃。〔劉末云〕此事也依不的你。俺再做商議也。〔外卒子慌

上科〕〔云〕新安地界屬小沛。卻被賊人擾亂民。某乃小沛城瞭哨軍是也。我那地名是新安。近來有兩箇賊寇。領着數十餘軍兵。在俺地界攪擾百姓。我去元帥府中。說有一小卒來報軍情

事。〔卒子云〕你則在此。我報復去。〔做報科〕〔云〕喏。報的元帥得知。有一小卒來報軍情事。〔劉末云〕着他過來。〔卒子云〕理會的。過去。〔外卒子做見跪科〕〔劉末云〕你是那裡來的小軍兒。

〔外卒子云〕報的元帥得知。我是新安地界來的。近日間有一夥賊寇。在俺地方攪擾百姓。今來報的元帥得知。〔劉末云〕兀那小軍兒。你且一壁有者。〔外卒子起身科〕〔云〕理會的。〔劉末

云〕二位兄弟。可怎生。俺這地方上有這等賊寇生發也。〔正末云〕哥哥。這厮每合死也。〔唱〕

〔寄生草〕他怎生便沿村。將俺這百姓擾。我將這水磨鞭手。內頻頻搭點鋼槍。款款輕輕遠。我着他霎時間。一命無消耗。他莫不銅心鐵膽。在村莊。〔云〕哥哥。我去巡綽去也。〔唱〕不隄防。今番太歲忽來到。〔關末云〕大哥也罷。着三兄弟巡綽。走一遭去。

〔劉末云〕兄弟。你去則去。則休要躁暴也。〔正末云〕哥也。你放心。兀那軍人。你跟了我來。〔外

卒子云〕理會的。〔正末唱〕

〔尾聲〕我可也有斟量無差錯。豈比那前番兩遭。他若是將咱廝撞着。我一一的問箇根苗。也不索逞英豪。〔劉末云〕兄弟。小心在意者。〔正末唱〕我可也自有量度。我把那廝索綁繩縛。押解着。〔關末云〕那廝若不從你。怎了也。〔正末唱〕他若是施逞勇躍。將咱違拗。則我這鋼鞭起處不輕饒。〔同外卒子下〕〔劉末云〕三兄弟去了也。此一去必然剿捕了草寇。若回來時。與三兄弟排筵慶功。無甚事。衆將跟某後帳中去來。賊兵攪擾在村莊。多應劫擄草和糧。張飛此去活拏住。斬首安民在路傍。〔同下〕

楔子

〔淨王斌吳慶領卒子擡櫃扛上〕〔王斌云〕差遣河北去買馬。金銀押扛度前川。自從出了城門外。隨路問人則要錢。自家王斌是也。這箇是吳慶。俺兩箇奉交遼王呂布將令。着俺領了這金銀櫃扛。往河北買馬去。俺二人自離了城門。隨路州縣問他則要錢鈔。我是官差。怕他不與。我今來到新安。一箇好熱鬧所在。吳慶我本待就要行來。我想買馬去。又無箇限期。在這裡要幾日。可不好。〔吳慶云〕哥說的是。我和你是官差的人。百姓每有好東西。我每要他些。也是便宜。好酒好肉。吃了他的。他不敢問俺要錢。不打他還是好哩。這村裏熱鬧。俺討些盤纏去來。〔正末躍馬兒領外卒子上〕〔正末云〕某乃張飛是也。奉哥哥將令。說這村中賊寇。閹擾百姓。着我巡綽。走一

遭去。可早來到新安。噯也。〔正末做攔科〕〔云〕兀那兩箇匹夫。那裡去。您是何人。敢來攔擾我百姓。〔吳慶云〕哥不好了。撞着張飛來了。〔王斌云〕不妨事。我與他說去。張將軍老叔。你不知道。我兩箇是交遼王呂布手下兩員部將。王斌吳慶奉俺元帥將令。着我領着金銀櫃扛。河北買馬去。路往這裡經過。討些盤纏。不干你事。你休管他。〔正末做怒科〕這厮好無禮也。量你那敗將呂布。打甚麼不緊也。〔王斌云〕俺元帥是人中呂布。把你看不在眼裡。〔正末唱〕

〔賞花時〕賣弄你呂布威儀將令嚴。上口不啗下口啗。惱的我不鄧鄧怒重添。我將這鋼鞭。可也輕颺。〔做打王斌科〕〔云〕着去。〔王斌云〕咬約我死也。〔下〕〔吳慶云〕不好了。不知怎生打死了王斌。我也走了罷。走走走。〔下〕〔正末云〕這兩箇匹夫走了也罷。我不趕你。小校押着櫃扛回家去來。〔外卒子云〕得令。〔正末唱〕我則索將櫃扛緊相監。〔同衆押櫃扛下〕

第二折

〔呂布同陳宮楊奉侯成李肅程廉魏悅高順何蒙領卒子上〕〔呂布云〕每日開筵列綺羅。仙音嘹唳沸笙歌。廣排宴會終朝飲。盡醉開懷樂事多。某乃呂布是也。今日無甚事。分付安排酒殺衆兄弟暢飲數杯。有何不可。小校一壁廂安排果卓者。〔卒子云〕理會的大王。果卓有了也。〔呂布云〕衆弟兄每。俺慢慢的飲酒。看有甚麼人來。〔吳慶慌上〕〔云〕張飛生的無道理。賞了王斌一

鐵鞭自家吳慶是也。我正與王斌在新安墮耍子兒。不想撞將張飛來。把俺攔住。王斌方纔回言。被張飛則一鞭打死了。我若走的遲了。我這頭也是兩半箇了。我日夜跑回徐州來。可早來到也。小校報復去。道有吳慶來了也。〔卒子云〕理會的。〔做報科〕〔云〕報的大王得知。有吳慶來了也。〔呂布云〕着他過來。〔卒子云〕理會的。過去。〔做見科〕〔呂布云〕吳慶某。着你買馬去。你怎生回來了。〔吳慶云〕元帥禍事了也。我與王斌押着櫃扛。走到新安墮。不想撞見莽張飛來。把俺攔住。王斌則說了一聲交遼王。被他一鞭打死了。將元帥百般毀罵。我若跑的遲了。我也活不成。櫃扛都着他奪的去了。特來報知元帥。〔呂布做怒科〕〔云〕且饒你這匹夫。一壁去者。這環眼漢無禮也。更待干罷。衆兄弟每。跟我到教場中。點就三軍。去小沛拏張飛報仇。走一遭去。今朝一日統戈矛。殺的他野草閑花滿地愁。拏住張飛親殺壞。恁時方表報冤仇。〔同下〕〔劉末同關末領簡雍糜竺糜芳上〕〔劉末云〕只因躁暴剛強性。引起刀兵鬪戰爭。某乃劉備是也。自從三兄弟新安墮巡綽。將呂布買馬金銀邀來。又將王斌打死。今呂布領兵圍了小沛。今聚衆將商議此事。我說當日休着他去。果然惹起刀兵來。似此怎了也。〔關末云〕哥哥。此事不可埋怨三兄弟。呂布雖然困住俺城池。某今在城上略展機謀。謹定城池。他便兵多將廣。也不敢打城。等三兄弟來。再做商議。這早晚敢待來也。〔正末上〕〔云〕某乃張飛是也。自從打死了王斌。截了他買馬金銀。今呂布

領軍來圍了俺小沛。我正要與這匹夫戰幾合哩。某觀呂布到的那裡也呵。〔唱〕

〔中呂粉蝶兒〕堪恨這濯足的無徒。他怎敢領兵來把咱欺負。不是我逞雄威。膽大心粗。者莫他猛軍多能將廣。盡都是犬羊畜物。氣夯胃脯。憑着我敢衝軍。有誰遮護。

〔醉春風〕想着我大鬧杏林莊。赤心扶漢主。〔云〕想當日虎牢關十八路諸侯。不曾得呂布的半根兒折箭。被我殺的他大敗而走。〔唱〕那場廝殺比高低。將功勞取。取則我這武藝過人。威風赳赳。他怎敢將咱小覷。〔云〕可早來到帥府也。見哥哥走一遭去。不必報復。我自過去。〔做見科〕〔云〕二位哥哥。您兄弟來了也。〔劉末云〕三兄弟來了也。如今呂布圍了城。

都是你惹下的事。當日你去巡綽新安。我分付你休使躁暴。既是呂布差去買馬的軍將。你該放過他去。誰着你鞭打死王斌。又將金銀櫃扛邀將來。都是你惹的刀兵。似此怎了也。〔正末云〕哥哥。這場事是您兄弟惹的。我和那呂布比試三合。怕他做甚麼。〔劉末云〕兄弟也。你又躁暴。看了呂布。他那裡兵多將廣。八健將當先。你便要與他相持呵。也不與俺商量。你真箇忒躁暴也。〔正末云〕二位哥哥。不是您兄弟誇大言。憑着您兄弟手中槍。跨下烏騅馬。量呂布到的那裡也。

〔唱〕

〔迎仙客〕你看我展虎軀。領軍卒。殺的他將和軍有誰人有誰人敢做主。豹月鳥緊咆哮。丈八矛手內舉。者其他百萬征夫。我殺的他屍積滿街衢路。〔劉末云〕兄弟。你休一勇性就要行兵。等俺慢慢的商議。你休躁暴也。〔正末云〕罷罷罷。兩個哥哥。您與衆將計議。我且回去。等您商議停當了時。喚您兄弟來。〔關末云〕好好好。三兄弟。你且回後廳。俺與衆將計議了。便着人請你來。〔正末云〕您兄弟理會的。〔正末做出門科〕〔云〕我出的這門來。兀的不氣殺張飛也。兩箇哥哥。又不着我領軍與呂布相持。又不和我計議。着我且回後廳去。這場事本是我惹下的。我也不怪俺兩箇哥哥。罷罷罷。我如今身做身當。殺出陣去。問曹操求救軍。來和呂布相持。可不強似着俺哥哥臨陣。某問曹操借軍去也。〔虛下〕〔劉末云〕三兄弟回去了也。您衆將近前來。俺如今則不如與呂布講和爲上。等三兄弟來說俺計議了也。看有甚麼人來。〔外卒子上〕〔云〕似此將軍寨中少。殺出重圍大勢軍。自家是把北門的軍校。今有三將軍張飛。出了北門。殺出陣去。問曹丞相借軍去了。不敢隱諱。報與元帥去。可早來到也。不必報復。自己過去。〔做見科〕〔云〕報的元帥得知。小人是守把北門的軍校。有三將軍出了北門。殺出陣去。問曹丞相借軍去了。特來報知。〔劉末云〕二兄弟。你看張飛火性。他就殺出陣去。問曹丞相借軍去了。俺不可在此。去北門城上。看三兄弟打陣去來。三兄弟武藝高強。全憑他躍馬長槍。上城去一同

觀望。殺敵軍方顯名揚。〔同衆下〕〔呂布躍馬兒領卒子上〕〔云〕只因王斌傷其命。今日圍城來報仇。某乃呂布是也。頗奈環眼漢無禮。將某買馬金銀奪去。又將王斌打死。某領軍圍了小沛。單搦張飛出馬。與某交戰。擒拏了張飛。方稱某平生願足。小校來報說。北門上有軍將殺出陣來也。小校擺開陣勢。看有甚麼人來。〔正末躍馬兒上〕〔云〕某乃張飛是也。打出陣間。曹丞相借軍。走一遭去。俺二位哥哥。百般堵當。則說呂布英勇。量他到的那裡也。〔唱〕

〔紅繡鞋〕俺哥哥將咱來小覷。因此上我心中怨氣難舒。他道是不相持共議定機謀。我如今親打陣殺征夫。我問那曹丞相借士卒。〔呂布云〕來者何人。怎敢冲某三軍。那裡去。有某在此也。〔正末云〕呂布。你不認的你爹爹了也。〔呂布云〕這環眼漢。這等無禮。怎敢在吾跟前稱爺道父的。休走。吃吾一戟。〔做戟刺科〕〔正末云〕兀那呂布。量你到的那裡。某和你略闢三合。〔做戰科〕〔唱〕

〔石榴花〕惱的我不鄧鄧怒氣怎生除。我這裡急急驟征駒。則我這手中槍與你面情無。你隄防着槍到處性命難圖。據着你罪犯難容恕。占徐州施逞權謀。卻着我見哥哥。無語慚羞處。今日箇得見你。莫支吾。

〔鬪鶴鵲〕我直殺的你入地無門。你可也昇天無去路。〔呂布云〕這環眼漢好武藝。

也〔正末唱〕我見他馬蹏人慌。多應是筋乏筋乏力弛。我這裡抖擻精神展虎軀。我見他手亂促。〔呂布云〕這環眼漢是強。我不能敵的住他。撥回馬。走走走。〔同卒子下〕〔正末云〕休慌。某不來趕你。〔唱〕我見他敗走如飛。我卻早沖開咬去路。〔云〕呂布走了也。俺打出陣去。問曹丞相借軍去來。〔唱〕

〔尾聲〕呂溫侯大敗歸。俺從容踐路途。見曹公細說緣何故。我直要復取了這徐州。將我這願心足。〔下〕

楔子

〔曹操領卒子上〕〔云〕廣看兵書敢戰爭。孫吳妙策腹中存。日生謀計施心力。獨統雄威百萬兵。某姓曹名操字孟德。沛國譙郡人也。幼習先王典教。後看韜略遁甲之書。某曾爲隨軍參謀。爲某累建奇功。謝聖人可憐。官封大漢左丞相之職。某軍有百萬。將有千員。我一心要招安劉關張弟兄三人。在某手下爲將。遂某平生之願。可是爲何。想呂布那般英雄。被他三人破了。某若得了他弟兄。愁甚麼大事不成。今日無甚事。在這秋月堂上閑坐。小校門首覷者。若有軍情事。報復某知道。〔卒子云〕理會的。〔正末上〕〔云〕某張飛是也。殺出陣來。可早來到丞相府也。小校報復去。道有張飛特來見丞相。〔卒子云〕理會的。〔做報科〕〔云〕喏。報的丞相得知。有張飛來見丞相。〔曹

操云。道有請。〔卒子云〕理會的。有請。〔做見科〕〔曹操云〕三將軍。你在那裡來。〔正末云〕丞相。張飛無事不來。因呂布無禮。占了俺徐州。又着手下軍將。侵擾人民。被我打死了王斌。他今領兵來圍了小沛。某奉俺哥哥將令。着某殺出陣來。問丞相借軍。望丞相勿阻是幸。〔曹操云〕三將軍。有玄德公的書麼。〔正末云〕因某來的慌速。不曾修的書呈。〔曹操云〕這事我也難信。呂布那般英勇。既圍了小沛。你如何殺的出來。又無書呈。我軍便借與你。問你哥哥討了書來。我便發兵與你。你火速回來者。〔正末云〕既許了借兵。我取書去。若取的書來。休要翻悔也。〔曹操云〕某一言既出。駟馬難追。你若取的書來。我便發兵與你。〔正末云〕謝了丞相。我問俺哥哥取書去也。〔唱〕

〔賞花時〕量那箇濯足無徒有甚強。我又索匹馬單刀撞戰場。見呂布舉鋼槍。不怕他兵多也。那將廣。到城中得書信便回鄉。〔下〕

曹操云。張飛去了也。某因他無書。心上疑惑。若取的書來。點就本部下人馬。助他一陣。可是爲何。若恩結下他弟兄三人。久後必有用處。某且回後帳中走一遭去。劉關張英勇無敵。借軍兵廝殺相持。憑謀略生擒呂布。那其間能干戈得勝方回。〔同下〕

第三折

〔劉末同關末簡雍糜竺糜芳領卒子上〕〔劉末云〕張翼德心性躁暴。撞軍營去借曹兵。某乃劉

玄德是也。誰想三兄弟張飛。瞞着俺二人。殺出陣去。問曹丞相借兵。不期曹操見無某的書呈。不發救兵。張飛復殺入城來。問我討書。某修了一封書。三兄弟又衝陣去了。某與衆將在城上。看兄弟衝陣。二兄弟。你看兀那正西上來的。敢是呂布的人馬麼。〔關末云〕哥哥。那來的人馬。打的旗號。正是呂布來了也。〔劉末云〕二兄弟。俺張飛必然與他交戰也。料想呂布不能取勝。俺在城上與他鳴鑼擊鼓。吶喊搖旗。與他助陣。兀的不是呂布當住去路也。〔呂布驢馬兒同陳宮楊奉高順魏悅何蒙侯成程廉李肅領卒子上〕〔呂布云〕撞陣衝營張翼德。欺吾來往殺三軍。某乃呂布是也。今領軍圍了小沛。報買馬之仇。頗索張飛欺吾太甚。往來衝殺三軍。更待干罷。某截住去路。兀的不是張飛來了也。〔正末驢馬兒上〕〔云〕某乃張飛是也。問大哥討了書呈。撞陣去來。看了呂布那等英勇。被某殺出陣去。端的是罕有也呵。〔唱〕

〔越調鬪鶴鶉〕憑着我敢勇當先。威風氣象。我端的是萬將難截。便有那千軍怎當。世上無敵。不是我自誇自獎。怕甚麼惡鬪爭。苦戰場。英勇奪魁。誰人將我近傍。

〔紫花兒序〕鞍上將威風赳赳。坐下馬踢跳咆哮。手中槍攪海翻江。殺的他三軍棄命。太半着傷。慌忙。你看我耀武揚威這一場。難躲難藏。憑着我虎將神威。

狀貌堂堂。〔呂布云〕兀的不是張飛來了也。兀那環眼漢。你兩番衝某陣勢。及早下馬受降。〔正

末云〕兀那家奴。是你第三箇爺衝陣來。你敢與我交戰麼。〔呂布云〕環眼漢少走。小校操鼓來。

〔做戰科〕〔正末唱〕

〔調笑令〕打這厮口強逞輕狂。呀。我着你目下時間惹禍殃。〔呂布云〕兀那張飛。你怎敢又來衝陣。今朝拏住。決無干休。〔正末唱〕我今番將你無輕放。要逃生怎的潛藏。方天戟我眼前怎堵當。你須是認的我丈人長槍。〔呂布云〕不濟事。撥回馬。走走走。〔正

末唱〕

〔禿厮兒〕箭離絃颼颼去響。我見他透重鎧左臂着傷。俺早則三軍蕩散。出了戰場。〔云〕呂布被某戰退了。殺出這陣來。我看這書者。〔做尋書科〕〔云〕嗨。可怎了也。不見了哥哥的書也。〔唱〕我恰纔拔箭。是少斟量。卻不隄防。〔云〕不見了書呈。怎生見曹丞相去。俺復殺入城去來。〔唱〕

〔聖藥王〕俺又索入戰場。再鬪強。〔做衝陣科〕〔唱〕我見他兵橫馬亂盡慌張。俺可也馬又奔。人又強。如鷹蕩鵠盡飛揚。復殺至俺城牆。〔劉末云〕兀的不是兄弟。又復殺回來了也。〔正末云〕哥哥不要開城門。兄弟一時不小心。掉了書也。再修一封書來。與您兄弟。

哥哥修完時。縛在箭上射下來。〔劉末云〕小校快將紙筆來。〔卒子云〕理會的。〔做取紙筆科〕
〔云〕紙筆在此。〔劉末云〕將來。〔做寫書科〕〔云〕我寫就了也。我縛在這箭上。〔做射箭科〕〔云〕
兄弟收了書者。〔正末做收箭科〕〔云〕哥哥。有了書也。我與你再衝出陣去。〔呂布同陳宮楊奉
魏悅何蒙侯成高順程廉李肅領卒子上〕〔呂布云〕兀的不是張飛。這匹夫又殺出陣來了。俺
迎將去來。〔陳宮云〕元帥。兀的不是張飛。他怎生又復撞出陣來了。〔呂布云〕小校將征旗遮住
我面皮。俺往左手下過去。讓他右手出陣去罷。俺回本營中去來。〔同八健將卒子下〕〔正末云〕
且休趕這賊。俺且借軍去來。〔正末唱〕

〔尾聲〕今日箇衝軍撞陣施雄壯。他那密密匝匝征旗亂揚。我若是借軍回。我將
他擎至城中將您這大軍賞。〔下〕〔劉末云〕二兄弟。你看俺三兄弟殺呂布。正日而不敢視
之。真乃是虎將。曹丞相見了我的書呈。必發軍來。與呂布交戰。俺如今且下城回帥府中去來。俺
兄弟英雄罕見。殺呂布旗旛掩面。借軍回復取徐州。稱了俺平生之願。〔同衆下〕

第四折

〔曹操領卒子上〕〔云〕歡來不似今朝。喜來那逢今日。某乃曹孟德是也。自從張飛三出小沛。某
領雄兵將呂布一戰成功。復取了徐州。呂布退回小沛。某領雄兵。今在此大營中排筵。與張飛并

衆將慶功。小校轅門首覲者。衆將來時。報復某知道。〔卒子云〕理會的。〔劉末同關末糜竺糜芳簡雍上〕〔劉末云〕不是張飛施英勇。豈得成功一戰中。某乃劉玄德是也。今有張飛問曹丞相借了軍兵。一陣成功。復取了徐州。又蒙丞相在此大營。與俺慶功。二兄弟。俺與衆將行動些。〔關末云〕大哥。想兄弟張飛。憑驍勇三出小沛。曹丞相借與俺大軍。復取了徐州。又蒙丞相置酒張筵。與俺弟兄每慶功。此恩非淺。俺說話中間。可早來到大營門首也。小校報復去。道有劉玄德同衆將來了也。〔卒子云〕理會的。〔做報科〕〔云〕喏。報的丞相得知。有劉玄德同衆將至此也。〔曹操云〕道有請。〔卒子云〕理會的。有請。〔做見科〕〔劉末云〕丞相。俺自破呂布之後。與丞相一別許久。今因呂布在徐州作亂。兄弟張飛三出小沛。問丞相求救。助俺大勢雄兵。一戰成功。若不是丞相厚德。豈能復得徐州之地。今日又勞置酒張筵。劉備何以克當也。〔曹操云〕玄德公。今日慶功。正當其禮。不勞謙讓。小校望者。若張翼德將軍來時。報復某知道。〔卒子云〕理會的。〔正末上〕〔云〕某乃張飛是也。自從某三出小沛。曹丞相統兵。助某一戰成功。復取了徐州。今日丞相與我慶功。須索走一遭去。想某三出小沛。投至的得了徐州之地。非同容易也呵。〔唱〕

〔雙調新水令〕投至我取徐州。一戰建奇功。仗英雄撞軍當衆。憑着俺人強并馬壯。出入任縱橫。端的也顯耀威風。齊唱那凱歌送。〔云〕可早來到大營也。小校報復

去道有張飛來了也。〔卒子云〕理會的。〔做報科〕〔云〕喏。報的丞相得知。有張飛來了也。〔曹操云〕道有請。〔卒子云〕理會的。有請。〔做見科〕〔正末云〕丞相。張飛來了也。〔曹操云〕三將軍。今衆將皆全。則等將軍來。方纔行酒慶功。想當日三將軍來問我借兵。三出小沛之威。眞乃虎將。世之罕有也。〔正末云〕非是張飛之能。試聽某說一遍者。〔唱〕

〔駐馬聽〕託着俺二位家兄。丞相威權八面風。因此上來回廝擁。三出小沛殺場中。溫侯大敗不能攻。征旗遮面心驚恐。顯衆將能將俺這徐州復取歡聲動。〔曹操云〕三將軍。你將你那復入小沛取書一事。怎生與呂布交戰。呂布征旗掩面。不敢視之。你慢慢的再說一遍。與衆將聽者。〔正末云〕丞相不嫌絮煩。聽某慢慢的再說一遍者。〔唱〕

〔鴈兒落〕則爲我收書在弧矢中。仗猛烈兵機用。呂溫侯交戰馬。惡眼眼征驄縱。

〔得勝令〕呀。來時節狀貌氣衝衝。殺的他大敗去無蹤。我則待箭射他翻身落。誰承望掉失了書一封。復殺回城中。俺哥哥急拴在鵬翎上送。再逞我英雄。〔云〕那呂布見某又殺出陣來呵。〔正末唱〕諛的他把征旗半掩容。〔曹操云〕不枉了好將軍。小校擡上果卓來者。〔卒子云〕理會的。〔做擡果卓科〕〔卒子云〕丞相。果卓在此。〔曹操做把盞

科〔云〕小校將酒來。〔卒子做斟酒科〕〔曹操云〕三將軍滿飲此盃。〔正末云〕丞相二位哥哥在上。張飛怎敢先飲。〔曹操云〕既然三將軍不肯先飲。小校將酒來。衆將共飲一杯。有何不可。〔衆做把盞科〕〔正末云〕感蒙丞相置酒張筵。如此受用。是好豐富也。〔唱〕

〔沽美酒〕笑吟吟飲興濃。喜孜孜捧金鍾。〔曹操云〕想三將軍雄威赳赳。狀貌堂堂。天下絕矣。今日破了呂布。建其大功也。〔正末唱〕則爲俺領將驅兵建大功。用機謀共同。借軍卒助威風。〔曹操云〕想某與您弟兄三人助軍。破了呂布。皆重三將軍之英勇也。〔正末唱〕

〔太平令〕弟兄每深蒙恩重。定干戈士馬匆匆。〔曹操云〕今日太平無事。共樂豐年。堪宜宴享也。〔正末唱〕太平年謳歌相誦。降禎祥來儀麟鳳。呀。則爲俺智勇敢攻。盡忠保護的萬萬載蠻夷朝貢。〔曹操云〕您衆將望闕跪者。聽聖人的命。則爲那呂溫侯侵占徐州。因此上結下冤仇。擾黎民荒淫貪慾。仗英勇獨戰諸侯。張翼德三出小沛。劉玄德統領貔貅。逞威風掃除奸佞。施謀略善運機籌。能征塵干戈寧息。靜狼煙永滅戈矛。盡忠心孝當竭力。萬萬載輔助皇州。

題目

曹丞相大破溫侯

正名

張翼德三出小沛